

*image
not
available*

S. II.

162.

JOHANNIS WESSELII
DISSERTATIONES
ACADEMICÆ

AD SELECTA QUÆDAM LOCA
VETERIS ET NOVI TESTAMENTI.

Accedunt
ORATIONES DUE
PRIMA

DE ADMIRANDA GENTIS JUDAICÆ IN
HUNC USQUE DIEM CONSERVATIONE.

ALTERA
IN OBITUM MAGNI THEOLOGI
JOHANNIS MARCKII.

Præfixa est PRÆFATIO, in quâ, præter
alia pauca, continentur
VINDICIÆ DISSERTATIONIS

Ultimæ
DE NATURA PECCATI.



LUGDUNI BATAVORUM,
Apud SAMUELEM LUCHTMANS, 1734.
Bibliopolam & Typographum Academiæ.



DEDICATIO

*NOBILISSIMIS, AMPLISSIMIS
SPECTATISSIMISQUE*

VIRIS AC DOMINIS

D. GYSBERTO VAN HOGENDORP,
BARONI DE ST. JANSTEEN, LIBERO DO-
MINO DE HOFWEEGEN, DOMINO CURIÆ
DELPHENSIS, VRYENBAN, WOUT ET
WOUTHARNAS, ETC. ETC.

FOEDERATI BELGII QUÆSTORI GENERALI.
FRATRI AFFINI.

D. DIDERICO VAN HOGENDORP, J. C.
CIVITATIS ROTTERODAMENSIS SENA-
TORI, NUPER EX ILLUSTR. ET PRÆPOT.
ORDINUM, HOLLANDIÆ ET WESTFRISIÆ
CONSESSU AD ORDINANDA DENUO Æ-
DIUM VECTIGALIA PER TOTAM HOL-
LANDIAM AC WESTFRISIAM DELEGA-
TO, ETC. ETC.

D. ENGELBERTO VAN BERKEL, J. C.
URBIS ROTTERODAMENSIS SENATORI,
COLLEGII QUONDAM ARCHITALASSICI,
QUOD EST AD MOSAM, ASSESSORI,
DEIN CIVITATIS ROTTERODAMENSIS
PRÆTORI.

NUNC
CONSULI
UT ET
SOCIETATIS INDICÆ CURATORI, ETC.ETC.

D. JOHANNI VAN RIEBEEK,
CIVITATIS DELPHENSIS
SENATORI.

SUIS, EX FRATRE ET SORORE PER
APFINITATEM, NEPOTIBUS.

VIRIS

VIRIS

MAJORUM STEMMATE, PATERNORUM AVITORUMQUE
IN PATRIAM ET REMPUBLICAM MERITORUM
SPLENDORE FULGENTIBUS

VENERANDA CANITIE, SENILI PRUDENTIA,
SPECTATA INTEGRITATE, ADMIRANDA
VIRTUTE CONSPICUIS

VERÆ FIDEI, PURÆQUE RELIGIONIS,
AC LIBERTATIS BATAVICÆ
CULTORIBUS ET ASSERTORIBUS FORTISSIMIS,
ECCLESIE REFORMATÆ
FULCRIS

HASCE DISSERTATIONES ACADEMICAS,
AD SACRÆ SCRIPTURÆ ILLUSTRATIONEM,
DOCTRINÆ SANÆ CONFIRMATIONEM,
ET DEFENSIONEM, AC SACRÆ
JUVENTUTIS INSTITUTIONEM,
CONSCRIPTAS

IN OBSERVANTIÆ SUÆ AC SINCERISSIMÆ
ANIMI AFFECTIONIS
PUBLICUM TESTIMONIUM
DICAT ET OFFERT.

ET

ET SIMUL
OMNIGENAM FELICITATEM,
NOMINIS ET SPLENDORIS PERENNITATEM,
POSTERITATIS SERÆ PERPETUITATEM,
MAJORIBUS NEPOTES MAJORES,
VALETUDINIS ROBUR INCONCUSSUM
MUNERUM GRAVISSIMORUM EXOPTATISSIMOS
SUCCESSUS
SANCTAM ANIMI SERENITATEM,
BONORUM CIVIUM AMOREM,
VITAM DENIQUE SALUTEM ET OMNIA:
AB OMNIS BONI ET DONI FONTE
DEO TRIUNO,
APPRECATUR

JOHANNES WESSELIUS.


PRÆFA.



PRÆFATIO

AD

LECTOREM.



ADHINC septennio quidam levis armaturæ miles me coegit arma capere: Pro Filio Dei Æterno ac Naturali, quem Ille, cum pessimis & ab Ecclesiâ damnatis Hæreticis, Nestorianis inprimis ac Adoptianis, in Filiorum Adoptivorum ac Metaphoricorum, & proinde quoque, Deorum Nuncupativorum Ordinem audaci instituto ac vehementi nisu redigere conabatur: & Pro Ecclesiâ Nostrâ Reformata, quam ille hujus erroneæ opinionis insimulare, quamque idem plane hoc in Capite secum sentire ac profiteri, inauditâ temeritate asserere, haud dubitabat: & de-

6

nique

P R Æ F A T I O

nique Pro me ipso, meaque Famâ ac Orthodoxyâ, quam utramque ille extremo implicare discrimine nefariis ausis adlaborabat, traducendo me ut *Impostorem & Heterodoxum*, ut qui Ipse non solùm ab *Ecclesiâ Orthodoxâ sententiâ recederem*, sed etiam sententiam *mibi propriam*, & hætenus in *Ecclesiâ inauditam Orbi erudito obtruderem* ut communem & receptam. Sic provocatus, coactus quidem atamen lubens, in hanc arenam descendi pro *Gloria Unigeniti & Proprii Filii Dei*, & conscripsi Librum, cui Titulus est, *Nestorianismus & Adoptianismus Redivivus Confutatus*. In quo *Unicam* modò *Christi Filiationem Divinam* asserui; & hanc sententiam Communem ab Objectionibus, non modò hujus Velitis (utpote quæ tam operosam refutationem non merebantur, nec mihi Librum integrum a *capite ad calcem adversus ipsum*, ut sibi stultè imaginatur, conscribendi necessitatem imponebant) sed etiam Veterum Hæreticorum, qui præter ea quæ ille movit, & alia bene multa tela in æternam hanc Veritatem intenderant. Et ut ex eo plus utilitatis redundaret in puræ nostræ Religionis Cultores, Omnesque Scripturarum Sacrarum ac Historiarum Ecclesiæ Studiosos, Loca quædam Scripturæ insignia simul illustravi; Nestorii, Veterumque Adoptianorum, de quibus vix quicquam antea inaudiverat Noster, sententiam ex Veterum Monumentis erui; de Fide Ecclesiæ ante Concilium Nicænum, ante Nestorium, ante Vorstium ac Remonstrantes, & post tempora Vorstii ac Episcopii, diligenter egi; ut simul vanam Hominis jactantiam de priscâ Ecclesiâ Catholicâ secum.

A D L E C T O R E M.

cum sentiente, atque iniquam de Doctorum Ecclesiae nostrae Reformatae cum Adoptianis Consensione criminationem retunderem; Inprimis quoque de Titulo *Primogeniti* Christo dati, ex quo Adoptiani olim, & Noster hodie, pro Christo *Filio Dei Metaphorico* argumentati sunt, differui, atque ostendi hunc Titulum Christo dari in Sacris, nunquam relatè ad Deum Patrem, sed semper relatè vel ad Creaturas omnes, vel ad Fideles, & absque ulla *Geniturae connotatione* significare *Dominum & Principem*: quemadmodum absque ullo ad *Genituram* respectu Diabolus in Libro Jobi appellatur *Primogenitus mortis* cujus habet ex peccato imperium, atque à Græcorum Vetustissimis, & Judæorum Doctoribus Deus vocatus est *Primogenitus Mundi*, omniaque Gubernans Providentia *Primogenita* dicta est. Cui Libro meo cum opposuisset ille *Exercitationes* quasdam cum *Mantissa* anno hujus seculi vigesimo octavo, ego anno sequente *Censuram* in illas, atque *Dissertationem* de *Christo Primogenito* ad Heb. 1. 6. in Academia ventilandas proposui. Quas nunc publici Juris feci, nec amplius in angustiis Academiae nostrae Cancellis concludendas judicavi; ut *omnibus* constaret incredibilis Adversarii in defendendis manifestis erroribus pertinacia, & quinam sint Errorum Ejus atque Clamorum de Reformatae imo Catholicæ Ecclesiae omnis secum Consensione, Fontes, quomodo in Argumentis ac Ratiociniis suis continuè committat vitium ignorationis Elenchi, & quam ridiculis andabatarum more ictibus pugnet, & denique quam injustè me tot tantarumque calumnia-

P R Æ F A T I O

rum reum peregerit. Et speciatim præmissi Dissertationem illam de *Christo Primogenito*, quæ est in hoc Opere ordine xvi; ut pressius adhuc demonstrarem, Christum in Scripturis; *neque* cum *Geniturae Divinae connotatione* vocari *Primogenitum*; neque ita vocari posse, ob generationem Divinam, vel propriam vel metaphoricam; neque hoc absurdum ac inauditum esse, ut ille continuè clamat, *Primogeniti titulo Generationem non* comprehendere. Quod non modò ex exemplis allatis constat, sed & in aliis, inprimis dignitatis ac Imperii vocibus reperitur. Nempe Christus dicitur absque *Geniturae* significatione *Primogenitus*, eo modo quo Imperatores Romani *Cæsares* dicti sunt, tantum propter *Imperium*, non autem quia, vel ex utero matris *cæsi*, vel cum Cæsarie magnisque crinibus nati sunt. Et eo magis edendam censui utramque hanc Dissertationem XVI. & XIX, quia Adversarius, (qui legisse se *Censuram* & Dissertationem de *Primogenito* fatetur) *Scriptum* quoddam *Belgicum* nuper edidit. In quo Lectori, qui Latina non legit, insinuare haud erubescit, me ad ea, quæ ille ex Loco *Heb. i. 6.* pro Christo Primogenito *Dei Filio* dicto attulerat, nihil hætenus respondiisse. In quo porro provocat ad Classium Judicium, num Christus non dicatur *Primogenitus Dei* in Sacris, & annon hic Titulus includat vel postulet genituram, nec tangens nec curans ea quæ & antea & nunc in hisce Dissertationibus ea de re scripseram. In quo amplius dicere sustinet, *Paucissimos* Theologos pro unica Filiatione Christi Divinà stare; & non tantum *Hommium* &
Urst

A D L E C T O R E M.

Ursinum (de quibus id non liquet, ut ostendi) sed & *Coccejum*, *Altingium* (de quibus hoc aperte falsum est) imo *Nubem testium*, *Centenosque alios* se adduxisse secum facientes, præter innumerabiles rationes, (quod addit circulatorum more) quarum *Catalogum* in isthoc scripto Belgico non exhibet, quia scilicet *ingens multitudo earum*, *Lectori tædium crearet*; imo ait, *gratias sibi deberi publicas*, eò quod *quotidie* *Cognitionem mysteriorum Fidei majorem & sublimiorem* efficiat: Scilicet per scripta sua *Typomaniam* ad ludibrium Religionis nostræ ubique spirantia, & quia Veteres & Recentiores Hæreticos sequutus viam imprudenter & cum pertinacia aperuit, quæ ducit, vel ad Divinam Christi Filiationem propriam & æternam, vel ad Unitatem Personæ Christi, negandam. In quo *Scripto* præterea falsò & malitiosè ait me Hæreticis adnumerare omnes qui dicunt, Christum *Primogeniti* titulo referri ad Deum Patrem, cujus contrarium, & ex prænominato Libro meo, & ex Dissertatione XVI. *De Christo Primogenito* luce meridiana clarius apparet. In quo *Scripto* denique; ex eo quod monueram, nihil honoris ac gloriæ accedere Filio Dei proprio per *Metaphoricam* Filiationem, quia *eminenter* id perfectionis habebat ut Filius proprius, quod in Filio metaphorico invenitur; perversè & sophisticè infert; ergo Christum non debere dici *servum Dei* quia in eminentiori Titulo Filii illa *servi* latet: nam debuisset dicere, Christum ideo quæ *Servum Dei & Mediatorem* non debere vocari *Filium Dei* metaphoricum, qui ab æterno fuit *pro-*
b 3
prius:

P R Æ F A T I O

prius: quia hæc impropria Filiatio Propriæ gloriæ nec auget nec augere potest. In quo scripto (p. 522. coll. cum 526.) tandem hæc durissima profert; nempe *Causas seu Fundamenta Filiationis Christi Divinæ Metaphoricæ*, qualia sunt, *discere a Deo, revereri Deum, dependere ab ipso, obedire ei &c. non incepisse demum ab Incarnatione sed ab æterno locum in Filio habuisse*. Quæ an viam, vel ad Monarchicorum Veterum & Recentiorum hæresin, vel ad Arianismum sternant, vel ad Valentini Trithæismum, Lectoris judicio nunc committo. Hæreticum efficere qui non est, ab animo meo valde alienum est. Quo autem sensu Belgicè p. 521. dixerit, *dat de Vader synen Natuur MET synen Soone MEDEDEELT*, ipse probe novit. Sed misso hoc Homine, qui veritati cedere recusat pertinacissime, & planè dimisso, nullaque ulteriori responsione digno; ad alia transeo.

Ultima harum Dissertationum est de NATURA PECCATI, publicè habita 6. & 9. Maji MDCCXXII. In qua Communem Theologorum nostrorum sententiam de *Natura Peccati*, quod consistit in *sola privatione Rectitudinis ex Lege debitæ adesse actibus atque habitibus nostris*, defendere suscepi, eamque vindicare ab Objectionibus, quas ante aliquot annos adversus eam moverat, Celeberrimus Theologus CAMPEGIUS VITRINGA, qui contrariam cum Aliis adoptaverat sententiam, *Naturam nempe Peccati omnis non absolvi solo Privationis conceptu, sed esse quid Reale, Actumque aut Habitum*, ita modificatum, ut Legi sit contrarius, ingredi Naturam
ipsius

A D L E C T O R E M.

ipsius peccati, & esse ipsissimum peccatum, quod Deus odit, punit, & cujus *Effecta* sunt Macula, Reatus, Poenæque omnes temporales ac æternæ. Quod verò hæc Disputatio paullò post obitum Viri Celebris habita fuerit, non est factum ex meo humano Consilio, qui eam, dudum à me expetitam, conscripseram, preloque destinaveram, in vivis hætenus existente Viro Clarissimo, quem haud ægre laturum fore mihi persuadebam, si ab ejus sententia hac in parte discederem, & si eadem libertate, debitâ cum modestiâ, Theses ejus sub examen, etiam publicè pro ratione Muneris mei, revocarem, quâ Ille, discedens à communiter recepta sententiâ, conscripserat eas, & publicaverat. Sed Providentia Divina hoc contigit, quæ rebus humanis eripuit Eum antequam Disputatio mea typis plenè describi, ac publicè ventilari potuit. Destinato itaque animo neutiquam conscripta, impressa, habita est post mortem Clar. Viri, ut mortuo Leoni insultarem, & *impetum in mortuum facerem, quem vivo illo represseram*. Hoc tamen omnibus persuadere conatus est Filius Ejus, qui statim adversus hanc Disputationem meam calamum strinxit virulentum, ac conscripsit Tres *Dissertationes*, ut vocat, *Anticriticas*, acerbissimas profectò & mordacissimas, inopinatis non modò, sed & tumidis ubique Verbis Dictisque admodum in me contumeliosis refertas. Magnificè in illis de se suisque sentit, sua laudat & extollit, insolenter in alios, imprimis in me insurgit, nullaque habita ratione ætatis ac Muneris mei Academici & Ecclesiastici debacha-

P R Æ F A T I O

chatur. Haud absque animi dolore animadverti in hoc *Juniore Theologo* factum incredibilem, effrenam maledicendi & convitiandi licentiam, & servitutem affectuum iræ & odii deploratam, vix autem miculam vel umbram Sapientiæ istius cælestis quam vivis coloribus depinxit Apostolus Jacobus. Ferenda quidem sed spernenda simul duxi omnia illa probra in me conjecta. Sicuti enim nos mollescere haud decet linguis laudantium, ita nec frangi linguis vituperantium ac maledicentium. Legi Dissertationes illas, ubique transmissas, sed lectas seposui, nullâque dignas responsione censui, multò minus injurias mihi illatas, quamvis atrocissimas, vindicandas statui. Canum fidelitas & vigilantia pro veritate decent Doctores Verbi Divini juxta Scripturas, sed rabies eorum atque mordacitas à nobis longè abesse debent. Et quoniam præter calumnias, Verborumque meorum iniquas quandoque torsiones, ac parerga nonnulla, nihil ab *Ipsa*, quantum Causam ipsam attinet, est præstitum, quod urget, & quod non longe brevius ac clarius à *Clar. Parente* erat propositum, & à me sub examen modestè revocatum; constitueram ego data occasione Disputationem meam in lucem emittere, certus, quod ejus attenta Lectio sufficeret ad Confutationem eorum quæ in hisce *Dissertationibus Anticriticis* adversus eam mota sunt. Quod tamen Propositum distuli ad longum tempus, nec fortè unquam executioni dedissem, (quia morte inopina præventus Adversarius, hoc suum Opus *Anticriticum* absolvere non potuit) nisi inter *Opuscula* Ejus nuper edi-

A D L E C T O R E M.

peredita etiam hæ *Dissertationes* de *Natura Peccati* vulgatæ fuissent. Prodierunt autem valde truncatæ; & prudenter Clar. *Editor* quædam oscitanter scripta, & alia multa probrosè in me Aliosque dicta, (non tamen omnia) ejecit, scriptaque hæc tumultuaria in alium ordinem redegit. Necessitas itaque mihi fuit imposita edendi Disputationem illam meam de *Natura Peccati* ad Locum 1. *Joh.* III. 4; quod nunc feci, ne verbo quidem addito vel dempto; ut omnes videant ac judicent: An Clar. Patrem ejus *veluti puerum aggressus sim, & tanquam Tyronem gravi & dictatorio stylo tractaverim, ejusque cineres adhuc tepentes contumelia adperserim*: & An Expositio Verborum *Johannis* a me allata, ut Scripturario Argumento sententiam adversam refutarem, *ab omni probabilitate abhorreat*: & denique An ego ejus quod unicè quæritur ignarus fuerim, & talis qui disputans sui ipsius simul solidissimam attulerit refutationem; qui nec suam quam tueri voluit sententiam bene intellexerit, multo minus perceperit mentem parentis ejus, aut verum *Controversiæ* statum; atque adeo inepte contra Parentem ejus disputaverit, ipsamque quæstionem imperitè tractaverit. Dicta autem mea in Patrem contumeliosa scilicet hæc sunt: §. xxiv. *Vellem profecto Virum Doctum ad locum nostrum Johanneum magis attendisse, quod si fecisset, frivolis fortè ejusmodi ratiociniis se a Veritate hac in parte abduci passus haud fuisset*: & §. xx, ubi quasi de Alio scripsi; *Si quis verò ita vocet, nec aliter cogitare de Peccato valeat, id sibi imputet, suarum autem cogitationum*

P R Æ F A T I O

tionum confusionem, ideasque suas minus claras & distinctas, modosque loquendi suos, ut veritatis regulas aliis obtrudere non debet, nec temerè affirmare, peccatum absque actu & habitu substrato concipi non posse, uti facit Vir Celeb. §. 48. sic in memoriam non revocans sibi id quod de Peccato Omissionis modò dixerat; &c. Hisce, ait, me accusasse Parentem suum *Cæcitatis, Cogitationum Confusionis, ac Oblivionis* dictorum suorum. *Cæcitatis* objectæ non memini. Ideas nostras non semper & in omnibus æque claras ac distinctas esse, quis negat? Et Viris Eruditissimis, quorum animi pluribus sunt intenti, minorem quandoque esse ad singula sensum, quis in dubium traheret, aut, si id modestè memoretur, exinde contumeliæ illatæ crimen inferret? *Frivola* quidem ratiocinia appellavi, quibus Vir Clar. se a Veritate abduci passus fuit; sed molliori sensu. *Frivola* mihi sunt *infirmas*, speciosa quidem, sed neutiquam solida.

An porro mea Johannei dicti Expositio ab *omni probabiliratione abhorreat*, penes Lectorem æquum & attentum judicium esto. Accusat me quod in explicatione phrasios *Peccatum faciendi* discesserim à *constanti usu* ejus apud Johannem, cui *Peccatum facere* semper est *Peccato servire*, indulgere, operam dare; non, uti ego explicui, *quemcunque actum peccaminosum quocunque modo committere*.

Ad hanc Objectionem diluendam, quam facile prævidebam mihi moveri posse, Ego contra *Episcopium* disputans §. VII. observavi; quod phrasis hæc *facere peccatum* sæpe sumatur in Sacris intensa signifi-

A D L E C T O R E M.

gnificatione, sed non semper, & adduxi Locum I. *Pet.* II. 22, ubi, ipso fatente Episcopo, de uno peccandi actu usurpatur. Deinde addidi, respiciens ad usum hujus phrasios apud Johannem. *Neque est insolitum, ut unum idemque vocabulum, eademque phrasis, apud eundem Auctorem, in eodem sermone vel Epistola, varia significatione, nunc latius nunc strictius sumatur.* Hæc verba mea excipit Adversarius *Dissert.* I. p. 24. & subjecit per sarcasum, *Acute!* Sequentia verò *Exempla*, ex variis Locis Scripturæ petita, & quæ ad hujus Dicti Johannei intelligentiam, ut & aliorum Scripturæ Locorum, magno usui esse possunt, & quæ a me allata ibi sunt ad Illustrationem & Confirmationem hujus Observationis, dissimulavit, ne videretur temere scripsisse, quod Expositio mea *ab omni probabili ratione abhorreat.*

An denique *statum Controversiæ* penitus ignoraverim, & *nusquam verbis meis ritè proposuerim*, judicet Lector. Ipse Adversarius, rectius scilicet Quæstionis Statum formaturus, eadem verba adhibet, quibus ego plus semel in hac causa usus fui, & ipse ex me aliquoties citavit. Ut tamen fidem Dicto suo faciat, & me vere ignorasse Controversiæ statum probet, affingit mihi quod nunquam scripsi dixi cogitavi: Nempe me, ut *Caput quæstionis ac summam Disputationis probandam sumsisse, contra Parentem ejus; Hoc; Quod Peccatum Abstractive sumtum, id est Abstractione reali separatum, ab omni Habitu & Actu, nihil aliud sit quam Illegalitas, & Nihil privativum, & proinde*

P R Æ F A T I O

de quod mihi stultè, & *ridicule probandum sumserim*, quod nemo sanus negavit unquam, multò minus Parens ejus, nempe *illegalitatem esse Illegalitatem*. Vide *pag. 398. 400. 459*. Facile omnes credent Parentem ejus nunquam eò stultitiæ devenisse, ut negaverit Illegalitatem esse Illegalitatem, Nigrum esse Nigrum, Album esse Album. Et oportet *Dom. Vitringa Fil.* multum præsumsisse de Viribus suis, dum hæc scripsit, si seriò putaverit, se posse ulli cordato homini in Belgio nostro persuadere, quòd *Wesselius* adeo ineptus & stolidus sit, ut sibi *probandum* sumserit in publicà Dissertatione Academica, id quod nullus sanæ mentis Homo unquam negavit, aut negare potest, nempe Disconvenientiam cum Lege esse Disconvenientiam cum Lege. Eiusdem Commatis est, quod ubique, nunc apertè magis, nunc rectè Lectori persuadere conatur, me summam Rei quam probandam suscepi, posuisse in eo, quod *Actus qua Actus, Abstractione reali separatus a Disconvenientiâ cum Lege, non sit peccatum*, quod Parens *minimè negasse* dicit. Sic continuè confundit *Abstractionem realem & separationis cum Abstractione mentali & distinctionis veræ*, de quâ posteriori Abstractione *solâ* Ego loquor, quando dico, *Peccati proprium conceptum esse Abstractivum, non Concretivum*. Non tantum *Actum esse bonum* quid dixi *realiter Abstractum* ab Illegalitate, sed etiam *mentaliter Abstractum*, arcte interim & de facto *Conjunctum* cum *Illegalitate* illà. Ita solent Homines ludere in vocibus, quando pugnant, non pro Veritate, ut illa vincat, sed ut ipsi vincant, & de veritate debellatâ

A D L E C T O R E M.

latâ apud incautos Lectores triumphent. Luce meridiana clarius videbit Lector, me summam Quæstionis, quam probandam suscepi in totâ mea Dissertatione, hanc constituisse; quòd *Peccatum propriè dictum*, seu malum illud morale, quod nos diffformes Deo & damnabiles reddit, & cujus Deus sanctissimus Causa esse nequit, nil aliud sit, quam *Illegalitas, Disconvenientia cum Lege*, ab iplo *Habitu & Actu peccaminoso vere distincta*, & a mente Infinita vel Finita *Abstracta*, quæ tamen non est *separata*, sed *conjuncta* cum Habitu vel Actu ipso peccaminoso, eique, *qua tali*, arctissime *adhærens*. Et hoc sensu *Peccati* Vocabulum sumi debere dixi & ostendi in dicto Johanneo; *Peccatum est ἀνομία*; nempe pro *illo malo morali*, quod primò, propriè & formaliter *Peccatum* est & dicitur, dum *Actus* vel *Habitus peccaminosus* *impropriè* dicitur *peccatum*, per metonymiam, quia illi *adhæret Peccatum*, seu illud malum morale, illa disconvenientia cum Lege, quæ propriè peccatum est.

Sed & in aliis bene multis Fidem desideravi in hoc Homine, in quâ tamen Boni & Honesti Viri præcipuus character est. *Pag. 393.* attribuit mihi hanc sententiam; *Abstractum vel Concretum ejusdem Vocis significatum facit proprium vel improprium*: quod utique nunquam de qualibet voce dixi, sed de hac *Peccati* voce singulari asserui, quod Abstractiva ejus notio sit propria, non Concretiva, ut Doct. Parens ejus scripsit. Et hoc docuit me Scriptura & sana Ratio. *Pag. 409. 410.* dicit, *sententiam* eorum, quos ego sequutus sum, esse; quòd, quia

P R Æ F A T I O

Disconvenientia Actuum qualiumcunque cum *Lege* facit internam peccati formam, propterea omne peccatum, etiam commissionis, sic definiendum sit, quod sit *disconvenientia cum Lege*, seu *Illegalitas*, *dislegalitas*, non quod sit *Actus Legi disconveniens*. Mala fide hæc posuit. Non dicimus omne peccatum, etiam *Commissionis*, quod improprie per metonymiam dicitur peccatum, definiendum esse per *disconvenientiam cum Lege*, verum per *Actum legi disconvenientem*: Sed proprie dictum peccatum, id est malum illud morale, quod est in peccato *Commissionis*, quod Deus odit, reatum maculam & poenam adfert, & ad Deum ut Causam referri nequit, esse definiendum & definitum a Johanne per ἀνομίαν *Illegalitatem*. Iterum pag. 400; ubi probare vult me statum *Controversiæ* non attigisse, & contra umbram meam pugnasse; hæc posuit. Nullum aliud quid ad id requireret documentum, præter ea quæ dedimus, dum apparuit, Ipsum ex Loco Johannis, ex quo primum & potissimum Argumentum ducere voluit, vel data ipsi omnium Verborum Interpretatione pro libidine, ne quidem quippiam effecisse, quod non monuerit Parens meus a se extra controversiam poni. Quæ rursus vel mala fide vel cum magna incogitantia scripta sunt. Nam si hæc vera sunt, ergo & Pater ejus extra controversiam posuit, illud viii. *Consectarium*, quod ex mea Verborum Johannis Interpretatione, quam omnem se liberaliter mihi nunc dare vult, evidenter consequitur; & quod ita sonat: Tandem si τὸ formale omnis peccati, seu id quod proprie peccatum constituit, in conceptu
ejus

A D L E C T O R E M.

ejus formali, sit ἀνομία; & ἀνομία sit privatio conformitatis cum Lege sancta; sequitur irrefragabiliter, quod omne peccatum, non tantum Omissionis, sed & Commissionis, (id est illud quod in hoc Commissionis peccato peccatum est & constituit, ut liquet ex sequentibus) propriè sit abstractum quid, nihilque aliud quàm Privatio conformitatis cum Lege, & consequenter quòd ipsa Facultas, Habitus vel Actus peccaminosus, non sit ipsum Peccatum, ut quod nil aliud est quam ipsa ἀνομία; et si improprie & concretivè sumto Peccati vocabulo, Facultas, vel Habitus, vel Actus, ut τὸ Materiale peccati, connotetur vulgò. An hæc concessit Pater Ejus, & an extra controversiam hæc posuit? Hæc tamen necessariò consequuntur ex mea Interpretatione, mihi ab Ipso data. Qua fide porro Clar. Cocceji consensum cum Patre suo laudet p. 472. equidem ignoro. Duo enim dicit Coccejus esse in Peccato, concretive scilicet spectato, Bonum cui labe adhæret, & ipsam labem. Id Bonum est, ita pergit Vir Celebr. vel Habitus vel Actus creaturæ intelligentis, cui laudabilis rectitudo sua natura convenit. Habitus igitur vel Actus distortus peccatum est. Quando Habitum vel Actum distortum peccatum esse dicit, intelligit peccatum improprie dictum, quod vocat Concretum; Proprie dictum verò vocat Labem adhærentem Actui, vel Habitui, physicè Bono. Hinc in eadem Disp. V. §. 35. scribit. Ex dictis perspicuum est, Peccatum, qua tale, non esse substantiam vel ENS, & §. 63. Actus creaturæ, qua Actus, non est peccatum, sed qua talis Actus.

P R Æ F A T I O

Actus. Entitas actus a Deo, ut omnis entitatis causa, dependet. Ex quo Exemplo colligere facile est, qui nam illi inter Nostros Magni Viri sint, qui eandem cum Patre sententiam teneant, de quibus in fine Dissertationis suæ loquitur. Minime interim nego quosdam ex nostris idem sensisse cum Patre, nec unquam dixi hanc esse peculiarem parentis ejus sententiam, sed illum discessisse a communiter apud Nos recepta sententiâ. Quod non diffitetur Filius, quando ita pag. 380, & quidem satis odiose, scribit. Ac res voluit ut non displiceret sectæ, (sententia quam ego defendo) quæ in hoc potissimum Belgio successit, recentiori. Quid speres itaque adversus tale placitum, quod communi studio & favore ambarum partium, quæ in Ecclesiis nostris dissident de re Philosophica & Theologica, propagatum fuit, atque ancipiti auctoritate etiamnum propugnatur? Nam etsi fuerint semper docti & prudentes Viri in Ecclesiis, ac quoque Academiis, quibus probata non fuit ista philosophandi ratio: æqua illorum habita non est ratio, quia tanquam privati, & suo periculo dissentiebant, nullius bene junctæ factionis, nomine adjuti: id quod ad commendandas vulgo literatorum opiniones plus virium equidem habet quam ipsa Veritas. Alia plura malæ Fidei specimina prætereo. Non possum tamen dissimulare animi ægritudinem ortam ex eo quod, non uno in loco, sententiam Communem insimulare videatur hujus flagitii, quod Peccatum esse statuatur merum Nihil, quale est omnino Illegalitas, realiter abstracta ab omni Actu & Habi-

AD LECTOREM.

Habitu, quam Nos, dicit, constituere Naturam peccati; sed falsò. Nam *Illegalitatem mente* tantum *abstractam* ab Habitu, vel Actu, cui tamen adhæret, & a quo realiter nunquam separari potest, dicimus esse illud malum morale quod proprie peccatum dicitur: quomodo hoc est *Nihil* quidem, sed *Privativum*, non *Negativum*. Hunc tamen Abstractivum peccati Conceptum vocat ille, ut invidiosè traducat sententiam nostram, IDEAM FICTAM. Ita appellari patior, quatenus Fictrice mentis operatione formamus eam: Verùm ideo Idea Privationis, non est Idea *Ficti* & *Falsi*, & merum *Figmentum Cerebri humani*, sed idea vera ejus quod deest cum adesse debebat. Qui Defectus Bonitatis non est *Nihil* mere *negativum*, sed *privativum*, & habet realissima effecta, quoniam semper aufert aliquid de subjecto quod ei ex Lege adesse debebat. Quo pacto tollitur *difficultas* illa, quam *hæsisse Parenti* suo dicit, & quam obscure satis hoc modo proponit; pag. 402. *An unquam*, vel *in hoc potissimum negotio*, IDEA ejusmodi FICTA *unquam* converti possit in VERAM & REALEM?

Si præterea omnes ejus *Temerarias Assertiones*, omnia *Sophismata*, & *Axiomata* incerta, dubia, & quandoque aperte falsa, quæ Ille pro Veris & indubitatis venditat, enarrare velim, Præfatio hæc in immensum excreveret. Incogitantia Ejus attribuo quod scripsit p. 401. Patrem agnoscere, id, quod proprie peccatum est in Actu, vel Habitu, esse *Disconvenientiam ejus cum Lege*. Si hoc agnoverit Parens, noster est. Sed non agnovit; nam §. LIV. diserte scripsit; *Modum Actus*, qui *Causa* est Dis-

d

con-

P R Æ F A T I O

convenientiæ ejus cum Lege, *proprie* a se *peccatum* dici. Magnam profectò Temeritatem prodidit; quando ad Argumentum meum, §. xvii. propositum, ex nonnullis Abstractis Hebraicis & Græcis Vocibus, a Spiritu sancto adhibitis, petitum, tanquam quæ doceant Peccati proprie dicti conceptum non esse quid Concretivum sed Abstractivum; hæc reposuit in *Dissert. I. p. 30*, *Mitto jam id, quod in hac propositione stultitiæ, non dico, sed impudentiæ est* (hæc omisit Cl. Editor *p. 401*), *quod D. Wesselius picturâ literarum & vocum aliquot Hebraicarum & Græcarum quæstionem Scholasticam se definire contendat; & in Dissert. III. p. 68. 69. in Edit. verò p. 423 424. Non hærebo etiam in ostendenda hallucinatione ejus manifesta, dum ex vocibus Græcis vult probare, Naturam peccati in abstracto consistere. Non dixerit Wesselius, opinor, aut dixit quispiam, ullum Græcum hominem, aut philosophum, ante tempora Apostolorum peccati naturam constituisse in Illegalitate, distrabenda (mente abstrahenda debuit dicere ex communi sententia) ab Actu vel Subjecto: est hoc equidem recentioris philosophiæ: quomodo ergo Græci Vocibus ἀμαρτία, ἀνομία, ἀσεβείας, aliisque, alligassent ideam talem de natura peccati, quam nunquam somniarunt? Vel quomodo etiam Apostoli talem ideam illis vocibus alligare potuissent, Græcis semper ignotam, quorum tamen lingua, adeoque Vocabulis ex recepto usu utebantur? Sed de re disputamus: quo neque errores D. Wesselii, neque nominum significatus quicquam faciunt. Quot fere sunt Verba tot quoque*

A D L E C T O R E M.

que Temeritatis & Incogitantiae insignia. Si nominum significationes nihil quicquam faciant ad rei cognitionem, non sunt amplius Nomina rerum notæ. Cur Deo, qui nullo nomine distinctivo proprio vel appellativo, ut Ens singularissimum, eget, tot Nomina dantur in Sacris, si nihil horum significatus faciunt ad Naturam ejus aliquatenus exprimendam? Et si *Augustinus*, cum scribit de *Civit. Dei* Lib. xi. Cap. xxii. *nulla natura est malum, nomenque hoc non est nisi privationis boni*, juxta Annotationem *Lud. Vives*, suffragatur in hoc *Platoni*, *Aristoteli*, *Ciceroni multisque aliis Philosophis*; quomodo tantà confidentia asserit Noster, *nullum Græcum hominem aut Philosophum ante tempora Apostolorum Naturam mali culpæ in privatione constituisse*? Quod tamen si ipsi concedamus, exinde minimè sequitur, quòd *Apostoli talem ideam illis vocibus alligare haud potuerint*, ad quam Naturà suà, per *Alpha privativum* ab initio formatæ hæ voces, nos ducunt, etsi *Græcis semper ignota* fuerit. Nam ex eo tunc etiam sequi deberet, Apostolos aliam ideam vocibus, Θεός, πῖς, ἐκκλησία, κίρι &c. non potuisse alligare, quàm illam quam Græci iis alligaverant antea. Quod tamen ipse Adversarius, si viveret, non concederet. Si verò hoc est *Stultitiæ* vel *Impudentiæ* argumentum ex istis *Vocabulis Græcis Abstractis*, a *Spiritu Sancto* ipso usurpatis, argumentari pro Natura Peccati proprie dicti in *privatione* constituenda, socios *stultitiæ* vel *impudentiæ* meæ habeo plurimos Viros *Sapientes & Modestos*. Habeo socium ipsum *Augustinum*, cujus Verba, si

P R Æ F A T I O

Adversaria mea non fallant, hæc sunt: *Latini homines sceleratos Nequam, scelus Nequitiam solent appellare, ac si nihilum & nihili homines innuere vel-
lent. Neque solum in Latina lingua hoc observa-
mus, ubi homines malos vocabulis PRIVATIO-
NIS & degenerationis solemus nebulones, tene-
briones, fungos, vappam, lippos, truncos, ne-
quam & nihili indigitare, verum etiam in Græca
& Germana. linguis magis adhuc observare licet,
ut forsân etiam in reliquis omnibus, cum naturale
quasi sit mala & degenerantia vocabulis PRIVA-
TIONEM & corruptionem depravationemque si-
gnificantibus notare.* Habeo etiam, ut hunc Uni-
cum ex Nostris Theologis nunc addam modò, so-
cium *stultitiæ, vel impudentiæ* meæ, Venerandum
Nostri Collegam Seniore, dum viveret, Clar. *Au-
dala*, cujus verba hæc sunt in *Disput. xxiii. de
summa Theol. supranat.* Ergo distinguere necessa-
riò oportet inter actum substratum & peccatum. Ex
qua distinctione sequitur Peccatum consistere in
disconvenientiâ & difformitate cum Lege, in pri-
vatione debitæ rectitudinis, & uti dici solet in ni-
hilo privativo, cum abstrahatur ab Actu. Quod
& MAXIME INNUUNT VOCABULA, qui-
bus Peccatum appellatur *ἡμαρτία ἀμαρτία, ἀνομία &c.*
Et mirari licet Dom. Vitranga Fil. noluisse admittere
nostrum ex Vocibus hisce scripturariis Argumentum;
cum Ipse ex *Populari Vocis peccati Usu Contro-
versiam hanc decidendam* contendat, non ex *Phi-
losophorum Placitis.* In quo tamen magnopere er-
rat; & quidem duplici modo. Primò quidem; quia
Popu-

A D L E C T O R E M.

Popularis hic Usus vocis, quo Actum & Habitum peccaminosum *impropriè* & *metonymicè* significat, neutiquam Quæstionem nostram, quid *propriè* sit Peccatum, determinet; & deinde quia hic Usus vocabuli Peccati concretivus penes populum non est universalis aut perpetuus. Pueri enim nostri, ut notum est, ex elementari Institutione Doctrinæ Veritatis, ad Quæstionem, *Quid est peccatum?* Respondent, *Iniquitas*, *Injustitia*, responsione ipsis ex hoc Johanneo Dicto suppeditatâ. Atque adeo *Popularis* iste *Usus*, ut plurimum *Concretivus*, sed & quandoque *Abstractivus*, ubi ad rem ipsam deventum est, ad Imitationem Styli & Usus Sacri est compositus, in quo frequenter *Concretivè*, sed etiam aliquando *Abstractivè* sumitur Vox *Peccatum*, ut monui in *Dissert. meâ* §. iv. & xiii. & pro *Abstractiva* significatione laudavi *Loca Joh. xvi. 9. Rom. iii. 20. vii. 7. xiv. 23. i. Joh. v. 17.* In quo cum dicit me *gravem errorem* commisisse, ex *mera ignorantia* ortum, aliud edit *Temeritatis* suæ specimen. *Jam verò* inquit, p. 393. 394. 395. *hoc sensu abstracto* (quo nempe abstrahitur mente Disconvenientia cum Lege ab Actu & Habitu, non separatur realiter) *Peccati notionem nobis unquam sub idea ficta in scripturis proponi, vehementer negamus.* Atqui ad hoc probandum quod dixi sufficit vel unus Locus *Joh. xvi. 8. 9. Et cum venerit ille, arguet mundum de Peccato & de justitia & de judicio; de Peccato quidem, eo quod non credunt in me.* Hic sumitur Vox *Peccati*, non *abstractè* ab certo subjecto specie & modo, ut ait No-

d 3.

ster,

P R Æ F A T I O

ster, nam diserte nominantur, & subiectum, *Mundus*, & species, *Incredulitas*, *ed quod non credunt in me*, dicit Dominus. Verum sumitur vox peccati hic *abstractè ab Actu & Habitu*, quod negat Ille. Non enim necessarium erat convincere Mundum de Motibus animi ac corporis physicis, qui sunt in scortatione ac Idolorum cultu, quos non ignorabat Mundus gentilium, imo quos partim licitos, partim quoque laudabiles esse existimabat. Sed hoc necesse erat, ut Spiritus sanctus Mundum convinceret de *Peccato* seu *Illegalitate* horum, aliorumque *motuum*, quam ignorabat Mundus. Quod ideo generatim Spiritum præstiturum esse, ait Dominus, & deinde speciatim explicat *Peccatum* Mundi de *Defectu Fidei* in se. Atque adeò *Peccati* vocem evidenter sumit *abstractè* pro *Privatione Defectu Carentiæ*, cum *Bonitatis*, quæ actibus adesse debebat ex Lege, tum *Actus* ipsius, *Fidei* nempe in se. Aliud *Temeritatis* specimen edidit p. 428. & p. 460, ubi se opponens sententiæ communiter receptæ, quæ statuit *Naturam peccati*, seu Mali moralis quod est in Peccato Commissionis quoque, consistere in *Illegalitate*, quæ adhæret Actui vel Habitui, ita scribit: *Naturas rerum nobis representari semper per ideas Universales seu Abstractas Genericas, nunquam aliter.* Et rursus: *Nunquam Natura alicujus rei exhibetur notione Abstracta divisiva; sive præcisionis, qualis est hæc Illegalitatis: sed semper Abstracta Generica, seu Universali, nunquam aliter: & cedo exemplum unicum.* Miror profecto Hominis confidentiam, & eo magis quia se dicit hanc

A D L E C T O R E M.

hanc de Concretis & Abstractis attulisse Doctrinam, ut doceat me ea quæ nescio. Fateor me hæc nescivisse, etsi diu satis antequam ille fari potuit per integrum triennium Logicam didicerim sub auspicio Doct. *Rombergii*, Gymnasiarchæ, dum viveret, *Leovardien*sis, a quo ante paucos annos eandem didicerat Parens ejus. Hæc est verò Doctrina de Abstractis & Concretis Logica, quâ ob Ipso imbutus fui. Conceptus & his respondentes Termini Concretivi & Abstractivi formari queunt ratione Substantiarum & Accidentium. Illarum Conceptus & Termini Concretivi sunt *Spiritus, Corpus, Homo* &c; Abstractivi *Spiritualitas, Corporalitas, Humanitas*. Horum, Accidentium scilicet, Quantitatis Qualitatis &c. nomina Concretiva sunt, *Longus, Latus, Pius, Pulcher*, &c; Abstractiva sunt *Longitudo, Latitudo, Pietas, Pulchritudo*. Hi porro Termini & Conceptus *Abstractivi* sunt, non *Generici*, qui opponuntur *specificis & individualibus*, sed sunt, ut vocat Adversarius, *divisivi*, qui opponuntur *Concretivis*, atque adeo sunt tales, de quibus scripsit, quòd *iis nunquam Natura rei exhibeatur & repræsentetur*. Et tamen verissimum est, quod hisce Terminis & Conceptibus *Natura Accidentis* ejus, propter quod aliquid *Longum, Latum, Pium, Pulchrum* dicitur, exprimat & repræsentetur. Nempe id, quo posito, ponitur *Longus, Latus, Pius, Pulcher*, & quo sublato tollitur, in quo *Natura rei*, Ipso Adversario haud diffitente, consistit. Etenim sublata *Longitudine, Pietate* &c, perit *Longus, Pius*, & posita *Longitudine & Pietate*,

P R Æ F A T I O

tate, ponitur *Longus*, *Pius*. Ergo hæc *Abstracta* Vocabula omnino *Naturam Accidentis* ejus, propter quod in *Concreto* aliquid *Longum*, *Pium*, dicitur, exprimunt. Requiritur quidem necessariò *subjectum* hujus *Accidentis*, cujus esse est inesse; Verùm ideò illud *subjectum* non ingreditur *Naturam* ipsius *Accidentis*. Applicemus hæc ad *Peccati* Vocem & Conceptum. *Dislegalis*, *Illegalis*, *Peccaminosus*, *Vitiosus* &c. sunt Voces & Conceptus *concretivi*, requirentes *Subjectum*, *Actum* vel *Habitum*. *Abstractivi* autem Termini & Conceptus sunt *Peccatum*, *Dislegalitas*, *Illegalitas*, *Vitium*. His Notionibus Abstractis utique exprimitur *Natura* Ejus propter quod *Actus*, vel *Habitus* appellatur *Peccaminosus*, *Vitiosus*, *Illegalis*, qui talis est tantum propter *Peccatum*, *Illegalitatem*, *Disconvenientiam cum Lege*. Falsum est ergò quod *nunquam Natura Rei* alicujus exhibeatur *Notione Abstractiva divisiva*. Exemplum petiit Adversarius modò *Unum*, dedi ego plura. Ex quibus proinde liquet, quam peritè scripserit Ille; *Ad Naturam Abstracti semper aliquid plus pertinet quam Abstractum ipsum*. Sed, inquit, *Abstractum* tamen illud, illa *Illegalitas* scilicet, est *Inseparabile* ab *Actu* & *Habitu Illegali* & *Peccaminoso*. Concedo. Ergò, inquit, *Actus*, vel *Habitus* ille, est *ipsum Peccatum*. Hoc Nego, & Negationis meæ rationes dedi in *Dissertatione* meâ. §. xxvi. & xxvii. xxviii. In hoc Argumento ab *Inseparabilitate* summum Causæ suæ ac Parentis Præsidium ponit Adversarius. Huc *unice*, ait p. 403, *sua conferre debuisset D. Wesse-*

A D L E C T O R E M.

Wesselius. Sed Ego Alia quoque Argumenta Patris responsione digna judicavi, ad hoc verò prolixius respondi. Malè supponitur in hac Argumentatione Adversarii, omni Pagina fere repetitâ, quod *Inseparabilia identifcentur*. Illegalitas nec separari potest ab Actu Peccaminoso, qua tali, nec a Substantiâ agente & producente Actum Peccaminosum illum. An ideo ipsa Substantia agens converteretur in Peccatum ipsum? Hoc nollet ipse Adversarius. Calor a manu calidâ qua tali inseparabilis est, sed ideo manus non est ipse calor. Ratio est, quia hæc *Inseparabilitas* non est *reciproca*. *Peccatum* quidem ab *Actu*, edito à creatura existente sub Lege, & ita *modificato* ut Legi *repugnet*, separari nequit. Sed propterea ipse *Actus*, ipseque *Modus* istius Actionis non convertitur in *Peccatum* ipsum. Ipse enim *Actus* ita *modificatus*, seu ille *ipse Modus* Actionis separari potest à Peccato, non *existente Lege*, vel si Creatura agens non sit sub Lege, ut semel iterumque dixi in Dissertatione meâ, & Bruti animalis atque mente capti Homini Exemplis comprobavi §. xxvii. Unde necessariò consequitur quodd in *Disconvenientiâ cum Lege* solâ consistat *Natura Peccati*. Verba mea. §. xxvii. hæc sunt *Velim modò attendi ad brutum animal & mentis haud compotem Hominem*. Hic si invocaret vel solem vel idolum, & Psittacus si imitaretur verba Blasphemiae in Deum; annon *Actus Idololatriæ & Blasphemiae* Physicè *existerent absque peccato*? Sic dici posse existimo. Quoniam peccatum est *ἀνομία*, & Lex propriè data est Liberè Agenti & Ratione Utenti. Er-

P R Æ F A T I O

go Actus physicus non est moraliter peccaminosus ex Natura Actionis ipsius, sed ex Conditione Agentis, qui Lege vel Positiva vel Æternâ tenetur. Adhæc Noster. An censes, id, quod prorsus irrationale, aut mente captum facis, Physicos illos verè posse dare Actus, qui faciunt Blasphemiam, Idolatriam, aliaque hujus generis? Respondeo: Omnino. In Psittaco est externus Actus Blasphemiae, qui non est Peccatum. In Homine mente capto etiam est internus Actus, quo vult genua flectere coram Idolo. Neuter Actus in hisce subjectis est Peccatum, quia Lex de Amando Deo non est lata ratione carenti Bruto, nec ratione sanâ uti haud valenti Homini. Et proinde Natura mali moralis non est in Actu ipso aut Modo ejus, quia hic poni potest, absque peccato, sed in solâ ejus Illegalitate, quâ positâ ponitur peccatum, & quâ sublatâ tollitur peccatum, in quo Natura rei, Adversario faciente, consistit. Simile Temeritatis Ejus Exemplum habetur in hoc ejus Axiomate. p. 462. Stat æterna veritatis regula: Nihil, etiam privativum, quātale, nullius esse posse causam Effecti. Et in altero analogo: Privatio, Abstracta ab omni subjecto agente vel patiente, non edit Effectum. Ab Illegalitate, nullus unquam periit homo. Ubi; Vel malâ iterum fide pervertit mentem nostram, si loquatur de Illegalitate & Privatione, Abstractione reali separatâ ab omni Subjecto, Actu, Habitu; Vel si juxta nostram sententiam loquatur de Illegalitate, arcte conjuncta cum Subjecto, Actu, Habitu, sed mente tantum, Divinâ & Humana, abstractâ

ab

AD LECTOREM.

ab iis, *Temeritatis* rursus notam incurrit. *Ab illegalitate* hujus vel illius Actionis omnino perit homo. *Privatio* Rectitudinis Actui debitæ inesse *Reatum* inducit, quia aufert aliquid de subjecto, quod inesse *debebat* ex *Lege*. Addam in Exemplum *Peccatum Omissionis*, quod Parens ejus *Nihil Privativum* esse concedit, & quod habet effecta *realia*. Sed inquit, *Pater meus* Peccatum omissionis vocat *Privationem*, sed *cujus*? *Convenientiæ* cum *Lege*, ut *Wesselius*; sive *Illegalitatem*? *Minime*: sed *Privationem ACTUS* *Lege* requisiti in subjecto . . . & exponit *Peccatum Omissionis* per *Negationem* certi alicujus *Modi* in *subjecto rationali* *Lege* jussi. Vide *Incogitantiam* *Hominis*! Fatetur quod *Pater* exponat per *Privationem Actus* *Lege* requisiti, & per *Negationem* certi *Modi* *Lege* jussi. Ergo exponit *Pater* per *Nihil*, & quidem *privativum*, quod non est, cum ex *Lege* adesse debebat, & concedere debet proinde, dari *Nihil* quod habet *Effecta realia*. Quanta igitur fuit *Filii* *Incogitantia*, quando hisce præmissis mox subjecit hæc: *Stat æterna veritatis regula: Nihil, etiam privativum, nullius esse posse Causam Effecti!* Præterea *Lectorem* suum fallere voluit, quando scripsit, quod *Ego Peccatum Omissionis* constituam in *Privatione*, non *Actus* *Lege* requisiti, sed solum *Convenientiæ* cum *Lege*: cum dudum didici & docui, quod, sicuti malum morale in *Peccato Commissionis*, est *Carentia Rectitudinis* requisitæ à *Lege*, ita illud ipsum sit in *Peccato Omissionis* *Absentia substantiæ Actus* *Lege* jussi. Unum adhuc insigne ex multis aliis incredibile

P R Æ F A T I O

dibilis Confidentiae ejus, & simul Maledicentiae Documentum silentio prætermittere nequeo. Laudavi §. xvii. Dissert. meae *Consensum* Veterum, inprimis *Augustini*, plusquam uno in Loco scribentis. *Malum* esse *Privationem Boni*, non aliquid esse nisi a bonitate defectum, *Mali Naturam* nullam esse, sed *amissionem Boni Mali nomen accepisse*, &c. Hinc me accusat *Capitalis ignorantiae Doctrina Patrum*, inprimis *Augustini*; quia hic, contra *Manichæos* disputans, negavit modò *Malum* esse quid *Reale Substantiale*, neutiquam verò esse quid *Reale Accidentale*, uti Ego existimo, p. 436. - - - 452. Solamen est miseris socios habuisse malorum. Hujus *Capitalis ignorantiae* socios habeo, præter *Chemnitium*, *Calixtum*, à me laudatos l. c. alios Viros Doctos plures, qui omnem ætatem suam in lectione Patrum triverunt. Ut verò probet: *Augustinum*, quando dixit, *Mali Naturam* esse *Nullam*, esse *Nihil*, lib. 1. adv. *Julianum*, Cap. 3. per *Naturam* nunquam intellexisse *Actum* vel *Habitu* accidentalem, sed semper *Substantiam*; & per vocabulum *Nihil* exclusisse a *Peccati Natura* non *Actum* vel *Habitu*, sed tantum *Substantiam*: urget, quòd *Augustinus* contra *Manichæos* disputavit, qui asserebant, *Malum* morale esse *substantiam*; *Corpus* nempe nostrum per se *substantiâ suâque naturâ* esse *malum*; & *Animam* (quam distinguebant a Spiritu, Mente, Ratione, quam bonam esse & a bono ajebant) quâ corpus nostrum *animatum* est, secundum *substantiam* *malam* esse. Ita est, hoc statuebant *Manichæi*. Sed an hoc solum? Minimè. Sta-

A D L E C T O R E M.

Statuebant simul *Motus* Corporis & Animæ istius nostræ moraliter malos esse suâ natura, utpote qui *necessitate naturali* ex illo malo fonte profluebant. Hinc *Augustinus* in *Libro de Hæresibus de Manichæis* narrat: *Peccatorum Originem non libero arbitrio voluntatis sed substantiæ tribuunt.* Et quænam sunt illa peccata? Actus Hominum moraliter mali, Actuales Concupiscentiæ adversus spiritum. Hinc pergit *Augustinus.* *Easque duas animas, vel mentes, unam bonam, alteram malam, in uno homine inter se habere conflictum, quando caro concupiscit (actusc.) adversus Spiritum, & Spiritus adversus carnem.* Duplex ergò erat error Manichæorum. Alter, quòd *Actus* mali *necessariò & naturaliter* ex substantia ista Corporis & Animæ malæ provenire statuebant; cui se opposcentes Patres urgebant illos ex *libero voluntatis arbitrio* fieri. Alter verò, quod hi Actus & Motus, ex illà malà substantià provenientes, etiam, æque ac substantia ipsa, *Naturâ suâ* mali erant; Cui se opposcentes quoque Patres urgebant, *malum non esse Naturam*, id est, neque *Substantiam* ipsam, neque *Actus & Motus* ipsos, qui producebantur ab ea, sed *Malum esse privationem Boni, & Nihil*, nullamque ejus esse *Naturam, & Essentiam*, id est, non esse Ens realiter existens, sive per modum Substantiæ, sive per modum realis Accidentis; & proinde non habere *Causam Efficientem*, sed *Deficientem*, uti *Augustinus* ait de *Civit. Dei Lib. xii. Cap. vii. & ix.* respiciens ad illud quod propriè Malum morale est in *Abstracto*. Nam in *Concreto Opus Malum Causam efficientem,*

P R Æ F A T I O

habere non negat *Cap. vi*; quia scilicet Opus & Actio est aliquid reale ac positivum. Certè, quòd *Augustinus*, quando dixit *Mali Naturam nullam esse*, &, *Malum esse Nihil*, non modò negaverit Peccatum esse quid *substantiale*, sed etiam quid *Reale Accidentale*, manifestum est. *Malum* enim dicit *Privationem & Defectum, Amissionem Boni*: Sed aliquid Boni physici est in omni Actu & Habitu. Ex *Peccato Nihilo* infert *Augustinus, Lib. i. adv. Jul. c. 3*, (quem locum citavit *Adversarius*) *non posse habere Auctorem quod Nihil est*. Atqui Actus nostri Auctorem habent, & dependent a Deo ut Causa primà, & producuntur a Nobis, ut Causis secundis, quorum neutrum *Augustinus* negavit. Deinde *Naturam* explicat *Augustinus*: non tantum per *Bonum*: sed & per τὸ *Esse* simpliciter, sive sit *Substantiale*, sive sit *Accidentale*.

Locus hanc in rem insignis extat *Lib. ii. de Moribus Manichæorum Cap. ii*. Nam & ipsa NATURA nihil est aliud quam id quod intelligitur IN SUO GENERE ALIQUID ESSE. Itaque ut nos novo nomine ab eo, quod est ESSE, vocamus ESSENTIAM, quam PLERUMQUE (non semper, *Essentiæ* vocabulum *Augustinus* latius sumsit quam *Substantiæ*) SUBSTANTIAM ETIAM nominamus: ita *Veteres*, qui hæc nomina non habebant, pro ESSENTIA & SUBSTANTIA NATURAM vocabant. Hic Essentiam & Naturam æque accipi debere docet pro Accidenti ac pro Substantiâ. Dicit enim quod ESSENTIA etiam PLERUMQUE vocetur *Substantia*, non semper, sed quòd *substantiæ* vox strictius sumatur, & *Essentiæ* Vocabulum latius, etiam
pro

A D L E C T O R E M.

pro *Ente Accidentali*, & pro eo quod quocunque modo *Est & Existit*. Sed, inquit, Dom. *Vitringa* Fil. ipse *Augustinus*, Aliique Patres *Græci*, statuerunt diserte *Peccatum Esse aliquid Accidentale*. Dixerunt enim *Peccata esse Qualitates superaccidentes*, sive *Accidentales*, & *Animæ Inexistere*, non esse *Naturas*, sed *Vitia Naturarum*, & non posse esse nisi in aliquibus *Naturis*, uti *Augustinus*. Pleraque huc spectantia quæ adduxit, inveniri possunt apud *Suicerum* in *Thesauro*. Sed sic disputans contra me, non bene attendit ad hoc, quòd aliud sit *Accidens Positivum*, aliud *Privativum*. *Peccatum* verò proprie dictum dicimus & docemus esse *Accidens privativum*, cum Theologis nostris, & Eruditissimo *Gerh. Joh. Vossio Lib. II. Part. III. Hist. Pelag.* cujus verba digna sunt ut heic adscribantur. *Formaliter verò*, inquit, *Peccatum est ipsa*, ut *Johannes* vocat, ἀνομία, quâ voce significatur, non quicquid cum *Lege* pugnat, (nam & *diabolus* & *homo* cum *Lege* pugnat) sed ipsa cum *Lege* repugnantia, sive ipsa a *Lege* deviatio. Quæ *ACCIDENS est Actui suo modo inhærens: nempe Accidens NON POSITIVUM, sed PRIVATIVUM. Est enim carentia rectitudinis, sive privatio conformitatis a regulâ*. Et hoc sensu dixerunt Patres peccatum esse *Accidens, inexistere, inesse*, quia statuerunt quidem esse *Nihil*, sed non *Negativum*, verum *Privativum*, quod ad instar *Entis & Accidentis* concipitur, & sermone nostro exprimitur, & *inesse* dicitur. Et hoc sensu quoque *Augustinus* dixit *Lib. adv. Jul. C. III. MALA non esse NATURAS, sed*

VI-

P R Æ F A T I O

VITIA NATURARUM, *nec esse posse nisi ex aliquibus*, & IN ALIQUIBUS NATURIS, NEC ALIQUID ESSE malum, nisi à BONITATE DEFECTUM. Malum *proprie dictum* morale expressit, quando dixit, non esse *aliquid*, nisi *a bonitate defectum*, & mala non esse Naturas, sed VITIA Naturarum, id est, Facultatum, Qualitatum, Potentiarum, Habituum, Actionum nostrarum; quibusque *inesse* dixit per modum. sc. *Accidentium Privativorum*; quæ suo modo inhærent, ut dixit *Vossius*.

Hæc igitur Doctrina nostra de *Natura* peccati non est *Nova*, quod Dom. *Vitringa* Fil. se *Demonstrasse* temere jactat, sed *Antiqua* Veterum Patrum, & communiter, ut dixi, *recepta* a nostris Theologis; atque pro Ecclesiæ sententia haberi potest, quia, quamvis hæc per *Actum*, ut vocant, *Signatum*, seu Synodali sententia judiciaria eam non definiverit, *Actu Exercito* tamen, per jugem Doctorum suorum Traditionem, eorumque fere unanime suffragium comprobavit. Commendat sese insuper hæc Doctrina ex Nexu quam habet cum Dei *Independentiâ* & *Sanctitate*, quæ utraque Perfectio Dei per nostram hanc Doctrinam intemerata servatur. Propter *Independentiam* est *Prima* & proinde *Præmovens* omnium *Actionum* nostrarum *Causa*; & propter *Sanctitatem* summam suam *Peccare* nequit. Utrumque hoc Attributum Deo illibatum asseritur per Nostram hanc Doctrinam, quæ statuit; *Actum* a Deo produci *peccaminosum*, ita ut Deus non peccet, quia Actus ipse non est peccatum, sed ei peccatum adhæret unice ex *Relatione* ejus

A D L E C T O R E M.

ejus ad *Legem*, cui *non Deus sed Homo* subjacet. *Sanctitatem* Divinam omnino *lædi* clamat Noster, *non videns* cum Cl. Parente, *qua ratione possit statui illæso sanctissimo Numine*, Deum *creare efficere* *producere* *vi irresistibili Actus* peccaminosos in *creaturis suis*, *potenter ad id præmotis*, absque Peccato. Qui enim, ait, *efficit id, vi irresistibili in alio quod alius non potest efficere absque quo peccet*, an ille, inquam, *longissime removetur à communione peccati, à quâ Deum immortalem per Naturam suam remotum esse concedis?* Ad id explicandum nihil Wesselius: cum nihil potius habere debuisset, quam id expedire. Sic iterum dissimulat veritatem. Paucis verbis quidem, pro instituto meo, sed tamen sufficienter satis ad rem, ostendi, quod Theologi nostri prolixius docere solent, Deum non peccare peccante creatura, quia Actus physicus non evadit Peccaminosus ex Natura Actionis ipsius, sed ex Conditione Agentis, qui lege vel positiva vel æternâ tenetur. Et addidi §. xxvii. in in fine. Unde quoque & hoc manifestum evadit, quod Deus, qui est Causa Actus physici, neuti- quam sit Causa peccati, sed solus Homo, cui Lex Amoris Dei & proximi a Deo data est. Qui nul- lam sibi Legem fixit operandi in Homine semper, præter bonitatem Actus physicam, etiam bonitatem moralem; ex cujus defectu quoque & absentia, li- berè & sapienter permissa, occasio Deo nascitur multis modis demonstrandi gloriam suam Divinam. Quibus in Verbis utique summatim omnia continen- tur, quæ aliàs ad expediendam hanc difficultatem
f adduci

P R Æ F A T I O

adduci solent. Scilicet *non Peccat* Deus eundem Actum Efficiendo ut Causa prima quem efficit Creatura ut Causa secunda; quia *non deficit* in agendo ut Creatura; & quare *non deficit*, quia *Legem* non transgreditur, sed Creatura sola *deficit*, cui *Lex* est posita. Peccatum autem est *Defectus Bonitatis* requisitæ ex *Lege* & *Disconvenientia cum Lege*, seu ἀνομία. *Peccaret* Deus præmovens creaturam peccantem, si iisdem *Legibus* esset subjectus, quibus creatura tenetur. *Adamus peccavit* comedendo de fructu Arboris, *non Deus* præmovendo Eum, quia Adamo soli *Lex* illa posita, non Deo ipsi. Rursus *Peccat Lapsus* & nunc moraliter corruptus homo actu interno & externo violando *Legem æternam* Amoris Dei & Proximi; *non peccat* Deus, *præmovens* hominem juxta naturam suam corruptam, quia Homini lata est hæc *Lex Regia*, & Homo illà, prout lata est ipsi, tenetur, non Deus: alioquin & ipse Deus semetipsum invocare adorare & colere deberet. Est quidem Deus sibi ipsi *Lex* per perfectiones suas, ita ut *non possit* semetipsum *non amare*, & *non præcipere* amorem sui supra omnia Creaturæ rationali suæ. Sed nulla *Lege* tenetur ad *Operandum* amorem sui in Peccatore, ad auferendam labem quam sua culpâ sibi contraxit homo, ad convertendum peccatorem, qui voluntariò sese ab Ipso avertit, & ad impediendos Actus Odii sui & proximi internos & externos in Homine sua culpa lapso, & spontaneo motu continuè ex corrupto Principio agente. Spontaneo motu, inquam, *Peccaret* enim Deus si *cogeret* creaturam præmovendo,

A D L E C T O R E M.

vendo, sed non cogit. Admirando Providentiæ suæ ductu nos ducit non cogit, præmovendo vult potenter, non quando volumus ipsi, sed ut velimus, & sponte juxta naturam nostram rationalem agamus. Verbo, *poteſt* quidem *impedire* peccatum, sed non tenetur ut liberrimus Dominus, nec *vult* ut Sapientissimus ac suæ gloriæ Amantissimus, quia ex malo Bonum elicit; atque adeo semetipsum & gloriam suam *amat* permittendo peccatum, quia absque eo gloria Divinæ Justitiæ & Misericordiæ manifestari non potuisset. Hunc *Modum* conciliandi *Actum* nostrorum peccaminosorum *productionem* a Deo cum Ejus *Sanctitate*, in ejusmodi Dei *Exlegitate*, ut ita dicam, vel *Supralegitate* fundatum, vehementer exagitat Noster. *Terribilis est vox*, ait, *etiam aurium nostrarum sensu refutata*, Deus quia *est supra Legem operatur peccatum* (Actum peccaminosum debuisset dicere) *absque peccato*. Ex hac sententia talia sequi dicit, *quæ sine horrore mentis cogitare aut proponere nobis non possumus*. Cum tamen constet ex variis exemplis, eundem actum a Deo & creatura edi, ita ut creatura peccet, non Deus, vi *Exlegitatis suæ*. Princeps peccat si filium pro Patre occidat: Deus non peccat puniendo peccata patrum in Filiis. Ratio discriminis est, quia Princeps Lege illa *Deut. xxiv. 16.* tenetur, de non occidendo Filio pro Patre; Deus autem hac in parte est *Exlex*, cui hoc *jus Liberum* ut supremo Domino competit *Exod. xx. 5.* Iterum Homo peccat non impediens peccatum alterius, si sit in ejus Potestate; ut Pater, quando ex cru-

P R Æ F A T I O

deli indulgentia non impedit Filii ebrietatem, scortationem &c. Deus non item. Ratio est, quia Homo Lege tenetur impedire, Deus nulla istiusmodi Lege constringitur, ut Absolutissimus Dominus. Ex quo jure libero suo actu permisit peccatum ad demonstrationem Justitiæ & Misericordiæ suæ. Si diceret Homo; Cur Deus non impediit lapsum meum, quem impedire potuit? Cur me immutabiliter sanctum non creavit? vel lapsum non statim regeneravit, viresque novas ad bonum impotenti concessit? Respondendum est utique quia *nulla lege* tenetur ad hæc omnia Creaturæ suæ integræ vel lapsæ præstanda. Si itaque solutio harum querularum Objectionum rectè petatur ex Dei *Exlegitate*; cur tantopere invehitur in communem nostrorum Theologorum Responsionem, & quidem tam acerbè, ut vix juratus Ecclesiæ nostræ hostis acerbius eam traducere posset? Sicuti ergo sententia hæc Communis Dei *Independentiam* & simul *Sanctitatem* ejus tuetur; sic ab altera parte sententia Adversarii sternit viam ad læsionem gravissimam *Independentiæ* Dei. Si enim Actus ipse *peccaminosus* repugnans legi sit *peccatum ipsum*, ejusque *naturam ingrediatur*, & *in ipsum peccatum convertatur*, quia illi *inseparabiliter* adhæret: & si Deus propter sanctitatem suam non possit *peccare*, uti revera non potest; sequitur ergo, quod non possit esse *Causa prima ejus Actus*, eumque producere in creatura suâ: & consequenter, quod *omnes Actus peccaminosi* Divinæ providentiæ *præmoventi* creaturam irresistibiliter sint subtrahendi. Dom. Vitringa Fil. hanc consequen-

A D L E C T O R E M.

quentiam satis concessit. *An creatura* (ita sonat
ejus Interrogatio vehementer negans) *turpiter &*
flagitiosè agere potest, quando id ipsum agit quod
Deus agit? . . . *An Deus id idem agere po-*
test, quod idem si agat creatura, pessime agit, im-
petens gloriam & Majestatem Dei? *An Deus vi*
omnipotente creare & efficere potest tales Actus,
quæ non possunt à creaturis suis edi sine contume-
lia & læsione honoris sui? *An Deus potest, vi*
phyfica illos in Hominibus ponere Actus, quos con-
scientia, quos scriptura nos docet abominari Deum,
& diris ac æternis suppliciis velle vindicare?
Hinc *Concursum Dei ad Actiones nostras prævium,*
quem docemus, ita invidiose depingit, tanquam
ex quo *Creatura non tam agat quam a Deo aga-*
tur, Deus autem unicè operetur in nobis; quam
sententiam Atheorum propriam videri dicit. Vi-
des itaque Lector, quod non vanè & absque ratio-
ne conjecerim §. xxix. in fine. *Quid imprudentior*
& audacior discipulus ex præmissis Doctoris sui
aliud concludet, quam Actiones nostras a Deo Caus-
sa prima non aliter dependere, quam ut Virium
agendi concessarum Conservatore, & operante mo-
dò per generalem quendam & vix intelligibilem in-
fluxum, à CREATURA DETERMINANDUM? Ex qua
sententia quid porro sequatur, Verbis Cl. Andala,
(qui Collega Nostri fuit per breve tempus, ut & Clar.
Parentis ejus in Academia Franekeranâ, dignissi-
mus,) dicere malo quem meis, & sic finem hisce
Vindiciis meæ Dissertationis de *Natura peccati,*
imponere. Ita Ille in *Theol. Supranaturali de Pec-*

PRÆFATIO AD LECTOREM.

cati Natura. Disp. xxiii. §. xxi. Necessaria est itaque distinctio inter Actum peccato substratum, & inter ipsum peccatum, sive peccaminositatem, quæ actui necessario adest respectu creaturæ sublegis; minimè verò respectu Dei, cui ista Lex posita non est. Imo tam necessaria est hæc distinctio, ut hac neglectâ, vel Causæ secundæ peccantes in agendo statuantur esse Independentēs (QUOD TOLLIT DECRETUM DEI DE QUIBUSCUNQUE ACTIONIBUS MALIS, EARUMQUE PRÆSCIENTIAM, PRÆDICTIONEM, ET EFFICACEM CIRCA EAS PROVIDENTIAM, SPECIATIM CONCURSUM, ET INFERT SCIENTIAM MEDIAM, POSITA EARUM PRÆSCIENTIA,) *Vel Deus revera statuatür Auctor Peccati.* Quæ Consectaria, quàm injuriosa sūt in Deum, & Scripturæ, ac Doctrinæ Ecclesiarum nostrarum in Unionis Formulis expressæ, Contraria, & Fundamentalis Sanctæ Religionis nostræ Articulos impetentia; Nemo, vel mediocriter rerum divinarum scientia imbutus, non videt.

SERIES DISSERTATIONUM ACADEMICARUM.

- I. *De Miraculo & Myſterio Rubi Ardentis & non Consumpti, ad Exod. iii. 2.*
- II. *De Iniquitate Patrum imputata Filiis & Filiorum Filiis, Tertiis & Quartis, ad Exod. xxxiv. 7.*
- III. *De Voto Moſis, ad Num. xi. 29.*
- IV. *De Davide Lavante manus ſuas cum innocētia, & Circumeunte Altare Domini, in Fide Sacrificii Meſſiæ, ad Pſalm. xxvi. 6.*
- V. *De Amœnitatibus ſeu Myſteris Tabernaculi Levitici, à piis Veteribus intellectis ac creditis, ad Pſalm. xxvii. 4.*
- VI. *De Lingua Vatis Calamo Scribæ velocis comparata, ad Pſalm. xlv. 2.*
- VII. *De Pulchritudine & Gratia Labiorum Meſſiæ, propterea Benedicti in æternum, ad Pſalm. xlv. 3.*
- VIII. *De Juſtitia Meſſiæ Vicaria, Cauſa Unctio- nis Ejus ſupra Conſortes, ad Pſalm. xlv. 8.*
- IX. *De Regina Stante ad Dexteram Regis in auro Ophir, ad Pſalm. xlv. 10.*
- X. *De Filiis Meſſiæ pro Patribus ejus futuris, ad Pſalm. xlv. 17.*
- XI. *De Memoria Nominis Meſſiæ perpetua in omni generatione & generatione, ad Pſalm. xlv. 18.*
- XII. *De Moſe Legislatore Gratiam Chriſti Redemptoris implorante, ad Pſalm. xc. 16, 17.*

XIII.

SERIES DISSERTATIONUM.

- XIII. *De Messia, ex Torrente in via bibituro, ad*
Psalm. cx. 7.
- XIV. *De Hæreditate Terræ piis promissa, ad*
Matth. v. 5.
- XV. *De Antiquitate & Origine Baptismi Prose-*
lytorum apud Judæos, præcipuè ad Locum
I. Cor. x. 1, 2.
- XVI. *De Christo Primogenito, ad* Heb. i. 6.
- XVII. *De Secunda Primogeniti in Mundum In-*
ductione, ad Heb. i. 6.
- XVIII. *De Primogeniti Adoratione, Angelis im-*
perata, ad Heb. i. 6.
- XIX. *Continens CENSURAM in Exercitationes D.*
B. S. C. de Primogenito Dei Filio, Angelis
Excellentiore, cum MODESTA CALUMNIARUM
DEPULSIONE.
- XX. *De Natura Peccati, ad* I. Joh. iii. 4.

NOMINA
DOCTISSIMORUM JUVENUM

Qui has Dissertationes Academicas
publicè cum laude defenderunt.

Dissert.

- I CORNELIUS BLOM, WOUBRUGGA BAT.
24 Sept. 1732
- II PETRUS SCHUURMAN, EMBDANUS.
24 & 28 Jan. 1722
- III JACOBUS DE JONGE, SLUSA FLANDER.
22 Octob. 1732
- IV LUCAS LEMAAN, ENCHUSANUS.
2 & 5 Febr. 1723
- V PETRUS VAN OORDT, MEDIOBURGO ZE-
LAND. 6 & 10 Jun. 1722
- VI GABRIEL RECZYNSKI, LITHUANUS.
29 Nov. 1730
- VII JOH. REYNHARDUS MENCKE, CLIVO-
CLIV. 13 Decemb. 1732
- VIII JACOBUS FONTAINE, HASSO-CASSELLA-
NUS. 28 Jan. 1733
- IX PAULUS DU CAÏLAR, DELPHO-BATAVUS.
4 Martii 1733
- X PHILIPP. NICOLAUS KLING, FRANCOF.
AD MOEN. 15 April. 1733
- XI PETRUS VAN GILST, HAGA BATAVUS.
9 Maji 1733
- XII CONR. BLOM, LEONARD. FIL. VLAARD. BAT.
24 Junii 1733
- XIII JOHANNES ROBERT, LUGD, BAT.
29 Maji 1728

XIV

NOMINA DOCTISSIMORUM JUVENUM.

Differt.

- XIV PETRUS MACARE, MEDIOB. ZELANDUS.
3 & 7 Febr. 1725
- XV PETRUS MOSES FERNANDEZ, LVGD.
BAT. 20 Maji 1724
- XVI JACOBUS DU MARCHIE, ZELANDUS.
5 Octob. 1729
- XVII BERNHARDINUS DE MOOR, GOUDANUS.
12 Octob. 1729
- XVIII SAMUEL BAROVIUS, AMEIDA BATAVUS.
26 Octob. 1729
- NICOL. WOLF VAN DER MAAS, }
AMST. BAT. } 5 & 16
- XIX LUCAS CONYNENBERG, }
AMST. BAT. } Nov.
1729
- XX ALBERTUS BIERUMA, LAMB. FIL. GRONING.
6 & 9 Maji 1722

INDEX

INDEX

LOCORUM SCRIPTURÆ

Brevius vel prolixius Explicatorum.

GENESIS.

Cap. III. 18.	Pag. 12
— 19.	414
IV. 15.	675
VI. 9.	310
XII. 7.	389. & seqq.
14.	340
XIII. 15.	
XV. 7.	389, 391, 408
17.	24
XX. 5.	126
7.	93
XXII. 17.	689
18.	150
XXX. 2.	291
XXXV. 2.	450, 471
XLIX. 10.	663
18.	321
21.	213

EXODUS.

Cap. II. 5.	470
III. 2.	1
XII. 48, 49.	469

Cap. XIX. 10, 14.	446
XX. 5.	37
XXI. 6.	550, 551
14.	135
XXVII. 4, 5.	134
XXX. 17, - 21.	122
31, 32.	242
XXXII. 32.	108
XXXIV. 7, 34, 62, 64	
XXXVIII. 4.	134
XL. 30. - 32.	122

LEVITICUS.

I. 3, 4, 5.	140
XXVI. 44.	673

NUMERI.

Cap. XI. 16, 17, 25, 28. - 88,	
87. 101, 102	
XI. 29.	84. & c.
XIV. 18.	43
XV. 15, 16.	446, 471,
	472

I N D E X

I. R E G.

DEUTERON.

Cap. IV. 30, 31.	675	Cap. II. 19.	266
V. 9.	37	X. 11, 12.	274
VI. 4.	423	XIX. 10.	132
7.	10	14.	100
XXI. 6, 7.	121	XXII. 49.	273
XXIV. 16.	62, 65		
XXVIII. 33.	659		
37.	652		
49.	659		
52.	<i>ibid.</i>		
62.	<i>ibid.</i>		
64.	656		
68.	657		
XXXII. 9, 10.	136		
26, 27.	675		
43.	540, 541		
XXXIII. 16. 4, 29, 34	1		

II. R E G.

Cap. III. 15.			98
---------------	--	--	----

I. C H R O N.

Cap. XXVI. 11.			275
XXIX. 23.			249

II. C H R O N.

Cap. III. 6.			274
IV. 6.			122
XX. 35, 36.			274

E S D R.

Cap. VII. 6.			183
--------------	--	--	-----

J O B.

Cap. IX. 30, 31.			126
XVIII. 13.			512

P S A L M.

Psalm. III. 2.			192
			Psalm.

J O S U A.

Cap. VII. 13.	473, 474
XV. 15, 16.	10

J U D I C.

Cap. VII. 1. -- 8.	373, 374
--------------------	----------

I. S A M.

Cap. XIV. 4.	10
XXVIII. 13, 14.	549,
	550, 555

LOCORUM SCRIPTURÆ.

Pſalm. VIII. 6. - 9. 298. 524.	Pſalm. LVI. 14.	405
551	LXIII. 6.	176
XVI. 8. 270	LXV. 10.	398
11. 363	LXVIII. 30.	326
XXIV. 7, 8. 536. 539	LXIX. 24.	691
XXV. 13. 381. 430	26.	659
XXVI. 6. 115. 174.	29.	393
176	LXXII. 11.	279
12. 116, 117	17.	309
XXVII. 4. 96. 144.	LXXIII. 13.	131
155	LXXIV. 9.	326
10. 156. - 158	LXXX. 18.	271
160, 161	LXXXII. 6.	549
13. 158. 166,	XC. 10.	330, 331
167. 386,	16, 17. 320. Ec.	
387. 405, - 407	XCI. 14.	377, 683
XXXI. 20.	XCV. 7. - 10.	307
XXXII. 8.	XCVII. 4. 524. 527. 535	
XXXVII. 9. - 11. 381	7.	547. Ec.
37. 428	8.	535
XXXIX. 13.	CV. 8.	674
385	15.	93. 245
XL. 7, 8.	CIX. 6.	270
XLV. 1. 2. 177. Ec.	31.	ibid.
3. 197. Ec.	CX. 3.	197
4. - 6. 199	5.	270
7. 236. - 238	7.	352
8. 209. 226.	CXVI. 9.	405
Ec.	CXVIII. 27.	138, 139
10. 201. 254.	CXIX. 18.	173
11, 12. 272.	CXXI. 5.	267. 271
281	CXXXVIII. 1.	551
14, 15, 16. 276.	CXLII. 6.	167. 386,
282	387. 404,	
17. 283	405	
LI. 9. 174, 175	PRO-	

I N D E X

PROVERBIA.

Cap. II. 21, 22.	381, 392, 393, 394. 415
VIII. 23.	241
30.	7
X. 30.	381, 392, 393, 394, 415
XII. 11.	398, 399
XVI. 12.	226

ECCLESIAST.

Cap. XII. 13.	548
---------------	-----

CANTIC.

Cap. V. 10, 13, 16.	208, 212
VI. 8, 9.	259, 260, 262
VII. 8.	11

JESAIAS.

Cap. VI. 11, - 13.	659, 660. 689, 690
IX. 6.	283
XXIV. 14, 15.	664
XXV. 2.	<i>ibid.</i>
XXXII. 14.	<i>ibid.</i>
2	397
XXXIII. 17.	302, 399, 400, 401, - 404
XLVIII. 9.	675

Cap. L. 4.

LIII. 5.	212
8.	339
LIV. 1.	404
5.	174
LVII. 13.	558
LVIII. 14.	380, 388
LX. 21.	381
LXI. 10.	276
LXII. 2.	309, 653
LXIII. 12.	271
LXV. 15.	309, 652, 653
20.	438

JEREMIAS.

Cap. XVI. 11, 12, 13.	77
XIX. 10. - 13.	664, 665
XXXI. 35. - 37.	676
XXXII. 18.	144
XXXIII. 18.	347

EZECHIEL.

Cap. XVI. 8, 9.	474, 475
55.	665
XVIII. 2.	58, 67
20.	39, 49, 50

DANIEL.

Cap. V. 25.	193
IX. 24.	251
26, 27.	665

HO-

LOCORUM SCRIPTURÆ.

HOSEAS.

Cap. I. 10, 11. 677
III. 4. 663

A M O S.

Cap. II. 11. 94
IX. 8, 9. 677, 678

M I C H.

Cap. III. 12. 654

Z E P H A N.

Cap. III. 8. 660

H A G G.

Cap. II. 8. 538

Z A C H A R.

Cap. III. 1. 270
XI. 6. 661
7. 10, 11. 14. 666
XIII. 8, 9. 33. 688, 689

M A L A C H.

Cap. III. 1. 207. 320
12. 395. 397
IV. 1. 667

EUANGEL. MATTH.

Cap. III. 15. 214
IV. 6. 377
V. 5. 380. *seqq.*
VII. 16. 13
VIII. 11. 153
XI. 28. - 30. 198. 214
XII. 50. 513
XXII. 2. 254
43, 43. 355
XXIII. 15. 469
32. 35. 63. 68
XXV. 33, 34. 267
XXVII. 24. 121

M A R C.

Cap. VII. 23, 25. 120
XII. 36. 355
XIII. 32. 249
XVI. 15. 538, 539

L U C.

Cap. II. 14. 348. 525
IV. 22. 212
VI. 44. 13
XII. 50. 215. 375
XXI. 22. 659
24. 667
XXIII. 34. 684

EUANG.

I N D E X

EUANGEL. JOH.

Cap. VIII. 29.

513, 514.
585

Cap. I. 10. 530
25. 456. 486,
487. 495
III. 3. 5. 10. 456, 457.
488, 489.
495, 496

32. 601
XI. 3. 132
25. 687
28. 291
36. 303

25. 468
VI. 68. 215
VII. 48. 279
VIII. 19. 656
32. 392
36. 586
56. 153
IX. 2. 34. *Et seq.*
XIX. 30. 216

I. CORINTH.

Cap. I. 26, 27. 261
II. 12. 103
V. 1. 495
VIII. 6. 518
X. 1, 2. 477. 486
3, 4. 480, 481
XII. 28. 93
XIII. 12. 194

ACTOR.

Cap. I. 25. 433
II. 33. 36. 235
III. 13. 6
XI. 26. 317
XV. 10, 11. 154. 252.
349
XX. 35. 329
XXIV. 18. 124

II. CORINTH.

Cap. III. 16. 174
XII. 9. 1
12. 261
XIII. 13. 349

AD ROM.

AD GALAT.

Cap. I. 16. 183
IV. 13. 420. 424,
425, 426.
433

Cap. II. 9. 268
III. 23. 149. 344
IV. 1. 146. 154
26. 284
AD

LOCORUM SCRIPTURÆ.


AD EPHES.		Cap. III. 7. 12.	307
		14.	247
Cap. IV. 11.	93	VI. 1. 2.	475. 477
V. 29. 32.	272	VII. 9. 10.	80
AD COLOSS.		11.	517
		13.	135
Cap. I. 18.	515. 519	VIII. 5.	172
AD PHILIPP.		IX. 8.	365
		23.	172
Cap. II. 9.	248. 377	X. 1.	<i>ibid.</i>
I. THESS.		5. 6.	546
		10.	220. 337
Cap. IV. 16.	154	XI. 7.	537
II. TIM.		26.	153
		39. 40.	349. 409.
Cap. III. 15.	150		410
AD TIT.		XII. 2.	235. 362
Cap. I. 12.	94	24.	224
III. 5.	499	JACOB.	
AD HEBR.		Cap. II. 10.	622
Cap. I. 6.	501. <i>seqq.</i>	22.	I
8. 9.	237. 238	IV. 5. 6.	89. 90. 91
II. 5.	523. 526. 528.	19.	292
	532. 534	I. PETR.	
11.	513. 585	Cap. I. 11.	96. 97
III. 1. 2.	207	II. PETR.	
		Cap. I. 4.	289. 587
		II. 5.	537
		10.	350
		<i>b</i>	I.

INDEX LOCORUM SCRIPTURÆ.

I. JOH.

APOCAL.

Cap. I. 8. 10.	609	Cap. III. 15. 16.	100
II. 18.	294. 295	VIII. 13.	385
III. 4.	607. <i>seqq.</i>	XII. 1.	31
V. 17.	621	XIX. 16.	240



DISSER.

DISSERTATIO

P R I M A.


D E

MIRACULO ET MYSTERIO RUBI
ARDENTIS ET NON CONSUMPTI.

A D L O C U M

E X O D. III. 2.

I.



ἡ δὲ δυνάμις μου ἐν ἀσθενείᾳ τελεῖται 2 Cor. XII. 9.
sunt verba Christi, Dei ac Domini nostri
παντοκράτορος, quibus Paulum Apostolum,
modo in cœlum sublatum, nunc verò quasi
in tartarum detrusum, consolatus fuit adver-
sus gravissimam tentationem & afflictionem,

immittam ipsi, ut *Potentia* Domini divina in ejus sustenta-
tione, conservatione ac corroboratione in fide & amore
Dei, omnique opere bono, tantò illustrior eluceret. *Po-
tentia* enim Domini cum sit omnipotentia infinita *Joh. x.*
29, 30. *Apoc. i:* 8. augeri in se inquit, nec *perfici* potest.
Perfici autem dicitur, cum *perfecta* declaratur ac demon-
stratur nobis per effecta; simili sensu quo fides dicitur *per-
fici* ex operibus, idest vera ac sincera declarari *Jac. ii. 22.*
Sic sanè *perficitur potentia* Domini in *infirmirate*: quando
non solum *per infirmos* magna & mirabilia operatur, sicuti
per Paullum imperio suo mundum gentilium subjecit *Rom.*
xv. 15, 16, 17, 18, 19; atque per paucos piscatores, vilef-
que & abjectos Galilæos Satanæ in mundo Regnum poten-

ter destruxit *Pſalm.* viii. 3. *1 Cor.* i. 25, 27: Verùm etiam quando *in infirmis* potenter operatur; mortuos peccatores vivificat *Job.* v. 21, 25. *Ephes* 1: 19, 20; infirma & stulta hujus mundi fide & sapientiâ cœlesti donat *1 Cor.* i. 26, 27, 28; singulos suos subditos, infirmos, omnique humano auxilio destitutos, adversus hostes infernales & mundanos validissimos, omnisque generis tentationes atque persecutiones munus defendit atque custodit *Job.* x. 28, 29, 30. *1 Pet.* i. 5. *Jes.* xli. 10; imò totam in hisce terris Ecclesiam militantem, ut verè inermem ovium gregem, tueretur adversus vim omnem mundi & postarum inferni *Matth.* xvi. 18.

II. Illustre hujus *potentiæ* suæ in *infirmis* consummatæ specimen atque documentum dedit Dominus Moſi apparens in *Rubo*, in deserto Sinai. Ubi non modò ostendit magnitudinem *potentiæ* suæ in *Emblemate*, in *Rubo* nempe vili, infirmo, facilè flammam concipiente, atque per eam comburendo, qui tamen miraculosâ ejus, *Angeli Jehovæ* dicti, præsentia ac *potentiâ* non consumebatur: verùm etiam & magis in Re isthoc *emblemate representata*, nimirum in *Ecclesiæ Israëliticæ*, imò & totius *Ecclesiæ militantis*, futuræ postea in terris, mirabili *Conservatione* usque ad finem sæculi, non obstante igne afflictionis perpetuo, nunc magis nunc minus arsure, & incensuro *Rubetum* Ecclesiæ; ut sic *Virtus Domini in infirmitate ejus perficeretur*.

III. Quamquam Veteres & Recentiores Interpretes magno numero & prolixis Commentariis hanc verè *magnam Visionem*, (cujus alibi in Sacra Sc̃pturâ haud semel est mentio facta, à Moſe *Deut.* xxxiii. 16. à Christo *Luc.* xx. 37. atque a Stephano *Act.* vii. 30, 31.) illustraverint, haud tamen omnia ita occupavit eorum diligentia, quin aliquod spicilegium nobis reliquerint, & nonnihil observandum, quod ad clariorem & pleniorẽ hujus *Miraculi*, & sub eo latentis *Mysterii*, intelligentiam aliquid insuper conferre potest. Quod ut ostendamus, *Literalem* primò magnæ visionis hujus dabimus *Sensum*: & deinde *Mysterium* latens, seu

DE RUBO MOSI:

seu rem *spiritualem* ex divino consilio *figuratam*, perscrutabimur. In *Literâ* verò occurrunt expendenda, tum generalior *Apparitionis* Domini Commemoratio, tum specialior *Modi* ejus Enarratio. Generalius iterum considerabimus Personam Cui visio hæc obigit, & deinceps *Quæ* apparuit, & denique ejus *Apparitionem* memoratam.

IV. Cui apparuit Dominus indicatur per *וַיֹּאמֶר* illi, nempe Mosi, de quo *1. 1*; qui nepos erat Patriarchæ Levi ex matre Jochebed *Num. xxvi. 5*, sed ex Patre Amram & Avo Kehath ejusdem pronepos *Exod. ii. 1. vi. 19*; jam octoginta annos natus *Exod. vii. 7*, quorum 40 priores in aulâ Pharaonis quoad maximam partem *Exod. ii. 10, 11*, & posteriores in peregrinatione Midianiticâ transegerat *Act. vii. 30. Exod. ii. 15*, reliquos 40 annos vitæ suæ transacturus in ducatu populi, ad quem nunc vocabatur à Domino, ex Pastore pecudum constituendus in Pastorem Israël, ut hunc Pastoralis clementiâ, patientiâ, assiduitate & æquitate, virtutibus hisce jam satis per exercitium artis Pastoriciæ eruditus, gubernaret. *Pascebat* enim gregem *Jithronis* socii sui sacerdotis seu præsidis Midianitarum: quem cum duxisset post desertum *אֶחָר הַמִּדְבָּר*, id est; vel in locum irriguum, floridum, herbisque abundantem; vel potius post partem deserti, (ad interiora deserti habet *Vulg.*) umbras in silvoso quodam ejus clivo quærens & in horridi dumeto Sylvani, ut gregem ab æstu meridiano subduceret, (uti vult *Moncæius* de *Apparitionibus*, *Fasc. ix. Opusc. Philol.*) Venit ad montem Dei, ad Horeb, legislatione postea illustrem, atque alio nomine Sina *Act. vii. 30.* dictum, nisi malimus partem montis Sinai, ejusque cacumen alterum appellatum fuisse Horeb.

V. Qui apparuit in hoc monte, coll. *ψ. 12*, ANGELUS DOMINI dicitur, qui non erat creatus alijs Angelus, qui in Persona legantis Dei loqueretur, sed Deus ipse, & Persona Divina, una ex sacrosancta Trinitate. Appellatur enim *יהוה* *ψ. 4, 18*, quod nomen soli Deo proprium

DISSERTATIO

est *Hof. xii. 6*, & idcirco creaturæ dari nequit. Sicuti & nunquam inter homines legato alicui nomen Regis aut Principis legantis proprium tribuitur. Talia præterea hic *Angelus Domini* loquitur, quæ solus Deus potest eloqui, & quidem absque ulla præfatione, à Prophetis Dei aliàs, atque à legatis Regum terræ adhiberi solitâ, *sic dicit Deus*, vel *sic dicit Rex*. Qualia verba pronunciat hic Angelus in sequentibus: *Ego sum Deus patris tui, Deus Abrahami, Deus Isaci, & Deus Jacobi, v. 6, coll. v. 15. Matth. xxii. 31. 32. Marc. xii. 26: videndo vidi afflictionem populi MEI, (coll. Exod. xix. 5, 6) & clamorem eorum audivi, v. 7: Ecce clamor filiorum Israelis pervenit ad ME: v. 9. (coll. Deut. vi. 13. Matth. iv. 10) MITTAM te ad Pharaonem, deinde educito populum MEUM filios Israelis ex Ægypto v. 10: ero Tecum, & hoc esto signum tibi quod EGO miserim te, v. 12: אֲהִיָּה אֲשֶׁר אֲהִיָּה ERO QUI ERO — sic dicito filiis Israël, אֲהִיָּה ERO misit me ad vos v. 14: Jehova Deus Patrum vestrorum, Deus Abrahami — misit me ad vos: hoc est nomen meum in seculum, & hoc memoriale meum in omnem ætatem v. 15. An ita loqui potest nuda creatura? An ita loqui auderet Angelus creatus absque ullâ præfatione, *sic dicit Deus*. Quare temerè admodum & fastuosè, contra affectatam quandoque ipsorum modestiam Remonstrantes in Apologiâ Cap. iii. Sect. iii. hunc quoque locum nostrum annumerarunt iis, in quibus nomen *Jehova* Creaturis passim in Scripturâ tribuitur, & quidem tam aperte, ut frontem perfricuisse censeri debeat, qui id negare audet. Certum est porro quod hic *Angelus Domini* apparens in Rubo appelletur à Mose *Deut. xxxiii. 16 שכני כנה*, id est, vel *Habitator Rubi*, (quando *Jod* in *שכני* est paragogicum) vel *meus Rubi* *Habitator*, (quando esset affixum primæ personæ) qui erat objectum fidei amoris ac obsequii Mosis summum; a quo ille Josephi posteris precatur omnem benedictionem, ut *eius gratia veniat in illius caput*. Neque dici debet cum *Enjedino*, *Alium* fuisse *Angelum* qui Mose apparuit, & *Alium* qui cum ipso locutus est.*

Nam

Nam nullibi in hac historia *Apparens à Loquente* distinguitur *essentialiter*. Stephanus quidem dicit *Act. vii. 35. Deum* misisse Moſen *manu Angeli qui viſus fuerat ei in rubo*: verum ſic diſtinguit *Angelum* hunc a *Deo* *personaliter*, ut unam perſonam divinam ab aliâ, quæ diſtinctio latet quor in phraſi מלאך יהוה, quæ eſt in Textu, & quæ non per appoſitionem *Angelus Jehovæ*, ſed in regimine poſita eſt, *Angelus Jehovæ*, ut indicetur myſterium pluralitatis perſonarum divinarum. Nec aliter intellexerunt hoc Patrum Antiquiſſimi. Diſertè *Juſtinus* in *Dial. cum Tryphone* p. m. 283. ſcripſit, quod λόγος ſolus, qui & Angelus vocatur & Deus eſt, ὡφθη ὑπὸ προσωμίληſε τῷ Μωſεῖ, apparuerit & verba cum Moſe commutaverit. Similiter *Irenæus* *Cont. Hæc. Lib. IV. C. vii. §. 4.* omnem Angelum creatum hic excluſit. Verba *Hilarii* *Lib. IV. de Trinit.* emphatica ſunt. Qui apparuit in rubo, de rubo loquitur, & viſionis locus unus & vocis eſt, neque alius quam qui eſt viſus auditur. Quia qui Angelus Dei eſt cum videtur, idem rurſum cum auditur, eſt Dominus.

VI. Dominus autem hic qui apparuit & locutus eſt, non eſt Deus Pater, à quo diſtinguitur hic Angelus, & à Stephano, l. c., & à Moſe, cum Angelum Jehovæ eum vocat. Nec *Angeli* nomen unquam datum eſt Patri, nec commodè ob naturalem ejus ſubſiſtendi ac operandi ordinem dari poteſt. Aliud argumentum addit *Cl. Coccejus* ex *Job. v. 37.* ubi dicit Chriſtus, vocem patris non audiviſſe *Judeos*. Neque etiam hic Angelus Jehovæ eſt Spiritus Sanctus. Spiritum Sanctum alicubi Angelum dictum non récolo, ait *Auguſtinus* *Lib. 11. de Trin. C. 12.* Poſſe ita appellari non nego. Ita verò aliquoties vocari, quod nonnullis Viris doctis hodie placet, nondum compertum ſatis habeo. Sed hoc mihi certum eſt, quod hoc in loco intelligi nequeat: Quia hic Angelus Domini ſe declarat Liberatorem populi, atque ad eò Angelum Faciei Illum, à quo Spiritus Sanctus manifeſte diſtinguitur *Jef. LXIII. 9. 10. 11.* Remanet ergo ut

fit *Filius Dei* Redemptor ac Mediator : qui nomine *Angelus* frequenter venit in V. T. *Gen.* xvi. 7. 9. 10. 13. xlviii. 16. *Exod.* xxiii. 20-23. *Judic.* vi. 21. 22. xiii. 3: 18. *Job.* xxxiii. 23. 24. *Jes.* lxiii. 9. *Zach.* iiii. 1. *Malach.* iiii. 1. & qui à Stephano *Angelus* *Act.* vii. 33. ἐν χηρὶ ἀγγέλῳ, sed à Paulo *Mediator* appellatur *Gal.* iiii. 19. ἐν χηρὶ μεσίτῃ. Neque obstat *Locus Act.* iiii. 13. *Deus ille Abrahami & Isaaci & Jacobi, Deus patrum nostrorum glorificavit Filium suum Jesum*; nam Filius cum Patre, & Pater in Filio est Deus Abrahami.

VII. Certè Filius Dei meritò appellatur *Angelus Jehovah*: non ob Emissionem ac Processionem naturalem à Patre: neque ob Ordinem operandi naturalem, juxta quem Pater per Filium operatur; nam *Angelus* officii nomen est, non naturæ: neque etiam quia in *Angelo* creato apparuit, seu in signo visibili, quo solebant Angeli hominibus apparere, quemadmodum cum in humanâ formâ videbatur, *Vir* dictus est: neque tandem quia futura prænunciavit, & sic *Nuntii* nomen meruit, uti *Philo Judæus* in lib. de *Vita Mosis*. p. m. 612. Sed quia *Missio* ejus in mundum ad Munus Mediatoris obeundum in Concilio Trinitatis ab æterno erat decreta *1 Pet.* i. 20. & quia vi hujus decreti immutabilis, quo & ipse voluit in tempore fieri Mediator, & *mit*-*ti* à Patre, & consequenter vi sanguinis sui in assumenda humanitate fundendi, nec non per Virtutem divinam suam, Electorum salutem tunc quoque sub V. T. procuravit *Act.* xv. 10. 11. ut Angelus Fœderis, Mediator ac Sacerdos *Job.* xxxiii. 23. 24. *Psal.* lxxx. 16. 18. cxix. 122. *Dan.* ix. 17. *Zach.* i. 12. ix. 11. *Malach.* iiii. 1. absque ullotamen ministerio dependentiæ & subjectionis actualis *Gal.* iiii. 19. 20. quam *Ariani* ex hoc nomine *Angeli* olim frustra colligebant. Vide quæ de hisce scripsimus in *Prima parte Dissert. Sacrar. Leidens. Dissert.* i. §. xxvi. & *Dissert.* xiv. ad *Gal.* iiii. 19. 20. Optime *Calvinus* in locum nostrum: *Quoniam ergo tunc proprie loquendo nondum nuntius Patris erat, Præ-*
desti-

destinatio tamen ad officium jam ita vigeat, ut patribus sub hoc habitu (sc. nuntii) cognoscendum se præbuerit. Nec sane unquam alia sanctis fuit communicatio cum Deo, quam per Mediatorem promissum. Itaque nil mirum si æternus Dei sermo — nomen Angeli mutuatus sit futuræ legationis respectu. Nec tantum ob missionem ejus decretam, certòque futuram, ejusque tunc quoque extantia effecta salutaria dictus fuit Angelus Domini, verum etiam ob missionem Symbolicam, quia scilicet in Creatura visibiliter apparuit quandoque, atque missionis suæ in orbem terrarum Præludia dedit Prov. viii: 30. ludendo in orbe terræ in Apparitionibus & Colloquiis cum hominibus habitis, variis in formis, figuris, habitibus, modisque Apparitionis. Quod festivâ quadam similitudine illustrarunt Patres apud Lorum in Act. vii. pag. 337.

VIII. Ejusmodi APPARITIO & heic memoratur verbo **אֲרָא**. *Et, vel Tunc visus est, apparuit, Angelus Domini. Apparere dicitur Deus, & speciatim Filius Dei; cum dormientis aut in ecstasi rapti phantasie & facultati imaginatrici præsentem se sistit signo aliquo visibili, vel etiam audibili Gen. xxvi: 24. 1 Reg. iii: 15. ix: 9. xi: 9. 2 Chron. i: 7. & cum vigilantis sensibus externis simili modo se exhibet: Vel Voce sola 1 Sam. iii: 21. Vel in Humana forma & loquela simul Gen. xii: 7. xvii: 1. xviii: 1. 2. 22. 34. xxvi: 2. xxxii: 24. 30. xxxv: 1. 6. 7. 9. xlviii: 3. Jud. vi: 12. 21. 2. xiii: 3. 6. 8. 16. 20. Vel denique in alia quadam creatura per divinam potentiam productâ; qualis fuit Ignis devorans sacrificia Levit. ix: 4. 23. 24. & Columna nubis & ignis Deut. xxxi: 15. Exod. xvi: 10. Num. xiv: 10. &c. & lucidissima illa species Dei Israël Exod. xxiv: 10. nec non Ignis ille visus in monte Sinai cum voce Domini auditâ, absque ullâ Dei imagine aut simulacro Exod. xix: 18. xxi: 17. Deut. iv: 12. 15. 36. xviii: 16. Ejusmodi creatura quædam & heic adfuit in monte Horeb, in quâ Dominus apparuit Moysi; nempe Ignis flamma, Rubetum in-*
cent-

cendens, sed non consumens. An præterea adfuerit *Forma* quædam *humana*, uti videtur existimasse *Irenæus* l. c. aut alia quædam visa quoque *Forma pulcherrima nulli visibili similis*, τὸ ὁμοειδὲς *imago*, è medio ignis promicans. de qua loquitur *Philo Judeus*, in Libro de *Vita Moſis* p. m. 612. affirmari pro certo nequit. Moſes enim Angelum Jehovæ eſſe in Rubo non niſi ex auditu percepisse videtur ex *vs.* 3. 4. 5. 6. quando *Deum ex igne*, ut *symbolo præſentiæ*, loquentem *aſpicere verebatur.*

IX. Sequitur ergo ſpecialior *Modi Apparitionis* Enarratio. Ubi primò dicit Moſes, quòd apparuerit Angelus Jehovæ ſibi בִּלְבַת אֵשׁ *Belabbath eefch*, id eſt; vel in corde ſeu medio ignis, quando *belabbath* eſſet ſcriptum pro *belibbath*, à voce לִבָּה *libbah* cor *Ezech.* xvi: 30. quemadmodum alibi *patach* pro *chirek* ſub *Gimel* eſt poſitum in voce וְכִנְנָה *Jef.* lxi: 11; vel potius in *flamma ignis*, ut בִּלְבַת ſit poſitum pro בְּלֶהֱבֵת, a voce לֶהֱבֵה *flamma.* Et ita acceperunt vocem LXX. ἐν πυρὶ φλογὸς, & *Lucas* in *Actis*, Cap. vii. 30. ἐν φλογὶ πυρὸς, & *Vulgatus*, in *flamma ignis.* Non erat verò mera ignis ſpecies ac ſimilitudo, ſed verus ignis, aliàs enim Moſes pro miraculo non habuiſſet, quod ignis ille rubum non combureret, uti bene obſervatum eſt a *Bonſerio.* Præterea *Flamma ignis* eſt: vel ignis cum *flamma*, flammans, unde LXX. habent ἐν πυρὶ φλογὸς in igne *flammæ*, flammam producente, (coll. *Jef.* iv. 5.) nam datur quoque ignis absque *flamma*, ut in ligno, carbone, ferro, ceſpite ignito, aut alii materiæ immixtus: vel *flamma* quæ erat revera ignis, vi adurendi & comburendi præditus, non lucens modò ſed & urens, unde dicitur in ſequentibus, quod *rubus ille arderet igne.* *Flamma* verò cum ſit fumo proxima, hæc purior fuiſſe videtur absque denſo fumo admixto, quia aliàs Moſes haud ita diſtincte ramos non conſumptos conſpicere potuiſſet. Quando porro in hac *flamma ignis* dicitur apparuiſſe Angelus Domini, non ſignificatur,

DE RUBO MOSIS.

5

catur, uti dictum est, alia quædam forma corporea in medio flammæ conspicua, sed *ipsa illa flamma*, ipseque ignis, symbolum visibile præsentia Domini statuitur. Eodem modo quo dicitur *Exod. xix. 18. descendebat super eum Jekhova in ipso igne* שׁוֹרַח, coll. *Deut. iv. 12. 15.*

X. *Secundò*, addit Moses מִתּוֹךְ הַסֵּנֶה LXX. ἐκ τοῦ μέσου τοῦ ῥυτίου. *Valg. de medio rubi.* Non occurrit סֵנֶה, quantum mihi constat, punctata cum Scheva & Segol, nisi hîc *vs. 2. 3. 4. & Deut. xxxiii. 16.* Non significat *Palmam*, nobilissimam & pulcherrimam illam Arborem, quæ Hebr. תַּמָּר & Græcè φοινῖξ dicitur, quod multis nuper & animosè satis, haud tamen absque ingenii & variæ eruditionis demonstratione contendit *Georgius Vereftoi, Transilv. Hungarus*, in Dissertatione Philol. Theol. de *Palma Ardente*, quam ante septennium in Academiâ Franequerana publicè defendendam suscepit: quemque Actum suo præsidio Celeberrimus *A. Schultens*, tunc temporis in illa Academia, nunc apud Nos Linguarum Orientalium Doctor, atque Ill. ac Præpot. Ord. Holl. & Westfrisiz Collegii Regens dignissimus, condecorare voluit. In qua Dissertatione Auctor abundè testatum dedit verbis & opere ipso, quantum in scientia Orientalium linguarum ac rerum illo consummato Magistro profecerit. Conscripseram dudum hanc Disputationem meam antequam Compendium istius Dissertationis in Musæo Bremensi, & postea ipsa Dissertatio in manus meas pervenerunt. Audivi quoque *Clar. Hasæum*, juxta promissa in Musæo illo Bremensi data in peculiari Dissertatione hanc novam sententiam sub examen revocasse, atque Dissensum suum testatum fuisse. Sed illam hætenus mihi videre haud licuit. Neque ego video rationes a Doctissimo Auctore allatas tanti esse ponderis, ut ab recepta sententia discedere hac in parte cogant. Meritò omnes Interpretes statuerunt hætenus vocem סֵנֶה denotare fruticem spinosum, & speciatim *Rubum*. Quam communem hypothesin firmare possunt aliquatenus meo quidem

dem judicio, hæc, a me Disputationi jam conscriptæ inserta, sequentia.

XI. Voci סנה (de quâ Auctor ille dicit, quod *nunquam apud Arabes Rubum significet* p. 95. & in derivatis apud Æthiopes & Arabes *pulchritudinem, sublimitatem ac eminentiam*, Palmæ, non Rubo adscribendam, notet p. 88. 113. 114. 117. &c.) inesse videtur *acuminis, punctio- nis, ac penetrationis communis quædam notio*, si ad deri- vata quædam, ac affinia vocabula in Hebræâ lingua at- tendamus. Haud caret probabilitate quod nonnulli mo- nent Lexicographi, à voce hac סנה *Seneh* derivata esse La- tina Vocabula *Sentis* ac *Sentus*. Propter *acuminis* notio- nem שן הסלע *dens seu scopulus acutus* petreæ alter di- ctus videtur סנה *Seneh* cum duplici segol 1 Sam. xiv. 4. Affine est שן Schanan *acuit, ut sunt aculei in rubo*, inquit Guffetius ad vocem סנה, *non quod intra linguæ Ebraicæ po- moeria ם unquam ponatur pro ש, sed quia id fit in Arabismo, ut ם ponatur pro ש Hebræarum radicem*. Bochartus in Geo- graphiâ Sac. Lib. 11. C. xvii. סן San (in Sanchoniaton) *decurtatum ex סנה sanna*. Id Phœnicibus idem fuit quod A- rabibus Sunna *Lex Doctrina*. . . . Hinc Phœnicia urbs eadem, modò appellatur קרית-ספר Kirjath-sepher *Urbs literarum* Jud. 1: 11. 12. Jos. xv. 15. 16. modò קרית-סנה Kirjath- sanna *Urbs doctrine seu Legis*. . . . πόλις γερμμάτων. Ra- dix סן Arabibus primò est *acuere*, deinde exquisitè docce- re, ita ut acutior fiat & perspicacior is qui docetur. Atque id ipsum est Hebræis שן, unde est quod de legis mandatis dici- tur Deut. vi. 7. שנתם לבניך *explanate docebis ea filios tuos*. Ita vertit Bochartus. Sed Trem. & Jun. *Eaque acu- tè ingeres filiis tuis*. Guffetius ad verbum שן scripsit. שן *de doctrinâ* Deut. vi. 7. *dicitur tradendâ iis modis quibus ma- ximè penetrare animum queat, tanquam arma acuta*. Sic convenit cum metaphora verbi הורה jaculari, in animum sci- licet, ut ei infigatur altissime. Ex quibus apparet vocem Sannab affinem nostræ *Seneh* notionem habere doctrinæ acu- tæ,

te, quæ penetrat in mentes discipulorum. Haud absque ratione quoque cogitari posset ad *acuminis* significationem respectum esse in voce **רִמְסֵי**, quam geminatis literis ex nostra **רִמְסֵי** esse factam volunt. Occurrit illa, semel lecta, *Cant.* vii. 8. *dico conscendam palmam, prehendam רִמְסֵי acumina ejus, seu ramos, quos cacumine tantum in orbem spargit Palma, eorumque ramorum extrema, acuminata magis; LXX. τὰ ὕψη αὐτῆς summitates ejus, apicesque foliorum ejus instar ensis ac gladii acutos, uti refert Bodæus in Theophrast. Lib. II. C. viii. p. 98. Pro cognatis Vocabulis haberi quoque possunt; רִמְסֵי Tzinna, aculeus Amos iv. 2. & frigus, quia pungit & penetrat Prov. xxv. 13. nec non רִמְסֵי fudes, spinæ, aculei Num. xxxiii. 55. Jos. xxiii. 15. & contractè רִמְסֵי Prov. xxii. 5. Job. v. 5. Unde desertum רִמְסֵי Num. xiii. 21. a spinis, uti desertum רִמְסֵי a rubis seu spinosis fruticibus quam plurimis Exod. xvi. 1. quodque idem cum רִמְסֵי esse volunt quidam, alii verò distinguunt, ut latius & angustius. Litera enim רִמְסֵי uti facile permutatur cum שׁ in רִמְסֵי & רִמְסֵי Amos vii. 9. 16. ita & cum רִמְסֵי, uti ex רִמְסֵי & רִמְסֵי, non sensu sed cognatione literarum distinctis vocibus, apparet. Quoniam ergo vox רִמְסֵי spinosum quid & aculeatum notat, non ducit nos ad Arborem nobilissimam illam *Palmam* dictam, sed ad fruticem aliquem aculeatum, & *Rubum*: vel si ita velis, ad quoddam *palmarum minorum* genus, quod a Chaldæis ac Talmudicis exprimitur vocibus רִמְסֵי & רִמְסֵי, & in deserto Tzin frequentissimum est; de quo Hillerus in *Onomastico* p. 575. & in *Hierophytico* p. 126. Fuit & *Palmarum* genus humile, fruticem non excedens, armatum spinis, quod apud Theophrastum χαμαίρριπες & a Dioscoride χαμαίζηλον, ab Hebræo רִמְסֵי vel רִמְסֵי adpellatur, quod frequentia sua & Deserto, & Urbi Tzin, quæ & Cades, nomen fecit &c. Sed hoc spinosarum palmarum genus, formam gerens indecoram tortam ac humilem, non intendit Auctor prænominatus, qui divina Majestate indignum judicat in spinoso fruteto ac senticeto*

apparere, cum hoc sit iræ suæ signum in terra, ac *maledictionis suæ perpetuum instrumentum*. In quo tamen magnopere errat. Nam; præterquam quod Rubus ipse non sit Dei symbolum, sed ignis in rubo; rubus unus aut alter non est signum iræ & *maledictionis instrumentum*, ut dicit; quia proculdubio hic frutex, non plane inutilis nec absque omni fructu, ante lapsum quoque in terrâ hac locum habuit: sed numerus & copia ingens *spinarum* ac *carduorum*, nec suo loco crescentium, Poenæ istius rationem habet, quam post Lapsum denunciavit Deus Gen. iii. 18. Neque cogitavit Auctor ille; quod Deus in *sublimi* & *sancto* habitet non solum, verum etiam quod gloriam sibi ducat ignobilia vilia contempta ac stulta hujus mundi eligere atque erigere in Tempia gloriolæ gratiæ suæ 1 Cor. i. 26. 27. 28. & deinde quod illud, quod Moses voce *רוב* indicare voluit, *symbolum* fuerit populi vilis, contempti, depressi, in luto & lateribus operantis, animoque dejecti, ut ex subjecta Domini Explicatione colligitur; quodque *symbolum* proinde in *vili Rubo* longe aptius reperitur, quam in erecta, celsa, validâ ac splendidâ *Palma*, quamvis & hæc aliàs populi Dei, sub aliâ *שֵׁט* considerati, egregiam exhibeat imaginem *Psalms*. xcii. 13. *Cantic*. vii. 7. 8. Neque hoc prætereundum est, quod Moses in sequentibus legatur miratus, non quod *Seneb* ardeat, sed quod *non combureretur*, cum tamen, si *Seneb* nobilis Arbor illa fuerit, *Palma* dicta, vel una, vel integrum *palmetum*, magnæ admirationis causa ipsi fuisset data in arbore isthac incensâ; quoniam palmæ lignum validum *difficulter ardet*, uti *Bodæus* ex *Theophrasto* ad *Hist. Plant. Lib V. c. ix.* adnotavit. Tandem quod maximè adversus hoc novum *עֵשֶׂה* observari velim, est quod Græci Interpretes V. T. eosque secuti Scriptores N. T. infallibiles *רוב* transtulerint per *βατ*. Quod vocabulum nusquam pro nobili *palma* sumitur. Acceperunt illud proculdubio *οι LXX.* eodem sensu communiter recepto, quo *Theophrastus*, Platonis & Aristotelis Auditor olim, *βατ* re-

Vetulit inter illos frutices, qui in ramis aculeum gerunt, Hist. Plant. Lib. VI. C. 1. cujusque plura genera descripsit Lib. III. C. XVIII. Neque alio sensu, scilicet pro planta vel arbore sponte nascente, uti vult Auctor ille, sed pro frutice aculeoso, & Rubo speciatim posuerunt vocabulum βάτῳ. Scriptores N. T. commemorantes hanc Apparitionem divinam, ut Marcus in Evangelio Cap. XII. 26. & Lucas in Euang. Cap. XX. 37. & in Actis. Cap. VII. 35. Hic enim βάτον pro spinoso frutice posuit in Euang. Cap. VI. 44. ἡ γὰρ ἐξ ΑΚΑΝΘΩΝ συλλέγουσι σῦκα, ἡ δὲ ἐκ ΒΑΤΟΥ τρυγῶσι σαφυλήν Neque enim è SPINIS colligunt ficus, neque è RUBO vindemiant uvam. Illa ἡ δὲ ἐκ ΒΑΤΟΥ τρυγῶσι σαφυλήν posita sunt à Luca loco eorum quæ apud Matthæum sunt Cap. VII. 16. μήτι συλλέγουσιν ἄπὸ ΑΚΑΝΘΩΝ σαφυλήν Num colligunt ex SPINIS uvam? Ex quibus manifestum est quod Lucæ βάτῳ nihil aliud sit quam frutex ἀκανθώδης. Cui etiam nomen βάτῳ apprimè convenit, descendens à βάω & βαίνω; sive notet id quod spontè, nulla culturâ humanâ interveniente, provenit ex terra, quod sanè Rubis spinosisque fruticibus maximè convenit; sive βάτῳ sit quasi ἄβαλῳ, ut Nicandri Scholiastes apud Bodæum in Theophrast. Lib. III. C. XVIII. dudum adnotavit, eò quod indomita sit planta, accessumque propter spinas, quibus valde pungit, non admittat. Si post hæc omnia Doctiss. Auctor de Palma ardente pergat, Adversarios suos obsecrare ut demonstrent montem Sinai famoso illo Rubeto inborruisse, ac dubitare an in monte Sinai, seu ad radices ejus Rubetum inveniatur: meritò quis ab Ipso vicissim postularet, ut demonstret inter arbusta deserti Sinai, Sin & Tzin, (quæ voces ipsâ soni & literarum vicinitate nos ducunt ad Sentes & Senticeta) nullum unquam Rubum, nullum Rubetum fuisse, nec crescere potuisse. Quod nemo sanus & sobrius demonstrandum sibi sumet. Certè Veteres & hodierni Christiani, incolæ & accolæ Montis Sinai, non credidissent olim, nec hodie crederent Deum in Rubo Mosi apparuisse ibi, quod refert tamen de iis Petrus Della Valle part. 1.

C. 28. p. 128. si desertum istud ab horrido dumeto omni plane abhorreret : Neque *Philo*, Judæus Alexandrinus , de *Vita Moſis* Lib. I. βάτον , in quo Dominus apparuit Moſi , vocaſſet, ἀκανθῶδες τι φυτὸν ἀσθενέστατον ; neque *Joſephus* Ant. Lib. II. C. XII. appellaeſſet θάμνον βάτων vel βάτε ; ſi dubitaſſet hic, vel ille, ſolum ſinaiticum, aculeatos frutices, ruboſque invalidos tuliſſe unquam, aut ferre potuiſſe. Tandem *Buxtorſius* in *Lexico* minimè negat veros Rubos monti *Sinai* (אֶרְבּוֹס Rubus) dediſſe Nomen, quando etiam figuratos in lapidibus ibi inventis *Rubos* adducit ex Commentatoribus in Lib. Mor. *Nebhuchim part. I. C. 66.* Vide etiam *Druſum* in *Deut. 1. Moſis Gerundeniſis & Kimchii* verba adducentem.

XII. Sed ut è diverticulo in viam redeamus, אֶרְבּוֹס eſt βά-
 10 Rubus ; cujus cum tria genera, maxime inter ſe diſtantia, re-
 cenſeat *Theophraſtus Hiſt. Plant. Lib. III. C. XVIII.* & *Pli-
 nius Nat. Hiſt. Lib. XVI. C. XXVII.* plura verò Recentio-
 res enumerent apud *Bodæum* in *Theophraſtum* l. c, quærunt
 nonnulli Interpretes, quodnam genus heic intelligi de-
 beat ; an *Vulgaris* βάτ0, an *humi repens* χαμαίβατ0, an
Canirubus κυνόβατ0, quem inter arborem & fruticem me-
 dium dicit *Theophraſtus*, &c. Cujus generis fuerit iſte
Rubus, nemo quem viderim explicavit, inquit *Urſinus* in *Ar-
 boreto* Cap. XXVI. p. 347. Humirepens *Chamæbatus* quia
 denſior & avidius ignem concipit non diſplicet *Hillero* in *Hie-
 rophytico* p. 476: *Vulgaris* βάτ0 ita deſcribitur a *Bodæo*
 l. c. *Vulgaris Rubus* tenues, oblongos, lentos ac obſequioſos cau-
 les edit, gracilitate & proceritate nimia in terram retractos,
 duris, minacibus, aduncis, pungentibus, aſperis ac nocentibus
 ſpinis communitos. Poſt folia & floſcula deſcripta ita pergit
 de fructu & radice ; Fructus ex compluribus acinis moro ſi-
 milis, ſed multò minor eſt ; initio rubens, per maturitatem ni-
 ger, guſtu cum dulcedine quadam ſubacidus : radix nodoſa &
 fibroſa etiam ſerpit, ſubinde nova germina proferens. Hujus
 generis fortè fuit *Rubus Sinaiticus* ille, in quo *Moſi* ap-
 paruit Dominus. Sed nihil determinamus.

XIII. Hoc interim certum nobis videtur, non fuisse unicam plantam, uni radici insistentem, sed ruborum multitudinem, seu plurium plantarum Complexum. *Revera*, inquit *Gussenius*, *in tali deserto, & in monte vix reperies rubum unam seorsim sitam, sed pullulant multæ, quæ Rubetum constituunt.* Et bene notavit *Moncæius*, quod dici non posset, Dominum in unius Rubi, fruticis gracilis, medio, apparuisse. Sicuti igitur *Quercus* pro *Querceto* Gen. xii. 6, *Palma* pro *Palmeto* Jud. iv. 5. ita etiam hic *Rubus* pro *Rubeto* ponitur; quare Belgæ recte verterunt *Braembosch*, & Marc. xii. 26. Luc. xx. 37. Mat. vii, 30. *Doornenbosch*; ex cujus medio emicuisse dicitur flamma ignis, quia magna pars sylvæ flammâ correpta erat.

XIV. Tertiò hoc se vidisse testatur Moses וַיֵּרֶא Et videbat, oculis nempe corporis & vigilans, & absque magnâ in initio admiratione, quod indicavit præmissio hoc verbo, & videbat. Neque erat res admiranda magnopere, quod *Rubus*; quem φρύγανον appellat *Theophrastus* (qua voce, à φρύγαν & φρύγανον, omnia minuta arida & sicca ligna, ignisque fomenta ad cremandum facilia continentur, uti *Bodæus* scripsit ad Lib. I. C. 5. *Theophrasti*) & qui semper ramos siccos viridibus mixtos, juxta *Rivetum*¹, plures habet; in aridis & calidissimis illis locis, per cœli & soli ardores, incensus esset; Vel validâ ventorum vi agitato ignem concepisset, quod factum fuisse nonnunquam colligunt ex fabulâ *Jothami* Judic. ix. 14. 15. apud *Urfinum* in *Arboreto* p. 322; Vel etiam quod *Rubeto* ac *Dumeto* isti ab uno pastore vel altero ignis subjectus fuisset, quia sub combustis illis *Dumetis* herbæ delicatissimæ crescebant, uti adnotatum est à *Riveto*. Verùm postquam rem hanc attentius & diutulè aspexisset atque considerasset, animadvertit aliquod verè stupendum, omnique admiratione dignum, quod nempe *Rubus* iste, igne arderet quidem, sed non consumeretur.

XV. Hoc Quarto significat, quando addit. והנה הסנה Et ecce, *Rubus* ille ardens in igne,

igne, & *Rubus ille non consumebatur*. Præmittit *Ecce*, rem præsentem, insolitam, attentione & admiratione dignam indicans. Hæc erat *Rubus* **אש בער** *ardens in igne*: id est; non modò *luçens* igne, *lambente* eum, *innoxia*, ut loquuntur, *flamma*; neque tantùm ignem in se *habens contiguum*, & adhærentem, quomodo fortè dicitur *mons arsisse igne* *Deut. iv. 11. v. 25. ix. 15.* sed & *ignem inbærentem*, quibusdam saltem ramis, habens, eumque *servans*, & *alens*, eique *materiam* suam tanquam *cibum* ac *alimentum* præbens *consumendam* ab eo. Quo sensu verbum **בער** de Materia ustibili frequenter usurpatur, notatque igni pabulum præbere, illoque revera uri & aduri *Jes. 1: 31.* de hominibus & idolis, *Jes. xxxiv: 9.* de pice, *Ezech. 1: 13.* de carbone, & fortè *Deut. iv. 11.* de monte, in *herbis* & *fruticibus adusto*. Quo ipso cum materia tandem absumatur, hinc notat consequenter *consumi*, *absumi*. Quo posteriori sensu sumitur *vers. seq. 3. Videbo Visionem hanc magnam quare non בער ardeat*, id est absumatur, *rubus iste*: sed priori isthoc sensu heic sumitur, ut sensus sit, *Rubum arsisse*, id est, igni materiam absumendam præbuisse quidem, ejusque *cibum* fuisse, *coll. Jes. ix. 4. Ezech. xxi. 32.* nec tamen absumtum fuisse, per continuam materiæ reparationem; ad quod alluditur nunc porro in verbo **אכל**, quando additur à Mose **אכלו אכל**, propriè non comedebatur. In *Lingua Hebraicâ* inquit *Munsterus*, *comedit animal, comedit gladius, comedit ignis*. Sed de igne præsertim adhibitum verbum Hebraicum **אכל** significat *comedendo absumere* *Levit. ix. 24. 1 Reg. xviii. 38.* Itaque sensus est; *non absumebatur*. Verè *Rubus ardebat*, & verè *ignis comedebat*, sed *edendo non absumebat* *Rubum*, nimirum quia materia exusta continuò restituebatur. Quod ad naturam Emblematis visi ritè intelligendam omnino tenendum est, & in *Re* significata verè locum habet. Quare minimè sequendum arbitror *Josephum*, qui *ignem nec frondes nec ramos quicquam læsisse* narrat; neque *a Lapide*, qui *Rubum non verè arsisse sed apparuisse quasi arderet* existi-

stimat. *Proprie non ardebat rubus, inquit, sed quisquis eum vidisset, ardere dixisset: ardere enim est flammam ex se spargere. Rubus verò flammam non spargebat cum hoc ignis sit solius qui rubum non pervaserat, ut esset ignitus; sed rubo tantum contiguus, ita proxime ramos & folia ejus ambiebat, ut ignitus flammam vomere videretur. S. Scriptura enim sæpe, præsertim in phænomenis, rebusque apparentibus, loquitur de iis non ut in se a parte rei sunt, sed prout apparent, sive prout homines vulgo de iis censent & loquuntur. Ita ergo hic Rubus ardere dicitur, quia hominibus, rem, causamque rei secretam ignorantibus ardere videbatur, omnesque videntes, eum ardere dixissent. Mox tamen, veritati aliquatenus cedens, subjecit: Adde, posse esse Synecdochen, rubus enim arsisse dicitur, quia pars rubi, puta folia sicca rubi, aërque rubo mixtus ardebant. Rubus enim, æque ac Silva, vocatur totum complexum, putà totum aggregatum veprium, fruticum, & arborum cum aëre, omniumque alia materia, quæ illi inserta & immista est. Jam autem in hoc aggregato, esto pars una, scilicet rami, & folia viridia, non arderent, altera tamen, putà aëris hinc inde immisti, stipularum, stirpium, & foliorum siccorum ardebat. Sed cur ad folia sicca rubi restringeremus, & non simul ad alias ejus quoque partes extendere-mus, ignem hunc comedentem, non video. Deinde & hoc supponere omnino videtur admiratio Mosis, nec non ejus narratio, quod Rubus eâ parte, quâ ardebat, non fuerit consumus.*

XVI. Hæc Apparitio Domini omnium earum Prima fuit, quæ Mosi obtigerunt. Erat profectò hoc *Spectaculum*, ita literaliter à nobis explicatum, *Magnum*, uti Moses illud vocat *vs. 3*; magna significans non modo, de quibus postea illum edocuit Dominus; sed & revera *magnum miraculam*, contra ignis consumentis naturam, & Rubi similiter, qui facile flammam concipiebat, & naturaliter eâ absumi debebat. Neque enim erat hic Rubus *Virgultum* illud, quod quanto plus arserit, non tantum non consumitur,

sed ardendo purgatius redditur, de quo loquitur Auctor Lib. I. C. xvi. de Mirabilibus Sacrae Scripturae, qui non fuit Augustinus, & qui provocat ad Hieronymum, in Ezechiel. xli. 22. de quo ligno, ait, sanctus Hieronymus in explanatione altaris lignei, quod in Civitate per Visionem Domini in Ezechiele ostenditur, refert quod quasi lini colorem habeat; attamen de hujus nomine reticuit, cum illius naturam indicavit. Si ergo in illius arboris rubo ignis ille Moyfi ostensus arferat, quid mirum si nequaquam illud comburebatur? Servata ergo in utroque natura, igne scilicet & arbore consideratur, dum & ignis naturaliter ardet, & arbor ardens igni naturaliter non consumitur. Certè, si sit tale Virgultum in rerum natura, vel unquam fuerit, Moses illud ignorasse videtur, vel si sciverit, illud à Rubeto hoc longè esse diversum credidit, aliàs hanc visionem tantopere miratus non fuisset. Neque etiam hoc, quod Rubus ardens non consumebatur, arte hominum effectum erat, per materiam aliquam Rubo ab ipsis applicatam, quæ ignem aleret, & simul Rubum ipsum adversus ejus vim defenderet: quemadmodum Circumforanei membra sua liquore aliquo munire norunt adversus flammam ardentes aut plumbum liquefactum, quod cum aliis à Lapide adnotavit: & sicuti quotidiana experientiâ constare scripsit Rivetus; lintea illita vino adusto aut distillato, quod aquam vitæ appellant, ab igne non lædi, quædiu ardet aqua; citans Plinium, qui Lib. XXIX. C. iii. dicit, lignum perfusum ovo non ardere, ac ne vestem quidem contactam aduri. Nam quare id fecissent Homines, quos nunc concedimus in interioribus deserti ante Mosi accessum fuisse vel habitasse? an quia apparitionem Dei in hoc loco præviderant? an verò ut Mosén, ibi nunc minantem gregem foci sui, hoc spectaculo oblectarent, aut fallerent? Neutrum horum vel probabilitatis aliquam speciem habet. Neque etiam operâ creati alicujus Angeli hoc fuit factum, qui ignem aliunde attulit eumque appposito sulphure, aliâve materia & fomite aluit, & fovit, simulque impedivit ne ignis ageret in rubum, inducendo rubo liquorem, aut succum
ali-

aliquem viscosum & frigidissimum, qui igni vel potius flamme tenui resisteret; uti scripsit a *Lapide*, non attendens satis ad *Textum*, in quo dicitur *Rubus ipse* arsisse, non alia materia quædam ei adplicata, & quidem vel *totus*, vel *aliqua ex parte*, quod posterius à *Lapide* diffiteri haud potuit, uti supra vitum est. Quare etiam mox addidit: *Facilius tamen dici potest DEUM hinc actionem ignis suspendisse Illustre hoc fuisse videtur DEI miraculum &c.* Quod in sequentibus cum *Pererio* aliisque in eo constituit, quod Deus *noluerit concurrere cum igne ut urat*; seu, ut loquitur *Pererius*, in *disjunctione virtutum naturalium ignis*, quæ sunt *Lucere & Ure-re*: ita ut Deus voluerit tantum ut *Ignis Rubi luceret* modò non *ureret*, quemadmodum factum est in fornace *Babylonica* *Dan.* III: 24. 25. 27. & juxta *Basilium* in *Carbone*, quo labia *Jesaiæ* tangebantur *Jes.* VI 6. 7. Quos tamen *Auctores*, si solam hanc causam nominent, minimè sequendos arbitror, quoniam, si genuinæ *Verborum Mosis* significationi inhærere velimus, ignis *Rubi* non fuit lambens & adhærens modò, quod tamen de quibusdam *Rubeti* partibus concesserim, sed omnino *urens* quoque & *inhærens*. Et proinde in eo *Miraculum* erat etiam quam maximè positum, quod omnipotens Dominus, *Materiam Rubi* igne absumptam continuo repararet; eo modo, quo *Viduæ Sareptanæ farina non consumebatur*, nec *oleum ampullæ ejus deficiebat*, etsi per annum ei & *Eliæ* alimentum præberent *1 Reg.* XVII. 15. 16; & quo forte *calcei ac vestimenta* *Israëlitarum*, per tot annos in deserto commorantium non fuisse *detrita* ac consumpta leguntur *Deut.* VIII: 3. 4. XXIX. 5. *Neb.* IX. 21.

XVII. Sic verò in *RUBO* hoc *MIRACULOSO* apparens *Angelus Domini* in *monte Horebi*, *SIGNUM* dedit: 1. *Non ordinariæ Habitationis Numinis*; vel in *Monte Horebi* speciatim, quod tunc temporis vulgò opinatos fuisse homines, finxit *Josephus*, *Ant.* II. C. XI 1; vel in quibuscunque *Montibus & Sylvis*, *Lucisque densa arbore prænubilis*, quod

gentilitas stultè sibi persuasit, ut patet ex Testimoniis *Monæio* adductis, sive quia loca illa horrida metum & religionem incutiebant, sive quia Patriarchis sæpe, tentoria sua in calidioribus istis regionibus sub arborum umbraculis figentibus, in Lucis & Excelsis Deus apparuit *Gen. xviii. 1. 11* Sed *instantis Revelationis Majestatis* suæ in Legislatione, quæ paulò post facta est in *hoc monte*, coram populo ex *Ægypto* liberato: coll. *vs. 12. quum eduixeris populum illum ex Ægypto, servietis Deo juxta hunc montem. 111* Imo & *Potentie infinitæ* in hoc Miraculo conspicuæ; quo animum *Mosis* disposeret ad sequentia jussa sua capessenda sine tergiversatione ullâ, atque ad fidem promptam dandam promissis suis, ut qui potens erat efficere quæ promisit, & simul tremendus valde omnibus immorigeris; *Ignis enim inextinguibilis rubum aridum non consumens Dei Potentiam prædicabat*, juxta *Theodoretum Q. vi. in Exod. p. 79: 15* Et denique *Rei alicujus admirandæ*, sive *præsentis*, sive *future* potius, cujus hic *Rubus ardens igne & non consumtus* in *signe Emblemata* ac *prophetica Figuratio* existebat. Atque hoc facto Deum sese accommodasse ad *Mosis ingenium & educationem*, qui juxta *Philonem de Vita Mosis Lib. I. litteraturâ hieroglyphicâ in Ægypto imbutus erat*, & inter plures alias scientiæ species, *τὴν διὰ συμβόλων φιλοσοφίαν* ibi didicerat, contendit *Spencerus de Leg. Heb. Lib. I. C. xi. Sect. 1. Præterea, cum primum Deus ad munus Propheticum Mosén evocavit, tanquam Virum Hieroglyphicis Ægypti literis innutritum, ei providentiæ Divinæ mysterium, in rubi ardentis sed non consumpti symbolo, contemplandum præbuit.*

XVIII. Quænam verò *Res illa admiranda sit*, hac *Figura Rubi ardentis & non consumti* adumbrata & præfigurata, inter Verbi Divini Interpretes haud æque constat, sed magna deprehenditur Cogitationum varietas. *Ex Rubo Mosaico ardente emblemata omittò*, inquit *Ursinus in Arboreto p. 349. adeò multa fingi possunt: ab iis nempe, uti ego hoc interpretor, qui formam Symboli veram à Mose descri-*
ptam

ptam non rectè sibi representant, nec ad Domini, qui solus dicere potest quid hoc Symbolo significare voluit, scopum & explicationem sequentem ritè animos attendunt. Quod certè non fecerunt. 1. Illi Interpretes qui totum hoc Symbolum ad *Mosen* referunt. Juxta quos *Ignis* in *Rubo* significabat, qualis deberet esse *Moses*, *Reclor* populi, scilicet ignis per *Sapientiam*, qua sciret populum docere & regere, & per *Charitatem ac Compassionem*, quâ populi necessitatibus subveniret, vitia toleraret, infirmitatibus condoleret: & rursum *Rubus* significabat, quod ut *Reclor* sapientiæ ac charitati conjunctas habere deberet spinas *Iustitiæ* & *Severitatis* ad puniendum & castigandum errantes, maxime inobedientes & rebelles: quemadmodum legitur apud *a Lapide*. Nam ignis flammans quidem Symbolum esse potest sapientiæ ac charitatis per innoxiam flammam; sed hic *Ignis* fuit nocens, ac *Rubi* partes qualdam absumens. Deinde *Rubus* dignissimi *Recloris* non videtur esse aptum emblemata, quia *Frutex* spinosus *ῥύξ*, sive sit *Rhamnus*, sive *Cynosbatus*, in parabolâ *Jothami* *Jud.* ix. 14. 15. erat Symbolum hominis indigni imperio: quare etiam credunt nonnulli *Judæos* vel *Milites Romanos* coronam spinæam imposuisse *Capiti Domini*, ut Eum imperio indignum atque ineptum sic declararent. 11. Neque Illi Interpretes qui statuunt, quod *Ignis flammans in Medio Rubi non consumpti* Symbolicè sit: Vel *Lex ignea* *Deut.* xxxiii. 2. posita in medio populi *Israëlitici*, & quæ peccatorum spinas quidem demonstravit, verum minimè abstulit: Vel *Spiritus S.* igni comparatus *Matth.* iii. 11. *Act.* ii. 3. stans in *Medio* *Israëlis* *Jes.* lxiii. 11. *Hagg.* ii. 6. hunc quidem illuminans *Neb.* ix. 20. sed non convertens *Jes.* lxiii. 10. *Act.* vii. 51: Vel denique *Christus*, ex medio populi *Israëlis* nasciturus *Num.* xxiv. 17. *Deut.* xviii. 15. *Jer.* xxx. 21. *Joh.* iv. 22. cujus ille pungentem malitiam quidem increparet, sed non consumeret atque auferret, coll. *Jer.* vi. 29. Quales glossæ leguntur apud *Augustinum*, *Gregorium*, *Ugonem Cardinalem*, *H Rabanum Maurum*, aliosque Veterum, sed quæ prorsus alienæ

næ sunt a *Scopo* Dei in hoc *Symbolo*, quod ad *Consolationem* Populi directum erat, æque ac *Vox* Domini ex *Rubo* audita à *Mose*: deinde etiam aberrant à natura *Symboli*, in quo ignis non modo *Lucens* fuit, & *lambens*, sed & *urens* & *consumens*. III. Neque *Illi* quoque *Interpretes* satisfaciunt *Symboli* hujus *Structuræ* ac *Explanationi* *Divinæ* subjectæ, qui *Ignem in medio Rubi non consumti ardentem* præfigurasse *Deum in Virgine conceptum* & *illesâ carne ac Virginitate* ejus, nec *dolores* in partu sentientis, *natum*, dicunt cum *Patribus* quibusdam & *Pontificiis*, qui canere publicè in *Festo Mariæ* soliti sunt; *Rubum* quem *viderat Moses incombustum*, *conservatam* agnovimus *tuam laudabilem virginitatem*, *sancta Dei genitrix*; quæque sententia ab *Ecclesia Romana* recepta *caussa* est quare *Peregrius* & à *Lapide* ita pugnant pro *Igne* in *Rubo* vim *lucendi* tantum exerente, non *urendi*, quam tamen utramque heic agnoscere debemus, uti supra monitum fuit. IV. Neque *Illi* porro *Interpretes* satisfaciunt, qui heic *Symbolum Filii Dei incarnati*, in *medio Humanitatis* assumptæ, sed non *absorptæ*, *habitantis* reperiunt cum *Cyrillo*, *Chrysostomo*, *Oecumenio*, *Gregorio*, *Luthero*, Aliisque. *Rubus* ipsis est *emblemata Naturæ Christi Humane*, quæ instar *spinosi Rubi*, *fructus terræ* *Jes. iv. 3. xi. 1. LIII. 2. Zach. III. 8. vi. 12.* vilis, humilis, invalida & contempta valde fuit *Psal. xxii. 7. Jes. XLIX. 7. LII. 14. LIII. 3. Ezech. xvii. 22. 24. Rom. viii. 3. 2 Cor. viii. 9. Phil. ii. 7.* & simul aspera indignè *trahantibus* hostibus *Jes. viii. 14. Matth. xxi. 44.* *Ignis* in *Rubo* ipsis est *emblemata Deitatis Christi*, seu ipsius *Angeli Jehovæ*, quæ *Filius Dei* est *naturalis* ac *æternus*, *Lumen de Lumine* *Heb. i. 3. Lumen Israël* *Jes. x. 17*; quod colligunt ex eo quod dicitur *apparuisse Angelus Domini in flamma ignis*, ut sui ipsius *Emblemate* in hac *Visione*. *Conjunctio* hujus *Ignis* cum *Rubo intima*, in cuius *integri* & *illesi* manentis *medio* dicitur fuisse *Ignis*, *luce sua* illustrans, non *adurens* neque *consumens*, imo *splendorem* ei & *gloriam* pro

pro detrimento *adducens*, atque ex *medio* rubi maximâ ac flagrantissima *flammâ emicans*; præfiguravit, juxta hos Interpretes, *Conjunctionem* acētissimam *Humanitatis* cum *Deitate* in Persona Filii Dei, absque naturarum *Conversione* aut *Confusione* ullâ; & sic ut Divinitas Humanitati *excellentiâ* maximam, etiam supra *Angelos*, conciliaverit *Heb. 1: 4. 5*; atque effecerit ut *Caro* ejus a *morte* detineri non potuerit, sed *gloriosior* ad vitam immortalem resurrexerit; quemadmodum *Philo* videtur sensisse quòd Rubus viridior evaserit per ignem, dum hic instar Rivi fontis, loco caloris frigus operatus sit, uti verba Philonis explicat *Fernandus de Visionibus*. V. T. imo sic tandem ut Divinitatis radii subinde ex infirma carne, per verba quæ solus Deus eloqui potest, & per stupenda inprimis miracula emicuerint *Joh. 1: 14. 1 Tim. III: 16*. Placuit hæc Interpretatio Symboli hujusetiam Celebratissimo *Coccejo* nostro. *Ignis*, inquit, *significat Eum qui est Lux, hoc est Veritas & Sanctitas & calor h. e. Charitas, & consumens omne, quod ipsi dissimile est, unde ignis devorans dicitur. Rubus est Germen terræ. Nihil promptius intelligi potest quam ὁ λόγος ὁ αὐτὸς γινόμενος, & habitans in nobis, qualis figura est etiam Gen. xv. 17.* Quæ Interpretatio, tum ob alias mox dicendas rationes, tum ob hanc quoque minus placeat, quia scilicet supponit *Ignem* hunc vim *lucendi* modò exeruisse in Rubo, non *adurendi* simul, cum tamen Rubus *arsisse igne* dicatur, id est, igni pabulum præbuisse, ut supra dictum est. Quare Alii v. magis convenienter Naturæ Symboli *Ignem* hunc volunt fuisse *Symbolum iræ Divinæ* severissimæ, igni aliàs frequenter comparatæ *Deut. IV. 24. IX. 3. XXXII. 22. Job. XIX. 11. Psalm. LXXVIII. 21. LXXXIX. 47. Jes. XXXIII. 14. Jerem. IV. 4.* quam sustinuit Christus in *Humanitate* assumpta, similitudinem *Carnis peccati* habente *Rom. VIII. 3*, ut Sponsor noster sic satisfaciens pro Electis peccatoribus Justitiæ Divinæ vindicatrici. Quæque *ira* Dei Judicis ipsum apprehendit *Psalm. LXXXVIII. 16. 17*, & penetravit usque ad intimam medullam, ad animam Ejus, ita

ita ut hæc *contristata* fuerit *undique usque ad mortem Matth. xxvi. 38. & Cor ejus simile ceræ, liquefactum in visceribus Ejus, & vis ejus ut testa arida facta Psalm. xxii. 15. 16. atque exsiccatum guttur Ejus, fractusque animus Ejus, Ipseque fere exesus fuerit Psalm. Lxix. 4. 10. 21.* Neque tamen penitus *consumpta* fuit Humanitas, quia Ei arctissimè unitus erat *Angelus Domini, Ipse Filius Dei*; qui illam in intensissimis ignis infernalis doloribus sustentavit ac corroboravit, effecitque ne deficeret Fides Ejus, ac Amor erga Deum, atque Zelus domus Ejus; imo qui infinitum Passionibus Ejus valorem addidit, ita ut Summus & Justissimus Judex eas pro æternis habuerit, atque incorruptibili gloria Humanitatem donaverit.

XIX. *Utrique* huic Interpretationi, quarto & quinto loco commemoratæ, duo potissimum ob stare puto. *Primum* est, quod vox *Rubus*, in singulari quidem posita, *collectivè* tamen sumenda sit pro *Rubeto* seu Ruborum *multitudine notabili*, quemadmodum supra observavimus; quæ nos potius ad *plurium Hominum* Societatem quàm ad *Unum singularem* aliquem ducit. Ex quo etiam apparet dissimilitudo hujus Visionis ab illâ, quæ legitur *Gen. xv. 17.* quam contulit Clar. Coccejus. Nam: si concedamus quod ibi *fax ignis*, seu *ignis flammans instar facis, in Clibano fumi* se occultans, atque ex eo *erumpens ac resplendescens*, & sic *inter animalium segmenta transiens*, fuerit Symbolum Filii Dei, assumpturi Humanam naturam, Clibani fumantis instar, vilem, despectam, abominabilem quoad externam speciem futuram; atque in ea ambulaturi per medium terræ Israël's populi sui in tenebris habitaturi, ex quâ tamen gloria Deitatis occultatæ subinde esset eruptura & conspicienda à semine Abrahami: exinde tamen non sequeretur, ignem hunc ex *Rubo* emicantem, idem præfigurare. Quia ibi Clibanus *unus*, hîc verò *plures Rubi* distincti, qui Unum Hominis Filium ita commodè repræsentare haud potuerunt. *Secundum* est, quod hujus *Prophetiæ typicæ de Incarnatione,*
Pas-

Passione ac Resurrectione Domini, quæ ex mente & consilio Dei lateret in hoc symbolo, nulla fiat indicatio, neque in sequente sermone explanatorio Angeli Jehovæ, neque in reliqua Scriptura divinâ, quod tamen in ejusmodi Prophetiâ requiritur, quæ semetipsam non interpretatur, nec propriæ interpretationis est 2 Pet. i. 20. Neque enim mera similitudo, quæ etiam in nonnullis satis quandoque conquistata est, sufficit ad ejusmodi Prophetiam typicam statuendam. Bene Hillerus in Hierophyci Part. i. C. LXI. p. 477. Nos, ut nostris quoque placuit Doctoribus, Visionem hanc concinne ad incarnationem accommodari existimamus, cujus accommodationis insigne specimen datum est apud Baumannum Analector. Sacror. p. 719. 720. & seq. & typum esse Incarnationis admittimus: sed Scripturæ Sacræ illatum & adventitium, haut innatum vel insitum, uti serpens æneus a Mose erectus, Joh. iii. 14. uti Jonas è ventre ceti post triduum egressus Matth. xii. 40, Melchisedecus ἀνάτωρ & ἀμήτωρ, ejusdemque Regnum & Sacerdotium Heb. 7. 2.

XX. Quare tandem cum illis facimus Interpretibus, qui hanc Magnam Visionem de Populo Dei & Ecclesiâ Christi exponunt, afflictâ magnopere in Ægypto sed non consumptâ hætenus, imo nec consumendâ sed liberandâ ex servitute illâ; & affligendâ quidem postea sæpe per secutura secula, sed nunquam perdendâ penitus, verum perseveraturâ usque ad finem seculi, & vi præsentis potentissimæ Angeli Jehovæ perpetuò duraturæ.

XXI. Qui Mysticus Sensus ut distinctius intelligatur, Primò dicimus, quòd RUBETUM hoc SINAITICUM figuraverit speciatim & maximè POPULUM ISRAELITICUM. Ita explicatur ab Angelo Domini, loquente è medio ejus, ac idem voce suâ auribus insinuante, quod oculis Mosis subjecit, in hac Apparitione ab ipso contemplandum, quæ facta erat secundum convenientiam negotii, de quo acturus erat, uti bene observatum est a Lyrano. Huc spectant Verba Domini vs. 7. 8. *Probè vidi afflictionem populi mei qui est*

in *Ægypto*, & clamorem eorum ab exactoribus ejus audiivi, quia cognovi dolores ei allatos. Ideo descendi ut liberem eum &c. conf. vl. 9, 16, 17 & Cap. iv. 31. Et meritò hic Populus sub *humilis* & *aculeati Rubeti Sinaitici* proponitur Imagine. Etenim *Numerosus*, integri *Rubeti* instar, erat tunc in *Ægypto*, prout affligebant eum, itaque augeſcebat, & ita erumpebat in multitudinem *Exod.* i. 12, adeo ut *Filii Israël* ad sexcenta millia peditum, *Virorum*, præter parvulos, egressi sint ex domo illâ servitutis *Exod.* xii. 37; uti & numerosus fuit postea, juxta promissa *Gen.* xv. 5. xxviii. 14. *Deut.* i. 10. &c. Deinde, instar *humilis Rubi*, in terram retracti, *vilis* non modò & contemptus erat, sed & humo affixus, corpore operans in luto & lateribus & in omni servitute rusticâ *Exod.* i. 14. & animo dejectus valde, & decurtati ac servilis spiritus *Exod.* vi. 8, terrenis quoque dediti *Exod.* xvi. 3, 4. Ingratus erat porro Populus, ut *aculeatus Rubus*, qui contrectatorem suum ac curatorem quoque amarè convulnerat; cujus Ingratitudinis, non uno tempore ac modo visæ in hoc Populo, specimina manifesta notantur *Exod.* v. 21. vi. 11. xvi. 3, 4. *Deut.* xxxii. 6, 7. *Pſalm.* cvi. 20, 21, 22. *Jes.* i. 2, 3. *Hos.* ii. 7. viii. 12. *Matth.* xxiii. 37. &c. Noxius denique fuit hic Populus temerè invadentibus ac perumpere volentibus hostibus, quod sanè experti sunt *Ægyptii*, tot plagis, ejus causâ, puniti; quemadmodum Dumetum asperitate spinarum pungit acriter ac lædit temerarios quoscunque in se irruentes.

XXII. Secundò addimus, quòd *Angelus Domini* in Medio *Rubeti* hujus apparens præfiguraverit futuram ejus *Habitationem* in Medio hujus Populi; in *Monte Sinai* non modò *Exod.* xxiv. 16, sed & in *Deserto* reliquo, & in *Canaana*, atque in *Tibernaculo* *Exod.* xxv. 8, 22. *Levit.* xxviii. 11, 12. Et ponam *Tabernaculum meum* in Medio vestri &c. denique postea in *Templo*. ac monte *Tzizon* *Pſalm.* lxxiv. 2. lxxvi. 2, 3. lxxx. 2, 3. cxxxii. 13, 14. *Jes.* viii. 18. xxxi. 9; ad quod etiam, post symbolicam diuturnam in eo habitationem, in
cor-

Corpore ac humanitate personaliter assumptâ, venturus erat ipse Dominus *Malach. iii. 1.* atque in medio populi *Zephani. iii. 5.* ambulaturus.

XXIII. *Tertiò* existimamus porro, quòd Angelus Domini apparens in *Ignē lucente & flammante*, significare voluerit, quòd populum hunc, vilem nunc & servilem in *Ægypto*, *splendidum* redditurus esset: *liberando* ipsum ex durâ præsenti servitute, coll. *vs. 8, 10.* per stupenda miracula coll. *vs. 20:* & *formando*, apud hunc ipsum montem coll. *vs. 12.* in populum suum peculiarem ac foederatum, in quo solo Electos salvandos habiturus erat per multa secula *Exod. xix. 5, 6. Deut. vi. 6—8.* Sic se demonstraturus *Deum Abrahami. Isaaci & Jacobi*, *vs. 6*, juxta Promissionem suam *Gen. xvii. 7, 8:* & *ducendo* eum per vastas hujus deserti solitudines, per gloriosam *Nubis & Ignis Columnam Exod. xiii. 21, 22. xiv. 19, 20, 24. xl. 38. Num. ix. 15. Psalm. cv. 39.* &c.: ibique *sustentando defessam* hæreditatem suam inauditis clementiæ & potentiæ suæ effectibus *Psalm. lxxviii. 10. lxxviii. 15—28:* & *introducendo* eum in terram promissam cum magna majestatis suæ tremendæ demonstratione *Jos. ii. 9—11. Psalm. xlv. 2, 3, 4. lxxviii. 11, 12, 13. cv. 44:* & magis adhuc *illustrando* eum *Lege ignea* sua *Deut. xxxiii. 2. Psalm. cxlvii. 19, 20. Hæc viii. 12.* & *Luce Verbi* sui Prophetici *Psalm. cxix. 105. Jer. xxxiii. 29. 2 Pet. i. 19.* imo & *Ignē Spiritus* sui sancti, ad illuminationem & convictionem plurium, & ad conversionem & salutem Electorum suorum *Neb. ix. 20. Jes. lxiii. 16. Hagg. ii. 6. 2 Cor. iv. 13.* Quibus omnibus hunc Populum, instar *Rubi flammantis Act. vii. 31, 32*, verè *admirabilem*, & simul *terribilem* hostibus suis reddidit. *Deut. iv. 6—8. xxxiii. 29. Jes. xlii. 21.*

XXIV. *Quartò* non dubitamus quoque, quin Angelus Domini apparens in *Ignē lucente* non solùm sed etiam *ADURENTE* Rubum, partesque ejus consumente, sic simul indicaverit: non solùm præsentem Populi in *Ægypti*

fornace ferrea Deut. iv. 20. gravissimam afflictionem, quam se vidisse testatur in sermone subiecto haud semel: verum etiam Tribulationum plurimarum Ignes; ut vocantur sæpius, quia damnum & dolores adferunt, *Psal.* LXXVI. 12 LXXVIII. 21. *Thren.* i. 13. &c.; quibus corripiendus erat hic Populus Dei, ab ipso sic castigandus probandus & purgandus; & verè ab ipsâ pueritiâ & adolescentia ejus correptus fuit, *Psal.* CXXIX. 1, 2, 3. *Multum affecerunt me angustiis inde a pueritia mea dicat nunc Israël: &c.* Inprimis si respiciamus ad afflictiones ab Assyriis, Babiloniis *Jes.* ix. 17. 18. XXIV. 6. *Thren.* iv. 11. & Græcis *Dan.* xii. 1. ei illatis.

XXV. Quintò denique Rubetum hoc Igne ardens sed non consumptum promittebat Moysi Populum Dei in Ægypti fornace ferreâ non fore consumendum, neque etiam per insecuturas afflictiones perdendum unquam sed permanturum per plurima secula Populum Dei peculiarem usque ad tempora Correctionis, idque propter Dominum *Dan.* ix. 17. ex medio ejus nasciturum *Jerem.* xxx. 21. *Jes.* vii. 7 — 14. & opus Redemptionis in terra Israël peracturum *Zach.* ix. 11. Quo peracto finem Dominus imposeret Umbris Mosaicis, sacrificium & munus cessare faceret, discrimen gentium tolleretur, atque reliquias prisce populi sui secundum electionem, seu Custoditos in Israël *Jes.* XLIX. 5. cum innumeraibili electorum ex gentibus multitudine in unum corpus veri Israël, Populi que Dei Abrahami, conjungeret *Psal.* XLVII. 9, 10. *Jes.* LIV. 1. 5. *Zach.* xiv. 9. juxta Euangelium Abrahamo annunciatum *Gen.* xxii. 18. *Gal.* iii. 8. ad quod respiciens Angelus Domini dicit in seq. *vs.* 6. & 15. *Ego sum Deus Patris tui, Deus Abrahami, Deus Isaaci, & Deus Jacobi. . . . hoc est nomen meum in seculum, & hoc memoriale meum in omnem ætatem.*

XXVI. Sextò tandem arbitramur hoc Symbolum Rubi ardentis & non consumpti in Explanatione Angeli Jehovæ ita referri ad Ecclesiam Israëliticam, ut tamen minime ECCLESIA N. T. excludatur. Ita enim comparatum est hoc
Em-

Emblema, ut commodè totam *Ecclesiam Catholicam* repræsentet. Retulit autem Angelus Domini illud ad *Ecclesiam Israelis* tunc temporis existentem, & per aliquot secula solam futuram *Ecclesiam Christi*; quatenus *Hæc*, uti species sub genere comprehenditur, & uti pars in toto continetur, pars erat totius corporis mystici, nempe *Ecclesiæ Catholicæ*, hoc symbolo repræsentatæ; ne addam nunc quod & typicè præfiguraverit *Ecclesiam* novi Testamenti in fatis suis; quod colligunt Nonnulli etiam ex 1 Cor. x. 6. an rectè nunc non inquirō. Observo potius, quòd Moses, quando appellat Filium Dei *Habitatorem Rubi* Deut. xxxiii. 16; non tantùm descripserit sic illum ab antiquâ & dudum præterita *Rubi* hujus *Sinaitici* inhabitatione; sed etiam à *continua inhabitatione*, quæ eousque durabat, & duratura erat perpetuò; non sanè in Rubo illo propriè dicto Horebico, verùm in mystico ac spiritali per illum *Sinaiticum* figurato, qui est *Ecclesia Christi Catholica*, in cujus medio dicitur habitare Dominus *Psal.* xlvi. 5, 6.

XXVII. Et certè quemadmodum *Emblema* hoc visum a Mose optimè referebat *Ecclesiam Israëliticam*; ita & egregiè exprimit reliquam *Universam* omnem, etiam quæ nunc est *sub N. T.* Hæc enim meritò proponitur sub *Imaginem RUBETI*: Ob *Multitudinem*, quæ innumerabilis in se est, *Apoc.* vii. 9. *Matth.* viii. 11. *Jes.* liv. 1, 2, 3. quamvis comparatè *Ecclesia Christi* sit *parvus Grex*. *Luc.* xii. 12. *Matth.* xx. 16. Ob *externam Membrorum Vilitatem* *Psal.* viii. 3. 1 *Cor.* i. 26, 27. *Jac.* ii. 5. non tamen omnium *Psal.* xlvii. 10. Ob *Contentum* quo laborat inter mundanos ratione doctrinæ, fidei ac pietatis *Job.* xii. 5. *Jerem.* xxx. 17. *Act.* xvii. 18: Ob *Naturalem Statum* omnium membrorum ejus ante gratiam supranaturalem inhabitantis & illuminantis Christi, in quo statu existentes *Electi* sunt ignobile *dumetum*, bonæ frugis expers, *Job.* iii. 6. humile ac terrenis affixum *Phil.* iii. 19. mille modis contortum & nocivum *Gen.* vi. 5. *Tit.* iii. 3. verum ignis æterni pabulum

Ephes. ii. 3: Ob Infirmitatem denique; a Philone Βάρτι vocatur ἀναρθρώδης τι φυτόν ἐ ἀδυσήσασιν. Certè vires resistendi, potissimum igni, nullas habet, sed facilè cremari solet Rubus; Ejusmodi naturalis infirmitas in Ecclesia Militante est, & ad verè bonum faciendum, & ad resistendum hostibus, Satanae Carni Mundo, *Joh. xv. 5. 2 Cor. iii. 5: Ob Asperitatem* tandem per aculeos, invadentibus noxiam; Nemo eam impunè lacesset, *Zach. xii. 3, 6. 1 Cor. iii. 17. 2 Thess. i. 6 — 10. Ecclesia, & quivis Justus, Rubus est, ita ut illos nemo cujuscunque potentiae aut conditionis lædat, qui vicissim non simul pungatur, atque veluti vulneretur, & cruentetur aliquà pœna; sunt Verba Hieronymi, quæ me apud ipsum aliquibi legisse memini.*

XXVIII. In hujus quoque MEDIO Christus est, intimè ei præsens *Psal. xlvi. 6. Matth. xviii. 20. xxviii. 20. 2 Cor. vi. 16. Ephes. iii. 17. Apoc. i. 13. LUCE Verbi & Spiritus sui eam collustrat Jesh. ii. 3, 4, 5. xxx. 26. lix. 21. Joël. ii. 28, 29; atque ex ea Splendorem Majestatis & Gloriæ suæ emittit ad terrorem hostium ejus Psalm. l. 2, 3. 4. cx. i. 2, 3, ejusque gloriam, etiam per cognitionis Jesh. xi. 9. sanctitatis Zach. xiv. 20. & gaudii Jesh. xxxv. 1, 2, 19. incrementa insignia, atque per Liberationes admirandas, manifestat. Et ubi lucet Christus, ibi etiam URIT. Magis lucet in Ecclesia N. T., & simul magis urit eam, atque igne afflictionum castigat, probat, purgat, juxta prædictiones, quas Eventus dudum divinas ac infallibiles esse comprobavit Jesh. liv. 11, 12. Joël. ii. 29, 30. Matth. v. 10, 11. Joh. xvi. 33. Act. xiv. 22. 2 Tim. iii. 12. Apoc. xii. 14. 15, 17. &c. Qui afflictionum calamitatum ac persecutionum Ignes, carni quidem dolores ac molestias creant, sed cooperantur simul ad bonum animarum Rom. viii. 28., dum frænant carnis lasciviam, materiam peccandi subducunt, facultatem peccandi adimunt, spinas nocentes comburunt, peccati intrinsicum meritum docent, precum ardorem augent, mundanarum rerum vanitatem ostendunt, cœli*

cœli desiderium promovent, uti liquet ex Locis *Job. v. 17. Psalm. xciv. 12. Hebr. xii. 11 Jac. i. 2, 3, 4. atque ex Exemplis Piorum Psalm. cxix. 67. 71. Rom. v. 3. 2 Cor. iv. 8 — 11, 16. xii. 7, 8. Atque adeo illustriorem reddunt mala tristitia illa sanctitatis in Fidelibus splendorem, eosque per virtutum augmenta & constantiam in adversis admirabiles efficiunt & simul. terribiles mundo, ut signa & ostenta *Jes. viii. 18. Cant. iii. 6.*; quemadmodum Rubetum hoc Sinaiticum Mosem, & in admiratione rapiebat, & simul terrore percellebat *Act. vii. 31, 32.**

XXIX. Nunquam verò CONSUMET hic tribulationum Ignis Rubetum Ecclesiæ. Nunquam hoc perituum est planè, sed perseveraturum, in medio igne etiam, & permansum in deserto hujus mundi, extensum inter gentes, usque ad finem seculorum. Propter Electos enim congregandos stabilis permanet orbis terrarum, usque dum numerus eorum completus fuerit *Psalm. xciii. 1, 2. 2 Pet. iii. 9.* Perpetuum erit Regnum gratiæ Messiae in terris hisce quoque *Jes. ix. 5, 6. Dan. ii. 44. Luc. i. 32. nec Portæ inferorum prævalebunt Ecclesiæ militanti Matth. xvi. 18.* Nunquam deficient subditi Regis Messiae; Reverebuntur te quamdiu erit sol; & durante luna in generationem æternam. Erit Nomen ejus in seculum, durante sole sobolescet nomen ejus *Psalm. lxxii. 5. 17.* Huc spectat emblematica Ecclesiæ descriptio, seu portentosa Mulier illa Apocalyptica, quæ amicta erat sole, sub cujus pedibus erat luna, & in capite corona stellarum duodecim *Apoc. xii. 1.* Sol Luna & Stellæ fuerunt olim apud Ægyptios Veteres æternitatis emblemata. Consumat ignis tribulationum aliquam Ecclesiæ visibilis partem; Angelus Jehovæ restituet continuò id quod perditum erat. Sanguis Martyrum est semen Ecclesiæ. Plures efficimur quoties metimur, inquit Tertullianus in fine *Apologetici.* Perpetua enim est præsentia Angeli Domini apud Ecclesiam, & maxime tunc cum igne Afflictionum incensa est illa. *Quum transis per aquas TIBI ADSUM, . . . quum ambulas per*
IGNEM

IGNEM, non ureris, & flamma non incendit te *Jes. XLIII. 2.* nempe ut consumaris.

XXX. O Amœnissimum *Rubetum!* Quod Docet nos: Tum Naturalem Electorum per peccatum Statum miserrimum, ut qui Dumeto similes sunt, omnis bonæ frugis naturaliter expertes, igni æterno meritò tradendi: Tum Signum Veræ Ecclesiæ, quæ splendet Luce Verbi Dei & puræ Doctrinæ ex eo haustæ: Tum Sortem hujus Veræ Ecclesiæ in hoc mundo, quæ est castigationis Domini Paternæ, afflictionis ac persecutionis igne uri; ubi enim lucet Dominus, ibi & urit frequenter; tantùm abest ut Veræ Ecclesiæ nota sit externa prosperitas ac mundanus splendor: Tum denique Indefectibilitatem Ecclesiæ Veræ, instar Rubi hujus Sinaitici non consumendæ penitus: Tum tandem Perseverantiam singulorum fidelium, quorum fides, si igne tentationum Mundi Carnis ac Satanæ posset absorberi & perire, Ecclesia esset defectibilis, & sua veritas huic Divino Symbolo haudquaquam constaret integra. Quod porro validè nos Consolatur adversus; Tum Vilitatem externam, quæ non impedit, quominus Filius Dei Habitator hujus Rubeti velit esse perpetuus; Tum Infirmitatem propriam, cui succurrit Dominus omnipotens inhabitans, per quem omnia valent fideles, quoniam plures sunt pro illis quam contra illos, & hostes omnes vincent merito & efficacîâ Angeli Domini *Rom. VIII. 31. 37. Phil. IV. 8*; Tum Afflictiones & Mortem ipsam, quæ non separabunt nos à Christo, nec prævalebunt Ecclesiæ militanti, ita ut hæc in terris esse desinat, quamdiu erunt Sol & Luna. Quod præterea Admonet omnes; ut gaudeant de Ecclesiæ Veræ Perseverantiâ apud Nos, & de Luce purioris Doctrinæ & æterni Euangelii, quâ illustrat nos hætenus Angelus Domini; ut Gratiam Justificationis per fidem & Sanctificationis quærant calidissimis precibus apud Habitorem Rubi cum Mose; & ne offendantur unquam Ecclesiæ veræ vilitate externa, aut paucitate aut afflictione, quo mi-

minus se ei jungant; inprimis ne Eam oppugnent unquam, & violenter invadant, quam Dominus elegit in Thronum suum, habet enim Populus Dei aculeos quibus pungit eos qui violare eum volunt; & denique ne nimis propè accedant, curiosè omnes Dei vias circa Ecclesiam in his terris rimaturi, sed admirentur potius eas, quæ, utut sint impervestigabiles, tamen omnes sunt justæ, sapientes, decentes. *Rom. xi. 33. 34. Apoc. xv. 3. Psalm. xxxvi. 7.* Quod tandem Excitare debet omnes Fideles; ut humili animo Naturalem Miseriam ex hoc Rubeto Agnoscant; Gratiam Inhabitoris Rubi, qui eos elegit, redemit, sanctificavit, & perseverare fecit in fide in hunc usque diem, & faciet porro, lætis animis & vocibus Extollant; Lucem veritatis, & sanctitatis, & charitatis erga Deum, Christum, Proximum ex se Splendere faciant in omni Conversatione *Matth. v. 16. Phil. ii. 13. 1 Pet. ii. 9;* Patienter ferant ignem tribulationis a Deo immissum, purgantem ipsos & probantem, non consumentem; Confidant Ecclesiam veram nunquam defecturam esse; & Orent denique pro Fratribus afflictis, ut Luce Verbi & Spiritus illos consoletur, mala immissa mitiget, & auferat suo tempore, imo etiam pro Judæis obduratis hodie, ut iterum assumantur in Populum Dei, purgati per ignem, juxta promissum *Zach. xiii. 9.* ut tandem Desiderent & Expectent Ecclesiæ triumphantis communionem, atque totius Ecclesiæ æternos ac cælestes Triumphos, qui non venient, antequam ex hoc deserto ad cælestia Palatia translata fuerit, quando omnes & toti gloriosi erimus, & corpora quoque nostra, ut totidem lumina cælestia splendent in æternum. Amen.


DISSERTATIO SECUNDA

D E

INIQUITATE PATRUM IMPUTATA
FILIIS ET FILIORUM FILIIS,
TERTIIS ET QUARTIS.

AD EXOD. XXXIV: 7.

I.



Attentos dudum tenuit Præstantissimos Interpretes Quæstio Discipulorum illa de Cæco à nativitate, *Joh. ix. 2. 'Ραββι, τίς ἡμαρτεν; ἔτι ἢ οἱ γονεῖς αὐτοῦ, ἵνα τυφλὸς γεννηθῇ; Rabbi, quis peccavit; hic aut parentes ejus, ut cæcus nasceretur?* Obscuritatis nonnihil habere videtur, præcipuè quantum attinet ad prius membrum, si diversa Virorum Doctorem de Fonte, unde emanaverit illa, respiciamus. *Ruditatem* putat *Castalio*, quando *rudium adhuc hominum interrogationem* vocat, ut qui existimaverint, peccasse hominem antequam nasceretur & existeret. *Erroneam Opinionem*, unam vel alteram, v: g: de Transmigratione animarum Pythagoricâ, aut de Præexistentia earum Platonîcâ, nominant alii, atque multos Judæorum tunc temporis alterutrâ vel etiam utraque imbutos fuisse monent, & probant ex *Sap. viii. 19. Philone; Josepho, Thalmudistis*. Ast neutram heic in censum venire posse opinatur *Ligtfootus*; non priorem, quia *Josephus* tradit de Pharisæis, quod bonorum animæ duntaxat migrare crediderint in alia corpora, malorum verò æternâ cruciari poenâ; neque posteriorem, quòd sic absurdissimè statuissent

Dis-

DE PATERNI CRIMINIS IMPUTATIONE 39

Discipuli Domini, quòd animæ quædam tradantur è manu Domini peccaminosæ & impuræ. Alium itaque errorem Judaicum produxit ipse de infantibus actu in utero materno peccantibus, quo imbuti hæc protulerint Discipuli verba, *Quis peccavit; hic aut parentes ejus, ut cæcus nasceretur, id est, juxta Ligtfootum; Num ille, dum eum in utero gestaret Mater, scdum aliquid aut enorme perpetravit, ut cæcitatem ejus rei pœnam secum tulerit in mundum?* Sed fortè ruditatis atque erroneæ hujus opinionis triplicis immeritò accusantur Discipuli. Haud videntur dubitasse illi de peccato Filii cæci, aut Parentum ejus. Originalis enim peccati reum fuisse illum, atque peccatorem ab utero coll. *Jes. XLVIII. 8. Rom. v. 12.* ex Doctrina Moïsis & Prophetarum, atque ex illâ Rabbiorum de *יצר הרע* figmento malo, facile scire; aque parentes ejus hoc & simul actualibus multis coinquinatos fuisse peccatis minimè in dubium trahere poterant. Verùm dubitant de *Causâ* cæcitatibus hujus nativæ. *Quis peccavit; hic aut parentes ejus, ita ADEO UT cæcus nasceretur.* Id quod etiam intelligitur facilè ex responsione Christi, in quâ non negat simpliciter, peccasse filium aut parentes ejus, sed horum vel illius peccatum fuisse causam cæcitatibus hujus proximam; quam idcirco aliam adsignat, nempe sapientissimam Dei voluntatem, quâ voluit sic Filio suo dare occasionem Divinum Opus patrandi, gloriamque æternam suam manifestandi. Respondit *Jesus, neque iste peccavit, neque parentes ejus, ut cæcus nasceretur: sed cæcus natus est ut opera Dei manifesta fiant in eo,* uti bene transtulit *ψ. 3.* verba *Beza.* Ita porro interrogantes Discipuli rectè quidem supponunt, haud absque Divinâ providentiâ malum hoc illi accidisse, atque simul miseras ejusmodi corporales ex peccato originem trahere, nuper etiam hac de re eruditi ex Domini sermone *Job. v. 14. Ecce sanus factus es: ne pecca amplius, ut nequid deterius tibi fiat.* Ex quo dicto Salvatoris ansam esse datam Discipulis movendi hanc quæstionem haud absque omni ratione conjecit *Euthymius.*

Interim ab omni errore, saltem temeritate, immunes haud fuerunt, si nempe cogitaverint nativum hocce malum physicum, non ex providentia Dei Dominica, sed tantum judiciali ducere potuisse originem, seu Deum non de-
cuisse ita graviter affligere hunc hominem, nisi ut Judicem, poenasque peccatori infligentem promeritas. Nam, præterquam quòd absque temeritate determinari haud queat, quousque Jus Dei in creaturam sese extendat, etiam innocentem, hoc saltem certum est, etiam ex exemplis Jobi Asaphi aliorumque piorum, quòd afflictiones corporales, etiam graviores, non mox inferant in afflictis graviora crimina, vel etiam peccata, ut causas istorum malorum proximas à Deo affligente spectata. Dantur enim afflictiones, ad obedientiæ probationem, atque ad patientiæ fidei spei aliarumque virtutum exercitium & studium acuendum, imo ad gloriæ Divinæ illustrationem, piis hominibus divinitus immissæ plurimæ. Non est denique interrogatio hæc ita concipienda, quasi negationem includat, Dictumque Domini illud, de quo supra *Cap. v. 14.* absurdo aliquo sic premere in animo habuerint Discipuli: & quasi hi sermonem suum hunc in modum composuissent. Magister, dixisti nuper, morbos corporis ejusmodi esse ex peccato, & quidem graviori, uti videtur. Atqui hæc causa in hoc homine locum habere non potuit. Esset enim peccatum, vel ipsius cæci, vel parentum ejus. Neutrum verò dici potest. Nam cæcus hic à nativitate antequam nasceretur actu peccare haud potuit; neque etiam ob peccata parentum puniri, quia filii, haud imitantes & probantes patrum iniquitatem, etiam ob eam poenas luere nequeunt, juxta illud. *Anima quæ peccavit morietur: filius non portabit iniquitatem patris, Ezech. xviii. 20.* Istiusmodi enim argutationem, quâ absurditatis Domini dictum accusarent, à simplicitate & pietate Discipulorum alienissimam existimo. Verum est Interrogatio inquisitionis; an verò nimium curiosæ, anxie nunc non inquirō, ne-

DE PATERNI CRIMINIS IMPUTATIONE 37

neque ita videtur mihi. Inquirunt enim in causas cæcitat-
tis, partim ex rei Naturâ, partim ex Revelatione haud im-
probabiles. Potuit enim Deus iudex justissimus hominem
hunc, peccatorem in Adamo, & ab utero labe originali in-
fectum, iustè hac cæcitat-
is poenâ afficere, quem ob ean-
dem causam ad æternos cruciatus damnare potuisset. Hoc
tamen originale peccatum mali hujus fuisse causam proxi-
mam probabile minus ipsis fortè visum fuit; quia hoc com-
mune est omnibus Adami posteris naturaliter ex eo ortis,
atque etiam in parentibus hujus cæci locum habebat. Ideo-
que, ut quid longè probabilius, addidisse videntur men-
tionem peccati alicujus parentum gravioris, quod vel con-
tra legem illam *Levit. xx: 18. Ezech. xviii: 6.* cujus me-
morat *Grotius*, vel contra aliam Dei Legem; potissimum
Moralem, fuerat commissum, atque filio *imputatum*. Hu-
jusmodi autem iniquitatis parentum *Imputatio propriè dicta*,
quia *Juris* quidem erat Divini, sed liberrimi, quâ Deus u-
ti potuit vel non pro arbitrio suo, & quia multis Judæo-
rum olim & tunc iniqua fuit visa, *Jer. xxxi: 29.* ideo vi-
dentur rogasse Dominum, an non hujus *Imputationis peccati*
alieni in hoc cæco nato reperiretur notabile Exemplum, quo
simul tot Comminationum vel Denunciationum Divinarum
in Lege & Prophetis extantium confirmaretur Veritas.

II. Primò in promulgatione Decalogi hanc sui descri-
ptionem terrificam secundo præcepto adjecit Legislator.
Exod. xx. 5. Deut. v: 9. פֶּקֶד עַן אָבֹת עַל בָּנִים עַל
שְׁלִישִׁים וְעַל רְבִיעִים לְשֹׂנְאֵי. *Visitans iniquitatem patrum*
super filios, super tertios & super quartos odientium me. LXX.
Interpretes verterunt in *Exodo*; ἀποδιδύσκειν πατέρων
ἐπὶ τέττα, ἕως τρίτης ἢ τετάρτης γενεᾶς τοῖς μισοῦσί με; in *Deut.*
ἐπὶ τρίτην ἢ τετάρτην γενεάν. *Vulg. in Exodo, Visitans iniqui-*
tatem patrum in filios, in tertiam & quartam generationem,
eorum qui oderunt me: in Deut. reddens iniquitatem patrum su-
per filios in tertiam & quartam generationem his qui oderunt me.
Cum parvâ variatione, omissione nempe τῶ 'שֹׂנְאֵי, & additis

Nepotibus, hæc etiam in proclamatione Nominis Jehovæ coram Mose occurrunt *Exod. xxxiv: 7.* פֶּקֶד עוֹן אֲבוֹת עַל בָּנִים וְעַל בְּנֵי בָנִים עַל שְׁלֹשִׁים וְעַל רְבָעִים. *Visitans iniquitatem patrum super filios & super filiorum filios, super tertios & super quartos. LXX.* ἐπάγων ἀνομίας πατέρων ἐπὶ τέκνα, καὶ ἐπὶ τέκνα τέκνων, ἐπὶ τρίτην καὶ τετάρτην γενεάν. *Vulg. qui reddis iniquitatem Patrum filiis ac nepotibus, in tertiam & quartam progeniem.* Vide etiam *Loca Num. xiv: 18. Jer. xxxii: 18. &c.*

III. In his Locis cum manifesté doceatur nostro iudicio, JUS DEI puniendi peccata Patrum in Filiis, atque adeo his IMPUTANDI ea ipsa à patribus actu patrata scelera; hoc *Jus Dei* ex simplicitate & veritate Revelationis, in gratiam potissimum saciæ Juventutis Academicæ, & ut honestæ petitioni ornatissimi Respondentis satisfacerem, in hac Dissertatione illustrare atque pro viis meis demonstrare, fortunante Deo, constitui. Plurimum certe momenti habet hoc Argumentum in Theologia Nostra. Demonstrato enim hoc JURE DEI ex infallibili Revelatione ejus, luculenter etiam confirmabitur atque illustrabitur Doctrina Nostra Orthodoxa de *Imputatione peccati Adami immediata*, quam non pessimi hæretici modó, sed & nonnulli ex Nostris etiam, fallaci ratiocinationi propriæ ac affectibus humanis magis indulgentes quam divinæ Revelationi obtemperantes ac se submittentés, temerè & periculose admodum negare sustinuerunt. Enimvero nititur hæc Adamici peccati imputatio obligatione posterorum in ipso fœderali ad obedientiam, & hac negatâ ad poenam omnem peccato debitam, & hæc iterum Obligatio fundata est in *Jure hoc Divino*, puniendi scilicet, si velit, peccata Patrum in Filiis, & proinde etiam his imputandi illa, ac habendi, per Jurisdictionem æquissimam, pro peccatis Filiorum. Quapropter meritò mirabitur aliquis, tot Viros doctissimos, de imputatione peccati Adamici orthodoxè satis sentientes, omnia tamen hæc Loca, supra descripta & indicata, explicare de Filiis Patrissan-

DE PATERNI CRIMINIS IMPUTATIONE 39

tibus ac imitantibus peccata Patrum, provocantes etiam ad Dei justitiam, ut quæ prohiberet filios plectere, in quibus Iniquitas Patrum vel propagatione vel imitatione non fuerit exemplata. Quo pacto satis imprudenter profectò omnem peccati imputationem injustam statuunt, nisi fiat *mediante* iniquitate patrum Filiis jam inhærente, vel per propagationem vel per imitationem. Operæ igitur erit premium hoc *JUS* Deo asserere, quod ipse sibi luculenter tribuit tum in *Legislatione*, tum in *Nominis sui Proclamatione* paulò plenius, *Exod. xxxiv. 7.*

IV. Inspiciamus itaque Revelationis Literam cum curâ & attentione debitâ, & simul cum animo ad ratiocinia unâ cum affectibus humanis submittenda Revelationi Divinæ paratissimo. Atque sic in hac Dei Descriptione, coram Mose repetitâ, occurrit *Primò* עַן אֲבוֹת INIQUITAS PATRUM. Intelligimus per eam ipsissimum *singularem* ac *numericum Patrum actum peccaminosum*. Eodem enim sensu heic capi debet, quo sumitur *Ezech. xviii. 20. filius non portabit iniquitatem patris, & pater non portabit iniquitatem filii*; quoniam hoc in loco renunciaturum se fore Juri suo declarat Deus, quo aliàs uti posset contra Israëlitas, juxta pristinam Denunciationem suam, & nunc se illos puniaturum modò dicit propter peccata propria, quæ perperam & hypocriticè dissimulabant illi. Atqui in hoc loco capitur non de *iniquitate patris*, quæ filio etiam inhæret, vel per propagationem vel per imitationem, sed soli patri, ab ipso duntaxat patrata. Id quod manifestum est ex eo quod additur, *& pater non portabit iniquitatem filii*; præterea ex eo, quòd in his verbis contineatur responsio ad querelam illam, *† 2. Patres comedent, vel comederunt, uvam acerbam, & dentes filiorum obsupestent, vel opstupe/cunt, uti habet Vulgatus*. Cujus querelæ vis in eo est, quod actio vel omissio peccaminosa Patrum aliena filiis fuerit imputata in causam pœnæ, in quibus tamen illa locum nullo modo habuerit. Errant igitur qui per *Iniquitatem Patrum* intel-

li-

ligunt Iniquitatem filiorum, illi Patrum *similem*, atque cum illâ *specificè* eandem, utpote ad imitationem Patrum patratam; Ugo Cardinalis in Num. xvi. Hoc multis modis exponitur; vel sic, qui visitas, puniendo peccata patrum in filiis, id est, peccata Filiorum, quibus imitantur Patres; qua de re mox plura. Errant similiter, qui de Iniquitate à Patribus communicata filiis, & in eos propagatâ explicant. Sive sit hæc peccatum originale, quod trahimus ab Adamo, sive propensio particularis quædam proximorum parentum. Johannes Gerhardi in Deut. v. Augustini sententiam in Enchiridio Cap. XLVI. defenfurus, (cujus tamen mentem adsecutum fuisse hætenus dubito) Neque posset dari evidens ratio, inquit, cur Deus in tertiam & quartam tantum generationem puniret eorum peccata, qui oderunt ipsum, si non propensionem illam singularem ad peccata a proximis parentibus in liberos propagatam puniret. Agnoscimus interim, tum Originalis labis ab Adamo propagationem veram per generationem naturalem, tum etiam particularium ad hæc vel illa peccata propensionum à proximis parentibus. Bene idem Joh. Gerhardi; Quemadmodum enim ex calculosis generantur calculosi, ita ex libidinosi & avaris parentibus, nascuntur liberi ad libidinem & avaritiam proni. Agar ancilla Saram dominam tempore gestationis despiciens gignit Ismaëlem scoticum Gen. 16: 5. 21: 9. Lea concubitum cum marito ardenter expetens gignit Rubenum incestuosum & Judam libidinosum. Gen. 38. 16. &c. Quamvis, inquit Forbesius Theol. Moral. Lib 11. C. v. pro Paterno temperamento, & certo quodam peccandi habitu in hoc vel illo genere, radicalis illa perversitas filiis interdum communicetur cum majore ad hunc vel illum amarum fructum propensione, quam ad alios.

V. Observandum est porro, quod nulla adsit, neque in voce *W* / neque in numero singulari, in quo posita vox illa, utpote sæpius pro plurali adhibito coll: Gen. XLIX: 6. Deut: xx: 19. neque in Textu, Limitatio, quæ de uno ac certo quodam peccato tantum nos cogitare jubeat. Ex
exem-

DE PATERNI CRIMINIS IMPUTATIONE 41

exemplis etiam punitæ iniquitatis patrum in filiis constat eam non unam sed variam fuisse 1 *Sam*: 11. 29 33. 3: 6. 2 *Sam*. 11: 14. 21: 1: 26. &c. Præcipue tamen gravius aliquod delictum videtur intendisse Legislator; quale est omne illud quod non ex ignorantia aut infirmitate, sed ex malitia & destinato animi consilio committitur, à *Cajetano* ideo heic nominatum; & quale etiam est *Perjurium*, quod Gentiles crediderunt *omnem vastare stirpemque domumque*; uti ex *Herodoto*, aliisque adnotavit *Grotius* de *Jure B: & P. Lib. 11: Cap. 1111*; & denique quale quam maximè est *Idololatria*, quam itaque si etiam & quidem primo loco heic intelligendam velint Judæi & Christiani Veteres & Recentiores multi, minimè me habebunt repugnantem. Etenim hæc Verba Dei primò leguntur addita Præcepto secundo, in quo de *Idololatria* agitur, *Exod. xx. 5. Deut. v. 9. & Deus Zelotypus* vocatur. Zelotypiæ autem divinæ causa est maximè *Idololatria*, ut pote quæ est spiritualis fornicatio & adulterium *Hos. 11. 1.* Deinde *Exod. xx. 5*: iniquitas hæc in odio Dei ponitur; atqui in *Idololatria* præsertim, utpote quæ est fornicatio & adulterium, est *odium*, non amor, saltem est *minor dilectio. coll. Jer. 11. 25.* Porro notandum est, quod post *Vituli cultum* repetierit Jehova hoc dictum in textu, ut indicaret, quamvis integrum populum, uti meruerat, non esset deleturus neque abjecturus, die tamen Visitationis suæ hanc & omnem aliam idololatriam esse puniturum; *coll. Exod. xxxii. 34.* Denique Patrum hæc iniquitas in posteris punita vel *punienda* expresse alibi in *Idololatria* ponitur *Jes. LXV. 7. Jer. xvi. 11. 12. 13. Deut. xiii. 13. 15. Jer. 11. 9.*

VI. Hujus Iniquitatis VISITATIO attribuitur porro in Textu Jehovæ à Jehova, quando dicit, *פקר Visitans.* Verbum *פקר* de Deo frequenter adhibitum, significat cum cura rem inspicere, examinare, atque pro causæ ratione ac rei conditione agere, vel in favore benefaciendo, vel in ira puniendo ac pœnas rependendo. Post-

riori hoc sensu pro *Punire* ac *Pœnam immittere* sæpe sumitur *Jes.* x: 12. *Jer.* v: 9. 29. vi. 6. &c. & ita quidem, ut quandoque Verbum hoc solum ponatur *Job.* xxxvi: 15. *Jes.* xxxvi: 14. **לכן פקרת** / quandoque subjectum puniendum etiam memoretur, *Jer.* xv: 3. **ופקרת' עליהם** / quandoque verò causa meritoria tantum nominetur *Jer.* xiv: 10. **ויפקוד חטאתם** / vide etiam *Psf.* lxxxix. 33. *Thren.* iv: 22. *Hof.* viii. 13. ix. 9; quandoque tandem & subjectum puniendum vel punitum, & simul causa punitionis exprimantur; *Exod.* xxxii: 34. **ופקרת' עליהם חטאתם** *ast Visitabo super iis peccatum eorum.* *Jes.* xxxvi: 21. **לפקד עון ישב הארץ עליו** *ad Visitandum iniquitatem habitatoris terræ super eum:* *Jer.* xxiii: 2. **פקד עליכם את רע עלליכם** *Visitans super vos malitiam actionum vestrarum:* sic etiam *Levit.* xxiii. 25. *Jer.* xxv. 1. 2. *Hof.* i: 4. ii. 12. iv: 9. *Amos.* i. 11: 2. 14 Qui loquendi modus cum etiam inveniatur in textu, ubi est **פקד עון על בנים** / necesse est ut peccatum consideretur heic ut causa Visitationis tantum, non item ut subjectum ejus, quod multiplex expresse additur, & quod in adductis locis frustra esset additum, si in voce peccati esset metonymia adjuncti pro subjecto, quam igitur malè in hoc loco statuit Rivetus scribens ad *Exod.* xx. *Phrasis*, visitare iniquitates & peccata, eodem sensu quo punire peccata & iniquitates dicitur, cum tamen pœna non infligatur iniquitatibus, sed hominibus iniquis. Est itaque metonymia, quâ subjectum intelligitur per adjunctum, simulque connotatur causa punitionis, quasi diceret, *visitabo homines propter iniquitates.* Positâ hac metonymia sensus esset, *Visitans peccantes Patres in Filiis*, cujus etiam meminit Ugo Cardinalis in *Num.* xiv. Scopus est, emollire sic Domini dictum, in specie durum, ne videretur dixisse scilicet, se velle alienam Patrum culpam innoxiiis filiis imputare, cum in eos pœnam, seu id quod propriè pœnam constituit, minimè trahere velit, mala quidem posteris innoxiiis immissurus, sed quæ Pa-

DE PATERNI CRIMINIS IMPUTATIONE 43

Patrum iniquorum respectu pœnæ rationem habitura essent, & irati Numinis signa forent; respectu filiorum innocentium autem beneficii & medicinæ loco habenda essent. Sed, ut dixi, quemadmodum in hac phrasi, *Visitare peccatum super aliquo*, non potest statui istiusmodi *Metonymia*, ita etiam admitti non debet in nostro dicto, in quo proinde de pœna Filiis immittenda propter iniquitatem Patrum manifestè agitur. Et quia hæc *Visitatio judicialis & pœnalis* absque ulla restrictione ponitur, non ausim ego restringere illam hætenus ad certam aliquam pœnæ speciem, v. g. ad *temporalem* tantum, aut *correctoriam*, ne ipse demam aliquid de Dei verbis, quod iis forè continetur, atque ex meo iudicio & affectu vias Dei componam, Verbumque ejus explicem. Intelligo itaque hoc latius de *omni pœnæ specie*, ita ut Deus declaret se posse aut etiam velle Iniquitatem Patrum punire in Filiis, in his corporali temporali correctoria medicinali tantum, in illis verò etiam spiritali, imo & æternâ. Omnis enim hæc pœna est effectus vel minimi peccati *Gal. 111: 10.* multò magis itaque gravioris iniquitatis, v. g. *Idolatriæ*, de quâ heic præcipuè agitur.

VII. Quemadmodum pœnæ hujus omnis *Causa* statuitur *Iniquitas Patrum*, ita *Subiecta* ejus nominantur in Textu nostro, **FILII ET FILIORUM FILII, TERTII ET QUARTI.** In Decalogo autem, ut & *Num. xiv: 18.* *Filii Tertii & Quarti* modò memorantur, omissis *Filiis Filiorum*. *Tertii* in loco nostro à *Filiorum Filiis*, id est, *Nepotibus* distinguuntur; & sunt *Pronepotes*, & *Quarti Abnepotes*. *Trem: & Junius* transtulerunt, *Visitans Iniquitatem Patrum in Filios, & in Filios Filiorum, in Nepotes & in Abnepotes*. *Tertii* ipsis sunt *Nepotes* & in hoc loco & in Decalogo. Atqui nepotes sunt *Filiorum Filii*, à quibus *Tertii* heic distinguuntur, non exegeticè iis subjiciuntur, uti cogitasse videntur *Interpetes* illi. Hi *Filii Primæ Secundæ Tertiæ & Quartæ generationis* constituuntur

tur *subjecta* Visitationis hujus, ita tamen ut ipsi *Patres* neutiquam excludantur planè, utpote qui etiam poenâ digni sunt, & quandoque puniti ipsimet, aut puniendi in propriis personis perhibentur. *Deut. vii. 10. Jer. xxxii. 18. Et retribuens iniquitatem Patrum in sinum filiorum eorum* POST EOS. *Acacius* apud *Lippomanum* ad *Exod. xx. Illud autem quod ab Hieremia dictum est, contradicere videri potest, Reddens peccata Patrum in sinum Filiorum ipsorum post eos. Nam si post eos, sine dubio non ut ipsi punirentur, nisi fortasse quis, illud post eos, non ita accipiat, quasi dictum sit, post mortem illorum, sed post illorum priorem poenam, quæ Filiorum poenam præcessit. Quia rursus Legislator non determinat poenam ad hos vel illos Filios, neque nobis temere determinare, neque absque causâ gravi restringere licebit. Inteligimus itaque non modò parvulos, sed & adultos, quos aliqui apud *Abulensem* §. 70. in *Josnam* excludunt, uti monuit *Bonsfrerius* ad *Exod. xx. Fœmineum* sexum quoque includi vix opus est ut moneam. Cæterum haud malè profectò scripsit *Hugo de Sancto Victore* apud *Lippomanum. De illis Filiis propriè constat hoc esse dictum quos genuere Patres post perpetrata maleficia, & merito parentum puniuntur, sicut aliquod membrum ipsorum, quia in ipsis malefactoribus quodammodo erant seminaliter, & peccabant. Unde claudi & cæci pro scelere parentum nascuntur. De omnibus tamen & singulis harum generationum Filiis non videtur hoc necessario capiendum. Satisfit enim Domini verbis, si ex pluribus unus aut alter excogitetur, iniquitatis paternæ laturus poenas. Sicuti enim Misericordia Dei non ad omnes & singulos piorum posteros extenditur, docente id satis experientia, ne quis scilicet prærogativâ carnis gloriatur, sic etiam poenam hanc non omnibus & singulis impiorum Filiis interminatus est Deus, comprobante & hoc quoque eadem experientiâ, ne quis propter impios parentes desperet, uti bene *Rivetius*. Si *Vau* in וַי וְ in וְ & in וְל רבֵּעִים disjunctivè capimus, uti alias sum**

DE PATERNI CRIMINIS IMPUTATIONE 45

sumitur *Exod. xii: 5. xxi: 15. coll. Matth. xv: 4. 2. Sam. 11. 19. coll. 1. Prov xxx: 8. Visitans iniquitatem Patrum in Filiis aut in Filiorum Filiis, in Tertiis aut in Quartis*; habemus hic clementiæ Divinæ cum iustitiâ mixturam, tarditatemque Dei ad iram, atque pœnæ dilationem, quandoque ad quartam usque generationem; cujus etiam exemplum extat in posteritate *Jebu, 2 Reg. x: 30. xv: 12. Hieronymus in Ezech. xviii. Non enim truculentia est & severitatis iram tenere usque ad Tertiam & Quartam generationem: sed signum misericordiæ, pœnam differre peccati. Quando enim dicit: Domine Deus miserator & misericors, patiens & multæ miserationis: & infert: Reddens iniquitatem Patrum super Filios & Filios Filiorum: hoc indicat, quod tantæ misericordiæ sit, ut non statim puniat, sed sententiam differat puniendi. Sin autem Vindicta peccantium differtur in Tertiam & in Quartam generationem, &c. Ita quoque Clar. Altinius Hept. v. Dissert. v. §. xxi. existimat Visitationem avitæ iniquitatis in Pronepotibus vel Abnepotibus, tametsi generationes mediæ nihil tale patiantur, adeoque non continuam, heic debere intelligi. Certe videtur ex *Num xiv: 18.* quod in his verbis quoque sit aliqua Divinæ clementiæ declaratio. Si verò *Vau* sit copulativum; *Visitans iniquitatem Patrum in Filiis & in Filiorum Filiis, in Tertiis & in Quartis*, ἡὼς τεῖτος ἔν τετάρτῃς γενεᾷς, sic nempe ut nulla ferè harum generationum quatuor esset futura, in qua non extarent atque invenirentur Visitationis hujus tristia exempla; habebimus hîc denunciationem iræ Severitatisque Dei Zelotypi, cujus exemplum aliquod extare videtur in familia *Eli*, cujus lenitas punita est in *Filiis*, *1 Sam. 11: 34.* in pronepote *Achimelecho 1 Sam. xxii: 16.* & in Abnepote *Abjathare 1. Sam. xxii: 20. 1. Reg. 11: 27.* Hæc tamen severitas mitigaretur rursus, si statuamus pœnæ Restrictionem heic fieri ad quartam duntaxat progeniem, non ultrâ extendendæ. *Augustinus, vel quisquis Auctor fucrit Quæst. V. & N. T. Quæst. xiv. Et in hoc**

clementia Dei laudabilis est, ut odio habentibus se usque in Tertiam & Quartam reddat progeniem, & non in millia millium: ut si in quintam progeniem tractum fuerit malum, inde iterum caput habere incipiat, ut ex eo numeretur usque ad Tertiam & Quartam progeniem. Similiter Cajetanus in Exod. xx. Sed cerne differentiam, quoniam vindicta non extenditur ultra quatuor Filios, beneficia autem extenduntur in millia; &c. Ita & Zanchius Oper. Tom. iv. p. 377. Hoc enim est quod innuit, cum ait iniquitatem Patrum visitaturum non in omnes posteros, sed tantum usque ad tertiam, aut ad summum usque ad quartam generationem. Ita hæc comminatio mixtam habet benedictionem. Alii verò Restrictionem hanc non admittunt. Grotius in Explicatione Decalogi. Est autem Proverbialis locutio. Etiam Plato, εἰς τετάρτῳ γενεῇ Ἀβραάμ τὴν τιμωρίαν. Sic dicunt Poëtæ,

Καὶ πᾶδες παίδων, ἢ τοὶ μετόπισθε γένονται.

Et nati natorum, & qui nascentur ab illis.

In Proverbiis verò verba rigidè & strictè sumi non solent, sed sensus magis attenditur, qui hujus Proverbii foret, pœnam nempe immittendam esse posteris quantumcunque longius à stirpe succedentibus. Numerum determinatum pro indeterminato heic esse positum contendit cum aliis Hackspanius in Notis Philologico-Theologicis in Exod. xx. Pœnæ, quibus Filii hoc loco ob parentum iniquitatem affligi dicuntur, non ita sunt accipiendæ, ut solummodò restringantur ad Tertiam & Quartam generationem, ceu facit Molinæus, quem sequitur Rivetus, & Wendelinus, non verò ultrà extendi debeant. Probè enim perpendenda est collatio, quæ h. l. instituitur inter Dei misericordiam vel beneficentiam erga pios, & justitiam vel pœnas erga impios. Quemadmodum igitur Dei beneficentia erga pios non strictè accipienda, ut ultra millesimum annum (numerus enim millenarius sæpe indefinite sumitur) ita in pœnis non ita subsistendum, ut ad Tertiam & Quartam generationem restringantur, sed dicendum, quòd hic quoque numerus derminatus pro indeterminato positus fuerit.

DE PATERNI CRIMINIS IMPUTATIONE 47

rit. In hujus rei ulteriorem probationem producit; tum exemplum *Amalekitarum* *Exod.* xvii: 14. 1. *Sam.* xv. post 400. annos demum à Saule excisorum, quod se Israëlitis in itinere ex *Ægypto* opposuerunt; tum locum. *Matth.* xxiii: 35. Universitatem Generationum significatam fuisse haud improbabile judicavit *Augustinus Quæst.* xlii. in *Deut.* Quamvis & illud meritò quæri possit, si redduntur peccata Patrum in Filios his, qui oderunt Deum, cur in Tertiam & Quartam generationem, vel prætermissa primâ & secundâ, vel non etiam in ceteras, permanente impietate & imitatione malorum. An per hunc numerum quoniam septenarius intelligitur, universitatem significare voluit: & ideo non ipsum potius septenarium posuit, ut diceret in septimanâ generationem, ac sic omnis intelligeretur; quia causam perfectionis hujus numeri hoc modo potius intimavit? Ideo namque perhibetur perfectus, quia ex his duobus constat, ternario scilicet primo impari toto, & quaternario primo pari toto. Unde esse & illud Propheticum (*Amos* 1: 3.) existimo, quod assidue repetitur, in tribus & quatuor impietatibus non averfabor: per quod voluit impietates universas potius, quam tres vel quatuor intelligi. Ita Doctissimus ille Hipponensis Episcopus scripsit, tuendæ hypothese suæ, de Filiis, qui imitantur patrum suorum scelera, intelligendis, magis intentus, quàm Literæ Textus sacri. Confudit enim nomina numeralia Ordinalia, qualia inveniuntur in Textu רבעים & שלשים *Tertii & Quarti*, cum nominibus numeralibus Cardinalibus, qualia sunt שלוש tres vel & ארבע quatuor. Cardinalis quidem pro ordinali ponitur quandoque in Sacris, sed an ullibi ordinalis pro cardinali usurpetur nescio. Deinde etiam videtur errare in expositione dicti prophetici *Amos* 1: 3. quatenus tria & quatuor ibi voluit esse posita pro septem. Haud malè *Lippomanus* ad *Exod.* xx. Tria & quatuor juxta *Hebræam phrasim* computanda sunt simpliciter pro quatuor, sicut sex & septem pro septem. Sic *Amos* 1. propter tria scelera *Damasci*, & propter quatuor non

non reddam ei, &c. Sic Prov. 30: 15. Tria illa non saturantur, & quatuor non dicunt, sufficit. Et mox v. 18. Tria sunt difficilia mihi, & quatuor ignoro. (adde v. 21.) Sic & Job. v. 12. In sex tribulationibus liberabit te, & in septem non tanget te malum. In sex & septem, hoc est septem. Enumerat enim postea septem tantum tribulationes, ex quibus illum liberaturus sit Deus. Interim tria & quatuor in loco Amosi indefinite pro multis poni minime nego. Rectè quoque Forbesius Theol. Mural. Lib. II. Cap. v. Neque enim assentiri possumus Doctissimo Augustino, ut per tertiam & quartam generationem intelligamus Universitatem, si-ve omnes generationes, nam istam conjecturam refellit oppositio millenorum amantium Deum. Scilicet uterque numerus, & millenarius & ternarius vel quaternarius, multitudinem indefinite quidem significat; sed hic minorem, iste verò longè majorem. Longius misericordiam, quam justitiæ rigorem extendit.

VIII. Post hæc omnia meretur paulò diligentius expen-
 pen li Participium **בקר** VISITANS. Cum enim Participium Benoni non tantum notet Actum præsentem Exod. 11: 14. Jos. 1. 2. Eccles. 1: 7. sed & præteritum Amos. 4: 13. Zach. XII: 1. imo & futurum Exod. XI. 5. Jon. 1: 3. Matth. XI: 3. Apoc. 1: 8. meritò quæritur quo sensu heic sumatur, & an vertendum sit in Præterito, QUI VISITAVIT, an in Præsenti, QUI VISITAT, an verò in futuro, QUI VISITABIT. Præteritum Visitationis Actum significari contendit Rupertus, per Iniquitatem Patrum intelligens Venditionem Josephi. Opportuno quoque tempore, inquit, fortem se & reddentem iniquitatem Patrum in Filios in quartam & tertiam generationem hic asseruit, videlicet ubi totus Mons Sinai fumigabat, & totus erat terribilis, eò quod descendisset Dominus, quod erat indicium fortitudinis, & iniquitatem Patrum qui Joseph fratrem suum vendiderant, nunc reddiderat in tertiam & quartam generationem, non absque misericordia, solutâ nempe captivitate, revertebantur de Ægypto generatione quarta. IX.

DE PATERNI CRIMINIS IMPUTATIONE 49

IX. Alii transferre malunt Participium פקר in præfenti, QUI VISITAT. Cæterum cum Verba *Activa* ; nunc *debitum*, *Heb.* v: 4. nunc *consuetudinem* 1 *Sam.* 11. 6. 7. *Marc.* xv: 6. coll. *Matth.* xxvii: 15. nunc *potentiam & potestatem* *Job.* ix: 6. *Matth.* xii: 31. nunc denique *voluntatem* agendi *Exod.* xii: 48. *Matth.* v: 23. significant, idcirco in diversa heic abeunt iterum Interpretes. Non notatur hîc *debitum* agendi: ut, qui *Visitat*, idem esset, ac qui VISITARE DEBET. Nam quamvis Deus peccatum non possit non punire, juxta illud quod præcedit in Textu וְנָקָה לֹא יִנָּקָה & *infontem habendo non habebit infontem* sc. fontem & peccatorem, JURIS tamen Divini non necessarij, sed LIBERI est punire peccata Patrum in Filiis. Nam quòd propter primum Adami peccatum omnes nascantur filii iræ, & in eo uno omnes peccaverint ipsius Posterij, est ex Fœdere Operum, quo Deus voluit omnes nostras voluntates in uno Adamo obstringere ad obedientiam, & posita Fœderis istius transgressione ad pœnam. Voluit autem liberrimè, quia potuisset aliter velle, si ita ipsi placuisset; sicuti peccatum ipsum liberrimè permisit, quod tamen nunc necessariò punit. Et ex hoc solo fonte solutio petenda est difficultatis illius, quæ oritur ex apparente contradictione inter hæc Mosaica Dicta & Propheticum illud, quod extat *Ezech.* xviii. 20. *Anima quæ peccat, ipsa morietur: Filius non portabit iniquitatem Patris, & Pater non portabit iniquitatem Filii, justitia iusti super ipso erit, & improbitas improbi super ipso erit.* Agi hoc in loco de Patre probo ob Filii improbitatem, & de Filio pio ob Patris impietatem, non morituris, & proinde de Filio adulto, non parvulo, ex Textu & Contextu præcedente manifestum est. Unde consequitur quòd in hoc Prophetico Dicto Mosai-
corum illorum non fiat *Explicatio*; uti supponunt vulgò illi, qui Mosaica Dicta de Filiis, quibus vel imitatione vel consensu vel approbatione vel non impeditioe aliquid pa-

terni sceleris inhaeret, interpretantur. Certe est enim in Mosaicis Dictis, ex Contextu haud limitatis, agi etiam de Parvulis; quemadmodum quoque ex loco *Jer.* XLIV: 7. & ex Exemplis, v. g. Parvuli Davidis Filii ob parentis peccatum morte abrepti 2 *Sam.* XII: 14. constat. Verum *Renunciat Deus* apud *Ezechielem JURI suo*, quod in Lege & coram Mose solenniter declaraverat, quo posset cæteroquin uti etiam in probos impiorum Patrum Filios, hos quoque malis quibusdam corporalibus & temporalibus implicando & afficiendo propter Patrum iniquitates. Neque tamen *absolutè* sic renunciat Deus huic suo *Juri*, nam & malis Babylonicis *justi cum injustis Ezech.* XX: 47. XXI: 3. pressi sunt, uti ex exemplis Ezechielis, Danielis, & sociorum ejus *Ezech.* I: 1. *Dan.* I: 6. III: 12, 17. satis apparet. Verum ex *hypothesi*, si scilicet hi litigantes cum Domino, ac parabola illa utentes *ψ.* 2. ac Viam ejus injustam esse clamantes, probare possent se esse immunes à Patrum improbitate, Legemque Dei sincerè observasse. Hoc nempe in casu huic *JURI suo* se *Renunciaturum* fore declarat Deus, ut scilicet sic confunderet hypocriticum populum, proprias ac sceleratissimas dissimulantem iniquitates, & se ob Patrum peccata iniquè puniri conquerentem, & hoc *JUS Dei* in Lege propositum, ut ab omni æquitate alienum, calumniantem; atque ut sic simul significaret, quòd ignis iræ suæ justissimæ sat ustibilis materiæ seu improbitatis damnabilis in ipso hoc populo invenire posset, adèò ut necesse non habeat præsentis iræ Divinæ eausas in Delictis Patrum quærere. Ex quibus ita disputatis judicium ferri potest de vulgari Dictorum horum apud Mosè & Ezechielem occurrentium conciliatione, quâ statuitur; apud Mosè agi de Filiis imitantibus patres impios, & de poenâ temporali; apud Ezechielem verò de Filiis resipiscantibus & de poenâ æternâ.

X. Vulgo itaque existimant quod participium *קָפַד* heic significet *consuetudinem Visitandi*, ita ut *qui Visitat* idem sit,

DE PATERNI CRIMINIS IMPUTATIONE 51

fit, ac qui VISITARE SOLET. Verissimum hoc est, atque in hujus rei confirmationem, sive dictum hoc *determinate*, sive *indeterminate* capiamus, sive gentem *Israëliticam*, sive etiam *alias* respiciamus, merito adducuntur; tum *Comminationes* variæ & *Prædictiones*; tum *Querelæ* piorum & *Confessiones* atque *Deprecationes*; tum denique *Exempla* plurima *Visitationis* hujus *Judicialis Iniquitatis Patrum in Filiis institutæ*. *Comminationes* extant *Levit. xxvi. 39.* reliqui in *Vobis contabescunt propter iniquitatem suam in regionibus inimicorum vestrorum: etiamque propter iniquitates Patrum suorum cum ipsis tabescent.* Vulg. & propter peccata Patrum suorum & sua affligentur. *Num. xiv: 33.* Et Filii vestri erunt pascentes in deserto, quadraginta annis, & portabunt fornicationes vestras, donec deficiant cadavera vestra in deserto. *Jes. xiv. 21. 22.* Parate Filiis ejus *mastitationem*, propter iniquitatem Patrum eorum: ne surgant, & hereditario jure possideant terram, & impleant superficiem orbis terrarum civitatibus. Nam surgam contra eos, dictum *Jehovæ exercituum: & excidam Babeli nomen & residuum, & Filium & Nepotem, dictum Jehovæ.* *Jes. Lxv: 6, 7.* Quinimò reddam, & reddam in sinu eorum: *Iniquitates vestras, & iniquitates Patrum vestrorum simul, dicit Dominus.* *Jerem. xiiii: 14.* Et dispergam eos, unum cum altero, & Patres & Filios pariter. *Jerem. xvi: 11, 12. 13.* Propterea quòd dereliquerunt Patres vestri me, dictum *Jehovæ, & seclati sunt Deos alios, &c.* Vos verò pejus fecistis quàm Patres vestri, &c. Propterea ejiciam vos é terra hac in terram quam ignoratis, & vos & Patres vestri: & coletis ibi Deos alios, interdiu & noctu: quamdiu non dederò vobis gratiam, vel quia non dabo vobis gratiam. *Jerem. xliv: 7.* Et nunc sic dicit *Jehova Deus Exercituum; Deus Israëlis, quare facitis malum grande contra Vos ipsos, ad excidere faciendum vobis virum & mulierem, parvulum & fugentem, de medio Jebudæ, ad non remanere faciendum vobis residuum.* *Querelæ Confessiones atque Deprecationes leguntur, Esræ. ix: 7.*

Inde à diebus Patrum Nostorum nos Sumus in Reatu Magno usque in diem hunc. Thren. v: 7. Patres nostri peccaverunt, & non supersunt: nos verò iniquitates eorum portamus. Dan. ix: 16. Propter peccata nostra & propter iniquitates Patrum nostrorum Hierosolyma & populus tuus opprobrio exposita sunt omnibus qui circa nos sunt. Tobie iii: 3. Ne de me vindictam sumas propter peccata mea, & errores meos, & Patrum meorum, qui peccaverunt in conspectu tuo. Exempla denique prostant plurima. Propter scelus Chami maledictus est Canaan Gen. ix: 25. Delictum Achani etiam in filiis & filiabus, & in omnibus quæ ei erant, in valle Achor, iudice supremo Jehova, punitum legitur Jos. vii: 24, 25, 26. De Lenitate Eli in Filiis, Pronepote & Abnepote vindicatâ suprâ egimus. Quia Hamalekitarum, se opponentium Israël in itinere cum adscenderet ex Ægypto, manus fuerat elata contra Thronum Domini Exod. xvii: 14, 16. ideo horum Posteriores post aliquot secula à Saule percussi sunt, juxta mandatum Dei dicentis; VISITO id quod fecit Hamalek Israël. . . . Nunc abi ut percutias Hamalekum, &c. 1 Sam. xv. 2, 3. Quod septem Filii Saulis suspendio vitam finiverint, ob peccatum Patris, qui occiderat Gibeonitas, id factum volunt Judæi ex speciali mandato Dei, ob ea quæ leguntur 2 Sam. xxi: 1, 24. Filiolum Davidis morte præmaturâ è vivis sublatum fuisse propter peccatum parentis liquet ex dicto Nathanis 2 Sam. xii: 14. Regnum Regum Israël, idololatriæ vel faventium vel apertè deditorum, laceratum, imo finitum fuit; vel in Filiis 1 Reg. xi: 11, 12. xiv: 9. 10, 15, 16. xv: 28, 29. 30. xvi: 3, 7, 10, 11, 12, 13; vel in Nepotibus, 1 Reg. xvi: 25—30. xxi: 21, 22, 29. xxii: 40. 2 Reg. i: 17. iii: 1 ix: 2, 7, 8. 24, 26. x: 1, 6, 7, 8, 11, 17; vel in Abnepotibus, quod tamen in posteris Jechu solummodò visum fuit 2 Reg. x: 30. Porro eo quod benefecisti ad faciendum rectum in oculis meis, juxta omnia quæ in corde meo, fecisti Domui Achab, בני רבעים Filii quatuordecim, id est, Abnepotes, sedebunt tibi super solium Israël: Conf. 2 Reg.

DE PATERNI CRIMINIS IMPUTATIONE 53

2 Reg. xiiii: 1, 10. xiv: 16. xv: 8. Similiter peccata *Menasseb* Regis *Jehudæ* punita sunt non tantum in populo universo in exilium abducto 2 Reg. xxiv: 3, 4. *Jer.* xv: 4. sed & in *Filio Amon* occiso à suis 2 Reg. xxi: 18, 19, 23. in *Nepote* pio *Jofia*, qui in infelici prælio occubuit 2 Reg. xxiii: 29. in *Pronepotibus Joahazo* *Jojakimo* & *Zedekia*, & in *Abnepote Jechonia* 2 Reg. xxiii: 33. 2 *Chron.* xxxvi: 3, 4, 6, 9, 10. 2 Reg. xxv: 6, 7. Neque hujus Vindictæ Divinæ in Veteri Israëlitarum historiâ tantum reperiuntur monumenta, sed etiam in Mundo Gentilium reliquo, ut & Christiano, Iniquitatis Majorum posteris imputatæ divinitus Exempla fuerunt observata plurima. Hæc enim *Plutarcho* dederunt occasionem scribendi Commentarium de his qui serò à Numine puniuntur, *Oper. Tom. 11. pag. 548.* Et hanc Aulæ cælestis Consuetudinem ex Scripturæ Locis hisce partim, partim etiam ex Exemplis fortè collegit Princeps ille Palatinus, de quo ita *Clar. Jac. Altinius*, *Hept. v. Dissert. v. §. xxviii.* Confirmaturque recentiore exemplo *Wolfgangi Principis Palatini*, qui minimus inter octo Filios *Philippi Electoris*, per omnem suam ætatem cælebs vixit, neque sibi à Fratribus persuaderi passus est, ut conjuge ducta propagandæ Familiæ, atque in eâ Electoratu conseruando daret operam. Cujus sui consilii hanc dixit causam, frustra se quæsiturum liberos, quòd posteritas Palatina in Quartam Generationem peccatum Abavi sui *Ludovici Electoris*, justo Dei judicio, lueret orbitate: Ille enim *Ludovicus* sub *Sigismundo Imperatore* Vicarius Imperii & *Constantiensis Concilii* Protector & Exsecutor, *Johannem Hussum* contra fidem datam, assidente Cæsare, ad ignem damnatum, ex officio tradidit flammis cremandum, vestibus etiam ejus, ne tanquam martyris asservarentur, igni adjudicatis. Atque hoc crimen avitum *Wolfgangus* ille piè censuit causam deficientis Familiæ Palatinæ, quatenus ab isto *Ludovico* descendebat, quæ per sesqui seculum axiomate Electorali floruerat, sed in fratribus *Ludovico* & *Friderico*, nec non nepote *Ottone Hen-*

rico, successive Electoribus, prole saltem mascula caruerat. Haëtenus Altingius. Scilicet Ludovici istius Concilii Constantiensis Protectoris Filius Ludovicus II, Nepos Philippus, Pronepotes Ludovicus III. & Fredericus Pius, & Abnepos Otto Heimricus, Electores fuëre, in quo extincta fuit Ludovici istius Primi soboles.

XI. Alii tamen Verbum hoc Activum, qui *Visitat* de Jure & Potestate Visitandi interpretantes, idem esse volunt, ac qui *justè Visitare potest*, vel qui ita VISITANDI JUS habet. Certum est JUS hoc connotari, id quod in sequentibus etiam adstruemus: dubitamus interim an ita directè hoc Jus significetur, an potius indirectè, uti postea patebit. Rectius itaque de Voluntate Visitandi accipiunt hoc participium וְקָם alii, sive vertant in præsentii, qui *Visitat*, id est, qui VISITARE VOLUIT seu decrevit; sive denique in futuro, QUI VISITABIT Iniquitatem Patrum in Filiis, &c. ut adeò in hoc dicto sit Comminatio, seu Denunciatio pænæ immittendæ in populum fœderatum quidem sed & scœdisfragum, sicuti ostendimus in Dissertationibus nostris Sacris, Dissert. IV. §. XI. Clar. Altingius in Deut. v. Parentes spectantur proximi fœderati item Deo, quomodo in nexum conjugii venerunt, Zelotypia Mariti non est contra extraneas mulieres, sed contra conjugem adulteram Ps. LXXIII: 27. In extraneos Deus animadvertit citius vel serius pro lubitu; illo modo contra primum mundum, Sodomam: isto modo contra Amoræos quibus 400. annis, & Amalekitas quibus 430. annis dilatum supplicium, ultra 3. & 4. Generationem. Juxta hanc Participii וְקָם acceptionem institutæ sunt Interpretationes: Tum Augustini contra Adimantum; Cap. VII, qui nimium à Scopo & Litera Textus divagatur: Ita ille. Quod autem in Tertiam & Quartam Generationem scriptum est vindictam procedere, non aliud significari arbitror, nisi quod ab ipso Abraham, qui pater esse incipit populi Judæorum, quatuor ætates sunt cum ista quæ nunc agitur, quas Matthæus Evangelista

DE PATERNI CRIMINIS IMPUTATIONE 55

gelista distinguit. Una est ab Abraham usque ad David, alia à David usque ad transmigrationem in Babyloniam: Tertia à transmigratione in Babyloniam usque ad adventum Domini. Inde usque ad finem quarta deputatur tantum, quantum senectus sæculi cæteris ætatibus longior: quas ætates pro generationibus positas credimus, quamvis singulæ pluribus generationibus consent. Et quoniam tertia incipit à transmigratione Babylonice quando Judæorum est facta Captivitas, in quarta verò, id est, post adventum Domini nostri, gens Judæorum à solo proprio penitus eradicata est, hoc datur intelligi, quod dictum est, Tertiæ & Quartæ generationis peccata parentum redditurum Deum: his utique legitimè & debitè, qui parentum peccata perseverantes tenere, quam Dei justitiam sequi maluerunt: Tum Diodori apud Lippomanum in Exod. xx. qui tamen generalliora Textus verba nimium restrinxit; Israël quarta generatione ex Ægypto egressus est, sed tertia generatione Idolis servire incepit. Quia igitur in deserto vitulum adoraturi erant, ideò illis comminatur, quasi diceret, Idololatræ in Ægypto fuistis, id tamen aliquam excusationem habet, propterea quod illis commiscebamini, nunc verò ab illorum erroribus liberati, miranda adversus Ægyptios vidistis. Si igitur posthac idola colueritis, Patrum vestrorum peccati pœnas vobis infligam, neque enim peccatorum illorum pœnas expendistis, sed post tot beneficia, in eisdem peccatis persistentes, justas pœnas exolveritis; neque enim par est ut vobis quemadmodum & illis parcam. Lex igitur hæc non generalis est, sed ad illos tantum qui ex Ægypto egressi sunt spectat: Tum denique Doct. Alhardi de Raadt in Apologia Veritatis, §. 69. quem nonnulli alii laudant atque sequuntur. Complectuntur, inquit ille, ergo hæc Verba Decretum Dei, quo constituit, Israelitarum, in Ægypto ipsi rebellium & immorigerorum, iniquitatem punire in Tertia & Quarta Generatione, ut omnes cognoscerent vim iræ suæ, imponendo ipsis jugum δουλοσάκλον, quod neque ipsi, neque Filii ipsorum portare possent; ac illud jugum durum post Filii sui adventum immutare in jugum molle atque gra-

gratiam Evangelicam extendere in omnes gentium omnium generationes, ab eo tempore & deinceps usque ad finem seculorum, ut ex altera parte mortales efficaciam gratiæ suæ intelligerent, ejusque ὑπεροχὴν atque abundantiam præ ira suâ. Scilicet antea dixerat, hoc esse intelligendum, secundum Temporum seriem, videlicet, quod præcederet ira & sequeretur gratia super Israël: atque observaverat, Patres in Ægypto peccasse, à Deo tamen non punitos Ezech. xx: 3, 8; Filiis horum datum esse Decalogum, hos autem foedus spreville & vitulum coluisse, Ezech. xx: 13, 14; Foedus hoc esse renovatum Exod. xxxiv. sed si Ezechieli fides, cum Filiis tantum (nempe, uti puto, horum Vituli cultorum) Ezech. xx: 18. & hanc idcirco esse Progeniem tertiam; Tandem addiderat; postquam omnes periissent, exceptis parvulis ipsorum, Num. xiv: 28-35. atque ita quedam adhuc portio de Tertia progenie superstes esset, & cum iis generatio quarta, quippe 38. anni erant elapsi post denunciationem interitus in Deserto, hanc tertiam & quartam generationem in Foedus Dei & Maledictionem ejus transisse. Deut. xxix: 1, 10, 11, 12, atque miserrimæ servituti subjectam fuisse per statuta non bona ipsis data Ezech. xx. 24, 25. Argumenta verò quibus hanc suam Explicationem firmare conatus est Vir. Doct. sunt: quòd Via Dei sive consuetudo non sit, parentum peccata in Filiis punire in tertiâ & quartâ progenie, ac propter pietatem parentum erga Filios in millesimam generationem gratiam exercere: quòd de singulis Patribus & Filiis hoc exponi nequeat, quia adversatur experientia: & quòd Deus semper non puniat peccata patrum in tertiâ & quarta progenie, neque etiam pœna, ubi immittitur, in hac subsistat, sed ultra irrogetur in plurimas generationes, uti ex Judæis hodiernis rejectis apparet. Ex quibus omnibus se colligere possit existimat, in his verbis non interminari Deum pœnam singularibus personis, sed toti Ecclesiæ, atque indicare Temporum Veteris & Novi Testamenti & Oeconomiarum Discrimina. Verùm hæc Argumenta vim amittent suam,

DE PATERNI CRIMINIS IMPUTATIONE 57

si ea quæ antea a nobis dicta sunt, considerentur. Scilicet non est necesse, ut de omnibus & *singulis Filiis* explicetur hoc Dictum Dei, sed de aliquibus, aut de eo quod *semper* acturus esset Deus, sed quandoque. Et quid de *consuetudine* Dei hac in parte teneri debeat, ex ante dictis satis constat: ut temerè scripserit *Vir. Doct. extra controversiam esse*, quod *consuetudo Dei non sit* parentum peccata in Filiis punire in tertia & quarta progenie. Deinde quando scripsit heic doceri, *præcessuram esse Iram*, sub V. T. nempe, & sequitur *Gratiam*, sub N. T. ordinem verborum, prout in Decalogi secundo præcepto leguntur, respexit; non videtur verò cogitasse de alio ordine qui habetur *Exod. xxxiv.* Ubi amplissima promissio de *Gratiâ* etiam *millibus* præstanda præcedit comminationem hanc de *Visitatione iniquitatis Patrum in Filiis*; atque sic, juxta ordinem verborum in Textu nostro, *gratia præcederet iram*, non sequeretur eam. Omnium maximè in hac sententia displicet, quod Elementa mundi seu Leges ceremoniales dicantur sic datæ in *pœnam* peccati, cum inter Israëlitis beneficia & prærogativas censeantur in Verbo Dei. Verùm hæc nunc non ago.

XII. Quidquid sit, & quomodocunque etiam participium *קָפַד* vertatur, sive *qui Visitavit*, sive *qui Visitat*, sive *qui Visitabit*, hoc certum atque indubitatum remanet, Deo heic tribui **JUS & POTESTATEM Patrum Iniquitatem IMPUTANDI Filiis**, atque *singularissimum Patrum Actum* peccaminosum *Puniendi* in illis. Habet enim Deus non tantum *Potentiam* agendi ea omnia quæ agit, sed & *Potestatem* & *Jus*, ut omnium Independentis Dominus; quodque *Jus*, nullis quidem legibus ipsi ab extra datis, perfectionibus tamen ejus propriis adstrictum est, ita ut nihil agere possit eorum quæ illis aduersentur, vel illarum gloriam obscurare queant: atque adde est *Jus Justissimum*, ut, quamvis non semper ex justitiæ rigore agat *Deus*, nihil tamen contra eam agat vel agere queat. Atque

ale est hoc JUS DEI puniendi peccata Majorum in posteris, fundatum non modò in supremo ejus Dominio, sed & approbatum à justitiâ ejus, ita tamen ut actuale ejus exercitium necessarium non sit, neque inviolabilem cum ejus perfectionibus nexum habeat, utpote quod est JUS LIBERUM, cujus *Exercitium* quidem est *justum*, non tamen æque necessarium ex justitiâ Dei vindicativâ naturali, quàm est in genere ipsa peccati punitio.

XIII. Hoc vero *Jus* Dei iniquitatis postularunt, ac invidiosè criminati sunt Judæi, Gentiles, Hæretici Veteres & Recentiores. De *Judæis* hoc constat ex *Ezech.* xviii: 2. & *Jer.* xxxi: 29. *Diebus illis non dicent amplius, Patres comederunt omphacem, & dentes filiorum hebetantur.* Tanta scilicet foret cognitionis & gratiæ in diebus hisce abundantia, ut veri Israëlita clarius sibi perspectam haberent Dei, punientis peccata Patrum in Filiis, æquitatem, quàm ut de hoc Dei facto aut jure, ut iniquo, ullam amplius querelam instituerent. Quantum ad *Gentiles* attinet; *Euripides*, apud *Plutarchum* de *Sera Numinis Vindicta*, *incussasse* fertur libero ore *Deos*, τὰ τῶν τεκόντων σφάλματα εἰς τὴν ἐγγόνων τεύχοντα Majorum delicta posteris imputantes. *Cotta* contra *Stoicos* apud *Ciceronem* de *Nat. Deorum* Lib. iiii. Num. xxxviii. *Quem vos præclare defenditis, cùm dicitis, eam vim Deorum esse, ut, etiam si quis morte pœnas sceleris effugerit, expetantur eæ pœnæ à liberis, nepotibus, à posteris. O miram æquitatem Deorum! Ferretne ulla civitas latorem istiusmodi legis, ut condemnaretur filius, aut nepos, si pater, aut avus deliquisset? De Veteribus Hæreticis*, qui ex hoc *Dicto* concluderunt Deum V. T. esse *Malum*, non *Bonum*, imò nec *Justum*, testantur *Origenes* & *Hieronymus*. Ille *Homil.* viii. super *Exodum*. *Videamus nunc & quod sequitur: quomodo reddi dicuntur peccata Patrum in Filios: in Tertiam & Quartam progeniem. In hoc enim sermone solent nos hæretici suggillare, quod non sit boni Dei sermo: qui pro peccatis alterius alium plecti dicat. Sed secundum*

DE PATERNI CRIMINIS IMPUTATIONE 59

dum ipsorum rationem : qui dum legis mandatum : licet non bonum : Justum tamen dicunt : ne ipsi quidem possunt ostendere quomodo secundum sensum suum justitiæ suæ convenire videntur. Hic verò Comment. in Ezech. Cap. xviii. Solent in hoc loco heretici, qui vetus non recipiunt instrumentum, contra creatorem dicere : Quam bonus & justus Deus legis & Prophetarum : qui quiescens & silens ad peccata Patrum, reddit his qui non peccaverunt : imo quanta in eo crudelitas, ut iram suam usque ad Tertiam & Quartam extendat generationem. Addatur his testimonium Augustini contra Adimantum Manichæi Discipulum, Cap. vii : De eo quod in Exodo scriptum est, Ego sum Deus Zelans, tribuens Filiis Tertix & Quartæ generationis parentum peccata qui me oderunt. Huic loco Manichæi illud de Evangelio dicunt esse contrarium, quod Dominus dicit, Estote benigni sicut pater vester cælestis, qui solem suum oriri facit super bonos & malos. Ex Recentioribus audiamus breviter vel unum Curcellæum, qui de Jure Dei in Creaturas Innocentes Cap. xi. scribere non est veritus, hanc sententiam, ex Literâ Revelationis Divinæ hausit, uti visum est, non modò ab omni justitiâ alienam rem Deo tribuere, sed & Deum inducere quærentem : perinde ac lupo de quo apud Phædrum, cum Agnum vorare statuisset :

Ante hos sex Menses, ait, Maledixisti mihi.

Respondit Agnus : Equidem natus non eram.

Pater hercule tuus, inquit, maledixit mihi.

Atque ita correptum lacerat injustâ nece.

XIV. Iniquis hisce audacissimorum mortalium criminationibus perculsi, atque pressi pessimis hisce conclusionibus : nempe Deum si puniat Majorum aliena crimina in posteris, nec bonum esse, nec justum, nec constantem sibi per oppositas Leges & Declarationes Deut. xxiv: 16. Ezech. xviii: 20; nec etiam juvare hoc aliquem posse quod implemet justus sit, si, ubi non est particeps sceleris, poenæ tamen particeps esse queat : pressi, inquam, hisce falsis con-

clusionibus, imprudenter simplicitatem Literæ deseruerunt aliqui, multi durius etiam contra illam quandoque sunt locuti, atque latitudinem ejus temerè restrinxerunt. *Theodoretus Quæst. XL. in Exod. nudæ literæ insistere duos* *ἐξ* *pro-* *nunciavit* ob Loca illa duo supra allegata. *Isidorus in Glossa Ordinaria in Deut. v. Perversum est enim peccata Patrum Filiis non peccantibus imputari, cum per Ezechielem dictum sit; Filius non portabit iniquitatem Patris.* Ad ineptissimas itaque allegorias mysticosque sensus confugit *Origenes*, literam planè deserens, *Hom. ix. super Exodum. Pater ipsi est Diabolus; Filii sunt quos inducit ille ad peccandum, & sic sibi similes efficit & generat; Tertia & Quarta Generatio sunt sceleris Socii Ministri Adjutores, quos homo, ex sua-* *sione* *Diaboli* jam inductus ad peccandum ejusque *Filius* jam factus, sibi acquirit atque adjungit. Exemplum posuit in *Juda* Proditore. *Diabolus* introiit in cor ejus, filiumque suum generavit; *Judas* solus perficere proditionis scelus haud poterat. *Abiit* ergo ad *Scribas: & Phariseos: & ad Pontifices: dicens eis: Quid mihi datis: & ego vobis tradam eum. Nascitur ergo ex Juda Generatio Tertia & Quarta peccati.* Aliam allegoricam Expositionem commemoravit *Hieronymus in Ezech. xviii. Sunt qui hoc quod in Exodo scriptum est: Reddens iniquitatem Patrum super Filios. in Tertiam & Quartam Generationem, ita edisserant, ut ad Animam humanam sententiam referant: Patrem in nobis, levem punctum sensuum & incentiva vitiorum esse dicentes: Filium vero, si cogitatio peccatum conceperit: Nepotes, si quid cogitaveris atque conceperis, opere perpetraveris, Pronepotem autem, hoc est, quartam generationem: Si non solum feceris quod malum est & scelestum, sed in tuis sceleribus gloriaris, secundum illud quod scriptum est: Impius cum in profundum malorum venerit, contemnit. Deus igitur primos & secundos stimulos cogitationum, quas Græci *ἀγνάθειας* vocant: sine quibus nullus hominum esse potest, nequaquam punit, sed si cogitata quis facere decreverit: aut ipsa quæ fecerit,*

DE PATERNI CRIMINIS IMPUTATIONE

rit, noluerit corrigere poenitentia. Sic scilicet Literam non modo deferunt illi, sed etiam falso supponunt; tum quod primæ & secundæ generationi heic nullam fuerit interminatus Deus poenam; tum etiam primo-primos concupiscentiæ praviæ motus non esse peccaminosos, contra Paulum, Rom. vii:7.

XV. Judæorum Doctores vulgò cum Paraphraste Onkeloso, uti videre est apud Menasseh Ben Israël, Quæst xxxiiii. in Exod. Munsterum itidem ac Fagium, ut & plurimi Christiani, post Hieronymum & Augustinum præsertim, restrinxerunt hæc Domini Dicta ad Filios patrisantes, patrumque nequitiam imitantes atque exemplantes, ut voce Augustini utar. Atque in confirmationem ac Commendationem hujus sententiæ suæ adducunt & urgent: PRIMO, Vocem יְנִיחַ additam Comminationi huic in Decalogo, quamque ad Filios vel tantum, vel etiam, referri debere contendunt. Vulg. ad Deut. v. reddens iniquitatem Patrum super Filios, in Tertiam & Quartam Generationem HIS QUI ODERUNT ME, LXX. τοῖς υἱοῖς μου. Clericus transtulit: Ad eos qui me oderunt quod attinet; & addidit. Alibi observavimus hanc esse vim יְנִיחַ, quod est hic manifestum. Hieronymus in Ezech. xvi:ii. Scandalum patiebamur occultum, quod injustitia videretur Dei, alium peccare, & alium luere peccata. Si enim reddit peccata Patrum super Filios in Tertiam & Quartam Generationem, injustum videtur ut alius peccet & alius puniatur. Sed ex eo quod sequitur: His qui oderunt me, comminationis sive præcepti scandalum solvitur. Non enim ideo puniuntur in Tertia & in Quarta generatione: quia deliquerunt Patres eorum: cum patres potius qui fuerunt peccatores, puniri debuerint: sed quia Patrum extiterunt æmulatores & oderunt Deum, hæreditario malo & impietate in ramos quoque de radice crescente. SECUNDO, Pænæ Extensionem ad Tertiam & Quartam modò Progeniem, ideò factam scilicet, quia eò utque se quandoque extendit Majorum, malis exemplis

præeuntium, vita, quemadmodum de *Iob* scriptum est, *Et vidit filios suos, & filios filiorum suorum usque ad Quartam generationem*; saltem quia scelerum illorum memoria eo usque vigere solet. TERTIO, *Præcedens* immediate in Textu nostro *Effatum*, וְנָקָה לֹא יָנָקָה / quod *Vulgatus* transtulit; *Nullus apud Te per se innocens est*. Urget hoc à *Lapide* ad *Deut.* v. Vis argumenti in eo est, quod *Deus*, præmissis hoc *Effato*, in nostro subjecto Dicto sic docere voluerit, quod peccata Patrum punire velit in tertiam & quartam generationem, sed non innocentem, verum ream, vel ex origine, vel ex imitatione. QUARTO; *Legem de Filio*, innoxio scilicet, non occidendo pro Patre, ut quæ Visitationem iniquitatis Patrum in Filiis non imitantibus eam iniquam esse supponat; *Deut.* xxiv: 16. *Non morientur* (Vulg. *occidentur*,) *Patres pro Filiis, & Filii non morientur pro patribus: unus quisque pro peccato suo morietur*. QUINTO; *Loca*, *Ier.* xxxi: 29, 30. *Temporibus illis non dicent amplius: Patres comederunt omphacen, & dentes filiorum obstupescunt. Sed quisque propter iniquitatem suam morietur: omnis hominis qui comederit omphacen, obstupescunt dentes ipsius. Ezech.* xvi: 2, 3. *Quid Vobis vos parabolisantes parabolam istam super terra Israël dicendo: Patres comedent uvam acerbam, & dentes filiorum obstupescunt? Vivo Ego dictum Domini Jehovæ; si erit Vobis ultra parabolisare parabolam istam in Israël; & ꝑ. 20. Anima peccans ipsa morietur, Filius non feret (pœnam) propter iniquitatem Patris, & Pater non feret propter iniquitatem Filii. Iustitia iusti super eum erit, & impietas impii super eum erit: In quibus; partim damnatur hæc, uti volunt, sententia, proverbialiter expressa, filium à Deo puniri, cum pater solus peccaverit, ut falsa, Deo injuria, atque malè intellecta ex his Mosaïcis Dictis; partim verò explicantur hæc Dicta Mosaïca, atque illa ad Filium justè viventem minimè pertinere apertissimè ostenditur, juxta *Augustinum* contra *Adimantum*. SEXTO, *Exempla* ob iniquitatem Patrum punitorum filio-*

DE PATERNI CRIMINIS IMPUTATIONE 63

liorum, sed qui simul improborum improbi fuere Filii omnes; uti in Filiis Idololatricorum Regum Israël inde à Jeroboamo sedulò in Scripturis adnotatum est. SEPTIMO *Locum Matth. xxiii: 32, 35.* ubi scilicet non aliis quam implentibus mensuram Patrum, id est, *imitantibus eos*, in occisione summi Prophetæ, interminatur Jesus pœnam sanguinis à patribus effusi, & Judæi ut *Filii Caini* considerantur, quales tamen non fuerunt *generatione*, sed *imitatione & approbatione*: *Vos quoque complete mensuram Patrum vestrorum.... Ut veniat super vos omnis sanguis justus effusus super terram à sanguine Abel justi usque ad sanguinem Zachariæ Filii Barachiae, quem occidistis inter Templum & altare.* OCTAVO, *Loca*, ab *Augustino & Hieronymo* aliisque laudata, quæ docent: Et Deum non esse sævum, sed unumquemque in se sævire peccando, uti *Augustinus* loquitur contra *Adimantum*, omnesque propriis constringi criminibus coram Deo, non alienis; *Prov. v: 22. Iniquitates sue capiunt impium, & funibus peccatorum suorum constringitur; Prov. x: 26. Sicut uva acerba dentibus noxia & fumus oculis, sic iniquitas his qui utuntur eâ; ita Hieronymus ad Ezech. xviii. sequutus LXX. Interpretes*, cum *Vulgatus* ibi rectius fontes expresserit; *sicut acetum dentibus & fumus oculis, sic piger his qui miserunt eum*: Et Deum redditurum cuique juxta vias suas & merita singulis propria *Pf. LXII: 13: Jer. xvii: 10. xxxii: 19. &c.* Tandem NONO; Nullum à Deo puniri innocentem; Injustum esse ut alius peccet, & alius puniatur; imo impium perversumque esse peccare Patres & Filios nepotesque cruciari. Illi verò qui Imputationem primi Adami peccati immediatam orthodoxè quidem statuunt; dicunt tamen quòd nulla nunc in Patribus Filiorum *Repræsentatio* locum habeat in statu lapsûs, sed quòd omnia peccata Patrum nunc sint tantummodo *personalia*, & consequenter filiorum esse nequeant per Imputationem propriè dictam.

XVI. Numero quidem multa sunt hæc Argumenta,
sed

sed pondere levia, nulliusque roboris, quod ex *Responsionibus* ad singula sequentibus, uti opinor, patebit. Ad **PRI-MUM** dicimus: quod vox 'לשנא non sit in Textu nostro addita: si referatur hæc ad *Filios*, etiam tunc stabit nostra sententia; sensus enim erit, puniam Filios *ob paternam iniquitatem & ob suam propriam*, & conveniet hoc cum dicto illo ex Interpretatione *Vulgati Levit. xxvi. 39. Propter peccata Patrum suorum & sua affligentur*: Rectius verò referatur ad Patres vox 'לשנא, æque ac in sequenti promissione vox 'לאהבי/ ut utrobique præfixum ל sit genitivi nota. Ita *Vulg.* in *Exod. in tertiam & quartam generationem, EORUM qui oderunt me*. Ad **SECUNDUM**: *Tertia & Quarta* generatio fortè indefinitè pro multis positæ sunt: Si determinatè hoc accipiatur dictum, observandum est, quòd Imitatio & scelerum avitorum Memoria se longè ultra quartam generationem extendere queant, uti vel ex hodiernis Judæis apparet; & quòd proinde hoc additum sit, non ut significaretur agi de Patrisantibus modò Filiis, sed veriùs ut absterret Deus Patres omnes ab omni etiam minimâ præcepti hujus transgressione, eò quod hanc vindicaturus sit in ramis propius à stirpe succrescentibus, in Filiis nimirum & nepotibus, vel in pronepotibus aut abnepotibus, quos videre possent Patres, atque sic ex illorum pœnis ob paterna criminâ inflictis maximos aliquando sentire dolores. Ad **TERTIUM**: Versio *Vulgata* cum Fontibus non benè convenit. Enunciatum hoc 'לא ינקה לא ינקה/ quod variè quidem translatum est atque acceptum à Variis, simpliciter sonat, & *insontem habendo non habebit insontem*, estque in his verbis declaratio; Vel *Gratiæ Dei erga Electos & Iræ* simul in Sponsorem, insontem habendo Electum peccatorem non habebit insontem Sponsorem ejus; vel *Juris Divini necessarii*, quo obligatur Deus ex Naturæ suæ perfectione ad punitionem peccati: sicuti tum in nostro Dicto subjicitur *Intimatio Juris Liberi* de Iniquitate patrum punienda etiam in posteris.

DE PATERNI CRIMINIS IMPUTATIONE 65

XVII. Ad QUARTUM: Lex illa de non occidendis Filiis pro Patribus hominibus data est: unde laudatur *Amazias* quod Legis Divinæ hujus observantissimus liberos eorum qui Patrem suum trucidaverant, non occiderit 2 *Reg.* xiv: 6. 2 *Chron.* xxv. 4; sicuti eam transgressi sunt *Saul* 1 *Sam.* xxii: 16. & *Achab* 2 *Reg.* ix: 26. Sic vero Legem sibi non posuit Deus. Ibi in Deuteronomio judicium humanum decernitur, in Exodo autem declaratur quid reservatum sit judicio Divino. Humano judicio pœna sanciri tantum atque infligi potest, ubi est noxa, pœnæque communio locum habere non debet nisi in iis qui delicti sunt participes, jussu, consensu, auxilio, consilio, laude, assentatione, &c. quibus omnibus modis delictum transire potest à Patribus in Filios, à Principibus in subditos, & vicissim. *Grotius de Jure Belli & Pacis, Lib. ii. Cap. xxi: 1. Num. 11.* Ergo qui factum vitiosum jubent, qui consensum requisitum adhibent, qui adjurant, qui receptum præstant, aliove modo in ipso crimine participant: qui consilium dant, laudant, assentantur: qui cum ex jure propriè dicto teneantur vetare non velant, aut cum teneantur ex simili jure opem ferre injuriam patienti non ferunt, qui non dissuadent cum dissuadere debeant, qui factum reticent, quod notum facere ex jure aliquo tenebantur, hi omnes puniri possunt, si in ipsis talis sit malitia quæ ad meritum pœnæ sufficiat. Quæ exemplis illustriora redditurus, §. 11. *Num. v.* inquit *Egregiè Proclus ad illud Hesiodi:*

Ποδάκι ἢ ξύμπασα πόλις κακῷ ἀνδρὶ ἐπαυρεῖ.

Sæpe luit populus pœnas unius iniqui.

ait, ὡς ἐξὸν καλύειν, μὴ καλύεσθαι ἔτι πονηρίαν, ut qui cum prohibere possit non prohibet unius malitiam. sic in *Exercitu Græcorum*, ubi *Agamemnon* ipse & alii concilio communi suberant, non immeritò:

Quidquid delirant reges plectuntur Achivi:

Ipsorum enim erat cogere Agamemnonem, ut Sacerdoti Filiam redderet. Sic post eorundem classis exusta narratur:

I

Unius

*Unius ob culpam & furias Ajacis Oilei,
quâ de re Ovidius Metam. XIV.*

Virgine raptâ

*Quam meruit pœnam solus, digessit in omnes;
quia cæteri non impedierant, ne Virgo sacerdos raperetur.*

Injustas igitur idem Grotius meritò pronunciat leges humanas, quæ liberos occidunt ob parentum delicta; & rectè reprehenderunt *Philo Judæus* & *Dionysius Halicarnassensis*, monente eodem Viro Doctissimo, Morem quarundam gentium quæ tyrannorum aut proditorum aut parricidarum infantes liberos morte puniebant, cujus exempla extant *Dan. VI: 24.* & aquod *Justinum Lib. X. Cap. 2.* Longè æquior illa Lex *Ægyptiorum*, de qua *Plutarchus de Sera Numinis Vindicta*, quæ jubet gravidam, si mortis fuerit damnata, asservari donec pariat. Neque enim hîc sufficit incertus metus imitationis vel ultionis. Nescio, scripsit modò à nobis laudatus Grotius, quis *Christiano Imperatori Arcadio ausus est hoc dictare, debuisse paterno perire supplicio, in quibus paterni criminis exempla metuuntur.* Nec magis justa causa metus ultionis, unde natum est Græcum proverbium:

Desipit occidens Patrem qui pignora servat.

Cum Divino autem judicio aliter comparatum est, quod hominibus imitari haud licet. Causa hujus discriminis inter judicium Divinum & Humanum hoc, quòd illud justum sit, quando pœnas immittit Filiis ob scelera Patrum, hoc non item; est: Non quòd Deo magis & certius constet esse participes criminis paterni, quàm hominibus, nam quòd Filii peccati externi, v. g. idololatriæ, perjurii &c. de quo heic agitur, participes sint, hoc etiam scire possunt ac tenentur judices humani, atque illud punire debent, quando perspectum habent Filios quoque ejus esse reos: Neque etiam quòd Deus habeat *Jus Domini plenissimum*, ut in res nostras ita in vitam nostram, ut munus suum, quod sine ulla causa & quovis tempore auferre

DE PATERNI CRIMINIS IMPUTATIONE 67

ferre cuius quando vult potest, uti *Grotius* post *Cajetanum* contendit; nam sic sequeretur Deum hac in caussa, non *jure pœnæ sed Domini* uti, quod etiam affirmat *Grotius*, sed apertè contra Literam Textûs, in quo agitur de *Visitatione*, non *Dominicâ sed Judiciali*, à Deo *Zelotypo* instituendâ: Sed vera caussa est, quia Deus solus obligare potest voluntates liberorum in patribus ad obedientiam sibi debitam, & hac negata ad pœnam *omnem*, quia voluntas nostra ipsi soli subjacet, & consequenter occultam hanc à se ex liberrimo jure factam obligationem ipse solus scire etiam potest, & secundum eam scientiam judicare. Et quoniam æquissimus est summus rerum Arbiter in omnibus viis suis, neminem obligabit in Patre suo, nisi ad officium decentissimum, & nisi Patrem illum viribus ad officium præstandum instruxerit idoneis. Unde nullus jure poterit conqueri unquam voluntatem suam in parente ita fuisse obligatam, quoniam obligatio hæc est ad decentissimum officium, quo neglecto quidem incommoda & mala sentire debet, sed præstito amplissima commoda & bona consecuturus esset.

XVIII. Ad QUINTUM: Non damnatur apud *Jeremiam* & *Ezechielem* sententia ipsa, proverbio illo ac parabolâ expressa, quæ est, Filios à Deo puniri, etiam ubi soli Patres actu peccarunt, sed *Criminatio* hujus judicii Divini, ut iniqui; in quâ accusatione cùm cæcitatis aut malitiæ insignis esset indicium, promittit Deus apud *Jeremiam* lætiora tempora, in quibus foederati sui, majore Lucis copia collustrati, æquitatem ac decentiam hujus judicii sui agnoscerent atque profiterentur. Quomodo autem *Ezechielis* ille *Locus* intelligendus sit supra à nobis expositum est. **Ad SEXTUM:** Verissimum est quod Filii Regum Israël qui ob peccata patrum perhibentur puniti in Sacris, etiam ut improbissimi ferè omnes ibidem describantur, nihilominus tamen dicuntur puniti ob delicta Patrum suorum. Duplex itaque sic caussa fuit pœnæ

filiorum, & culpa Patrum, & propria: Deinde etiam poena Divino judicio legitur quandoque immissa infantibus ob crimina majorum, qui tamen ab omni æmulatione & imitatione eorum fuerunt alieni *Deut. xx: 13, 14, 16.* Ad SEPTIMUM: Apertè in isto Matthæi Loco agitur de Filiis imitantibus, & *implentibus mensuram Patrum, &c.* 31, 32. neque enim Filii *Caini* alio modo quam per imitationem haberi poterant; minimè verò negat sic Christus peccata Patrum etiam in Filiis non patrisstantibus jure puniri posse; imo non desunt qui judicant causam gravissimæ Judæis immittendæ poenæ à Domino poni in occasione Prophetarum veterum, partim à Judæis *approbatâ* & in trucidatione recentiorum Prophetarum *exemplata*, partim etiam ipsis *imputata*, quoniam dicit Christus de *Zacharia Filio Barachie 2 Chron. xxiv: 20, 21.* *quem occidistis inter Templum & Altare*, nempe in patribus vestris, quorum peccatum, non tantum per *imitationem*, nam & sic Abelem occidissent, quod tamen non dicitur, sed & *imputationem* ut vestrum habetur à Deo. Ad OCTAVUM denique: *Impium* & *suis* & simul *alienis Patrum* constringi iniquitatibus, minimè pugnant; *Redditurum* esse Deum peccatori in die mortis & ultimi Judicii secundum *propriam* Iniquitatem originalem aut etiam actualem largimur, verum distinguimus inter poenam *æternam*; ad quam nullus damnabitur nisi mediante injustitia propriâ inhærente, sive sint infantes sive adulti, id quod etiam doceant loca adducta; & inter poenam *temporalem*, corporalem, & maxime *Spiritualem*, quæ cum æternâ ex naturâ rei connexa est & erit, nisi misericordia Dei in Christo intercesserit, quamque immediatè ex alieni patrum peccati *imputatione* immiti posse à Deo manifeste docet Litera Textus nostri, & immissam esse justè à supremo judice propter primum Adami Peccatum ex nativa omnium hominum Corruptione constat; quâ de re mox dabitur latius agendi occasio. Ad NONUM tandem: Injustum est puniri

niri propter peccatum planè *alienum*, cum quo enim quis habet pœnæ communionem, in eo etiam ut habeat simul peccati, quæ sola est causa pœnæ, communionem necesse est; peccata verò Patrum esse planè *aliena* à filiis malè asseritur, uti etiam ex mox dicendis clarius apparebit: Deinde omnia Patrum peccata nunc esse tantum *personalia*, nullamque prorsus *Representationem* nunc obtinere, vel etiam obtinere ex Dei arbitrio posse, temerè supponitur; aliter enim docet Litera Textus probè perpensa. Quod etiam ita intellexisse videtur *Augustinus*, qui super hac re haud malè prorsus, attamen nimis generaliter, disseruit in *Enchiridio*, Cap. XLVI: & XLVII. hunc in modum. *Parentum quoque peccatis parvulos obligari, non solum primorum hominum, sed etiam suorum, de quibus ipsi nati sunt, non improbabiler dicitur. Illa quippe divina sententia, Reddam peccata patrum in filios; tenet eos utique antequam per regenerationem ad Testamentum novum incipiant pertinere. Quod Testamentum Prophetabatur, cum diceretur per Ezechielem, non accepturos filios peccata Patrum suorum, nec ulterius futuram in Israël parabolam illam: Patres manducaverunt uvam acerbam, & dentes filiorum obstupuerunt. Ideo enim quisque renascitur ut solvatur in eo quidquid peccati est cum quo nascitur. Nam peccata quæ malè agendo postea committuntur, possunt & pœnitendo sanari, sicuti etiam post baptismum fieri videmus. Ac per hoc non est instituta regeneratio, nisi quia vitiosa est generatio; usque adeo ut etiam de legitimo matrimonio procreatus dicat, In iniquitatibus conceptus sum, & in peccatis mater mea me in utero aluit. Neque hic dixit, in iniquitate, vel peccato, cum & hoc rectè dici posset: sed iniquitates & peccata dicere maluit. Quia & in illo uno, quod in omnes homines pertransiit, atque tam magnum est, ut eo mutaretur & converteretur in necessitatem mortis humana natura, repariantur, sicut supra disserui, plura peccata, & alia parentum, quæ etsi non ita possunt mutare naturam, REATU TA-*

MEN OBLIGANT FILIOS, nisi gratuita gratia & misericordia divina subveniat. Sed de peccatis aliorum parentum, quibus ab ipso Adam usque ad Patrem suum progeneratoribus suis quisque succedit, non immerito disceptari potest: **UTRUM** omnium malis actibus, & multiplicatis delictis originalibus, qui nascitur implicetur, ut tanto pejus quanto posterius quisque nascatur; **AN** propterea Deus in tertiam & quartam generationem de peccatis parentum eorum posteris comminetur, quia iram suam quantum ad progeneratorum culpas non extendit ulterius moderatione miserationis suae; ne illi quibus regenerationis gratia non confertur, nimiam sarcinam in ipsa sua aeterna damnatione premerentur, si cogerentur ab initio generis humani omnium praecedentium parentum suorum originaliter peccata contrahere, & poenas pro eis debitas pendere: **AN** aliud aliquid de re tanta, scripturis sanctis diligentius perscrutatis atque tractatis, valeat reperiri, temere affirmare non audeo. Modeste sic quidem Augustinus, attamen ut dixi nimis generaliter, quia de **OMNIUM** parentum malis Actibus, imò & multiplicatis delictis **ORIGINALIBUS**, quibus pariter implicarentur filii, loquitur.

XIX. Quemadmodum itaque omnia haec Argumenta imbecilla sunt, minimeque probant de Filiis patrissantibus loqui Dominum; ita ex adverso solide confutatur haec Sententia hisce Rationibus. **PRIMA** est: Peccata parentum per Imitationem propria facta punit Deus non in Tertia & Quarta generatione modò, sed in infinitum, nisi interveniat meritum Christi. Frustra excipit Job. Christoph. Pfaffius Theologus Tubingensis in *Dissert. de Imputatione Divinae peccati alieni* §. v. Peccata punit propria in infinitum, peccatis autem participationis, (quae scilicet sunt imitando) fixus est terminus, quarta quippe generatio. Rectè enim Grotius de *Jure Belli & Pacis* Lib. 11. Cap. xxi. in initio. Qui delicti participes sunt, non tam ex alieno quam ex suo delicto puniuntur. Deinde etiam certum est, quòd imitatio se ultra quartam generationem extendere possit, & quandoque

DE PATERNI CRIMINIS IMPUTATIONE 71

doque actu se extendat. SECUNDA est: Manifestè extollitur misericordia Dei erga millia diligentium eum exercenda, supra judicium ejus immittendum Tertiæ modò & Quartæ generationi odientium se. Hic verò excessus Divinæ gratiæ supra rigorem Vindictæ obtinere non posset, si hæc Vindicta ad filios improbos patresque imitantes suos respiciat, ut bene adnotatum est à *Riveto & Altingio*. TERTIA est: Sic puniret Deus non tam parentum peccata quam filiorum. Atqui Litera Textus dicit, Deum Iniquitatem Patrum nempe numero eandem punire in Filiis, uti supra ostensum est; quemadmodum etiam in aliis Locis peccata patrum & filiorum ut distinctæ pœnarum causæ recensentur, *Levit. xxvi: 39. 40. Jes. Lxv: 6. 7, &c.* Hinc *Sebast. Schmidius* in *Jer xxxi: 30*. Sibi objicit; *Cur ergò non potius Dominus in lege sua dixit; Visitans peccata uniuscujusque propria; Quam visitans iniquitatem patrum, &c.* Et respondet; *Ideo, ut peccatum gravius describat. Hominibus videntur ejusmodi liberi, qui mala à patribus didicerunt & acceperunt, innocentes esse, & carere proprio hætenus saltem peccato. Sed Deus ostendere voluit, apud se ejusmodi liberos non esse innocentes; sed peccata patrum in liberos sive per naturæ corruptæ propagationem, sive per imitationis exemplum propagata, reverà esse etiam propria filiorum peccata, & in iis justè puniri.* Hæc non satis aptè cohærent, neque etiam undiquaque vera esse deprehenduntur. Non cohærent, Deum sic describere peccatum gravius, & simul ostendere modò voluisse, ejusmodi liberos non esse innocentes sed propria habere peccata: Ex eo enim quod propria habeant crimina, non sequitur mox quod illa graviora sint. Deinde non videtur esse simpliciter affirmandum, quòd in imitatione sit gravius delictum. Auctor enim scelestis videtur gravius peccare, quàm alter qui imitatur modò eum, qui exemplum peccandi præbuit, maximè si hic ætate dignitate & auctoritate præstantior sit, uti Pater præstat Filio. Nulla enim major occasio peccandi, ma-

jo-

joraeque incentiva dari possunt quam in Exemplis Patrum malis; quemadmodum etiam illi qui primi sunt in peccando aliisque exempla præbent, quia gravius peccant, *Severitatis* Divinæ præ aliis objecta fuere, uti ex Exemplis *Dæmonum* atque *Amalecitarum* constat. Alii respondent quòd Deus ideò dixerit, *se puniturum peccata Patrum in Filiis*, quia gravius *severiusque* puniturus erat peccata filiorum propria, *non quàm mererentur, sed quàm punivisset, si ipsi soli peccassent*; uti à *Lapide* cum aliis locutus est. Sed cum major hæc pœna non in nuda *imitatione*, verum in *multiplicatione* delictorum & malorum exemplorum fundari debeat; sequitur quòd *peccata patrum* etiam ingrediantur *Causam* pœnæ hujus *gravioris*; atque proinde quòd *reverà* puniat Deus in Filiis etiam aliqua ex parte *Actum* patrum peccaminosum, quem illi soli commiserunt. Unde etiam pressi hoc nostro Argumento cum *Augustino* vel *Auctore Quæst. V. & N. T.* dicunt Filios patrissantes *duplici genere*, seu nomine, vi hujus Comminationis puniri, & quia *mali* & quia *malorum hominum Filii* sunt, rem ipsam sic satis concedentes. QUARTA est: Executus est hanc Comminationem suam Deus etiam in *Filiis non imitantibus*, ut in Daniele in Captivitatem abducto, atque in *parvulis* in quibus imitatio locum habere nequit, uti apparet ex *Deut. xiiii: 12, 15. xx: 13, 14, 16. 2 Sam. xv: 3. Ps. cxxxviii: 9. Jer. xlii: 7. &c.* QUINTA tandem est: Sic supponi ab iis, qui de Filiis *imitantibus* improbitatem Patrum suorum hæc Dicta Divina explicari debere vehementius contendunt, saltem sequi ex hac sententia videtur, non esse *Jus* Deo puniendi patrum peccata in posteris, nisi mediantibus horum delictis: quo pacto *Imputatio* peccati Adami *Immediata* negari etiam debet, & statui quod illud non transeat in posteros nisi *imitatione*, nullique pœnæ propriè dictæ sive privativæ, sive positivæ nos obnoxios faciat, uti volunt Pelagiani: atque in horum castra sic transibimus, uti fecit hac in parte *Rupertus* ad *Exod.*

DE PATERNI CRIMINIS IMPUTATIONE 73

Exod. xxxiv. *Videlicet non portat filius iniquitatem patris, quandocunque non imitatur: redditur autem iniquitas Patrum in Filiis & nepotibus, quicunque patres iniquos imitantur. Verbi gratia, Nos omnes homines secundum carnem, Adæ Filii sumus. Si ergo iniquitatem, id est, incredulitatem ejus, qua serpenti magis quàm Deo credidit imitamur, iniquitas ejusdem patris in nobis filiis justè redditur. Si autem; ita pergit ille, errorem unum gravissimum altero cumulans, atque salutem esse ex imitatione justitiæ Christi docens, quemadmodum ex imitatione Adami est miseria omnis; iniquitatem ejusdem veteris hominis fugientes, ad justitiam novi hominis Jesu Christi Filii Dei confugimus, non utique iniquitatem illius portabimus. Et certè facilis sic ponitur gradus ad hunc alterum errorem exitialem, ob comparisonem à Paulo inter Adamum primum & secundum institutam Rom. v. & 1 Cor. xv.*

XX. Alii itaque *Visitationem hanc*, ut ab injustitia & crudelitatis accusatione liberent, ad *pœnas Temporales & Corporales* restringunt. Quemadmodum faciunt Veterum Aliqui, Scholastici aliique Commentatores Pontificii, atque nonnulli ex Nostris quoque cum Celebrissimo Viro *Jacobo Altingio*. Sive sit hæc pœna propriè dicta & satisfactoria, quæ meritum peccati supponit, quando peccatum aliquod statuitur naturâ suâ veniale, quodque temporales pœnas modò mereatur, contra naturam rei, & Sacram Scripturam: sive sit pœna merè Probatoria Castigatoria & Correctoria, quæ absque intuitu Reatus, (utpote qui nullus esset ex alieno delicto, nec major quam in brutis exustis simul ob scelus Achanis) in bonum piorum atque ad illustrationem gloriæ Divinæ infligitur; quo pacto latitudo & proprietas Literæ deseritur, in quâ disertè de *Iniquitate Patrum punienda in Filiis*, & consequenter de translata culpa æque quam pœna agitur. Laudantur in Commendationem hujus sententiæ duriora *Augustini Quæst. 8. in Josuam dicta. Nec tamen credendum est,*

K

est,

est, etiam pœnis quæ post mortem irrogantur, alium pro alio posse damnari. Pœnas verò invisibiles, quæ non nisi nocent, & prodesse non possunt, ita nullus Deo iudice pro alienis peccatis luit, sicut homine iudice luere nullus nisi pro sua culpa istas visibiles debet. Comparatur porro cum Dicto nostro Mosaico Textus Ezechielis, *En omnes animæ meæ sunt, sicut anima Patris, sic etiam anima Filii, meæ sunt: anima quæ peccaverit, illa morietur. . . . Filius non portabit iniquitatem Patris*, atque ut apparens contradictio tolleretur necessarium esse dicunt, ut statuatur, apud Ezechielem de pœna *spirituali*, quæ ad animam pertinet, expresse agi, apud Moysen verò de *temporali & corporali* tantum sermonem haberi: cum tamen ex contextu Ezechielis manifestum sit, quòd directè respiciatur ad calamitates per Babylonios populo illatas & inferendas; Sicuti quoque animam pro homine poni Synecdochicè haud insolens est, etiam quando ei attribuuntur talia quæ maximè in corpore ejus locum habent, Gen. XLVI: 26. Adducuntur præterea *Loca* Levit. XXVI: 39. Tbren. v. 6. à Grotio, & 2 Sam. XII: 13, 14. 1 Reg. XI: 31, 32, 33. ab Altingio, Num. XIV: 33, 34. ab aliis, laudata, utpote in quibus exempla *Visitationis* paterni peccati inveniuntur, sed *corporalis* tantum, uti imprimis ex exemplo filioli Davidis apparet. Verum unius positio non est exclusio semper alterius. Postea exempla quoque *pœnæ spiritualis* ob paterna scelera immissæ filiis proferemus. Additur denique, neutiquam *injustum* esse, ut patris iniquitas in filio corporali calamitate, imò & præmatura morte puniatur: Quia hoc non facit Deus nisi in eis in quibus etiam est propria culpa originalis vel etiam actualis, quæ ipsos hanc calamitate facit dignissimos: Quia etiam Liberi sunt *Res quædam Parentum*, præsertim quantum ad *Corpus* attinet, cum quantum ad animam attinet sint *Res Dei*, quod Thomas Aquinas ex Ezechielis Loco supra allegato inculcat, atque inde infert, in bonis animæ nullum pati posse ab homine detrimentum sine culpa propria.

DE PATERNI CRIMINIS IMPUTATIONE 75

pria, sed in *bonis corporis* quidem, quoniam hoc respectu Filii sunt *Res quædam Parentum*, in quibus adeò *ipsi Parentes* noxii propriè puniuntur; sive, uti alii addunt, *vivant & videant* cum dolore affictos propter sua crimina innocentes nepotes; sive tantùm harum afflictionum ex prædictione & Comminatione hac justo metu crucientur; sive denique *μετὰ θάνατον* post mortem anima impii sceleratique hominis cernat, non statuas suas aliquas everti aut honores antiquari, sed propter sua ipsius flagitia liberos suos, aut amicos, aut necessarios gravibus premi calamitatibus & pœnas dare, uti legitur apud *Plutarchum*, de *His qui serò à Numine puniuntur*: Quia porro hæ pœnæ corporales & temporales non nocent innoxiiis piisque liberis, ut ex infantis Davidis exemplo constat, sed ex adverso profunt illis, ut probationes & medicinæ, exercitia & occasiones majoris virtutis, & melioris præmii, uti loquitur *Rivetius*; justæ igitur sunt ac haberi debent, quemadmodum juxta *Plutarchum*, l. c. in medicina τὸ χρήσιμον ἔν δίκαιόν ἐστι quod utile est justum etiam esse censetur; & eo magis quidem quia aliorum *correctioni* sic simul inserviunt, tum inflictæ pœnæ, ut Deum timere discant alii mortales, tum interminatæ tantùm, ut parentes ad curandum liberorum prosperitatem per fugam omnis peccati & præsertim idololatriæ validè permoveantur: Quia denique Deus plenissimum vitæ necisque jus habet, ut pro arbitrio possit quemvis citra injustitiam ullam vitâ spoliare, sicuti Principes humani justè auferre possunt ea quæ dederunt, ut sunt Jus Civitatis Opes Honores. Igitur si morte immatura ac violenta rapit liberos *Achanis, Saulis, Jeroboami, Achabi*, in ipsos jure Dominii non pœnæ utitur, inquit *Grotius de Jure B & P Lib. 11. Cap. XXI. §. XIV.* sed malè, quoniam in Lege Divina hoc omne ad *justitiam Dei Zelotypi* refertur: Quia tandem Humana Jura simile aliquid decernentia & consuetudo consentiunt. Sic *Themistoclis* liberos eguisse scribit *Cicero*, nec iniquum putat, ut eandem calamitatem ferant

liberi Lepidi. Idque ait antiquum esse & omnium civitatum : cui tamen mori leges posteriores Romanæ multum temperamenti adjecerunt , inquit Grotius de Jure B & P Lib. 11. Cap. XXI. §. x: 2. Et §. xvi. Huc refer quod Antiphanis ut proditoris posteri ἀτιμοὶ ἐνεργάφοντα, narrante Plutarcho, id est, honoribus prohibiti sint, ut Romæ liberi à Sulla proscriptorum. Sic in Dieta Arcadii Legè illud tolerabile in liberos: Ad nullos honores, ad nulla sacramenta perveniant. Similiter Lipsius de Constantia Lib. 11. Cap. xvii. Ecce in perduellionis aut Majestatis crimine, manifestò alii in culpa sunt, alii in pœnâ, idque adeo intendit humana severitia, ut latæ leges sint, quæ innoxios liberos æternâ egestate puniant, ut mors sit eis solatium, & vita supplicium. Maligni Vestri animi? Regi alicui aut dynastæ licere id vultis, non vultis Deo. Cui tamen, si examinas haud paullò justior severitatis hujus caussa. Peccavimus enim, & rebelles magno huic Regi fuimus in uno omnes: & per tot stirpium traduces, primogenia illa macula propagata ad infelices natos.

XXI. Verùm Ego & tot tantosque Auctores heic sequi non audeo. Prohibet enim Auctoritas summi Dei atque Litera Comminationis ejus quam præ manibus habeo, & cui me non absolutè subdicere vetat Religio. In hac enim illud ipsum peccatum quod commisere parentes puniendum in Filiis decernitur, quod utique absque ejus imputatione propriè dicta intelligi nequit, & quam heic fieri vel agnosci debere perperam proinde negavit cum aliis Lipsius. Dixi, inquit, externâ punitione, & velim notes. Non enim culpæ ipsæ transferuntur, aut criminum quædam confusio fit: abest: sed pœnæ duntaxat sive castigationes quædam circa nos istæ sunt, non in nobis: & ad corpora aut opes spectant propriè non ad animum hunc internum. Deinde cùm peccati omnis, & maximè gravioris ut idololatriæ pœna sit non modò corporalis ac temporalis sed etiam spiritualis & æterna; sequitur & hanc æternam cum spirituali præcedente etiam heic Visitationis Generali nomine interminari Deum

Ze-

DE PATERNI CRIMINIS IMPUTATIONE 77

Zelotypum. Sic tamen ut pro liberrimo gratiæ & Electionis æternæ beneplacito suo sibi reservet, nonnullos ex posteris, in parentibus suis divinitus obligatis ad obedientiam Legis suæ, à *reatu paterni criminis* liberare propter meritum Sponsoris, atque sic in eos modò pœnâ castigationis, vel probationis, vel correctionis denique animadvertere. Atque adeò Comminationem hanc ad Filios *reprobos* tantùm cum *Zanchio* restringendam esse non arbitror. Uti neque ad pœnam medicinalem & correctoriam corporalem tantùm restringi eam debere, verùm extendi ad omnem pœnam, pro arbitrio Divino, sic uti dixi, variè dispensandam, omnino statuendum esse censeo. Textus enim Litera non tantùm id postulat, verùm etiam *Exempla* id insuper probant. Propter Idololatriam Jeroboami, v. g. adducturus erat Deus *malum in Domum ejus.* 1 Reg. xiv: 10. Comprehendebat hoc *corporalia* mala, in Contextu recensita, & simul *Spiritualia*, & his mediantibus *æterna* quoque. Ad implementum enim hujus Comminationis Propheticæ omnino etiam spectavit illud quod de Filio Jeroboami *Nadab*, ut & de Filiis aliorum Israël Regum improborum, diligenter adnotatum est, nempe *quod ambulaverit in via Patris sui, & in peccato ejus quo ad peccandum induxit Israël;* 1 Reg. xiv: 26. Hoc enim extra omnem dubitationis aleam ponit collatio Loci Jer. xvi: 11, 12, 13. Propterea quod dereliquerunt Patres vestri me, ait Dominus, & abierunt post Deos alienos Et vos malefecistis faciendo prae patribus vestris Ejiciam vos de terra hac, in terram quam non cognovistis vos, & Patres vestri: & servietis ibi diis alienis die ac nocte, אשר לא אתן לָכֵן חַיִּינָה QUIA NON DABO VOBIS GRATIAM. Negatio gratiæ conversivæ salutaris, ex qua major in peccato obduratio & perseverantia, manifestè ibi ponitur ut pœna Paternæ etiam Iniquitatis. Atque sic *Imitatio* paterni sceleris in *Nadab* Filio Jeroboami ita fuit causa sequentis mali ipsi illari, ut simul & quidem prius

habuerit rationem poenæ justissimæ ob patris peccatum immissæ. Ipse *Clar. Jac. Altingius, Hept. v. Dissert. v. §. xxii.* postquam statuisset, quod *Visitatio* Iniquitatis hæc *severa*, non complectatur liberorum conditionem futuri seculi, sed esset *externæ adversitatis*, sicuti ipsius sententiâ *Benignitas*, quæ exercetur erga posteros propter avorum pietatem, etiam est *externæ prosperitatis*, fassus est tamen, quod *Temporalibus poenis accensenda* sit quoque *negatio gratiæ* *ocationis externæ*, ut propter *contradictionem* parentum à liberis & posteris removeatur *Evangelium* ejusque *præconium*, *Luc. xix: 44. Matth. xxi: 43. xxiii: 34. seqq.* Tantum verò abest ut חסד לאלים *Misericordia* in millibus servanda sit solummodò *externæ prosperitatis*, uti videtur velle *Altingius*, ut omnino etiam & præcipuè spirituales ac æternam complectatur. Est enim hæc *Misericordia* eadem cum illâ promissâ quibusdam in populo duræ cervicis ad preces *Mosis* petentis signum plenissimæ gratiæ Dei ac *Reconciliationis* cum populo foedifrago, *Cap. xxxiii: 19. Et gratiam faciam, cui gratiam faciam, & miserebor, cujus miserebor.* Hanc verò *Misericordiam* & *gratiam* non modo *generalem* sed & *specialem* imò *specialissimam* *conversionis* *salutaris* & *donationis Vitæ spiritualis*, & proinde etiam *æternæ*, complecti, haud indiligenter monstravimus, etiam ex *Doctrina Pauli* in *Capite nono Epistolæ ad Romanos*, in *Dissertationibus nostris Sacris, Dissert. iv. §. xv. xvi. xvii.* Unde tum etiam novum oritur *Argumentum* pro sententiâ nostrâ; si enim *Benignitas* promissâ comprehendat etiam & præcipuè bona spiritualia ac æterna, congruum omnino videtur ut *Visitatio* *judicialis* ei opposita etiam *spiritualia mala* complectatur, utpote in quibus ipsa *Scriptura* poenam peccati, etiam paterni, statuit, uti reverà est, & quidam longè gravior aliâ omni corporali. Subscribo itaque verbis *Zanchii* nostri in *Decalogum. Nunc tenemus quid minetur Dominus & quibusnam poenis talem iniquitatem puniat: primum Spirituali: quia non tam*

DE PATERNI CRIMINIS IMPUTATIONE 79

tam ipsos, quàm etiam ipsorum liberos privat suâ gratiâ, quâ privati, non possunt non nisi in omnia scelerum genera sese præcipites dare: atque ita Filii parentum iniquitatem persequi: tum verò partim temporalibus afflictionibus: partim æternis tandem pœnis hanc iniquitatem ulciscitur. Paulo ante scripserat. Ergò cum ita se res habeat, fateri necesse est, Deum hic minari hanc gratiæ suæ denegationem, qua fiat: ut Filii impiorum ita dent pœnas iniquitatis parentum, ut tamen ipsi minime portent parentum iniquitatem, id est, neque puniantur injustè. Hæc minimè probo, nam pœnam hanc spirituales iniquitatis parentum dare nequeunt, nisi iniquitas illa ipsorum sit facta per imputationem, quia imitatio denegatæ gratiæ sequela est. Calvinus in Ezech. xviii. Cum pronunciat Deus se rejicere iniquitatem Patris in sinum Filii, notandum est, quod Deus ita simul filium involvit cum Patre in eodem interitu, id præcipue fieri, quia Spiritu destituit filium impii Sed prima pœna quam Deus minatur reprobis, ea est quam dixi, nempe quâ eorum sobolem destituit & privat spiritualibus donis, ut altius semper demergatur in suo interitu Ergo Deus dicitur rejicere iniquitatem patrum in Filios non tantum ubi pœnas externas exigit de parvulis, sed quia addicit æterno exitio sobolem maledictam, ubi destituit omnibus donis Spiritus.

XXII. Concludo itaque ex Dictis Deum habere JUS ac POTESTATEM idem numero peccatum quod parentes soli perpetrarunt puniendi in Posteris Eorum, qui tamen illam ipsam iniquitatem personaliter non fecerunt, pœnâ non modò corporali ac temporali, sed & spiritali, & hac mediante, nec merito Christi intercedente, æternâ. Hoc docet manifestè *Litera Textûs nostri*. In eo enim declarat Deus, se in voluntatibus patrum Israëlitarum pro suo arbitrio collocasse filiorum quorundam voluntates, quæ suæ sunt Ezech. xviii: 4. ita ut voluntatem Patris diligentem Deum, & abstinentem ab Idololatria omni habiturus sit pro Filii Voluntate diligente, & sic præmio & gratiâ ornandi, & ut

vol-

voluntatem Patris peccantem ex adverso consideraturus sit ut Voluntatem Filii, hoc nomine etiam ab ipso jure puniendi. Ita porro Deus *imputat* peccata Patrum Filiis, non ex *absoluta potestate tali*, quæ nulla æquitate temperata est, sed ex *liberrima* quidem *voluntate*, quæ tamen simul est *justissima*, quemadmodum etiam cum *Twisso* agnoscit *Joh. Szydlovius* in *Vindictis Quæst. Cap. vii.* Jure enim Deus fingere potest Voluntatem Filii esse in Patre, qui naturaliter ex Patre certò proditurus est. Animam quidem immediatè creat Deus, parentes tamen concurrunt, non quidem ad animæ essentiam, vel existentiam simpliciter, sed ad ejus substantiam cum corpore efficiendam: quo respectu & recte animæ ipsæ dici possent egredi ex femore Jacobi *Gen. XLVI. 26.* Quemadmodum jura humana fingunt certo in casu, eum qui adhuc in utero est, jam esse in rerum natura, sic & jure summus rerum Arbiter fingere potest, illos esse jam, quos ex patribus certò prodituros novit, in quibus seminaliter hærent hætenus occulti. Sicuti voluit ut *Levi* haberetur decimas dedisse Melchisedeco cum Abraham decimas dabat, quoniam *is adhuc in lumbis Patris erat cum occurreret Abrahamo Melchisedecus*, uti Paulus loquitur *Heb. vii: 9. 10.* præmittens illud *ὡς ἐν ᾧ ἰπᾶν*, quo indicaret, non quod figuratè, aut revera audaciter ac duriùs loqueretur, etsi ita videri posset, sed quòd Divina constitutione heic adfuerit *Jurisfictio* rei ipsi consentanea, & efficax ad Melchisedeci Sacerdotium Levitico illo præstantius declarandum, qui Pauli est scopus, & quem egregiè sic etiam attingit; *Jurisfictio* enim, eò quod naturam imitatur, tantum operatur quantum ipsa veritas, ut in Adoptionibus &c. observant Jurisconsulti. Nullus etiam in parentibus sic à Deo summo omnium Domino obligatus conqueri jure potest de ullà injuria sibi facta, quoniam æquitas Ter Optimi Maximi vetat credere illum aliquem in Patre obligasse ad obedientiam Mandati alicujus, quem non simul instruxerit viribus sufficientibus ad implendum decentissimum istud offi-

DE PATERNI CRIMINIS IMPUTATIONE 81

officium, uti etiam supra observavimus. Omnes enim Viæ Dei sunt justæ. Et quamvis Ego ex imbecillitate ingenii & intellectus mei adsequi non valeam omnes æquitatis in hac Viâ Dei rationes, planissimè persuasus tamen de omnium viarum Dei circa creaturam suam æquitate, me protinus ejus Revelationi subjicio; atque propter ejus auctoritatem agnosco *hoc* Deo *Justus* ita puniendi posteros ob delicta Majorum suorum competere; & actuale ejus Exercitium esse justum, uti sunt opera Dei omnia; quia niti-
tur posterorum in parentibus à Deo facta *Obligatione*. Obligavit autem Deus omnes nostras voluntates in Adamo, & quorundam filiorum in parentibus Israëliticis, quia ita vō-
luit: Voluit hoc autem quia jure potuit, quia sunt liberi in parentibus seminaliter, à parentibus naturaliter amantur, parentes vires præstandi id quod Deus exegit ab ipsis officium habent, & denique si obediant hi, non fiant Idololatræ, non vitulos Bethelicos erigant in cultum aut colant, liberi etiam Divinæ Misericordiæ amplissimæ forent objecta. Si verò per has rationes de æquitate juris hujus Divini non satis in mente sua se convictum esse conqueratur adhuc aliquis; is cogitet *Judicia* Dei esse instar *abyssi magnæ* *Ps. xxxvi: 7*: multa occulta, nulla injusta esse; non decere nos trutinam cælestis justitiæ manibus eripere, ac nostro quodam sensu ponderibusque librare; ab homine non debere æstimari noxas alienas, quas Deus pro propriis habendas esse censuit; propius non esse tangendum sacrum illum ignem, cujus scintillas & stricturas quasdam videre nos homines fortasse possumus, non possumus ipsum; denique nulla Dei judicia esse culpanda, sed omnia ferenda & verenda; quemadmodum hac de re piè & non ineleganter disseruit *Lipsius de Constantia Lib. 11. Cap. xvi. xvii.*

XXIII. Ut tandem huic Dissertationi finem imponam, observari velim, *Hoc Jure Divino* nixam fuisse *Obligationem* omnium hominum in Adamo primo: quo proinde

peccante omnes peccarunt, omnesque, ob *Obligationem* factam *Fœderalem*, peccasse per Jurisdictionem æquissimam censentur à Deo; qui idcirco etiam omnes nascuntur filii iræ, & destituti primæva integritate, ac labe originali infecti, ex quâ ad omne nefas actu perpetrandum toti proclives existunt, in qua originali labe est *prima* spiritualis pœna peccati Adami nobis *immediatè imputati*, quam sequitur & sequetur reliqua omnis, etiam æterna, nisi merito secundi Adami Deo irato reconciliemur, & ab omni pœna proprie dicta peccati omnis, & sequela ejus liberemur. Dicit Dan: *Whitby Ecclesiæ Sarisburiensis Præcentor*, in *Tratatu de Imputatione Divina peccati Adami*, nuper edito, quòd, *confugere ad fœdus illud commentitium cum Adamo initum, ut quam primum ab obedientia præscripta deflexerit, non ipse tantum peccati istius reatu obstringeretur sed & posteros omnes reos efficeret, ac proinde pœna dignos, sit ad fœdus ineptum, crudele, nec cum sapientia, bonitate aut justitia Divina conveniens fœdus recurrere. Nil enim aliud hoc esse quam statuere Deum, ne infantes innocentes sine causa æternis pœnis subicere videatur, hoc fœdus excogitasse, quo propositum de iis ad exitium devovendis, effectum daret: Ego ex adverso pronuncio injustum & iniquum tot malis spiritualibus, & necessitati mortis corporalis, ejusque æternæ durationi subicere Creaturam plane innocentem, non ream in Adamo, uti fert systema Socinianum, quòd sequi malit vir doctus; & dico Fœdus hoc uti cum sapientia & bonitate, ita & cum *justitia Divina* omnino esse conveniens, propterea, quòd Deus ipse sibi tribuat *Jus tale*, primò *Obligandi* posteros in Majoribus, dein & *Puniendi* eos propter peccata Majorum, vi hujus obligationis factæ; & precor Deum ut dare velit clementer Viro isti docto, omnibusque cum eo Pelagianizantibus, ubicunque vivant inter Protestantes, sive in Britannia, sive in Germania, sive etiam in Belgio nostro, gratiam illuminationis Spiritus sui Sancti, promissam, uti videtur,*

apud

DISSERTATIO TERTIA
DE
VOTO MOSIS,
AD
NUMER. XL. 29.

I.

Signum Spiritus Gratiæ & Adoptionis accepti est, non suam propriam ex Donis concessis, Munere collato, aut Opere qualicunque bono, sed Dei Gloriam quærere. Hoc enim Spiritu illuminati sciunt Gloriam Dei esse supremum finem, non solum Operum Naturæ, sed etiam Gratiæ, & speciatim Electionis *Ephes. i. 4, 5*, Redemptionis *i Cor. vi. 20*. Vocationis *i Pet. ii. 9*. atque Regenerationis suæ *Jes. xliii. 21. ex. 21*. & simul per flexanimam Ejus atque Victtricem gratiam sese ad eum finem consequendum spontè & alacriter componunt, dicentes, *Non nobis Jehova, non nobis; sed Nomini tuo da honorem Psalm. cxv. 1*. Hoc porro Spiritu donati Patrem cœlestem, cui omnia sua debent in Naturâ & Gratiâ, supra omnia quoque amant, & incredibili Zelo gloriæ Ejus, per se & per alios manifestandæ, ducuntur, & dicunt jugiter, ut genuinos Filios decet *Malach. i. 6*. *Magnificetur Jehova Psalm. xl. 17*. Hoc denique Spiritu ducti summam Dei Majestatem humili animo reverentur, & sollicitè cavent ne Eum vel minimâ re offendant, Ejusque vias, quæ omnes sapientes & justæ sunt, reprehendant, aut

DISSERTATIO III. DE VOTO MOSIS. 97

aut sese Ei, Liberrimo ac Independenti Donorum suorum Diribitori, opponant. Sed procul habitâ omni Invidiâ, invidâque superbia, in Ejus Dispensatione acquiescunt; pares non modò, sed etiam se, Fortunæ bonis, Naturæ & Gratiæ donis, prosperisque rerum successibus, majores æquo animo ferunt, ac æstimant, non magnopere curantes propriæ qualiscunque fortunæ, famæ, honoris atque existimationis apud homines jacturam; modo Deus agnoscatur, colatur, laudetur ac glorificetur; atque populi Ejus salus promoveatur; cum Johanne Baptista *Job.* 111. 29, 30. & Paulo Apostolo *Phil.* 1. 15-20.

II. Hoc Spiritu Adoptionis quoque donatus fuit Magnus Propheta & Dux quondam Israël MOSES, quando in Textu nostro, Josuæ Ministro, qui temerè admodum ipsum in *Invidiam* rapere conabatur, respondit: **הֲמִקְנָא אַתָּה לִי** *Quid æmularis pro me? vel, Quid invidēs tu meâ causā? & facis, quantum in Te est, ut & Ego aliis invideam?* Hoc enim neque Te neque Me decet. *Spiritus* enim Gratiæ & Adoptionis, qui in Me & Te habitat non delectatur *Invidia*, neque Ego per *Spiritus* gratiam eâ delector. Imo tantum abest ut *inviderem* Alii cuiquam ex Senioribus Populi *gloriam Prophetæ*, ut vellem potius *totum populum* fieri *Prophetas*, & *Spiritum Domini* in Eum effundi. Sicuti pergit Magnus ille Propheta in Verbis nostris **וְיָמִי יִתֵּן כָּל עַם יְהוָה** *Et utinam Universitas Populi Domini Prophetæ essent! Utinam daret Dominus Spiritum suum super eos!*

III. Scilicet MOSES, auditâ Quiritatione ingratae Multitudinis in deserto, fastidientis panem cœlitus demissum, & desiderantis carnem Ægypti *ψ.* 4.—10. 18. Oneris in Regimine numerosi ac seditiosi Populi (quod satis grave manebat etiam post constitutos caussarum leviorum, ex Consilio Jithronis, Judices *Exod.* xvi 11. 22. 26. *Deut.* 1. 9-16.), pertæsus; petiit a Deo ut sibi hoc Onus levaretur *ψ.* 11-15-

DISSERTATIO III.

Annuit Dominus Petitioni Ejus, & Senatum Populi supremum, ex LXX. Senioribus, sub duce Mose, populum gubernaturum constituit, illisque *de Spiritu qui erat super Mose* partem dedit, non auferendo aliquid a Mose, sed *speciem* donorum eandem multiplicando in Senioribus, circa *Tentorium* *Conventus* congregatis. Qui; ut cunctis constaret quod Divinitus ad hoc Munus vocati, donisque Spiritus ad Regimen Populi Dei necessariis instructi essent; *ist-hoc die, & non amplius* **PROPHETARUNT** *ψ. 16.—25.* id est, uno vel altero modo supranaturales quos nacti erant afflatus Divinos toti Populo comprobant; non *Prædicendo* futura de Bello tempore Messiae gerendo contra Gog & Magog, uti Judæi somniant; neque simpliciter *hortando* Populum unanimiter, ut in officio erga Deum & Mosem perseveraret, ut *Clericus*: sed; *vel miracula patrando*, coll. *Ecclesiast. XLVIII. 14.*; *vel occulta quædam revelando*, coll. *Luc. VII. 39. Job. IV. 19. Matth. XXVI. 68.*; *vel Canticis sacris & hymnis*, sine studio & labore compositis, Deum *laudando* coll. *1 Sam. X. 5.—10.*; *vel denique extraordinariâ mentis promptitudine & linguæ de Rebus Divinis ac Fidei Mysteriis differendo*, ac *μεγαλὰ ὁ θεὸς* prædicando coll. *Act. II. 4. 11. 17.* Accidit autem ut Duo ex *Conscriptis* LXX illis Senioribus, *Eldad & Medad*, cum reliquis LXVIII non accesserint ad *Tentorium*, sed *remanserint in Castris* *ψ. 26.* Non ex ignaviâ contemptu aut contumaciâ, nam eadem Spiritus gratia cum reliquis donati erant. Sed; *vel ex humili de semetipsis sensu*, se tanto honore indignos existimantes, atque inidoneos ad tantum Onus portandum, cum Mose *Exod. III. & IV.*, Saule *1 Sam. IX. 21. X. 21, 22. Jeremiâ Cap. I. 6.*; *vel quod illos quidem jusserit vocari Moses*, sed reperiri haud potuerint, sicuti conjecit *Calvinus*, addens, quod arcano Dei Consilio retenti fuerint, ut omnibus, etiam infimis, qui ad Tabernaculum non conveniant, miraculum innotesceret; *vel denique quod prævenerit Spiritus descensus illorum adventum ad Tentorium*,
ut

ut constaret, non Mosen esse largitorem donorum istorum, sed Spiritum liberrimè operantem, neque Mosi neque Tentorio Conventus alligatum, uti monuit *Cyrillus Hierosolymit. Cateches. xvi. p. m. 237.* Etenim *Prophetarunt* hi duo in *Castris*, æque ac Reliqui *LXVIII.* apud Tentorium Conventus. Quod cum Mosi renunciatum esset, suadet Ipsi *Josua* Minister Ejus, ut *cohiberet eos*, aut *prohiberet illis* *Æ. 27. 28.* Fecit hoc Josua; non quia prophetabant de morte Mosi, & de Josua successore Ejus, quod iterum Rabbi- ni fingunt; neque etiam quia ex contumaciâ in Mosen du- cem non accesserant ad Tentorium, nam tum *Prophetiæ* do- num ipsis collatum haud fuisset; Verum quia metuebat ne hac *Prophetatione* Eldadi & Medadi in *Castris*, cum tur- bæ applausu, vilescerent Præstantia, Gloria, & Auctori- tas Mosi *Prophetæ*, qui solus hætenus eminentiori Prophe- tiæ gradu in medio populi fulserat, *Num. xii. 2. 6. 7. 8.*, & cui pares facti *Prophetiæ* dono Rerumque Divinarum Peritiâ ac Numinis singulari Favore videri possent in oculis populi, quoniam Spiritu afflati erant non præsentem Mose, neque ejus Ministerio interveniente per Doctrinam oris aut Impositionem manuum ejus, verum ipso plane inscio; se- cus omnino ac factum erat in *LXVIII.* Senioribus aliis, qui- bus ad Tentorium Conventus, & interveniente qualicun- que Magni Prophetæ Mosi Ministerio *Spiritus Dei* col- latus fuerat; quique proinde haud aliter quam inferiores Mose ac ab Ipso dependentes semper haberi poterant. Hoc animo sedisse Josuæ suadenti Domino suo Mosi **וְאַתָּה תִּשָּׁמְרָם** *Prohibe illis*, elicimus ex *Responso* quod dedit illi Moses, mortalium mansuetissimus *Num. xii. 3.* fidelis in Domo Dei Minister *Heb. iiii. 2.* donoque *Prophetiæ* non modò, sed & *Spiritu Gratiae* & *Adoptionis* Filiorum Dei præditus, cujus accepti signum, quod est non propriam suam sed Dei gloriam quærere, luculenter ostendit, & in *Alloquio* ad Jo- suam præmisso, & in *Voto* subjecto. Præmissum *Alloquium* in initio versus nostri textualis ita sonat: *Quid æmularis pro me,*

me, meaque dignitate ac præstantia *Prophetica*? aut, *Quid invidēs*, (invidus es) *meā causā* Viris hisce Eldado & Medado? Ego illis non invideo Dona Spiritus extraordinaria nec ordinaria, communia nec salutaria, eximia etiam, meisque similia, imo majora. Neque etiam invideo illis applausus populares, pluresque ac majores prædicationis Verbi Divini fructus, quàm unquam Populus ex meo ministerio *Prophético* percepit. Spiritus enim Dei est liberrimus bonorum suorum diribitor, qui distribuit singulis prout vult. Et ille idem Spiritus qui in me operatur fidem amorem & timorem Numinis sincerum, non me commovet ad *Invidiam*, sed ex adverso efficit in me ut isto pravo affectu non laborem. Possum per Ejus gratiam ferre *pares* in omnibus, imo me longò *maiores*, si Deo meo placuerit. Aditum verò *Votum*, quod nostræ Tractationis nunc erit subjectum, ita se habet. *Utinam Universus Populus Domini Prophetæ essent! Utinam daret Dominus Spiritum suum super eos!* quo idem indicat, nempe se *non suam* sed *Dei gloriam querere*; se quidem velle, si Deo ita visum fuerit, populum suo Ministerio haud amplius indigere; neque ægrè ferre, si Eldadi & Medadi Aliorumque Ministerio Populus ad majorem Dei viarumque Ejus cognitionem perduceretur: hoc enim maximè in Votis se habere, ut *totus populus* Sibi Aliisque *Prophetis similis* evaderet, per Lucem plenioris Cognitionis Rerum Divinarum, & per Sanctificationis Spiritus uberiolem Collationem, Se absente licet, & non interveniente qualicumque opere suo, factam.

IV. Plurimi Commentatores Insigne hoc Magni Prophetæ *Votum* vel prorsus neglexerunt, vel obiter tractarunt: cum tamen occurrant in eo, quæ haud levem curam atque attentionem merentur. Primo enim intuitu videtur Moses optasse à Deo: *Vel*, ut *Omnes Israëlita*, ex plebe etiam, *Spiritum Prophetiæ*, paucis ex Consilio Divino concessum & concedendum, acciperent, atque *Enthusiasmum* sentirent: *Vel*, si per *Prophetas* intellexerit publicos *verbi divini præcones*,

cones, ut Ministerium Verbi publicum, non ad certos quosdam ad id ritè præparatos, admissos & legitimè vocatos restringeretur, sed ad omnes & singulos, ne quidem fœminis exceptis, absque ulla speciali vocatione, extendere-
tur: *Vel* denique, si per *Spiritum* intellexerit *Eximiam* My-
steriorum salutis *Cognitionem*, qualis fuit in *Prophetis*,
optasse videtur aliquid quod isti *Oeconomix* & *Ministerio literæ* haud conveniret, sed *Ministerio Spiritus*, qua-
le nunc est sub Novo Testamento, cujus prærogativa est
Spiritus copiosa in omnem populum *Effusio*: *Vel* tandem,
si totus *Populus* est gens *Israëlitica* tantum, & voce *Spiritus*
dona ejus *salutaria* indigitaverit, petiisse à Deo videtur, ut
omnes & singuli ex *Israële* gratiæ salutaris & gloriæ æternæ
fierent participes; quod repugnaret divinæ declarationi
Exod. xxxiii. 19. miserebor cujus misertus fuero, quâ signi-
ficavit Deus non omnes & singulos ex *Israële*, sed quosdam
modò pro beneplacito suo fore objecta salutaris gratiæ suæ.
Ne verò ad hos aliosque similes fortè, a mente Mosis, at-
que ab analogiâ Scripturæ & Fidei alienos sensus rapiatur
hoc VOTUM; illud nunc perlustrare, & paullò dili-
gentius ejus genuinum sensum indagare, atque hac Dissertatione Academicâ proponere, adjuvante *Spiritu Sancto*,
constituimus.

V. Et quidem eò magis quia præstantissimis quibusdam
Theologis persuasum est hoc Mosis *Dictum* in Novo Testa-
mento, ab Apostolo scilicet *Jacobo*, *Cap. iv. 5. 6.* lau-
dari, ut insigne *Scripturæ Dictum*, ex quo argumentaretur
ille contra *Invidiam*, pessimum illum ac perniciosissimum
Affectum, cujus Dominio miseri Mortales omnes, & ex
parte quoque ipsi Regeniti, sed non sine luctû *Spiritus* gra-
vi, subjecti sunt. Verba Apostoli ita sonant, *An putatis*
Scripturam inaniter dicere; πρὸς φθόνον ἐπιποθεῖ τὸ πνεῦμα ὃ
κατῴκησεν ἐν ἡμῖν. Μείζονα δὲ δίδωσι χάριν. Locus hic ali-
quantulum difficilis est, sed difficultatem auxerunt diver-
sissimæ ejus interpretationes, quarum præcipuas quasdam

retulit Venerabilis quondam noster *Witzius*, & simul modestè, ut solet, ac doctè refutavit in *Meletem. Leid. Dissert. xii.* Aliam novam attulit nuper Doct. *Elsnerus*. Verùm magis placet *Witzius*. Hic meritò supponit cum Aliis per *Scripturam* intelligere Jacobum *Illam. V. T.* quæ ad nostram quoque doctrinam & multiplicem Ulum, adeoque non κενὸς frustra, inaniter conscripta est *Rom. xv. 4.* nequidem in Dictis Factis & Fatis Populi in Deserto *1 Cor. x. 11.* quodque ideo significanter præmittit Jacobus, *an putatis scripturam inaniter dicere?* Existimat porro Vir. Celeb. verba, quæ supra Græcè exhibuimus, non esse Jacobi, sed ex *Veteris Testamenti Scriptura* petita, non πρὸς tamen, sed κατὰ διάνοιαν, & quidem ex hoc *Nostro Textu*; ita ut verba illa; *Prius* Membrum continentia, πρὸς φθόνον ἐκινῶν τὸ πνεῦμα, ὃ κατῴκησεν ἐν ἡμῖν, interrogativè, subintellecto ἢ an, sensu tamen negativo, lecta, *An ad invidiam concupiscit*, id est concupiscere facit coll. *Rom. viii. 26.*, *Spiritus, Dei sc., qui in nobis habitat*; contineant reipsa idem quod habetur in *Alloquio* Moïsis ad Josuam, interrogativè & cum indignatione prolato, *An vel Quid invidēs mea causa?* putane Spiritum Dei habitantem in nobis delectari invidia, & pati ut feramur in eam, ad quam tu, o Josua, me temere excitas? Minimè, nec concupiscit, nec concupiscere facit nos ad invidiam. Verba autem *Posterioris* Membri, μείζονα δὲ δίδωαι χάριν majorem autem dat gratiam, judicat Celeb. *Witzius* exprimere sensum *Voti* Moïsis, *Utinam universus populus Prophetae essent &c.!* hoc sensu: tantum abest ut Spiritus Dei ad invidiam moveat, ut potius majorem det gratiam, id est, efficiat ut quisque fidelis non modo non invideat fratri ea quæ possidet bona, iisque ipsam carere optet, sed majora etiam ac plura apprecetur, (ut Moïses in *Textu*) & si possit reapse conciliet. Quemadmodum quoad prius membrum, *An ad invidiam concupiscit Spiritus qui habitat in nobis*, ut petatum ex hoc *Alloquio* Moïsis ad Josuam, *An invidēs mea causa*, planè assentior Clar. *Witzio* nostro,

ut

ut & Junio, Piscatori, Belgis, Lud. Cappello, quos secutus est hac in parte: Ita valde dubito an Verba posterioris Membri, *majorem autem dat gratiam*, sint Verba Scripturæ V. T. Videntur enim mihi hæc esse verba potius Jacobi ipsius, quorum veritatem in Sequentibus mox confirmat ex aliâ Scripturâ, quando ita pergit, *διὸ λέγει propterea dicit, Deus superbis obstitit, submissis autem dat gratiam, Proverb. 111. 34.* Quicquid verò hac de re sit, Jacobus saltem docet, in hoc Numerorum loco, atque in hoc Alloquio Mosis ad Josuam esse aliquid *Notabile*, & utile quoque ad pietatis praxin. Quale quid non minus esse in *Voto* subjecto in sequentibus ostendemus.

VI. Considerabimus *Primo* ipsum ardentissimum *Votum*, seu *Rem* a Mose petitam: *Deinde* Propositionis *Modum*, *Utinam* &c. In ipso *Voto* iterum, in quo est Invocationis religiosæ species, perpendenda occurrunt; *Quem* hoc modo invocat Moses: Pro *Quibus* orat: & denique *Quid* petat, nempe ut sint *Prophetae*, & ut *Spiritum Domini* accipiant.

VII. Is quem invocat Moses est verus ac summus Deus, יהוה *Jehova*, ille qui *Est* perfectissimo modo, à nullo alio *Est*, omnibus extra se dat *Esse*, sine initio ac sine *Est*, denique semper idem *Est* in perfectionibus promissis decretis suis. Atque adeo qui omnis Boni Causa & Fons inexhaustus est, & Unicum Religiosæ Invocationis, in omni loco, & omni modo, & pro omnibus, & denique pro omnis generis Bono obtinendo, institutæ Objectum. Sumitur fortè hoc nomen *Jehova*, in his verbis, *dei Jehova Spiritum suum super eos*, personaliter pro *Patre*, qui distinguitur à *Jehova Filio* Deo Israël & Rege ejus *Psal. LXVIII. 8, 9. Jer. xxx. 21.*, *cujus* ideo Israël hæc dicitur *Populus*, & à *Spiritu Sancto*, quem *dare* dicitur. Una interim numero est in Tribus hisce Personis Divinis *Essentia*, & invocationis honos singulis debitas est inseparabilis.

VIII. Huic *Jehovæ Patri* proponit Moses *Populum Jehovæ Filii*, pro quo orat, memorans יהוה עם כל *Universita-*

tem Populi Jehovæ. Hoc nomine *Populi Dei* venit sæpe *Israël* seu *Jacobi Posteritas* *Exod.* 111. 7. Ob *Redemptionem* ejus ex *Ægypti servitute* manu *Dei* potenti factam *Deut.* 1v. 20. Ob *Vocationem* ejus externam per *Verbum Promissionis* & *Legis* *Deut.* 1v. 6, 7. 8. *Psal.* cxlvii. 19, 20. *Jes.* xlii. 21. *Hof.* viii. 12. Ob *Fœderis Regii* cum ipso erectionem *Exod.* xix. 5, 6., & *Electiōnem* ejus ex omnibus gentibus ad eximia *Privilegia* externa *Deut.* vi. 6, 7. recensita *Rom.* ix. 4, 5. Denique ob *Electos* ad salutem æternam in *Christo*, quos in hoc solo *Populo*, rejectis gentibus, per longum tempus habiturus erat *Deus* *Gen.* xvi. 8. *Exod.* xxxiii. 19. *Ephes.* ii. 12. Sed etiam *Electi* ipsi; sive ex carnali *Jacobi Posteritate*, quo sensu Nonnulli capiunt *Dictum* *Angeli* *Luc.* ii. 10. *Ecce enim Evangelizo vobis gaudium magnum, quod erit toti populo, sc. Dei*; sive ex gentibus quoque postea iterum vocandis hoc eodem *Elogio Populi Dei* in summâ emphasi alibi insigniuntur *Matth.* i. 21. *Act.* xviii. 10. Quo sensu vero heic loquatur *Mosés* de *Populo Domini*, & quidem de omni vel toto, commodius dicemus postquam de *Bono* pro Illo petito egimus.

IX. Hoc verò est haud vulgare aliquid sed *Eximium*. Petit nimirum *Magnus Propheta Mosés*, ut totus populus sint **נְבִיאִים** *PROPHETÆ*, & ut *det Jehova* **רוּחַ** *SPIRITUM SUUM* super eos. **PRIMO** ut sint *PROPHETÆ*. Vox **נָבִי** *Nabi*; quam *Alii* derivant à **נָבַח** *Progerminavit*, *Elocutus est*, *Alii* a **בָּוֵה** *Venit*, *Alii* à **נָבַח** *vices alterius subiit* apud *Arabes*, *Alii* denique a **נָבֵא** *annunciavit* apud *Arabas*, & in *Niphal* apud *Hebræos* *Vaticinatus est*; undecunque etiam reperatur formalis ejus significatio, vel à radice propriâ vel cognatâ, *Hebræâ* vel apud *Arabas* servatâ; ex *Origine* est *Orator*, *Vicarius*, *Legatus*, *Interpres*, qui nihil profert nisi quod accepit prius, verbaque aliena ex alieno non proprio nutu ac voluntate pronunciat. Hoc certe sensu de *Aharone* sumitur *Nabi* *Exod.* vii. 1. *Et Aharon frater tuus erit.* **נְבִיאִים** *PROPHETÆ*,

id.

id est *Interpres Orator tuus*; coll. cum *Cap. iv. 15, 16.* Unde *Philo Judæus* scripsit de *Rerum divinarum Herede p. m. 517.* *Προφήτης ὃ ἴδιον μὲν εἰδὲν ἀποφθέγγεται, ἀλλότρια δὲ πάντ' ὑπὸ πηχόντων ἐτέρω.* Nam *Propheta* nihil proloquitur quod suum est, sed omnia aliena, submonente alio: Qui sic respicere videtur ad vocem *Hebræam Nabipotius* quàm ad *Græcam προφήτης*; de quâ *Hammondus* ad *Luc. 1. 76.* scripsit, quod ex sensu *Grammaticorum* per se significet *Eum* qui ab vel pro alio loquitur; meritò propterea refutatus ibidem a *Clerico.* Ex *Uso* verò profano & sacro *נָבִי* προφήτης est *Interpres DEI* ipsius. Quo sensu *Ægyptii* fortè *Philosophiæ Antistites* *ἱεῖρας καὶ προφητῆς* *Sacerdotes & Prophetas* appellarunt apud *Laërtium* in *Proëmio.* In *Sacrâ Scripturâ* nunc *Strictius*, nunc *Latius* sumuntur hæ voces.

X. *Strictius Propheta* est *Infallibilis Oraculorum Dei Interpres*, qui ex *immediata* *Ejus Revelatione*, uno vel altero modo, notato *Num. xii. 7. 2 Sam. xxiii. 2, 3.* factâ, veritates divinas, præsentia, præterita, & maximè futura concernentes, proferebat; vel sermone oris *Responsa Dei* consulentibus indicando *1 Sam. ix. 9.*; vel sermone pariter & scripto revelata sibi cum *Ecclesiâ* communicando *Dan. ix. 24. Matth. xi. 13. Act. x. 43. &c.*; vel denique sacra carmina instrumento musico aut cantu modulando. *1 Sam. x. 10, 11.* Qualis *Immediata Revelatio Divina*, in *Visione* *Insomnio* ac *Ecstasi*, cum obtigerit *Abrahamo*, & cæteris *Patriarchis* *Isaaco* & *Jacobo*, etiam de *futuris* *Messiae* & *Ecclesiæ* fatis, ideo quoque *Prophetae* appellati fuerunt *Gen. xx. 7. Psalm. cv. 15.* Quemadmodum quoque *Extraordinarii* quidam *Ministri N. T.*, post *Apostolos*, & ante *Doctores*, proprio studio tales, memorati, *Prophetae* dicti sunt *1 Cor. xii. 28. Ephes. iv. 11.*; quia ex afflatu divino & infallibili *Spiritus Sancti* ductu, hortabantur & confirmabant fratres *Act. xv. 32.*, *Scripturas Veteres* & *Prophetias* imprimis typicas interpretabantur, dictaque *Domini* discernabant *1 Cor. xiv. 37.*, manus etiam imponebant aliis *Act.*

xiii. 1, 2, 3. atque futura prædicebant. *Aster.* xi. 27, 28.

XI. *Latius* autem *Propheta* in Sacris vocatur, qui propriè & strictè dictis hisce Prophetis *similis* est, non in *immediata* quoque Revelatione *Divina*, sed in aliis bene multis atque eximiis qualitatibus actibus ac prærogativis. Sic *Prophetae* ac *Prophetare* dicuntur Rerum Divinarum præ aliis *Studiis* & *Periti*: quo sensu *Filii Prophetarum* horumque Discipuli etiam *Prophetae* nuncupantur 1 *Sam.* xix. 20. Dubium magis est quo sensu *Epimenides* à Gentilibus suis dictus fuerit *Propheta*, mōnente *Paullo Tit.* 1. 12. 3 an *strictiori* sensu, quia *futura* quædam prædixit, quod *Aristoteles* negat, *Laërtius* verò affirmat; an quia insignis *Poëta* fuit; an verò *latiori* hoc sensu, quia *σοφὴς αὐτὸς τὰ θεῖα rerum divinarum peritus* fuit, quod *Plutarchus* in *Solone* de ipso refert. Sic porro *Prophetare* perhibentur in Sacris qui *Cantica Sacra* ad Dei laudem modulabantur *sine Afflatu* divino extraordinario; (qui tamen nonnunquam in his locum habere potuit) ut *Mirjam Prophetissa* *Exod.* xv. 20, 21. *Filii Asaphi, Hemanis, & Jeduthunis* 1 *Chron.* xxv. 1, 2, 3. & *Mulier* in Ecclesia *Orans* aut *Prophetans* 1 *Cor.* xi. 5. id est sacris hymnis Deum cum aliis laudans. Sic denique *Prophetare* dicuntur qui alios ex verbo Dei instruunt, & maxime qui publice in Ecclesia docent 1 *Cor.* xiv. 1, 2, 3, 5, 6. 22. 24. 29. 31, 32. horumque Doctrina *ἡμῶν Visio* & *Prophetia* appellatur *Prov.* xxix. 18. 1 *Cor.* xiii. 8. Sic tandem *Prophetae* titulo insigniuntur qui *Cognitione* non solum coelestium veritatum, sed etiam Vitæ *Sanctitate*, ac *Zelo Legis* & *Glossæ Divinae* præ aliis conspicui, ac à reliquo mundo separati sunt; quo sensu quoque se excitasse ex *Israëlis Filiis Prophetas*, & ex *Juvenibus* ejus *Nazireos* dicit Deus *Amos* ii. 11.

XII. Si quæras quo sensu *strictiori* illo, an *latiori* hoc sumatur à *Mose* Vocabulum *Prophetae*; Respondeo, non *priori* sed *posteriori*. Etenim non est verosimile *Mosen* serio optasse, ut *totus populus*, absque ullâ exceptione aut quoad
maxi-

maximam ejus partem, *Prophetae* fierent; atque ex *immediata* revelatione divina, Alii futura prædicerent, Alii arcanæ revelarent, Alii Cantica Sacra ex afflatu divino *extraordinario* funderent, Alii rursus Miracula patrarent; multò minus ut omnes & singuli omnia hæc simul facerent. Hoc enim *extraordinarium Prophetiæ* donum paucis ex consilio divino concedendum, coll. *Num. xii. 6.* neque cum salute æternâ necessario connexum erat, uti ex Exemplis *Bilhami, Saulis,* & ex loco *Matthæi Cap. vii. 22.* satis constat; & proinde calidissimis adeò precibus à Deo illud haud flagitasset Moses. Idem tenendum est de *Ordinario* alios *publicè* docendi *Munere*, quod nec in *totum* populum, absque discrimine ætatis etiam & sexus, ex Dei Ordinatione conveniebat, nec cum salute necessarium nexum habens, tantopere expetendum non erat. Sumit ergo Moses *Prophetae* vocabulum *latiori* sensu antea indicato, atque significationem verbi *Prophetare*, quod de Senioribus & speciatim Eldado ac Medado adhibitum erat *vers. 25, 26, 27.* & latissimæ aliàs significationis est, in aliam quidem, non tamen planè diversam, sed cognatam eleganter inflectit, & simul scopo suo, qui erat ostendere quod *Spiritus* in se *habitans* non *delectaretur invidia*, egregiè inservit.

XIII. Atque sic petit in *Genere*, ut *Sibi & Senioribus Prophetantibus*, Aliisque omnibus *strictè* dictis Prophetis *similis* fieret *totus Populus*, non in Donis Propheticis *extraordinariis*, neque *immediata* Dei *Inspiratione*; sed in aliis quibusdam maxime desiderabilibus *toti Populo*, Eumque ad salutem æternam ducturis donis ac bonis. In *specie* verò petit ut sint *similes Prophetis*: *Primo in COGNITIONE* Dei, Legisque Ejus, & Mysterii salutis, per Divinum Mediatorem, semen Mulieris & Abrahami illud, acquirendæ olim; & simul in *Studio Verbi* Ejus Revelati. Hæc *Cognitio* fuit utique in Mose eximia *Heb. xi. 26.* Hujus quoque *Cognitionis* Dei & Verbi Ejus documenta insignia dedisse Eldad & Medad *prophetantes* in Castris, & Populum

in admirationem rapientes, unde æmulatio Josuæ, valde probabile est. Fuit & hæc *Cognitio* in Aliis Prophetis. Hi enim *Vaticinati* sunt de Christo Mediatore ac Sponsore venturo, modumque justificationis peccatoris per fidem in Eum tradiderunt, *Luc.* 1. 70. *iv.* 21. *xxiv.* 27. 45, 46. *Act.* x. 43. *Rom.* 1. 17. quod pessimè negarunt olim *Manichæi*, nec non *Theodorus Mopsvestenus*, uti ex fragmentis Commentariorum Ejus, quæ in Quinta Synodo *Collat.* 4. recitantur, intelligi potest. Quibus an jure *Grotius* adnumeretur, Aliis nunc perpendendum relinquo. Certum est Ipsum præcipua de Christo Vaticinia, non sensu primario ac proximo sed secundario quodam ac mystico, ut vocat, id est, per meram accommodationem ad Christum referre, hac in parte quoque laudatum a *Clerico* ad *Ephes.* 111. 5. Neque *vaticinati* sunt tantum de Christo, sed & Vaticinia sua de Christo venturo & vicariâ morte satisfacturo pro populo Dei, & gentes vocaturo ad suam Communionem, *intellegerunt*; quæ tamen mysteria insecutis *generationibus*, paulò ante Messiae Adventum existentibus, vix cognita fuere *Ephes.* 111. 5. Certè de *Davide* legitur, quod, quia *Propheta* erat, *sciverit* Messiam Regem *fructum lumbi* ejus futurum, & *præscius locutus* fuerit de *Resurrectione Christi* *Act.* 11. 30, 31.; Qui etiam vicariam Messiae mortem sibi perspectam habuit, quando sacrificia Levitica vocavit *amœnitatem Jehovæ*, quam *videre* cuperet in *Domo Ejus* omnibus *diebus vitæ suæ Psalm.* xxvii. 4. Et si ignoraverint Prophetæ sua de Christi Mysterio Vaticinia, quomodo *diem* Ejus tantopere *desiderare* potuerunt cum Abrahamo *Job.* viii. 56. *Matth.* xiii. 16, 17. atque *scrutari in quem aut qualem temporis articulum prænuncius ille qui in ipsis erat Spiritus Christi, declararet eventuras Christi perpeffiones, & gloriam illas consequuturam*, 1 *Pet.* 1. 11. Sic enim majorem & accuratiorem hujus rei jam cognitæ quærebant notitiam. Imo videtur Petrus sic scribens non solum ad privatum scrutandi studium Prophetarum respexisse, verum etiam ad

ad Scholas eorum Propheticas; in quibus Verbum Promissionis inde à Paradiso auditum, legisque Cerimonialis umbras, & immediatas à Deo acceptas revelationes, & denique quæ ipsimet de illis pia meditatione adsecuti erant, explicabant Discipulis suis. Unde judicium ferri potest de Veteri Montanistarum, ab Epiphanio *Hæres. XLVIII. Cap. 3. Tom. 1. Opp. p. 404.* refutato errore, qui ita Prophetasse Viros Sanctos dicebant, ut more abreptitiorum ipsi non intellexerint quæ loquerentur. Interim quædam Visa ac Revelata sibi divinitus non clarè, quædam verò non statim, sed post explicationem Dei, precibus flagitatam demùm perceperunt, *Dan. vii. 15, 16. 19. 23. 28. Zach. iv. 4. - 14.* Patet igitur quòd rerum divinarum & mysteriorum fidei eximiâ præ aliis Cognitione imbuti fuerint *Prophetae*. Atque ad hanc eximiam in Prophetis *Cognitionem*, & ad hoc illorum assiduum Verbi Dei & Legis Ejus *Studium* respiciens Moses petit ut totus populus *Illis similis* fieret. Et meritò; nam *Cognitio* viæ salutis in Christo, pro modulo revelationis ex Verbo Dei, meditando etiam ac scrutando illud *Psal. 1. 2. Job. v. 39.*, hausta decet Populum Dei, cui hunc in finem notum facit Deus Verbum suum *Hos. vi. 6.* Et hæc *Cognitio* Christi Mediatoris, *Fidesque* in Eum omnibus Adultis *necessaria* est ad salutem, sub quacunque Oeconomîâ vivant *Jes. xxviii. 16. Habak. 1. 4. Job. xvii. 3. Ephes. 1. 12.* Multis verò in populo Dei tunc deerat hæc *Cognitio* *Psal. xcvi. 10.*, uti & postea quoque in plurimis propria culpa desiderabatur *Jes. 1. 3. Hos. iv. 1. 6.* Optat itaque Moses, ut cognoscant Deum, ejusque Verbum ac Promissionem Gratiae in Christo Patribus factam, legisque *Admirabilia* *Psal. cxix. 18.*, ac *Finem*, qui *Christus* erat ad justitiam cuivis credenti *Rom. x. 4.*; atque ut *amœnitates* hæc gratiæ divinæ in Christo sponsore, semetipsum oblaturus pro Electis, in Atriis Tabernaculi & Sacrificiis Typicis, ibi quotidie mactandis & immolandis, intellexerent, & cum gaudio fidei sibi applicarent. Atque adeo

N

huic

huic Mosis *Voto* affine est illud Alterum Ejus, quod legitur in *Psalm.* xc. 16, 17. de quo fortè in alia quadam Dissertatione Academica agemus.

XIV. *Secundò* in *Studio* Deum LAUDANDI, ORANDI, atque coram Aliis de *rebus divinis differendi* cum voluptate animi magna: quod omne in *Prophetis* propriè dictis quam maximè iterum locum habuit. Hi enim Sacris Canticis Deum laudabant. Unde *Prophetare* sæpe est idem ac *hymnis Deum celebrare* 1 *Sam.* x. 5. 10. 1 *Chron.* xxv. 1. 3. 1 *Cor.* xi. 5., ubi *Mulier prophetans* est hymnis Deum in Ecclesiâ laudans, quoniam illi non licebat *loqui in Ecclesiâ* 1 *Corinth.* xiv. 34. Hi quoque in *Precibus* ad Deum fufis frequentes & fervidi erant, plurimumque valebant apud Deum pro Aliis supplicantes, uti constat ex Exemplis, Abrahami *Gen.* xx. 1. *Propheta enim est, & Orabit pro te, ut vivas*; Mosis & Samuëlis *Psalm.* xcix. 6., ac Eliæ *Jac.* v. 16, 17, 18. Nec tantum pro Aliis, sed etiam pro semet-ipsis orantes multum valebant apud Deum. Non enim ad solum Musices sonum extiterunt Vates quandoque cum *Eli-sa* 2 *Reg.* iiii. 15. nisi quatenus per Musicam, sedatis qui oborti erant molestis affectibus, disponebantur simul ad preces in fide fundendas, quibus implorabant à Deo & impetrabant donum prophetiæ. Hi denique Revelata sibi divinitus lubenter cum Ecclesiâ communicabant, atque in Scholis 1 *Sam.* x. 5. xix. 19. 2 *Reg.* ii. 3. 5. iv. 38. & Synagogis 2 *Reg.* iv. 22. de Deo & mysteriis fidei differebant coram discipulis & populo congregato. Hoc omne quoque decet Populum Dei totum; *laudare* nempe Deum publicè & privatim assa voce vel cantu etiam *Psalm.* lxxviii. 27. *Jes.* xliiii. 21. *Coloss.* iii. 16. 1 *Pet.* ii. 9., & *precari* Deum ardentè & indefinenter pro se ac aliis, inprimis pro Ecclesiâ afflictâ *Psalm.* lxii. 9. *Ephes.* vi. 18. *Phil.* iv. 6. 1 *Theff.* v. 17. 1 *Tim.* ii. 1.--3. & denique se invicem sermonibus sanctis *instruere* & *ædificare* in fide & amore veritatis *Deut.* v. 6, 7, 8, 9. *Psalm.* lxxvi. 16. lxxiii. 28. *Prov.* x. 21. *Coloss.* iii. 16.

XV *Tertiò* in SANCTITATE VITÆ, secundum Legem Dei, non mores hujus Seculi compositæ; quæ in Prophetis *singularis* fuit, unde *Sancti* significanter dicti sunt *Luc. i. 70.* Quæ Sancta Vita *ἀνεγκών* instituta *Ephes. v. 15.* ac à Vulgo mundano vitioso, atque ab omni Pharisaicâ superbiâ ac hypocrisi, & singularitate affectatâ, longè secreta *Mich. vii. 14. Rom. xii. 2. Phil. ii. 15. i Pet. iv. 5.*; decet Populum Dei *Sancti Levit. xi. 44, 45. Exod. xix. 5, 6. Psalm. cx. 3. i Pet. i. 16.* & est necessaria via ad Vitam æternam *Psalm. xv. 1, 2. xxiv. 3, 4. Matth. v. 8. Hebr. xii. 14.*

XVI. *Quartò* denique in ZELO pro Gloria Dei & Religione Israëlis vera ac Salute proximî, & adversus idololatriam, superstitionem, superbiam, impietatem & grassantia vitia, quibus summa Dei Majestas læditur, Lex Ejus contemnitur, Verbum Promissionis rejicitur, Religio vera obscuratur, & salus propria ac proximî impeditur, vel in summum discrimen adducitur. Qualis fane *Zelus* magnus & perpetuus fuit in *Mose* non tantùm, neque solùm in *Eldado* & *Medado* Prophetantibus, utpote quibus communicatus fuit idem *Spiritus* qui super *Mose* erat, sed etiam in reliquis insecutorum temporum *Prophetis*, uti ex Gestis illorum ac Scriptis ubique apparet, *Exod. xxxii. 19, 20. i Reg. xix. 10. 2 Reg. xvii. 13. seqq. 2 Chron. xxiv. 19, 20.* Ejusmodi *Zelus* decet quoque *Populum Dei* omnem, ostendendus ab ipso pro vario Statu, Conditione, Dignitate, Vocatione, in quâ unusquisque constitutus est à Domino. Non loquor de Abusu Zeli hujus, qui obtinuit apud Judæos per *Jus Zelotarum*, quo privatis licebat, quemcunque a Deo & Lege Ejus deficientem, aut in atroci facinore deprehensum etiam occidere, ad exemplum *Phineasi Num. xxv. 7, 8. 11.*, & *Eliæ* trucidantis Prophetas *Baalis i Reg. xviii. 40.* Neque loquor de Zelo, qui *non est κατ' ἐπίγνωσιν* qualis erat in Judæis *Rom. x. 2.* & in Paulo in Judaismo versante *Gal. i. 13, 14. Phil. iii. 6.* Neque etiam

de illo Zelo qui est ex ratione carnali, affectu aut temperamento naturali, æstu Juvenili, animi impotentiâ, ambitione vanâ, vindictæ cupiditate, qualis locum habebat in Discipulis, a Domino propterea meritò reprehensus *Luc. ix. 54, 55.* Verùm loquor de illo Zelo gloriæ Dei & Religionis veræ qualis fuit in Sanctis Dei Prophetis, quorum corda Igne Spiritus Sancti accensa fuere, quique omnia quæ pro Religione Israël adversus idololatriam & impietatem dixerunt, fecerunt, scripserunt, ex ferventiore Amoris Gloriæ Divinæ & Salutis populi affectu protulerunt, *Zelando Zelantes* cum Elia *pro Jehova Exercituum* *1 Reg. xix. 14.*, neutiquam pro auctoritate ac honore suo: nam si ut astuti homines commoda sua quæxivissent, Regi & Populo potius, ad idololatriam prono, indulgissent, ut utrumque sibi haberent faventio-rem atque obsequentio-rem. Hic Zelus pro Religione ex Verbo Dei hausta, Sanctus, Humilis, Fortis, Prudens, oppositus omni frigori & tepori in Laodicensibus damnato *Apoc. iii. 15, 16.*, est necessarium fidei veræ ac pietatis Adjunctum, & commendatur, in Scriptura: Et in Monitis; *Rom. xii. 11.* τῷ πνεύματι ζέοντες *Spiritu ferventes*; *1 Cor. xiv. 1.* ζηῆτε δὲ τὰ πνευματικά *Zelate spiritualia*; *Gal. iv. 18.* Bonum est enim τὸ ζηῆσθαι *in Bono semper*; *Tit. ii. 14.* purificavit sibi populum peculiarem, ζηλωτὴν καλῶν ἔργων; *Apoc. iii. 19.* ζήλωσον ἐν ᾧ μετενόησον *Zela igitur & resipisce*: Et in Exemplis, Pauli *2 Cor. xi. 2.* Ζηλῶ ᾧ ὑμᾶς θεῷ ζήλω, ac Apollo qui ζέων τῷ πνεύματι loquebatur & docebat ea quæ sunt domini *Act. xviii. 24, 25.* & Corinthiorum, de quibus Paulus, & ex vobis ortus ζήλω provocavit complures; imo ipsius Domini Zelo *Domus Dei* consumpti *Joh. ii. 17.*

XVII. Sed Quis ad hæc Idoneus? Nemo mortalium. Prophetæ tales non nascuntur sed hyperphysicâ Dei gratiâ efficiuntur. Hinc ab *Effecto* ad *Causam* adscendens Moses petit *Secundò* ut ponat vel det Jehova Spiritum suum super eas. Verba Hebræa יהוה נתן את רוחו עליהם non de

debent transferri, *Quoniam dedit Dominus Spiritum suum super eos*, Eldadum scilicet & Medadum; ita ut contineant *Rationem* Voti præcedentis, petatum à singulari Beneficio in hos duos Viros collato. Nulla enim vis *Rationis* apparet. Utinam omnes ex plebe Israëlitis faceres Prophetas, quia Spiritu Prophetico donasti hos duos Seniores, populi Moderatores, Patresque conscriptos! Nulla quoque nos constringit necessitas, ut affixum plurale **הם** in **עליהם** referamus ad Seniores hosce, quoniam illud ad **עם** *populum*, multitudinem in se comprehendentem, commodè referri potest. Quare omnino tenemus hæc Verba continere *Alteram* Voti Mosaici *Partem*, sive Voti ejusdem *Alterum* *Enunciatum*, atque *Rem*, in priori Membro petitam, alio Vocabulo *Spiritus Jehovæ*, quod simul *causam* istius *Rei* ac *Boni* exprimit, hisce verbis proponi. In quibus occurrunt rursus: *Tum* Idem *Objectum*, *Populus* Jehovæ, ob multitudinem plurali affixo **הם** designatus in **עליהם** *super illos*: *Tum* *Res* petita: *Tum* denique *Modus* communicationis *Ejus*.

XVIII. *Res* petita est **רוח** *Spiritus Ejus*. Qui non est Spiritus creatus; sive Doctor aliquis humanus, Spiritu Dei verè vel ex propriâ jactantia vanâ afflatus aut eruditus 1 *Job. iv. 1.*; sive Angelus cœlestis *Psal. civ. 4.*; sed Divinus. & quidem tertia Trinitatis Persona, à Jehova Patre dante, & à Jehova Filio *Populi* speciali ratione *Domino*, in Textu distincta. Hæc tertia Persona dicitur *Spiritus Jehovæ* Patris, coll. *Jes. lxi. 1.*; quia procedit Personaliter ex Patre *Job. xv. 26.* per Filium *Gal. iv. 6.*; atque in Donis mittitur ab Utroque, vi meriti Filii Sponsoris *Job. xiv. 16. xv. 26. Gal. iv. 6. Apoc. v. 6.* Ita verò intelligitur Persona Spiritus Sancti, ut simul, per frequentissimam in Sacris Metonymiam, spectetur in Donis & Operationibus suis, ab ipsâ Personâ haud separandis. Etenim nomen *Spiritus Domini* idem non numero sed specie notat, quod supra *vers. 17. 25.* voce **רוח** *Spiritus*, qui super Mo-

se erat, expressum fuerat. Sed ibi significabatur quidem hæc voce *Spiritus S.* in *Persona* suâ, qui operatus fuit in Mose & in Senioribus, coll. *Jes.* LXIII. 11. 14. 2 *Pet.* II. 21. verum ita ut simul spectaretur in *donis* suis quorum respectu dici poterat à Deo, *seponam de Spiritu qui est super te, ponamque in eis*, id est eligam mihi certos effectus, vel certum gradum donorum Spiritus, quæ quoad speciem eadem sunt cum donis tuis, & iis impertiar: aut de Spiritu illo, ut communi thesauro, unde tibi datum est quicquid habes, certam donorum partem in illos conferam.

XIX. Hæc porro *Dona* Spiritus Sancti ad quæ respexit Moses, non sunt Extraordinaria Prophetiæ, Miraculorum, Infallibilitatis in docendo, &c. quæ alias Metonymicè hoc nomine *Spiritus* exprimuntur *Act.* VIII. 15.—19. XIX. 2. *Gal.* III. 2. &c. nam hæc pro *toto populo* haud petiisset à Deo Moses: neque etiam in Eldado & Medado locum fortè habuerunt; dum *Prophetasse* dicuntur ex *Calvini*, Aliorumque opinione, non quia futura prædixerunt, aut miracula patrarunt, verum quia de Mysteriis Divinis magnificè differuerunt, & sic aptos divinitus esse factos ad Regimen Populi sanctè & prudenter cum & sub Mose administrandum sese demonstrarunt. Infallibilitatis saltem donum accepisse & postea retinuisse frustra contendunt Pontificii Scriptores, ut infallibilitatem conciliorum exinde stabili-
rent. Et si concedamus LXX. Seniores hosce extraordinaria quoque dona accepisse, ex eo tamen minimè sequitur, omnia illa quæ acceperunt illi, & *Prophetandi* verbo exprimuntur, heic quoque pro *toto* Populo petiisse Mosem: sed quædam modò, imo & alia quoque *necessaria* magis populo ad salutem æternam. Qualia cum Moses in hoc *ardentissimo* Voto, quod pro *toto* populo concepit, certissimè respexerit; ab alterâ parte *Dona* Spiritus S. *communia* heic solummodo non sunt intelligenda. Hæc quidem per eandem Metonymiam causæ sub nomine *Spiritus Dei* veniunt *Exod.* XXXI. 3. XXXV. 31., imo, uti videtur, *Spiritus Mundi*

di 1 Cor. II. 12. cui opponitur *Spiritus* qui ex Deo est, nimirum eligente quosdam ad salutem, cum *Spiritus Mundi* ille ex Deo quidem etiam sit, sed ut Rectore universi. Et sunt hæc Dona Communia, eloquentia, sagacitas, fortitudo, scientia, prudentia civilis ad administrandam Rempublicam, Ecclesiam, Oeconomiam necessaria, quæ LXX. Senioribus concessa, & ipsis necessaria fuerunt. Neque tamen hæc Communia Dona ab hoc Mosis Voto pro *Populo* excludimus, quia ei erant utilia ad refrænandam corruptam naturam, & ut quisque suæ domui decenter præesse, atque spartam sibi demandatam exornare posset. Quæ etiam à Deo omnis Boni Fonte petenda sunt, & Josuæ postea per impositionem manuum Mosis collata fuerunt *Deut.* xxxiv. 9. Verùm primò & præcipuè intellexit proculdubio Moses *Dona Spiritus Sanctificantia*, & cum salute æterna connexa; ut sunt Vera Dei & Magni Redemptoris promissi Cognitio, & Fides in Eum pretiosa, Sanctitas infucata, & Charitas Dei & proximi sincera, cum Timore Domini conjuncta. Hæc nomine *Spiritus, Spiritus Dei, Christi*, & qui singularissimo modo ex Deo est, sæpe insigniuntur, quia sunt, non Naturæ corruptæ sed Gratiæ supranaturalis Effecta *Zach.* xii. 10. 1 *Cor.* II. 9. 12. xii. 3. 2 *Cor.* IV. 13. *Gal.* v. 22. 2 *Thess.* II. 13. Hæc proinde ad salutem sunt necessaria *Rom.* VIII. 9., & propterea etiam huic Populo, in quo solo per longum tempus Electos suos habiturus erat Deus. Quemadmodum & *Illi Populo* non sunt negata, sed juxta hoc Votum Mosis collata, quod testantur Scripturæ loca *Nehem.* IX. 20. *Psal.* LI. 13. CXLIII. 10. *Jes.* LXIII. 11. *Hagg.* II. 6. 2 *Cor.* IV. 13.

XX. Notandum denique est quod Moses *Modum* hujus *Collationis* expressurus dixerit, *et Jehova* יְהוָה *super eos* Spiritum suum. Quo modo respexisse videtur: Tum ad Cæleste Dei Excelsi ordinarium & perpetuum Habitaculum, unde descendere aliàs dicuntur hæc Dona *Jac.* I. 17. Tum ad potentissimum ac simul suavissimum *Dominium Spiritus*

ritus in Populum ex Captivitate & Tyrannico peccati Dominio per Eum liberandum; quemadmodum alibi præpositio *לְךָ* de *Dominantibus* adhibetur *Gen. xxxvii. 8. Tum* ad validissimam *Defensionem*, quam Populo præstaret Spiritus S. adversus omnia mala perdentia *Jes. iv. 5, 6. Lix. 19. Tum* denique ad *Abundantiam* Boni hujus communicandi, quod instar pluviae largiter & copiose *super eos* effundi desiderat, coll. *Jes. xliv. 3. Non* tamen absque Verbo, ordinario fidei ingenerandæ Medio *Jes. Lix. 21. Rom. x. 14. Nam* hoc Enthusiasmum saperet, & Moïse scopo adversaretur, qui est omnem *invidiæ* speciem, ad quam Josua ipsum incitabat, à se amoliri. Quare sensus Verborum Ejus hic omnino statuendus est; tantum abest ut invidiam Eldado & Medado fructum Prædicationis & Prophetationis eorum salutarem in Populo Dei, ut potius optem *totum* populum ad *Prædicationem Verbi* Dei, sive ab Illis, sive ab Aliis quibuscunque factam, accipere Spiritum gratiæ ac Fidei, uberiori etiam mensurâ, quam hætenus sub meo Ministerio recepit.

XXI. Quæ omnia à Moïse in hoc *Voto* suo à Deo petita pro Populo, cum sint maximè desiderabilia, & ad salutem necessaria; non mirum est emphaticè Eum hæc sua desideria explicuisse Deo. *Modus* sanè quo *proponit* hoc Votum est emphaticus. Dicit *וְיִתֵּן* *Quis dabit* totum Populum Prophetas, id est *Utinam* essent tales, Belgæ *Och of!* Est enim *Interrogatio Optantis*, qualis alibi occurrit sæpe *Exod. xvi. 3. Deut. v. 29. Psalm. xiv. 7. Lv. 7. Cant. viii. 1. Jerem. ix. 1, 2. &c.* Addit in Altero Voti Enunciato *וְיִתֵּן*, id est; non, *cum dederit*, ut *Lxx. ὅταν δῶ*; sed *Quando dabit* Dominus Spiritum suum super eos, per modum optationis & suspirii, vel *Utinam det* Jehova Spiritum suum! Est enim particula *וְ* heic Adverbium *optandi*, uti quoque est *Jes. xxxix. 8. וְיִהְיֶה שְׁלוֹם* *Utinam sit pax!* Atque adeo hac duplici *optandi* particulâ adhibitâ docet Moïses: I. *Rei* petitiæ *Decentiam* ac summam *Præstantiam*

tiam, quæ sanè est in Cognitione Dei & Christi ex Verbo cum Fide juncta *Deut.* iv. 6. *Job.* xxviii. 12.--19. *Prov.* iv. 7. *Jes.* LIII. 11. *Job.* xvii. 3. & cum Sanctitate Vera *Psal.* xvi. 3. xciii. 5. II. *Necessitatem* Ejus ad salutem; quæ iterum est in Cognitione & Fide Dei Triumphantis ac Redemptoris Christi *Hab.* ii. 4. *Heb.* xi. 6., & Vitæ Sanctitate *Psal.* xxiv. 3, 4. *Heb.* xii. 14.; & quæ est maxima quoque in *Spiritus* Operatione Conversiva ob Universalem Naturæ nostræ per peccatum corruptionem, ad quam tollendam solum Verbum Legis & Evangelii ne utique sufficit *Psal.* cxix. 18. *1 Cor.* xii. 3. cui Elogia illa *Psal.* xix. 8, 9. *Lex Jehovæ integra est convertens animam, testimonium Jehovæ verax, sapientiam afferens imperito* &c. non dantur nisi quatenus Spiritum junctum habet *coll. Jes.* Lix. 21. III. *Magnitudinem* denique Zeli sui pro Gloria Dei, a toto populo cognoscendi & colendi, quam supra propriam suam gloriam quærebat; nec non *Ardorem Charitatis* Proximi, quâ vellet Omnes salvari, & ad Cognitionem Veritatis venire: Sic magis attendens ad Populi salutem, quam suam apud Homines Existimationem ac Gloriam. Conferri potest Pauli *Votum Act.* xxvi. 27, 28, 29.

XXII. Sed hîc oritur difficultas ex *Subiecto* voti, quod dicitur *Totus Populus Dei*, nempe, ut videtur, *Israëliticus*: quem si Moses vellet similem fieri *Prophetis* in eximia *Cognitione* mysteriorum Fidei, & donorum *Spiritus Sancti* copiosè effundendi participem fieri, optaret aliquid pro Illo, quod repugnaret Analogiæ Scripturæ, in quâ hic *Spiritus* ut N. T. Fidelibus proprius perhibetur *Job.* vii. 39. *Rom.* xiv. 17. illisque promittitur *Psal.* lxviii. 19. *Jes.* xliv. 3, 4. *Joel* ii. 28, 29. *Zach.* xii. 10. atque tempori isti ac Oeconomîæ ante Christum obscuriori, & infantili Ecclesiæ statui accommodatæ, ut & Mosis Ministerio, quod *Litteræ* dicitur non *Spiritus* *2 Cor.* iiii. 6. minus convenire videtur. Ad quam difficultatem tollendam observamus, quòd

Totus Populus heic omnino sit *Populus Israëliticus*: Qui in antecedente Contextu ita plus semel appellatur; *vers. 11.*, *imposuisti onus hujus hujus populi totius mihi*; *vers. 12.*, *an Ego concepi totum hunc populum*, *vers. 13.* Unde mihi esset caro quem dem toti populo huic; & *vers. 14.*, *Non possum ego solus ferre* (onus) *totius populi hujus*: Qui porro opponitur manifestè *Senioribus*, & speciatim duobus illis *Eldado & Medado*, quando appellatur *Universitas populi*, vel *Totus populus*. Sicuti enim *Totum* opponi solet *partibus* ad totum pertinentibus; sic etiam hic *totus Populus* opponitur *Eldado & Medado*, ut *partibus* Ejus. Atqui hi pertinuerunt ad *Populum Israëliticum*; Ergo Hic est *Totus populus*, de quo loquitur Moyses. Præterea dici quis potest *Prophetis similis* in *Cognitione rerum Divinarum* qui cum illis cognoscit viam salutis verè & sufficienter, etsi non attingat parem cum Illis, aut cum Fidelibus N. T. cognitionis Gradum, quorum etiam cognitio minimè æqualis est, etsi sint omnes *ἑσθιδάκτοι* 1 *Job. 11. 20.* Denique salutaria Spiritûs Dona sublimiori quidem gradu, majorique mensurâ & extensione nunc communicantur Fidelibus post Christum exaltatum; attamen locum quoque habuerunt in omnibus Electis V. T. quod manifestè docent loca supra §. XIX. adducta; quemadmodum & Illis æque ac Nobis ad salutem fuere prorsus necessaria. Et quamvis in explicatione phrasidis istius, *det Dominus Spiritum suum super eos*, §. XX. scripsimus, denotari *abundantiam* Spiritûs *copiosè* instar pluviae cælitûs effundendi, ex eo tamen non sequitur Moysen heic *prophetaffe* de excellentiâ effusionis Spiritûs futurâ sub N. T. cum sic ad majorem aliquam Gratiae divinæ mensuram, quàm antea huic populo data erat, potuerit respicere. Si tamen quis omnino velit *Votum* hoc Moysis esse *Propheticum* de Novo Testamento, ille posset & deberet hoc referre cum *Cyrillo Hierosolymitano*, *Catech. XVI. ad Festum Pentecostes*, quando *Filii Filiaeque Israël* ac *Judæ*, & *Seniores* non solùm verùm etiam *Juvenes* ejus *Prophetarunt*.
Joël.

Joël. 11. 28. 29. Act. 11. 16. 17. Sed omnia *Voti* hujus membra melius convenient & aptius cohærebunt, si statuamus *Votum* hoc esse, non *Propheticum*, sed partim *Hypotheticum*, partim *Invitatorium* ad officium, uti ex mox dicendis patebit.

XXIII. Scilicet *Alia* quædam & *Nova* oritur *Difficultas* ex eo quòd pro *Universitate* populi seu *Toto* populo hæc salutaria Spiritus dona petat à Deo Moses: cum bene sciverit ille ex Dei declaratione *Exod. xxxiii. 19. Rom. ix. 15.* non omnes & singulos Israëlitas salutaris Gratiae Dei in Christo fore objecta. Quæ altera difficultas ut tollatur quoque, dici potest: quod per *Totum* Populum intellexerit Moses *solos* & *omnes Electos* ex populo ad *Sanctificationem* Spiritus *Ephes. 1. 4. 2 Thess. 11. 13.*; de quibus fortè Angelus locutus est *Luc. 11. 7. Euangelizo Vobis gaudium magnum, quod erit toti populo*; quibusque tunc optasset Moses, partim initium gratiae salutaris, partim ejus majorem mensuram, haud tamen in omnibus æqualem. Si verò *Totus Populus Dei* heic omnino sit *totus* Populus Israël *externè vocatus*, dicendum est, quòd vocabulum *כָּל* *omnis* heic non significet *Universitatem*, sed *Multitudinem* aliquam populi, *coll. 2 Sam. xvi. 22.*, comparatè ad paucos Seniores, & speciatim ad *duos* illos Eldadum & Medadum *incastis Prophetantes*, ut sensus sit; Utinam non hi modò *paucci* Seniores sed & *multi* alii ex Populo, quoad maximam partem adhuc carnali *Exod. xxxiii. 9. Psalm. xcv. 9. 10. Prophetæ* fierent, & Deus *Spiritum suum* iis daret. Si denique velint, quòd vocula *כָּל* denotet *Universitatem*, *omnesque* & *singulos* ex populo; cogitari posset, quod Moses Dona Spiritus, communia modò pro his, pro aliis verò, nempe Electis solis, salutaria petierit à Deo. Si tandem *sola salutaria Dona* Spiritus Mosen heic a Deo petiisse pro *to* populo judicemus, quod & magis probabile nobis videtur, statuendum est, *Votum* hoc Mosis partim esse *Hypotheticum*, partim *Invitatorium* ad *Officium*. *Hypotheticum* est

in hac parte; *Utinam Dominus det Spiritum suum super eos!* Spiritum nempe *fidei* in Messiam, & veræ *sanctificationis*, si cum decreto Ejus hoc consistere posset. Quale Votum *Hypotheticum* occurrit alibi *Exod. xxxiii. 32. Dele me nunc de Libro tuo quem scripsisti*, si scilicet fieri possit ex decreto: & indicat vehementiam Zeli pro Gloria Dei ac æternâ salute proximi. *Invitatorium* porro ad *Officium* est in verbis hisce, *Utinam totus populus Prophetæ essent!* id est similes Prophetis in eximia cognitione, sanctitate & zelo gloriæ Dei. Quale Votum *Invitatorium* docet Voluntatem Divinam *præcepti* non *decreti*, quid fieri debeat, non quid futurum sit. Et qualia Vota *Invitatoria* ad *Officium* occurrunt alibi sæpe, *Deut. v. 29. Utinam esset cor eorum ad timendum me!* &c. *Deut. xxxiii. 29. Utinam saperent!* *Luc. xix. 42. Utinam cognosceres & tu, hoc saltem die tuo, quæ ad pacem tuam pertinent!* &c.

XXIV. O *Sanctissimum* Magni Prophetæ Magnique Ducis Populi *Votum!* Quod proponit nobis in *Vovente Mose* egregium *Exemplum*, ab Omnibus Ecclesiæ Doctoribus imitandum, & simul in *Re* ab Ipso *petitâ* à Deo id quod Omnes pro se & pro Aliis suæ curæ in Civitate, Ecclesiâ, Familiâ commissis, supra omnia ardentissimis precibus *considerare*, atque in omni vitâ suâ exprimere decet.

XXV. Habemus in Mose *Exemplum* Modestix singularis & Mansuetudinis admirandæ. Non *invidet* Eldado & Medado prophetantibus in Castris cum insigni fructu, magnoque, ut videtur, populi applausu. Dolore non afficitur & mœrore ob imminutam qualicunque modo gloriam & auctoritatem suam per hos prophetantes in Castris, se Magno Duce inscio, & non jubente, nec mittente illos. Certè *Invidia* est malum turpe & damnosum simul, fructus carnis non *Spiritus* *Gal. v. 21, 22.*, opus Diaboli 1 *Job. iii. 12.* monstrum, quod vovetur in sinu, corda nostra devorans, atque intimas ossium nostrorum medullas consumens, *Prov. xiv. 30.*, & contumacia superba adversus Deum.

Deum qui dona sua dat pro lubitu *Matth. xx. 15.* Habemus porro in Mose *Exemplum* stupendi Amoris Dei ac proximi. Gloria Dei & salus proximi prævalent in Ipso omni propriæ gloriæ studio. Modò Jehova celebretur, & Populus salvetur, ipsi perinde est an hoc fiat mediante ipso, an verò Aliorum labore & opere, qui si laudes suis majores reportarent, has ipsis minimè invideret Ille. Habemus denique in Mose *Exemplum* Veri Doctoris & genuini Animarum Pastoris, qui cupit seriò & ardentè *totam Ecclesiam*, non *Seniores* modò, non Sacerdotes, sed & *Plebem* illuminari, atque cognitione Mysteriorum Fidei ex Verbo Dei ornari. Quod profectò in pudorem agere debet; non solum illos Romæ Apostaticæ Doctores qui Cognitionem in plebe omnibus modis impediunt, ignorantiam ut devotionis Matrem laudant, ac Verbum Dei scriptum ex manibus populi extorquere omnibus viribus conantur; sed & Illos Ecclesiarum Christi apud Nos Pastores, qui in Præconio Verbi, Disciplinæ Exercitio, ac animarum curâ, multis modis ostendunt, se longè magis quærere propria terrena commoda, propriamque gloriam mundanam, quàm Dei illam ac salutem populi; nec fervidis precibus, nec omni ope adlaborantes, ut *Totus* populus curæ suæ subjectus *Prophetae* fiant. Utinam Hi Omnes *Exemplo* Mosis excitarentur ad deponendam omnem *Invidiam*, atque ad *Preces* fervidissimas, quibus à Deo privatim & publice implorent *Dona Spiritus*; Communia, quæ necessaria sunt in Regimine Reipublicæ Ecclesiæ Familiæ; & magis Salutaria, tum quoad *Initium* in *his*, tum quoad *Incrementum* in aliis: similia cum Davide *Psal. l. 1. 20. cxxi. 6.* & cum Paulo *Act. xxvi. 29. 2 Thess. i. 11.* vota concipientes!

XXVI. Sed & occurrit nobis in hoc Voto Mosis *Id quod* Omnes pro se & Aliis maximopere quærere debent, nimirum ut *Prophetae* fiant, & *Spiritum Gratia* à Jehova accipiant. Non est ut quæramus *Prophetis similes* fieri: Aut in Extraordinariis & immediatis affatibus divinis, quibus

subitò & absque institutione ac labore proprio *ῥηδόντες* evaderemus; nam hoc esset contemnere Medium & Studium Verbi Divini, ex ordinatione Dei adhibendum *Jes. LIX. 21. Job. v. 39. Rom. x. 14. Coloss. III. 16.*: *Aut* in Revelationibus rerum arcanarum ac futurarum, Rempublicam, Ecclesiam, Familiam, propriaque fata nostra spectantium; quæ Deo & Decreto ejus omnia sapienter & suo tempore dispensanti ac producenti sunt relinquenda *Deut. xxxix. 29.*: *Aut* in Potestate patrandi Miracula cum Simone Mago *Act. viii. 19.*; quæ si fierent à nobis ipsis, salutis tamen æternæ compotes nos minimè redderent *Matth. vii. 22, 23.*; & si fieri ab Aliis videremus, neutiquam essent per se efficacia ad fidem ingenerandam nobis, neque iis magis crederemus quàm Mosis & Prophetis, quorum Scripta habemus, tot modis & miraculis etiam confirmata *Luc. xvi. 29, 30, 31.*: *Aut* denique in Munere alios docendi publicè; quod tamen est præstantissimum *i Tim. iii. 1.*, præ aliis muneribus ac donis in Ecclesia expetendum *i Cor. xiv. 1.*, non tamen ab Omnibus, ne tollatur distinctio, quam Deus in Ecclesiâ perpetuam esse voluit inter discentes & docentes. Dolendum est interim dari etiam hodie plures qui *Illud* plane spernunt; *vel* quia satis lucrosus non est; *vel* quia infra dignitatem natalium suorum aut munerum splendorem esse arbitrantur, si Filii præcones Evangelii & Crucis Christi fierent. Verùm hoc est omnibus necessarium, & simul decens, ut *Prophetis similes* fieri studeant, in cognitione rerum divinarum, & fide Christi, in precibus & laudibus Dei assiduis, in sanctitate vitæ & denique in zelo Gloriæ Dei & Religionis veræ. Hoc decebat Veterem Populum Dei, & hoc nos quoque decet, & quidem ut majori gradu hæc omnia nunc in Nobis sint, quibus datum est vivere sub Oeconomîâ gratiæ Divinæ longè clariori suaviori ac ampliori, & sub *Ministerio* non *Literæ* sed *Spiritus* *2 Cor. iii. 6. 18.* Hoc enim prædictum est à prophetis de Nobis in diebus Messiae victuris *Jes. xi. 9. xxx. 26. Jerem. xxxi. 34. Zach. xiv. 20. &c.* Sed, proh dolor! Status ho-

hodierni Christianismi, per æternum Euangelium reformati, non respondet magnificis hisce priscorum Prophetarum Vaticiniis. Desiderantur enim in multis Ecclesiæ membris Eximia illa cognitio Dei & Verbi Ejus, Ardor ille & frequentia in precibus ac laudibus divinis, sanctitatis illa Eminentia, quæ populum Dei Sanctum decet *1 Pet. 11. 9.*, & pristinus ille Zelus pro gloria Dei & Religione verâ adversus omnem idololatriam paganam & Romanam hodiernam, falsamque Doctrinam ac impietatem omnem. Causæ procul dubio sunt præcipuæ: quòd cum Mose pro se & Aliis Spiritum cognitionis fidei & precum fervidis precibus non petant à Jehova Patre propter meritum Jehovæ Filii; hinc toties frustra legunt & audiunt Verbum Dei: & quod ex adverso Spiritui per Verbum docenti suadenti pulsanti cordium fores resistant, cumque dolore afficiant cum antiquo Israël *Jes. LXIII. 10. Aët. VII. 38, 39. 51. Matth. XXI. 37.* Sic certè se dignos magis magisque faciunt, qui priventur luce Euangelii æterni, quorumque cordibus imponatur operculum illud, quod hodie obdurati Judæi ferunt *Jes. VI. 9, 10. 2 Cor. III. 14, 15.*, & qui tradantur denuò Gentilismi ac Papismi tenebris Ægyptiacis.

XXVII. Quod justè promeritum Dei Judicium imminens ut tempestivè avertamus, sedulò nobis adlaborandum est, ut dignè Euangelio Christi & Oeconomîæ Gratiæ meliori vivamus; crescentes in cognitione Dei & Christi ex Verbo Ejus; in precibus & laudibus divinis frequentes; sanctitatem ad imitationem Dei Christi Prophetarum & Apostolorum sectantes internam & externam; Zelantes denique pro Gloria Dei, Religione Reformata, & Ecclesiæ hodie tantopere afflictæ salute, atque in omni opere bono, nunquam in Religione frigidi aut tepidi existentes. Detestabilis enim in Religione Indifferentia est Hæresis, quâ nulla hodie universalior & gratior, quia specie aliquâ modestiæ, judicii, politiæ sese fortiter commendat. Cum tamen *Propheta & Apostoli* non omnem Religionem ut saluta-

tarem, sed solam Israëliticam ac Christianam commendarunt. Itaque nunquam pios & prudentes Zelotas pro turbatoribus Israëlis habeamus, tepiditatem in causa Dei & Christi prudentiam appellemus, indifferentiam in Religione moderationem laudabilem dicamus; nullamque unquam communionem inter Christum & Belial statuamus, aut pacem religionis cum Româ Tyrannicâ, Idololatricâ, & â fide Sanctorum Prophetarum & Apostolorum Apostaticâ quæramus.

XXVIII. Ad quæ omnia cum Spiritûs Dei gratia nobis sit necessaria, sinceris hisce & ex intimis cordis penetralibus fufis precibus ad Deum claudimus hanc Dissertationem nostram. *Utinam* totus populus Dei Prophetæ essent! *Utinam* omnes *Cognoscerent* Jehovah ex Verbo Ejus, & Christum ut Finem legis, atque Unicum Merito & Efficaciâ Salvatorem intuerentur, & abnegata omni justitiâ propria fide amplecterentur, & in Ejus cognitione & communione maximam suæ felicitatis partem ponerent cum Paulo 1 *Cor.* 1. 2! *Utinam* porro omnium Domus & Corda totidem essent *Oratoria Sacra*, in quibus indefinenter, quavis datâ occasione, preces funderentur calidissimæ pro omnibus hominibus, pro civitate, familiâ, & inprimis afflictâ Ecclesia, etiam pro prisco & ob patres dilecto populo, ut Spiritum suum illis reddat tandem Deus juxta promissa sua! *Utinam* denique totus populus esset *Sanctus* Jehovah, & Prophetis similis in sanctitate verâ absque hypocrisi ac ostentatione vanâ, & in sanctitate humili absque superbiâ Pharisaicâ, ita ut unusquisque rigidius semet ipsum censeat quam alios! *Utinam* tandem Omnes *Zelo* Gloriæ Dei & veræ Religionis Prophetico corripereantur! *Utinam* omnes odio haberent *Frigus* illud in Religionis veræ causâ, quo nullo ejus exercendæ, conservandæ, propagandæ studio hodie ducuntur plures: *Vel* ex Atheismo, quia non credunt dari Deum Creatorem Legislatorem & Judicem: *Vel* ex *Indifferentismo*, quia sibi persuadent nullam dari Religionum diffe-

ferentiam, nullamque esse in quâ non tantum sit perfectio-
 nis ut in eâ quilibet servari possit: *Vel* ex Contemptu & O-
 dio Religionis verè Christianæ, quæ rationi impervia, in
 speciem pudenda de Deo Crucifixo, & carni maximopere
 ingrata docet & imperat: *Vel* tandem ex merâ ignorantia
 magis quam obstinata malitia! *Utinam* omnes fugerent *Te-
 pore* Laodicenorum, quo remissiori studio & animo circa
 Religionem, salutemque propriam ac aliorum versantur:
partim ex ignorantia miseriæ naturalis per peccatum, &
 necessitatis Justitiæ Christi vicariæ, ac Viæ Sanctæ & an-
 gustæ ducentis ad vitam æternam: *partim* ex nimia fortu-
 nâ & prosperitate mundanâ, opumque ac honorum affluen-
 tiâ, ex quibus judicant de favore Dei erga se in Christo,
 etiamsi peccatis indulgeant: *partim* denique ex metu Con-
 temptus & Odii mûndant, & Malorum, Exiliorum, Car-
 cerum, Flagrorum, & Mortis cruentæ, quæ fervidos Chri-
 sti Sectatores, & Evangelicæ veritatis fortes Defensores,
 Regnique Satanæ & peccati & Antichristi strenuos oppu-
 gnatores sequi solent! Imo *Utinam* hoc Zelo prophético
 agerentur Principes & Magistratus verè Christiani omnes;
 Atheismum disseminantes validè reprimendo, Idololatriam
 publicam impediendo, Numinis læsionem per apertas blas-
 phemias vindicando, Religionem puram strenuè defenden-
 do & propagando; non tamen per carceres, gladios, ignes
 & cruentas lanienas, crudelissimæ Bestiæ papali relinquen-
 das! *Utinam* eundem zelum ostenderent Doctores & Pasto-
 res Omnes, orthodoxæ Doctrinæ libera professione, ma-
 sculâ defensione, errorum & hæresium solidâ confutatio-
 ne, Virtutum Christianarum Exercitio & Commendatio-
 ne seriâ, Vitiorum hujus seculi grassantium fugâ & incre-
 patione liberâ! Idque omne facerent cum fortitudine abs-
 que pusillanimitate & metu hominum præpostero *Matth.*
x. 28. Marc. vi. 18. Apoc. xxi. 8., & simul cum modestiâ ac
 prudentiâ, ne exacerbentur animi Peccatorum, Adversa-
 riorum, Magnatum, ratione semper habitâ, & Persona-
 rum

DISSERTATIO QUARTA

DE

DAVIDE LAVANTE MANUS SUAS CUM
INNOCENTIA, ET CIRCUMEUNTE
ALTARE DOMINI, IN FIDE
SACRIFICII MESSIÆ.

AD PSALM. XXVI. 6.

T H E S I S I.

Titulus מִשְׁבֵּחַ Auctorem indicat secundarium, nempe Davidem. Idem quoque subjectum hujus Psalmi est. Nullus peculiaris Character Messiae sensu literali aut typico loquentis, vel etiam Ecclesiae N. T. comparet. Deum Judicem appellare, defensionem causae petere, testari sinceritatem animi sui coram omniscio Numine, detestari consensum cum improbis, carne & spiritu Deum colere in Tabernaculo, fide intueri Victimam futuri sacrificii Messiae figuras, deprecari mortem maleficorum, laudes denique immortales Deo promittere; ejusmodi sunt, quæ nos directe & secundum litteram ad *verè Israëlitam*, sub Pædagogia legali viventem, ducunt. Scilicet David insimulatus malarum artium vitæque impuræ ac insidiosæ; vel etiam hypocrisis in tentatâ cultus divini, sub Saule collapsi 1 *Chron.* XIII. 3. reformatione; vel denique occultæ defectionis à Deo Vivo ad idolorum cultum execrabilem, inter gentiles exulans *coll.* 1 *Sam.* XXVI. 19. hunc Psalmum, (cum quo conferunt *Psalmum* VII. ut ejusdem ferè argumenti) Divino instinctu composuisse videtur, ut in eo provocaret ad Dei judicium, non

egale sed Evangelicum, & declarationem Causæ innocuæ & justæ divinam postularet, eumque in finem sinceritatis suæ in fide & pietate Deum testem invocaret, ejusque documenta in votis desideriis & conatibus sanctis magis quàm effectis posita, humili mente exponeret. Spiritus sanctus interim ita mentem & calamus sacri Vatis, jucundi Canticis *Israëlis*, direxit, ut in suâ personâ *Veri sinceri ac perfectioris Israëlita* vivam simul imaginem depinxerit in perpetuum totius Ecclesiæ usum, quam simili falsæ accusationis ac persecutionis in casu ore & opere imitaretur atque exprimeret illa. Quo pacto haud diffitemur quemlibet perfectiorem Christianum verba Psalmi, sensu partim proprio, partim figurato, sibi accommodare posse; dum & Ecclesia Novi Testamenti *Tabernaculo & Altari spirituali Heb. xiii. 10.* dilectionis desiderii ac studii sui dignissimis Objectis, haudquaquam destituta deprehenditur. In ultimis Psalmi hujus verbis, *בְּמִקְהִלִּים אֲבָרַךְ יְהוָה*, *ἐν ἐκκλησίαις εὐλογήσω σε κύριε* in *Ecclesiis benedicam te Domine*; *præ-nunciare* Davidem existimat *Eusebius Cæsariensis*, in *Comment. in Psalmos*, *futuram sui in Ecclesiis Dei memoriam*; sicuti *ad hodiernum usque diem*, inquit, *per universam terram ἐν ταῖς χερσὶ ἐκκλησίαις ὁ Δαυὶδ εὐλογεῖ τὸν κύριον* in *Ecclesiis Christi David benedicit Domino*. Idem tenet *Theodoretus*, observans: non tantum; quòd David his verbis polliceatur se in omnibus totius orbis Ecclesiis Dominum laudaturum & benedicendum *Ἀλλὰ τὸ ψαλμῶν συγγραφεὺς* per Psalmorum conscriptionem, prophetici oculis prævidens orbis mutationem; & quod *Prophetia hæc suum acceperit implementum*, quoniam in omni terra & mari per piorum ora *Magnus David decantat beneficium Deum*: verum etiam quòd hinc manifestissime discamus, *ὡς εἰς αὐτὸν εἶρηται τὸ Δαυὶδ ὁ ψαλμός* quod in ipsum dictus sit *Davidem hic Psalmus*. Similiter *Euthymius*, apud *Bellarminum*, judicavit esse heic *Prophetiam*, quod revera tempore *Novi Testamenti*, in omnibus Ecclesiis, *Psalmi Davidici*, assidue concinendi essent. Quod Interpretamentum, nec non inde peti-

petitum Argumentum pro Davide de semet ipso loquente in hoc Psalmo, Ego quidem Præstantissimis ejus Auctori-
bus relinquo, ut minus forte solidum. Quemadmodum
quoque judico de Prophetarum scilicet Psalmorum com-
muni hoc criterio; quotquot ipsi in principio argumentum aliud
disertis verbis non indicant, explicandi sunt vel de Christo, vel
de Christiana Ecclesiâ; laudato à Clar. Gurtlero, Cap. ix.
Theol. Propbet. Ipse enim hic Psalmus vigesimus sextus Ca-
nonis hujus hermeneutici infirmitatem evincit. Et nullo
alio argumento Cl. Gurtlerus hunc Psalmum esse Propheti-
cum probare tentavit, quam auctoritate Athanasii. *Psal-*
mo. xxvi. inquit, *secundum Athanasium apud Coccej. repræ-*
sentantur qui in Christo fiduciam posuerunt, neque cum Judæis
contra Dominum & Christum congregatis societatem inire vo-
luerunt. At vero, nemo, opinor, ægre feret, si Aucto-
ritati Athanasii, magni cæteroquin Viri, hac in re saltem
illam Eusebii ac Theodoreti opponam.

II. Continet porro Psalmus hic I. *Petitionem Boni* vers.
1. 8. Ubi: 1. *Petitionis Propositio*; *judica me Jehova*, vers.
1. per causæ meæ cognitionem, defensionem, declaratio-
nem: 2. *Causæ suæ Expositio*, vers. 1. *quoniam ego in 'בְּתוֹכִי*
in perfectione mea sinceritatis sc: ambulavi, & in Domino con-
fissus sum, &c. 3. *Ejusdem Causæ suæ justæ Probatio*, vers.
2. 8. II. *Deprecationem Mali*, mortis sc. cum impiis & ma-
lificis, vel turpis ex sententiâ judicum, vel repentinae in
prælio, vel potius æternæ, vers. 9. unâ cum rationibus
additis, cum à parte impiorum vers. 10. tum a parte sui
vers. 11: 12. III. *Promissionem publicæ gratitudinis ac Lau-*
dis æternæ. In Ecclesiis benedicam Jehovah, vers. 12. id est,
in congregationibus populi Dei successive repetitis, imo in
Ecclesiâ militante non modò in terris, sed & triumphante
in cælis, laudes gloriosæ gratiæ Divinæ celebrabo.

III. Quoniam verò inter signa *Perfectionis Evangelicæ*,
seu *sinceritatis* in Religione, hæc sunt præcipua, nimirum:
Deo Sanctissimo atque Omniscio sese explorandum confi-

denter sistere, cum *Jeremia Jer. xii. 3.* & *Petro Joh. xxi. 17.* hoc enim fieri posse ab aliquo absque conscientia sinceritatis suae praesumi non debet, nisi ab extremè impio: Verbum Dei porro Regulam fidei vitaeque suae ponere, nec multitudinem sequi in re malâ, *Psf. i: 1. 2. cxix. 9. 63. 105. Luc. 1: 6:* Colere denique Deum, non corpore modò sed & corde ac spiritu, puramque Religionem non simulare verum amare, manusque non solum sed & cor purum habere, *1 Chron. xxviii. 9. Prov. xxiii. 26. Jes. xxix. 13. Job. iv. 24. Rom. 1. 9. vi. 17.* In operibus tandem suis bonis nullam justitiae coram Deo Vitaeque aeternae causam ponere, sanctitatem qualemcunque propriam ac sinceritatem suam, si accederet meriti ullius vel minima persuasio, pro damno & stercore habere, mortem verò Messiae vicariam intueri, eamque velle suam fieri per imputationem, atque propter eam misericordiam Dei implorare ac laudare. *Luc. xviii. 9. 14. Jes. xxviii. 15. 16. Hab. ii. 4.* Quoniam, inquam, hæc inter *sinceritatis* signa meritò enumerantur; ideo David *Probaturus* Integritatem Vitae suae coram Deo, quatuor hæc *documenta* ordine exposuit. *Primum* Innocentiae argumentum in eo ponit, quod *intrepidè* ad Omniscientiam sanctissimi judicis provocare atque *Cordium Scrutatori* tremendo animi sui penetralia pervidenda objicere auderet, *vers. 2. proba me, Jehova, &c.* *Alterum* petit ex eo, quod Dei *Optimi* Exemplar, Verbumque *Veritatis* ejus scriptum, unicam vitae suae morumque normam ac Regulam perfectissimam haberet, non *vanam*, mundanam, *idololatricam* *impiamque* multitudinem, neque corrupti cordis beneplacitum aut dictamen; *vers. 3. 4. 5. Nam benignitas tua coram oculis meis: & indefinenter ambulavi in veritate tua. Non sedi cum viris mendacii vel vanis &c.* *Tertium* denique in eo collocat, quod *non externo ritu* tantum secundum literam Legis carnalis, sed & *puro animo*, juxta Legis sensum mysticum sibi probè perspectum, & ex flagrante amore, Deum coleret, *vers. 6. Lavabo cum innocentia manus meas, vers. 8.*

Je-

DE LOTIONE MANUUM IN PURITATE. 119

Jehova, diligo habitaculum domus tue, &c. Quia autem benè noverat David, quod *justus*, mortalium etiam sanctissimus & integerrimus, *Fide ejus*, nempe *Messiae*, tantùm *viveret*, atque *viſturus* esset in æternum; & ne videretur ex innocentia vitæ suæ aliquid de se præsumere suâque justitiâ coram Deo, ideo ut *Quartum* sinceritatis suæ documentum insigne adducit tandem, *Fidem* in Messiam moriturum, quam exercebat maximè, atque palam manifestabat, quoties pedibus corporis *circumibat altare Jehovæ*, ut oculis subjiceret suis *amēnissimas* venturæ & se oblaturi Sponsoris Figuras, ut mente eas meditaretur attenta; & ut *mirabilia* Dei in Altari typico proposita, ac Redemtionis, per vicariam Messiae mortem, *Fide* à se ad justificationem coram Deo apprehensi, *Myſteria*, ad laudem justitiæ & gloriosæ misericordiæ divinæ, *enarraret omnia*, vers. 7.

IV. PRIMÒ; *Integritatem* suam testaturus Propheta, *rituali ac umbratica* veram se & *moralem puritatem* jungere affirmat vers. 6. אֶרְחֹץ בְּנֶקֶיִן כַּפַּי. LXX. νίψομαι ἐν αἰσώοις τὰς χεῖρας μου. *Vulg. Lavabo inter innocentes manus meas: Piscator, Lavo cum innocentia manus meas.* Ubi Opus primò *Externum*; deinde *Adjunctum Operantis*, occurrunt. Opus *Externum* est *Lotio Manuum*, vel *volarum*, vel *palmarum*, *suarum*; quod sibi; vel in *futuro*, uti propriè sonat verbum אֶרְחֹץ *lavabo*; vel in *præterito*, *Lavi*, uti aliqui vertunt; vel in *præsenti*, *lavo*; sicuti *Futurum* Hebræis nunc pro *præterito*, nunc pro *præsenti*, quo carent, quandoque poni solet; tribuit Psalmista. Ubi in antecessum monendum existimo, quod *manus* heic propriè & strictè sumi debeant, non *synecdochicè* pro toto corpore, sive partibus ejus reliquis omnibus, quæ conspicuæ sunt; quemadmodum *Mischnici Doctores* explicant locum *Levit. xv. 11.* & manus ipsius non immerſerit aquis; & sicuti *Vestes* iidem capiunt pro integro corpore, quoties in *Lege* mentio fit *Lotionis Vestium*, etiam *Exod. xix. 10.*

V. Le-

V. *Lotio* verò *manuum* variis de causis instituta olim fuit a *Judeis*, aliisque gentibus. *Vulgaris* erat, quæ *ante mensam*, epulasque, ad *cibum communem* capiendum, ut & *decimas* atque *Terumam*, fiebat, & vocatur נטילת ידים *ablutio manuum*, utpote per affusionem aquæ facta, & distincta à טבילת ידים *immersione manuum*, necessariâ ad sacram carnem panemque sacrum comedendum. Scilicet manus negotiosas, ne, si rem immundam forte tetigissent, cibum polluerent, prius lavandas esse, censuerunt *Seniores*. Ita legitur *Marc. vii. 23. 25. Et cum vidissent quosdam ex discipulis ejus. κοινὰς χεῖρας, (τὰτ' ἐστὶν ἀσύντοις) edere panes, conquesti sunt. Nam Pharisei & omnes Judæi nisi πύγμῃ laverint manus, non edunt, tenentes traditionem seniorum. Et a foro venientes, ἰὰν μὴ βαπτίσανται, non edunt* &c. Conf. *Luc. xi. 38. Job. ii. 1-6. Dicis* causa quandoque *Judæi* ritum hunc in *Lege Levit. xv. 11. fundatum* esse ajunt, sed revera cum *Phariseis Traditionem Seniorum* ἡ παραδοχὴ τῶν πρεσβυτέρων זקנים esse volunt, qui זקנים / a *Doctoribus Mischnicis* in *Massechet ידים*, a נביאים / *Prophetis*, ut his posteriores, manifestè distinguuntur. *Bartenora* & *Maimonides Salomonem* hunc ritum instituisse dicunt: quod ita exponitur; *Salomonis* nempe ipsiusque *Senatus statutum* ad *res sacras* comedendas respexisse; posteriores autem *Sapientes* hoc ad *Terumam*, aliosque postea succedentes ad *cibum quoque communem*, extendisse, quo pollutio *Terumæ* magis exacte vitari posset. Unde etiam hodie constitutio ista de *cibo communi*, præsertim *pane*, coll. *Matth. xv. 2. & Marc. vii. 2. 5. illotis* manibus non capiendo abolita nondum esset, ut scilicet *Terumæ* rite tractandæ peritiores essent post reversionem in patriam, ac sanctuarii restitutionem, quam utramque expectant occæcati *Judæi*. Vide de his omnibus latius agentem *Doct. Pocockium* in *Notis Miscell. ad Maimonidis Portam Mosis, Cap. ix:* ut & *Buxtorfium* in *Dissert. viii. de Lotione manuum ante & post cibum*. Similiter apud *Gentiles* in usu fuit cœnatis non modò & pransis

ἀπὸ τοῦ

DE LOTIONE MANUUM IN PURITATE. 127

ῥαντίζειν ἀπὸ τοῦ χειρὸς abluerē manus, sed etiam ante prandium & coenam aquam τὸ χειρὸς porrigere ex malluvio, quod χέρνιβον, χερπύβιον, χερνίβιον, χερπόνιπρον, Veteres dixere, quemadmodum *Athenæus Deipnosophistarum Lib. ix.* ferè sub finem tradidit.

VI Alia erat *Judicium* apud *Judæos* solennis *manuum Latio*, quā sese immunes a cæde perpetratā testari debebant, juxta Legem *Deut. xxi: 6. 7.* Et omnes seniores civitatis illius qui sunt proximi ad occisum istum, lavabunt manus suas super vitulam decollatam in ea valle. Et respondebunt, & dicent: Manus nostræ non effuderunt sanguinem istum, & oculi nostri non viderunt. Ad hujus Judaici ritus, tunc temporis fortè ob crebra latrocinia usitatissimi, atque adeò notissimi, qualemcunque imitationem, *Pilatus*, moris hujus Judaici non magis quam alterius, notati *Joh. xviii. 39.* ignarus, sumens aquam lavit manus coram turbā, dicens, innoxius sum à sanguine justī hujus: vos videritis. *Matth. xxvii. 24.* Non ut crimen cedis; quale a se coactō per tumultuantes judæos, hac in condemnatione justī ullum patrari, verbis additis, incogitanter tamen vel per insignem hypocrisin, negabat; elueret atque expiaret; sic nempe secutus vanam atque à Poëtis ac Sapientibus Romanorum meritò irrisam opinionem Vulgi, putantis exiguā posse tolli aquā scelera, quæ ne ipse quidem toto Magnus oceano Pater expiare posset. Sed ut se innocentem testaretur, omnemque sceleris hujus culpam & poenam in seditiosos atque judicem cogentes judæos conjiceret; eò libentius populari hac cerimonia usus, ut eos à cruento proposito propriis cerimoniis magis adhuc deterreret, eorumque pertinaciam vinceret. In verbis verò, Ἀθῶς εἰμι ὑπὸ τῷ αἵματι & δικαίς τῆς, *Pilatum* imitatum pariter fuisse *Danielem* in *Historiā* *Sufannæ* exclamantem, Ἀθῶς ἐγὼ ὑπὸ τῷ αἵματι ταύτης, haud æque probabile est, quia minus nota hæc *Historia* vel *Fabula* Romano Præsidi fuisse videtur; nec æque necessarium est ut statuimus quoque, quia modus hic loquendi non ita proprius Judæis fuit & peculiaris ac quidem Ritus ille lavandi manus

ad testandam judicum à perpetratâ cæde innocentiam. Quod observandum est contra *Casaubonum Exercit. xvi.* ita differentem. *Quare Pilatus morem lavandi ad declarandam suam innocentiam, non magis sumpsit à Judæis, quam formulam quâ utitur, cum protestatur de sua innocentia, Innocens ego sum à sanguine justî hujus; sumpsit ex historiâ Susannæ, ubi non dissimilem usurpat Daniel; Mundus ego sum à sanguine hujus; in historiâ Susannæ, versu. quadragesimo sexto.*

VII. Alia denique erat *Manuum Lotio Sacerdotibus*, tametsi mundis, mandata divinitus, quoties Tabernaculum ingrederentur vel ad Altare accederent. *Exod. xxx. 17. 21. Et locutus est Jehova ad Moysen, dicendo: Et facies labrum æneum, & basin ejus æneam, ad lavandum: ponesque illud inter tentorium conventus, & inter altare, & pones ibi aquas. Et lavabunt Aaron, & filii ejus ex eo manus suas, & pedes suos. Quando erunt ingressuri tentorium conventus, lavabunt se aquis, & non morientur: aut quum erunt accessuri ad ipsum altare, ad ministrandum, ut adoleant sacrificium igne absumentum Jehovæ (Lxx. & ἀναφέρειν τὰ ὀλοκαυτώματα πυρί.) Et lavabunt manus suas, & pedes suos, & non morientur. Et erit eis statutum seculi, ei & semini ejus in generationibus eorum.* Quod quomodo post erectum Tabernaculum primò executioni datum fuerit, ut deinceps perpetuò observandum, enarravit Moyses, *Cap. xl. 30. 31. 32. Et posuit labrum inter tentorium conventus & inter altare istud (sc: holocausti) & posuit ibi aquas ad lavandum. Laveruntque ex eo Moyses & Aaron & filii ejus, manus suas, & pedes suos. In ingrediendo eos ad Tabernaculum conventus, & in approximando eos ad altare, lavabunt se, quemadmodum præcepit Jehova Moysi. Confer. 2 Chron. iv. 6.* Ratio instituti hujus fuit: *Non ut modum cultus sui solennis accommodaret Deus ad seculi consuetudinem & priscos gentium mores, nam de ablutione pedum ante Sacra nihil extra Scripturam legi, falsus fuit ipse Spencerus Dissert. iii. Cap. iii. Sect. ii: Neque quòd Creator omnium pulverum terræ à sordibus corporis tantopere abhorreat, ut manus pedesque sanguine*
vel

vel pulvere fœdatos, ut nauscosos sibi, sub gravissima mortis pœnâ, prohibere debuerit: *Neque* etiam ut expiarent & tollerent animæ sordes aquæ istæ inter Altare & Tabernaculum positæ, nam βαπτισμοι illi nil aliud erant quam διουσίματα σαρκὸς *Hebr. ix. 10.* nec esse per naturam suam poterant: Sed ut reverentiam Numini suo omnimodam exhibendam doceret Dominus, cultumque suum ab omni contemptu, in quem facile abduci poterant mortalium animi vel per minimam alicujus neglectus externam speciem, vindicaret; magisque solennem & pomposum, & Rege summo ac Israël's peculiari dignum redderet: Imo magis ut in hac loquaci cerimonia monitum reale acciperent Sacrorum Ministri de morali immunditie adhærente omnibus, sed elucendâ, & de Deo non cutis sed cordis puritatem amante pura mente colendo, nec non de purgatione & sanctificatione cordis & corporis verâ per aquas puras meriti & Spiritus Christi, necessaria ad communionem cum Deo in gratia & gloria obtinendam, atque ad ingressum posthac in cæleste Tabernaculum, sanctis promissum, *Pf. xv. 1. 2. 3. 4. &c. xxiv. 3. 4. Heb. xii. 14.* Quo pacto Ritus hicce ad *Elementa*, seu *Rudimenta*, rudiores puritatis internæ & Religionis rationalis figuras continentia, & simul ad *Elementa Mundi*, id est, *pomposa* pertinuit; atque *Typus* moralis fuit, potius quam *propheticus*; vel sacrum Baptisma N. T. præfigurans, quo necesse est purgentur omnes qui *Ecclesiæ januas ingrediantur* uti loquitur *Beda de Tabernaculo Lib. iii. C. xiv. Tom. iv. Operum suorum*; vel quo singulos qui sub *Nova Lege Ecclesiam ingrediuntur lavari jussit Dominus*, uti *Sberingamius, ad Cod. Joma, cap. iii.*

VIII. Ex hac verò Sacerdotali divinitus jussâ *manuum Lotione*, ante ingressum Tabernaculi & accessum ad Altare holocausti, quàm maximè ortum traxit, non tantum quod nemo Sacerdotum ipsum Atrium intraret ad ministerium peragendum antequam laverat, uti in *Joma, cap. iii.* habetur; verum etiam quod privatus inter Judæos quilibet ad

sacra non accederet, nisi præmissâ manuum Lotione. Precatur Judæi vel in Synagogis, vel etiam quam primum electo manè surrexerint, & ante lectionem *Schemaab*, quam vocant, *manus lavant*, quod & exemplo Sacerdotum Sanctuario ministrantium confirmant, uti adnotavit *Pocokkius* in *Notis Miscell. cap. 9.* & testatur *Buxtorffius* in *Synag. Jud. cap. viii.* & *Leo Moden. de Jud. ritib. p. 1. cap. ii. §. 2.* Acceperunt hoc à Majoribus, apud quos hic ritus ante preces ab ævo obtinuit. *Clemens Alexandrinus, Admonit ad Gentes, p. 46.* de Hebræis ex perantiquo, uti videtur, Poëta:

Ἄλλὰ καὶ πρὸ ἀρχαίων πρὸς ἑργὸν ὡλάναι ἀγνάσι

Ὅρθοι ἐξ εὐνῆς αἰεὶ, χροῶ ἀγνίζοντες

Ἰθασι.

At contra tollunt ad cælum puras manus, (ulnos, cubita, brachia.) mane venientes ex lecto semper, cutim purificantes aquis. Confertur vulgò Exemplum *Judithæ* se abluentis ad fontem aquæ in castris, antequam oraret Dominum Deum Israël, uti legitur *Judith: Cap. xii. 7. 8.* Similiter illotis, certè manibus, *Loca Sacra*, Templum vel Tabernaculum adire non licuit, quemadmodum ex *Philone* probat *Spencerus*, & confert Paulum inventum ἡγνισμένον purificatum in Templo *Act. xxiv. 18. Dissert. iii. cap. iii. Sacrificaturi* denique manus non nisi lotas capiti Victimæ imposuere, uti *Philo in Libro de Victimis testatur*; ἀπονιψάμενος ὁ προσάγων τὰς χεῖρας ἐπιφέρει τῇ τῷ ἱερεὶ κεφαλῇ. *p. m. 838. qui adducit manus ablutas imponat victimæ capiti.* Huc quoque referunt nonnulli historiam in Libro *Judithæ, cap. xvi. 22.* de populo qui purificatus fuerat, non ut sese purgaret a cæde Assyriorum, sed ut se præpararet ad cultum, & ut offerret holocausta sua, & voluntarias oblationes & donaria sua. Fecerunt ita Hebræi veteres, non edocti à gentilibus, sicuti *Spencerus* contendit, sed ad hoc excitati Facto Patriarchæ *Jacobi Gen. xxxv. 2.* & Præcepto non uno divino, populo toti olim *Exod. xix.* & Sacerdotibus *Exod. xxx.* dato, nec non Exemplis *Mosis & Sacerdotum Exod. xl.* Quemadmodum non-

nonnulla alia, Lege non præcepta, observata fuerunt olim a Judæis, non ut gentiles imitarentur, sed ex analogia cujusdam Legis divinæ. Quem in finem conferri meretur Locus 1 Sam. xxi. 4. cum Exod. xix. 5. Omnis hæc *Lotio, manuum* præcipuè, apud gentiles ante sacra in usu quidem fuit, ut videre licet apud *Stukkium, Schachum, Saubertum, Dougtejum*, alios, & imprimis *Spencerum*; sed primos ideo hujus ritus Auctores fuisse minimè sequitur, uti existimat *Spencerus*, & quidem eo magis, quoniam *primos hujus Ritus Auctores*, ut ait, *aliquem quidem divinæ sanctitatis, sed crassum & languidum sensum habuisse* oportet, & quoniam Deo indignum fuisset ut *frigidus & virtute cassos* ritus in cultum suum reciperet, nisi sic se accommodare ad ruditatem Hebræorum, his gentium baptismis dudum assuetorum, eosque *leniter tolerare*, voluisset. Enim verò crassus est divinæ sanctitatis conceptus, si illa in amore externæ puritatis corporeæ collocetur, & in hac ponatur causa expiationis peccati eorum coram Deo. Verùm quod hæc stulta opinio primam originem dederit huic ritui, temerè profecto asseritur. Neque indignum Deo judicari potest, ritum istiusmodi expeditum & simplicissimum instituere, quo Cultores ejus sordium moralium adhærentium & deponendarum admoneantur. Virtute quidem expiandi, non tamen significandi destituta fuit hæc cerimonia. Divina institutio Officium puritatis moralis sectandæ spectabat; usus vero ejus ab Hebræis officii hujus vel præstiti signum continebat, vel præstandi propositum sincerum indicabat. Hinc *Philo de Vita Moysi, Lib. iii. p. m. 674.* ait de *Lotione Sacerdotum* ad obeunda sua ministeria, quod fuerit *σύμβολον ἀνυπατίῃς ζωῆς vitæ inculpatae signum*. Quod confirmatur etiam ex historia Interpretum græcorum *Aristeæ*, ubi fere sub finem de iis hæc habentur: *Atque etiam quotidie benè manè veniebant in aulam, & salutato Rege redibant ad suum locum.* *ὡς δὲ ἐθ' ἵς) πᾶσι τοῖς Ἰουδαίοις, ὑπνιψάμενοι τῇ θαλάσσῃ ταῖς χεῖρας,* lotisque manibus pro communi omnium

Judæorum more ex mari, & votis ad Deum peractis, pergebant legere, & singula interpretari. Interrogati autem & de hoc, quare post lotas manus vota faciant? respondebant, ὅτι μαρτύριόν ἐστι, & μηδὲν ὑποβάλλαι κακόν. πάντα δὲ ἐνέργεια καὶ χειρῶν γίνεσθαι. quod testimonium sit nullius sceleris perpetrati, quoniam omnis actio per manus fieri solet. Unde etiam ab hac manuum lotione arcebantur illi apud Græcos, qui scelus patravérant, ne scilicet ceremoniâ, significatione quoque, sancta abuterentur, ut alicubi me legisse memini.

IX. Quoniam itaque hæc Lotio Manuum signum erat sanctitatis vitæ & puræ mentis in cultu divino allatæ & adferendæ; hinc usu venit in Sacris, ut phrases, *lavare se*, *purgare manus*, easque puras habere, studium puritatis moralis & sanctitatis omnis, & speciatim externæ, maximè quando *pura manus* cum *corde puro* jungitur, tropice, partim per metonymiam signi, partim per metaphoram, sæpe exprimant. Quem in finem expendi merentur Loca: Gen. xx. 5. Cum integritate cordis mei & munditia manuum mearum feci istud: Job. ix. 30, 31. ubi Jobus, non lotionis externæ & corporalis ad purgandum a reatu & maculâ peccati insufficientiam & vanitatem, sed sanctitatis suæ internæ & externæ imperfectionem expressurus, ita significanter locutus fertur: *si laverò me in aquis nivis, & mundaverò בבר in fonte (puritate, smegmate) manus meas. Tum in foveam immerges me, & abominabuntur me vestes meæ: Job. xxii: 30. Liberabitur (non innocens etiam) puritate manuum tuarum: Psalm. xviii. 25. Et reddidit Jehova mihi secundum justitiam meam, secundum puritatem manuum mearum coram oculis suis: Psalm. xxiv. 3, 4. Quis adscendet in montem Jehovæ, & quis stabit in loco sanctitatis ejus, Mundus manibus, & mundus corde? &c. Jes. i. 15, 16. Itaque quum expanditis manus vestras, abscondo oculos meos à vobis: etiam quum multiplicatis precationem, nequaquam audio: quia manus vestræ sanguine plenæ sunt.* Lavate, purificate

ficat vos: removete malitiam actionum vestrarum a presentia oculorum meorum: desinite male facere: discite benefacere; Eccl. i Tim. ii. 8. Volo igitur viros precari in quovis loco. attollentes sanctas & puras manus absque ira & disceptatione. Jac. iv. 8. Appropinquate Deo, & appropinquabit vobis, emundate manus, peccatores: & purificate corda, duplices animo. Eodem sensu Philo de philanthropiâ, de Mose affirmat, quod τὰς καθαρὰς, puras, imo quod ἁγιωτάτας esse dicit, καὶ ἁγνὰς χεῖρας virgineæ castitatis manus ad cælum sustulerit. Similiter Horatius Lib. iii. Ode xxiii. eadem sermonis figurâ laudasse videtur manus immunes scelerum magis quam sordium, quas dicit blandiores esse Diis farre & granis sacrificantes, quam si sumtuosam hostiam sacrificent.

*Immunis aram si tetigit manus,
Non sumptuosa blandior hostia,
Mollibit aversos penates
Fare pio, & saliente mica.*

Alibi immunes has manus puras vocavit. Lib. i. Sat. 4. At bene si quis, & vivat puris manibus, contemnat utrumque.

X. Figurato hoc sensu Lotionem manuum hoc in loco explicant nonnulli Veteres & Recentiores de depositione sordium peccati per pœnitentiam, confessionem, odium, & fugam peccati, de abstinencia à cæde & rapinâ & scelere omni, & de opposito justitiæ studio juxta Legem amoris Dei & proximi. Quando בְּקִיָּין vertunt: Vel cum Vulg. inter innocentes; Sic Beda, secutus Hieronymum & Augustinum, lavabo manus meas, id est, munda faciam opera mea Domine, ut ponar inter innocentes: Vel innocentiam, uti Cassalio, lavo manus meas innocentiam; quando hoc ut interpretamentum figuratæ locutionis capiunt, hoc modo, lavabo manus, non aquis, verum ipsâ innocentiam & puritate morali, quâ actiones meas puras Deoque sanctissimo placentes præstabo. In quem sensum à Clar. Coccejo conferuntur aliæ phrasæ, quæ proprietatem metaphoræ mixtam exhibent; ut sunt:

sunt: *Sacrificare sacrificia justitiæ Ps. iv. 6. Sacrificare laudem, Ps. l. 14. Concerpere corda, Jcël ii. 13. Ducere in orbitis justitiæ Ps. xxiii. 3.* & simul observatur, quod sit *allusio ad ritum ablutionis, quo utebantur sacra facituri, Exod. xxx. 19.* & denique laudantur Veteres ut qui non ignoraverint *mysticum sensum ceremoniarum.* Quæ quidem in se optimè dicta sunt à *Viro Celeb.* mallet tamen ego, quod attinet hunc locum nostrum, *proprietati sermonis inhærere, quia nullam ab eâ recedendi rationem hætenus video.*

XI. Interim minime facio cum iis, qui Davidem de *Lotione manuum*, quæ fieri solet ante cibum & mensam, locutum esse opinantur. Ita *Titelmannus*: *Lotio ista manuum potest intelligi ad literam, corporalis, & ita cum ait se lavare inter innocentes manus suas, significat suam se conversationem cum innocentibus habere, illisque familiarem se fieri, cum illis ad mensam accedere, illisque convivere, assidere, & adherere: quemadmodum e contrario perversi cum perversis lavant manus, id est, cum perversis convivunt, habitant, & conversantur. Solent enim pares sociari paribus.* Facile apparet quod *Vulgata Versio inter innocentes* occasionem dederit huic exegesi: cui omnino obstat, quod non de *Mensa suâ* aut alterius *Amici*, sed de *Altari Jehovæ* loquatur David in altero *Versu* hujus membro. Quæ ratio ex *Contextu* ita plane destruit opinionem *Titelmanni*, ut necesse non sit aliud quidquam addere, vel etiam in memoriam revocare incertam *Rabbinorum traditionem*, de *Ritûs lavandi manus ante cibum* necessarii origine longe recentiori, nec assurgente ad *Davidis tempora* - de qua §, V. egimus.

XII. Neque etiam putem ad *Lotionem Judicum* solennem respexisse *Psalten*, quam scilicet imitari vellet, & sanctè posset, majori sanè sinceritate quam quâ *Pilatus* postea morem istum *Hebræorum* effingere tentavit; quoniam innocens erat à crimine certo sibi objecto, vel *idololatriæ* inter *Philistæos*, vel *homicidii & latrocinii exerciti* scilicet cum *Viris sanguinum*, in quorum manibus scelus est

DE LOTIONE MANUUM IN PURITATE. 129

est vers. 9. 10. Ps. vii. 4. 5. Obstat enim & huic explicati-
oni sequens pericopa, & *circumeo altare tuum Jehova.*

XIII. Quamobrem Davidem respexisse ad *Lotionem ante sacra* fieri solitam nullus dubito. Sacerdotes quidem ex Lege tenebantur *manus* & simul *pedes* lavare, ante introitum Tentorii & Altaris adscensionem, quod utrumque nudis purisque pedibus & calcasse & obambulasse ministrandi causâ videntur. Quæ Sanctuarii calcatio, atque ipsius Altaris obambulatio, cum vetita fuerint privatis, hi *sola manuum* Lotione ante preces, ingressum Loci sacri, & sacrificium per sacerdotes offerendum in Altari, hos qualicumque modo, quamvis nulla adstricti Lege expressâ Divinâ, imitari studuerunt, etiam Davidis ævo, ut & ipsi reverentiam omnem Numini exhiberent, puritatisque moralis amorem ac studium sic testarentur suum. Quæ Lex sacerdotibus olim lata, ac nunc una cum Templo, cui, ut & Tabernaculo, adstricta erat, abrogata cum sit, iusta religionis specie caret, imo voluntarii & superstitiosi cultus rationem habet imitatio Sacerdotum Leviticorum in Christianismo, si nunc; vel Deum oraturi Christiani, uti *Tertulliani* ævo usitatum erat; vel coenam administraturi Episcopi & Presbyteri, de quibus *Cyrillus Hierosol. Catech. Mystagog. V.* in initio; vel templa intraturi, ad manuum ablutionem obligarentur ex Veteri Hebræorum instituto: uti Pontificii hodie sine lustrali aqua templa sua non ingrediuntur. Ali- ter judicandum est de hoc piorum veterum instituto, quando Lex, Sacerdotibus pro populo ad Deum accedentibus, præscripta, & generalis illa, *Sanctuarium meum reveremini Levit. xix. 30.* in pleno vigore suo erant.

XIV. Quoniam verò in populo isthoc hypocritico mul- ti externa lotione contenti erant, moralem ac spiritualem mentis ac membrorum corporis puritatem minimè curantes *Jes. i. 15. Prov. xxx. 12. Matth. xxiii. 26. 27.* idcirco David, ut se ab hypocritis hisce discriminaret, addit *Adjunctum Operis sui, vel potius Operantis, בְּכִיּוֹרִים in puritate, inno-*

centiâ. Sensus est: *Non*; in *purâ aquâ*, fontanâ scilicet, vel fluviali, vel alia quacunque limpidissima, & vim purgandi a sordibus majorem habente, qualem in lotionibus sacris Hebræi non modò, sed & Gentiles adhibuerunt, uti cum aliis *Spencerus* fusè, ut solet, ostendit, *Lib. III. Dissert. III. Cap. 1.* Nam nusquam nomen *קִיּוּ* notat id quod purgat, sed quod purum & purificatum est: *Neque*; ubi puritas & innocentia est, quomodo *LXX.* transtulerunt ἐν αἰθέραις, & *Vulgatus* eos secutus, *inter innocentes*; hunc enim sensum aliter procul dubio expressisset Psalter. Sed sensus est: Vel *propter innocentiam*, seu *puritatem*, sicuti præfixum *כִּי* quandoque causam finalem notat *Eccles. VII. 12. x. 17.* quando David manus suas se lavare diceret *propter puritatem*; non *acquirendam*, sive physicam, a sordibus corporeis, quod levius foret, sive moralem a reatu & sordibus peccati, quod nec aquis fluminum & fontium, nec sanguine etiam pecudum, sed Messiae solius, ejusque Spiritu tantum, tolli posse bene noverat Vates: sed hanc moralem *testandam* facili & apposita cerimonia: Vel potius *cum innocentia* seu *puritate morali*; quomodo alibi vox *קִיּוּ* sumitur *Gen. xx. 5. Ps. LXXIII. 13. Hos. VIII. 5. & cognatum קִיּוּ Job. IV. 7. XVII. 8. Ps. XXIV. 4. & quemadmodum præfixum כִּי alibi pro cum sumitur, & conjunctionem notat Gen. XXXII. 10. Exod. x. 9. Jer. XI. 19. &c.* Ita *Swinglius, Lutherus, Piscator* transtulerunt, & *Vetus Belgica* habet. Sic verò David sibi minimè tribuit puritatem absque ulla macula præteritâ vel præsentî, *coll. Ps. XIX. 13. LI. 7.* quæ etiam in nullo mortalium reperitur *Prov. XX. 9.* Verùm respicit ad justitiam causæ, *coll. Ps. VII. 9. XVIII. 21. Job. XXXIII. 9.* & testatur, se nunquam manum extendere voluisse in unctum Domini, & à latrocinii, rapinis, turpi lucro, idololatriâ, hypocrisi, aliisque, quibus reum calumniis peragere conabantur inimici sui, per Dei gratiam immunem esse. Imò sibi tribuit non tantum manus à cædibus moraliter puras, sed & cor purum *Ps. LI. 12.* non juxta Legis rigorem *Prov.*

DE LOTIONE MANUUM IN PURITATE. 131

xx. 9. *Eccles.* vii. 20. *Pf.* cxliii. 2. sed Evangelii gratiam, quod peccati impuritatem quamcunque sentit cum dolore & odio habet *Jes.* vi. 5. lxiv. 6. sanctitatem verò moralem omnem vere amat, eique alacriter studet, eamque ostendere conatur verbis & factis, adspirans quotidie ad perfectionem cœlo adservatam, idque juxta Exemplum Dei Israelis Sancti, & juxta mysticos purificationum Legalium significationes, & denique juxta normam Legis Regiæ, amoris Dei & proximi, quatenus est regula gratitudinis atque subservit promissioni. Ad confirmationem sensus hujus conferri meretur dictum Asaphi, *Psal.* lxxiii. 13. *Verè in vanum mundavi cor meum, & lavi cum innocentia manus meas.* Atque adeò *lavare manus cum innocentia* tantundem est, ac ita verè malitiam cordis, sordesque manuum morales expurgare desiderio & conatu omni, quemadmodum sordes corporis & manuum externè abluimus. Ita decet profectò genuinos sanctissimi Numinis cultores *Jes.* i. 15. 16, 17. *Jac.* iv. 8. *Pf.* xxiv. 3, 4. Hoc agnoverunt quodammodo gentiles, pura mente inprimis colendum esse Deum Spiritum. Hoc præstant verè Verbo & Spiritu illuminati. Hi ceremonias externas à Deo institutas, vel pio usu introductas, modò absit jugum, superstitio, & præsumptio meriti, non spernunt, sed unà cum iis spirituales cultum sectantur. *Lotio manuum* pio usu introducta communis erat Davidi cum Hypocritis, quam ideo; vel in futuro promittit; vel in præterito de se prædicat; vel potius, ut actionem frequentem, in præsentem sibi tribuit; sed *Innocentia* ipsi cum sinceris & Fidelibus omnibus erat propria. *Fide enim corda purgantur Act.* xv. 9. inprimis in *Christum* Sponsorem mortuum vel moriturum pro peccatis nostris. Hac Fide David etiam erat præditus, *Psal.* xxvii. 4. *Act.* ii. 31. Quare etiam in innocentia sua causam justitiæ suæ coram tribunali justissimi Judicis neutiquam posuit, sed in solo sacrificio Messiae futuro, & per sacrificia Levitica adumbrato & præfigurato.

XV. Unde SECUNDO Integritatem suam testaturus porro addit : **וַאֲסַכְכָּה אֶת מוֹבַחַךְ יְהוָה** *Et circumdeo altare tuum Jehova.* Ubi iterum *Actio* Davidis occurrit, ejusque *Provocatio* ad omniscium *Jehovam*. *Objectum* Actionis est *Altare*, non suffitus in Sancto, sed holocausti in Atrio Tabernaculi Mosaici, quod tempore Davidis fuit in Nob & Gibeon, 1 *Sam.* xxi. 1. 1 *Chron* xvi. 39, 40. 2 *Chron.* i: 3, 5. Extruxit etiam David Tentorium in monte Tſijon, in quo Arcam deposuit, ubi voluntariis sacrificiis Deus coli poterat & colebatur, 2 *Sam.* vi: 17. vii: 2. 1 *Chron.* xv. 1. xvi. 1, 2. 2 *Chron.* i. 4. Manebat tamen Tabernaculum Leviticum Locus cultus Divini solennis & quotidiani, ubi erat Altare Bezaleelis æneum Holocausti, & in quo Sacerdotes Aaronici juxta Legem Mosis scriptam ministrabant altari 1 *Chron.* xvi. 30. 40. *Ec.* xxi. 29. xxiii. 26-32. 2 *Chron.* i. 3, 5. De hoc Tabernaculo loquitur David. vers. 8. & *Psf.* xxvii. 4.; atque proinde de Altari Bezaleelis illo æneo holocausti heic agit quoque. Quod cum emphasi *Jehovæ* esse dicit, Altare *Tuum*: id est, non modò in *Tui* honorem extructum; quo sensu *Altaria* post ædificatum Salomonis Templum in Regno decem tribuum, in quibus, uti volunt nonnulli eruditi, *Jehovæ* sacrificabant veri Israelitæ, dissimulante Deo ἀνομιὰν istam, *Dei* Altaria esse dicuntur: *Altaria* Tua destruxerunt, & *Prophetas* tuos occiderunt gladio 1 *Reg.* xix. 10. *Rom.* xi. 3. sed etiam ex *Tuo* mandato, imo speciali descriptione, & Artificis designatione, in cultum *Tui* solennem & quotidianum, *Tibique* gratum, & non ex humano arbitrio atque consilio, ædificatum atque erectum.

XVI. *Actio* ipsa circa hoc Altare exprimitur verbo **וַאֲסַכְכָּה** quod est cum ה paragogico, non ocioso fortè, sed intendente significationem, & futuri temporis, positi ex more Hebræorum ad continuum indicandum actum; quapropter rectè vertitur in præsenti, *circumdo*, vel potius, *circumdeo*. Verbum hoc in *pibel* occurrit adhuc, præter hunc Locum,

una

DE LOTIONE MANUUM IN PURITATE. 133

undecies in Sacris, nisi Concordantiæ Buxtorfii fallant, & si bene calculum institui, significatione variâ. Quandoque notat simul & undiquaque *cingere* & *circumdare* aliquid; sic de aquis cingentibus Jonam *Jon.* II. 3, 5. (vel 4. 6.) & de Canticis undiquaque auditis *Psf.* XXXII. 7. Quandoque verò *successive circumdare* aliquid seu *circuire*; sic de Sponsa circuitura urbem, *Cant.* III. 2. de hostibus circumeuntibus civitatem *Psf.* LIX. 7: 15. Quo sensu in *Kal* & *Hiphil* etiam sæpius occurrit *Jos.* VI. 3. 4. 7: 11. 14. 15. &c. *Circumeundi* successive sensum heic etiam tenendum existimo, quia David manifeste a *manibus* in sinceritate lotis ad *pedes*, ejusdem sinceritatis in cultu divino *Testes*, progreditur.

XVII. *Pedibus* vero *Circumire* Altare Holocausti solius Sacerdotis Aaronici fuisse officium ac privilegium videtur. Et fuit omnino si ipsum Altare, ejusque Ambitum atque Ambulacrum spectemus. Gradus sive *בִּמְוָה* (vel Clivum potius) altaris *Sacerdotes* adscendebant eâ parte quæ orientem spectat, & descendebant illâ quæ est versus occidentem, *Summus Sacerdos* verò ascendebat & descendebat in die expiationis in medio: uti ex *Joma* c. 4. adnotavit *Joh. Henr. Osbo* in *Lexico Rabbinico-Philologico*, ad vocem *Altare*. *Sacerdotis* erat circuire aram. Videlicet prius debebat lavare ad mare æneum, & inde redire ad latus altaris, unde spectaret (Sacerdos) Tabernaculum, quod non poterat fieri nisi circuitione magnæ partis altaris, cum mare illud propius tabernaculo esset quàm ara: uti monuit *Gussetius* ad *אֲמָן*. In aspersione sanguinis Victimarum pro peccato Coetus & privatorum, procedebat Sacerdos in *סוּבָב* *Cingulo* Altaris, ad quod per Clivum adscendit, a cornu Orientali meridionali, cujus vertici sanguinem primò admovit, ad Cornu Orientale septentrionale, & ab hoc ad cornua Aquilonare Occidentale, & tandem Occidentale meridionale transibat, eaque cruore eodem ritu imbuebat. Postea ea, quibus venit, in cingulo vestigia legens eò redibat unde digressus fuerat, quemad-

modum ex Gemara Sebb. tradidit Doct. Joh. Jac. Cramerus, de Ara Exteriore Cap. iv. p. 58. Vide etiam ipsum *Tractatum זבחים* Cap. 5. Nec non *Clar. Reland. Ant. Heb. Part. 1. Cap. ix. §. ix.* Altare holocausti Mosaicum istiusmodi Ambulationis Sacerdotum loco neutiquam destitutum fuit. Huc enim referenda putem omnino Loca: *Exod. xxvii: 4. 5. & xxxviii: 4. Et facies ei cribrum opere retis æris, & facies super reti quatuor annulos æris super quatuor extremitatibus ejus. Et pones illud תחת כרכב* subter Ambitum altaris inferne, & erit rete usque ad medium altaris. *Et fecit altari cribrum opere retis æris, כרכבו תחת* subter ambitum ejus infernè usque ad medium ejus. Vocem כרכב Onkelos & Jonathan per סובב & סובבא Circuitum, Ambitum vertunt. Talmudici in *Tractatu מדות* Cap. 3. Altari Templi tribuunt, & הסובב Circuitum, Ambitum, Cingulum, in medio fere ejus, & מקום הילוך דנלי הכהנים Locum ambulationis Sacerdotum in superficie ejus. Hunc in Altaris suprema parte, spatio, quod inter cornua erat, vel uno cubito profundiorum & interiorum cum Doct. L'Empereur, vel illi לוֹמֶדֶד fuisse, cum Doct. Cramero, volunt. Utrumque erat Ambulacrum Sacerdotum. Illud, inquit Cramerus, calcatur a Sacerdotibus, qui quadrupede piaculum, aut aue holocaustum faciunt. Hoc verò ad ordinanda ligna, vertenda forcipe profecta, aut alia hujusmodi. Utrumque fuisse in Altari Tabernaculi nonnulli volunt, nec improbabile est. Alii tamen putant, inquit *Clar. Relandus Ant. Heb. Part. 1. Cap. iv. §. v.* Unum circuitum suffecisse huic exiguo Altari, maxime quum nullorum præterea mentionem faciat sacer scriptor, & formæ altaris portatilis vix conveniant. Talmudici apud Cramerum, cap. v. כרכב Ambitum Altaris Mosaici de Ambulacro Sacerdotum in Capite ejus explicant, quodque, & spatium inter cornua, & aliud interius cubitale, comprehendisse volunt. Quidquid sit Sacerdotis solius erat pedibus calcare Altaris סובב ambitum, vel סובב'ם ambitus duos, dum ei ministrabat ex Lege. *Levitis* ipsis

DE LOTIONE MANUUM IN PURITATE. 137

ipsis interdictum erat sub *pœna mortis* ad *Altare accedere*, *Abaronidis* tantum demandata erat *omnis Res Altaris* כל דבר המזבח / *extraneus* verò, si accesserit, *occi*di debebat *Num.* xviii: 3. 4. 5. 6. 7. Unde *Paulus* *Hebr.* vii: 13. *Nam* is de quo hæc dicuntur, ad *aliam* tribum pertinet, ἀφ' ἧς ἑδελς προσέσχθηκε τῷ θυσιαστηρίῳ, de qua nullus attendit, operam dedit, *altari*. Conf. 2 *Chron.* xxvi: 16. 17: 18. Imo & nulli nisi *Sacerdoti* *Altare* tangere ejusque cornua licuisse volunt *Judæi*, atque *Legem* illam *Exod.* xxi. 14. *Et cum superbierit vir contra proximum suum ad occidendum eum in astutia, etiam ab altari meo rapito eum ad mortem, de Sacerdotibus accipiunt.*

XVIII. Quoniam itaque *David* ex *Tribu Judæ* fuit, hinc *Difficultas* oritur, quomodo sibi *circumitionem Altaris Domini* tribuere queat hoc in *Loco*, utpotequæ solis *Aaronicis Sacerdotibus* incumberebat & licita erat ex *Lege Divinâ*. Verum difficultas hæc non est tanta, ut *literam* me deferere, atque ad *Veterum & Recentiorum allegorias* amplectendas cogat. Quales apud *Hieronymum, Bedam, Lombardum, Hugonem Cardinalem*, aliosque, legi possunt. Juxta hos enim *Altare* hoc *Domini* esset; Vel ipse *Christus*, ita dictus a *Paulo* *Heb.* xiii: 10.; Vel *eminentia Sacerdotii* ejus impassibilis & immortalis in cælo; Vel *sublimia cælestis Hierosolymæ* loca, ad quæ nemo pertinget, nisi qui sit *lorus* manibus & mundus operibus, & ubi æternarum laudum voces & cantica audiuntur; Vel *Mens* propria, in quâ *Deo* vota offeruntur, & quæ virtutibus ornari, ac quotidie per *discussionem & circumspectionem* circumdari debet; Vel denique *Fides*, in quâ debent offerri *hostiæ bonorum Operum*, & cui quodlibet munus nisi sit innixum, non est *Deo* placitum, quodque *Altare* circumdari debet *defensione articulorum fidei*; &c. Quæ subtiliter excogitata præter rem heic dici, quilibet facile animadvertit.

XIX. His *Veterum glossis* præferenda quidem, haud tamen sequenda videtur *Luce Osiandri* *Expositio* hujus pericopæ,

copæ, & circumdabo altare tuum Domine, quæ ita se habet; *Ego amplector eos cultus qui tibi placent, quos tu mandasti. Altare enim Domini ipsi est, quod juxta expressum verbum ejus est ædificatum & institutum, non excogitatum humano arbitrio; quodquej metonymice pro cultu omni à Deo instituto ac ipsi placente accepit; ac Circumdationem ejus spiritualem intellexit, quæ fit mente, intellectu, cogitatione, meditatione, desiderio, amore ac curâ omni. Non divagatur quidem hæc Explicatio a significatione verbi סבב / quod in pibel Circumdandi non modò notionem habet; sed etiam spirituali sensu accipiendum videtur, Deut. xxxii: 9, 10. Pars autem Domini, populus ejus: Jacob funiculus hereditatis ejus. Invenit eum in terra deserti, & in vastitate ululatus solitudinis, סבבנהו Circumdedit eum, amplexu conjugali, amore & defensione potenti, erudiit eum, custodivit ut pupillam oculi sui. Attamen minus placet hæc quoque Expositio quia tropum non unum in Textu statuit, ad quem declinare non oportet absque necessitate, quam hætenus non comperio*

XX. Proprietati itaque literæ inhærens, non assumam, ad diluendam hanc difficultatem, R. D. Kimchii, etiam apud Viccars ad hunc Locum, notatam, & a Petro Martyre in 1 Sam. vii: laudatam, hypothesin, quod ante Templum ædificatum, quilibet absque peccato obtulerit sacrificium suum. Hæc enim, (quatenus etiam extenditur ad Altare Domini,) minime probatur ex locis, ubi Samuel Levita 1 Sam. vii: 9. 10., Saul ex Benjamin 1 Sam. xiii: 9. 10. 12. David ex Juda 2 Sam. vi. 17. 18. & Salomo 1 Reg. iii. 4. ix. 25. ut & Elias 1 Reg. xviii. 32. 33. sacrificasse leguntur. Nam sacrificatio his in locis memorata; vel peracta non fuit in Altari Tabernaculi de quo loquitur Psalmus noster, uti illa Samuelis in Mispa, Saulis in Gilgal, & Eliæ; vel per Sacerdotes mediata facta fuit, uti illa Davidis & Salomonis, & forte Samuelis quoque, ut & Saulis. Quamquam de Samuele extra ordinem ad id à Deo vocato multi haud absque omni ratione credant, ipsum immediatè sacrificasse quandoque; nunquam tamen in

Lo-

DE LOTIONE MANUUM IN PURITATE. 137

Loco sacrificiis ordinariis aut quibusvis populi destinato, utpote in quo Sacerdotibus Aaronicis tantum sacrificare licuit. Saltem *David* ex *Juda* oriundus, nunquam accessit ad *Altare Jehovah*, ad offerendum ei, nisi per Sacerdotes Aaronicos, quod ob Auctoritatem Pauli *Heb. vii. 13.* firmiter tenendum est.

XXI. Non dicam quoque, ut solvam difficultatem illam, hæc esse *verba Sacerdotis Levitici*, qui à Davide Auctore Psalmi heic loquens introduceretur. Novi quidem à variis assumptam hypothesin, quod David, in *Psalmis Israël*, quandoque in persona suâ, quandoque Ecclesiæ totius, quandoque Capitis ejus, quandoque iterum certæ partis ejus, loquatur; nec eam simpliciter improbo. Concedo etiam juxta hanc hypothesin, potuisse eum heic loqui in Persona Sacerdotis Aaronici, quia Sacerdotes præcipuam Ecclesiæ partem constituebant. At vero istiusmodi personarum mutatio nec temerè nec ubique in Psalmis statuenda est. Quod verò in verbis nostris non loquatur Sacerdos, exinde colligi posse existimo, quia *manuum* quidem, nulla verò *pedum* mentio fit in iis, quos tamen Sacerdos ante sacra æque lavare debebat ac *manus*, ac proinde Sacerdos Aaronicus dixisset in Textu, *Lavo manus & pedes meos & circumceo altare tuum Domine.*

XXII. Neque urgebo illud, Davidem circuivisse Altare Domini, *Mediante* nimirum *Sacerdote pro hominibus* substituto *Heb. v. 1.* quo sensu sæpius dicitur *obtulisse sacrificia*, uti supra monitum est. Nam minus apta sic foret Textus cohærentia, si præmissa *Lotio manuum*, ad cultum sacrum præparatoria, esset actio *ipsius* Davidis, & *circuitio altaris*, præparationis istius consequens, non *ipsius* Davidis sed Sacerdotis, ejus nomine agentis, esset operatio. Conjunguntur enim hæc manifestè in eadem personâ in Textu. Unde & illos sequi nequeo, qui de *Cantorum Choris*, a Davide institutis, ut altare circumirent, atque laudes Jehovah canerent *Ecclesiast. xlvii. 11.* heic cogitant, apud *Le Blanc.*

S

XXIII.

XXIII. Minus denique nunc placent mihi quam antea cogitata *Clar. Guffetii*, ad verbum נִסְחָן / qui Nomen Figuræ ac Typi moralis heic datum fuisse à Davide rei spiritali figuratæ contendit. Noverat nempe ille Sacerdotes in Opere suo, & speciatim in Circuitione Altaris ipsius, figuras esse Fidelium Morales, eorumque functiones corporeas adumbrare certos Fidelium Actus in spiritu & veritate exercendos. Atque hinc est quod tribuat sibi, phrasi petita ex Figura Veteri, id quod eâ Figurâ adumbratum erat; attentam nempe meditationem, & contemplationem, ac receptionem Sacrificii Messiae, Victimis Legalibus præfigurati, quam *Circuitio Altaris*, quæ Sacerdotis erat, ut decentem & necessariam ob oculos ponebat atque effigiabat.

XXIV. Supponitur scilicet in hisce ut & aliis supra memoratis Cogitatis, quod Litera Textus agat de *Circuitione Altaris* ipsius, quæ *Sacerdotibus propria* erat; sed malè. Intelligenda sunt verba hac de *Circumdatione Altaris*, vel potius *Circumitione ejus*, quæ in *Solo Atrii* à privatis fieri poterat, & fiebat quandoque, ita nempe ut ipsum Altare, ejusque Fundamentum, Ambulacra Sacerdotum in ejus medio & superficie, ac cornua ejus, ne tangerentur quidem. Ad significationem simul & undiquaque *Circumdandi*, quæ inest quoque verbo סָבַח / attenderunt illi, qui cum *Aben Ezra* Davidem respexisse judicant, ad hostias à se tanta copia, manu Regis, ut est 1 Reg. x. 13. offerendas, ut in circuitu Altaris colligari deberent, illudque undiquaque cingerent, atque *circumdarent*; quemadmodum legitur *Psalm: cxviii. 27. Ligate מִן* sacrificia Festi funibus, usque ad קַרְנוֹת cornua angulos latera Altaris. *Vinctæ* fuerunt hostiæ, cum in atrium adducerentur, mactationem ibi expectantes, sive homines tenuerint funes, sive hi parietibus fundoque annexi fuerint. Multitudinis verò argumentum fuit, si alia atrii loca animantibus tam referta essent, ut ad aræ quoque latera ea admoventi oporteret, quo Israël's vulgus raro ad-

mit-

DE LOTIONE MANUUM IN PURITATE. 139

mittebatur. Neque id locum habuit nisi in Festis, unde Sacrificia ista אין Festa appellat. Tum verò ista hortari non frustra fuit, quia Deus τοῖς ἱερτάζουσι certum victimarum numerum non præscripsit, sed ipsorum pietati liberalitatisque reliquit, uti bene monuit Doct. Cramerus de Ara Exter. Cap. v. §. 111. Laudavit hanc explicationem Bucerus. Ebræi ad hostias referunt quibus altare Domini circumdederit, & non abs re. Nam ut ardebat studio Dei ardentissimè, ita crebris id hostiis testari summa voluptate studebat. Verum sic Circumdatio Altaris ipsi meditare rursus per hostias tribuitur, cum ἀμύληχία membrorum textus potius suadeat, ut utrumque Davidi immediatè attribuamus. Deinde commendatior evaderet hæc exegesis, si *Votivè* dixisset, *lavabo* manus, & *Circumdabo* Altare, solenni illo lætitiæ die scilicet, quo Tibi pro Liberatione meâ ab hostibus publicas referre gratias constitui. Atqui *Votivè* non putem eum hæc protulisse verba, sed *Narrativè*. In sinceritatis enim Argumentum adducit cultum Deo ex animo & Fide Messîæ, non semel, vel aliquando, solenni occasione, sed frequenter à se præstitum & fieri solitum in Tabernaculo.

XXV. Quæ Observatio militat quoque adversus illorum Expositionem, qui cum *Jarchio*, (loquente heic de לולב *Lulaf* ramorum fasciculo, quem furtum vel raptus faceret profanum, a quo crimine se immunem heic testaretur David, innocentiam suam commemorando) respexisse Davidem autumant ad solennitatem Festi Tabernaculorum, quando ramis salicum elevatis ad latera Altaris, ita ut extremitates inclinatæ essent super altare, hoc quadantenus *circumdabant*; & præterea cum *Lulaf* manu gestato singulis diebus Atrium ingrediebantur, & (non promiscuè plebeji, sed maximè Viri muneribus spectabiles, vel etiam sapientiâ eruditione & pietate insigni celebres, qui in hac Lætitiâ Festi prima, æque ac in Saltationis tertiâ illâ, uti videtur, Actores fuere præcipui), quolibet die *circumibant* altare semel, septimo autem die septies, *Hosanna* ex Psalm cxviii. occinen-

tes. Vide Tractatum Mischnicum סוכה / & Othonem in *Lex Rabb. de Festo Tabernac.* aliosque. Huc Locum nostrum spectare verosimile judicat *Clar. Altingius* in *Deut.* xvi. 13. *Habuit hoc Festum* (Tabernaculorum) *triplicem lætitiā propriam.* *Prima est, quam Hofanna vocant.* Quæ *Levit.* xxiii. 40. mandantur de ramis accipiendis, intelligunt *Judæi* non pertinere ad tabernacula conficienda (quod tamen factum *Neb.* viii. 16.) sed quatuor illas species gestant, ramos palmarum, myrti, & salicis colligatos in fasciculum, manu dextra, sinistrā autem pomi citreæ; atque sic circumviverunt altare semel singulis diebus, moventes ramos illos sæpius quaquaversum; dum recitabatur *Psalmus* cxviii. exclamabant autem gestantes ex eodem *Psalmo* vers. 25. *Hofanna Hatslichanna;* die septimo autem eodem ritu circumibant altare septies, & ingeminabant eadem verba; unde *Hofanna rabba* appellatur. חן אֶפְסֵי (lc. חן אֶפְסֵי) circulum notat, unde חן אֶפְסֵי redditur circulum obivit, huc forte spectat illud *Pf.* xxvi. 6. *obeo altare tuum.* Procul omni dubio Lætitiā hæc prima Festi Tabernaculorum à Talmudicis descripta serioris ævi est, quam ut *David* ad eam omnem respicere potuerit, pars aliqua tamen hujus Lætitiæ, nempe *Circuitus Altaris*, isto Festi tempore, solennior cum saltatu & tripudiis forte obtinuit. Verum *David* hîc non ad solennia adeo quàm ad quotidiana potius *Sacra* respexisse videtur.

XXVI. Scilicet in *Atrium* Tabernaculi admissi quoque fuere privati, hostiam Deo Offerentes. Hanc enim adducere debebant ante ostium Tabernaculi conventus, & constituere לפני יהוה coram facie *Jehovæ*, id est, in Atrio, eique ibi manus suas imponere, *Levit.* i. 3, 4. Imo & mactationi ejus, & excoriationi atque dissectioni interesse, operamque ipsimet dare poterant, quemadmodum *Judæi* haud inepte colligunt ex vers. 5. *Et mactabit filium bovis coram facie Domini, & offerent filii Aaron Sacerdotes sanguinem, & spargent sanguinem super altare circum;* &c. Adeo ut erret *Le Blanc*, quando scribit, in *Atrium Levitarum*

DE LOTIONE MANUUM IN PURITATE. 141

non licebat *Laicis ingredi*. Maximè verisimile est, pios *I-*fraëlitas permanfisse aliquantisper in Atrio, oculos testes eorum quæ a sacerdote peragebantur in Altari, imo hoc, ut melius omnia contemplari possent, etiam *circumivisse*, quod utique Lege nullâ prohibitum erat. Rectè *Amesius* in Locum hunc, ad Quæstionem, *Quid est circumire Altare?* respondit: *Cultum præscriptum diligenter & alacriter celebrare. Populo enim non licebat attingere altare, sed spatio quodam interposito contemplari, quæ ibi agebantur: qui autem maximo cum zelo hoc agebant, ut possent omnia quæ ibi fiebant diligentius observare, non stabant ab una parte, sed circumcirca movebant sese, ut suis oculis eò plenius usurparent illa quibus tantopere afficiebantur. Simile quid significatur cum eo quod David fecit in deportatione Arcae 2 Sam. vi. 14. Apud Gentes varias hoc etiam in usu fuisse, ut sacrificantes Deorumque præconia canentes Circumcurrerent aras, breviter adnotavit Isidorus Hisp. Orig: Lib. xix. Cap. xxx. Nomen coronæ hac ex causa vocatum quod initio circum aras curreretur, atque ad imaginem circuitus vel chori est formata & nominata corona, sed fusc docuit Le Blanc ad Locum nostrum; qui quidem Circuitum Altaris à Davide ipso pedibus corporeis conficiendum rectè intelligit, sed male extra Atrium collocat Davidem, dum ita commentatur. David non poterat altare holocaustorum ex omni parte circuire, quia erat in Medio atrii Levitarum, in quod non licebat laicis ingredi, sed poterat tantum à parte orientali, meridionali & septentrionali hoc facere. Nam tabernaculum erat in parte occidentali.*

XXVII. Quando itaque dicit David se *circuire Altare*, testatur; se manus lavare ut Victimæ Deo offerret, lotasque eis imposeret; se porrò non statim abire ex Atrio, sed permanere aliquantulum, atque adstare non modò Altari, sed & illud successive Circumire, atque omnia quæ in Altari fiebant attentis oculis contemplari. Nimirum I. ut fidem suam in Messiam sponsores moriturum ut Victimam

Vicariam pro Electis hoc amænissimo spectaculo pasceret, sacrificiis nempe in Altari oblatiis, quæ figuræ erant Messiae offerendi olim, & sacramenta gratiæ Dei in Christo erga Fideles: confer *Psalm. xxvii: 4. II. Ut audire faceret Vocem תודה Confessionis; tum peccatorum suorum, quæ dignum se effecerant, ut igne iræ divinæ æternæ consumeretur: tum Virtutum divinarum Justitiæ imprimis & Misericordiæ, in substituto Sponsore divino conspicuarum, cum laude illarum, ebuccinandâ à Cantorum Choris a se assumtis, quibus ipse immistus foret, imo quos præiret lætus; & cum gratiarum actione humili pro gratiâ in Christo accepta, & reliquis beneficiis omnibus innumerabilibus, vers. 7. III. Et tandem ut sic laudando Deum eique gratias agendo, enarraret omnia mirabilia Jehovæ vers. 7. id est; Opera ejus Naturæ non modò sed Gratiae præcipuè, in Electorum mirabili Redemptione per Mediatorem Divinum, ejusque sanguinem fundendum certò; & Mysteria fidei quoque captum humanum superantia, decentissima tamen & necessaria ad salutis peccatoris procuracionem, quale est Mysterium Trinitatis & Incarnationis Filii futuræ; &c. & denique Veritates latentes sub Cerimoniarum Leviticarum involucris, atque Tabernaculi Mosaici umbris.*

XXVIII. Unde apparet & confirmatur valide, Davidem aliosque pios probè scivisse atque tenuisse Typicam in Sacrificiis Leviticis, omnique Cerimoniarum choragio fuisse Christi sponsoris, & morituri pro Electis, præfigurationem. Deinde & Scopo Davidis hæc cuncta optimè militant. Etenim vult probare *sinceritatem suam Domina*. Producit aptissime hunc in finem manus, non modo physicè vel ceremonialiter, sed moraliter mundas, cum mente purâ conjunctas. Deinde ne videretur dolosè suam innocentiam legaliter imperfectam loco perfectæ justitiæ se vellet obtrudere Deo sanctissimo, testatur de Fide sua in Christum moriturum, quam ut exerceret magis vividè cum abnegatione omnis justitiæ propriæ; *circumibat altare, ut* Typi-

DE LOTIONE MANUUM IN PURITATE. 143

Typicos Victimarum in eo oblatarum sensus scrutaretur, illasque ut Sacramenta misericordiae Dei in Christo erga se oculis usurparet suis. Atque adeo ostendit, se quidem externas cerimonias religiosissimè observare, in iis verò non hærere, sed Deum spiritu etiam & magis colere, eumque amare *ἐν πίσει αὐτοκαίῃς*. In quibus utique signa sinceritatis in Religione præcipua comparent.

XXIX. Tandem quia hoc nemini præter semet ipsum nisi soli Deo notum esse poterat, idcirco *Provocat* ad Jehovah omniscientiam, dicendo & addendo in fine versus יהוה *Jehova*. Sic invocat Jehovah solum Adorabile Numen. Sic testatur se illi soli, ut decet, offerre holocausta & victimas suas omnes. Sic videtur restipulari gratiam Mediatoris omnem in Foedere Abrahamico promissam credenti in semen ejus. Sic tandem Jehovah omniscium Testem suæ sinceritatis esse vult, quod facere ausus non fuisset, nisi integritatis animi sui habuisset conscientiam. Est itaque quasi dicat: *Jehova! Tu scis animum meum fraude vacuum; Tu nosti me ita lavare manus cum innocentia, & circumire Altare tuum, meditando sacrificium Messiae tui certissimè futurum, credendo in illum ad justificationem meam coram Te, laudando denique Misericordiam tuam infinitam erga me, & tandem me Tibi vicissim offerendo in hostiam gratitudinis humillimæ; atque adeo Te minime latet me ambulare in integritate mea בְּתָמִי coram Te.*

XXX. Sic clarissimè, ut hoc Coronidis loco addam, in Davidis Exemplo apparet: Veteres mysteria Tabernaculi & Altaris Levitici probè intellexisse: Fideles puritati morali simul cum observatione externorum rituum studere, ex Fide in Messiam, nitentes unicè hujus justitiâ sola coram Deo: Pios denique se præparare ad cultum Dei publicum & solennem decenter, & non nisi puris cordibus & manibus, lacrymis pœnitentiæ, sanguine Christi, & Spiritus sancti flumine lotis, se conferre ad preces, ad Verbi Auditum & Lectionem, & imprimis sacrae Cœnæ Usus.

DIS-

DISSERTATIO QUINTA


D E

AMOENITATIBUS SEU MYSTERIIS TABERNACULI LEVITICI, A PIIS VETERIBUS INTELLECTIS AC CREDITIS.

A D

P S A L M. XXVII: 4.

I.



Ide in Deum, & quæ ferebatur modò in generale gratiæ & favoris Divini promissum, vitæque juxta Dei voluntatem sincerè compositâ, justificatos fuisse Patres ante Christum, tenent *Remonstrantes* in *Confessione* Cap. vii. §. 8. Fidem autem justificantem illam, quâ creditur, Messiam moriturum esse ut victimam piacularem, & morte suâ redemptionem populo suo impetraturum, ex præcepto fuisse necessariam ad salutem illis, & exercitam, aut etiam simpliciter viguisse sub V. T. ex Scripturis probari posse negant *Iidem* in *Apologia* pro *Confessione* Cap. vii. Etsi Fidem historicam in Christum venturum, non salutarem, & in Samaritanis quoque locum habentem *Job. iv. 25.* in multis, serioribus imprimis temporibus viventibus *Luc. ii. 38.* vel etiam si ita placet in Christum simpliciter moriturum, in nonnullis obtinuisse concedant, *Ibidem*, ut & in *Respons. ad Specimen decimum Calumniarum*, uti vocant. Nempe obscurissimas esse, quæcunque sint, de Christo *Morituro*
pro

DE AMOENITATIBUS TABERNACULI. 145

pro peccatis mundi, & Resurrecturo, Regnoque ejus spiri-
tuali, prophetias, atque adeo *vix ulli intelligibiles* fuisse,
contendunt, atque probare conantur: *tum ex Typo Jonæ à*
Domino adducto verisimiliter quia apertiora prædictionum
de morte & resurrectione Messiae verba non extabant, vix
tamen ab ullo pro Typo prophetico habendo, nisi Christus
ipse id explicuisset: tum ex Apostolis Christi, qui Jesum
Dominum suum pro Messia ac Filio Dei habebant quidem,
at de Morte & Resurrectione ejus, etiam post iteratam u-
triusque prædictionem à Domino factam, & prövocationem
ad Prophetarum Vaticinia, dubitabant non modò, sed &
sermone ejus offendebantur, eumque à periculo mortis sub-
cundæ dehortabantur: tum ex Judæis hodiernis præfractè
negantibus Messiam fore moriturum, aut ex morte resur-
recturum, atque Christianam Religionem pertinaciter eo
solùm nomine respicientibus quòd Messiam sive Auctorem
ejus mortuum ac crucifixum tradat atque agnoscat: tum de-
nique ex Lege, quam umbras habuisse rerum futurarum Pau-
lus non uno in loco affirmat, quæ dicta ejus colorem non ha-
berent, si clara de morte Christi expiatoria in Lege & Ce-
remoniis Leviticis extaret prædictio. Dicunt porro se qui-
dem præfractè negare nolle has ceremoniales de Morte
Christi piaculari prophetias, ut & verbales alias, intelle-
ctas fuisse; verùm addunt, Fidem in Christum moriturum
pro peccatis mundi, ejusque Cognitionem, Deum ab ipsis non
efflagitasse, neque ipsis ad salutem necessariam fuisse, cum
Deus gratiam Christi, sub generali favoris Divini promif-
so comprehensam etiam, & figuris typisque adumbratam
& velatam, ipsis applicare potuerit, sive eam per typos illos
ac umbras respexerint, sive eam non respexerint, sed extra Le-
gis literam nihil ulterius cogitarint, uti loquitur Limborchius
Theol. Christ. Lib. III. Cap. IX. §. XXIII. imò ajunt, quod,
si forte obtinuerit hæc Fides & Cognition Christi morituri &
se oblaturi pro peccatis mundi, ea in paucis tantùm locum

T

ha-

habuerit, & sapientioribus, cæterum & hoc ipsum, quòd nonnulli intellexerint tales Prophetias, & speciatim ceremonias Legales de morte Christi vicariâ vaticinantes, ex Scripturis difficulter admodum probari posse contendunt. Ipse Arminius in Apologia sua adversus Articulos xxxi. ipsi obiectos, ut in quibus essent *heterodoxias* ejus specimina, ad Articulum xi. qui ita se habebat; *Dubium esse, an Fideles in Veteri Testamento intellexerint, ceremonias Legales fuisse Typos Christi & beneficiorum ejus*, hunc in modum respondit. *Non memini me unquam id dixisse, imo non dixisse scio, quia necdum ausim dicere: sed dixi, quousque Veteres intellexerunt ceremonias legales Christi Typos fuisse, non inutiliter inquiri posse: saltem non intellexisse prout jam patefacto Evangelii mysterio intelligimus, mihi certum est, nec puto esse, qui negare ausit. At velim fratres nostros operam sumere probandi, quod fideles in V. T. id intellexerint. Sciunt enim id ipsum, non modò in dubium vocari à nonnullis, sed & fidenter negari. Experiantur & videbunt quam id futurum sit difficile. Loca enim quæ id probare videntur tam speciose ab adversariis ipsis eripiuntur, ut qui non solet assentiri nisi bene probatis, facile ad dubitandum induci possit, an fideles sub V. T. istius rei notitiam habuerint: præsertim si cogitet, totam veterem Ecclesiam in infantili ætate fuisse, Gal. iv. 3. ideoque ut infantem sapuisse, cui an competat in istis corporalibus videre spiritualia, tanquam per ea significata, dispiciant, qui norunt id dictum; Quum essem infans, ut infans sapiebam. Inspiciantur & ipsa loca, quæ nos dicimus typicam habere significationem jam à Christo & Apostolis edocti, an tam sint plana, ut absque Messie prævia interpretatione ea intellecturi fuerimus secundum spiritualem intelligentiam? post nonnulla ad rem hanc spectantia inserta, ita de Davide ipso porrò loquitur. Quis plures de Messia promissiones accepit, quam David, aut plura de illo vaticinatus est? attamen, non immeritò quis dubitet, an David intellexerit Messiam fore Regem*

gem spiritualement & cælestem (qui scilicet suis bona dat cælestia, passione & morte sua impetrata) quum ille, ubi cor suum effudisse videtur ad Dominum (2 Sam. 7. (ne verbo quidem ejus suæ intelligentiæ indicium præbeat, quod tamen magnopere ad magnificandum Jehovaham, & fiduciam suam confirmandam pertinebat, &c.

II. Quando ita sentiunt cum Socinianis & Anabaptistis, atque loquuntur Arminiani de Fide in Christum moriturum pro peccatis mundi sub V. T. nec necessariâ ad salutem, nec præceptâ, nec exercitâ; ut & de ingenti obscuritate Prophetiarum de Morte Messiae piaculari, ac de Typis Legalibus haud olim intellectis: (nam intellectas fuisse non posse solidè probari existimant:) Primò tollunt præcipuum Unionis nostræ mysticæ cum Christo sponso & sponsore Vinculum, quodd est sola Fides, quæ ceu Consensus conjugalis connubium cum Christo ratum facit, & introducit communionem omnium bonorum ejus, cum quo facti sumus una caro, coll. Ephes. v: 31, 32. quod neque Amore ejus, neque Pœnitentia, neque Obedientia mandatorum Dei efficere potest; Amor enim & Obedientia alteri præstita non faciunt conjugium, sed Consensus. Hæc cum Christo Unio arctissima & imprimis conjugalis, necessaria est omni peccatori salvando ad remissionem peccatorum & jus vitæ æternæ obtinendum. Evangelium enim non perimit Legem Rom. III. 21. 31. nec Gratia justitiam Dei Exod. xxxiv. 6. 7. Rom. III. 24. 25. 26. Heb. II. 10. Et quia justitia Dei pœnam peccati exigit æternam secundum Legem, & Lex consummatissimæ obedientiæ addicit vitam Gal. III. 10. 12. inde necessarius peccatori electo factus est sponsor, qui pœnam æternæ æquivalentem pro eo ferat, & perfectissima obedientia Legis *δικαιοσύνη* impleat. Unde quoque est necessaria Unio cum Sponsore conjugalis, qua evadit is una cum illo caro. Non patitur enim justum Dei Judicium, ut justum censeat aliquem qui Justitiam non habeat. Non habet verò justitiam ullam peccator, nisi in Christo, &

per mysticam arctissimamque illam Unionem cum Christo *Ier. xxiii. 6. 2. Cor. v. 21. 1. Cor. i. 30.* Quæque ideo tantopere inculcatur in Novo Testamento, ubi Fideles sexcentis in Locis dicuntur esse *in Christo*; & celebratur pariter in Veteri Testamento, in *Psalmo xlv. Canticum Canticorum toto, Ies. Liv. 5. Hos. ii. 18, 19.* quia scilicet in eâ est fundamentum justificationis peccatoris coram Deo. Vinculum verò hujus Unionis præcipuum, absque quo Unio hæc nullatenus consistit, est *Fides actualis in Christum moriturum olim nunc mortuum in Adultis, vel Spiritus fidei in Infantibus electis.* Uti igitur Veteres electi justificati fuere propter justitiam Sponsoris certò adducendam *Rom. iii. 25, 26. Heb. ii. 10. ix. 15.* ita etiam necesse est ut Unionem cum eo habuerint per *Fidem.* Si vero hanc Fidem justificantem non habuerint, neque etiam verè justificati nec salvati fuerunt. Unde liquet Remonstrantium ex Socinianorum lacunis haustum hoc dogma fundamentum salutis peccatoris penitus evertere. Fide enim in Deum modo & generalium ejus promissorum, vitæque Sancta Unio hæc mystica cum Christo confici nequit, sed solo assensu amplexuque fiduciali oblatis Sponsoris & Sponsi, sive in Promissione Typisque & Imaginibus Legalibus, sive in Veritate Evangelii impletionis. Et frustra omnino hanc suam perniciosam hæresin Remonstrantes palliare student, dicentes cum *Arminio* duce, fidem generalium divini favoris promissorum & quæ ferebatur in umbras & Typos Christi, potuisse censerī pro fide in Christum, & si Veteres haud intellexerint Umbras illas esse & Typos Christi, quia hæc revera est *umbra* modò Fidei justificantis, quâ nec Deus Judex nec Sponsus ipse & Sponsor sibi illudi patiuntur. Et temere admodum in *Apologia* pronunciarunt iidem: *sufficit Christianis iisque qui sub N. Testamento vivunt, ut fidem in J. Christum necessariam esse ad salutem intelligant, & an iis qui sub V. Testamento vixerunt & mortui sunt necessaria fuerit, Deo relinquant.* Frustra quoque & ad fallendum

com-

composito animo hanc perniciosam sententiam suam tueri quodammodo conantur in *Apologia Cap. vii.* adducto scilicet consensu Patrum nonnullorum *Iustini, Clementis Alexandrini, & imprimis Chrysostomi*, statuentium sine Christi notitia confessione & fide salvari potuisse & salvatos esse complures ante natum & revelatum Christum, quorum Patrum dicta prolixè recensuit *Isa. Casaubonus, Exercit. i. ad Apparatum Annualium Baronii*, & hac eadem ratione interpretanda esse fideliter monuit. Silent enim de eo quod *Casaubonus* præmiserat: Neque enim negari videtur posse, Doctrinam de justificatione peccatoris, & causâ meritorîâ salutis, primis Ecclesiæ temporibus, & fere ante divini ingenii Virum *B. Augustinum*, vix satis dilucidè fuisse expositam. Quia igitur Evangelium æternum denuo est promulgatum, & justificationis Doctrina, à quâ incepit opus Reformationis, dilucide exposita est ex Verbo Dei, haud certe absque gravissimâ culpâ nunc temporis in hoc stantis & cadentis Ecclesiæ articulo errari potest. Callidè quoque dissimulant ea quæ *Casaubonus* subjunxit, nempe hæc dicta duriora interpretatione commodâ mollienda esse, & intelligenda de clara & perspicuâ, atque ut Scholastici loquuntur, explicitâ Christi notitiâ, (cujus intuitu ipse Paulus dixit Fidem nunc venisse, *Gal. iii. 23.*) non de obscura, ænigmatica & figuris involuta, qualem *Adamus, Patriarchæ, & pii deinceps omnes, vaticiniis de venturo Christo, & symbolis typisque legalibus, aut peculiari revelatione sunt consecuti*: & quæ ex loco uno atque altero ex *Chrysostomo* adducto evidenter probat Vir Eruditissimus; quibus addam nunc id quod habet idem *Chrysostomus Hom. liv. in Job.* ubi Abrahamum diem Crucis Christi vidisse docet: ἡ δὲ ἡμέρῃ ἐν ταῦτά μοι δοκεῖ λέγειν, ἡ δὲ σάββῃ, ἣν ἐν τῇ δὲ κεῖν περὶ τοῦ καὶ τῇ δὲ Ἰσραὴλ περὶ διευπώσε.

III. Secundò, Inepti sunt Remonstrantes; negantes Locum ullum esse in *V. T.* unde appareat fidem in Christum moriturum directè atque apertè præscriptam, atque ex præscripto exercitam fuisse, Respons ad specimem x. Calumniarum; si per

directum ac apertum præceptum, uti videntur velle, intelligant tale, *Credite in Jesum Christum, Filium Dei & Mariæ Virginis, Bethleemi nasciturum, & Hierosolymæ moriturum, atque à Judæis ipsis Crucifigendum, ut Victimam piacularem pro peccatis mundi*, quia ejusmodi apertum præceptum in V. T. extare, vel convenienter divino Consilio extare potuisse nemo sanus & sobrius unquam dixit aut cogitavit. Præterea *Iniqui sunt Arminiani*, si in *Respons: ad specimen x. Calumn:* cum Veteribus ac Recentioribus Hæreticis *Consequentias* innatas nolint hac in causâ admittere, sed postulent, ut controversa sibi totidem literis ac syllabis in scripturâ monstrentur. Denique palam *Falsi* sunt, si, quantum attinet *directum & pro ratione Oeconomix Veteris satis apertum ac intelligibile Mandatum fidei justificantis* in Messiam Redemptorem spirituale, negent ullum dari locum in toto Veteri, & in toto Novo Testamento, ex quo tale mandatum datum fuisse appareat. Manifestè enim Præceptum fidei justificantis in Messiam datum esse Veteribus liquet ex *Jes. xxviii. 16. coll. cum Rom. x. 10. 11. 1 Pet. ii. 6. & ex Habak. ii. 4. coll. cum Rom. i. 17. Gal. iii. 11., & ex Act. x. 43. & ex 2. Tim. iii. 15. Teque à puero & πῆρεος* (quando scripta N. T. nondum extabant) *sacras literas novisse, quæ te possunt sapientem reddere ad salutem, & ἀπὸ πῆρεος ὃ ἐν χριστῷ ἴησῷ*: quæ postrema verba continent *Modum*, quo possunt *ἐξ ἐγγύμαται* illa σοφίσαι Judæum ad salutem, nimirum quia *fidem* tradunt atque præcipiunt in Christum: & denique, ne plura adducam, ex illustri oraculo illo *Gen. xxi. 18. וְהִתְכַּבְּרוּ בִּזְרַעְךָ כָּל גּוֹי הָאָרֶץ* *Et benedicentur in semine tuo omnes gentes terræ.* In quibus verbis est *promissio* justificationis gratuitæ facta primò genti Israëliticæ ex Abrahamo, dein & reliquis, neutiquam per Legem postea super ingressam irrita facta, & simul *præceptum fidei* in Semen promissum quod est *Christus*, quâ *uni-ventur* cum eo, ut Deus justus sit justificans eum qui est ex fide Christi, *conf. Gal. iii. 8. 16. 19. Gen. xii. 3. Act. iii. 25.*

IV. *Tertio*, nimirum quoque exaggerant *Obscuritatem* Legis umbratilis Verbique Prophetici, quod *Lumini*, quamvis minori & obscuriori, atramen *Lumini*, comparatur *Psalms*: cxix. 105. 2 *Pet.* i. 19. quemadmodum & *Lex Jehovæ* dicitur *sapientiam afferre imperito* *Psf.* xix 8. & tota *Scriptura V. T.* laudatur, ut in quâ est sufficiens instructio de Christo, salutis unica viâ, omni salvando, *Luc.* xvi. 29. *Joh.* v. 39. 46. 47. 2 *Tim.* iii. 15. 16. 17. *Deut.* xxx. 11-14. coll. *Rom.* x. 6. 7. 8. Et infeliciter hanc Prophetiarum Verbalium & Realium de Christo morituro pro peccatis mundi obscuritatem probare comantur: Tum ex *Typo Jonæ*, adducto à Christo, certè non ex inopiâ prædictionum clariorum Verbalium, postea magno numero prolatorum *Luc.* xxiv. 27. verum occasione *Signi* à Pharisæis postulati *Matth.* xii. 38-40. *Luc.* xi. 29. 30. Tum ex *Mortis Christi prædictæ ignorantia* in ipsis *Apostolis*, & reliquis *Discipulis Domini*, fascinati opinionem regni carnalis ab ipso in terris erigendi *Matth.* xx. 21. *Luc.* xxiv. 21. nec cogitantibus de Cruce à Christo subeunda, imo dehortantibus eum ab illâ, *Matth.* xvi. 21, 22, 23. à Domino merito reprehensis; Si enim fuerit in ipsis *Ignorantia* mysterii Redemptionis per mortem Messiae, hæc minimè ex Oraculorum Prophetarum obscuritate, sed ex temporis, quo vivebant infelicitate, coll. *Joh.* iii. 10, 12, 14, 15. & ex communi tunc gentis Judaicæ per divinum Judicium Occæcatione *Jes.* vi. 9, 10. xxix. 10. ii. 12, 13. repetenda est; unde *aperuisse* scripturas Christum dicunt Emauntici, quando *Mentem* eorum *aperuit*, quia Scripturæ non erant clausæ in se, sed instar Libri clausi ob cæcitatem eorum; Petrus verò non magis ex defectu intelligentiæ Scripturæ obscurius scilicet prophetantis de Morte Christi, quam ex ignorantia clarissimæ prædictionis veracissimi Domini de morte sua violenta, nec non Johannis Baptistæ *Joh.* i. 29. dehortatus est eum, verum ex incogitantia, & præcipiti imperu atque affectu amoris carnalis Domini abreptus dixit ali-

aliquid tunc, ut & fecit sæpius, alienum ab eo quod satis compertum habebat: *Tum* denique ex *Judæorum hodiernorum* exemplo; hi enim divino judicio adhuc magis occæcati velamen cordibus in Lectione V. T. 2 Cor. iii. 15. habent impositum, juxta Vaticinia supra laudata ex *Jesaja* Cap. vi. & xxix., & crucifixio Messiae ipsis grande offendiculum foret juxta Vaticinium *Zachariae* illud Cap. xiii. 3, 4, 5, 6., quod explicavimus nuper in *Dissertationibus* nostris *Sacris*, *Dissert. x*: *Tum* tandem ex *Umbris Legi* adscriptis, quibus res futuræ adumbratæ vel potius velatæ fuerint; quia hæ *Umbræ Legi* tantum ceremoniali adscribuntur à Paulo, in quâ sunt *Prophetiæ* reales de morte Christi *expiatoria*, nullaque remissione sine sanguinis effusione expectanda unquam *Heb.* ix. 21. attendenti & conferenti *Legem* illam cum *Promissione*, satis *apertæ*; Deinde etiam ex *Umbris*, naturalibus inprimis ad quas Paulus *Coloss.* ii. 17. *Heb.* viii. 5. x. 1. alludit, corporis venturi qualitas & quantitas aliquatenus dignosci possunt; Ne dicam præter has reales prophetias etiam Verbales de *Messia* morituro pro peccatis extitisse satis claras pro illo tempore *Gen.* iii. 15. coll. *Heb.* ii 14. *Gen.* xxii. 14. (Vide *Dissert.* nostram in illum Locum) *Psf.* xxii. 16, 17, 18, 19. *Psf.* xl. 7, 8, 9. coll. *Heb.* x. 4—10. *Psf.* lxix. 2, 3, 5, 10. *Jes.* liii. *Dan.* ix. 24, 26, 27. *Zach.* xii. 10. xiii. 6, 7.

V. *Quartò* denique *Remonstrantes*, negantes *Fidem justificantem* in Christum moriturum & Redemptorem spirituales *Viguisse* olim ac *Exercitam* fuisse, vel saltem hoc probari non posse inculcantes: concedere coguntur ut minimè absurdum, omnem *Legis* & *Prophetarum* de Christo morituro instructionem frustraneam tunc temporis planè fuisse, atque Deum *Scopum* *Legis* datæ & *Prophetiarum* harum, qui est *Christus ad justitiam cuivis credenti* *Rom.* x. 4. *Act.* x. 43. minime consecutum fuisse, ac populum *Israëliticum* tantopere per amplissima *Legis* *Verbique* *Prophetici* documenta exaltatum *Deut.* iv. 6, 7, 8. *Psal.* cxlvii. 19, 20. *Jes.*

DE AMOENITATIBUS TABERNACULI. 153

Yef. XLII: 21. Hof. VIII: 12. Rom. III: 2. IX: 4, 5. æque ac reliquas a Deo spretas & rejectas gentes absque Christo vixisse in Mundo Ephes. II: 12. atque simul violenter torquere debent tot loca Scripturæ, quæ justificantem Fidem in Christum Redemptorem spirituales, etiam per passionem & mortem, in Veteribus locum habuisse perspicuè & irrefragabiliter docent. Huc pertinent illa: Quæ Abrahamum perhibent esse Patrem omnium credentium, Hæredem Mundi factum per justitiam fidei Rom. IV: 11, 12. & exultasse ut videret, clariusque cognosceret diem Christi incarnati patientis ac morientis, eamque vidisse ac gavisum fuisse Job. VIII: 56. Quæ gentes per communionem primò fidei justificantis in Christum, dein & gratiæ omnis ac gloriæ cælestis, accubituras cum Abrahamo & Isaâco & Jacobo in regno cælorum pronunciant Matth. VIII. 11. & Jobum Goëlem suum incarnandum, qui invenit expiationem cognovisse, Job. XIX: 25, 26, 27. XXXIII. 23, 24. & Moysen non tantum probrum Christi, id est, populi Israëlitiçi afflictiones passionem Christi præfigurantes coll. Hof. XI. 1. Matth. II. 15. majores duxisse divitias quàm in Ægypto Thesaurus, verum etiam per fidem pascha peregrisse, & effusionem illam sanguinis. Heb. XI. 26, 28 coll. Job. I: 29. I Cor. V: 7. asserunt: Quæ porro Patres omnes eandem escam spirituales edisse, & eundem potum spirituales bibisse docent; Bibebant enim ex sequente Petra spirituali: Petra verò illa erat Christus, I Cor. X: 3, 4. non ab omnibus quidem coll. 1. 5. Heb. IV. 2. attamen a quibusdam cognitus & Fide receptus: Quæ præterea affirmant multos Prophetas Reges & justos desiderasse, & cupivisse videre ea quæ videbant discipuli, Domini nimirum incarnati & exinaniti facta illustria & fata adversa ac tristia, nimirum quia ea cognoscebant futura & credebant, nam ignoti nulla cupido, etiam ex interpretatione Chrysostomi apud Casaubonum Exercit. I Matth. XIII. 16, 17. Luc. X: 24. confer Luc. II: 25, 38. Malach. III. 1. Quæ amplius Veteribus nobiscum τὸ αὐτὸ πνεῦμα τὸ πλῆρες tribuunt 2 Cor. IV: 13. Psalm. CXVI:

10. ut & preces in Nomine Messiae intercessoris suas *Dan. ix: 17. Psal. LXXXIV. 10. coll. Job. XXXIII: 23, 24.* omnesque *mortuos* resuscitandos ad vitam æternam olim in die illo, in *Christo mortuos* 1 *Thes. iv: 16.* id est, in *fide ejus*, ajunt; atque adeo Abrahamum Isaacum Jacobum Jobum Davidem omnesque pios, *eminus promissa conspicatos*, *Heb. xi: 13*, & resuscitandos ad vitam æternam *Matth. xxii. 31, 32. Job. xix: 25, 26, 27. Ps. xvii: 15. Dan. xii. 2, 3.* in *Christo* ejusque *Fide* esse *mortuos* confirmant; Salvandos enim in die illo distribuit Paulus tantum in *mortuos* in *Christo* atque in *vivos* superstites futuros in Loco illo ad *Thessalonicenses*: Præsertim huc pertinet insigne illud Petri dictum *Act. xv: 10, 11.* Nunc ergo quid tentatis Deum, ad imponendum jugum cervici discipulorum, quod neque Patres nostri, neque nos portare valuimus. Sed per gratiam Domini Jesu Christi credimus nos servatum iri, καὶ ὅτι ὁ θεὸς ἡμῶν καὶ πάντες, quemadmodum & Illi crediderunt per gratiam Christi se servatum iri, & servati sunt, nimirum *Patres*, de quibus proximè ante actum erat, non *discipuli*, de quorum salute absque circumcisione quæstio hætenus movebatur: Tandem huc etiam spectare puto *Locum Gal. iv. 1.* ab *Arminio* objectum supra, in quo *Heres*, *Ecclesia V. T.* dicitur *infans*, non in cunis vagiens, sed *Pædagogo* subjectus, & *Elementari Legis* institutione fruens, atque adeo non omni cognitione sensus & præfigurationis quæ in Lege est destitutus; imo quia *infans* hic *Heres* fuit, necesse est ut ei tribuamus *Fidem justificantem* in *Christum*, quia absque hac *Fide* nulli data est nec dari potuit *hæreditas*, uti ipse Paulus manifeste docet *Rom. iv: 13, 14, 16. Gal. iii. 18, 29.*

VI. Quintò quia tandem *Arminius* provocavit nos speciatim ut probaremus *Fideles* in *V. T.* intellexisse *Ceremonias Legales* fuisse *typos Christi* & *beneficiorum ejus*, & quia addidit non inmerito dubitari posse, an *David* intellexerit *Messiam* fore *Regem spiritualem & cælestem*, ac consequenter per *passiones & Mortem vicariam* introiturum in *gloriam cælestem*:
ope-

operam dabo in reliquâ hujus Dissertationis parte, ut probem eum, non modò extraordinaria revelatione atque Spiritu Prophetico novisse Christum Moriturum & Resurrecturum *Act. II: 30, 31.* sed etiam Myſteria Tabernaculi & Cultûs Levitici ſacrificalis, Christumque moriturum ut Viſtimam in locum Electorum omnium & ſuum ſubſtitutam cognoviſſe, atque fide juſtificante cum gaudio & conſolatione animi ſui credidiſſe, non ex revelatione Prophetica extraordinariâ adeò, quam quidem ex ordinariâ Spiritus fidei operatione ſalutari, junctâ cum propriâ figurarum Leviticarum ſcrutatione atque investigatione ſedulâ ac continuâ, ita ut hoc ſtudium cum aliis fidelibus commune habuerit, atque id, quod ex eo ac Spiritus revelatione & ſimul illuminatione per Verbum didicerit, etiam ut fidelis & propheta cum aliis communicaverit. Atque in hunc finem Locum ex *Pſalmo. xxvii: 4.* mihi illuſtrandum ſumſi, cui unum atque alterum ex Pſalmis Davidicis in fine Diſſertationis hujus jungam, ut ex quibus conſtabit ipſum Myſteria cultus Levitici probè perſpecta habuiſſe.

VII. Locus autem hic ita in Hebræis fontibus extat; **אחת שאלתי מאת יהוה אותה אבקש שבתִי בבית יהוה כל ימי חיי לחיות בנועם יהוה ולבקר בהיכלו.** Quæ ita tranſtulerunt LXX. *μία ἡτησάμην ἀπὸ κυρίου, ταύτην ἐκζητήσω ὃ (Alii τὸ) κατοικεῖν με ἐν οἴκῳ κυρίου πάσας τὰς ἡμέρας τῆ ζωῆς μου, ὃ θεωρεῖν με τὴν τερπνότητα κυρίου, καὶ ἀποσκέπτεσθαι τὸν ναὸν αὐτοῦ; Vulgatus; unam petii a Domino, hanc requiram, ut inhabitem in Domo Domini omnibus diebus vitæ meæ. Ut videam voluntatem (in Edit Sixti v. & Clem. viii. Voluptatem) Domini, & viſitem Templum ejus. Hieronymus verò; Unam petii a Domino hoc requiram, ut habitem in Domo Domini omnibus diebus vitæ meæ, ut videam pulchritudinem Domini, & attendam templum ejus.*

VIII. *Auctor Pſalmi David eſt.* Ita enim habetur in Inſcriptione **לדוד Davidis.** Haud æque certa ſunt *Occaſio & Tempus* compositionis ejus. Hoc tamen ut certum ſumi

poteſt eſſe illum compoſitum poſt liberationes varias ex ingentibus periculis *coll. ꝑ. 1. 2. 3. 9.* & ſimul cum inter magna hætenus discrimina verſaretur, & in tribulatione atque exilio conſtitutus eſſet, *coll. ꝑ. 6. 9. 10. 11. 12.* Non ſequor igitur *Amyraldum* ſequentem *Judeos* quosdam, exiſtimantes *Psalmum* hunc eſſe conſcriptum a Davide *Sene*, occasione periculi ipſi in Bello cum Philiſtæis quodam ab *Jiſchbi Benob*, uno ex gigantibus, illati, quod feliciter ope *Abiſchai* evaſiſſe legitur *2 Sam. xxi. 15. 16. 17.* Alii referunt tempus conſcripti *Psalmi* ad *Exilium Abſalomicum*; ob ſimilia quædam in *Psalmo* *iii.* compoſito cum fugeret à facie *Abſalomi Filii ſui*, reperta; & ob Verba Davidis prolata tunc *2 Sam. xv. 25.* collata cum *Verſu* noſtro *Textuali*; & denique quia tunc parentes ejus eum deſeruerant, uti conqueritur *ꝑ. 10.* id eſt, primi Conſiliarii ejus ac Principes, ut *Amasa* & *Achitophel* *2 Sam. xv. 12. 31. xvii. 25.* qui Patres in Scriptura vocantur *Gen. xlv. 8.* Videantur *Bugenhagius*, *Bucerus*, *Rudingerus*. Quæ tamen rationes minus ponderoſæ videntur, præſertim poſtrema, tum ob mentionem *Matris* quoque, tum etiam quia primarii Principes & Sacerdotes Davidi conſtanter adhæſerunt, *2. Sam. xv. 32, 35. xviii. 2.* Unum ex *Exiliis Saulicis* nominaverunt Alii, in quo *Psalmum* à Davide compoſitum arbitrantur. In *ſpeluncâ Hadullami* conſcripiſſe eum Davidem, ubi ad eum acceſſerunt Parentes ejus, ab ipſo deducti in Regionem *Moabi*, *1. Sam. xxii. 1—4.* exiſtimavit *Joh. Foord* Theologus Anglus. Verùm tempus præciſè indicare paulò difficilius eſt. Longè prudentius in Temporis generalioris adſignatione acquievit *Inſcriptio Græca*, *πρὸς τὸ χρίσθαι πρὶν ὡς ἀνέστη* *unſquam ungeretur vel liniretur*, vel *πρὸς τὸ χρίσθαι*, *antequam unctus eſſet*, uti in aliis Codicibus legitur; ſive ab ipſis Interpretibus poſita, ſive ab Aliis poſtea addita fuerit, quia in aliquibus Exemplaribus modò extitiſſe eam monuit *Eusebius*, atque in *ἐξαπλῶ* ſe non inveniriſſe teſtatur *Theodoretus*. Ter Unctus eſt David; primò in Domo Patris, in *Betleem à Samue;*

DE AMOENITATIBUS TABERNABULI. 157

à *Samuele*, jussu Domini, 1. *Sam.* xvi. 4, 12, 13.; secundò in *Hebron*, post mortem *Saulis*, in Regem super domum *Jehudæ*, à *Nathan Propheta* juxta *Bedam*, 2. *Sam.* ii. 4, 7. Regno in *Israëlem* reliquum auctoritate *Abneris* tradito *Ishbofet* *Saulis* Filio & 8, 9, 10.; tertio denique *ibidem*, post occisionem *Filii Saulis*, à cunctis Tribubus, unctus est in Regem totius *Israëlis* 2. *Sam.* v. 1—5. Quoniam ante primam Unctionem nullos habuit hostes, nullumque conscripsit Psalmum, sequitur quod de *Secundâ* vel *Tertiâ* loquatur *Inscriptio Græca* illa. In *Commentario*, qui *Hieronymo* ascribitur, dicitur quòd ad *Mediam* Unctionem sit respectus: similiter *Beda* hac *Inscriptione monstrari* scripsit, quòd ante secundam Unctionem, cum adhuc ob insidias *Saulis* exularet. Psalmum cecinerit. Alii tamen de *Tertia* à *Græcis* designata Unctione cogitant, statuentes post mortem *Saulis* durante Bello diutino illo, quod fuit inter *Domum Saulis* & *Domum Davidis* 2. *Sam.* iii. 3. conscriptum esse Psalmum hunc. Certè ante Unctionem mediam mirabiliter sæpius ex variis periculis & angustiis divinâ manu liberatus fuit, atque ex præteritis beneficiis spem de futuris jure concipere potuit, & canere, *Dominus Lux mea, & Salus mea, a quo timebo?* & 1. 2. 3. Tunc imprimis quando exulabat è domo Patris sui non modò, sed & à *Domo Dei* procul remotus erat, atque inter *Philistæos Moabitas* aliasque idololatricas gentes, haud absque periculo seductionis ad Idololatriam 1. *Sam.* xxvi. 19. degebat, ardentissimo illo habitandi in *Domo Jehovæ* flagrasse illum desiderio, quod exponit & 4. nemo mirabitur. Tunc sanctis panibus cibatus in *Tabernaculo Nobi*, 1. *Sam.* xxi. atque *Latibula* inveniens in *Speluncis*, *Rupibus*, ac *Collibus* 1. *Sam.* xxiii. 19. 25. xxiv. 4. allusive ad illa de *Jehovæ* protectione canere potuit, *Abscondet* vel *Abscondit me in Tugurio suo in die mala. . . in Rupem exaltabit* vel *exaltat me* & 5. Tunc etiam naturalibus parentibus in *Moabitidem* deductis, atque ibi forte mortuis, vel uti *Hebræi* volunt, à Rege *Moabi* occisis, 1. *Sam.* xxii.

1-4. mortuo etiam *Samuele*, Patre Politico seu Ecclesiastico 1 *Sam.* xxv. 1. querulas istas ψ. 10. de se à *Patre & Matre deserto* voces appositè emisit. Tunc denique hostibus undique cinctus, & in *Nob* à *Doeg Idumæo* observatus, ejusque delatoris iniquitatem truculentam expertus 1 *Sam.* xxi. 7. xxii 9. 18. de *Observantibus se*, & de *Testibus mendacii & Spirante violentiam* conquerendi ψ. 11 12. justissimam accepit causam. Tunc tandem in Speluncis ac Locis subterraneis ubi mortui degunt, atque inter gentiles, vera Luce Doctrinæ cælestis & vero Deo vitæ omnis fonte carentes, atque adeo spiritualiter mortuos, vivens sæpe, *Terram Viventium*, à *Viventibus hominibus*, & à *populo Dei*, inhabitatam, meritò anhelavit, in qua *Bonitatem Jehovah* ex promisso *se visurum* fore certò credidit ψ. 13. In alienum planè sensum *Inscriptionem* hanc Græcam rapuit *Cl. Tillius*, atque existimavit Interpretes Græcos non respexisse ad *Unctionem Davidis*, sed, *Templi*, quod postea demum *Jehovæ* ædificare sibi proposuit 2 *Sam.* vii. 1. 1. atque *novorum vasorum* ejus ex *Lege Exod.* xxx. 25. 30. faciendam: quia scilicet simpliciter posuerunt ὁ Δαυὶδ, ὁ Θεὸς καὶ χειρὸς ἡμετέρας, nec addiderunt pronomen relativum αὐτὸν: atque adeo putavit, *diu post* unctiones *Davidis*; cum pacatum Regnum atque confirmatum teneret, quando demum propositum cepit ædificandi *Templum Jehovah* 2 *Sam.* vii. 1. 2. 1 *Chron.* xvii. 1-19. cujus ideo mentionem fecit in *Textu* nostro; hunc Psalmum ab ipso esse compositum, ut cantaretur ad solennitatem *Unctionis Templi* istius augendam. Nam nihil certius esse videtur, quàm quod *Græci* respexerint ad *Unctionem Davidis*, non verò *Templi*: si enim hoc in animo habuissent, nomen utique ejus apponere debuissent; quod certe magis necessarium fuisset, quam *pronomini relativi* additio, ubi expresse nomen *Davidis* præcesserat. Nec quicquam facit pro *Clar. Tillii* sententia, *Templi* mentio in *Textu*, quia nomine *היהוה Templi, Tabernaculum* in *Silo*, una cum *ædificiis junctis* in usum *Personarum &*
Re-

DE AMOENITATIBUS TABERNACULI. 179

Rerum Sacrarum, insignitum fuit 1 Sam. 1. 9. 111. 3.

IX. Verum non sufficit in rem nostram, scire Davidem esse Psalmi Auctorem, & generalius Tempus quo illum composuit, nisi & *Ipse* simul, vel *Fidelis* saltem *Veteris Testamenti*, *Subiectum* ejus constituatur. Nempe *David* in Psalmis nunc in Persona sua, nunc in Persona Christi, vel Ecclesiae ejus loquitur. In Persona Christi vel Ecclesiae N. T. Davidem loqui, Veteres nonnulli & Recentiores opinati sunt. *Est vox Ecclesiae ad Christum* legitur in *Commentario Hieronymi*. Venerabilis *Beda* in *Commentario*: *Ante hanc vero Unctionem tertiam* dicitur hunc Psalmum composuisse historialiter, non intendens ad historiam, sed mystice agens in voce illorum qui nunc initiati Domino per geminam Unctionem olei & Chrismatis tertiam Unctionem perfectam, quae tunc erit cum facie ad faciem videbimus, expectant: Ipse tamen *Beda* in *Tituli* explanatione mentem suam uti videtur ita expresserat; Cum frequenter ante regnum liberaretur ab inimicis suis acerrimis, per totum Psalmum loquitur Propbeta. Ex Pontificiis *Hieronymus Varlenius Sylvius*, § Sec. xvi. Ultrajecti apud *Johannitas Sac. Literarum Professor*, de Christo intelligendum esse hunc Psalmum dicit; verum sic ut omnia ad membra illius, sive mysticum Corpus, id est, Ecclesiam potius referantur: nam & illa ungitur in Baptismo, in Sacramento confirmationis, & in extrema unctione. Sed fundamentum ejus est *Inscriptio Græca* male intellecta & exposita, quasi Interpretes illi de Christo explicandum Psalmum sic voluissent. Similiter *Job. Baptista Mantuanus*. Sed quid ajo *Vatem*, aut quid mortalem regem mortalibus in Exemplum proponi credam. Amantissimus enim nostri Deus caro factus, hic est qui loquitur Dominus illuminatio mea &c. Davidem tamen in *Commentario* non excludit prorsus. *Clar. Coccejus* putavit Psalmum hunc exhibere aspectum Ecclesiae N. T. anhelantis ad plenissimam Manifestationem Regni Dei; atque Davidem hinc uti sermone, qui, non sperantibus, sed annuntiationem veritatis audientibus convenit; atque sic testari se.

se in spiritu praevidisse, quid Deus olim ad consummationem
 ætatis populi sui esset acturus & loquuturus, & quale Eccle-
 siæ gaudium futurum esset. Verùm nullum Argumentum
 nullumque κειμήριον Ecclesiæ N. T. heic loquentis produxit,
 imò falsus est, potuisse Davidem propter promissionem dicere
Jehova est salus mea. Doct. Gurtlerus Theol. Prophet. Cap.
 ix. §. xx. de subjecto hujus Psalmi hunc in modum scripsit.
Psalmus xxvii. de David propterea vix potest intelligi, quia
nunquam fuit à parentibus derelictus sicut is queritur vers. 10.
qui Psalmi hujus subjectum est; imò quum à Saule fugit, Pa-
ter, Mater, Fratres ac tota domus paterna secuti sunt 2 Sam.
22. 1—4. Quare arbitror representari hoc Psalmo hominem
studio cultus divini ardentem & plenum amore Dei, quamquam
ob puriorem religionem à parentibus ipsis deseratur. Matth.
10. 37. & 19. 29. Atque quadrat in tempora Antiochi Epi-
phanis, Romanorum Imperatorum, Antichristi. Nam Ægyp-
tii, Assyrii, & Babylonii Judæos exercitio suæ religionis non
interdixerunt. Quamvis hæc sententia Ecclesiam Veteris
Testamenti quoque statuens subjectum Psalmi nobis non
magnopere obstat, Ratio tamen propter quam de Davide
intelligi vix queat juxta Clar. Virum neutiquam stringit.
Non uno enim coque haud inepto sensu, verba illa vers. 10.
כִּי אֲבִי וְאִמִּי עֲזָבוּנִי à Davide usurpari protulerunt: nimi-
rum; vel hypotheticè, etsi deserant me parentes mei, Jehova
tamen me recipiet, coll. Jes. xlix. 15. vel metaphoricè de iis
à quibus Paternos erga se & Maternos affectus expectave-
rat & expertus erat; vel propriè de Parentibus naturalibus,
qui deseruerant ipsum tunc temporis morte sublatis, (quod
supponi debet contigisse, etsi in historia non legatur) ad
quos se piâ morte congregandum speraret, coll. Gen. xxv.
8. Luc. xvi. 22. quando addit וַיְהִי וַיִּקְרָא יְהוָה sed Jehova
congregabit me. Dantur & aliæ interpretationes plures hu-
jus dicti Davidici sed minus uti puto commodæ, quales
sunt eorum, qui Parentes Davidis eum deseruisse volunt;
Vel quando ab eorum curâ discessit ipse, & ex proprio vi-
 ctum

ctum comparare debuit; *Vel* quia nullam ipsi opem ferebant nec ferre poterant, etsi vellent, imo magis oneri quam auxilio erant; *Vel* quia derelictus fuerat à Parentibus in pascuis & gregum custodiæ deputatus, cum unus ex filiis Isai ad regni fastigium evehendus ex decreto Jehovæ quæreretur à Samuele 1 Sam. xvi. 1, 11. Uti *Burgensis* in *Add.* 11. Post hæc omnia vix operæ pretium erit commemorare aliorum explicationem, qui sensum dicti hujus esse autumant; *Adam & Eva* per prævaricationem suam *dereliquerunt me*, id est, *exposuerunt me & exhæredaverunt*, & omni huic *miseriæ* subjecerunt, quemadmodum apud *Bedam* legitur. Itaque quoniam nulla occurrit Ratio statuendi *aliud* hujus Psalmi *Subiectum*, quàm *Davidem ipsum*; imo quia omnia dicta & prædicata in eum optimè quadrant, uti etiam supra aliquatenus visum est, fidenter concludo, *Davidem* non tantum *Auctorem*, sed & *Subiectum* esse hujus Psalmi; ostensurus in Explicatione *Vers. 4. Textualis* contra *Bugenhagium*, qui scripsit, *quin & ipsa verba protinus nos ab historiâ avocant*, quod ejus etiam Verba omnia *Davidi* optimè convenient.

X. Continet verò hic Psalmus *Tria*. Primum est læta *Certitudinis suæ* de *Dei* sibi *Propitii*, implentis & impleturi omnia promissa sibi data, ejusque *Favoris Communione* *Prædicatio vers. 1—6*. Alterum est *Petitio*; tum *exauditionis* omnium *Votorum* suorum, inprimis istius *vers. 4*. *expositi*, *vers. 7*. tum *Gratiæ* ac *Beneficentiæ* *Divinæ* corporalis & salutaris *Perseverantis*, *vers. 9*. tum denique *Gubernationis* benignæ & paternæ in omnibus viis suis, *vers. 11*. unà cum *Rationibus* singulis petitionibus subjectis *vers. 8. 10. 12*. Tertium est *Admonitio* directâ ad unumquemque pium, post *Exemplum* suum propositum iterum *vers. 13, 14*. In *Prima* parte *Certitudinem* suam *Proponit vers. 1*. *Jehova Lux mea*, & *salus mea*, *Jehova fortitudo vitæ meæ* fuit est & erit; dein *Amplificat*. I. ab intrepidâ *Fortitudine* in *Adversis*, à quo timebo? à quo pavebo *vers. 1*. si castrametati fuerint adversum me

me castra, non timebit cor meum: si consurgat adversum me bellum בּוֹאֵת אֲנִי בּוֹמָה. in hac re vel in hoc, nempe quod Jehova sit salus mea, ego confido *vers.* 3: alii tamen ad præcedens Bellum מִלְחָמָה referre malunt: in quo, seu quo nihil obstante, consideret ille; II. ab adjuncta Spe, tum Protectionis suavissimæ & potentissimæ *vers.* 5. tum etiam Victoriæ certò reportandæ ab omnibus hostibus suis, atque à lætis carminibus & sacrificiis Eucharisticis agnoscendæ ac deprædicandæ in Tabernaculo *vers.* 6. III. à Fundamentis ejus, quæ sunt; & Experientia Favoris divini præterita *vers.* 2. & ardens Desiderium Deum colendi in Tabernaculo ejus ad Cognitionis augmentum, ac Fidei suæ in Messiam moriturum ut Victimam piacularem corroborationem lætam; absque quâ fidei praxi & pietatis studio nulla salutis Certitudo esse potest; Quod Desiderium significanter exponit in Textu Nostro.

XI. In quo distinctè considerabimus atque illustrabimus. OBJECTUM, MODUM, & denique FINEM Desiderii Davidici laudatissimi. Quantum OBJECTUM attinet, seu Rem quam desiderabat, illud exprimit hisce verbis, שְׁכַנְתִּי בְּבֵית יְהוָה כָּל יְמֵי חַיַּי / *Habitare me in Domo Jehovæ omnibus diebus vitæ meæ.* In his verbis non exponitur Finis istius Rei unius petitiæ. quando sensus esset, *Unum petii a Jehova, hoc requiram ut hac re potitus habitare possim in Domo Jehovæ omnibus diebus vitæ meæ*; quemadmodum Nonnulli voluerunt, fortè quia legebant in Græca Versione ἡ κατοικῆν με, sicuti in sequenti membro habetur ἡ θεωρεῖν με. Qui idcirco per Unum expetitum intellexerunt vel Otium à bellis & curis Civilibus, vel Regnum pacatum, ad posteros transmittendum, quo ipse haud interrupto cultu Deum prosequi, ejusque puritas etiam per posteros servari atque propagari posset. Verùm ipsa Res Una petita indicatur, uti vulgò & rectè hoc capitur, sicuti etiam in quibusdam Codicibus Græcis legitur τὸ κατοικῆν, & in Commentario Hieronymi, *Videamus quæ est una*

una petitio : ut inhabitem , inquit , in domo Domini.

XII. Notum est, quod TABERNACULUM LEVITICUM, in Deserto extructum, DOMUS DEI & JEHOVÆ sæpius dicatur *Jud. xvi. 1, 31. xix. 8. 1. Sam. 1. 7, 24, 111, 15. &c.*, quia Deus ibi *habitabat Exod. xxv. 8. xxix. 45, 46. Num. v. 3. xxxv. 34. &c.*, mensam ignem focumque suum ibi habebat, atque se Manifestabat populo suo per Symbola & Opera, & Gratiam suam communicabat, Oracula fundebat, adorari atque solenniter coli volebat. Hoc Tabernaculum in Terrâ Promissâ primò erectum fuit in *Gilgal* tempore Josuæ, ibique per aliquot annos mansit *Jos. iv. 19.* postea deportatum fuit in *Silo* ubi per plures annos hæsit *Jos. xviii. 1.* unâ cum *Arca Fœderis* 1 *Sam. iv. 3, 4.* quæ capta tempore Filiorum Heli à Philistæis nunquam postea Tabernaculo huic restituta fuit, reducta tamen in Terram Israël: Tabernaculum verò translatum fuit in *Nob.* 1 *Sam. xxi. 1—7.* civitatem fortè magis munitam, saltem Hierosolymæ propiorem, *coll. Ps. lxxviii. 60, 67, 68. &* postea in *Gibeon* 1 *Chron. xvi. 39, 40. xxi. 29. 2Chron. 1. 3.* in quibus duobus Locis *Nob* & *Gibeon.* Tabernaculum fuit tempore *exulantis* & postea *regnantis* Davidis. Idem hoc Tabernaculum Testimonii dictum fuit tunc temporis etiam *בית ד' Palatium* sive *Templum Domini* 1 *Sam. 1. 9, 111, 3.* (ne Locum magis dubium 2 *Sam. xxii. 7.* nunc addam) quia in eo. ut Magnus Rex ac summus omnium Dominus adorabatur solenniter. Nulli dubitamus quin hoc TABERNACULUM LEVITICUM heic respexerit David, illudque duplici hoc nomine DOMUS ac TEMPLI JEHOVÆ insigniverit, quemadmodum. & alibi hæc duo nomina exegeticè junguntur *Ps. v. 8. lxxv. 5. Neh. vi. 10.* Quod enim *Cajetanus* apud *Le Blanc* hoc exposuerit de *Tabernaculo Davidico*, in Monte *Tzizon* extructo ab ipso prope palatium suum, in quo *Arcam* deposuit, 2 *Sam. vi. 17. vii. 2. 1 Chron. xv. 1. xvi. 1, 2. 2 Chron. 1. 4.* id nullâ aliâ de causâ factum ab ipso credo; quam

quia verbum **יָשָׁב** *habitavit* accepit eo sensu, quo sumitur sæpius, atque notat *fixum* alicubi *domicilium* habere; & quia *Lyranum* secutus *τὸ habitare in Domo Jehovah* exponendum censuit per *habitare prope Locum cultus divini*; & denique quia Palatium Davidis fuit in *Tzizon*, non *propè Tabernaculum Leviticum* in *Gibeon*, sed *propè Tentorium illud*, in quo *Arcam* collocavit. Verum uti non ausim affirmare cum *Cajetano*, quod David jam id facere decreverat cum a *Saule* ageretur, & hunc *Psalum* caneret; ita plane existimo, illum hoc *Tentorium*, in quo *Arca Fæderis* latitabat, & voluntariis sacrificiis Deus coli se patiebatur 1 *Chron.* xvi. 1. 2. pro parte haud exigua quoque implementi sui hujus *Desiderii* habuisse, uti etiam meritò haberi poterat: Eò magis quia tunc temporis simul *Liberum* accessum habebat ad *Tabernaculum* in *Gibeon*, haud adeo *procul* etiam ab *Hierosolyma* remotum, quodque *Locus Cultus Divini* quotidiani & solennis manebat 1 *Chron.* xxiii. 26—32. 2 *Chron.* 1. 3. 5. Interim puto Davidem cum hunc *Psalum* in *Exilio* componeret de *Tabernaculo Moysi Levitico* cogitasse tantum. Cæterum non est necessarium, ut *τὸ HABITARE in Domo* hac *Jehovæ* explicemus per *fixum habere domicilium prope Domum Jehovah*, quamvis ita explicari possit præfixum **בְּ** per *prope* & verbum **יָשָׁב** per *fixam & stabilem habitationem* alicubi habere, minimè negem. Scilicet præfixum **בְּ** videtur eodem sensu debere capi in **בְּבֵית** quo capitur in **בְּהִיכָלוֹ**. Deinde etiam Verbum **יָשָׁב** heic optime accipitur pro *conversari familiariter libere & tranquille* ingrediendo *quotidie* pro *lubitu*, uti sic de *Tyriis Mercatoribus* videtur sumi *Neh.* xiii. 16. & de *Piis* quibuscunque frequentibus sedulò & *quotidie* *Locum cultus Jehovah* *Psal.* cxxxiii. 1. *Conf. Luc.* 11. 37. Sicuti verò non *semel* adesse cupiebat in *Templo Domini*, sed sæpius, ita etiam non per annum unum atque alterum sed per *totam Vitam* suam *Terrestrem* istiusmodi *Liberum & Quotidianum* sibi patere accessum ad illud desiderabat, hinc addidit, OMNIBUS DIE-

DIEBUS VITÆ MEÆ: Hæc Phrasis enim vix aliter in Sacris V. T. usurpatur quam pro *toto vitæ hujus terrestris curriculo*, quæ non tota simul, sed per partes succedentes possidetur: *Gen. III. 17. Deut. XVII. 19. I Sam. I. 11. I Chron. XV. 15. Prov. XXXI. 12. Jes. XXXVIII. 20. Jerem. LII. 33, 34. &c.* Davidem nominasse *Hyperbolice omnes* dies vitæ pro *maximâ* eorum parte existimavit *Joseph Albo* apud *Coccejum* ad *Excerpta Gem. Sanh. Cap. XI. §. 36. Nota. 18.* Sed absque magnâ causâ, quia *Omne* reliquum Vitæ terrestris tempus præ vehementiâ desiderii sic exprimere recte potuit. Hunc puto esse sensum hujus pericopæ, in quâ *Objectum* desiderii sui exponit David: est enim facilis ac planus atque accommodatus; *tum* Verborum *proprie* ac *usitate* in Sacris significationi; *tum* etiam Davidis aliorumque piorum V. T. circa idem *Objectum* declarato sæpius *Studio: Psal. XXIII. 6. XXVI. 8. XLII. 3. LV. 15. LXIII. 2, 3, 4. LXV. 5. LXVI. 13, 14, 15. LXXXIV. 2, 3, 4, 5, 6, 11. CXXII. 1, 2, 9. &c.* *tum* denique *Statui* ejus calamitoso, in quo per continuas vagationes & exilia, procul à *Tabernaculo Jehovæ* ipsum removentia, constitutus tunc erat quando hunc Psalmum composuisse illum supra probavimus: quodque *Jehovæ Tabernaculum* sic opponere videtur, & *Impiorum Tentoriis coll. Ps. LXXXIV. 11. & Idolorum Templis* apud Philistæos & Moabitas, inter quos exulabat, haud absque sollicitatione ad cultum eorum *coll. I Sam. XXVI. 19.*

XIII. Absque ullâ itaque Causâ ad *figuratum mysticumque* sensum, rejecto etiam *proprio*, (dum alii minus inconvenienter *Literalem* & *Proprium* sensum cum *Mystico* conjungunt, uti cum aliis *Gejerus*) Veteres pariter ac Recentiores confugiunt: intelligentes per **DOMUM JEHOVÆ**; vel *Ecclesiam Militantem*, ejusque communionem in *Officiis* & *Beneficiis* *Fœderis Gratia* salutaribus, quos sequitur *Bugenhagius*; vel *Triumphantem* in *cælesti patriâ*, quos sequitur *Bellarminus*, qui hunc sensum *Literalem* esse dicit: vel *Utramque* cum *Estio* conjungentes: quia scilicet

loquitur; *tum* de *Domo*, non *Tentorio*, & de *Habitatione* *stabili*, qualis est in *Cælo*, dum hic *ambulamus* potius; *tum* de *omnibus* diebus *vitæ* suæ, nimirum *futuræ* etiam, dum dies *vitæ* præsentis *mortis* potius *dies* dicendi sunt quàm *vitæ*, peccati scilicet & *miseriæ* respectu; *tum* porro quia maxima *Amoenitas* & perfectissima *Delectatio* illa, quam respexit David datur in cælestis gloriæ fruitione; *tum* amplius quia *ipsa verba* protinus nos *ab historia* *avocant*: *nunquam enim habitavit David in Tabernaculo Domini*, imo *hoc ipsi non licuit*; *tum* denique quia communio cum Ecclesiâ militante, & magis cum triumphante *Unum* illud est *Necessarium*, de quo *Luc. x. 42. Philipp. iii. 14, 15.* & quia *nunquam Vir Sanctus & perfectus rem aliquam temporalem tanto affectu peteret, ut diceret, unam petii, hanc requiram, quasi nihil aliud petendum sit.* Videantur imprimis *Ven. Beda, Bugenbadius, & Bellarminus.* At verò quis non videt, harum omnium *Rationum* vim atque momentum admodum esse exiguum, citoque disparituras esse, dummodo illa quæ supra diximus in animum revocentur. Loquitur quidem de *Domo* & *Habitatione* in illâ; verùm non de *Domo Spirituali* vel *Cælesti*; nec vocabulum *Domus Dei* ad Cælum vel Ecclesiam militantem cogitata nostra restringit, cum de Tabernaculo Levitico usurpetur sæpius; neque *Habitandi* vox perpetuam ubique ac æternam *Mansionem* infert, quemadmodum supra visum est. Agit porro de *omnibus* diebus *vitæ* suæ, sed *terrestri* tantùm quo sensu phrasin hanc continuò occurrere in Sacris, nec de futurâ vita fortè usurpari unquam, monuimus. Est præterea *summa* in cælo *Delectatio*, sed & *aliqua* ejus prægustatio in *Terris* datur, de quâ hîc agere Davidem etiam ex *Vers. 13.* haud malè colligitur; ubi *hanc* quoque *Amœnitatem*, quam in Tabernaculo videre desiderabat, complectitur sub **טוב יהוה בארץ** Bonitate *Jehovæ*, quam credidit se *Visurum* esse **בארץ** in Terra viventium, quæ non est Cælum & *Vita* gloriæ, uti cum *Judeis* nonnulli ac cum *Chaldæo Christiani* putant,

nant, sed est *Locus vitæ præsentis ac Ecclesiæ terrestris*, oppositus tum terræ oblivionis *Psal. LXXXVIII. 13. tenebrarum ac umbræ mortis Job. x. 21, 22. tum Terræ abalienatorum à Deo & Christo*; uti manifestum est ex inspectione Locorum *Job. xxxviii. 13. Psal. LII. 7. cxvi. 8, 9. Jes. xxxviii. 10, 11. LIII. 8. Jerem. xi. 19.* in quibus ita sumitur *Terra viventium*; nec aliter capitur *Psal. cxlii. 6.* quia ibi non est *Votum*, sed potius *Affirmatio, Tu portio mea es in Terrâ Viventium.* Denique non habitavit quidem David, id est, fixam sedem habuit in domo *Jehovæ*; attamen prope Arcæ Tentorium Palatium suum habuit in Tzizon, nec adeo longè dista fuit ejus habitatio à Gibeon, libertatemque habuit continuo Jehovam ibi colendi in Tabernaculo Levitico, quam liberam familiarem ac quotidianam in Domo *Jehovæ* conversationem voce *Habitationis*, alibi etiam hoc sensu usurpatâ, merito appellavit ille. Tandem ejusmodi *Habitatio* in Tabernaculo Domini ut cognitio Dei & Christi, fidesque in eum ac pietas continua ibi incrementa capiant, minimè est *res terrena* tantum, uti *Bellarminus* loquitur, sed spiritualis ac cælestis, actus interni connexi, finis & fructus respectu, quæque cum æterna salute nexum habet, imo est *unum* illud *Necessarium* quod Dominus *Marthæ* commendavit: Neque etiam *Habitationem* hanc in Tabernaculo, prætulit illi quæ obtinebit in Regno Gloriæ, sed omni Rei corporali ac terrenæ caducæ etiam splendidissimæ, quam tanto desiderio & conatu quærunt cæci mortales, quando illam vocavit UNUM vel UNAM REM quam petiit a Domino.

XIV. Sic transimus ad MODUM desiderii Davidici *אחת שאלתי מאת יהוה אותה אנקש* *unum petivi vel peto à Domino, hoc requiram.* Ex iis quæ §. x. monuimus constare potest attendenti, quod hæc pericopa non per se subsistat, nec *Rem petitam* haud determinatam contineat, uti cum *Bucero* volunt nonnulli, sed quod præmissa sit, ut *Modus* desiderii exprimatur, atque *Res* desiderata generalius qui-

quidem sed & notanter admodum describatur. Atque adeo alienæ sunt glossæ de intelligendâ heic, vel *Una Die æternitatis*; vel *Una Mansione* quacunque inter plures illas quæ in Domo Patris esse perhibentur à Christo, *Job. xiv. 2.* vel *Una virtute, Charitate* scilicet aut *Perseverantiâ*, quæ apud *Ugonem Cardinalem* leguntur; vel *Confirmatione promissionis Divinæ sibi de successore*, inprimis *Messia*, atque de *Regno & Domo* extruendâ facta *2 Sam. xxiii. 4.* uti contendit *Bucerus*. Scilicet **נחמ** fœmininum pro neutro quo carent Hebræi heic esse positum dudum est monitum, & rectè, *coll. Jer. x. 8.* quamvis Alii, *nomen verbale* suppletes ex verbo apposito, ut *Pf. xiii. 4.* vertant cum **LXX.** *Unam* **שאלה** petitionem, *coll. Jud. viii. 28. 1 Sam. ii. 20. 1 Reg. ii. 20.* vide *Gejerum*; imo quamvis haud incommodè *Adverbialiter* sumi posset **נחמ** pro *semel*, *coll. Job. xxxix. 28. Psalm. lxxxix. 36. Hagg. ii. 7* ut sensus sit *Semel petii, & continuo petam.* Cæterum neutraliter sumtum **נחמ** & **UNUM** significare potest, & **PRIMUM**, *coll. Job. xlii. 14. Ec.* Meritò vocare potuit, *id est Habitare in Domo Jehovæ*, **UNUM** quod petiit, quia in eo erat *Votorum* pro *Bonis hujus Vitæ Summa*: dum in se continebat hoc Bonum reliqua spiritualia, & post se trahebat ex Divinâ promissione Fidei & Pietati factâ *1 Tim. iv. 8.* si salutem conducerent, reliqua etiam corporalia *Matth. vi. 33.* Sed & *Primum* nominando innuit, se Hoc Bonum præ omni terreno thesauro corruptibili, sceptro etiam & corona, æstimare, & ante omnia desiderare, uti decet *Matth. vi. 33. Phil. iii. 14. Pf. lxxiii. 25, 36.* Quemadmodum etiam æstimationem ac desiderium hujus Boni ostendit fervidis precibus: **שאלתי** *Petii* vel *Peto*, nimirum fervide atque enixè, *coll. 1 Sam. i. 28. מאת יְהוָה* à *Jehova*; ut pote qui invocationis religiosæ Objectum est unicum; & Dominus Domus suæ, qui admittere poterat vel excludere quemcunque vellet: cujus denique gloria promovebatur per cultum solennem ibi præstitum. Pia itaque Petitio erat hæc Davidis

dis Objecti invocati & Rei petiti intuitu, atque ideo Deo grata; & eò magis quia non modo erat fervida, sed & *perseverans*: unde addit **אוֹתָהּ אֶבְקֶשׁ**. *Hanc vel Hoc requiram*, h. e. studiosè quæram, omni occasione, modo, zelo, viribus, opere & inprimis *precibus*, sæpe ardentè & indefinenter fufis, coll. *Dan. ix. 3. Zach. viii. 21.* quales Deo gratæ sunt, & efficaces esse solent, *Hof. xii. 5. Rom. xii. 12. 1 Thess. v. 17. Luc. xviii. 1.* Conscientia enim Davidis hoc ipsi *Loco Dei* dictabat *Vers. 8.* & ipse *promissionibus* Dei sibi factis firmâ innitebatur fide, coll. *Vers. 13.*

XV. At verò quis FINIS erat tam fervidè & indefinenter expetitæ *Habitationis* in *Domo Jehovah*? An ut ibi ut in *Asylo* tutus viveret ab hostili gladio? Non: nam *Asylum* istiusmodi continuum in Dei protectione validissimâ experiebatur, ac si esset in ipso Sancto Sanctorum, vel *Loco* secretissimo Tentorii alicujus Divini, & nunquam sibi defututum sciebat, coll. *Vers. 5.* Nam *abscondet* (vel abscondit) *me in Tabernaculo suo in die mala, abscondet* (vel abscondit) *me in abscondito tentorii sui, in Rupe exaltabit* (vel exaltavit) *me.* An verò ut ibi de *Altari* cum *Sacerdotibus* viveret? Neutiquam: semel necessitate coactus de panibus Sanctis comederat *Matth. xii. 3. 4.* sed postea nunquam hoc fecit, nec facere voluit, sed potius in usus Sacros etiam suas opes conferre, coll. *Psal. lxxii. 2. 10. 11.* An denique ut in *carnali cultu* Dei per sacrificia ibi præstito acquiesceret, & justitiam operum cum *Filiis Maritatæ* *Jes. liv. 1.* id est, justitiaris Judæis plurimis erigeret coram Deo? Minimè: nam probè sciebat ex operibus Legis nullam carnem justificari posse coram Deo *Psal. cxliiii. 2. coll. Rom. iii. 20. Gal. ii. 16. & Psalm xxxii. 1. coll. Rom. iv. 5. 6.* An tandem itaque ut juxta Legem sacrificia offerat, preces fundat, gratiarum actiones addat, laudes Jehovah extollat Creatoris & Benefactoris sui, & Verbum Legis audiat? Imo verò etiam ob has causas cupiebat *habitare* in *Domo Jehovah* pius pro cæteris Homo, *Psal. xlviii.*

10. L. 14. 15. c. 4. cxxii. 5. &c. sed quoniam nulla pietas Deo grata esse potest, sub quacunque etiam Oeconomia vivant homines, absque *Fide* in Christum *mortuum* vel *moriturum* pro Electis ut *Victimam piacularem*, ideo David insignis non tantum Propheta, sed & Fidelis, *habitare* tantopere desideravit in Domo Jehovæ, ut *Typos Christi morituri* ibi *videret* atque *investigaret* in Cognitionis suæ & Fidei incrementum & stabilimentum.

XVI. Sic enim pergit, *Finem* tandem à se intentum, exprimens: לחיות בנועם יהוה ולבקר בהיכלו / *ut videam amœnitatem Jehovæ*, & inquiram in Templo ejus. Præfixum ב in בנועם heic designat *Objectum* contemplationis, perinde ac *Versf. 13.* non *Locum* in quo, sicuti in sequenti בהיכלו / quod contra *Bucerum* notandum est, qui נעם & היכל pro eodem accipit, scilicet *Tabernaculo*. Vox נעם notat in genere id quod pulchrum est, atque menti ac sensibus delectationem creat. Hinc *Symmachus* per נאמנות; *Hieronymus* per *pulchritudinem*, Alii per *Suavitatem*, *Jucunditatem*, *Amœnitatem* reddiderunt. Quænam hæc AMOENITAS sit ex *Videndi* & *Inquirendi* actu optimè intelligitur. Verbum חזה significat primò oculis corporis aspicere *Exod. xxiv. 11. Dan. iii. 24.* dein & mentis *Jes. xxxiii. 17.* Prior illa significatio heic directe intenditur, quamvis & posterior dein non excludatur. Distinguenda enim significatione sunt vocabula *Videndi* & *Inquirendi* non frustra heic ambo posita. Posterius ad mentis aciem meditando & attente considerando operosæ heic refertur *coll. Ezræ. vii. 14. 10.* Ergo Prius ad oculos corporis referri debet. Præterea in domo sua, in deserto, & in exilio poterat amœnitatem Jehovæ hanc per Prophetiam videre, meditari, cognoscere, eaque frui, sed *videre* eam oculis corporis tantum in Templo poterat. Consequenter Vox hæc נעם non notat heic ipsam delectationem seu *Delectationis internum Actum*, uti sumitur *Prov. iii. 17.* sed *Rem pulchram Voluptatis & Delectationis Causam & Objectum*
exter-

DE AMOENITATIBUS TABERNACULI. 171

externum. Itaque *Amœnitas hæc* in genere est omnino aliquid *Visibile* oculis corporis, Templo seu *Tabernaculo* *Jehovæ alligatum*, in quo simul *Menti* aliquid *spirituale inquirendum* diligentius proponitur, & quod esse potest *caussa delectationis* & *gaudii* homini peccatori, imo & *Jehovæ*, ut ita dicam, hinc etiam *Amœnitas Jehovæ* dictum.

XVII. Hæc porro specialius nunc à nobis determinanda, non constituitur, eleganti & ornatâ *Tabernaculi* structurâ, aut imaginibus affabre & artificiose in aulæis ejus confectis, neque enim sapientissimus & sanctissimus Vates hæc contemplari pro omnium suorum desideriorum summâ habuisset. Verum consistit in *Apparatu* **CULTUS LEVITICI**, quatenus ab *Israëlita non Sacerdote* conspici poterat *oculis corporis*. Dabantur enim *Sacra Vasa* & *Instrumenta* in Sancto & Sancto Sanctorum, quæ oculis usurpare nulli *Israëlitæ* licitum erat. Verum quæ in *Atrio* gerebantur, ab *Israëlitâ* quolibet, sive ibidem adstante, sive foris stante per tapetes ocellatos, conspici poterant. Hæc igitur intendit David, nempe *Mactatas Victimæ*, easque in *Altari* oblatas per *Sacerdotem*, earumque *sanguinem* quandoque *intra Sanctuarium* illatum. Hic sacrificandi ritus erat primarius in toto Cultu Levitico in *Tabernaculo* & *Templo*, quod hinc **בֵּית זֶבַח** **DOMUS SACRIFICII** vocatur. 2 *Chron.* vii. 12.

XVIII. Hic Altaris Sacerdotum & Sacrificiorum sanguinisque fusi atque in sanctiorem & altiorem Locum illati Apparatus id est, quod David vocat **AMOENITATEM**, & quidem **JEHOVÆ**. Primo intuitu res admiratione digna videtur, quod in jugulatione pecudis, effusione sanguinis innoxii animalis, & crematione carnis ejus, amœnum spectaculum constituerit David. Ita est; foris spectatum hoc nec Deum *Ps.* l. 13. nec homines nisi semiferos delectare potest. Sed alio respectu omnino in Sacerdotio & Sacrificiis Leviticis erat **AMOENITAS**. I. Quia in iis ut *Typis* erat *Typica præfiguratio Christi*, Sacer-

dotis pro nobis constituti, & simul ut *Sacrificii* expiatorii pro nobis *offerendi* cum *sanguinis* effusione *sub dio*, & postea ingressuri in cæleste *Sacrarium* & apparituri coram facie Dei pro nobis. Hæc sunt *Cælestia illa*, à Paulo ita dicta quia Sacerdos noster nunc in cælis est, quæ per cultum hunc Leviticum in Tabernaculo fuere *præfigurata*, uti disertè docet Apostolus *Heb.* viii. 5. ix. 23. x. 1. Quâ substitutione summi Sacerdotis pro nobis, & quâ Victima Vicariâ Loco peccatoris electi mactanda certò vel mactatâ nunc, nil Suavius Amœnius & Desiderabilius peccatori mortis æternæ reo, iræque divinæ filio dari potest, coll. *Cant.* i. 16. II. Quia præterea in iis erant *Sacramenta*, tum *obsignantia* translationem peccatorum ab Electis & Credentibus in Christum Sponsorem, & Remissionem peccatorum propter sanguinem ejus certo fundendum, in quâ vera *amœnitas* *Psf.* xc. 17. tum *conferentia* etiam actu per *fidei corroborationem* & Spiritus Sancti operationem augmentum vitæ consolationis & gaudii spiritualis ac tranquillitatis conscientiae, coll. *Psal.* lxxxiv. 11, 12. cxxxiii. 1, 2, 3. III. Quia denique habebant *Significationem* & Institutionem *Moralem*, & cultus spiritualis per carnalem illum egregie adumbrabatur, coll. *Psf.* l. 14, 15, 23. li. 19, 20. *Malach.* i. 11. *Rom.* xii. 1. *Heb.* xiii. 15, 16. i. *Pet.* ii. 5. Hæc sunt illa quæ AMOENITATIS nomen jure meritò SACRIFICIIS LEVITICIS conciliabant.

XIX. Verùm & rectè *Amœnitas* JEHOVÆ dicuntur eadem a Davide. Erant enim à *Jehovæ* instituta. Deinde id quod præfigurabant, quod erat Christus moriturus ad demonstrationem justitiæ Divinæ, & ad decens exercitium Misericordiæ erga peccatorem Electum, *gratum* & *amœnum* est *Jehovæ* *Jes.* xlii. 1. *Matth.* iii. 17. *Luc.* ii. 14. & simul עֲוֹן AMOENUM AMABILEM efficit *Jehovam* peccatori *Psal.* xxxvi. 7, 8, 9. cxxxv. 3. cxlvii. 1. ut & peccatorem *Jehovæ*, sicuti etiam Spiritualis cultus, quem adumbrabant, idem præstabat coll. *Psal.* xvi. 6.

XX.

XX. Hæc verò nisi respexisset David, nunquam profectò SACRIFICIORUM APPARATUM, externo aspectu nil jucunditatis præ se ferentem, vocasset AMOENITATEM JEHOVÆ, neque tantopere illum in Tabernacula VIDERE desiderasset oculis primò corporis, & dein mentis acie investigare ac INQUIRERE. Verbum בקר significat, studiosè & tempestivè inquirere id quod oculis non obversatur, mediante Luce, quæ singulis manet oritur, unde Hebræis בקר Boker *mane* significat, quia tunc primùm depulsis tenebris requirimus ea quæ latebant, uti haud malè *Bellarminus* observavit. Plures Interpretes *Objectum Inquisitionis* hujus aliud constituunt quam *Amœnitatem*, quæ est objectum *Visus* expetiti; sed malè. Eadem Amœnitas quæ est objectum *Visus* corporalis etiam est objectum *Inquisitionis* spiritualis, sed diverso respectu. Illud enim quod amœna effecit sacrificia est spirituale aliquid, mente conspiciendum, meditatione, coll. *Pf* xxvi. 6. cxix. 99. 100. & collatione Legis Ritualis cum Verbo Promissionis & cum Lege Charitatis attenta mente erendum, ope Spiritus illuminantis, a Davide ideo expetiti, ut *intueretur* MIRABILIA hæc LEGIS ejus. *Psalms*. cxix. 18. coll. *Psalms*. xxvi. 6. 7.

XXI. Cum itaque hic fuerit *Finis* desideratæ Habitationis in Tabernaculo Jehovæ, nemo mirabitur Davidem in hoc desiderio *Primarium* imò *Omnium Votorum* suorum pro hujus Vitæ Bonis *Summum* constituisse; coll. 1 *Cor*. ii. 2. Enimvero cupiebat ea *Videre* & ad *Visum Inquirere*, ut in *Cognitione* Christi Sponsoris morituri cresceret, coll. 1. *Pet*. i. 10, 11, 12. *Fides* sua in illum corroboraretur, *Amor* exardesceret, *Dei* admirabiles *Virtutes* ex hoc Opere Redemptionis per mortem Vicariam Filii conspicuas *Pf*. lxxiii. 3; 4. deprædicaret, & *Gratitudinis* sinceræ sacrificia spiritualia edisceret, Deo offerenda ex corde puro, atque adeò in *spirituali Vita* gratiæ, connexâ cum illâ gloriæ quotidie magis magisque proficeret, ad gloriam Dei & Ecclesiæ ejus.

ædificationem. Quod Omne sanè *Unum* illud *Necessarium* a Christo commendatum complectitur, & quod Votorum nostrorum debet esse *Primum* imo *Summum*.

XXII. Longe itaque rectius atque altius sapuit David hac in parte quam Judæi jam per tot secula occæcati, qui Naturæ & Mundi Imaginem quidem in Tabernaculo, ne-
tiquam verò Mysterii Redemptionis per mortem Messiae ut
piacularis Victimæ, reperiunt. Majores eorum ante Na-
tivitatem Christi rectius hæc Mysteria intellexerunt. Nul-
lum est dubium enim quin David ad exemplum Abrahami
Gen. xviii. 17, 18. omnisque Fidelis Doctoris *2 Cor. i. 4.*
ea quæ in Sanctuario didicit cum aliis etiam communicave-
rit: *coll. Ps. li. 15, 17.* Unde etiam hæc Doctrina in Po-
pulo Dei semper conservata fuit, quamvis pauciores eâ im-
buti fuerint, nam *Filii desolatæ & sterilis*, id est, creden-
tes in Christum morituros ad justificationem numero pau-
ciores fuere *Filiis Maritatæ*, id est, *Justitiariis*, Ancil-
læ servientis liberis, inde a Monte Sinai ortum trahenti-
bus. *Jes. liv. 1.* *Gal. iv. 22—30*, sed valde auctis tempore
Pharisæismi, quando Doctrina hæc penitus ferè obscurata
est inter Judæos: uti hodie hæc cognitio ablata est pror-
sus ab ipsis, restituenda, cum Legem Moïsi converterint
ad Christum Crucifixum, Finem & Scopum ejus *coll. 2.*
Cor. ni. 16.

XXIII. Coronidis loco lubet appingere ea quæ Viri
Clarissimi Coccejus & Gussenius ad Loca *Psal. xxvi. 6.*
li. 9. & *lxiii. 6.* commentati sunt, quia plurimum ad fir-
mandam nostram Thesin conducent. Coccejus ad *Psal.*
xxvi. vers. 6. ita translaturum, *Lavo in innocentia palmas meas.*
Et circa altare tuum versor, Jehovah, hæc inter alia adno-
tavit. Allusum est ad ritum ablationis, quo utebantur sacra
facturi. *Exod. 30. 19.* Hinc apparet, veteres non ignorasse
mysticum sensum ceremoniarum. Simile *Psal. 51. 9.* Ubi ita
David: *Expiabis me hyssopo, Et purus ero; lavabis me, Et*
præ nive exalbescam; & ubi Coccejus in Commentario suo ad
hunc

hunc Locum ita ab se translatus scripsit. *Maxime insignis ritus lustrandi erat, quum sanguine hostiæ aspergebatur expiandus, quod fiebat hyssopi aspergillo. Quid cum descripsisset, ejusque usum in Mundatione Leprosi Levit. xiv. 4, 5, 6, 7. asperzione aquæ lustralis Heb. ix. 13. Num. xix. & superliminarium in Ægypto Exod. xii. notasset, atque hoc loco maximè respectum esse ad purificationem a Lepriâ, quia David se peccatorem immundum profitetur, Remissionem peccati purgationem vocat, & Leprosus post asperzionem lavabatur, ac in Christo utramque figuram implevisse habere, observasset; ita pergit. Hyssopi solius meminit, cætera subintelligens. . . . Nam per Hyssopum tota illa ceremonia sacramentalis innuitur. Tamen non subsistit in Sacramento: sed ad Veram & internam purificationem Conscientiæ, quæ fit ab ipso Deo penetrat. Non enim dicit, Sacerdos filius Abaronis me expiabit hyssopo: sed Tu me expiabis hyssopo. Deinde in lege hæc purificatio sacramentalis pro leprosis est posita, non pro adulteris & homicidis: sed David intelligit, in lepræ plaga notari omnem corruptionem humanæ naturæ, & justificationem nostram per lepræ purgationem significari. Quo admonemur, Patres Veteris Testamenti & bene intellexisse mentem divinarum Ceremoniarum & per illas ad Christum, tanquam unicum fidei scopum, deductos esse. Planissimum enim est, si David non cogitasset de aliquo sacrificio hilastico, quo peccata sua purgarentur, nihil de hyssopo & expiatione per illam dicturum fuisse. Optime. Audiamus nunc Gussesium. Ita ille in Comment. Ling. Ebraicæ ad Verbum **אֲחַיִּיב** Ps. li. 9. **אֲחַיִּיב מִיִּסְּוֹן** expiabis me hyssopo; adhibetur (**אֲחַיִּיב** in Pihel) eo sensu quo solet in sacrificiorum applicatione ad propitiationem Dei erga reum designandam. Hoc nemo non cernit, sed aliud est quod volo. David non potuit hoc dicere sensu Legis Mosaicæ corporeo. Nam peccata alia eluebantur sanguine victimæ hyssopi ope adperso. Adulterium vero & homicidium non erant de illorum numero, quæ erant Davidis crimina, ut nec idololatria. Tribus enim illis expia-*

tio-


tionem nullam Lex supplet. Itaque David verbis utens Legalibus cogitat expiationem specie diversam: nimirum eam quæ in Christi sanguine residet, retroque vim suam ad Davidem usque & ultra exporrigebat. Quam enim aliam? Quare ostendit suo exemplo Patres Veteris Testamenti intellexisse typos remque ipsis significatam. Hac data occasione, indicabo & exemplorum par, in quibus pariter David utens locutionibus à Lege desumptis, non potuit tamen significare res Legales, sed proinde assurgit ad alias res quarum illæ erant symbola, Ps. 26. 6. **וְאֶסְבֵּבָה אֶת מִזְבֵּחַךְ** & circuibo altare tuum. Sacerdotis erat circuire aram. Videlicet prius debebat lavare ad mare æneum, & inde redire ad latus altaris, unde spectaret tabernaculum, quod non poterat fieri nisi circuitione magnæ partis altaris. . . . Non erat ergo cur David hoc de se diceret, nisi quod se spectaret ut fidelem, nōritque fideles adumbrari sacerdotibus, ac horum functiones corporeas adumbrare certos fidelium actus in spiritu & veritate exercitas. Deinde Psal. 63. 6. (ut adipe & pinguedine exsatiatur anima mea) non potest convenire Davidi ad Legis amissum (David enim non comedisset adipem **חֵלֶב** contra Legem Levit. vii. 24, 25.) & hoc unum superest ut ei conveniat res lege depicta, quam ipse cognitam vendicaverit sibi ut fidei: qua de re nos ad nomen **חֵלֶב** dicemus quod satis est. Juvat autem his tribus argumentis evicisse Patrum cognitionem sublimiorem quam nonnulli velint & ad res Evangelicas lumine Legem superante emicantem.

DISSERTATIO SEXTA

D E

LINGUA VATIS CALAMO SCRIBÆ
VELOCIS COMPARATA.In *PSALMO*. XLV. v. 2.

I.



AUD esse hunc Psalmum quadagesimum quintum Vulgare Epithalamium de Rege aliquo terreno, sed singulare omnino de Rege Divino, Messîa, Filio Dei, non modo Auctoritas N. T. & totum Psalmi Argumentum docent; sed etiam *Titulus* præfixus, & floridum *Proœmium* clamant. Appellatur enim in *Titulo*, v. 1. מְשִׁיכִיל *Erudiens*, vel *Eruditio*. Si ulli, certè huic Psalmo competit hoc Elogium plenissimo sensu. Docet enim, præ Aliis; Pluralitatem Personarum in Unâ numero Essentiâ divina; Veramque *Regis*, Messîæ nempe de quo loquitur, etiam ex Consensu Judæorum, Deitatem *vs.* 7. 8. *Heb.* 1. 8. 9. quæ est fundamentum Religionis Christianæ & salutis miseri peccatoris *Jer.* xxx. 21. *Act.* xx. 28. 1 *Job.* 1. 7. & simul Humanitatem Ejus, *vs.* 3. ex Patribus *vs.* 17. assumendam ab Ipso. Docet præterea Regni Ejus Æternitatem *vs.* 7. *solium tuum, Deus, in æternum*: ut & Sponsæ Ejus mysticæ, quæ est Ecclesia; tum Invisibilitatem quoad Essentialem ejus formam, *vs.* 14. *Tota gloriosa est*

Z

Fi-

uti Augustinus cum Aliis Veterum, *Cor meum Verbum Bonum*: sic simul indicans esse hoc Verbum Bonum, ex corde erumpens, *in corde suo*, in Intellectu, Voluntate, Memoria, Se sensum ejus intelligere, fide amplecti Regem hunc, eâque Connubium stabile cum eo contraxisse, amore præterea ardentissimo se Eum prosequi, & vehementer gaudere in communione Ejus, ut & de salute multarum Gentium olim futurâ per Eum. Quomodo *in corde* habuerunt Prisci Vates Prophetias, quas de Christo *ex corde* suo, igne Spiritus Sancti accenso ac ebulliente, protulerunt olim 1 *Pet.* i. 11. *Matth.* xiii. 16. 17. Alterum Enuntiatum extollit *Objecti Principalis*, de quo agitur, *Dignitatem*: dicens *Ego Poëmata mea de Rege*; Maximo nempe, Cœli & Terræ, Tzijonis *Psal.* ii. 6. Israël's Veteris *Psal.* cx. 1. *Jerem.* xxx. 21. & nunc Gentium quoque *Psal.* ii. 8. & Excelsissimo *Apoc.* xvii. 14. & Singularissimo, Deo & Homine simul, cujus Regnum in sanguine proprio olim fundendo nunc fuso fundatum est, qui Leges suas præscribit & simul inscribit Potenter cordibus hominum, poenasque & præmia dat Æterna, & cujus denique Regni nullus unquam erit Finis *vs.* 7. *Jes.* ix. 6. *Dan.* ii. 44. &c. Qui adeo dignus est, ut omnium Mortalium aures audiant Ejus laudes, *recitandas* publice a Vate, cum admiratione, fide, amore & obsequio absolutissimo. De quo proinde quia tam magna & multa dici possent, quibus omnibus recitandis tempus nullum sufficeret, & quæ millena volumina vix caperent si scriberentur omnia, *coll.* *Job.* xxi. 25. ideo subjungit tandem Tertium hoc Enuntiatum, quod nostræ tractationis nunc erit subjectum, לְשׁוֹנִי עַם סוֹפֵר מַהֲרָ לINGUA MEA CALAMUS SCRIBÆ VELOCIS.

III. In Versione Tremellii & Junii ita connectuntur hæc Verba cum præcedentibus, ut *duplicem modum*, quo recitaret Vates hæc sua Poëmata, significant. *Dicturus sum Ego Poëmata mea de Rege: Linguâ meâ & stylo*, ut scriba

promptus. Non nego Prophetas stylo seu calamo suo quoque nobis dicere & loqui; juxta phrasin Scripturæ frequentem *Matth.* I. 21. 11, 17, 23. IV, 14. XII. 17. XIII, 35. *Act.* II. 16. 2 *Pet.* I. 21. &c. Neque inficior Præfixum ׀, causam instrumentalem aut modum actionis indicans, ex consuetudine Linguae Sanctæ abesse posse, coll, *Psal.* XLIV. 3. LX. 7. &c. Sed difficulter mihi persuadere possum, si hoc voluisset Propheta, cum omisisse in voce ׀, & affixum pronomen primæ personæ, quod est in ׀שני׀ Lingua mea, & præfixum ׀; quamvis & hujus præfixi ellipsis non careat exemplo apud *Glossum*, *Grammat.* Lib. IV. *Tract.* I. *Observ.* VII. ubi allegat 1 *Sam.* IV. 8. *Psal.* CXXXIII. 3. *Jes.* LXIII. 11. Interim res hoc Enunciato significata eodem redibit, siue Linguam suam duntaxat, quâ recitaret hoc Canticum, siue etiam Stylum suum, quo scriberet illud Calamo scribæ velocis, vel semet ipsum in recitando & scribendo pariter, comparet prompto ac celeri scribæ. Simplicius tamen est ut in hoc Enunciato Tertio Lingua Prophetæ sit Subjectum Ejus, de quâ dicit, Eam esse Calamum Scribæ velocis, id est, ei similem. Sic ferè omnes Interpretes Veteres & Recentiores. Chaldaus, מלל לי שני מוחי ה׳ קולמוס כפרא רג׳ *Verbum linguae meae festinans sicuti calamus scribæ expediti.* LXX. ἡ γλῶσσά μου κάλαμος γραμματίως ὀξύγραφος. Symmachus apud Eusebium, ἡ γλῶσσά μου γραφεῖον γραφέως ταχινῶ, Aquila, γραμμῶς γραμματίως ταχινῶ. Vulgatus, *Lingua mea calamus scribæ, velociter scribentis.* Hieronymus ad Principiam, *Lingua mea stilus scribæ velocis.* Piscator, *lingua mea erit stylus scribæ celeris.* &c.

IV. Loquitur de LINGUA SUA, quâ Sermonem hunc Bonum, in corde conceptum, intellectum, creditum, ex corde, igne Spiritûs sancti accenso, & ebulliente, pro concione proferret atque recitaret Propheta, quæque etiamnum resonat in scripto hoc Cantico. Sic recitasse Davidem, aliosque Prophetas, quandoque opera sua, haud abs-

absque ratione colligitur ex 2 Sam. xxiii. 1, 2. Jerem. xxxvi. 4, 5, 6.

V. Loquitur porro de CALAMO SCRIBÆ VELOCIS. Per סופר מהיר *Scribam velocem, celerem, expeditum*, non intelligit *improprie* dictum Scribam. Scriba ipse Christus est, inquit Hieronymus in Commentario, unde dixit in Evangelio, *omnis scriba doctus in Regno coelorum similis est paterfamilias* (Matth. xiii. 52); *velociter scribens: Quia nullus tam citò scribit, sicut ipse Dominus in cordibus sanctorum scribit. Quid scribit, nisi fidem spem & charitatem suam?* γεγραμμένος ἐν τῷ πνεύμα, nempe ἁγίου Θεοῦ ζώντος, inquit Basilii, *quoniam sapiens est & omnes docens &c.* Hoc sequutus est cum Aliis Dan. Fesselius in *Adversariis sacris*, Lib. 1. C. 1. §. 12. *Metaphoricè γεγραμμένος, סופר, scriba Psalm. xlv. 2. vocatur Spiritus sanctus, quia non solummodò Scripturæ sacræ autor est, verum etiam lingua Prophetarum & Apostolorum tanquam calamo usus, verba illa quæ cordibus ipsorum inspiraverat, protulit ad Ecclesiæ salutarem ædificationem. Addunt Alii; Spiritum sanctum esse Virum illum, indutum vestibus lineis cum atramentario scribæ ad lumbos suos Ezech. ix. 2, 3. Illumque esse Digitum Dei, per quem olim Lex inscripta Tabulis lapideis Exod. xxxi. 18. Deut. ix. 10. quia Spiritus Dei & Digitus Dei alternant Luc. xi. 20. coll. Matth. xii. 28. & quia Spiritui Dei inscriptio Legis in Tabulis cordis carnis tribuitur 2. Cor. iii. 3. Imo & hoc observant, quòd emphatica sit hæc comparatio Spiritus sancti cum סופר מהיר, quatenus denotat, vel *Eruditum* quemvis, vel *Legis Doctorem*, vel etiam *Amanuensum*, quia Spiritus sanctus, est Sapientissimus Jes. xi. 2. 1. Cor. ii. 10, 11. & Ecclesiæ Doctor Efficacissimus Job. xiv. 26. xv. 13, 14. & quasi Amanuensis Christi Job. xvi. 13, 14. & quidem *velox* admodum, utpote qui unico momento multa scribit in animis eorum quos convertit, ut patet in Paulo, Aliisque magno numero in Festo Pentecostes conversis.*

VI. Verùm si hoc intendisset Vates, & *Christum* ipsum, vel *Spiritum S.* intellexisset, Excellentia aliquod signum vel Epitheton adjecisset, uti autumo; ex quo clariùs constare potuisset Unam vel Alteram ex Adoranda Trinitate Personam heic intelligi debere; non ita simpliciter, Ipsum Divinum *Regem*, modò nominatum, de quo tot præclara in sequentibus enarrat, aut *Spiritum sanctitatis Ejus*, nominasset *scribam celerem & expeditum*. Et præterea sic difficilior redditur sensus totius hujus Enuntiati. Quis *calamus* esset hujus Scribæ Divini? An Lingua Prophetæ? *Pluribus placet*, ita scripsit *Lorinus*, *scribam esse Spiritum sanctum*, Linguam Prophetæ calamum, per quam linguam dum illam movet Spiritus sanctus scribere idem spiritus censeatur, non solum in corde Prophetæ, sed etiam aliorum ad quos Prophetæ Scripta vel Verba perveniunt. Durus hic est sermo qui Linguam hominis in calamum scribæ transformat. Sed, ajunt, *Calamus* pro Organo ponitur, & sensus est, *Lingua mea est Organum Spiritus S.* quamadmodum *Eusebius* hoc explicat in Commentario. Respondeo: Calamus est organum scribentis, lingua loquentis. Quis sibi facile persuadeat distincta hæc organa confudisse Vatem, & ut indicaret *Linguam* suam esse organum Spiritus Sancti, hoc ita expressisse, *Lingua mea est calamus scribæ velocis*? Quapropter etiam Interpretes notam similitudinis hæc subaudiunt, *Lingua mea est vel erit ut calamus scribæ velocis*. Quod si probes, iterum rogo; Quis *calamus* est hujus scribæ Divini, cui compareret Vates *Linguam* suam, ab isthoc calamo Sp. S. verè distinctam? An *Virtus Sp. S. Flexanima*, quâ Legem Christi cordibus inscribit? Sed hæc à Spiritu sancto non est essentialiter distincta, nec separabilis ab eo, uti Calamus a Scriba Humano est. Et quomodo *Linguam suam* diceret hoc sensu David vel Propeta alius quispiam, huic Calamo Spiritus S. similem? Verbum enim Prophetarum & Apostolorum a Virtute Spiritus vorticordiâ diversissimum est naturâ & operatione suâ 1 Cor. iii. 5, 6, 7.

6, 7. Conjuncta esse, fateor, *Verbum & Spiritum sanctum* *Jes. LIX. 21.* quoniam Hic ad præsentiam istius Verbi, sed potentissimâ, & a Verbi operatione distinctissimâ, operatione fidem producit in cordibus Electorum. Quare etiam *Euangelium* dici *δὲναμιν* eis *σωτηρίαν* vulgò volunt *Rom. i. 16.* Alii vero *Christum* ita vocari à Paulo contendunt. An ergo ad hanc *Conjunctionem* Linguae suæ cum virtute vorticordia Spiritûs respexit Psaltes, quando dixit, *Lingua mea est, vel erit, vel sit, Calamus scribæ periti:* hoc sensu scilicet, *Lingua mea erit, vel sit, conjuncta* cum Flexanima illa Virtute Dei ad salutem Electorum? Non videtur: Nam non dicit, *Lingua mea erit cum Calamo scribæ velocis, sed ut Calamus Ejus.* Videmus ergo hæc verba vix commodum sensum habere posse, si *Scriba velox* heic sit *Spiritus sanctus.*

VII. Est itaque longè commodior & facilior Via eruendi genuinum hujus Enuntiati sensum, a nobis calcanda, ne *Spiritum sanctum Dei pro SCRIBA* huc modò avocemus, uti sonant Verba *Mantuani* in Commentario. Nempe intelligit Propheta *scribam propriè dictum.* Non tamen *Politicum*, Regis alicujus aut Civitatis, qui enumerat, scribit, recenset, custodit, Decreta, Judicia, Res gestas, Generationes, Reditus, Milites, Operarios, *Turres* seu *Machinas Bellicas* quascunque, 2 *Sam. viii. 17.* 2 *Reg. xxii. 3.* 1 *Chron. xviii. 16.* 2 *Chron. xxxiv. 16.* *Esth. iii. 12.* *Jes. xxxiii. 18.* &c. Neque *Ecclesiasticum*, Sacrarum Literarum Peritum, Legisque Divinæ Interpretem, aut Exercitatum in Schola vel Academia Doctorem: quo sensu *Efra* vocatur סופר משה *Esd. vii. 6.* & de *Scribis* legitur *Matth. vii. 29.* *xiii. 52.* *Marc. xii. 28.* coll. *Matt. xxii. 35.* Neque etiam *Oeconomicum* illum, qui privatorum Contractus & Instrumenta describit, quales fuisse videntur *Kinei* 1 *Chron. ii. 55.* coll. *Jer. xxxii. 11.* quos hodie appellamus *Notarios.* Neque tandem *Virum* aliquem *Literatum & E-ruditum*, qui סופר 1 *Chron. xxvii. 32.* & γεγραμμένος 1 *Cor. i. 20.*

i. 20. appellatur, unde *Illiterati ἀγραμματοὶ* dicuntur *Act.* iv. 13. Ad quorum Scribarum tamen Unum aut Alterum heic esse respectum judicant Aliqui; ac si sensus esset: *Vel, Lingua mea eloquetur Regis Messiae Decreta, Præcepta, Res gerendas, Generationes, Arma; instar Calami Scribæ Politici, quo ista omnia perscribuntur: Vel, Lingua mea non nisi erudita, sublimia, & mihi probè cognita proferet, uti Calamus Scribæ Ecclesiastici, aut Docti cujusvis Viri, non nisi docta, & quæ certè scit, chartæ mandare solet. Quòd si scribam sumamus pro Doctore, inquit Lorinus, qui sit velox in Lege, ut Esdras, indicabitur summâ Doctrinâ constare Psalmum istum, esse de rebus altissimis. Alius apud Viccars, ut Calamus scribæ, qui legit scribitque cum intelligentiâ, sic ego scribam (dicam) quæ certè scio.*

VIII. Verùm intelligit *Amanuensem*, qui excipit & describit verba liberè loquentis, vel potius dictantis ad calamum, qualis *Scriba* fuit *Baruch Jerem.* xxxvi. 26. coll. cum *vs.* 16, 17, 8, 32. Etenim ejusmodi *Scriba*, qui ad volubilis linguæ dictamen scribit, *velox* in scribendo & *celer* esse solet. Quomodo & heic occurrit scriba מֵהֵר. Quod vocabulum Hebræum, origine ex מֵהֵר *festinavit, celerem* notat atque *expeditum*, uti sumitur *Prov.* xxii. 29. אִישׁ מֵהֵר בְּמַלְאכְתּוֹ *Vir celer, expeditus, in opere suo.* Quem sensum heic expresserunt *Chaldeus*, LXX. *Symmachus, Aquila, Vulgatus, Hieronymus, Aliique Veteres & Recentiores.* Quæ scriptionis celeritas cum supponat *Exercitationem & Peritiam*, non mirum est hanc vocem מֵהֵר in aliis Linguis Orientalibus cognatis notare *Peritum, Doctum*, uti adnotatum est à *Muisio*, & à *de Dieu*, qui tamen exinde notionem celeritatis heic non attendendam esse minus rectè inferre videtur.

IX. Quia porro de *Scriba Celeri* loquitur, per Vocabulum עֵט; quod est generale, quodlibet *γραφῆον* & instrumentum scriptorium acutum & acuminatum notans, à

עֵטָה

קטף acuit; hoc in loco non intelligit Vates *Stylum ferreum*, aut ex aliâ durâ materiâ confectum, quo fiebat apud veteres literarum incisio, sine affusione coloris, in saxis, lignis, plumbo, tabulisque gypsatis ac ceratis *Job. xix. 24. Jer. xxvii. 1.* Nam ejusmodi stylus ad velociter scribendum parum aptus est. *Hoc loco inquit Lorinus, cujusmodi intellexerit David instrumentum, satis videtur intelligi ex epitheto Scribæ velociter scribentis; velocius enim sine dubio scribitur in charta, calamoque seu stylo ex penna vel canna, quam ex ferro vel osse, similive alia materiâ, quæcunque sit materia in qua scribatur, aut lapidea aut plumbea &c.* Sed intelligit: vel arundinem seu calamum arundineum proprie dictum, Chaldaeo **קולמוס**, Aquilæ **αἰσῶν** dictum, quales dabat chartis habiles *Memphitica tellus*, juxta *Martialem Lib. xiv. Epigr. xxxviii:* vel pennam avium; quo utroque instrumento, humore atrii vel rubri coloris tincto, scribebant veteres in *Pergamenâ*, ex ovinis aut hædinis aliisque pellibus paratâ, aut in *papyro & charta*; etiam Judæi *Jerem. xxxvi. 18. Ezech. ix. 2. 3.* quorum libri ab antiquis temporibus **מגלות** volumina dicti sunt *Psal. xl. 8.* Ex quo probabiliter colligitur; *Membranas* seu pelles, quia ex pecudum membris detractæ sunt, uti *Isidorus* loquitur *lib. vi. c. xi.* non demum *Pergami* ab *Eumene Rege* esse inventas, uti *Plinius* scribit *lib. xiii. c. xi.* quamvis fortè tunc majori copiâ factæ fuerint, & hinc *Pergamenæ* dictæ. Certè Græcis de re antiquissimâ usurpatum fuit proverbium, *Diphtherâ* (id est, membranâ) antiquior; sicuti hoc quoque ab *Hugone* annotatum est. Probabiliter dixi, ex voluminis vocabulo posse colligi membranarum usum apud Judæos veteres, non certò: quia *Plinius* etiam de plumbeis voluminibus loquitur, ex quibus monumenta publica confici cœpta sunt, *lib. xiii. c. xi.* Quem tamen plumbi laminam sic intellexisse contendit *Hermanus Hugo*, modò laudatus, de primâ scribendi origine &c. *cap. x. p. 94, 95.* Sed e plumbo volumen diuturnum nullum fieri potest, plumbum enim, semel,

iterum, tertiumque convolutum & evolutum, facillimè rumpitur. Inde enim nomen volumini datum à crebrâ convolutione, ut refert Isidorus Lib. VI. c. XIII. Igitur per volumen Plinius laminam intellexerit: sicut Sueton. Neron. c. XX. chartam plumbeam vocat, quam eandem Plinius, Lib. XXXIV. c. XVIII. (referens de Nerone eandem rem cum Suetonio) appellat plumbi laminam: & certum omnino videtur, cum publica monumenta, quæ vulgò publicè spectanda proponuntur, nihil opus sit instar voluminum posse convolvi. &c. Utrumque ergo Scriptorium instrumentum, calamus & penna, cum aptum sit ad celeriter ac festinanter scribendum in chartâ vel pergameno, alterutrum eorum intellexit Propheta, loquens de Scriba velociter scribente.

X. Dicit denique Propheta, Linguam suam *Esse*, vel *Futuram* esse, Pennam, aut Calamum Scribæ Velocis. Quod propriè intelligi nequit. Disparatum enim de disparato prædicatum in casu recto nunquam sumitur vel sumi potest sensu proprio. Est itaque heic Ellipsis notæ similitudinis, aliàs familiaris, *Psalms*. XXII. 7. *Eccles.* VII. 26. *Hos.* VII. 8. Et plenè verba Hebræa ita sonant Latinè: *Lingua mea* (est, crit, sit) ut *Calamus Scribæ Velocis*.

XI. Non conveniunt Interpretes: quâ in re *Similitudo* inter Linguam Psaltis & Calamum Scribæ Celeris sit posita juxta mentem Ejus. Alii ad *Efficaciam* hujus Boni Sermonis in animis Auditorum ac Legentium hoc referunt, votivè inprimis capientes verba: *Lingua mea sit ut stylus Scribæ Velocis*, quo *stylo* inciduntur literæ in ære saxo ligno, ita scilicet penetrent verba mea, adjuvante Divina gratiâ, in animos mortalium, eosque aperiant, flectantque ad Obsequium Regis hujus, & forment eos in *Epistolam meam*, & *Christi* 2 *Cor.* III. 2, 3. iisque firmiter inhæreant. Sed Vocabulum *עט* heic non sumitur pro *בדול עט* *stylo* ex ferro, aliâve materiâ durâ confecto; quemadmodum antea à nobis observatum fuit.

XII.

XII. *Alii ad Elegantiam & Claritatem Sermonis hujus Boni respiciunt. Scriba enim Peritus eleganter nitideque ac splendide literas, facile legibiles, pingit. Simeon de Muis in Comment. Possunt hæc verba hanc habere sententiam, lingua mea nitide ac tersè elocutura est, sicuti quis scribendi peritus nitide literas pingit. Hoc etiam inter alia adduxit Clar. Coccejus noster: Ut Scriba exercitatus eleganter pingit literas, omnibus legibiles, ita lingua mea, à Spiritu Dei agitata, verbum bonum, quod est in corde meo, πρὸς πᾶσαν συνέδνοιον exponit, ut verba in tabula eleganter scripta, למען ירוץ קורא בו / ut non offendet, cespitet, hæreat, sed currat, qui legit Hab. II. 2. Uterque, & Muisius & Coccejus, laudavit Jarchium. Sic diceret Hieropsaltes se eleganter & clarè elocuturum esse, pro ratione Objecti dignissimi & capacitate Auditorum suorum, vivisque & exquisitis coloribus ac imaginibus depicturum esse gloriosum Regis Sponsi & Reginae Sponsæ mysticæ statum. Quod & fecit omnino in hoc Cantico Vates. Sed vox מְהִיר derivatâ & secundariâ quâdam notione Peritum & Exercitatum significat; primâ & propriâ indicat Celerem. Quâ significatione heic sumi, ex veterum Interpretum consensu quoque, maximè verosimile videtur. Non enim מְהִיר מוֹפֵר nominando ad καλυσυγγραφίαν, præcisè ita dictam, sed ad ὀξυγυγγραφίαν & ταχυγυγγραφίαν & βραχυγυγγραφίαν, respexit Vates; si Veteres Interpretes sequamur.*

XIII. *Alii Cantici hujus Originem Divinam sic indicari autumant. Ut calamus dependet & movetur à Scriba, eique inservit ad ejus verba & cogitata signanda: sic Ego spontè quidem & voluntariò, sed non proprio motu dicam, neque propria verba & inventa cordis mei referam, verùm Dei Verba mihi inspirata, ut & reliqui omnes Prophetæ fecerunt, 2 Sam. XXIII. 3. 2 Tim. III. 15, 16. 2 Pet. I. 21. Huc spectare existimo verba Theodoretī, ἡ δὲ ἐν τῇ Ἀγνοίᾳ ὠδίνας προσφέρει. ἐτέρασ δὲ ὑπεργὰρ ἐνεργήσας ἢ γλῶττι. καὶ αὐτὴ μὴ μιμείται κάλαμον, ἢ*

δὲ χάρις ἔστω πνεύματος χαρματῆα ταχὺν, ἀλλὰ ταύτης ἀβέ-
 λεται χάρις. Quæ ex interpretatione *Antonii Carafæ*
 ita Latinè sonant. *Nilil, ait, proprium loquor, neque*
meæ mentis partus affero. Alius verd efficacæ lingua mini-
stra est, & ipsa quidem calamum imitatur; gratia verd
spiritus velocem scribam, per hanc quæ vult scribens. Sed
 hæc Interpretatio hoc habet incommodi, quod planè
 prætereat *Epitheton* Scribæ, qui מְהֵרָה *velox* notanter di-
 citur in Textu.

XIV. *Alii* rursus ad *Perpetuam Permanfionem* hujus Can-
 tici hoc trahunt. Nempe litera scripta manet, vox pro-
 lata perit. Ex quibusdam *Augustini* ad hunc locum verbis
Nonnulli ansam ceperunt cogitandi de Verbi Scripti Æter-
nitate heic notatâ. Ita *Bellarminus*. *Vel, significare voluit,*
prophetiam hanc non abituram in ventum, ut quæ ore pronun-
ciantur; sed perpetuò mansuram, ut quæ calamo exarantur.
 Ita quoque *Corderius*. *Aut ideo quoque calamo Scribæ lin-*
guam suam similem dixit, quia voces ejus, non ut verba, quæ
fusa in aëre solvuntur, erant interitura, sed ad memoriam æ-
ternam duratura. Verùm tunc potius linguam suam stylo
 ferreo, de quo *Jobus* loquitur cap. xix. 24. comparasset,
 quo verba sua in rupe inciderentur in perpetuum: neque *Ve-*
locis Scribæ meminisset, qualis non est, qui *Ferreo* utitur
 stylo.

XV. *Alii* ad *Veritatem Ethicam*, seu ad *Fidelitatem* suam
 in Recitatione hac suâ hoc referunt. Quasi diceret: si-
 cuti Scriba fideliter cogitata & dictata excipit & chartæ
 imprimit: ita Ego dicam omnia fideliter, quæ mens mea
 linguæ meæ, aut etiam Spiritus Sanctus ei, dictabit. Lin-
 gua mea erit fidelis mentis meæ a Spiritu Sancto afflatæ
 Interpret. Non aliud dicam quàm quod mente, a Spiri-
 tu agitatâ, concepi. *Musculus: Linguam suam comparat*
calamo velociter scribentis, id est, ejus qui ex animi senten-
tia scribit. Calamus enim ei, qui libenter & animo prompto
scribit, obsequentior est ac properantior, quam ei qui non ex
 ani-

animo scribit. Ita qui ex corde loquitur obsequentissimam habet linguam. Quibus verbis tamen videtur Musculus hoc referre, & ad Veritatem Ethicam, & ad animi Affectum, amoremque suum erga Regem, de quo caneret Vates.

XVI. Alii denique, ad notionem *Celeritatis*, quæ est primò & propriè in voce מַהֲרֵי, respicientes, & considerantes, quòd, qui celeriter aliquid agit, expeditè & absque hæsitazione agat ac interruptione, atque simul cum ardore & zelo; horum alterutrum vel utrumque heic notari credunt. Nempe sic diceret Psalter: *Vel; se non tardè composuisse hæc Poëmata, utpote a Spiritu S. sibi inspirata, qui tarda molimina nescit, nulloque ad meditationes & conceptus formandos indiget tempore, se unguis non demor- disse, quod solent facere Poëtæ, tum in inventione rerum, tum in earum dispositione laborantes atque sudantes, ut loquitur Amyraldus in Paraphrasi: Vel; se celerrimè & absque hæ- sitantia ulla carmen hoc recitaturum, uti Dathenus in Rhythmo*

Myn tong sal syn lof melden over al

Snelder dan een schryver die 't schryven sal:

Vel; se magno cum ardore animi ac zelo, in citata ora- tione conspicuo, hoc Carmen Nuptiale pronunciaturum, ex ebulliente & igne Spiritus S. accenso corde suo. Significare vult, inquit Muisius, quisquis est Author hujus Psalmi, magnum dicendi & scribendi ardorem, qui non pa- titur moras.

XVII. Ut tandem dicam sententiam meam: cum iis fa- cerem doctissimis Interpretibus, qui per *Scribam celerem* intelligunt talem, qui verba loquentis simpliciter, vel di- stantis potius, celeriter excipit & chartæ mandat, quia utitur *abbreviationibus*, scripturæ compendiis, literarum furtis, & Notis, & qui ideo proinde erant ταχυγράφοι quia βραχυγράφοι & σημνογράφοι, atque εἰς τάχος ἀπὸ ση- μείων scribebant. Hi incredibili celeritate scribebant, &

manus eorum sæpe velocior erat linguâ dictantis. Unde *Martialis* in noto *Egigr.* ccii. Lib. xiv.

Currant verba licet, manus est velocior illis,

Nondum lingua, suum dextra peregit opus.

Quare *Hieronimus* ut insolitum quid enarrat quod linguâ sua celerior fuerit manu *Notariorum*, in *Epistola de Vitando suspecto contubernio*, in fine: *Hæc ad brevem lucubrationunculam celeri sermone dictavi, volens desiderio postulantis satisfacere, & quasi ad Scholasticam materiam me exercens. Eodem enim die mane pulsabat ostium, quâ profecturus erat. Simulque ut ostenderem obtrectatoribus meis, quod & ego possem quicquid veniret in buccam dicere. Unde & de scripturis pauca perstrinxi: nec orationem meam, ut in cæteris libris facere solitus sum, illarum floribus texui. Extemporalis est dictatio, & tanta ad lumen lucernulæ facilitate profusa, ut notariorum manûs lingua præcurreret, & signa ac furta verborum volubilitas sermonum obrueret. Quod idcirco dixi, ut qui non ignoscit ingenio, ignoscat vel tempori. Aliquando illis *Litera Verbum* erat, ut loquitur *Manilius*, *Astron.* iv. quales literas siglas fuisse dictas, quasi singulas volunt *Nonnulli*. Aliquando autem *Notas* adhibebant, hinc *σημειώσεις* dicti, quas *Manilius* l. c. à literis distinguit. Hic & *Scriptor* erit *facilis*, cui littera verbum est. Quumque notis linguam superet, cursumque loquentis, *Excipiens* longas nova per compendia voces. Quæ *Notæ* non erant literæ, sed compendia literarum, quas alii volunt sigla esse appellatas, quasi dicas sigilla, parvasque incunculas. quibus literas obsignabant quasi, & plus esse intelligendum, quam expresse scriptum erat, indicabant. Has enim *Notas* vocabant *Figuras*, *Imagines*, *Signa*, *Σημεῖα ἐν μυστοῖς ἢ βραχέσι τύποις ποικύων χαρακμάτων δύναμιν ἔχοντα*, ut *Plutarchus* in *Catone* loquitur: Referunt a *Cicerone* conscriptum fuisse *Dictionary*, quod à *Cypriano* postea auctum esset, cujus singulis verbis signa quedam ipse præfixit, significantia id verbum cui præfixa sunt: v. g. 7 *Tempus* signat &c. Qui de his plura*

cupit, adeat *Lipsum*, *Cent. 1. Epist. ad Belgas*, *Epist. xxvii.* & *Matth. Raderum Scholiastem Martialis doctissimum*, in *Lib. xiv. Epigr. ccii. Salmuth ad Panciroll. p. 11. Tit. xiv. Hermannum Hugonem* de prima scribendi Origine & universæ Rei litterariæ Antiquitate c. xviii. *J. Nic de Siglis Veterum c. iii. vii. &c. Alios.*

XVIII. Ad hujusmodi *Scribam*, *Notarium* dictum, heic fieri allusionem haud dissimulavit *Hieronymus*, quando in *Epist. ad Principiam* ait, *nos posse per scribam velocem intelligere Notarium*, qui quodam signorum compendio brevium sermonem exarat. Et scripsit *Rivet*: *Est tamen semper Metaphora sumta à Notariis illis, qui celeriter aliorum dicta excipiebant per notulas quasdam, aut abbreviaturas quas vocant, & scripturæ quædam compendia. &c.* Et huic sententiæ calculum suum adjecerunt *Lorinus*, *le Blanc*, *Ferrandus*, *Alii.*

XVIII. Apud Romanos *Primi* hujus artis scribendi per *Notas literatas & illiteratas*, ut vocant, *Authores*, qui eas vel invenerunt vel auxerunt, nominantur *vilissima mancipia* a *Seneca*, *Mæcen* ejusque libertus *Aquila* à *Dione*, *Cicero* à *Plutarcho*, *Tiro* libertus *Ciceronis* ab *Eusebio*, *Ennius* ab *Isidoro*. Videantur *Hermannus Hugo*, c. xviii. *Lipsius*, l. c. Aliique plures. Apud Græcos vero laudatur *Xenophon*, qui floruit *Olymp. XLIV.* ut qui πρῶτος ὡς σημειωσάμενος τὰ λεγόμενα εἰς ἀνθρώπους ἤγαγεν. *Primus notis excipiens dicta (Socratis) in homines protulit*, uti est apud *Laërtium* in *Vitâ Ejus lib. ii. p. m. 45.* Apud *Ægyptios* mos notis hieroglyphicis res & animi sensa significandi ab antiquissimis temporibus invaluit. Apud *Judeos* denique ab ævo *Abbreviaturæ* obtinuerunt. *Tantopere*, inquit *Buxtorfius* de *Abbreviat. Heb. p. 2, 3. hoc scribendo Hebræi gaudent, ut nullus Liber, nullum Scriptum, nulla Epistola, nulla pagina aut scheda eo ferè careat.* Causa fortè est, quia hic scribendi modus in gente *Hebræa* inde à primis sæculis in usu fuit. *Nomen Maccabæorum* usita-
tis

tis apud Judæos istiusmodi *Abbreviaturis* suam originem debere volunt. Apud *Sixtum Senensem* in *Biblioth. S. Lib. 1. p. 23.* legitur. *Cæterum quia hæc duo volumina ab illustri Maccabæorum cognomine titulum acceperè, libet hic breviter subnectere, quæ de origine hujus cognominis ipse legi in commentariis Rabbi Isaac Benschola, id ita se habet: JUDAS Mathathie filius, cum adversus Antiochum, Judæorum hostem, esset prælium initurus, dedit militibus, ceu belli tesseram, sententiam illam Mosis Exodi cap. 15. 11. מִי כִמְכָה בְּאֵלִים יְהוָה* *Mi Chamocho Baelim Jehova, hoc est, Quis sicut tu in fortibus Domine? jussitque eam singulis ordinum vexillis, tanquam certæ victoriæ omen, inscribi per quatuor has literas מִכְּבִי hoc est M. C. B. I. quæ initiales sunt prædictarum quatuor dictionum, & earum sensum ex integro significant. Sed cum vulgus militum quatuor has literas brevitatis gratia pronunciare cœpisset, non juxta integram quam referunt sententiam, sed secundum unicam duntaxat dictionem, quæ primum ex earum combinatione resultat, videlicet MACCABÆI: paulatim militaris consuetudo obtinuit, ut hujus tessere author Judas, & eorum Posterì, MACCABÆI cognomine appellarentur. Inter Theoreticæ Cabbalæ species apud Judæos est quoque illa quam vocant נוֹטָרִיקוֹן *Notarikon*, per quam ita exponunt sacram Scripturam, ut scribit Menassch in *Conciliatore, Quæst. L. ad Exod. 34. 27.* Exempli gratiâ, cum in Psalmo Tertio, vs. 2. dicitur רַבִּים *Multi insurgunt adversum me, Kabbalistæ exponentes hoc de populo Judaico, querunt, qui sunt רַבִּים Multi qui insurgunt adversum populum Israël? & respondent: isti sunt illi quatuor populi, quos DAVID SIGNIFICAT per quatuor dictionis literas רַבִּים, hoc est, ר Romani, (רומיים) ב Babylonii, (בבליים) י Iones sive Græci, (יונים) מ Medi sive Persæ, uti legitur apud Hackspanium de Cabbala Judaicâ s. XIII. Hæc Cabbalistarum opinio, quod existiment, Spiritum Sanctum, quo afflati scripserunt oracula Divina Vates, singulas vocum litteras pro integris aliis vocibus posuisse, originem fortasse duxit**

duxit ex antiquissimo hoc scribendi more, in gente Hebræa usitato, juxta quem *Litera verbum* erat, uti loquitur *Manilius*. Quod sanè non minus est probabile quàm quod existimant Alii, hunc Cabbalisticum interpretandi modum acceptum fuisse a Daniele, qui cœlesti digito exarata illa verba, מֶנֶה מֶנֶה מֶנֶה תִּקֵּל וּפְרָסִין *Mene, Mene, Tekel, Upbarfin*, Dan. v. 25. ita interpretatus fuit, ut singula verba integras sententias expresserint. Vide *Pererium* in locum illum. Ita *Raderus*, ab *Hermanno Hugone* etiam exscriptus l. c. *Multis annis ante Ciceronem Judæa notarum videtur artem invenisse; captatâ ex Danielis interpretatione hujus compendii occasione. Daniel enim illa cœlesti digito exarata verba, Mane, Thecel, Phares, sic est interpretatus, ut singula verba singulas observarent orationis sententias. Magistri ergo & Divinarum literarum interpretes genus inde interpretandi novum invenerunt, quod Cabbalisticum appellarunt; quâ non tantum sententias & integras Scripturæ Divinæ orationes explanant, sed etiam syllabas, & singulas quasque literas separatim expendentes, quasi lateat in singulis aliquid mysterii, excutiant, &c. & conjectura est hinc a Judæis manasse rationem hac methodo non interpretandi tantum, sed & scribendi. Ipse *Hermannus Hugo*, ex Jesuitarum Societate vir Doctus l. c. ex hoc ipso Textu nostro colligit priscum hunc Hebræorum per Literarum compendia & Notas scribendi morem. Ego, inquit, postquam expendere cœpi illum versiculum Davidis Psal. XLIV. Lingua mea calamus Scribæ velociter scribentis: postquam excutere cœpi antiquitatem Hieroglyphicarum notarum, non aliud potui suspicari, quàm longè antiquius notarum originem esse indagandam. Neque tamen primus id audebam aperte affirmare, donec comperi Patrem nostrum *Raderum*, & ex eo Patrem etiam *Lorinum* in Psal. XLIV. id docuisse.*

XIX. Atque adeo, ut applicemus hæc tandem addictum nostrum, *Lingua mea* erit ut *Calamus Scribæ Velocis*, hoc vult dicere Vates: Eloquar Poëmata mea de Rege Maximo, Excelsissimo, Singularissimo, Potentissimo, Æter-

no, de quo tam multa tam ingentia tam miranda cum mihi dicenda essent, si singula deberem exprimere, Ego Scribæ ὀξύγᾶς & βραχυγᾶς morem sequar, & Regni Messiae mysteria per paucarum literarum compendia, ac imagines quasi exponam, & si non omnia huc pertinentia, multa tamen breviter, & per *Notas* quasi ac *Imagines* dicam, & sic saltem aliquid hujus Rei intelligentibus & attendentibus clarè satis exponam.

XX. Quomodo indicare noluit Propheta *Obscuritatem* Cantici hujus & Scripturæ Divinæ. Fatemur quidem quod βραχυγραφία ista fuerit quædam κρυπτογραφία. Cicero Lib. XIII. ad Atticum, *Quod ad te de legatis scripsi, parum credo intellexisti, quia διὰ κρυψίων scripsi.* Unde & ejusmodi *Notas* a legum Codicibus abolendas censuit Justinianus, quia errori ansam dabant, non uno modo explicari cœptæ. *Ne autem per Scripturam aliqua fiat in posterum dubitatio: jubemus, non per signorum (sigillorum, siglorum) captiones, & compendiosa ænigmata, quæ multas per se, & per suum vitium ἀντινομίας induxerunt: ejusdem codicis textum conscribi &c. Cod. Lib. I. Tit. XVII. §. 13.* Sed omne simile est etiam dissimile. Est quoque in scriptura per *notas* & *literarum compendia* quædam *obscuritas*: sed ideo ad illam quoque respexisse Vatem non sequitur, dum alia sunt quoque, ad quæ in hac comparatione respicere potuit. Interim fatemur, comparatè ad lumen gloriæ, lumen gratiæ, in Verbo resplendescens, esse ut *Speculum* & *Ænigma* 1 Cor. XIII. 12. & in Scriptis Prophetis comparatè majorem esse *obscuritatem* quàm in Apostolicis: quæ tamen in se satis *perspicua* sunt in omnibus ad salutem necessariis, Psalm. CXIX. 105. 2 Pet. I. 19.

XXI. Sed docere mihi videtur I. Hoc suum Canticum *Amorum* sive *Dilectarum* esse modò *Compendium* rerum; quæ in *Cantico Canticorum* Salomonis de Spirituali *Connubio* animæ fidelis cum Christo, in quo est fundamentum justificationis peccatoris per solam fidem, propter justitiam

tiam Christi imputatam fide apprehensam; atque in *aliis Scripturæ locis*, latius diducuntur. II. *Modum*, quo mystici hujus Connubii *Arcana* exponit, in hoc Psalmo, nimirum per *Notas* quasi *Figuras* ac *Imagines*. Quorsum faciunt; *Pulchritudo* Sponsi laudata *vs.* 3. *Gladius* memoratus *vs.* 4. *Tela* penetrantia *vs.* 6. *Thronus*, *vs.* 7. *Oleum* latitiæ *vs.* 8. totusque ornatus *Vestimentorum Regis & Reginae* descriptus *vs.* 13, 15. &c. III. *Magnitudinem & Multitudinem Rerum infinitam*, quæ in Rege Messia sunt reconditæ *Coloss.* II. 3. quæ si plenis verbis efferrentur aut scriberentur, tempus deficeret, & vix æternitas sufficeret, imo mundus vix caperet libros conscribendos de hoc Rege, *Joh.* XXI. 25. *Sunt autem & alia multa quæ fecit Jesus, quæ si scribantur sigillatim, ne mundum quidem ipsum opinor capturum eos qui scriberentur libros.* Sunt illa ἀρρητὰ ῥήματα cœlis reservata, ibique olim resonatura, nec tamen adæquate unquam à finitâ creaturâ intelligenda *2 Cor.* XII. 4. De *Mysterio Dei ac Patris & Christi* loquitur Paulus *Coloss.* II. 2. Est *Nomen Filii Dei Nomen Mirabile* *Jud.* XIII. 18. *Prov.* XXX. 4. *Jes.* IX. 5. ὄνομα τὸ ἑνὲς πᾶν ὄνομα *Phil.* II. 9. ὄνομα ἀσφραγιστέον *Heb.* I. 4. In Deo incarnato est *Magnum Mysterium* *1 Tim.* III. 16. Sic quoque de spirituali Connubio Christi cum Ecclesia dicit Paulus; *Mysterium hoc Magnum est, loquor autem de Christo & Ecclesia* *Ephes.* V. 32. De quibus *Mysteriis* cum acturus esset Vates, haud mirum est ipsum per modum Excusationis sui subjecisse, quod pro dignitate tam sublimis Argumenti de eo dicere nequeat; & quòd ideò *Lingua* sua futura sit *instar Calami Scribæ*, qui per *Compendia* literarum, *Notasque* ac *Imagines* Res multas latentes breviter complectitur: Prohibet enim *Magnitudo & Multitudo rerum harum*, ut de iis κατὰ μέγεθος & κατὰ ἐν νunc dicamus, *coll. Heb.* IX. 4. *Joh.* XXI. 25. *Videmus nunc per speculum & per ænigma* *1 Cor.* XIII. 11. Veniet beata *Æternitas*, quando hisce oculis

lis Deum incarnatum *Job.* xix. 25, 26, 27. cernemus,
& *videbimus* Eum *sicuti est* i *Job.* iii. 2. & juxta O-
raculum *Jes.* xxxiii. 15. *intuebimur* REGEM illum in
ompi PULCHRITUDINE SUA.

DISSERTATIO SEPTIMA

D E

PULCHRITUDINE ET GRATIA LABIORUM MESSIÆ, PROPTEREA BENEDICTI IN ÆTERNUM.

AD P S A L M. XLV. 3.

I.

Populus Christi est Populus *Spontaneus* *Psal.* cx: 3. Non semper faciunt subditi ejus quod volunt *Matth.* xxvi. 41. *Rom.* vii: 18, 19. Sed semper volunt bonum quod faciunt, & delectantur eo *Rom.* vii. 22. Si fide amplectantur Eum ad Justificationem, *exsultant gaudio inefabili & glorioso* *1 Pet.* i. 8. Si amoris erga eum indicia edant, in abnegatione bonorum terrenorum, derelictione charissimorum pignorum, ac perpeffione flagrorum ac contumeliarum, gaudent, quod digni habiti sint, qui pro nomine *Jesus* contumeliâ afficerentur. *Act.* v. 41. Si aliquid cum abnegatione voluntatis propriæ pravæ ac perversæ præstent quod Ipse jussit, & ei placet, magis de eo lætantur, quàm de omnibus mundi opibus *Psal.* cxix. 14. Hujus rei causa efficiens principalis est victrix regis Messiae gratia. Non cogit ille subditos suos violenter ad obsequium, sed ex nolentibus volentes facit, tantâque perfundit animos eorum voluptate, ut spontè sequi velint trahentem Dominum. *Cantic.* i. 4. *Jerem.* xxxi. 33. xxxii. 40. Nec desunt causæ impulsivæ quibus rationaliter moventur illi ad fidem & amorem ejus. Non est cæca illorum obedientia, nec absque ratio

ne Eum volunt & colunt. Est enim in Ipso per consummatam *justitiam* & infiniti valoris *Passionem vicariam*, roburque divinum Spiritualis *Pulchritudo* incomparabilis, quæ, conspecta & cognita, peccatorem mortis æternæ Reum, & suæ miseriæ consciunt, salutisque æternæ ficientem, vi quadam insita & blanda rapit, & facit ut pleno affectu ruat in amplexus ejus, partim per fidem in eum, partim per amorem ejus. Enimvero si illorum, qui corporis pulchritudine aliis præstant, amor naturæ nobis sit inditus, & libentius iis inservire quàm aliis imperare velimus: non minor sanè est vis spiritualis pulchritudinis Christi, divini Sponsoris nostri & Jehovæ Justitiæ nostræ; quem in Evangelio oblatum incredibili cum animi voluptate amplectuntur Electi, suumque omni affectu volunt esse sponsores, atque *sponte* ipsum sequuntur per aquas etiam & ignes, neque ullo modo sese ab ejus amplexibus avelli patiuntur, coll. *Jes. xxv. 9. XLIV. 24. Apoc. xiv. 4.* Est præterea in Christo magna eloquii suavitas, *Labiorumque* ac sermonis *Gratia*: sive salutis mysteria, olim vel tacita planè, vel non ita perspicuè tradita, doceat: sive miserum peccatorem blandè ad se invitet, & loquatur verba, quæ solus Deus, solusque Immanuel & Servator mundi eloqui potest: sive legem regiam suam amoris Dei & proximi subditis præscribat, non ut *jugum importabile*, propriam ac perfectam legis obedientiam ab ipsis exigendo, ut causam vitæ æternæ, sed ut *Jugum suave*, sinceram modo obedientiam flagitando, cum promissione remissionis omnium peccatorum & juris ad Vitam æternam propter Justitiam suam iis imputatam *Matth. xi. 28. 30.* Quâ *labiorum* suorum *Gratiâ*, corda mortalium furante & demulcente; tanquam fistulâ pastoralis movet oves suas ut se *sponte* sequantur; imo tanquam aureâ catenam trahit suos ad se, longè efficacius quam olim *Hercules* in cujus ore finxerunt aureas catenas; quæ vulgus hominum auribus traherent, uti adnotatum est à *Calvino*.

II. Hæc Duo itaque, PULCHRITUDO Regis Messiae,

fiæ, & GRATIA LABIORUM Ejus, quia spontaneum faciunt quoque populum ejus; à Vate, in hoc Epithalamio de laudibus Messiæ canente, meritò *præmittuntur*, non modò ut fundamenta fidei suæ & amoris in Messiam Redemptorem exponeret, sed etiam ut validè moveret miseros mortales, ut *spontanea* fide sponsores hunc & sponsam divinum amplecterentur ad Justitiam, & *voluntariâ* obedientiâ se subjicerent quantocyus magno Regi. Quando post *inscriptionem* & *præfationem* vers: 1. 2. de quibus in *Dissertatione VI* egimus, statim in initio ipsius Cantici commendat Regem, à PULCHRITUDINE incomparabili, & à LABIORUM GRATIA ineffabili, ac denique à consequente BENEDICTIONE divina interminabili, hunc in modum יִפִּית׃ מִבְּנֵי אָדָם הוּצֵק חֵן בְּשִׁפְתֹתָיךְ עַל־כֵּן בֵּרַכְךָ אֱלֹהִים לְעוֹלָם *Multò pulchrior es filiis hominis (vel hominum), gratia effusa est in labiis tuis: propterea benedixit tibi Deus in æternum.*

III. Vates ex Prævisione Prophetica sibi proponens Messiam *Exaltatum* ad dextram Dei Patris, *præmittit* lætus hanc ejus *Exaltationem* una cum Fundamentis & *Causis* ejus in hoc nostro *versu* textuali. Deinde pergens *Predicit*: Tum gloriosas ejus *Victorias*, quas reportaret ille in cœlum assumptus de hostibus suis; Judæis quidem cominus per *gladium*; gentibus verò, usque ad fines terræ habitantibus, eminus per *sagittas* confodiendis; partim ut hîc & posthac in æternum pereant; partim ut vetus homo in iis occidatur, & novus resurgat, ac vivat in æternum: vers: 4, 5, 6. *Accinge gladium tuum super femur, Heros, Majestatem tuam & gloriam tuam. Et in gloria tuâ prosperè equita super verbo veritatis, mansuetudine justâ, & docebit te terribilia dextera tua. Sagittæ tuæ acutæ sunt: Populi sub te cadent, in cor inimicorum regis penetrant vel penetrabunt. Tum regni Æternitatem, vers: 7. Thronus tuus, Deus, thronus seculi & usque, vel in seculum & sempiternum. Porro Commendat regem Messiam: Tum ut Æquissimum vers: 7. Sceptrum*

restitutionis est sceptrum regni tui: Tum ut Legitimum, qui jus habet ad regnum, fundatum in merito iustitiæ vicariæ perfectissimæ, quæ causa est propter quam Pater summus in negotio salutis iudex, unxit eum, seu constituit regem & declaravit, atque contulit ei oleum letitiæ, seu dona Spiritus sancti supra omnes socios reges veteris Israël, cum amplissimâ potestate communicandi ea cum electis ex omni gente & lingua hominibus; vers. 8. Dilexisti Iustitiam & odisti improbitatem; propterea unxit te, Deus, Deus tuus, oleo letitiæ præ sociis suis: Tum ut valde Desiderabilem, propter gratiæ divinæ Media, verbum & sacramenta, quæ Vestimentorum regionum & sponsalium instar, a Rege verè distincta sunt, ipsumque in gloriâ suâ ostendunt, distinguunt, ornant, atque simul quodammodo obtegunt & involvunt, propterea ab ipso tandem deponenda in die æternitatis. Quæque Vestimenta Christi eodem letitiæ oleo largiter perfusa, dona Spiritûs sancti cælestia, ex eburneis cæli tertii palatiis demissa, stillarent in accedentes ad ea propius, ad Vivificationem electorum, Confortationem credentium, Lætificationem ac Consolationem lugentium Tzizonis; idque majori copiâ quam olim; ex quo tempore scilicet, sive ipsa illa Dona, sive eburnea cæli Palatia ipsum regem Messiam glorificatum letificare incepissent: vers. 9. Myrrha & aloë casia omnia vestimenta tua, ex palatiis eboris, ex quo ex hilarunt te. Præterea Promittit ei Regiam Conjugem exoptatissimam, & spirituale ac stabile connubium cum ecclesia ex judæis & gentibus colligendâ; seu plurimos ex totius orbis terrarum Populis, etiam ditiores ac honoratiores, dextram Fidei conjugalis ei porrecturos, & fiduciali amplexu ipsum ut Sponsum & Sponsorem suum apprehensuros, eique sese ut Marito Domino ac Regi subjecturos cum abnegatione voluntatis propriæ, rerumque terrenarum omnium, & idcirco Tyris, id est mundanis opem ipsorum imploraturis quandoque venerabiles & admirabiles futuros; Eum denique splendidis omnium virtutum Christianarum ornamen-

mentis oblectaturos; cum Perseverantiâ Singulorum ad mortem usque; qui singuli successive in die mortis, & omnes simul in die ultimo, intrarent in cæleste Regis palatium, in perpetuum cum ipso & ad ipsius gloriam victuri: *versf. 10, 11, 12, 13, 14, 15, 16. Filiae regum inter honoratas tuas: stat regina ad dexteram tuam in auro ophir. Audi, Filia, & vide, & inclina aurem tuam, & obliviscere populi tui & domus patris tui. Et concupiscet rex pulchritudinem tuam. Quoniam ipse Dominus tuus, & procumbe illi. Et filia Tyri in munere faciem tuam deprecabuntur divites populi. Tota gloriosa est Filia regis intus, ex ocellationibus auri vestimentum ejus. In acupictis adducetur regi. Virgines post eam, sociæ ejus adductæ tibi. Adducentur in lætitiis & exultatione, ingredientur in palatium Regis. Denique Promittit regi Messiae connubium fecundum, multâ & insigni prole beatum, & liberos sanctis & credentibus ipsius patribus similes, & principes eminentiâ natalium cælestium ac spiritualis Domini in tota terrâ futuros. versf. 17. Loco patrum tuorum erunt filii tui, pones eos in principes in tota terra. Tandem Promittit Nominis perennem celebritatem, & æternas laudes. versf. 18. Commemorabo nomen tuum in omni generatione & generatione: propterea populi celebrabunt te in seculum & in æternum.*

IV. Quoniam itaque glorificatus post passiones vicarias Messias menti Prophetæ in hoc Cantico obverlatur, incipit ab *Exaltatione* ejus, cujus *Fundamenta*, *Causasque* duas præmittit. Qui Salomonem in hoc Epithalamio celebrari existimant, ab *Effectis*, *Pulchritudinis* nempe & *Eloquii*, ad *Causam* assurgere Vatem statuunt, *Benedictionem* scilicet Divinam; vertentes illud *בֵּרַךְ לְךָ יְיָ* quia vel propterea quod benedixit tibi Deus in seculum. Et hoc quidem necessarium est ex hac hypothesi; quoniam præstantia Salomonis & gratia labiorum ejus non fuere causæ benedictionis divinx, sed benedictio Dei ex adverso causa fuit omnis sapientiæ & gloriæ ejus, 1 Reg. III. 11, 12, 13. Quare mirari licet hoc sequutos esse etiam illos interpretes, qui solius Mes-

fiæ laudes heic decantari nobiscum judicant; cum nulla similis prægnans ratio ipsos ad hoc sequendum coegerit, & cum omnia melius & facilius intelligantur, quando *Pulchritudo & Gratia labiorum* Messiae statuuntur *Causse & Fundamenta* insecutæ *Benedictionis* ejus, uti ex dicendis in sequentibus patebit. Considerabimus itaque paulò propius & distinctius, primò *Causas* exaltationis Messiae præmissas: deinde *Exaltationem* ipsam. Causarum prima est *Eximia Pulchritudo* ejus, Altera verò *Gratia labiorum* ejus, quam utramque nunc paulò latius tractabimus.

V. De PULCHRITUDINE Messiae ita canit Vates מְבִינִי אֶת־בְּנֵי־אָדָם *Multò pulchrior es filiis hominis vel hominum.* Haud absque ratione ante omnia *Regio Sponso*, cujus nuptias cum Ecclesia heic celebrat, tribuit *Pulchritudinem*: & quidem *eximiam*, utens verbo מְבִינִי formæ geminatæ, ad intendendum *significationem* inquit *Piscator*. Compositum voluit nonnulli ex *kal & pyhal*, vertuntque ideo *multò pulchrior effectus es*: quod Alii improbant, nec absque causa, quia nulum *dagesh* ex *Pyhal* heic occurrit in litera ב. Malim inquit doctissimus *Piscator*, *multò pulchrior es*. Verbum hoc potius est duplicatum *Kal*, vel compositum ex verbo in *Kal* מְבִינִי & nomine adjectivo מְבִינִי *japhe pulcher*, aut substantivo מְבִינִי *jeppi Pulchritudo*: atque adeo idem sonat ac *pulcher es pulcher es*, vel *pulcher pulcher es*, vel *pulchritudine pulcher es*, id est *Pulcherrimus es* Filiorum hominis; qui *superlativus* latet in hoc geminato verbo, mox tamen abit simul in *comparativum* per præfixum מְ; quod *comparationi* inservit in sequenti אֶת־בְּנֵי־אָדָם *præ filiis hominis vel hominum*: qui sunt non homines plebeji tantum, ut *Psalms*. XLIX. 3. sed omnes, ex *Adamo*, & singuli ex hominibus quibusvis nati, qui אֶת־בְּנֵי־אָדָם dicuntur alibi *Psalms*. XXXI. 20. XXXIII. 13. &c, & hîc, ita ut ipse *Adam* primus homo nequaquam excludatur.

VI. Atque adeo collocat Messiam per *superlativum* latentem in verbo geminato מְבִינִי in ordine & numero hominum,

nam, atque *filiorum hominis*. Hoc enim per *comparativum* facere non potuit. Quemadmodum enim Deus per *comparativum*, quando dicitur sapientior hominibus, in horum ordinem non redigitur, sed per *superlativum*, si diceretur sapientissimus omnium hominum: & sicuti homo per *comparativum*, quando dicitur sapientior brutis hisce non adnumeratur, verum si diceretur aliquis homo sapientissimus brutorum, eo ipso in horum ordinem referretur: sic quoque, quando Messias dicitur *Pulcherrimus hominum*, manifeste in horum numero ponitur; atque prædicitur de eo; ipsum fore hominem verum, & perfectum corpore & animâ humana constantem; imo fore eum Hominem ex hominibus proditurum, non immediatè a Deo creandum, sed semen mulieris *Gen. iii. 17.* Abrahami *Gen. xxii. 18.* filium Judæ *Gen. xlix. 10.* semen Davidis *2 Sam. vii. 12.* Hominem & Filium hominis *Psal. viii. 5, 6, 7. Lxxx. 18. Dan. vii. 13.* Et quando hoc prædicitur de illo qui *vers. 7. & 8.* Deus appellatur, Mysterium illud magnum incarnationis Filii Dei revelatur hic æque ac alibi *Jes. vii. 14. ix. 5, 6. Jer. xxiii. 4, 6. xxx. 21. Mich. v. 1. &c.*

VII. Sed & sic *Confer* Messiam cum hominibus in *Pulchritudine*, ut simul illum eis omnibus longissimè *Præferat*. Huc enim nos ducit *comparativus* expressus per *ו* præfixum in *וְהָיָה מִשְׁכָּנִי בְּיָדָיו*. At verò ut rectè pereipiamus quid per hanc *extimam pulchritudinem* Messiae, quâ omnes omnino homines superat, intelligat Vates; observandum est in genere eum per *Pulchritudinem* intelligere: non aliquid *generale*, quod in sequentibus per partes exponeret; verum aliquid *speciale* à reliquis Messiae laudibus in hoc Epithalamio repertis, in formali conceptu suo distinctum. Quemadmodum enim in regio sponso humano, ad quem heic alluditur, Pulchritudo formæ corporeæ differt formaliter ab ejus eloquio, fortitudine bellica, armaturâ tremenda, æquitate regiminis &c. Sic etiam hæc *Pulchritudo* Messiae, ut ab iis omnibus in sequentibus illi tributis distincta, spectari de-

bet. Deinde speciatim præstruenda sunt fundamenta quædam & præmittendæ regulæ quædam, ut secundum illas Interpretatio hujus *Pulchritudinis* Messiæ componatur & feliciter instituat. Nempe hujusmodi *Pulchritudo* heic intelligi debet: *Quæ* I. non movet & delectat oculos corporis, & carnalem appetitum excitare potest, sed *Amabilem* ac *Desiderabilem* Messiam facit peccatori misero iræ Divinæ æternæ obnoxio. Hic enim scopus est Vatis in hac descriptione Regis sui, ut Sponsam, seu multitudinem Electorum ex Judæis & Gentibus moveat ad eum fide amplectendum, atque ei obedientiam promptam ac sinceram præstandam. II. In *Quâ* comparari potest cum filiis hominum, & cujus *Pulchritudinis* aliquid in iis quoque reperitur, ita tamen ut longè eminentiori modo in ipso solo locum habeat. III. *Quæ* denique in Messia *ante Exaltationem* ejus fuit, hujusque Fundamentum ac *Causa* extitit: nam dicit Propheta, *Propterea* benedixit tibi Deus in seculum; quomodo hebraicas voculas כן לעד vertendas esse censemus, quod nunc supponimus, postea verò demonstrare conabimur. Hac triplici Interpretationis clave adhibitâ facilè referabimus hoc oraculum, & penetrabimus in verum ac proximum ejus sensum à Spiritu sancto intentum.

VIII. Certè si hæc Fundamenta solida sint, uti existimamus, hæc *Pulchritudo* Messiæ tributa non est *proprie* d. Ta corporis; vel *glorificati* nunc in cælis, *Phil.* III. 21. de quo hoc intellexit *Irenæus*, *Lib.* IV. adv. *Hereses*. Cap. XXXIII. vel LIII. §. 11. & de quo heic cogitavit etiam *Bellarminus*; vel *mortalis* quod secum gessit in his terris ante Resurrectionem suam. Nam si concedamus eum tunc formâ corporeâ pulcherrimum mortalium fuisse; hæc tamen *Pulchritudo* ejus *Causa* exaltationis ad dextram Dei non fuit, neque eum peccatoribus æternæ damnationi obnoxiiis & æternæ salutis sitientibus *Amabilem*, nec *Desiderium* omnium gentium efficere potest. Præterit dum corporis mortalis *Pulchritudo*; necquicquam *prodest*

DE PULCHRITUDINE MESSIÆ. 205

dest peccatori *formosa caro* Christi, sed deformata tantum & crucifixa. Aberrat itaque magnopere a vero dicti hujus sensu *Job. Fechtius*, Theologus Rothochiensis in *Noctibus Christianis, Exercit: de forma faciei Christi*, quando illud de *Pulchritudine* formæ corporeæ proprie dictâ interpretatur; & urget §. vi. *Cujuslibet vocis primum ac nativum sensum tamdiu retinendum esse quamdiu indubitatis rationibus ex proprietate baud depellimur*. Nam litera absque ullâ temeritate deseritur, ubi præmisit auctor *linguam* suam futuram esse *calamum scribæ velocis*, id est *figuratè* se multa dicturum, ac per corporales *imagines* res spirituales breviter & compendiose esse depicturum: quod uti certò fecit in *Gladio* memorato, & *Telis*, & *Throno*, & *Oleo*, & *Vestimentis*; sic etiam ipsum hoc facere in *Pulchritudine* hac regio sponso adscripta, tutò asserere possumus. Deinde præter allegatas indubitatas rationes habemus etiam alias quæ prohibent heic de *proprie dicta pulchritudine corporeâ* cogitare. Qualis enim est pulchritudo sponsæ laudata *vers. 12*, talis & sponsi esse debet. Sed illa Sponsæ seu Ecclesiæ ex innumerabili credentium multitudine constantis merè Spirituales est, ergo & Sponsi heic laudata pulchritudo ejusdem naturæ esse debet; uti patet quoque ex amplissima ejus descriptione, quæ extat *Cantic. v. 10—16*. Deinde non tacuerunt Evangelistæ de accidentali *Deformitate* faciei Christi patientis per maculas & livores, per sputa, alapas, spinas & injurias patibuli, prædictâ *Jes. LIII. 2, 3*. De quo Loco aliquid inaudivisse *Celsus*, conjecit *Origenes Lib. 6. p. m. 327*. quando malitiosè ex eo finxit, quod Dominus noster in terris quoad formam corpoream parvus, *deformis & humilis fuerit*. Verùm tacuerunt prorsus iidem Evangelistæ de insigni illâ *formositate* corporis Christi. Cujus diversitatis ratio est; quòd ab unâ parte inter *signa Messiae* expressè erat memorata *deformitas* illa accidentalis corporis Messiae per Jesaiam Prophetam: & quòd ab alterâ parte nihil Prophetæ, nihil Vates quoque in hoc Psalmo, de *speciosissimâ illa Messiae Formâ* corporeâ

prædixerant, nec illam inter *Signa Messiae* posuerant. Quare Evangelistæ, quorum scopus fuit demonstrare, quod signa Messiae prædicta in Jesu nostro impleta sint, nihil prorsus de Pulchritudine ejus corporeâ, quâ omnes homines superabat, memoriæ prodiderunt.

IX *Improprie dicta Pulchritudo* ergo heic intelligenda est, eaque constituenda formaliter in eo quod præ aliis omnibus, quæ in Rege Messia sunt, *delectat* peccatorem, atque huic illum maximopere *Amabilem* ac *Desiderabilem* reddit. Sicuti enim Pulchritudo corporis proprie dicta illa est apta compositio membrorum, cum coloris quadam suavitate, quæ movet oculos, & *delectat*; sic improprie per Metonymiam causæ pro effecto, id pulchrum dicitur, quod *delectat*, animo placet, & amorém sui ac desiderium unionis conciliat. Cicero in *Tusc. Quæst. Lib. v. Num. 22. suum amicique pulchrum est, te tua, me delectant mea*. Quare etiam inter *Regulas*, secundum quas Interpretatio pulchritudinis institutenda esset, præmisimus hanc, quod intelligi debeat talis Pulchritudo quæ maximopere Messiam peccatori *desiderabilem* reddit. Cui primæ Regulæ si reliquas duas nunc jungamus, exinde apparebit quibus in rebus hæc *Pulchritudo Messiae* constituenda sit.

X. Nempè consistit: I. In *Humanae Naturæ Unione Personali* cum *Personâ ἑλόνῃ*. Hæc Eum *Desiderabilem* reddit Peccatori ut Redemptorem divinum, qui infiniti valoris redemptionis pretium pro infinitis poenis nostris Deo judici solvere potest, & perfectè salvare omnes ad se accedentes. Nudus Homo, imo nec Angelus è Coelo id præstare potuit, sed solus *Immanuel Psalm. II. 7, 8. XLIX. 8, 9. LXVIII. 19, 20, 21. Jes. XXV. 9. Jerem. XXX. 21. Act. XX. 28. 1 Joh. I. 7.* In hac Comparari quoadentenus cum *filiiis hominum* potest, & simul propter eam his omnibus præferri debet. Unio enim quadam Deum inter & Prophetas locum habuit, sed *ἡσυχῆ* tantum, quatenus hi *Spiritu Dei acti locuti sunt* & scripserunt, *2 Pet. 1. 21.* Sed hæc Unio Humanitatis cum Filio Dei est

Per-

Personalis & perpetua. De nullo Propheta propter illam Parastaticam cum Deo æterno ac creatore omnium Unionem dici potuit, quod fuerit ante Abrahamum, ante mundum, & quod hunc creaverit, atque conservet: quod tamen dicitur de Jesu Christo vi Unionis, *Job. vii. 58. xvii. 5. Heb. 1. 2, 3, 10.* Hæc denique Unio Naturarum in Ipso fuit ante Exaltationem ejus, hujusque fundamentum & causa extitit, *Phil. ii. 6-11. Heb. 1. 3. Psalm. ii. 7, 8.* II. In *Mediatoris Munere.* Non est Internuntius modò, sed Mediator Propitiationis, *Jesus & sponsor, Heb. vii. 22. Jer. xxx. 21.* qui dedit semetipsum ἀνταυτίον pro omnibus *1 Tim. ii. 6.* & vicario sanguine suo iratum Numen placavit *Heb. ix. 15. xii. 24.*, & vicaria obedientia sua ut secundus Adamus vitam æternam pro peccatore Electo promeruit *Rom. v. 18, 19. 1 Cor. xv. 22.* Hoc facit Eum *Desiderabilem* Peccatori, cui summus Judex sine interventu hujus Mediatoris gratiam dare nequit *Job. xiv. 6.* Hoc reddit Eum *Desiderium omnium Gentium* *Hagg. ii. 8.*, & fecit *Delectabilem* Israël, *Malach. iii. 1.* & repente veniet in Templum suum Dominus quem vos quæritis, & ANGELUS FOEDERIS, id est Mediator Fœderis, quo vos DELECTAMINI. Hujusque respectu comparari aliquatenus potest cum Filiis hominum: cum Mose Internuntio Fœderis Sinaitici, stante inter Jehovam & Populum *Deut. v. 5*: & cum Sacerdotibus Aharonicis, ad Deum pro Populo appropinquantibus olim *Heb. v. 1*: imo & cum Prophetis, Divinæ Voluntatis Interpretibus: & simul iis omnibus præferri debet; ut Major Mose, non solum infinita Personæ dignitate, sed & Muneris Mediatorii qualitate & efficaciâ; quia ut Verus Pontifex Domum Ecclesiæ, in sanguine suo vicario fundatam, extruxit *Heb. iii. 1, 2*; ut Major quoque omnibus Sacerdotibus Leviticis; qui sanguinem hircorum & taurorum modò offerebant, sanctificantem ad carnis puritatem; ut tantò melioris fœderis sponsor, & secundum Ordinem Melchisedeci Sacerdos, qui per proprium sanguinem ingressus est semel in Sacrarium, æternam redemptio-

nem natus. *Heb.* vii. 21, 22, 23, 24. ix. 11-15. *Psal.* cx. 4. *Jerem.* xxx. 21; ut Major denique omnibus *Prophetis*, qui doctrinam salutis propoluerunt, verum occæcatorum hominum mentes pariter illuminare haud poterant ad agnitionem & fidem veritatis, quod solius Christi est, *Luc.* xxiv. 45. Qui ob hanc rationem, aliasque plures dicitur *Angelus Interpres unus ex mille Job.* xxxiii. 23, 24. *Unus Doctor Matth.* xxiii. 8. ac *Pastorum Princeps*, reliquis omnibus *Prophetis* ac *Doctoribus* præstantior. Hoc denique *Munere Mediatorio* functus est, quoad acquisitionem salutis nostræ ante *Exaltationem* suam, atque eo ipso ad hanc sibi viam paravit, *Phil.* ii. 7, 8, 9, 10. *Heb.* xii. 2. III. In *Justitiâ* ac *Obedientiâ Vicariâ*, Activâ & Passivâ, de quâ *Jerem.* xxxiii. 6. *Dan.* ix. 24. *Rom.* v. 17, 18, 19. &c. Hæc imprimis *Desiderabilem* Ipsum efficit peccatori omni, justitiâ propriâ, quæ coram justissimo *Judice* valeat, destituto, *Jes.* xlv. 24. *Matth.* v. 6. *Phil.* iii. 8, 9, 10. Hujus respectu etiam quadantenus *Comparari* potest cum *Hominibus*, *Sanctis* nimirum ac *Magnificis* qui in terrâ sunt *Psal.* xvi. 3., quorum *pulchritudo* spiritualis laudatur, *vers. seq. 12.*, & *Cant.* iv. 1. 7. vi. 4-10. vii. 1; sed & simul supra mortaliū Sanctissimos extolli debet, quia Ejus *Justitia* est *Perfectissima*, *Vicaria*, & infiniti *Valoris*, utpote *Justitia Dei*, Θεωπρωπος, *Rom.* i. 17. 2 *Cor.* v. 21. *Phil.* iii. 9.; quæque propterea causa est omnis *Pulchritudinis* collatæ *Electis* peccatoribus 1 *Cor.* i. 30. coll. *Ezech.* xvi. 14. *Martyrum* passionēs nobis utiles quidem sunt per modum *Exempli* & *Exhortationis* *Coloss.* i. 24. 1 *Joh.* iii. 16., neutiquam verò per modum *Meriti* & *Redemptionis*. Unde *Sponsa* hanc Θεωπρωπος pulchritudinem per *Vicariam Justitiam* utramque considerans, ait; dilectus meus candidus & rubicundus, *Vexillarius*, (insignitus, splendidus) ex vel præ *myriade*: Et totus ipse desiderabilis, *Cantic.* v. 10, 16. Hæc denique fuit in Ipso ante *Exaltationem* Ejus. In *Cœlo* quidem est quæ *Homo*, sapiens, sanctus, justus. Sed hæc ejus *justitia* non est *Vi-*

caria amplius. Obedientia Ejus cælestis hac in parte est alia quàm terrestris fuit. *Hæc fuit* in Ipso, quà Homo erat dependens à Deo non modò moraliter, sed & *Fæderaliter*, ut secundus Adam. *Illa verò nunc est* in Ipso quia tantum dependet *moraliter*; uti enim *naturaliter* a Deo dependet in æternum, sic etiam *moraliter*, sed *Fæderalis* illa *Obedientia vicaria* nunc cessat, ad acquirendam salutem necessaria. Conditio Fœderis de animâ suâ ponendâ pro peccatore Electo, & Lege implendâ omni, impleta est ab ipso in diebus carnis, & causâ fuit gloriæ cælestis insecutæ, ut docetur quoque a Psalte *vers. 8. Dilexisti Justitiam & odio habuisti improbitatem, propterea unxit Te Deus! Deus tuus oleo letitiæ supra consortes tuos.*

XI. Altera Exaltationis Christi *Causâ* constituitur à Psalte in GRATIA LABIORUM EJUS, *הוצק הן בשפתותיך* *Effusa est gratia in labiis tuis.* Labia tribuit Messîæ Regi, non ut Deo, *vers. 7, 8. ἀνθρώπου μορφῶς*, quomodo alibi de oculis, auribus, & labiis Dei quoque *Job. xi. 5.* legitur; sed ut Homini vero & integro, cui cum reliquis membris corporeis etiam essent vera labia humana. Hæc porro *Labia*, non considerat nunc *Vates*; *in se*, forma & colore suo, ut membra humani corporis ejus pulchra ac decora, non enim appellat ea purpurea aut rosea; sed considerat *relatè*: non tamen ad *oscula* amoris danda sponsæ suæ *Cant. i. 2.* verùm ad *loquelam*, ut hujus quoque necessaria organa, quæ voces ultimò formant, & absque quibus homo vix articulatè loqui potest. Parùm autem interest quantum attinet sensum principalem, an sumantur heic *proprie*, an verò *metonymicè* pro *sermone* ipso; quomodo aliàs usurpantur *Gen. xi. 1, 7. Zephanj. iii. 9.* uti & *Lingua Prov. xxv. 15.* ac *Palatum Cantic. v. 16.*

XII. De hisce vel *Labiis* ipsis, vel *Sermone* labiis efformato, testatur porro quod *Gratia* in iis sit *effusa*. Non dicit *Gratia* DEI effusa est in labiis tuis, sed simpliciter de *Gratiâ* loquitur. Non intelligit itaque vel *Gratiam* Dei

gratis dantem, quæ est immeritus ejus favor *Exod. xxxiii. 16, 19. Job. ix. 15. Jes. lxi. 9. Rom. iii. 24*; vel *gratiam gratis datam* Ejus, ut sunt dona Fidei Charitatis Spei Gaudii spiritualis *Psal. lxxxiv. 12. Prov. iii. 34. Heb. xiii. 9*. Atque adeo sensus hujus Dicti non est: Vel Spiritus Sancti dona in Humanitatem Christi haud ad menturam collata esse *Jes. xi. 2. Job. iii. 34*: Vel per Evangelium Ejus magnitudinem favoris Dei erga peccatorem manifestari *2 Cor. v. 18. Tit. ii. 11.*, & per illud tanquam morale Medium & Evangelium Gratiae Dei *Act. xx. 24, 32*. conferri nunc Judæis ac Gentibus dona Spiritus salutaria longè majori mensurâ ac olim *Rom. i. 16. Jes. ii. 3, 4. Ephes. i. 13*; Sed Gratia heic simpliciter nominata est *qualitas* favorem & benevolentiam excitans, ac Messiam gratum faciens Deo & Hominibus. Sic sumitur vocabulum *יְהוָה חָנּוּן* Gratia *Prov. xiii. 15. Intellectus bonus dat gratiam. Prov. xxxi. 30. Fallax (est) gratia, & vana pulchritudo. Coloss. iii. 16. & חָנּוּן cum gratiâ canendo in vestro corde Domino. Inprimis יְהוָה חָנּוּן de labiis & sermone usurpata est ejus Amicitia, Jucunditas, Suavitas, Lepor. Sic occurrit in Sacris. *Prov. xxii. 11. שֹׁפֵתוֹ יְהוָה* gratia labiorum ejus, amicus ejus Rex futurus est. *Eccles. x. 12. יְהוָה חָנּוּן* Verba oris Sapientis gratia (sunt) *Lxx. λόγοι σώματα σοφίας χάρις. Luc. iv. 22. Et omnes . . . mirabantur ὅτι τοῖς λόγοις τῷ χάριτι* super sermonibus gratiæ, procedentibus ex ore ipsius. *Ephes. iv. 29. Nullus sermo putris ex ore vestro egreditor: sed si quis est commodus ad ædificationis usum, ἵνα ὁ χάρις τοῖς ἀκούουσιν*, ut gratiam auditoribus adferat. *Coloss. iv. 9. Sermo vester semper & χάρις cum gratia (Et) sale conditus. Syrac. xxi. 16. vel 19. ὅτι ὁ χάρις σωτὴρ ἐν τοῖς λόγοις* χάρις in Labiis verò intelligentis invenitur gratia. Similiter apud Auctores Græcos & Latinos χάρις & Gratia sumuntur, ut ostenderunt cum aliis *Priceus in Annotat ad Luc. iv. 22. & Raphaelius in Annotat ex Xenophonte & Polybio ad Ephes. iv. 29. Eodem modo & heic sumitur יְהוָה חָנּוּן Gratia: quando sensus est;**

fi

si *Labia* sumas metonymicè pro *sermone*, *gratia*, amœnitas jucunditas est in sermone tuo; si verò propriè sumas *labia*, *gratia*, id est, per metonymiam adjuncti pro subiecto, *sermo amœnus* est in *Labiis tuis*, seu λόγος τῆς χάριτος, ut est *Luc. iv. 22.* fluunt ex ore tuo. Fluunt, inquam, nam dicit gratiam *effusam* esse in Labiis Messiæ.

XIII. Sic enim loquitur Vates, *gratia in labiis tuis* פִּיִּי id est: Non *infusa* est, uti *Piscator* cum T. & I. quamvis verum sit; Eloquentiam esse donum Dei, *Exod. iv. 10, 11. 12.*; & ori Christi indita fuisse Verba a Deo mittente ipsum, *Deut. xviii. 18. Jes. L. 4. Job. iiii. 34. vii. 15, 16. viii. 26. 28. 38. 40. 42. xv. 15.*: Sed; Vel *diffusa* est in labiis tuis, uti *Vulgatus*, sic nempe ut se extenderit ad labia integra, ex quibus, loquelam formantibus, nil esset nisi *gratiosum*; Vel potius *effusa est per labia tua*, (ut פִּי præfixum heic indicet organum) id est *gratia*, seu *sermo amœnus* mediantibus *labiis tuis*, largiter ex ore tuo *defluxit*. Id enim quod effunditur per labia, fluit ex ore, non parcè sed copiosè. Haud malè posset verti, *Manat gratia de labiis tuis*. Secundum literam ergo huc redit sensus Enunciati hujus. Ex ore tuo, o Rex Messia, largiter fluent verba amœnissima, Deo pariter ac hominibus gratissima, melle dulciora, oleo molliora, (coll. *Psalms lv. 12.*) præ myrrha suavissimos odores spargentia (coll. *Cant. v. 13.*) limpidissimis aquis puriora, & præ iis delassatos peccatorum animos refocillantia. Quemadmodum verbum פִּי in Kal, & in Hophal usurpatur de oleo fragrantissimo *Gen. xxxv. 14.* Fluvio *Job. xxi. 16.*, & Aquis effusis *2 Reg. iiii. 11.* quod bene à Gejero observatum est.

XIV. Quando verò hæc *Gratia* ac *sermonis Amœnitas* tribuitur Regi Messiæ à Vate nostro; intelligit talem Ejus sermonem, qui antecessit Exaltationis Ejus statum, & in quo meritum fuit *Benedictionis* cælestis, quæ memoratur in sequenti Enunciato ut *Effectum* hujus *Gratiæ* labiorum Ejus, quando dicit. PROPTEREA *benedixit tibi Deus in se-*

oulum. Et proinde non respexit Vates adeò; vel ad suavitatem Vocis Messiae; vel ad prompti ac blandi Eloquii dulcedinem; vel ad dicendi ornatum, etiam per figurarum troporumque lumina, quibus nonnunquam splenduit Domini oratio; vel ad sermonis in media simplicitate ac humilitate admirandam sublimitatem, in rerum ac conceptuum excellentiâ positam; vel denique ad illam incredibilem persuasibiliter dicendi vim, quâ Auditorum suorum etiam à se alienissimorum animos, sive convictos tantum, sive etiam conversos, sibi potenter devinxit; quam experti sunt Judæorum Ministri, ad Dominum capiendum emissi, ut ipsimet fatentur, *Nunquam ita locutus est, Homo, sicut ille Homo, Job. vii. 46.* nec non Nazaretani, qui omnes ei testimonium dabant, ac mirabantur super sermonibus (plenis) gratia, procedentibus ex ore ipsius, *Luc. iv. 22.* Eruditissimus Beza tamen in notis ad hunc Lucæ Locum huc respexisse Vatem nostrum existimat. *Neque enim, inquit Ille, gratia hoc loco declarat gratuitam reconciliationem sed vim illam plane divinam, quæ in Christi verbis totoque habitu inerat, ut qui illum audiebant, nisi qui plane erant αἰνέοντες non possent non illum amare, suspicere, complecti: quod etiam apparuit in illis quorum fit mentio, Joan. vii. 49. ut prædictum erat, Psalm. xlv. 3.* Referrem huc potius לשון למודים Linguam Eruditorum Messiae attributam, *Jes. l. 4.* Hæc enim est Lingua; quæ non solum dicit, sed docet; & quidem sublimia necessaria atque utilia valde; idque facit more Eruditorum Veterum per parabolas atque similitudines aptissimas; & imprimis quæ Vim persuadendi habet, & profert ea quæ ad persuadendum maxime idonea sunt.

XV. Verùm respexit sic Psalter noster vel solùm, vel præcipuè ad Argumentum sermonis Messiae longe gratiosissimum Deo Patri Judici, miserisque peccatoribus; quo sensu etiam Labia Christo, stillantia myrrham, & Palati dulcedines adscribuntur, *Cantic. v. 13. 16.* Argumentum hoc porro non est unice quærendum in iis Verbis Evangelicis, quæ

ut *Propheta* simpliciter locutus est, & quæ alii prophetæ ac Apostoli, nudi Homines quoque, qui ex terra sunt, loqui possunt, adeoque *Meritum Benedictionis* & *Exaltationis* ad dextram Patris per se non inferunt. Qualia sunt illa : *Beati pauperes spiritu ; Beati qui lugent ; Beati qui sunt mites ; Beati qui esuriunt & sitiunt justitiam ; Beati misericordes ; Beati qui sunt mundo corde ; quoniam ipsorum est Regnum cælorum, solamen recipient, terram hæreditario jure obtinebunt, saturabuntur, misericordia ipsis tribuetur, Deum videbunt, &c.* quibus viam salutis aperuit in monte, *Matth. v. 3 — 10* : Ut & illa : *Nisi quis sit genitus iterum, non potest videre Regnum Dei*, quibus Regenerationis necessitatem inculcavit, *Job. iii. 3. 5* : Nec non illa : *Expletum est tempus, & appropinquavit Regnum Dei : resipiscite & credite Evangelio*, quibus ad fidem & resipiscentiam exhortatus est peccatores *Marc. i. 15*. Nam quamvis hæc Verba Evangelica non possint esse non amœna jucunda & grata miseris peccatoribus, non tamen ita simpliciter prolata vim habent promerendi cœlestem gloriam illam, quam huic *gratiæ labiorum* Messiae heic tribuit Vates ; quia Messiae non sunt propria, sed talia quæ Prophetæ, Johannes Baptista & Apostoli locuti sunt, vel loqui potuerunt, juxta Vaticinia, *Jes. xl. i. 2. 9. Lii. 7.* & juxta Oraculum Jacobæum *Gen. xlix. 21. Naphtali cerva emissa, dans verba pulchritudinis ;* si valeat ejus interpretatio, quam *Clar. Tb. Hasæus* in *Dissert. de Naphtalide Apostolorum patriâ* adduxit ; & quæ hæc est ; *Naphtalitæ*, i. e. quidam ex Naphtali vel posteris vel regionis incolis, Apostoli nempe, erunt instar ablegatæ cervæ, locuturi Verba bona, pulchra, id est, *Evangelium gratiæ pacis ac salutis.*

XVI. Sed *Argumentum* hoc Sermonis Messiae constitui debet quam maximè in iis *Verbis* quæ Ille solus, ut *Θεωπρωτος* & *Sponsor* melioris Fœderis locutus est & loqui potuit. Huc spectant omnia illa Verba Ejus, quæ summam prædicta sunt *Psal. xl. 7, 8, 9. sacrificio & munere*

non delectatus es, aures effodisti mihi: holocaustum & oblationem pro peccato non postulasti. Tum dixi, ecce venio: in Volumine libri scriptum est de Me. Facere voluntatem tuam, Deus mi, delector: & lex tua est in visceribus meis: sed quæ singulatim in Historiâ Evangelicâ laudantur, quibus: vel Patri spondet pro nobis animam suam in sacrificium pro reatu ponendam: vel se eam spondidisse testatur: vel etiam lubentiam suam ad exsolvendam sponfionem illam suam declarat, nimirum per obedientiam suam vicariam activam & passivam perfectissimam: vel denique Semetipsum ut Sponsorem ac Jehovam Justitiam nostram offert peccatori salutis sitienti, illumque blandè ad se invitat: vel tandem Se plene satisfecisse, ultimumque quadrantem solvisse pro electis peccatoribus meritò gloriatur.

XVII Hæc sunt autem inter alia inprimis sequentia. *Matth. III. 15. Respondens autem Jesus dixit ad eum, sine nunc, Ita enim decet nos implere omnem justitiam: Te quidem, qui mandatum baptizandi aquâ accepisti a Deo, sed Me ut Sponsorem, qui promisi Patri meo, in Consilio pacis, omnis legis ejus hominibus etiam peccatoribus latæ obedientiam plenissimam, ad quam cæteroquin ut Sanctus Homo obligatus non essem, ut hac vicariâ obedientiâ activâ præstitâ fiam electis peccatoribus causâ vitæ æternæ. Matth. XI. 29. 30. Venite ad ME omnes qui laboratis & onerati estis, qui Legem Moïsis ut Legem Operum infelicitè suscepistis, quomodo est Jugum αἰβάσакτον; & Ego, qui Legem Operum in me suscepi ut Alter Adamus, & Sponsor melioris Fœderis, refocillabo vos, per obedientiam meam vicariam, vobis me recipientibus sponsorem vestrum imputaram. Tollite Jugum MEUM, Legem Charitatis ut normam gratitudinis & obedientiæ sinceræ vobis imponendam, & discite a me, quod mitis sim & humilis corde: & invenietis requiem animabus vestris. Jugum enim MEUM facile est, & onus MEUM leve est. Matth. XX. 28. Filius hominis non venit ut sibi ministretur, sed ut ministret, detque animam SUAM IN REDEMPTIONIS PRE-*

TUM

TIUM pro multis, obeatque pro iis ut Victimæ piacularis Vicariam mortem. *Matth. xxvi. 28.* Hoc enim est sanguis MEUS, sanguis ille novi fœderis, qui pro multis effunditur in REMISSIONEM peccatorum, quam sanguis Victimarum Leviticarum nunquam efficere potuit. & *Vers. 39. 42.* Pater mi, si possibile est, abeat à me poculum hoc: verumtamen non ut Ego Volo, sed ut Tu. Si non potest hoc poculum abire à me quin bibam ipsum, fiat Voluntas tua: sic sponte subicit voluntatis suæ naturale desiderium Patris præcepto illi & stipulationi fœderali de anima sua ponenda in sacrificium pro reatu, & sponsionem suam renovat atque confirmat. *Luc. xii. 50.* Baptismo oportet me baptizari, multa & gravissima mala pati debeo, & mori & sepeliri, & quomodo constringor usque quo (hoc) perficiatur, desiderat pati & mori ut satisfaciatur justitiæ divinæ pro peccatis nostris juxta sponsionem suam: ubi enim amor est ibi est angor, & in desiderio ipsa celeritas quoque mora est, quæ animi angustiam parit. *Job. iv. 34.* Dicit ei Iesus, Esca mea est exsequi voluntatem ejus qui misit me, & perficere ipsius opus. *Job. vi. 35. 48. 51. 53, 54, 55, 56.* EGO sum Panis ille vitæ - qui venit ad ME, nequaquam esuriat; & qui credit in ME, non sitiet unquam. EGO sum panis ille vivificus qui è cælo descendi. Si quis edierit ex hoc pane, vivet in æternum: panis autem quem EGO dabo, caro mea est, quam ego dabo pro mundi vitâ. Nisi edieritis carnem Filii hominis, & biberitis ejus sanguinem, non habebitis vitam in vobis. Caro enim MEA vere est cibus, & sanguis MEUS vere est potus &c. quæ verba meritò Petrus *vers. 68.* vocavit verba vitæ æternæ, ut quæ non nisi Auctor & Causa meritoria Vitæ æternæ loqui potest, & quæ fide recepta peccatori dant vitam æternam. *Job. x. 11. 15. 18. 28, 29, 30.* EGO sum Pastor ille bonus: bonus pastor animam suam ponit pro ovibus. Et animam meam depono pro ovibus. Nemo tollit eam à me, sed EGO depono eam per me ipsum: potestatem habeo deponendi eam, & potestatem habeo rursus eam assumendi. Hoc mandatum accepi a patre meo. EGO vitam æ-

ternam do eis: &c. Joh. xi. 25. EGO sum resurrectio & vita; qui credit in ME, etiamsi mortuus fuerit, vivet. Joh. xiv. 6. EGO sum Via illa, & illa Veritas & Vita illa. Nemo venit ad Patrem nisi per ME. Joh. xvi. 23. Quaecunque petieritis a Patre in NOMINE MEO, propter justitiam meam vicariam, dabit vobis. Joh. xvii. 19. Et pro iis EGO Sanctifico ME IPSUM, ut sint & ipsi sanctificati in veritate. Joh. xix. 30. Quum autem accepisset Jesus acetum, dixit τελευτησας CONSUMMATUM EST quicquid Prophetæ de Me prædixerunt ex Trinitatis decreto; & Opus Redemptionis ac satisfactionis Vicariæ, quod Pater mihi mandavit, & EGO Θεάνθρωπος voluntariò in Me suscepi in Consilio pacis illo, de quo Zach. vi. 13.

XVIII. Hæc est illa GRATIA LABIORUM Messiae. Hæc sunt illa *Amœnissima Suavissima & Jucundissima Verba*, melle dulciora, & oleo myrrhino fragrantiora, quæ *effusa* sunt per labia Christi, & manarunt ex iis; quæque nec Moyses, nec Aaron, nec ullus Homo, nec Angelus è cælo loqui poterant Jer. xxx. 21. Psalm. xlix. 8, 9: sed solus Θεάνθρωπος, & Mediator Dei & hominum; quæque summopere placuerunt Deo Patri Judici Jes. xlii. 1. Matth. iii. 17; & quæ Ipsum desiderabilem valde reddunt Peccatori; & tandem *Fundamentum & Causa* fuerunt *Benedictionis* Ejus in æternum. Hinc sequitur in Textu, ut *Effectus & Consequens Pulchritudinis* Messiae, & *Gratiæ Labiorum* Ejus, על כן ברכתך אלהם לעולם *Propterea benedixit tibi Deus in æternum.* Continent hæc Verba *Prædictionem* de statu *Exaltationis* Messiae. Quæ *Proponitur* ut ingens Bonum, & ut *Effectus & Consequens Pulchritudinis*, ac *Gratiæ labiorum* Ejus laudatur per על כן *Propterea.*

XIX. Bonum de Messia prædictum est *Benedictio, Divina, Æterna.* Ita ait Psalter, *Benedixit tibi.* בריך *Benedicere* est: Tum Bonum agnoscere laudare celebrare, sive in Deo Psalm. cxlv. 10. 2 Chron. xx. 26, sive in Creaturâ Job. xxxi. 20: Tum Bonum sibi vel aliis promittere & appre-

precari; quomodo sibi ipsi benedicit impius *Deut.* xxix. 19. & pius *Jes.* lxxv. 16, & posteris suis Patriarchæ ex Divino afflatu benedixerunt *Gen.* xxvii. 27. 30, 31. *xlvi.* 9. 15, atque Sacerdotes Populo *Levit.* ix. 22, 23. *Num.* vi. 23: Tum denique Bonum alicui conferre actu *Gen.* xxiv. 1. 35. *Deut.* vii. 13. *Job.* xlii. 12. Hujusmodi vero *Benedictio* est vel *Humana*, vel *Divina*. Homines Messæ *benedicerent* quoque; Ipsum ut Θεάρχοντα, Unicum & Perfectissimum Salvatorem *laudando* ac *celebrando* *Psal.* lxxviii. 27. *xlvi.* 7, 8, 9. *Jes.* xxv. 9. *xlvi.* 24; & Ipsi *apprecando* cuncta felicia & prospera in Regno Ejus *Psal.* lxxii. 15. *cxviii.* 25, 26. *Zach.* iv. 7. Sed heic intelligitur *Benedictio Divina*. Ita enim Psaltes ait, Benedixit Tibi *Deus*; nempe Deus Pater, coll. *vers.* 8, repræsentans in Oeconomîâ Salutis totam Deitatem læsam per peccatum, & hinc frequenter *Deus* dictus, cui Exinanitio & Exaltatio Mediatoris tribuitur. *Deus* verò *Benedicit* longè alio efficaciori & perfectiori modo ac Homines, non ore tantum promittendo, sed & opere ipso conferendo omne id Bonum quod Homines modò apprecari possunt *Psal.* cxviii. 4, 5, 6. Rursus; Alio modo *Benedicit* Deus omnibus creaturis, & præsertim Hominibus *Act.* xiv. 17; Alio modo Electis & Credentibus in Christo *Ephes.* i. 3, 4; Alio denique modo Benedicit Ipsi Filio suo Θεάρχῳ. De Hujus *Benedictione*, futurâ quidem, sed ob Prævisionem ejus Propheticam heic in Præterito propositâ, loquitur Vates. Intelligit autem per *Eam* Messæ incarnati atque per Passiones Consummati *Glorificationem* Cælestem. Quæ aliàs *Exaltatio* *Jes.* lii. 13. *Act.* ii. 33, *Collocatio* ad *Dextram Dei* *Psal.* cx. 1. *Ephes.* i. 20. dicitur, heic verò *Benedictio*, non unam sanè ob causam. Etenim Deus Pater *Glorificans* Jesum Crucifixum, reali testimonio Ipsum *declaravit* Filium suum naturalem ac æternum, & perfectissimum Salvatorem Mundi, & Regem Tzijonis *Psal.* ii. 7. *Heb.* i. 4, 5. *Job.* xvii. 5. *Act.* ii. 36. Deinde Ipsi *Contulit* actu omne illud *Bonum Regnum* ac *Gaudium*, quod

Ee

ipsi

ipsi Fœderali Dispositione promiserat *Luc. xxii. 29. Hebr. xii. 2.* & quod *Benedictionis* nomine meritò exprimitur. *Vita* est *Benedictio* & Bonum ingens *Psal. cxxxiii. 3. Job. ii. 4.* Sed Deus *Vitam* Christo ex morte vicariâ, quam visionis suæ subierat, in immortalis corpore felicem dedit *Act. ii. 24. 32. xiii. 34,* juxta Vaticinia Prophetarum *Job. xix. 25, 26. Psalm. xvi. 10, 11. xxi. 5. Lxxii. 15. Jes. liii. 10* Pax est *Benedictio Psalm. xxix. 11.* Sed Deus collocavit Christum post satisfactionem præstitam in Statu Beatissimæ *Quietis & Pacis*, qui ex omnibus malis nunc ereptus est, & semel raptus ad Dei thronum *Apoc. xii. 5,* sedet ibi tranquillè in Aula cælesti Patris sui ad dextram Ejus, absque ullo labore animæ aut corporis passione, & pugna cum potestate inferni, quam antea in Gethsemane & Golgotha sustinuit, nec amplius contristatus ad mortem usque, sed gaudio plenus in cælesti palatio *vers. 8. Psalm. xxi. 7.* In Statu præterea gloriæ honoris ac imperii est *Benedictio Psalm. xxi. 4. i Reg. ii. 45.* Sed Deus Pater Θεὸς πατὴρ per passiones consummatum collocavit in Statu gloriæ & imperii in Ecclesiam, & in omnia, ut Ecclesiæ subserviant *Psal. viii. 4-8. Matth. xxviii. 18. Act. ii. 36. Ephes. i. 20, 21, 22. i Pet. iii. 22.* Assumptus est in cœlum, Thronum Gloriæ *i Tim. iii. 16.* Invocant eum omnes populi, orant Deum in nomine Ejus, & colunt Eum *Deum supra omnia benedictum in secula. Rom. ix. 5. Phil. ii. 6-11,* juxta Oracula Veterum *Gen. xlix. 10. Psalm. Lxxii. 8-10. Jes. xi. 10.* & inprimis *Psal. xxi. 4, 5, 6, 7.* Prævenis eum benedictionibus boni: imponis capiti Ejus coronam ex auro purgatissimo. *Vitam petiit abs te, dedisti ei: etiam longitudinem dierum in seculum & sempiternum. Magna (est) Gloria Ejus per salutem tuam: decus & Majestatem posuisti in eo. Quin reddis Eum Summè benedictum, exhiberas Eum lætitiâ à facie tuâ.* In Numerosa denique Prole est *Benedictio Deut. xxxiii. 24. Psalm. cvii. 38. cxxviii. 3, 4.* Sed & sic benedixit Deus Christo, deditque Ei plurimam, in quâ glorificatur Ille, Prolem San-

Sanctam ac Spiritualem *vers.* 17, 18. *Psal.* LXXXVII. 4, 5. CX. 3. *Jes.* VIII. 18. LIII. 10, 11. LIV. 1, 2, 3, 5. LXVI. 7. Tandem in *Donis Spiritus Sancti* est *Benedictio* eximia *Jes.* XLIV. 3. *Gal.* III. 14. Sed & hac benedictione *Benedixit* Deus Christo exaltato; dum *unxit* Eum *oleo lætitiæ* præ *consortibus* *vers.* 8., deditque Ei potestatem Spiritus dona, majori copia ac mensura quàm unquam antea factum fuit, communicandi cum Electis ex Judæis & Gentilibus, *Psal.* LXVIII. 19. *Act.* II. 33. ut & hi sic *Benedicerentur* in Ipso *Gal.* III. 14. *Ephes.* I. 3, juxta Oracula Prophetica, etiam antiquissima *Gen.* XXII. 18. *Psal.* LXXII. 17. *Jes.* XXX. 24. 25. XLIV. 3. LXI. 9. LXVI. 23. Quod verò *Bonum* Messiae collatum maximopere commendat, est non modò quòd sit *Benedictio Divina* hæc omnimoda, sed & *Æterna* & *interminabilis*; sicuti addit Vates *עלמל* in *eternum*. Sic tribuit huic *Benedictioni* *Divinæ* durationem longam, cujus terminus *occultus* est, à *על* in *Niph.* *על* *occultum absconditum* fuit; non quia latet & certò non cognoscitur antequam existit, ut sumitur *Exod.* XXI. 6. *Deut.* XV. 17.; sed quia terminus *non est, nec erit* unquam *coll.* *Gen.* III. 22. *Psal.* LXXII. 19. Sic *æterna* est *Benedictio* hæc Messiae *Psal.* XXI. 7. *Vivit* ex morte redivivus in *eternum* *Apoc.* I. 18., juxta *Vaticinia* *Job.* XIX. 25, 26, 27. *Psal.* XXI. 5. LXXII. 15. *Jes.* LIII. 10. *coll.* *Job.* XII. 34. *Æternâ lætitiâ* & *Pace* fruitur *Psal.* XVI. 10, 11. Sine fine erunt *Nomen Gloria* & *Regnum* ejus *vers.* 7. 2 *Sam.* VII. 12. 13. *Psal.* LXXII. 17. LXXXIX. 36, 37, 38. *Jes.* IX. 5, 6. *Dan.* II. 44. VII. 14. *Luc.* I. 33. *Liberi* Ejus *spirituales* vivent, nec morientur in *eternum* *Job.* XI. 25, 26. *Jes.* LV. 3. *Hos.* VI. 3. *Psal.* XXII. 27. LXIX. 33. Et *Spiritus* apud ipsos permanebit in *eternum* *Job.* XIV. 16. donaque ejus salutaria sunt *ἀμεταμίλητα*, *Rom.* XI. 29.

XX. Neque aliter quàm *Æterna* esse potest hæc Messiae *Benedictio*. Etenim *Causa* ejus est & *Fundamentum Pulchritudo* ejus, quâ supra omnes Filios hominum est, & *Gra-*

tia labiorum Ejus, modò laudata. Connectit enim hoc tertium Enunciatum cum duobus præcedentibus per *כי לך*, id est, *Propterea*; quo sensu hæ particulae præponuntur centies *Effecto & Consequenti*, rarò autem *Causse & Antecedenti*. Indicatur itaque, Messiam Exaltandum fore & Exaltatum esse, quia est *Pulcherrimus* hominum, & *Gratia manavit e Labiis Ejus*. Certè Fundamentum omnis Gloriæ Ejus est infinita dignitas Θεωργίας. Æterna ac Naturalis Filiatio Ejus divina est fundamentum quo nititur datio gentium in hæreditatem Ejus & sessio ad dextram Dei, *Psalmi*. 11. 7. 8. *Hebr.* 1. 3, 4, 5. Munus Mediatorium ab Ipso sponte susceptum, & obedientia ejus Vicaria, tantâ cum luentiâ præstita, postulabant hanc Benedictionis *Mercedem*, & ita quoque in Scriptura consideratur illa ut ab Messia *promerita*, *Jes.* LII. 13. LIII. 10, 11, 12. *Phil.* II. 9, 10. Διὸ ἔο θεὸς αὐτὸν υπεκύρωσε &c. Et Sponsio illa pro Electis peccatoribus; quam declaravit omnibus illis verbis *Aménissimis*, quæ ex *Labiis Θεωργίας* effluerunt, modò recensitis; quamque fideliter præstitit & exsolvit, non potuit non habere lætissimum illud Consequens ac Effectum *æternæ Benedictionis* Ipsius Sponsoris voluntarii, & myltici Corporis Ejus Ecclesiæ, *Apoc.* v. 12. *Jes.* LIII. 10. *Hebr.* x. 10. *Quæ VOLUNTATE*, (*sponsoris scilicet*, *coll. 5. 6, 7.*) *sanctificati sumus, per oblationem corporis Jesu Christi semel factam*. Hinc Ipse Sponsor, cum jam instaret ultimi quadrantis solutio, per modum *Restipulationis Fæderalis*, hujus mentionem fecit *Job.* xvii. 4, 5. *Opus consummavi quod dedisti mihi ut facerem. Nunc igitur glorifica me tu Pater apud te ipsum eâ gloriâ quam habui apud te priusquàm mundus esset.*

XXI. Quæ cum ita verè sint, & facilè Oraculi hujus sensum exhibeant, analogiæ Scripturæ conformem; rogare vellem attentum & æquum Lectorem, num verum sit, valde obscurari sensum ab iis, qui voculam connexionis *כי לך* *Alq̄ τὸ αὐτὸ* aut propterea cum Græcis & Vulgata vertere instituerunt, uti scripsit *Clar. Lampe*, addidisque; *Rectius ergo ob-*

observatum est aliis, כן לך designare interdum quia, quandoquidem. Crediderim ego potius quod aliqui Interpretes nunquam vertere instituissent כן לך per quia, quandoquidem, nisi hypothese suæ de Salomone, ut subjecto hujus Cantici, sic inservire voluissent; cujus sanè dona sapientiæ & eloquentiæ non fuere Causæ divinæ Benedictionis, sed hujus Effecta 1 Reg. iii 9. 12. Fons erroris Viri Clar. est, quod existimet Christum, (cum dicit Psalter gratia effusa est in labiis tuis) simpliciter spectari in exercitio muneris Prophetici, quare subjungit; sic enim benedictio Messiae consequens Prophetici muneris Christi esset. Cum spectetur potius ut loquens in his terris talia Verba quæ solus Divinus Sponsor Novi Fœderis eloqui potest. Causa Gloriæ cælestis Christi & Regni Ejus non est Suavitas ac fidelitas Præconii, aut mors Martyris, sed Meritum Sponsoris. Propterea Deus ei Benedixit; quia Θεωπρεπος liberè spondit pro peccatore; & quia vi sponsonis suæ talia loquutus est, quæ testabantur palàm animi lubentiam, firmumque Ejus propositum exolvendi sponsonem ad acquirendam salutem peccatori Electo, ut & Fiduciam Ejus in Deo Patre, quem cerè sibi daturum esse in pacto promissam mercedem confidebat; & denique quia ex rei veritate, paulò ante mortem dicere potuit τετέλεσται CONSUMMATUM EST.

XXII. Non est dubitandum, quin Psalter, Spiritu Prophetico prævidens omnem hanc *Pulchritudinem, Sermonis Gratiæ, ac Benedictionem* Messiae, per Spiritum fidei simul Eum in omni hac Ejus Amabilitate cognoverit, agnoverit, fide apprehenderit, atque præ gaudio in Ejus communione exultaverit cum Abrahamo Job. viii. 56. in Exemplum omnium salutis æternæ sitientium. Longè clariùs nos hodie conspiciamus, audimus, & percipimus omnem hanc Christi *Pulchritudinem, & Amænissima illa Prophetæ non solum sed Sponsoris Verba* in Evangelio resonantia, omnemque *Benedictionem* Ei collatam, dum cernimus Eum *gloriâ & honore*, quem per tot secula innumera gentium multitu-

do Ipsi detulit, *coronatum*, *Hebr.* 11. 9. Vetus enim Testamentum in Novo revelatum est. O nos beatos, quibus datum est videre ac audire illa quæ Prophetæ & Justi & Reges videre & audire tantopere desiderarunt *Matth.* XIII. 16, 17. *Luc.* 8. 23. 24. & propius intueri Rem promissam illam, quam non obtinuerunt Patres, sed eminus conspicati atque fide amplexi sunt *Hebr.* XI. 13. 39, 40! Jesus Christus est omnium filiorum hominum PULCHERRIMUS; quia solus ille Θεάνθρωπος, Mediator Dei & hominum est, in quo solo est Justitia illa Vicaria, quæ coram Deo justissimo Judice valere potest *Jes.* XLIV. 22. 24, 25. *Jerem.* XXX. 21. Animadvertant hoc miseri peccatores per Euangelium vocati, osculentur Filium, Deum in carne manifestatum, dicantque cum Thoma, ὁ Κύριός μὲν ἔστι ὁ Θεός μὲν, & cum omnibus Fidelibus, *Ecce Deus noster hic* (est): *expectavimus eum, & servavit nos: hic* (est) *Jehova quem expectavimus: exsultabimus & letabimur ob salutem ejus.* *Psal.* 11. 12. *Job.* XX. 28. *Jes.* XXV. 9. *Psal.* LXVIII. 23, 21. Desiderent pulchritudinem Ejus, Justitiam Ejus Activam & Passivam vicariam *Matth.* V. 6. *Phil.* 111. 8, 9. Agnoscant grati Credentes in Eum, quod sit Causa meritoria omnis pulchritudinis spiritualis ipsis collatæ, *1 Cor.* 1. 30. 31. VI. 11. XV. 10. *Ephes.* 1. 3. *1 Pet.* 1. 3. & quidem per Passiones vicarias, per flagella, sputa, alapas, clavos & injurias crucis, quibus Ille deformatus fuit valde, ut nos mortalium pulcherrimos in oculis Dei & sanctorum efficeret, *Psal.* XXII. 7. *Jes.* LIII. 2, 3, 4. *2 Cor.* VIII. 9. Gaudeant illi in Communionem pulcherrimi Sponsi ac Sponsoris sui *Jes.* LXI. 10. *Phil.* IV. 4. *1 Pet.* 1. 8. Æstiment Eam supra omnia terrena honorum divitiarum voluptatum Bona, omniumque hominum favorem *Psal.* LXXIII. 25, 26. *Cant.* 11. 3. V. 16. VIII. 7. *Phil.* 111. 8. *Matth.* XIII. 38. Contemplantur Eum assidue mentis oculo cum Admiratione & Voluptate summâ, *Cantic.* 111. 11. *Heb.* XII. 2. Cupiant majorem cum Illo in pulchritudine spirituali similitudinem, vivantque ut Ipse mansue-

tr, humiles, sancti, zelantes in bono, in precibus assidui, in amore Dei & proximi sinceri, *Matth. xi. 29. 2 Cor. i. 11. 18. 1 Pet. i. 21. 23.* ponantque in iis Virtutibus majorem pulchritudinem quàm in ullâ venustate corporea aut vestitu splendido. *1 Pet. i. 11. 3. 4.* Expetant denique calidissimis Votis suis consummatam ejus Communionem in Cælis *Job. xix. 25, 26, 27. Psalm. xvii. 15. 2 Cor. v. 1, 2, 3. Phil. 1. 23.*

XXIII. GRATIA est EFFUSA IN LABIIS EJUS: Euangelium Gratiæ annunciavit ut Propheta, sed ejusmodi quandoque jucundissima Verba Propheticæ Prædicationi immiscuit, quæ solus Immanuel & electi peccatoris Sponsor eloqui potest. Gravissimum sanè judicium Divinum imminet illis, qui summum hunc Prophetam non audiunt; siue sublimia Christianismi mysteria doceat; siue fidem & resipiscentiam seriam & charitatem fraternam imperet; siue ad se Unicum Merito Vicariæ obedientiæ & Efficaciâ Salvatorem invitet eos; sed hoc omne Verbum gratiæ fastidiunt atque protervè spernunt, *Hebr. 11. 3, 4.* quibusque sermo hic Christi omnis mera est stultitia atque insania, cum Judæis & Gentibus coll. *Luc. 14. 29. Job. x. 20. 1 Cor. 1. 23. 2 Cor. 11. 16.* Ad quos propterea loquetur aliquando in ira sua *Psalm. 11. 5.* eosque virgâ oris sui & spiritu labiorum suorum occidet. *Jes. xi. 4.* Quod Justissimum judicium ut evitent omnes externe per Euangelium præ aliis Vocati, necesse est; ut grati agnoscant ingens Dei Beneficium esse, quotidie audire illud æternum salutis Euangelium; ut illi tanquam verissimo omnique fide dignissimo firmissimum assensum præbeant, *Job. 111. 33. 1 Tim. 1. 15;* ut quantocys ad Eum unicum & perfectissimum salvatorem, blandè ad se maximos quoque peccatores invitantem accedant *Hebr. 111. 7.* cumque fiduciali amplexu apprehendant sponsorem & sponsum suum *Psalm. 11. 12. Jes. xlv. 22, 23, 24, 25. Matth. xi. 28. Phil. 111. 8. 9;* ut denique illis *Job. xv. 10. 12. 14. 17* perscriptis Verbis & Præceptis Regiis Ejus sese voluntariò & constanter subjiciant; ut tandem
ad

ad imitationem Sponsoris sui, qui pro ipsis spondit animam suam & actu dedit, etiam spondeant Domino fidem & obedientiam sinceram, votaue sua fideliter exsolvant, & curent ut loquantur *amœna* Deo semper & utilia hominibus, *Prov. x. 20, 21. Eph. iv. 29. Coloss. i. 11. 16. iv. 6.* Quando certi esse poterunt, quod fidelissimus Dominus, qui olim *Labiis Sponsoris* pro illis *ἀγαπᾶν* promisit, *Labiis Sacerdotalibus* pro illis quotidie intercedat & oret in eburneis cœli palatiis *Hebr. vii. 25.* & *Labiis Regis* ipsos sit compellaturus in die iudicii, & immissurus eos in plenissimum Regni sui cœlestis possessionem *Matth. xxv. 34.*

XXIV. PROPTEREA BENEDIXIT ei quoque Deus in ÆTERNUM. Omne Meritum Christi pro se tendit in Bonum nostrum. Vivit Sponsor noster, & nos vivemus cum ipso *Job. xiv. 19. Job. xix. 25, 26, 27.* Sedet ad Dextram Dei Dominus noster ut omnes inimicos suos & nostros ponat scabellum pedum suorum *Psal. cx. 1. 1 Cor. xv. 25, 26.* Manet in cœlesti sanctuario Sacerdos in perpetuum, ubi sanguis semel fusus loquitur pro nobis potiora quam sanguis sacrificii Abelis, omniumque Leviticarum Victimarum *Heb. xii. 24.* Qui fuit in terris Mediator acquisitionis, nunc est in cœlis Mediator applicationis *1 Job. ii. 1, 2.* & erit in æternum Mediator conservationis, interminabiles agni nuptias cum Ecclesia triumphante celebraturus *Apoc. xix. 7, 8.* Honorent ergo Eum omnes quemadmodum Patrem honorant, qui Benedixit Ei, & in Exaltatione Ejus declaravit Eum esse Deum supra omnia benedictum in secula, *Rom. ix. 5.* Quærant Ejus communionem per Fidem, in quo omnes familiæ terræ *benedicenter*, *Gen. xxii. 18. Gal. iii. 14.* Flectant genua sua coram hoc rege cœlesti, & sic *benedicant ei*, (coll. *Gen. xli. 43. אֲבֹרַךְ Abrech, flecte genu, à בָּרַךְ benedixit.*) Laudent Eum & extollant omnes, in quo per fidem benedicti sunt omni benedictione cœlesti, *Psal. lxxviii. 27.* & sollicitè caveant, ne unquam propter ipsos benedictum Ejus Nomen blasphemetur inter gentes, *Rom. ii. 24.* Benedicant sibi & liberis suis in Eo,

ac


ac propter Ejus meritum apprecentur sibi omne bonum, maximè spirituale ac cæleste *Psalms*. LXXII. 17. ad exemplum Patriarchæ Jacobi *Gen.* XLVIII. 16; atque ardentissima concipiant vota quotidie pro Eo ejusque regno militante, & à tot hostibus hodie oppugnato undique *Psalms*. LXXII. 15. *Psalms* CXVIII. 25, 26. *Matth.* XXI. 9. *Zach.* IV. 7. *Psalms*. CXXII. 6. Et dabit illis omnes Benedictiones suas ab ipso promeritas 1 *Cor.* I. 30. Plus quam unam habet Pater ille æternitatis coll. *Gen.* XXVI. 38. Quam omnem conferet certo. Nam cui Ille benedicet benedictus erit, in Vita, in Morte, & in Die æternitatis!

DISSERTATIO OCTAVA

D E

JUSTITIA MESSIÆ VICARIA,
CAUSSA UNCTIONIS EJUS
SUPRA CONSORTES SUOS.AD *Psal.* XLV. 8.

I.



uo Præcipua stabilis ac Perpetui Throni Fulcra sunt, Regiminis Æquitas, & Legitima regnandi Potestas. Prius illud efficit, ut Boni libenter & constanter obediant, & simul ut Mali per promeritas pœnas justaque supplicia comprimantur, vel è medio tollantur, *Prov.* xx. 28. xvi. 12. *justitiâ stabilitur solium.* Posterius verò causa est cur non facile se quisquam opponet Regi Legitimo, nativitatis, electionis, justæque acquisitionis jure Tali. Utroque hoc Fulcro Thronus Messiae innititur. *Æquissimum* est Ejus Regimen, per sanctas Leges *Rom.* vii. 12, & Gubernationem justam *Jes.* ix. 5, 6. xi. 4. xxxii. 1. *Jerem.* xxiii. 5. Præterea *Legitimum* regnandi *Jus* habet *Ezech.* xxi. 26, 27. non solum ex Dei Patris Decreto *Psal.* ii. 6; Ejusque Fœderali Promissione *Luc.* xxii. 29; sed etiam ex proprio spontaneæ ac perfectissimæ *Obedientiæ Vicariæ Merito*, cujus intuitu Pater ipsi adjudicavit Regnum, atque in illud Ipsum, per passionem consummatum, solenniter immisit, *Jes.* liii. 10, 11. *Philipp.* ii. 7 — 11. *Apoc.* v. 12.

II. Utrum-

II. Utrumque hoc Fulcrum æterni Messiæ throni conjungitur in Textu nostro atque Contextu. Non solum *Amplissimum* Messiæ exaltati Imperium prædixerat *vers.* 4, 5, 6; sed & *Æternum* ejus solium fore indicaverat *vers.* 7. *Thronus tuus, Deus, æternus, vel in æternum & ultra, eis* ὁ αἰῶνα ἔς αἰῶνα *Heb.* 1. 8. Cujus æternitatis throni Fundamentum *Primum* est Regiminis *Æquitas & Reſtitudo ſcep- tri vers.* 7. *Sceptrum reſtitudinis est Sceptrum Regni tui. Alterum* est *Jus* ad Regnum, propter *meritum* Justitiæ vicariæ, in statu Exinanitionis, juxta sponſionem, de quâ *vers.* 3. *gratia effusa est in labiis tuis*, actu præſtitæ ab Ipſo. Quod Meritum Deus Pater Judex agnovit, atque publicè declaravit, Ipſum *Ungendo*, Regemque conſtituendo, atque in ſtatu beatiffimæ Gloriæ collocando, Eique Potestatem concedendo Spiritum dandi Electis; quo ducti Illum Regem ſuum in æternum venerarentur ac colerent. Et hoc est illud ipſum quod in Textu nostro prædicatur. *Dilexiſti juſtitiam, & odiſti iniquitatem: Propterea unxit te Deus, Deus tuus, oleo lætitiæ præ conſortibus tuis.*

III. Scilicet ſic quod *vers.* 3. jam tetigerat nunc paulò latius explicat Vates. Ibi Exaltationem Messiæ, in æternum Benedicti, prædixorat, ejusque Fundamenta, *Eminentiam* nempe Perſonæ ſupra omnes homines, & Voluntariam *Sponſionem*, per *Gratiam in Labiis Ejus effuſam*, ſignificatam, præmiſerat; ut in præcedenti Diſſertatione VII. oſtenſum eſt. Sed hoc in *verſu* 8. nostro textuali *Cauffam* Exaltationis Messiæ, Regnique ſimul æterni ſtatuit ſponſionis iſtius perfectiſſimam *Solutionem* per Vicariam *Obedientiam*, Activam pariter & Paſſivam loco nostro præſtitam.

IV. Præcipua ſententiarum in Interpretatione hujus Locci Diverſitas in eo ſita eſt. quod Alii *Dilectionem Juſtitie & Odium improbitatis* Cauffas *Unctionis* Messiæ ſupra conſortes eſſe velint: Alii verò *Unctionem* ſtatuant Cauffam *Dilectionis Juſtitie*, ex quâ factum ſit, ut hæc in Meſſiâ lo-

cum habuerit. Qui vertunt Locum hunc : *Diligis Justitiam, & odis improbitatem*, כִּי לִי *Propterea quod, Quia, Quandoquidem*, ἐπὶ τούτο, *Ad hoc, hunc in finem, nempe ut talis sis, Unxit te Deus, Deus Tuus, &c.* Hisce Posterioribus se junxit Clar. Lampe, qui ad hunc Textum *Exercit. VI. §. xxxii. pag. 275.* ita scripsit. *De sensu hujus particule (כִּי לִי) Exercit. IV. §. ii. dictum est. Eandem emphasin hic habet, ut non propterea, sed Quandoquidem, Propterea quod, vertendum sit, & indigitet, Unctionem Messiae non fructum, sed causam descriptæ regiae excellentiæ esse. Merito id urget Cl. Noldius ad Concord. not. 1791. Omnis enim excellentiæ in Messia, ut Mediatore, unctio-ejus causa est. Non potuissent ergo fluere, quam connexionis rationem præferrent, Interpretes, si tantum considerassent, tum Unctionem in latissimo sensu hic sumendam esse, tum αιτιολογίαν, quam proponit vates, non modo cum præcedentibus verbis, Amasti injustitiam & odisti iniquitatem, sed cum integra de-prærogativis Regni Christi agente pericopa connectendam esse. Sed concedi nequit Viro Clar. omnis Excellentiæ Christi, ut Mediatoris, Unicam Causam esse Unctionem Ejus, sive æterna Prædestinatio, sive Declaratio Ejus in tempore, sive donorum Spiritus Collatio, per eam intelligatur; excluso plane merito omni pro se, quod in spontanea Ejus obedientia pro nobis ad mortem Crucis usque manifeste ponitur in Scriptura *Philipp. 11. 7—10. Heb. xii. 2.* Deinde si Unctio sit causa Regiæ excellentiæ, descriptæ *vers. 7.* & in initio hujus *vers. 8.* erit quoque causa omnis sanctitatis Messiae in Regimine hoc æquissimo demonstratæ, & proinde quoque sanctitatis non tantum Humanae, sed & Divinae, quæ in hoc Regimine se maxime exserit. Quod non concederet Vir. Clar. Et quis hoc diceret, nisi ille qui cum impuro Socini grege negat Christum esse naturæ Deum & Filium Dei, & ex adverso talem esse ex liberrimo Decreto Dei, atque ex collatione donorum Spiritus factum blasphemè statuit? Præterea quòd Unctio heic sumi debeat in la-*

latissimo sensu dicit quidem Vir Clar., sed minimè probat. Provocat ad Cl. *Noldium*, sed neque ille, contra *Hacksperanium*, qui per *Unctionem* intellexit *Exaltationem* Messiae, disputans ullam rationem solidam adduxit: Ursit quidem Christum jam à primâ conceptione unctum fuisse, & dona Spiritus ante *Exaltationem* habuisse; quod nemo negat; sed & in *Exaltatione* suâ excellentiori modo Unctum fuisse Dominum haud diffitetur ipse *Noldius*. At, inquit, *Exaltatio non venit in Christo nisi post ταπείνωσιν* Luc. xxiv. 26. *Qualis vero post mortem, Regum Unctio?* Quasi in Rege Regum, supra consortes uncto, ex morte resuscitato, ut novum imperium capebat in Judæos & Gentes, non possit habere locum nova unctio, & quidem longè excellentior illâ, quam in Vitâ mortali acceperat. Quantum ad Nos attinet, jungimus nos illis Interpretibus, qui *Dilectionem Justitiæ & Odium Iniquitatis*, ut CAUSSAM UNCTIONIS Messiae heic laudari statuunt. Ut verò constent studiosæ Juventuti, in cujus gratiam potissimum scribimus, rationes hujus nostræ Interpretationis, integrum hunc Locum brevi, & quantum fieri potest, perspicuâ Exegesi illustrare conabimur, atque simul quæ fidei nostræ preciosæ fulcra atque sinceræ pietatis incentiva lateant, indicabimus. Quod ut ordine fiat: Primò considerabimus *Antecedens Justitiæ Meritum*: Deinde *Gaudii & Gloriæ cælestis Præmium*.

V. *Antecedens Justitiæ Meritum* ita exprimitur אהבת צדק ותשנא רשע. Lxx. & Paulus Heb. i. 9. ἠγάπησας δικαιοσύνην, & ἐμίσησας ἀνομίαν Vulg. *Dilexisti justitiam, & odisti iniquitatem*. Loquitur Vates de צדק δικαιοσύνη *Justitiâ*. Non intelligit eam, quæ in Deo est *Justitia Naturalis*, Dominica, Judicialis Remunerativa & Vindicativa; quamvis verum sit hanc omnem Divinam *Justitiam* amasse Christum, & ad hujus demonstrationem sese pro nobis in Victimam Vicariam obtulisse Rom. i. 25, 26. sed intelligit eam, quæ à Deo homini præscripta est in *Lege* ejus. Hoc liquet quia *Justitiæ* opponitur רשע ἀνομία. Sicuti verò

ἀντίθετος est discrepantia à Lege Dei 1 Joh. III. 4.; ita ἀντίθετος ei opposita est Conformitas cum Lege Dei, & Virtus moralis in Lege mandata. Loquitur porro *indefinite*, intelligens omnem Justitiam, omnemque iniquitatem. Heic enim indefinita locutio æquipollet universali. Bene Rivetus. *Uti Justitia in se virtutes continet omnes, sic improbitas vitia omnia.* Tribuit autem Regi Messiae *diversum*, circa diversissimum Objectum, *Affectum*, ex natura rei tamen conjunctissimum; nempe *Dilectionem* Justitiæ & *Odium* Iniquitatis. *Diligere* Justitiam est eam; *Cognoscere*, ignoti enim nulla cupido; supra omnia terrena preciosissima *æstimare* Psalm. cxix. 127.; præ aliis rebus vehementi animi affectu *desiderare* Psalm. cxix. 40. 131.; in eâ sibi magnopere *placere* cum animi *delectatione* magna & acquiescentia Psalm. cxix. 14. 111. 147. Rom. vii. 22.; & tandem hanc animi voluptatem omni Conatu & Opere demonstrare, & sic *justitiam facere* Psalm. cxix. 48. 97. 167. *Odisse* verò iniquitatem est, non minus *amare* eam, ut sumitur Luc. xiv. 26.; sed prorsus *Nolle* eam, atque vehementer *aversari* & *fugere*, ita ut eam neutiquam *facias* quam odio habes Psalm. cxxxix. 21, 22. Quæ duo *diligere justitiam* & *odio habere iniquitatem* sunt inseparabilia, quia unum necessariò aliud includit; & ideo sæpe conjunguntur Psalm. cxix. 113. 163. Amos v. 15. Rom. xii. 9.

VI. Hæc duo itaque attribuuntur Regi, Subjecto hujus Psalmi, *Absolutè*, &, quod diligenter attendi velim, in *Præterito*. *Absolutè*, inquam, prædicantur de Rege, mortalium pulcherrimo, & quidem ut *Causse* Regni & Gloriæ Ejus; & consequenter ab omnibus numeris perfecta justitiâ sic laudatur Rex ille. Qui proinde non est Salomo, cui perperam Grotius hoc applicavit. *Dilexit*, inquit, *Salomon justitiam*, & *odit injustitiam*, nempe à primâ ætate, ideo præ cæteris non popularibus tantum suis, sed & fratribus electus est a Deo in Regem 1 Par. 28. quod unctio significatur 1 Reg. i. 34. Sanè tam sublime Elogium de perfecto justitiæ amore

amore ac iniquitatis odio Salomoni non competit, qui etiam prælatus est fratribus suis, non suo merito, sed ex singulari Dei Gratiâ, uti optimè *Calovius* adnotavit. Nec Absolutè tantùm, sed etiam, quod minimè præterire debemus, hæc *Duo* Messiæ tribuuntur in *Præterito*, DILEXISTI & ODISTI. LXX. & *Paulus Heb. i. 9.* usi sunt Aoristis indicavi pro præteritis perfectis ἠγάπησας, ἐμίσησας. Ita *Vulgatus* quoque & *Trem.* ac *Jun.* in præterito transtulerunt; sicuti & *Belgæ* nostri hoc verterunt in præterito in *Epistola ad Hebræos*; sed in *Psalmo* hoc, *Piscatorem* sequentes, minus recte in præsentis, *Gby hebt Gerechtigheit lief, ende batet Godtloosheyt.* Quod eò magis miramur, quia voculam יד לך transtulerunt, non cum *Piscatore* per propterea quòd daerom dat, sed propterea DAEROM heeft u, o Godt, &c. Quod non solum habent in *Epistolâ ad Hebræos*, verùm etiam in *Psalmo*.

VII. Quoniam ergo Dictum hoc in *Præterito* intelligi debet, *Justitiæ Amor & Odium iniquitatis* non tribuuntur Messiæ, quâ Deo Sanctissimo, qui non delectatur improbitate, sed odio habet omnes qui operam dant iniquitati *Psalm. v. 5, 6, 7.* quique amat jus, odit verò rapinam in holocausto *Jes. LXI. 8.* Hæc enim semper in Deo locum habent. Ita tamen intelligendum esse hunc Locum *Athanasius Orat. 11.* contra *Arianos* contendit, qui ex eo perperam inferebant, Christum, quod *Filius Dei* sit & DEUS, id ipsum accepisse ut μισθὸν ἀρετῆς *Virtutis mercedem.* Neque etiam hæc adscribuntur Christo ut *Regi Tzizonis*, & vero *Melchisedeco Regi Justitiæ Heb. vii. 2.*; quemadmodum cum *Augustino* Nonnulli hæc ad *Regiam Justitiam* referunt: ita ut his verbis explicet Vates, in quo consistat *Æquitas Regiminis illa & Rectitudo sceptri*, laudata *vers. 7.* præcedente: & ut sensus esset; Tu parcis subjectis & debellas superbos; Tu Justos diligis, defendis, & præmiis afficis, sed peccatores & improbos odio habes, & punis severè: atque adeo ut id ipsum heic dicatur de Rege Messiâ quod aliàs frequenter
de

de justo ejus Regimine prædixerunt Vates, *Psalms*. LXXII. 3, 4. *Jes.* II. 5, 6. XI. 3, 4. XXXII. I. *Jer.* XXIII. 6. &c. Nam & hoc modo *adhuc*, in statu Exaltationis, justitiam diligit, & odio habet iniquitatem. Neque porro hæc dicuntur de Christo ut *Propheta* & *Doctore justitiæ* *Joel* II. 23. qui *indicat homini reëctitudinem ejus* *Job.* XXXIII. 23. *prædicat justitiam* *Psalms*. XL. 10. & *labium purum* ad populos convertit *Tzeph.* III. 9. Non enim dicit *Psaltes*, *docuisti* vel *suasisti* Justitiam, & *dissuasisti* iniquitatem. Quod utrumque quidem fecit Christus, Doctor Israël in terris obambulans, immediatè *Marc.* I. 15. *Matth.* V. 20. Verùm & hoc mediatè adhuc facit *Ephes.* IV. 11, 12. 2 *Cor.* V. 20. *Tit.* II. 11, 12.: cum tamen hæc præterita, *dilexisti* & *odisti*, conjuncta cum כן לך PROPTEREA *unxit Te O Deus, Deus tuus* &c. nos ducant ad tempus Exinanitionis modò, atque ad certam illam *Dilectionem Justitiæ*, quæ eadem ratione eodemque modo nunc non amplius in statu Gloriæ in Messiâ locum habet. Et consequenter, non tribuuntur tandem hoc *Studium Justitiæ*, & *Odium Iniquitatis* Christo ut *Homini* simpliciter *Sancto*, qualis sanè fuit in terris *Luc.* I. 35. *Job.* VII. 46., sed & nunc est & manet in cælis, atque manebit in æternum.

VIII. Verùm Utrumque hoc adscribitur Ei, ut *Sacerdoti*, *Sponsori*, *Secundo Adamo*; quomodo obligatus erat ex *Pactò* & *Sponsione* illâ, de qua *vers.* 3., ad *omnem* Justitiam loco nostro in Humanitate assumptâ præstandam, etiam *illam*, ad quam cæteroquin ut *Homo Sanctus* non tenebatur: quamque Justitiam *semel* præstitit, & perfectè in hisce terris. Etenim *Legem æternam* amoris Dei ac proximi implevit *Matth.* V. 17., statim ac rationis usus accessit *Jes.* VII. 15, 16., quod facere debuit ut *Homo*, sed primò ut *Sponsor*, quia non est *Homo* factus nisi ex voluntate suâ æternâ, quâ voluit *Sponsor* fieri, atque in tempore pro *Electis* satisfacere. Deinde & *omnem Legem Dei* reliquam, hominibus post lapsum latam præstitit, ad quam ut *Homo Sanctus* non

non tenebatur, qualis erat Lex Circumcisionis & Baptismi *Matth. 111. 15. Gal. 1v. 4, 5. Legem denique specialissimam* illam Dei Patris de acquirenda salute Electorum per *passionem & mortem vicariam*, de quâ *Joh. x. 18*, perfecit. Idque cum zelo & amore ardentissimo gloriæ Dei & salutis proximi, *Psal. xl. 9. Facere voluntatem tuam, Deus mi, delector: & lex tua est in medio viscerum meorum. Psalm. lxxix. 10. Zelus domus tuæ exêdit me. Luc. xii. 50.* Baptismo oportet me baptizari, & quomodo συνέχομαι constrin-
gor usque quò hoc perficiatur. *Joh. 1v. 34. Esca mea est exequi voluntatem ejus qui misit me, & consummare ipsius opus.* Imo hoc fecit constanter ad finem usque *Jes. l. 4, 5, 6, 7, 8. Phil. 11. 7, 8. Joh. xvii. 4. Opus consummavi quod dedisti mihi ut facerem. Joh. xix. 30. Quum autem accepisset Jesus acetum dixit, CONSUMMATUM EST, & inclinato capite tradidit Spiritum.* Atque ita semel, in hisce terris, *justitiam dilexit & injustitiam odio habuit*, loco nostro, & quidem omnem plane. Nam in hac Obedientia suâ Vicariâ ostendit se Dei Gloriam & Proximi salutem, atque Sanctitatem veram amare, quia fructus satisfactionis ejus est non solum *Justificatio Peccatoris*, sed etiam ejus *Sanctificatio Tit. 11. 14.*

IX. Propter hanc *Justitiæ Dilectionem* Messias Sponsor frequenter ornatur Titulo *Justi & Sancti*, tum in V. T. *Psal. xvi. 10. Jes. lxx. 11. Jer. xxiii. 5. Dan. ix. 24*, tum in N. T. *Luc. 1. 35. Act. 11. 14. vii. 52. Heb. vii. 26. 1 Pet. 111. 18. 1 Joh. 11. 1, 2.* Et hæc Ejus *Justitia Vicaria* ac Obedientia ad *mortem* usque crucis, quia *Deitas* infinitum illi addidit Valorem, ut pro poenâ æternâ rectè haberi a Deo Judice potuerit, & quia *Jehova* ipse factus est *Justitia nostra Jer. xxiii. 6*; dicitur non tantum *Justitia æterna Dan. ix. 24*, sed etiam appellatur *Justitia Dei Rom. 1. 16, 17. 2 Cor. v. 21*, & *Justitia quæ est ex Deo Philipp. 111. 9.* quemadmodum & heic tribuitur Sponsori à *Deitate* denominato, *Dilexisti Justitiam O DEUS! Hæc*

denique *Justitia Dei* Sponsoris, per fidem imputata Electo peccatori est *meritoria causa* omnis salutis ejus. Qui donum hoc JUSTITIÆ recipiunt, in vita regnabunt per unum *Jesum Christum*: per UNIUS OBEDIENTIAM JUSTI constituentur multi Rom. v. 17, 19. Qui non novit peccatum, (justitia activa notatur) pro nobis peccatum fecit, (Justitia passiva significatur) ut nos efficeremur *Justitia Dei* in eo, per imputatam scilicet Justitiam illam nobis, quemadmodum per imputationem peccatum pro nobis factus est Christus 2. Cor. v. 21.

X. Verum etiam *Causa* fuit *Exaltationis* Messiae, quæ maximè tendit in Bonum Electorum *Philipp.* 11. 7, 8, 9. Hinc sequitur *Secundò* in Textu *Consequens* *Gloriæ Cælestis* & *Gaudii Præmium*, על כן משחך אלהים אלהיך שמן LXX. & Paulus, διὰ τὸτο ἔχρησέ σε ὁ Θεός, ὁ Θεός σου ἰλασίων ἀγαθιάσεων ὡς καὶ τὰς μετόχους σου. *Vulg.* Propterea unxit te Deus, Deus tuus, oleo letitiæ pro consortibus tuis.

XI. Ante omnia tenendum est, quod particula על כן heic non notet *Quia*, *Quandoquidem*, *Propterea quod*, sed *Propterea*, uti rectè transtulerunt cum vulgato Belgæ Nostri. (Qui tamen in Notis ad *vers.* 3. & 8. & ad *Jer.* XLVIII. 36. videntur non alieni à *Versione Piscatoris*, qui transtulit *Propterea quod*.) Hæc enim est usitatissima ejus significatio in Sacris. Ex plus quam ducentis Locis, in quibus occurrit, vix duo vel tria, & illa quidem controversa, reperire potuit Cl. Noldius, in quibus pro *Quia*, *Quandoquidem* sumeretur. In Psalmis sæpissime præponitur *Consequenti* vel *Effecto*, *Psal.* 1. 4, 5. XLVI. 3. cx. 7. & in hoc nostro *Psalmo vers.* 18. Similiter διὰ τὸτο in Novo Testamento vix semel & iterum notat *propterea quod*, uti videtur hunc sensum habere *Marc.* XII. 24. *Jab.* VII. 22. Sed frequentissimè *Effecto* & *Consequenti* conjungitur, & significat *Propterea*. Non temerè ab usitatissimâ Vocis significatione recedendum est. Sed

Sed præterea insunt ipsi Textui argumenta ex quibus patet sumi debere hanc particulam **לְכָל** pro *propterea*, atque indicare *Consequens* & *Effectum* Justitiæ Messiæ, non *Causam* Ejus. *Unctio* facta *oleo lætitiæ*, quæ affirmatur de Domino nostro, magis certè nos ducit ad statum *Exaltationis* Ejus, quàm *Exinanitionis*, in quo *tristis* fuit *anima* Ejus *undiquaque usque ad mortem* *Matth.* xxvi. 37, 38. cui *tristitiæ* hoc *Gaudium Gloriæ* opponi omnino videtur, ut ejus lætissimum & bene promeritum *Consequens*; coll. *Jes.* lxi. 3. Ex quo colligimus, quòd hæc *Unctio* non statuatur *Causa* Sanctitatis & Justitiæ Ejus, quam in omni Vitâ suâ, mortali & immortalis ostendit; quia hujus Justitiæ Ejus *Causa* quoque fuit *Unctio* illa, per collationem donorum Spiritus S. facta, quæ ab Utero & apud Jordanem in Baptismo, de quâ *Unctione* agitur *Jes.* lxi. 1. *Luc.* i. 35. *Matth.* iii. 17. *Job.* iii. 34. *Act.* iv. 27. x. 37, 38. in Ipso locum habuit. Deinde Petrus in sermone hoc suo in Festo Pentecostes habito *Act.* ii. 33. 36. Itaque *dextera Dei sursum sublati*, & *promissionem Spiritus Sancti adepti à Patre*, effudit hoc quod vos nunc cernitis & auditis. Certo sciat ergo *tota domus Israël*, quod *Deus hunc fecerit Dominum & CHRISTUM*, hunc ipsum, inquam *Jesum quem vos crucifixistis*; videtur hunc Locum nostrum respexisse, atque Oraculi hujus Prophetici de *Unctione Domini* *Mercede Obedientiæ* Ejus vicariæ futurâ *implementum* ostendisse. Idem dicendum videtur de Paulo; non solum quando in Epistola ad *Philippenses* Cap. ii. 7, 8, 9. scribit *propter Obedientiam ad mortem usque crucis* *Jesum esse summopere exaltatum*; sed etiam & magis, quando *Heb.* xii. 2. de Ipso ait, quòd *PRO Sibi PROPOSITO GAUDIO*, (quod hic certè prophetice factum est) *sustinuerit crucem*.

XII. Hisce præmissis nunc pergimus ad Verborum horum Explicationem, in quibus distinctè occurrunt; & *PERSONA* Compellata; & *RES* de Ipso prædicata. I. *PERSONA* compellatur à Propheta, non solum Pronomine *Te* in

affixo Verbi **משחך**, sed etiam in Nomine sequenti **אלהים** DEUS. Possunt hæc Nomina **אלהים אלהך** tanquam per Appositionem conjuncta de solo *Deo Ungente* accipi, *Unxit Te Deus, Deus, inquam, tuus*; permittente hoc structurâ Verborum alibi repertâ *Psalms. xliiii. 4.* **אלהים אלהי**, *Psalms. xlviii. 15.* **אלהים אלהינו**, *Psalms. l. 7.* **אלהים אלהך**. Sed & possunt disjungi, & prius illud **אלהים** in Vocativo capi *O Deus!* Nam **ה**, quod Vocativis præfigitur alibi *Psalms. cxiv. 5, 6.* *cxviii. 1.* deest quidem hîc; verùm & aliàs sæpissime omittitur *Psalms. xxv. 22. li. 3. lxviii. 8, 9.* &c. & subintelligitur, atque ex phrasi facillimè colligitur, quæ heic certè habet præsentis personæ alloquium, uti bene observavit Cl. J. *Altingius* ad *Heb. i. 9.* Sicuti etiam satis notum est, quod **ὁ Θεός**, ut est in Epistola ad Hebræos, Atticè pro Vocativo **ὦ Θεέ** ponatur, ceu patet ex *Marc. xv. 34. coll. Matth. xxvii. 46.* Nec defuerunt olim qui præsentem sententiam, literæ Hebraicæ servientes, transtulerunt, **אלהיך אלהינו** *Propterea unxit te, Dee, Deus tuus*, quod ab *Eusebio* in *Commentario* adnotatum est. Atque ad hujusmodi Versiōnem Græcam aliquam respexit fortè *Augustinus*, quando in *Enarratione* hujus vers. 8. ita scripsit. *Deus inungitur a Deo. Etenim in Latino putatur idem casus nominis repetitus: in Græco autem evidentissima distinctio est, quia unum nomen est quod compellatur, & alterum ab eo qui compellat. O Tu Deus, unxit Te Deus tuus, sic accipite, sic intelligite, sic in Græco evidentissimum est.* *Bellarminus* verò ex his *Augustini* Verbis conjicit in textibus Græcis quos nunc habemus, incuriâ librariorum, mutatum esse omega in omicron: quod minus placet. Sed in Vocativo non solum legi potest, verùm etiam ita legi debet. Eodem enim modo **אלהים** heic ponitur atque accipi debet ac præcedenti versu septimo, ubi non aliter quam in Vocativo capi potest, **כסאך אלהים ועד** *Thronus tuus, O Deus, in seculum & æternum.* Quod *Aquila Judæus*, vi veritatis pressus agnovit, dum ver-

vertit, uti est apud *Eusebium*, l. c. ὁ Θεὸς σὺ, Θεὲ, εἰς αἰῶνα καὶ ἔτι; meritò reprehensus ab eodem *Eusebio* tanquam sibi minus constans, quia hoc loco, *propterea unxit te Deus*, non ultra Θεὲ interpretatus est sed Θεός, dicens, ἐπὶ τῷ τῷ ἡλειφέ σε ὁ Θεός ὁ Θεός σὺ, cum eadem ipsa vox occurrat, atque ita interpretari debuerit διὰ τὸ τοῦτο ἔχεις σε Θεὲ ὁ Θεός σὺ. Neque hoc negare ausus est alius quidem *Sapiens Judæus*, quem his verbis vehementer urfisse se commemorat *Origenes Lib. 1. contra Celsum* p. m. 43. Quod fanè Judæorum priscorum par, cui consentit *Targum*, Recentiores quosdam in pudorem agere debet; qui Verba illa torquent ac refingunt, ut dicant, non quod Spiritus S., sed quod propria perfidia ipsis dictavit: nempe; vel hoc, *Thronus tuus thronus Dei est*; vel *thronum tuum stabiliet Deus*. Quod solide refutarunt *Hackspanius* in Locum, & *Gussetius* in *Chizzouk Emounah*, p. 451, 452. Imo in *Vocativo* legi debet, *Unxit te, O DEUS! Deus tuus*; quia Paulus in *Epistola ad Hebræos*, (quod argumentum modò contra Christianos interpretes quosdam aliter sentientes valet) hunc *versum octavum* nostrum quoque adducit ad probandam summam *Deitatem Christi*, per quam excellentior est Angelis omnibus a Deo creatis; vim argumenti sui quam maximè, si non unicè, collocans in *Nomine Elohim*, Christo heic dato absolute & in *Vocativo*, æque ac in *versu septimo* præcedenti. Optimè *Piscator*. *Et si Verba Hebraica admittunt etiam hanc Syntaxin*, *Unxit te Deus Deus tuus: ita ut nomen Deus sit nominativus antecedens: tamen alteram Syntaxin, qua nomen Deus construitur ut Vocativus confirmat collatio versus septimi, & allegatio Heb. 1. 9. ad probandam Deitatem Christi*. Si ergò in *Vocativo* hoc legi debet, *Unxit te, O DEUS*, atque sic Deus Unctus, a Deo Ungente distinctus, est *Christus*, ex cohærentia Verborum quoque manifestum est; quod perversè admodum cum Chaldæo, & Judæo illo sapiente apud *Origenem*, Alii hodie Judæi velint, quod *versu septimo* alloquium dirigatur, non ad *Christum*, sed ad Uni-

verſi Creatorem Deum Patrem. Idem qui compellatur *verſ. 3, 4, 5, 6.* nempe Rex Meſſias, compellatur quoque *verſ. 7. & 8.* Et hoc quoque omni Chriſtiano propter auctoritatem Pauli extra omne dubium poſitum eſſe debet. Juxta Apoſtolum enim *Heb. 1. 8, 9.* ὁ Θεὸς utrobique & *verſ. 7. & verſ. 8.* dictum eſt *θεὸς τὸν υἱὸν ad Filium æternum & naturalem, vel de Filio;* ſicuti *θεὸς* ſumitur pro *θεὸ* *verſ. 7. θεὸς μὲν τὰς ἀγγέλους λέγει.* coll. *Heb. 1v. 13. Luc. xix. 9. &c.*

XIII. Unde & hoc porro conſequitur, quòd Propheta heic Regem Meſſiam ita haud compellet ob *Deitatem Metaphoricam*, & nudam cum Deo ſummo ſimilitudinem in Dominio & Gloriâ gratioſè collatam. Nam & ſic Angeli ſunt *Elohim* *Pſalm. viii. 6. xcvi. 7. Heb. 1. 6. 11. 7.;* quibus tamen omnibus ut creaturis Chriſtum, ut *Creatorem Mundi & Conſervatorem, Effulgentiam Gloriæ ac Characterem Perſonæ Patris, Filiumque Unigenitum verſ. 4. -6.,* eſſe præſtantiorem ex hoc Loco *Pſalmi* probare contendit. Et meritò: Quia Nomen *Elohim Dei* heic Ipli, ſubjectivè, abſolutè, in Vocativo tribuitur, abſque ullo adjuncto diminvente Nominis hujus emphasi & primariam ſignificationem, & quidem *his* repetitum, in *verſ. 7. & 8.;* in quâ repetitione cum lateat magna Deitatis Meſſiæ Demonſtratio, ideo Paulus *utrumque* hunc *verſum* contra blaſphemos Judæos, alioſque Deitatis Chriſti hoſtes venturos, tanto cum zelo laudavit: Quia præterea Analogia Scripturæ confirmat hunc ſenſum, in quâ Chriſtus *Verus, Magnus, & ſummus ſupra omnia Benedictus Deus* 1 *Job. v. 20, Tit. 11. 13. Rom. ix. 6. Jehova Jer. xxi. 5. Jacobi Dominator & Magnus* Iſraëlis *Jer. xxx. 21.* perhibetur; quibus ſummæ Deitatis titulis hoc Nomen *Elohim* convenienter explicari debet: Quia denique omnia præſtantiſſima in hoc *Pſalmo* de *Subjeto* prædicantur, & quidem *divina* pronus; nempe quòd ſit *ſponſus ac maritus Eccleſiæ*, qui ſolus *Jehova* eſt *Exercituum Jeſ. liv. 5.;* & quòd ſit *יְהוָה*

Fortis

DE UNCTIONE MESSIÆ SUPRA CONSORT. 239

Fortis ille vers. 4., fortior Diabolo, Valido isto, cui vasa eriperet, & proinde Deus summus *Psal. LXVIII. 19. Jes. XLIX. 24, 25. Luc. XI. 20, 21, 22.*; & denique quoddam sit *Rex, Potentissimus vers. 2. 4, 5, 6. Æternus vers. 7., Adorandus vers. 12.*, & proinde Verus Deus, *Jes. LII. 7. regnat Deus tuus.* Certè ubi omnia hæc Divina & præstantissima de Messia dicuntur in toto hoc Cantico; ibi etiam hoc Nomen *Elohim* ipsi præstantissimo & maxime emphatico sensu, ut *Deo summè Venerabili*, dari censendum est.

XIV. At, inquit, *Deus non potest ungi.* Respondeo: si Deus potest declarari, manifestari, glorificari, etiam potest *ungi* improprie scilicet; atque ideo absolute verum non est, Deum non posse ungi: Si verò *Ungere* sit conferre dona subjecto quæ antea non habuit, Christus non potest *ungi* quia Deus, sed quia *Homo*, atque ipsi, à *Deitate* denominato, vi Unionis Naturalium Personalis, tribui queunt quæ sunt Humanitatis, *coll. 1 Cor. II. 8. Act. XX. 28.* Sed ajunt porro, quoddam *Unctus* sit *minor Ungente.* Respondeo: non semper; Rex enim ungebatur a Sacerdote, Rege minore *1 Reg. I. 34. 39.* Et quod attinet ad Messiam, quia Filius naturalis est æqualis Patri in eadem numero Essentiâ *Job. V. 19. 21. 23. 26. x. 28, 29, 30. Phil. II. 6, 7.* sed quia *Unctus Homo*, & Mediator, minor est Patre *Job. XIV. 28.* Instant adhuc & dicunt, *Deus verus & summus non habet Deum supra se*; atqui hic dicitur *Deus tuus.* Respondeo: Deus summus quia talis non habet Deum supra se; sed Christus est simul Deus & *Homo*, ac *Mediator*, qui quia talis omnino *habet Deum.*

XV. Quemadmodum in Textu sequitur. II. Res de Christo prædicata. *Unxit Te Deus tuus oleo latitiæ præ confortibus tuis.* Causa Efficiens seu *Ugens* Vocatur DEUS TUUS. Iterum uni personæ, ab alia distinctæ, attribuitur Nomen *אֱלֹהִים*: ex quo haud absque ratione colligitur illud terminatione quidem plurale, sed significatione singu-

gulare esse. Modò denotabat Deum Filium, sed nunc indicat Aliam Personam Divinam. Quæ non est *Spiritus Sanctus*, uti volunt Aliqui; quòd hic *Deus Christi* dicatur, quia Humanam ejus Naturam formavit in Utero Virginis *Luc. 1. 35.*; & simul quod per Appositionem appelletur *Oleum*, eò quod aliàs Vates dicere debuisset *משמן*, & Paulus *ἐλαίω*. Nam nullibi legitur Spiritus Sanctus Christum unxisse, sed Hic dicitur Unctus Spiritu Sancto, qui super ipsum descendit, & mansit instar olei, quo Unctio peragitur *Job. 1. 33.* Et deinde Spiritus Sanctus in *Donis* suis sub nomine *Olei lætitiæ*, quo Unctus hîc perhibetur Christus, à *Deo Ungente* potius distinguitur. Quod verò Præfixum *ב* voci *משמן* non sit additum, haud insolens est, quia & alias omittitur *Psal. XLIV. 3. ידך manu tua expulsit &c. Psalm. LX. 7. salvum fac ימינך Dexterâ tuâ.* Et quòd *LXX.* & Paulus habeant *ἐλαίον* non *ἐλαίω*, in eo secuti sunt constructionem haud inusitatam, juxta quam nomen cognatæ significationis in accusativo jungi solet quandoque. Sic *1 Cor. III. 2. γάλα ὑμῶν ἐπέτισα, ἢ ὁ βρῶμα*, pro *γάλακτι ἢ βρώματι*. Sic quoque *Marc. IX. 41. Ὁς γὰρ ἂν ποτίσῃ ὑμῶν ποτήριον ὕδατος &c.* Sed hæc Alia Persona Divina est, nempe *Deus Pater*, qui aliàs *Deus Christi* dicitur *Psal. XXII. 2, 3. XL. 9. Job. XX. 17. &c.* Quæ phrasis cum dependentiam ejus à Deo Patre importet, neutiquam adhibetur de Eo ratione Deitatis, quæ eadem numero independens Filio communicata est a Patre ab æterno *Job. v. 26.* Sed ratione: tum Humanitatis productæ coll. *vers. 3. Psalm. XXII. 10.*: tum etiam Præcepti fœderalis istius de Vita ponenda pro peccatore Electo *Job. x. 15. 18.*; cui sese subjecit Christus in statu Exinanitionis cum Fide & Spe certâ; cujusque respectu *Servus Dei* dicitur *Jes. XLII. 1. XLIX. 1. LIII. 11., Missus à Deo Job. VI. 38., & Minor Patre Job. XIV. 28.*: tum denique Promissionis Fœderalis illius *Jes. I. 11. 10, 11. Luc. XXII. 29.*, quam etiam Fide & Spe amplexus est Messias in statu Humiliationis *Psal.*

xvi. 1, 2. *Heb.* xii. 2.: tum tandem respectu Remunerationis & Exaltationis in cælo *Joh.* xx. 17., juxta Promissum Patris Fœderale *Jes.* liii. 10. & Restipulationem Christi *Joh.* xvii. 4, 5. Quare dicitur Deus Pater Unxisse Christum.

XVI. Effectus seu Opus Dei appellatur *Unctio*, & simul Messias per eam extollitur *supra consortes suos*. UNXIT Te. Unctus est *proprie* quidem ab Hominibus in Vita terrestri & morte sua Dominus *Luc.* vii. 37, 38. *Matth.* xxvi 7-12. *Joh.* xix. 39, 40., sed *improprie* tantum à Deo Patre. Quemadmodum *Gladius*, *Sagittæ*, *Thronus*, *Sceptrum* *improprie* sumuntur, sic etiam hæc *Unctio*. *Improprie* a Deo Patre *Unctus* est *ab æterno*, quæ *Filius Dei* naturalis, per Amorem Patris naturalem, & Gloriæ Ornatus & Roboris Divini omnis simul cum ipsâ Essentiâ Divinâ Communicationem; de quâ agi *Prov.* viii. 23. monstravimus in *Dissertationibus nostris Sacris Leidenfibus*, *Diff.* VIII., & in *Nestorianismo Confutato*, *Cap.* xx.; quamque hoc in loco intellexit *Eusebius* in *Demonstrat. Evangelica*, *Lib.* iv. C. xv. p. m. 173. Sed quæ hîc intelligi nequit, quia agitur de *Unctione*, quæ est Obedientiæ Christi Vicariæ Consequens. *Unctus* quoque est à Patre *ab æterno* quæ *Mediator*, per præcognitionem ac prædestinationem ad Munus Mediatoris *Aët.* ii. 23. 1 *Pet.* i. 19, 20. quæ Metonymicè *Unctio* Ejus dicitur *Psal.* ii. 6. *Jes.* lxi. 1., sed de quâ hîc ob eandem rationem non loquitur Vates. *Improprie* porro *Unctus* est à Deo Patre *in tempore*, in *Humanitate* assumptâ, per Communicationem donorum Spiritus Sancti, quæ variis momentis, variisque successivè gradibus ei collata sunt. De quâ *Unctione Domini*, Venerabilis *Marckius* noster quondam, in *Exercitat. Text.* xiii. non solum in loco *Aët.* x. 38., sed etiam *Dan.* ix. 24. agi existimat. Verùm neque ad hanc respicit *Psaltes*, quia *Unctionem* intelligit, quæ est sequela Exinanitionis & Justitiæ Ejus Vicariæ, & quæ cum consummatâ ac perpetuâ *letitia* Ejus conjuncta est.

XVII. Dicit enim Propheta, *Unxit te OLEO LÆTITIÆ.* שמן heic non notat simplex *Oleum Olivæ*, sed *Unguentum* ex illo oleo, aliisque aromatibus, conditum, vel ex solis aromatibus confectum, quæ *vers.* 9. nominantur *Myrrba*, & *Aloë*, *Casia*. Quale Unguentum fragrantia alibi dicitur שמן *Oleum Jesh.* LVII. 9.; ראשית שמנים *Principium Oleorum*, seu Unguentum præstantissimum *Amos* VI. 6.; שמן הטוב *Oleum Optimum Psalm.* CXXXIII. 2.; heic verò ut & *Jesh.* LXI. 3. *Oleum ששון Sasebon gaudii, lætitiæ, exultationis*: quia fragrantia sua lætitiæ adfert, & animos valde exhilarat *Prov.* XXVII. 9. *Oleum* (Unguentum) & sufficit lætificat cor. Unde tempore luctus abstinabant ab eo, ut & ab omni *Oleo*, quia Ornatum & Gaudium alicui conciliat; ceu patet ex *Locis* 2 *Sam.* XII. 20. XIV. 2. *Dan.* X. 3. *Matth.* VI. 16. 17. Sed adhibebant *Oleum* ac *Unguentum* tempore gaudii *Eccles.* IX. 7, 8.; quale est tempus Convivii *Psal.* XXI. 5. Nuptiarum, *coll. Ruth* III. 3., & Inaugurationis ad Munus, non solum Sacerdotale, sed etiam quam maximè Regium. Allusio heic est ad *Unctionem Regum*, nam canit *Psaltes* de REGE *vers.* 2. *Oleo lætitiæ*, id est odorario & fragrantissimo proculdubio sunt *Uncti Reges*. Quia de Saule & Jehu legitur quod *Uncti* fuerint ex lenticulâ olei פך השמן 1 *Sam.* X. 1. 2 *Reg.* IX. 1. colligunt nonnulli cum *Clar. Job. Meijero*, in *Animadversionibus* in *Differt. Clasingii de Unctione Sacra.* p. 7. eos unctos fuisse *Oleo* communi, balsamico; sed quia *Davidis* & *Salomonis* *Unctio* perhibetur facta ex *Cornu*, & *Oleo Sancto Psalm.* LXXXIX. 21., atque ex *Tabernaculo* desumpto 1 *Reg.* I. 39., hos duos *Davidem* & *Salomonem* *Unctos* fuisse volunt *Oleo Sacro Sacerdotali* illo aromatico, quod describitur *Exod.* XXX. 23. 25. & *Interdictum Divinum*, quo prohibetur *Extraneum* ungere isthoc oleo, *vers.* 31, 32., interpretantur de *Eo*, ad quem non pertinet *Sacerdotium* vel *Regnum*; dum *Alii* *Dispensationem* divinam adfuisse conjiciunt in *Davide* ac *Salomone*. Nonnulli rursus conjiciunt

ciunt Reges illos communi Unguento delibutos fuisse, qui per *Prophetas* uncti fuerunt, ut Saul & David per Samuelem 1 *Sam.* x. 1. xvi. 13.; Alios vero Oleo Sacro, quorum Unctio nempe per *Sacerdotes* peracta fuit; uti Salomo Unctus fuit per Zadokum 1 *Reg.* i. 39. Joas per Jojadam 2 *Reg.* xi. 12. & fortè David per Abjatharem in Hebron 2 *Sam.* v. 3. Vide *Celeb. Lampe Exercit.* vi. §. xxv. Quæ tamen Celeberrimo *Markio* minus placent, qui potius *Oleum in Regibus adhibitum existimat pretiosum quidem, sed tamen commune, & varium fortè nonnunquam, pro locorum varietate, Exercit. Text.* ix. ad 1 *Sam.* ix. 16.

XVIII. Quando ergo dicit Vates *Unxit Te Oleo lætitiæ*, in præterito ex prævisione Prophetica de re certò futurâ, ut sæpe; *generatim* significat, *Θεάνθρωπον*, post Obedientiam Activam & Passivam vicariam perfectè præstitam, plenissimò sensu fore MESSIAM, CHRISTUM illum, de quo 1 *Sam.* ii. 10. *Psal.* ii. 2. &c. Unde Petrus, Vaticinii hujus implementum demonstrans, dicit Jesum in Exaltatione suâ factum esse CHRISTUM *Act.* ii. 36. *Speciatim* verò prædicit. I. Solenniter à Deo Patre constituendum esse Regem Ecclesiæ, & in Statu Gloriosi Imperii, ad *Dextram* suam collocandum, juxta Vaticinia alia *Psal.* viii. 6—9. xxi. 4. lxxxix. 28. cx. 1. *Dan.* vii. 13, 14. &c. Ita alibi *Ungere* Regem est Regem sibi præficere, in Parabola Jothami de *Arboribus eundo euntibus ad Ungendum super se Regem Jud.* ix. 8. 15. ubi *vers.* 6. Chaldæus habet *הנניל* ad præficiendum; & idcirco Petrus *Act.* ii. 36. *Christum* factum esse & *Dominum* conjunxit. Filius Dei *ἁγιος* jam fuit Rex Ecclesiæ ab initio mundi *Psal.* xciii. 1, 2. lxviii. 8, 9. cx. 1. *Jer.* xxx. 21. *Mich.* iv. 7.; & *ἐνορχος* Rex fuit in cunjs vagiens, atque in Terra sua obambulans pauper *Zach.* ix. 9. imo in cruce moriens *Luc.* xxiii. 42, 43. *Job.* xix. 19. Sed, post Opus Redemptionis peractum, novo titulo, novique populi, & cum nova gloria Rex factus est, *Act.* ii. 36. *Heb.* i. 3. ii. 7—9. x. 12. at-

que plenissimo sensu *Unctus Psalm.* II. 6, 7, 8. &c. II. Eundem *Θεοφιλες*. post animæ suæ labores & dolores gravissimos transferendum esse ad statum Beatissimæ *Letitiæ*, & *satiæ amœnissimorum gaudiorum* in cælis *Psalm.* XVI. 11.; quibus *Gaudiis* impleret Ejus animam Pater, quam antea ut justus Judex inferni terroribus & anxietatibus cruciaverat; & quæ *Gaudia* continuò in Ipso alerentur & foverentur: tum ex Deitatis suæ summæ ab incredulis Judæis abnegandæ manifestatione *Psalm.* II. 7. *Jes.* XI. 5. *Job.* XVII. 5.: tum ex Humanitatis Immortalitate ac Gloriâ nova *Psalm.* LXXII. 15. *Jes.* LIII. 10. LV. 3. coll. *Act.* XIII. 34. *Rom.* VI. 9. *Apoc.* I. 18.: tum denique ex Fide & Obedientiâ Populorum, & Visione seminis innumerabilis, quod Ipsum imitaretur, sincerè coleret ac veneraretur ad salutem æternam *Jes.* LIII. 10. 11. *Psalm.* XLVII. 10. LXXII. 8, 9, 10. 11., ex quo ingens Ejus Oblectatio *Psalm.* XVI. 3. *Jes.* LXII. 4. Sic *Ungi Oleo* odorato aromatico per Metonymiam Causæ pro effecto est *summa letitiâ* affici, quam experiebantur isthoc oleo inuncti, coll. *Jes.* LXI. 3. III. Eidem tandem per passionem consummato Sponsori à Deo Patre conferenda esse *Dona* Spiritus Sancti. Non enim simpliciter dicitur *Unxit* te Deus tuus, sed *unxit* te *OLEO* gaudii. Dantur *Uncti absque oleo*, uti *Abschalom Unctus* dicitur tantùm quia à perfidis electus erat in Regem *2 Sam.* XIX. 10. Sed Mediator noster heic non solùm *Unctus* a Deo perhibetur, sed etiam significanter additur, *oleo* gaudii. Quare aliquid *spirituale*, quod *Oleo* *Unctionis* olim adumbratum fuit in Regibus Israël, seu *Oleum Metaphoricum* omnino etiam heic concipi debet.

XIX. *Oleum* inter præstantissima Dei *Dona* à mortalibus semper habitum fuit, & Symbolum ipsius simplicissimæ *Deitatis*, *Divinæque Virtutis*, omnia penetrantis, exhilarantis, corroborantis, ornantis &c. meritò constitutum; quod *Eusebius* in *Demonstrat. Evang. Lib.* IV. *Cap.* XV. monuit & egregiè declaravit. In Sacris literis Emblemata est in-

DE UNCTIONE MESSIÆ SUPRA CONSORT. 245

inprimis *Spiritus Sancti*, atque *Donorum* Ejus Omnium, maximè verò Salutarium *Psal.* xxiii. 5. *Cantic.* 1, 2, 3. *Jes.* lxi. 3. *Act.* ii. 33, 36. x. 38. *2 Cor.* i. 21, 22. *1 Joh.* ii. 20, 27. Unde Patriarchæ dicuntur *Uncti*, *Psal.* cv. 18, & δὲ ἁλ-
λο, ἢ Ἀλὲ τὸ εἶναι πνεύματι, & μετέχον, ἐμπροσθεν, inquit *Eusebius* l. c. nullam ob aliam causam, quàm propter Divini *Spi-*
ritus, cujus participes erant, influentiam; nempe ob Spiritum
Prophetiæ, & Cognitionis, & Fidei & Timoris Domini
in ipsos effusum. Sicuti etiam in *Unctionibus* Regum Sau-
lis, Davidis, & Salomonis *Oleum* erat signum *Donorum*
Spiritus, quem, variis modis tamen & gradibus, accepe-
runt, statim quoque post *Unctionem* eorum factam *1 Sam.*
x. 1. 6. xvi. 1. 3.

XX. Et meritò *Dona* Spiritus Sancti, inprimis salutaria
illa nominata *Gal.* v. 22. sub Emblemate *Olei*, & quidem
Aromatici & *Odorati* repræsentantur. Hæc enim *Dona* sa-
nant contritos corde *Jes.* lvii. 19. *Malach.* iv. 2. *Apoc.*
xxi. 2., uti *Oleum* corpus vulneratum *Luc.* x. 34. Hæc
porro Corroborant infirmos in Spirituali Vita, & alacres
reddunt ad omne Bonum *Jes.* xi. 2. *Ephes.* iii. 16. *Jes.* xl.
29, 30, 31. quemadmodum *Oleum* & Certantibus in are-
na, & tenellis infantibus *Ezech.* xvi. 9. robur auget. Hæc
præterea Exornant valde deformatum peccatorem, eique
splendorem conciliant in oculis Dei, Christi, omniumque
Sanctorum *Psal.* xciii. 5. cx. 3. *Jes.* lxi. 3.; ut *oleum*
cuti *Psal.* civ. 15. Hæc amplius sordidos peccatores ef-
ficiunt Deo ac Domino Jesu Gratos ac Amœnos *Psal.*
xvi. 3. *Cant.* i. 3. 12. iv. 10. *Jes.* lxii. 4., sicuti Ungu-
entum Odorarium, quidquid malè olet repellit, & sua-
vem Corporibus odorem addit. Hæc denique dura Emol-
liunt, magis sanè quam *Oleum* terrestre, dum ipsa lapi-
dea ac durissima mortalium Corda mutant in Carnea *E-*
zech. xxxvi. 26, 27. Hæc tandem verè Exhilarant, &
longè majus ac perenne magis gaudium adferunt quam ul-
lum *Oleum* vel Unguentum etiam odoratissimum, de quo

Judic. ix. 9. *Prov.* xxvii. 9. & ideo Olei *Saschon* nomine meritò veniunt. Est enim inter illa Dona quoque *Gaudium* Conscientiæ incenarrabile *Psal.* li. 14. *Rom.* xiv. 17., *Gal.* v. 22. 1 *Theff.* i. 6.; & reliqua *Cognitionis*, *Fidei*, *Spei*, *Timorisque* Dei Dona materiam lætitiæ solidæ præbent Piis, eamque producant in Fidelium animis *Psal.* cxix. 14. *Rom.* xii. 12. xv. 13. 1 *Pet.* i. 8.

XXI. Hoc Oleo Gaudii *Metaphorico* Ungendus erat Messias Exaltatus: Quo, tanquam oculorum collyrio *Apoc.* iii. 18. Sapiencia & *Cognitio* ejus *Humana* valde crescerent, & *Gaudium* Ejus ingens perpetuum ac interminabile foret *Psal.* xvi. 11. xxi. 7. *Cantic.* iii. 11. *Jes.* xlii. 1, 2.: & Quod ab Ipso Capite ad Ejus Membra largiter deflueret, per *Potestatem* Ipsi dandam à Deo Patre communicandi illa Spiritus Sancti Dona cum innumerabili ex Judæis & Gentibus Multitudine, ad Dei Gloriam, Ecclesiæ lætificationem & ædificationem, omniumque Electorum salutem æternam *Psal.* xlvii. 6, 7. lxxviii. 19. lxxxix. 16, 17. *Jes.* xxxii. 15—18. xlii. 3—5. *Joel* ii. 28, 29.

XXII. Quæ *Potestas* cum dari nequeat nisi *Θεοῦ δωρεῶν*, ideo nunc porro *Extollitur* ille ut *Unctus* supra *Consortes* suos, *מחברך* *וְעַל* τὸς μετόχους σου, PRÆ CONSORTIIBUS tuis: ita ut *Unctio* in hisce quoque ponatur, sed simul *Excellentia* *Unctionis* Messiae, quoad speciem & gradum, notetur. Hi *Consortes*, *Socii*, *Participes* Messiae: Non sunt *Angeli*, qui *Throni*, *Imperia*, *Potestates* quidem dici videntur *Coloss.* i. 16., sed nullibi *Uncti* aut *Spiritu S.* donati perhibentur, nec Paulus in *Epist.* ad Hebræos *Præstantiam* Christi supra Angelos ex hoc Textus membro infert, verum ex Nomine *Elohim*, quod bis, absolute & emphaticè heic datur Christo, sicuti antea dictum est: *Neque* sunt *Omnes Homines*, ejusdem naturæ Humanæ participes, cujus & Dominus noster particeps factus est *Heb.* ii. 11. quia illis omnibus ut *Θεάνθρωπος* jam prælatus fuit *vers.* 3. Multò pulchrior es filiis hominum; verum sunt *Aliqui* inter Ho-

DE UNCTIONE MESSIÆ SUPRA CONSORT. 247

Homines Excellentes & Uncti Spiritu S. : *Neque* tamen ideo sunt *Fideles Omnes*. Nam Hi *quidem* verè *Excellunt* inter reliquos homines *Prov. xii. 26.*; *Participes* sunt nominis *Filiorum Dei*, atque *Fratres*, sed Adoptivi, vocantur Christi, qui solus Proprius & Unigenitus Filius Dei est *Joh. xx. 17. Rom. viii. 29.*; & *Consortes* Unctionis Spiritus S. i *Joh. ii. 20. 27.* atque præstantissimorum Munerum Christi perhibentur i *Pet. ii. 9. Apoc. i. 5, 6.* Quare etiam hoc respectu Paulus, juxta quorundam Interpretationem, eos vocat *μετέχοντες* *Heb. iii. 14.*; dum alii cum *Riveto* judicant, Paulum ibi Fideles non comparare cum Christo, ut Participes ejusdem rei cum Ipso, sed inter se, ut *Participes ejusdem Christi*. Attamen cum Fideles sint Regis hujus veri *subditi*, & ut Uxor Ejus atque *tori Socia* heic considerentur, & præterea cum Scopus Psaltis sit in hoc Epithalamio Regium Sponsum commendare Sponsæ, ut Fidu-
 ciæ in Causa salutis ac summi Obsequii Objectum Unicum; magis convenire videtur cum Epithalamii ratione, ut Regis Excellentia deprædicetur, non supra proprios ac fideles subditos, neque supra Uxorem & tori sociam ipsam; sed supra *Alios* quosdam, aliam quandam, non arctissimam illam, relationem ad Regem hunc habentes; quibusque & fides aliqua & honos & obsequium præstantur à mortalibus: ut sic Sponsa admoneatur Officii sui, quo hunc Regem solum honore & obsequio summo atque absoluto semper prosequatur. Hi verò possent esse *quidem*; vel *Sacerdotes* Aharonici; vel *Prophetae* V. T., olim quoque *Uncti*; vel *Ministri* N. T., Cooperarii, Paranymphe, *Amici* Sponsi, ut Johannes Baptista *Joh. iii. 29.* & Paulus 2 *Cor. xi. 2.*: quia *Consortes* Christi vocari possunt ob *Unctorum* Nomen quod datur illis, & ob *Spiritus* Dona illis collata, & ob *Munerum* participationem: & quia supra illos omnes excellit Christus, ut Unicus Sacerdos juxta ordinem Melchisedeci, & ut summus Propheta & Pastor & Caput Ecclesiæ *Joh. xxxiii. 23, 24. Psalm. cx. 4. Jer. xxx. 21.*
Joh.

Job. iii. 31. 1 Pet. v. 4. &c. Verum quia in hoc Epithalamio Messias expressè proponitur, non ut Propheta, nec Sacerdos, sed ut REX, & quia, uti benè *Rivet*, *Unctio* cum *Throno* & *Regni sempiterni* adeptione conjungitur; ideo quæ hîc dicuntur, ad *Regiam* potestatem referri debent.

XXIII. *Consortes* itaque REGIS Messiae heic sunt REGES. Quæ Interpretatio aliis quoque Rationibus, præter hanc ex Textu & Contextu adductam, confirmatur. Haud caret verisimilitudinis specie, in titulo *Regis Regum*, & *Domini Dominantium*, qui datur Christo, *Apoc. xix. 16.*, qualemcunque respectum esse ad hunc locum; ad quem etiam videtur respexisse Paulus; quum dicit *Philipp. ii. 9. Donatum* esse Christo *Nomen* (potestatem) *quod est SUPRA omne NOMEN* (omnem Potestatem Regiam); & quum asserit *Ephes. i. 21, 22. collocatum* esse Eum ad *Dexteram Dei in cælis*; longe *SUPRA omne Imperium ac Potestatem & Potentiam & Dominationem*, & omne *nomen quod nominatur non solum in hoc seculo verum etiam in futuro*; & omnia *subjecta esse pedibus Ejus*, Eumque *constitutum Caput super omnia ipsi Ecclesiæ*. Deinde *Unctorum* nomen, etiam absolutè positum, *Regibus* per excellentiam datur 2 *Sam. i. 16. Psalm. lxxxix. 39. Jes. xlv. 1. Thren. iv. 20.*, quia, ut videtur, antiquissimis etiam temporibus illorum *Unctio* in usu fuit *Jud. ix. 8.* Præterea *Dona Spiritus*, heroica saltem, ut sunt *prudencia, sapientia, fortitudo &c.* *Unctis* potissimum in Israël *Regibus* concedebantur; qui per illa *mutabantur in alios Viros*, quod de Saule *Uncto* legitur 1 *Sam. x. 6, 9, 10, 11.* sicuti & *Spiritus Jehovæ* dicitur *irruisse in Davidem* statim ac unctus esset à Samuele 1 *Sam. xvi. 13, 14.* Et denique; qui à Deo, & speciatim Christo Filio Dei, Principe Exercitus Domini, Deo ac Rege Israël summo, tunc eligebantur, seu ad nutum Ejus creabantur Reges, cum Saule 1 *Sam. ix. 17. xii. 13.* & Davide 2 *Sam. vii. 8. xii. 7.*; iidem ut Pro Reges, & sic quasi cum Christo Rege *externum Populi Regimen*, quod cæterum Theocraticum erat,
1 *Sam.*

DE UNCTIONE MESSIÆ SUPRA CONSORT. 249

1 Sam. viii. 7, habebant, semper manente inæqualitate honoris & potestatis, coll. Apoc. iii. 21. Unde Salomo dicitur *sedisse in Throno Domini* 1 Chron. xxix. 23.

XXIV. Hi itaque sunt *Socii & Consortes Regis Messiæ*, SUPRA quos cum dicitur *Unctus*, respicitur. I. Ad *Excellentiam Regni* Ejus: Quod non modò *Spirituale* est in Conscientias hominum, & in quo Leges præscribit, & simul inscribit Potenter cordibus illorum *Jerem. xxxi. 33.*; sed & *Amplissimum*, atque ad fines terræ, non Cananææ tantum, sed & Orbis totius habitabilis extensum *Psal. ii. 8. Lxxii. 8 — 12. Zach. ix. 9, 10.*; Et simul *Æternum* *vers. 7. Jes. ix. 5, 6. Dan. ii. 44.* II. Ad *Excellentiam Felicitatis & Gaudii*. Consortes Ejus in Inauguratione Oleo aromatico perfusi Gaudium capiebant aliquod, sed citò transiens. Certe Saulis lætitia non erat diuturna 1 Sam. xvi. 14. Verùm Messiæ *Gaudium* perfectum & æternum foret *Psal. xvi. 11.* III. Ad *Excellentiam Unctionis & Olei effusi*, seu *Donorum Spiritus S. communicatorum*. Aliâ Specie Unguenti perungeretur Messias, quod Spirituale tantum foret. Et sic iterum non quædam Dona Communiora acciperet, sed Omnia *Jes. xi. 2. XLii. 1. Lxi. 1.*, non exiguâ sed maximâ Mensurâ, quantum finita Humanitas capere poterat *Job. iii. 34, 35.* Quare & nunc in statu Gloriæ non videtur amplius ignorare diem Judicii, uti antea in Vita terrestri *Marc. xiii. 32.* Imo Humanæ Naturæ non modò darentur Dona Spiritus illuminantia atque exhilarantia illam; Sed etiam Personæ Messiæ daretur Potestas dandi Dona Hominibus, Extraordinaria & Ordinaria, Communia & Salutaria, quibus Converterentur Electi ex toto Mundo, ac Regnum Sathanæ destrueretur *Psal. lxxviii. 19.* Atque sic Ungeretur quoque Messias in Subditis, in Corpore Mystico suo, largiore donorum Gratiæ Effusione, quam vulgò olim visum fuerat *Jes. xliv. 3, 4. Joël. ii. 28. Joh. vii. 38, 39.* Quorsum respicitur in sequenti *vers. 9. Myrrha, & Aloë, Cassia, omnia Vestimenta tua &c.*

XXV. Hæc est *Unctio* illa Messiae, quæ foret *Effectus* & *Fructus* Obedientiae ac Justitiae Ejus Vicariae. Hinc conjungitur hæc Pericopa cum præcedenti per *וְלִי* PROP-
TEREA. Alibi Exinanitio Messiae proponitur ut Consequens, ac *Mercēs* simul suæ Voluntariae ac Perfectissimæ Obedientiae *Jes.* LIII. 10, 11, 12. *Phil.* II. 7, 8, 9, 10. *Apoc.* v. 12, 13. Ex *Paſſo*, vi cujus Deus Pater heic dicitur *Deus Christi*, debebatur ipsi hoc *Gaudii* præmium *Heb.* XII. 2. Infinita Dignitas Personæ Regis hujus, qui emphatice heic Deus appellatur, non patiebatur ut Mortis vinculis in æternum detineretur Ille, sed requirebat omnino, ut Dominus è cælo, post peractum Redemptionis Opus, cæleste Patris sui Palatium repeteret. Est præterea hæc Justitia Christi perfectissima, quæ nexum habet cum Vita & Gaudio cælesti. Et quia in illa *Justitia* est *Solutio* Sponsoris pro Reis *Actu* ipso nunc præstita, conveniebat ut *Actualis* hæc Satisfactio manifestaretur Mundo per *Justificationem multorum* & *Sanctificationem Seminis* innumerabilis, in quo glorificaretur, & sese *Obletaret* magnopere per Passiones consummatus salutis Dux, *Jes.* LIII. 10, 11. *Heb.* II. 10. Meritum autem Messiae pro Se neutiquam excludit illud pro Nobis. Nam nostra Salus est *Mercēs* illa, quam primò intendit, & propter quam promerendam Incarnatus Passus ac Mortuus est Dominus 1 *Tim.* I. 15.

XXVI. En Fidei nostræ *Mysteria* in V. T. revelata; & simul *Signa* Messiae, in hoc illustri Oraculo tradita! Dantur plures, & distinctæ in una numero Deitate Personæ. Verus & summus cum Patre Deus est Messias, & simul *Homo* Verus ac Sanctus in Unitate Personæ, unde ipsi à Deitate denominato tribuuntur quæ sunt Humanitatis, ut sunt Legis Divinæ Præstatio, & *Unctio*, sive Donorum Spiritûs Collatio, quia Effectus Unionis Personalis est Communicatio Idiomatum. *Rex Regum* foret Messias atque Spirituale, cæleste, amplissimum & æternum Regnum haberet. Via ad Regnum, & simul Causa Regnandi foret Obedientia Ejus Pa-
tri.

tri præstanda perfectè usque ad mortem Crucis, & sic per Passiones in Gloriam introiret. Ille ipse *Homo*, Legi Dei sese subjecturus, Passurus & Moriturus, etiam *Deus* foret, ut finitæ Passioni infinitum valorem adderet; & proinde Ejus *Obedientia* terrestris *Vicaria* foret, & *Causa Coronæ*, non solum Ipsi, sed etiam omnium Electorum capitibus imponendæ, meritoria. Hæc *Justitia* Messiae est illa: *Quam* laudarunt Prophetæ *Jes.* XLV. 23, 24, 25. *Jes.* LXI. 10. *Jer.* XXIII. 5, 6. *Dan.* IX. 24: *Quæ* Patribus fuit imputata per fidem *Rom.* IV. 6. *Heb.* XI. 7., ideoque forte *justitia seculorum* dicta *Dan.* IX. 24, quia ejus certò adducendæ Virtus in Veteris Testamenti *Seculo* se quoque excruit ad justificationem credentium in Messiam venturum: *Quam* porro prædicavit ipse Christus *Matth.* V. 6. coll. *Psal.* XL. 10. & commendarunt Apostoli Ejus *Rom.* I. 16, 17. V. 19. 2 *Cor.* V. 21. *Phil.* III. 9. *Quæque* tandem necessaria est omni peccatori ad Salutem æternam. *Infelices* profectò sunt Omnes, Christiani dicti; Qui cum Judæis incredulis, *Eam* ignorant, & magis qui repudiant illam in Evangelio oblatam, propriam *Justitiam* erigentes *Rom.* IX. 31, 32. X. 3.; imo etiam qui cognoscentes *Eam*, non tamen ardentè siciunt ac esuriunt, tanquam absolutè sibi ad salutem æternam necessariam. Ira Dei manet super Eos. *Job.* III. 36. *Psal.* II. 12. *Quam* ut effugiant necesse est, ut quantocyus osculentur Filium, in ipso solo *Justitiam* peccatoris coram Deo reperiri agnoscant, in ea ipsâ inveniri coram Deo *Justissimo* ac *Misericordi* Judice quærant, Christum ut *Jehovam* *Justitiam* suam amplectantur, atque in Fide Ejus vivant; juxta Loca *Psal.* II. 12. *Jes.* XLV. 23, 24, 25. *Matth.* V. 6. *Phil.* III. 9. *Gal.* II. 20. &c. *Nemini* enim hæc *Justitia* Christi imputatur nisi *Credenti* *Gen.* XV. 6. *Rom.* I. 16, 17. IV. 2, 3. Et quoniam *Nemo* Certus esse potest de *Justitia* hac sibi imputata per fidem, nisi qui simul sanctè vivat *Psal.* XVI. 2, 3. 1 *Cor.* I. 30. *Gal.* II. 19. *Ti.* II. 14.; necesse est quoque ut seriò recipiscant;

atque sinceræ Pietati operam dent 1 *Pet.* II. 24., Fidemque suam ex Operibus ostendant *Jac.* II. 18. & Justitiam diligant ac faciant illam 1 *Job.* III. 7., ad quam exhortatur Messias ut Propheta, & quam imperat ut Rex. *Tit.* II. 11, 12. Ex adverso Mortalium *Felicissimi* sunt; Qui *Mysteria* fidei heic & alibi in Scripturis revelata firmo animi assensu credunt, & *Signa* illa Messiae omnia in *Jesu* nostro impleta vident cum Gaudio, & qui Eum ut *Jehovam Justitiam* suam amplexi sunt verè, & amplectuntur quotidie! Nulla est *Condemnatio* iis, propter Justitiam passivam Christi imputatam *Rom.* VIII. 1. *Gal.* III. 13. Nulla Obligatio quoque ad perfectam Legis Obedientiam, ut ex eâ, tanquam Lege Operum Justificentur & Vivant; quo respectu Lex est *Jugum aëreum* peccatori *Act.* XV. 10. Fideles *Legi mortui* sunt *per Legem*, quam Christus pro ipsis perfectè implevit *Gal.* II. 19. adeo ut in Ipso *Consummati* sint *Coloss.* II. 10. Gaudium Regis Messiae in Coelo, ejusque cœlestis Gloria est arrhabo satietatis lætitiarum, quæ ipsis reposita est in eodem Cœlesti Regis nostri Palatio *Job.* XIV. 2, 3, 19. XI. 25. *Job.* XIX. 25, 26, 27. Quare ipsos præ omnibus aliis mortalibus decet: ut valde *Gaudeant* de hoc Uncto Rege suo *Psal.* CXLIX. 2: *Agnoscant* Jesum Crucifixum Regem suum, & *supra* omnes & omnia *diligant* *Matth.* X. 37. *æstiment* *Cant.* IV. 9, 10. *Psal.* LXXIII. 25, 26. *Heb.* XI. 26., *honorent* *Psal.* II. 12. XXIV. 7, 8, 9, 10. *Job.* V. 23. *Heb.* I. 6.: Eique *Obedientiam* præstent absolutam promptam ac perpetuam *vers.* 12. *Matth.* X. 28. *Act.* V. 29., cum abnegatione Voluntatis propriæ naturalis, si jubeat ille, & magis pravæ ac carnalis *Matth.* XVI. 24. *Tit.* II. 11, 12.: *Ostendant* denique se esse *Participes* factos *Unionis* Ejus; Spargentes undique fragrantiam Sanctæ Vitæ ac bonorum Operum, *coll.* 2 *Cor.* II. 15, 16. *Cantic.* IV. 10, 11, 12, 13, 14.; Læti viventes in Domino *Psal.* IV. 8, 9. *Phil.* IV. 4. & semet ipsos *Oblectantes* in odore Unguentorum ejus *Cant.* I. 2, 3.; Fortes etiam in Fide &

Spe

DE UNCTIONE MESSIÆ SUPRA CONSORT. 253

Spe futurorum bonorum, Agilesque & Prompti & Patientes in Pugna spirituali *Heb.* xii. 1, 2: Et ut *Quærant* a *Sancto* illo tandem, ut det ipsis majorem mensuram *Olei lætitiæ*, id est, *Cognitionis* rerum Divinarum 1 *Job.* ii. 20., (ne cæca sit fides eorum) & *Sanctitatis* infucatæ, & *Amoris* Dei ac proximi (Fides enim solitaria non *Justificat*) imo ut *quærant* Augmenta horum Donorum, in Verbo Ejus, in Sacramentorum decenti Ufu, atque in Congregationibus publicis Fidelium *Jes.* LIX. 21. *Act.* iii. 1, 2, 3., atque inprimis per preces fervidas & indefinenter fusas; Orantibus enim promittitur Spiritus *Jes.* XLIV. 3, 4. *Luc.* xi. 13. *Jac.* i. 5. Sic certi esse poterunt, se accepturos esse *Oleum lætitiæ* pro Tristitia *Jes.* LXI. 3., glorificandos esse cum Rege Gloriæ post cursum Fidei & Obedientiæ absolutum 2 *Tim.* iv. 7, 8., & post primitias hasce amplissimam Messëm recepturos *Rom.* viii. 23., *Justitiam* eorum inhærentem consummandam esse in die mortis *Heb.* xii. 23. & in die *Judicii* ultimi *Psal.* xvii. 15. *Ephes.* v. 27., quando immortales, beati, & gloriosi sedebunt cum Rege in Throno suo *Apoc.* iii. 22. in æternum.

DISSERTATIO NONA

DE

REGINA STANTE AD DEXTRAM
REGIS IN AURO OPHIR.AD *Psalm.* XLV. 10.

I.



Ulcchè profectò Dies Novi Testamenti proponitur ut Dies *Nuptiarum* & *Nuptialis Cœna* Christo Regi Tziionis paratæ *Matth.* xxii. 2. Est enim Dies *Abundantiæ* omnis verè delectabilis Boni ac Spiritualium deliciarum; quia læta Evangelii vox clarius & copiosius nunc resonat ac olim *Matth.* xiii. 16, 17. *1 Cor.* ii. 7. 9. *Rom.* xvi. 25, 26. *Jes.* lii. 7; & Spiritus Dona largiore manu nunc effunduntur *Psalm.* lxviii. 19. *Jes.* xliv. 3, 4. *Joël.* ii. 28, 29. Est prætercâ Dies veræ & solidæ *Letitiæ*, ex Usu donorum Spiritus resultantis, & auctæ nunc magnopere per Adventum Messiae in carnem, Opusque Redemptionis ab ipso peractum, & Vocationem plurimarum Gentium ad fidem in Eum *Jes.* ix. 3. 6. xii. 2. *Matth.* viii. 11. *Luc.* ii. 10, 11. Est denique Dies *Sponsalis* & *Sponsaliorum* contractorum inter Christum & Ecclesiam, quæ *Cœna Nuptialis* sequi solebat, ceu patet ex *Libro Tobiae. cap.* vii. 17. Olim quoque Connubium Spirituale obtinuit inter Filium Dei *ἀσπρὸν* Mediatorem Unicum & Ecclesiam Electorum Patriarchalem ac Israëliticam, quæ

UNOT

DE REGINA STANTE AD DEXTRAM REGIS. 257

Uxor adolescentiæ vocatur Jesh. LIV. 6. Sed nunc illud initum est non à paucioribus Israëlitis modò, sed etiam ab infinitâ multitudine ex Gentilibus, qui Fide in Christum sincerâ, palam demonstratâ, Sponsorem illum & Sponsum ac Dominum amplexi sunt.

II. Hunc Diem Messiæ Sponsalem prævidens Jesaias, exclamavit : *Nam יְשׁוּעָה יְלֵצָבַח Conjux tuus Opifex tuus, Jehovah Exercituum nomen Ejus, & Redemptor tuus Sanctus Israël, Deus totius terræ vocabitur Jesh. LIV. 5:* & similiter Vates noster Eundem prospiciens erupit in Verba hæc : *Filiæ Regum inter honoratas, (pretiosas, charas) tuas : Stat Regina ad dextram tuam, quam suâ tenet, Tibi Fidem obstringens, Tecum Sponsalia & Fœdus Conjugale contrahens Fide & Consensu Conjugali, per quam Jus accepit ad omnia Bona tua, unde etiam adstat Tibi in auro purissimo Ophir, seu Diademate aureo coronata.*

III. Laudaverat hætenus Regem Messiam מְלִיכָא מִשְׁכָּנֵנו à Pulchritudine summâ, Spontanea Sponsione, Benedictione æterna, *Vers. 3,* Armaturâ terribili, & Victoriis per anticipationem commemoratis : *Vers. 4, 5, 6,* Throni Æternitate & Regiminis Æquitate, *Vers. 7,* Unctione supra Consortes ut Præmie Obedientiæ Vicariæ, *Vers. 8,* & denique ab Unctione Vestimentorum Ejus, id est Efficaciâ Mediorum Salutis, & præcipuè Verbi Evangelici per conjunctionem Spiritus fidei, instar Olei odorarii ab his Vestimentis defluxuri in omnes accedentes ad illorum Vivificationem & Consolationem æternam, *Vers. 9.* Nunc Prædicat in *Versu 10.* Felicitatem & Gloriam Ejus per *Conjugem Regiam* splendidissimam, Ei ut secundo Adamo divinitus datam. Quæ ex innumerabili multitudine, etiam præstantissimorum hominum constans, Hunc hominum Pulcherrimum, gratiosissimum Sponsorem, cum omni justitia sua vicariâ desideraret, Ejus Communionem expeteret, ipsi fidei dextram traderet, & sic connubium æternum cum Ipso contraheret. Sic verò, quem hæte-

nus

nus Regem gloriosissimum descripserat, nunc simul ut felicissimum Ecclesiæ Sponsum ac Maritum celebrat: Sic quoque Internationis Ejus atque Sponsionis, de quibus *Versf.* 3. egerat, Finem declarat, qui erat, ut sibi Ecclesiam Uxorem acquireret *Tit. ii. 14*: Sic porro Vicariæ Obedientiæ Ejus Activæ & Passivæ, de quâ. *Versf.* 8, atque plenissimæ Satisfactionis Ejus actu præstitæ Effectum deprædicat, quod erat plurimarum Gentium Fides, Sanctificatio, & Glorificatio *Ephes. v. 25, 26, 27*: Sic denique Mediorum Gratiæ Ejus, quæ sub Emblemate *Vestimentorum* proposuerat, Efficaciam laudat, & ostendit Verbum Evangelii verè futurum esse *Verbum Fidei Rom. x. 8*, prænuncians *Fidem* Populorum, quâ stabile inirent Connubium cum Domino: Atque adeo sic Vates transit tandem à laudibus Christi Sponsi ad laudes Ecclesiæ Sponsæ Ejus.

IV. *Quam* in Versu *Textuali decimo* describit ut Fidei assensu & amplexu Matrimonium contrahentem. Cui deinde nomine Dei præscribit Matrimonii Leges & Officiâ Conjugalibus debita, quando Ei, jam per Fidem unitæ cum Sponsore & Sponso, & proinde Justificatæ, imponit Officium Amoris Christi, & Studium sinceræ ac constantis Obedientiæ ac Bonorum Operum *Versf.* 11, 12. Cui porro Promittit: *tum* amplissimum honorem per accessum potentissimorum Populorum ad eam qui Muneribus suis venerarentur Eam. *Versf.* 13. *tum* Sanctificationis gloriosæ Gratiâ *Versf.* 14. *tum* singulorum Glorificationem successivè futuram *Versf.* 15, 16; in quorum singulorum decedentium quotidie locum succederent in terris continuè Alii, *Versf.* 17, in quibus *Nomen Christi* viveret usque ad finem Seculi, *Versf.* 18.

V. Continet itaque Textus noster Prophetiam de *Fide* pauciorum quidem ex Judæis sed plurimorum etiam insignium ex Gentibus, in Christum exaltatum: Sive de conjugali Cōpulatione solenni Christi cum Ecclesia Novi Testamenti. Quoniam verò Ecclesia *Unum Corpus* quidem est, sed

sed quod *multa* habet *Membra*, ideo Propheta: *Primo* Proponit *Singulos* Fideles hoc Connubium per Fidem contrahentes cum Christo. *Deinde Totam* Ecclesiam, ut *Unum* Corpus Mysticum, idem facientem, unà cum Effectu accepti *Juris* ad omnia Regis Bonà.

VI. PRIMUM illud exprimit his Verbis בנות מלכים ביקרותיך FILIÆ REGUM INTER HONORATAS, *Pretiosas, Charas, TUAS.* *Subiecta* sunt *Filiæ Regum.* Hæ non sunt Gentes integræ ac Populi: nam à Psalte non vocantur, ut in Scripturis frequens est, *Filiæ Regionum* aut *Regnorum* aut *Civitatum*, *Ægypti*, v. g. *Babelis, Tyri, coll. vers. 13,* sed *Regum.* Et proinde sunt Singulares Personæ. Neque tamen Viles, sed Illustres ac Nobiles, utpote *Filiæ Regum*, id est *Monarcharum* non modò *Potentissimorum*, sed etiam *Minorum Principum, Magnatum, Nobilium, Divitum*, qui omnes *Reges* dicuntur apud Hebræos *Jud. 1. 7. 1 Reg. xx. 1. Luc. x. 24.* Neque tantum Personæ sexus fœminei intelliguntur, sed & Viri, qui sub sexus fœminei vocabulis heic comprehenduntur, quia Ecclesia relatè ad Christum Sponsum, ut Ejus Sponsa heic proponitur, ut & alibi *2 Cor. xi. 2.* Atque adeo hæ *Filiæ Regum* sunt quicunque eminentioris generis sortis ac fortunæ homines. Neque tandem Pauci numero, sed Plures omnino, in se nempe spectati, quia in Plurali *Filiæ Regum* appellantur.

VII. Prædicatum est ביקרותיך. Aliqui vertunt in *Pretiositatibus tuis*, quemadmodum alibi fœmininum יקרה substantive capitur, ut *Jes. xxviii. 16.* יקרת מוסר *pretiositas fundamenti.* Quando hoc nonnullis idem est ac in *Aulâ tuâ magnificâ*, vel in *Comitatu tuo glorioso*, ut *Genebrardus*, vel in *Vestitu tuo pretioso*, sicuti in sequenti membro additur in *auro Ophir.* Atque supplent tunc Textum Ellipticum, vel Verbo Substantivo, *Sunt*, vel alio, *Incedunt*, vel integrâ phrasi ex sequenti Enunciato, *stant ad dextram tuam*, *dextras suas jungentes tuæ*, fide Te amplectentes, Connubium

bium Tecum contrahentes, & Volentes Te esse Sponsam ac Maritum suum. Ex quo Fidei assensu & amplexu, cum una fiant cum Ipso caro, ideo in *Pretiositatibus Ejus* esse, id est, Vestimento Justitiæ Ejus imputatæ dicuntur ornatae, coll. *Jes.* LXI. 10. Quæ postrema Exegesis bonum exhibet sensum, & cum sequenti membro haud malè convenit. Quia tamen Nomen קר' vulgò *Adjective* sumitur; malim cum Aliis vertere inter *Honoratas, Gloriosas, Pretiosas, Æstimatas, Charas* tuas uti *Trem & Jun.* Quas omnes significationes Vocabulum Hebraicum קר' habere in Sacris, vel habere posse, ex Lexicographis & Concordantiis satis notum est. Sicuti & constat, quod præfixum א in & inter significet, & quod in pro inter latinis quoque auribus haud insuetum sit. Hæ porro *Honoratae, Pretiosae, Charae*, si Emblemata aut Poëticum Schema spectemus, *Vel* sunt *Virgines* illæ, de quibus *Vers.* 15, 16, quæ Comitatum Sponsæ constituunt, Regisque & Reginae totiusque Aulae splendorem augent, operamque suam Sponsæ præstant ad Eam ornandam, laudandam, ducendam; *Vel* sunt totidem *Uxores Regis* quasi secundariæ. Prius illud elegerunt cum Aliis Belgæ, qui transtulerunt, *Onder Uwe Kostelyke Staetdochteren*. Quod si liceret sequi, per *Honoratas* hæc intelligerem, ob ea quæ in sequentibus *Vers.* 15, 16. de *Virginibus Sociis* Sponsæ memorantur, non solum externe Proficientes Christum, sed simul vere Credentes in Eum. Fideles enim omnes simul juncti ita constituunt Corpus Ipsum Ecclesiæ totius, ut tamen singuli seorsim considerati rationem habeant; nunc *Liberorum Ecclesiæ* coll. *vers.* 17. *Jes.* LIV. 1, 2; nunc *Comitum, Amicarum, Sociarum* Ejus *Cant.* I. 3. VI. 8, 9. *Matth.* IX. 15. *Job.* III. 29. Et meritò: singuli enim toti Corpori inserviunt juxta Oracula Prophetarum *Jes.* XLIX. 23. LX. 9. 10. 12. 16. LXI. 5. *Zach.* VI. 15; & Monita Apostolica *Rom.* XII. 4—8. 13. *Gal.* V. 13. VI. 1, 2. &c; Ejusque pacem precibus assiduis quærunt *Psal.* CXXII. 6, & laudes Ejus deprædicant *Cant.* VI. 9, atque imitantur Eam:

DE REGINA STANTE AD DEXTRAM REGIS. 259

Eam: Singuli quoque Fideles sunt *pretiosi, honorati*, Christoque *Chari Psalm. xvi. 3. Prov. viii. 17. Jes. xlix. 15, 16. Zach. ii. 5. 8.* ac Gloriæ Ejus consortes, hîc inchoatè, & posthac consummatè futuri coll. *vers. 15, 16. Rom. viii. 16, 17.* Sed *Posterius* nobis magis placet, nempe quod *Honoratæ* hæ sint *Uxores Regis* quasi *Secundariæ*. Ratio est; quia referuntur, non ad Sponsam Reginam, quod fit *vers. 15, 16*; verùm ad *Regem Sponsum: Honoratæ Tuæ*. Scilicet hoc *Mysterium Regni Cœlorum*; quod tota Ecclesia sit Sponsa & Conjux Christi, & simul quod Unaquæque Anima fidelis, propriâ Fide, Connubium cum Ipso contrahat; heic proponitur sub Schemate Mundano, & similitudine petitâ à moribus Regum Orientis, inter quos & Salomon primum locum olim obtinuit *1. Reg. xi. 1, 2, 3. coll. 1. Reg. iii. 1. vii. 8*, qui habuerunt plures Uxores Secundarias, sed Unam Primariam. Sic etiam Christus Dominus Unam Reginam habet, Ecclesiam Totam, ut Unum Corpus spectatam, & simul plures, nempe tot, quot dantur Animæ fideles hoc *Mythicum Ecclesiæ Corpus* constituentes, quomodò vulgò intelligitur *Locus Cantic. vi. 8, 9.*

VIII. Neque obstat quòd Polygamia hæc Regum Orientis, & Salomonis, peccato haud caruerit, minimèque à Deo probata fuerit unquam; atque ideo quod ad rem hanc sanctissimam adumbrandam indecenter adhiberi videatur. Nam Res malæ possunt esse Figuræ rerum bonarum ac spiritualium, modò in aliquo tertio adiaphoro quædam sit convenientia. Manifestum hoc est ex *Bigamiâ* Abrahami, quæ Figura fuit rei Spiritualis in Ecclesiâ videndâ *Gal. iv. 22. — 27*; atque idem ex similitudine *Furis* de Christo adhibitâ *Apoc. iii. 3*, & ex Parabolâ *Injusti Dispensatoris Luc. xvi. 1. — 9.* satis apparet. Quemadmodum non approbat Furtum Dominus quando se cum Fure comparat, sic quoque non approbat Spiritus S. Polygamiam Salomonis stupendam, aliorumque Regum Orientis, quando Christi cum Ecclesiâ

Connubium cum eâ confert. In Polygamiâ illâ quidem Regina distincta erat ab Uxoribus secundariis. Neque tamen ideo ut minus aptum Emblemata Mysterii nostri rejici debet. Nam similitudines ab rebus humanis petitiæ ad res spirituales & cælestes adumbrandas ut plurimum sunt valde dissimiles. Et maximè dubito an aliud Emblemata aptius ad figurandum hoc Mysterium inveniri posset; quamobrem & Spiritus S. non heic tantum sed etiam *Cantic. vi. 8, 9.* illo usus esse videtur. Duo Hirci in die Expiationis, quorum alter Vivus dimittebatur, alter Mactabatur, *distincti* erant; & tamen adhibentur ut Figuræ, uti volunt multi Interpretes, Unius Christi, morituri & resurrecturi & in æternum victuri; quia hujus Mysterii non poterat alia magis conveniens Figura reperiri, quàm in distinctis hisce duobus animalibus.

IX. Itaque in Schemate Poëtico *Honoratæ Pretiosæ & Charæ* Christi sunt *Uxores* ejus quasi Secundariæ: Sed in sensu Spirituali sunt *Singulæ Credentes Animæ*. Quarum Unaquæque est *Sponsa Uxor Regina Regis*, quia *suâ* Fide Anima fidelis non *alienâ* vivit, & connubium cum Christo contrahit *Hos. 11. 19. Hab. 11. 4. Job. 1. 12, 13. 2. Cor. x1. 2.* Sicuti etiam omnes & singulæ credentes Animæ verè *Honoratæ* sunt, *Pretiosæ*, & *Charæ* Christo *Psal. xvi. 3. Lxxii. 14. cxvi. 15. Thren. iv. 2. Job. x. 14. 27. xi. 36. xiii. 1.*

X. Quando nunc dicit Vates, *Filias Regum* esse inter hasce Charas & Pretiosas, Connubio stabili cum Rege Messiâ junctas Animas; Significat: Non omnes Fideles sub N. T. fore *Regum Filias*; Plurimos enim pauperes & viles hujus mundi elegit Deus *Luc. xiv. 21, 22, 23. 1. Corinth. 1. 26, 27, 28. Jac. 11. 5.* Sed inter pias illas ac fideles Animas fore quoque nonnullos eminentioris generis sortis ac fortunæ Homines, juxta alias bene multas Prophetias *Psal. 11. 11, 12. xlvii. 10. Lxxii. 10, 11. Jes. xlix. 23. Lii. 15. Lx. 3. 10. 13, 14. &c.* Neque caret ratione hoc Liberrimum ac Sapientissimum Dei Decretum heic revelatum. Etenim ab
unâ.

DE REGINA STANTE AD DEXTRAM REGIS. 261

unâ Parte, plures *Viles Ignobiles* atque *Infirmos* elegit Deus: *Tum* ut Liberrimam Gratiam suam ostenderet, quæ sese secundum Mundi Judicium Opinionem ac *Æstimationem* neutiquam exferit, & quæ naturalibus bonis ac donis minimè alligata est, *Rom.* ix. 18: *Tum* ut fidem nostram probaret, quâ firmiter assentiri debemus sublimibus Euangelii Mysteriis, etsi à Sapiantibus & Potentibus hujus Mundi rideantur ac rejiciantur *Matth.* xi. 25. *Joh.* vii. 48. *Rom.* i. 16. *1. Cor.* i. 18. — 25: *Tum* denique ut nos doceret, Sapientiam hujus Mundi mere carnalem, Honores, Potentiam, Divitias, non esse vera Bona, cum æterna Salute connexa; quia iis omnibus carere, & tamen mortalium felicissimi esse possumus. *Ab altera Parte*, Aliquos tamen *Nobiles*, *Potentes* & *Sapientes* elegit Deus, non solùm sub V. T. *Matth.* xiii. 16, 17. sed etiam sub N. T. *1. Cor.* i. 26, 27. *Tum* ut in illis magnitudinem insuperabilis suæ gratiæ vorticordiæ manifestaret: *Tum* ut Fidem veram & Pietatem sinceram promissiones quoque hujus Vitæ habere *1. Tim.* iv. 8. palam comprobaret: *Tum* etiam ut Fidei nostræ nova fulcra daret, atque nobis in Sanctitatis stadio currentibus calcar adderet per Exempla & Consortium quorundam saltem Sapientium, Nobilium, & Principum hujus Mundi, per eandem fidei mundum vincentis & infucatæ pietatis viam angustam, & vulgò contemtam, nobiscum contentendentium ad incorruptibilem Gloriæ æternæ Coronam, in Cælo repositam.

XI. Verùm sicuti in Corpore humano multa quidem membra sunt, & tamen Unum Corpus est, & in Grege multæ oves, & tamen Unus grex, in Civitate multi Cives, & tamen Una Civitas: Ita etiam res se habet in Ecclesia Christi. *Multi Unum Corpus sumus in Christo Rom.* xii. 5. *Sicut enim Corpus unum est, & membra habet multa, omnia verò illa membra corporis quod unicum est, multa sunt, (sed) unum sunt corpus: ita & Christus 1. Cor.* xii. 12. *Vos autem estis CORPUS Christi, & MEMBRA PARTICULATIM Vers.*

27. Hoc Myſterium, quod *Cantic. vi. 8, 9.* revelatur; Vates etiam heic exponit; dum multas *Honoratas, Pretioſas, Charas* Chriſto tribuit Uxores, & ſimul UNAM REGINAM, ex multis hiſce & ſingulis Fidelibus conſtantem introducit. Quod eſt ALTERUM illud, quod in Textu nobis paullo diligentius nunc conſiderandum proponitur hiſce Verbis *נָצְבָה שָׁנָל לִימִינָךְ בְּכֶתֶם אוֹפֵךְ* STAT REGINA AD DEXTERAM TUAM IN AURO OPHIR.

XII. *Subjeſtum* huius Enunciati eſt שָׁנָל. Quæ vox Hebræa alibi uſurpatur de *Regiâ Uxore* primaria, quæ ſemper juſ tori habet *Neb. ii. 6. Dan. v. 2, 3. 23.* Quo ſenſu & hîc venit, ex conſenſu Rabbînorum, & Veterum Verſionum. LXX. habent, ἡ βασιλίσσα, Vulgata, *Regina*. Inteligit Vates *Eccleſiam*; non τὴν ἐπὶ οὐρανῶν *Cæleſtem* illam ac Triumphantem, quam *Eusebius* nominat, quia & Monitum ſubjeſtum *verſ. 11, 12.* & Ductio ad Domum Sponſi ſequens *verſ. 15, 16.* obſtant; Sed *Militantem* in terris ſucceſſive exſtituram uſque ad finem ſæculi poſt Chriſtum exaltatam. Quam *Reginam* vocat. I. Propter *Unitatem*. Multæ Honoratæ illæ, ſeu Fideles ſinguli Unam *Reginam* conſtituunt *Cantic. vi. 8, 9.* Unam Uxorem *Ephes. v. 30. — 32,* Unam Civitatem *Pſalm. LXXXVII. 3. Ephes. ii. 19.* Unum Gregem *Job. x. 16,* Unum Corpus *Rom. xii. 4, 5. 1. Cor. xii. 12, 13. 27. Ephes. i. 23;* per Unum nimirum Spiritum, tanquam communem totius Corporis Animam *1. Cor. vi. 17. xii. 13. Ephes. iv. 4;* per Unam Fidem *Ephes. iv. 5,* Charitatem *Coloff. iii. 14. Act. iv. 32. 1. Cor. xii. 25, 26.* Spem *Ephes. iv. 4.* atque Hæreditatem *Rom. viii. 17.* II. Propter *Unionem relativam* quam habent cum Chriſto Rege ut Sponſo ac Marito ſuo *Jef. LIV. 5. Hoſ. ii. 19. Matth. ix. 15. xxii. 1. Job. iii. 29. 2. Cor. xi. 2, 3. Ephes. v. 25. 32. Apoc. xix. 7. xxi. 2. 9.* III. Propter mutua *Officia Conjugalìa* heic exercita. Dum Chriſtus *Eccleſiam* vehementer diligit *Pſalm. xvi. 3. Jef. LXII. 4. Zach. ii. 8. Ephes. v. 2, 29,* Verbo & Spiritu ſuo clementer regit *Pſalm. xxiii. 2,*

3, 4. LXXII. 2, 3, 4, 5. *Jes.* XI. 2, 3, 4, 5, & fideliter curat atque potenter defendit *Jes.* XLIII. 1, 2. *Job.* x. 29, 30. *Ephes.* v. 29, 30. & dum Ecclesia vicissim Ipsum supra omnia amat *Matth.* x. 37. 1 *Cor.* xvi. 22, Ei sese spontè ac constanter subjicit *Job.* XIV. 23, 24. xv. 14, & fideliter, etiam per aquas & ignes ducenti, adhæret *Apoc.* XIV. 4, Eiusque Gloriam, magno & prudenti zelo tueri conatur *Jes.* XLIII. 21. IV. Propter *Communionem Regni & Juris* in omnia Bona Regis. Ubi enim est Conjugium, naturaliter quoque est Communio Bonorum, sicuti est Communio corporis. Sic Ecclesia habet Jus ad omnia quæ Christi sunt, etiam ad omnes Creaturas, quatenus ejus saluti ac æternæ felicitati subservire ex imperio Regis debent 1 *Cor.* III. 21, 22, 23. *Rom.* IV. 13. Egregiè Lutherus ad h. l. *Est igitur hoc summum, quod Ecclesia habet omnia, quæ sunt Christi, & est factum unum corpus ex utroque: ut quæ sunt Ecclesiæ, sint Christi, & e contra, quæ Christi sunt, sint Ecclesiæ. Sunt autem hæc majora, quàm ut humana oratione possint explicari, aut etiam à corde nostro comprehendendi. Sunt tamen adumbrata tenuiter in Matrimonio, ubi summus Sponsi erga Sponsam amor est, una fides, unum corpus, & unus animus. Inter Christum autem & Ecclesiam res vera est, cum in Matrimonio corporali tantum sint spectacula & figuræ istarum spiritualium nuptiarum, ubi Christus sponsus est, & omnia quæ habet, donat Ecclesiæ &c.* V. Propter *Venerabilitatem Ecclesiæ*, ac *Honorem*, quem, sive simulatâ, sive verâ fide communionem Ejus quærentes, Et exhiberent, coll. *vers.* 13. *Cantic.* VI. 10. *Jes.* XLIX. 23. LX. 15. &c.

XIII. Quoniam verò omnis hæc Felicitas & Dignitas Ecclesiæ est, ex Deo Patre Eligente eam in Reginam *Ephes.* I. 4; & ex Deo Filio Redimente eam sibi in Uxorem *Jes.* LIV. 5. atque ex Deo Spiritu Sancto Regenerante, eique *Fidem* donante 1 *Cor.* XII. 3. quâ Solâ, sed non solitariâ, Connubium hoc cum Christo contrahitur, & *Unio illa relativa*, quæ Jus dat ad omnia Sponsi Bona, effici-

citur; hinc sequitur *Prædicatum* duplex: *Primum*, quo describitur Sponsa ut Fide contrahens Matrimonium cum Rege Messia: *Secundum*, quo depingitur Eadem ut per Fidem *Jus* habens ad Vitam æternam, *Coronata* scilicet *diademate aureo Ophirino*.

XIV. *Primum Prædicatum* ita exprimitur, נצבה לימינך STAT AD DEXTERAM TUAM. Vulgò hoc ita capitur ac si in Visione Prophetica *adstiterit* Regina ad *latus dexterum* Sponsi, illudque clauserit. Ita acceperunt Judæi, apud quos ex hoc Loco receptum est, ut Sponsa in copulatione solenni occupet *latus dexterum* Sponsi. *Sponsa*, inquit *Buxtorfius* in *Synag. Cap. xxxix. p. 631*, *stat à latere Sponsi dextero, juxta id quod in Psalmis habetur; Astat conjux ad dexteram tuam in auro Ophir*. Similiter hoc intellexerunt Illi, qui cum *Antonio Nebrissenfi* in *Quinquag. Cap. xxxix*, & cum *Drusio* nostro de *Quæsitis per Epist. 117*, ac *Ferrando* in *Annotat.* in hunc Psalmum, Aliisque, ex Collocatione *Bathsabæ* ad dextram Regis Filii 1 *Reg. 11 19*, & ex Sessione Christi Filii Dei ad dextram Patris *Psalm. cx. 1*, & denique ex hoc Loco nostro, collegerunt, non *Dexteram* honoratorem dignioremque esse habitam apud Hebræos, sed *Sinistram*: Siquidem Christo non Ecclesiæ honoratior debet tribui locus, uti ait Ferrandus. Neque enim, inquit Nebrissenfis, *tantum reverentiæ Filius debet Matri, aut Sponsæ Sponsus ut si ad publicum Magistratum pervenerint, Matri aut Sponsæ, in aliorum maximè conspectu, priores sedendi partes concedant*, Et *Drusius*, *In populo Hebræo dignior erat sinistra quam dextra. . . . Ex hac consuetudine Bethsabe, cum venisset ad Salomonem filium nuper regno potitum, ad dexteram collocatur. Et Christus, quamquam æqualis Patri, tamen ut Filius ad dexteram sedet*. Sed errant Viri Eruditi. *Dextra* apud Hebræos, fatente ipso *Baronio Tom. 11. Annal. A. 213*. semper potior fuit *sinistrâ* ac dignior habita. Hoc invictis argumentis dudum à Viris longè doctissimis demonstratum est: Tum ex perpetuâ dextræ ante sinistram in Sacris nomina-

tio-

tione: *Tum* ex Historiâ Benedictionis Ephraim & Menasse â Jacobo Patriarchâ *Gen. XLVIII. 13, 14. 17, 18, 19, 20*: *Tum* ex Querelâ Jobi de adolescentulis, *ad dextram* ejus *consistentibus*, qui sic sese Ei seni insolenter anteponebant, *Job. xxx. 12*: *Tum* ex Dicto Salomonæ de Sapiente, *cujus cor est ad dextram* Ejus, quia præstantia cogitat, cum *cor solidi*, *vana* & *mala cogitantis*, sit *ad ad lævam* ejus *Eccles. x. 2*: *Tum* denique ex Descriptione ultimi Judicii, quando *Oves ad Dextram* collocabuntur, & *Hirci ad Sinistram* *Matth. xxv. 33*. Neque sequitur quod Sinistra honoratior fuerit dextrâ apud Hebræos, vel ex sessione Filii Dei ad dextram Patris, vel ex collocatione Bathsebæ ad dextram Regis Filii, vel ex Sponsâ Ecclesiâ heic stante ad dextram Divini Regis: Quia, quamvis dextra honoratior sit sinistrâ, Rex tamen in Regno suo, Regioque Throno, semper est superior, de quo ut *primo & potissimo loco dubium esse non potest*, ait *Pineda Lib. v. de Rebus Salomonis Cap. iv. p. 388*. Sed sedes ad dextram honoratior habetur, non ipso throno Regio, sed sede ad sinistram collocatâ aut collocandâ. *Conf. 1. Reg. xxii. 19. Matth. xx. 21*.

XV. Hi verò Interpretes qui dextram apud Hebræos digniorem fuisse tenent, & tamen supponunt Sponsam heic *Latus dexterum* Sponsi Regis *claudere*, minimè conveniunt in *Sensu*, qui sub metaphoricâ hac phrasi ex mente Spiritus Sancti lateat. Nonnulli existimant sic innui Reginam esse *Sociam Imperii*; quorum Aliqui se mollius explicant cum *Eusebio*, cui *consistere ad dexteram Regis* dici videtur Regina ideo, quia est *συμβασιλεύουσα τῷ ἑαυτῆς νυμφῶ*, *Regnans una cum Sponso suo*: quod convenit cum phrasibus Scripturæ & *Locis Psalm. XLIX. 15. CXLIX. 6. 9. Matth. XIX. 28. Luc. XXII. 29. Rom. VIII. 16, 17. 1 Cor. III. 22. VI. 2. 1 Pet. II. 9. Apoc. I. 5; 6. III. 21. XXI. 7. XXII. 5*. Alii verò durius loquuntur, nempe quòd Ecclesia sit *consors facta ejusdem imperii*, *ejusdemque* & *paris* & *æqualis potestatis*, *cujus à Patre particeps factus est Christus*; ita ut Ecclesia *sedeat ad dex-*

tram Patris; & quod eleganter hoc efferatur in Verbis nostris; ubi non quidem sedere, sed stare dicitur Sponsa ad dextram Regis, quia Hic describitur in Psalmo ut stans, & ἑλθὼν ἰνα νικήσῃ, & quia Ecclesia, sicuti cum Christo sedet hostibus subjectis imperans, ita etiam cum Christo & per Christum hostes suos & Christi sibi ulterius subjicit, novas de iis omnidie agens triumphos, uti Celeb. Kittinga Observat. Sac. lib. 11. Cap. v. p. 75, 76. ex hypothese illa, quod is qui ad dextram Regis est, quâ Sceptrum tenet, Sceptro sit Proximus, & quòd illud inter tenentem & tenenti ad dextram sedentem distributum divisumque esse videatur, ita ut non amplius unus sed duo sceptri participes appareant, uti ait p. 69. In quam hypothese nunc non inquiram, quam breviter & nervosè refutavit Celeb. Markius in Fasciculo Dissert. Philol. Exegetic. ad Selectos N. T. Textus, Dissert. xxiv. ad Hebr. xii. 1, 2. §. xii. Hoc solum in transitu nunc observasse sufficiet, quod Christus neque ut Sedens in Throno Regio, neque ut Stans & Pugnans adversus hostes consideretur, aut observatus fuerit Vati in hoc versu nostro textuali de Eo disserenti.

XVI. Alii existimant sic significari Ecclesiam credentium in summo honore esse apud Regem, qui eam supra alia omnia æstimat, & gloriose gratiæ suæ donis extollit, & vere honorabilem reddit, Sibi que pretiosam ac charam declarat Psalm. xvi. 3. Jes. xliii. 4. xlix. 23. lx. 14. Et conferunt Exemplum Salomonis, Matrem habentis ad dexteram suam 1 Reg. 11. 19. & Neronis, Tiridatem Armeniæ Regem juxta se latere dextero collocantis, ut ait Suetonius; qui hoc fecerunt, non ut divisum cum iis imperium haberent, sed ut supra alios extollerent, maximoque honore afficerent.

XVII. Alii rursus perpendentes quòd Regina non dicatur sedere, sed stare ad Dextram Regis, hoc referunt cum Hieronymo in Commentario, & Luthero, ad statum Gratiæ ejus ac Remissionis peccatorum, quam nacta est ex Fide; & ad

DEREGINA STANTE AD DEXTRAM REGIS. 267

ad statum *Gloriæ* in die Judicii, quando palam *absolvetur* & *justificabitur*, constituta *ad dextram* sedentis Judicis *Matth. xxv. 33, 34.* Judex enim sedet, sed judicandi *stant.* Justificandi verò à dextris collocantur, & Condemnandi à sinistris, ut volunt, quia mos erat in *Synedrio*, ut Scribarum alter, qui suffragia absolventia conscribebat, staret à dextris, & prope illum insones, alter verò qui condemnantia adnotabat à sinistris, & prope hunc damnati fuere constituti. Vid. *Cod. Sanhedrin Cap. iv. §. 3.* & *Drusium in Præteritis, Lib. 1. ad Matth. xxv. 41.* Verum neque hoc sensu *Stare* heic dicitur Sponsa *ad Dextram* Regis, quia Hic Prophetæ non magis obversatur ut Judex in Tribunali, quàm ut Rex in Solio sedens, uti ex sequentibus clarius, ut puto, patebit.

XVIII. Unde alii iterum volunt indicari hac phrasi, quòd Regina sit Objectum potentissimæ *Defensionis* & *Opitulationis* Regis, ac *Liberatissimæ Munificentiæ* Ejus; quam *Sustentat* Ille *dextra sua* *Jes. xli. 10. Cant. ii. 6. viii. 3,* Cuique promptissimam in periculis constitutæ opem fert *Jes. xliiii. 1. 2.* & largissima manu donat Beneficia gratiæ & gloriæ *Prov. viii. 17—21.* Sicuti Dextra sæpe in Sacris est Symbolum *Potentie* coll. *vers. 5. Psalm. cxviii. 15, 16.* & potentissimi *Auxilii* *Psalm. lxiii. 9.* ac *Liberalitatis* *Psalm. xvi. 11.* Res vera est; sed si *Defensionem* Ecclesiæ voluisset indicare Vates, dixisset potius Regem stare *ad Dextram* Reginæ: quemadmodum legitur; *Jehova umbra tua, (est) ad manum dexteram tuam* *Psalm. cxxi. 5,* Dominus *assistit ad dextram* egentis *Psalm. cix. 31.* Ego *Jehova Deus tuus, prehendam dexteram tuam; edicens tibi, ne timeto, ego auxilior tibi* *Jes. xli. 13.* Confer *Psalm. lxxiii. 24.*

XIX. Quare & Alii tandem cogitant denotari hac phrasi *Officium* & *Studium* Reginæ circa Regem & Maritum suum; *ad* cuius *Dextram* stare hæc diceretur; quia non solum fideliter Ei adhæret, atque ad servitia Ejus prompta ac parata adstat; verum etiam Ei adjumento est atque

auxilio, coll. Gen. II. 18 ; dum fervidis precibus , & pugna actuali adversus hostes Ejus, Regnum & Gloriam Ejus promovere studet Cant. III. 7, 8. Jesh. LXII. 6, 7 ; atque simul liberorum multorum partu, ut Fœcunda Mater Domum Ejus ædificat (coll. vers. 17.) Jesh. LIV. 1. LXVI. 7, 8.

XX. Verùm quamvis hæc cuncta à rei veritate haud abludant, sed bene Ecclesiæ convenient ; a Schemate tamen heic Prophetæ exhibito abludere videntur. Non videt ille Reginam *Sedentem* in Throno ad latus Regis, sed *Stantem* ; non coram *Tribunali* Judicis, neque in *Campo* pugnae, gladio sagittisque unà cum Rege armatam ad debellandos hostes, novasque victorias reportantem ; sed videt Eam in *Domo Patris* sui vers. 11, ubi *Lex Matrimonii* Ipsi à Nuptiarum Præside prælegitur, & *Officia conjugalia* proponuntur vers. 11. 12, & ex quâ Domo Patris sui *deducitur* postea in *Palatium* Regis vers. 15, 16. Atque adeo videt Vates Sponsam *Stantem*, non *ad latus* Sponsi *dexterum*, sed è *Regione* Ejus, *junctis utrinque Dexteris* ; dum Sponsa dat Ei *dextram* suam, quâ simul *Dexteram* Sponsi apprehendit, amplectitur & firmiter tenet, in signum fidei conjugalis ac consensus, qui facit Matrimonium. Optimè Clar. Lampe Exercit. VIII. in hunc Psalmum, §. XIV. *Stare ergo ad dextram Sponsi nihil aliud est, quàm dextram Sponsi tenere, quæ præfixi vis etiam Jesh. LXIII. 12. invenitur.* Additque: *Et miror sane, Viris Doctissimis hoc in mentem non venisse.* Basiliius tamen hujus rei aliquid vidisse videtur, quando loquitur de *Reginâ adstante* Regi *ad dextram*, id est, *Animâ τῷ νυμφικῷ λόγῳ* Sponsali verbo copulatâ.

XXI. Vix operæ pretium erit, ad confirmationem vel illustrationem hujus interpretationis, multis testimoniis comprobare, quod veteres fœdera pacis, amicitia, & imprimis Matrimonii pangentes dexteris mutuò dederint atque junxerint ; quoniam hoc satis notum est ex profanis pariter ac sacris Auctoribus. *Jacobus & Cephas & Johannes dexteris societatis dederunt* Paulo & Barnabæ Galat. II. 9
Con-

Confer 2 Reg. x. 15. Et quod attinet *Fœdus Conjugale* ; *Perſæ autem*, inquit *Alexander ab Alexandro Gen. Dierum Lib. 11. C. v.*, & *Aſſyrii*, accepta invicemque data dextra, *fœdus Matrimonii ineunt*. Ubi *Tiraquellus* in *Annotat.* citat *Arrianum* de *Gestis Alexandri lib. 3*, qui tradit, *Persarum & Medorum more nuptias celebrari, uxoribus dextris & osculo acceptis.* (Ad *Osculum* in *Sponsalibus* datum respicit *Sponsa Cantic. 1. 2.*) Apud alias gentes idem obtinuisse probat idem *Tiraquellus*, l. c., & in *Annotat. ad Gen. Dierum Lib. 11. Cap. xix.* Nec omisit illud *Virgilio Lib. 4. Æneid.* ubi *Dido Æneam* ita alloquitur. *Nec te noster amor, nec te data dextera quondam, Nec moritura tenet crudeli funere Dido.* In *Libro Tobie Cap. vii. 15.* legitur in *Vulgata Versione.* Et (*Raguel*) apprehendens dexteram filię suæ (*Saræ*) *Tobie* tradidit, dicens *Deus Abraham, &c. Vobiscum sit & ipse conjungit Vos.* Quo pacto hæc in *Græco Codice & Exemplari Hebraico* quodam legantur, si scire velis, adeas *Seldenum* in *Uxore Hebraicâ Lib. 11. C. xiii. p. 134.* *Thomas Malvenda* in hunc Locum *Tobie* ita commentatus est. *Vetustissimus mos jungendi dextras in Matrimonii conventionem: Unde Romani, convenire in manum coëmptione dicebant. Cicero in Topicis, Matres familiæ eæ sunt quæ in manum Viri convenerunt. Apulejus lib. 6. Asini: Hic rite Psyche convenit in manum Cupidinis, Vide Aulum Gellium Noctium Atticarum Lib. 18. Cap. 6.* Et meritò hic ritus in *sponsalibus* fuit adhibitus. Sic enim desponsati testabantur se tradere alteri cum præstantiori membro totum corpus, & simul quicquid in iis erat præstantiæ ac virium, aut ab iis boni & utilitatis proficisci possit. Hoc unum tamen monere debeo, quod *Fœderati alii, & speciatim Sponsus ac Sponsa dextris junctis* sibi met invicem non ad latus, sed è regione adstiterint, in *fœdera conjugalia coeuntes*, ut liquet ex *Nummis à Clar. Lampe l. c. p. 354. 357.* adductis.

XXII. Verùm hisce nunc immorari diutius nolo, sed potius investigare, an hæc *Exegesis* confirmari & illustrari queat ex *analogiâ Styli Scripturæ*, & an hæc eadem phra-

sis, stare ad dextram alterius, ullibi hunc sensum habeat, ac notet jungere dextram suam cum alterius dextrâ. Ita putem ego, quod occurrat hæc phrasis, nunc de inimicâ, nunc de amicabili & fœderali dexterarum Colluctatione. De inimica Dextrarum ad pugnandum conjunctione intelligenda videntur Loca *Psal. cix. 6. Zach. iiii. 1.* Prior ita sonat; *Constituæ super eum impium וְשָׂטָן עַם עַל יְמִינוֹ Et Satan stet ad dextram ejus*, id est, sit ejus Adversarius, & conferat manum suam cum eo, jungatque hostilem dextram suam cum dextrâ ejus, ita ut superior evadat. In Posteriori ita legitur; *Et ostendit mihi Jehoshuam Sacerdotem magnam, stantem coram Angelo Jehovæ; וְהָשִׁיב עַם עַל יְמִינוֹ לְשָׂטָן Et Satanam stantem ad dextram ejus ad adversandum ei*, junctis scilicet hostiliter dextris: quæ inimica dextrarum colluctatio tamen phrasi hac *standi ad dextram* Josuæ indicata, intelligi debet ita ut conveniat Tribunali, ubi verbis & accusationibus, non verberibus Rei oppugnantur. Scio quidem nonnullos asseverare, quod antiquissimi moris fuerit, ut Accusator coram tribunali stet ad dextram Rei: Sed mos ille prius aliunde probari debet, antequam in hisce Locis ad illum morem respici tutò asserere possimus. De amicâ autem & fœderali dexterarum Conjunctione phrasis hæc, *stare ad dextram* alicujus sumitur, meo quidam Judicio; non *Psal. cx. 5.* ubi *Adonai Dominus Messias* dicitur esse, stare, sedere, *ad dextram* Patris, eodem sensu, quo *versu primo* ibidem dictum erat, *Dixit Jehova לְאֵדְנִי Domino meo, sede ad dextram meam*; sed *Psal. xvi. 8.* ubi Messias dicit; *Pono Jehovah coram me semper, כִּי מִיְמִינִי* quoniam apud dextram meam, vel à dextra mea, vel ex dextra mea, non dimovebor; id est quia vel dextræ meæ conjunctus est; vel porrigens mihi dextram suam à dextra mea acceptus est; vel potius quia sese conspectui meo objicit ex dextra mea, quam, stans è regione mei, tenet ut Fœderatus meus, & proinde quia nos mutuò dexterarum in Fœdere Pacis junximus, ideo non movebor. Hujus enim fœderis ita continuè

re-

DE REGINA STANTE AD DEXTRAM REGIS. 271

recordor, ut *semper Dominum coram me* habeam, è regione mei scilicet, tanquam qui data dextrâ sua, junctaque cum meâ dextrâ Fœdus mecum continuè renovet. Utique si nuda Defensio Auxiliumque præstitum hac Phrasi denotentur, nulla ratio solida afferri posse videtur, cur *Dextræ* fiat mentio, & non *sinistræ*, aut cur non simpliciter dicatur, Dominus est *apud me*, mihi que præsens. Quare etiam alia Loca supra laudata *Psal. cix. 31. cxxi. 5. Jes. LXIII. 12.* ad eandem fœderalem Dexterarum conjunctionem videntur habere respectum, magis quam ad nudam Defensionem, aut *dextræ confirmationem*, quæ phrasis alibi legitur *Jes. XLII. 6. XLV. 1.* Et nonnihil roboris acquireret hæc nostra *Psal. xvi. vers. 8.* expositio ex Elogio Messiae, quod ei datur *Psal. LXXX. 18. Sit manus tua על ימיני* super Virum dexteræ tuæ, & super filium hominis quem fortificasti tibi; si recte statuatur *Vir Dextræ Dei* appellari, quia Jehova ei *juravit in manu dextra*, uti habet *Chaldaica Paraphrasis*, & sic firmo fœdere Eum constituit sibi ac confirmavit Mediatorem.

XXIII. Itaque *Stare* dicitur Regina *ad dextram Regis*, ut quæ suam dat Fidei dextram Regi, Ejusque dextram amplectitur & tenet, Sponsalia ac Fœdus matrimonii stabilis cum ipso contrahens. Quo sub schemate corporali nobis repræsentatur Exercitium *Actus Fidei Justificatorii*, cujus natura, & proxima effecta, & adjuncta hoc emblemate *Dextræ conjugalis datæ & acceptæ* egregiè depinguntur. *Sicuti* enim Sponsa dans dextram suam & amplexa dextram Sponsi, testatur se *Recipere* Sponsum, ac *Velle* esse Maritum & Dominum suum: Sic etiam Actus fidei justificatorius; quo justificamur in foro Dei, non est Actus solius intellectus, neque Actus Judicii de statu meo, quo Judico & Statuo me Remissionem peccatorum jam accepisse propter Christum, quo Actu justificamur in foro conscientiae; sed est *Receptio* Christi Sponsoris & Sponsi cum justitia Ejus vicariâ, omnique gratia ab ipso promerita *Joh. 1.*

12. *Coloff. 11. 6*, & est *Actus Voluntatis* quam maximè, quo *Volo* Eum esse Sponsorem simul & Dominum meum. Ita in *Receptione* Christi Scriptura collocat Actum fidei justificantem nos coram Deo *Job. 1. 12. Coloff. 11. 6*, quod & facit satis aperte *Catechesis Heidelbergensis Quæst. 20. 60. 61. 76. 84.* Sicuti porro *Consensus*, cujus *Dextra* data est signum, facit Matrimonium, & unit sponsam cum sponso, ut sit cum ipso *Una caro* coll. *Gen. 11. 23*, & sicuti ex ipsis *Sponsalibus* Mulier fit Uxor apud Hebræos, tametsi Nuptiæ, seu Deductio ad domum aut thalamum, non accederent, ut docet *Maimonides* & probat ex *Deut. xx11. 23*, apud *Seidenum* in *Uxore Hebr. p. 93*: Sic quoque per hanc *Receptionem* Christi Unaquæque fidelis Anima fit Uxor Ejus, & arctissimè cum Eo unitur, atque fit una cum ipso caro *Ephes. v. 29 — 32*; quare toties fideles dicuntur esse IN CHRISTO. Sicuti amplius Sponsa vi hujus *Unionis jus* accipit ad omnia Bona Sponsi; ubi enim est Communio corporis, ibi etiam est naturali consequentiâ Communio Bonorum: Sic & per hunc Fidei *Recipientis* Actum solum Jus accipimus ad omnia Bona Sponsi & Sponsoris Novi Fœderis, Ejusque Justitia Vicaria nobis imputatur, & nostra habetur in Judicio summi & justissimi Judicis *Jer. xx111. 5, 6. Rom. v. 19. 2 Cor. v. 21*; quare toties Fidei Justificari dicimur, non Amore, non Operibus Legis, nec ceremonialis nec moralis ac æternæ. Amoris enim affectu & demonstratione non efficitur Unio Conjugalís, ex qua Communio Bonorum, sed solo Fidei Consensu; cujus Amor & Obsequium sunt sequelæ. *1 Tim. 1. 5. Gal. v. 6.* Unde etiam huic Reginæ, post dextram fidei datam, & per eam Justificatæ in foro poli, ut decentia officia imponuntur ac præscribuntur in sequentibus vers. 11. 12. *Audi filia, & vide, & inclina aurem tuam, & obliviscere populi tui, & domus Patris tui. Et concupiscet Rex pulchritudinem tuam: quoniam ipse est Dominus tuus; & incurva te Ei.* Nimirum bona Opera imponuntur in Fœdere Gratiae non Justificandis, sed Justificatis. Sicuti tandem Spon-

DEREGINA STANTE AD DEXTTAM REGIS. 273

Sponsa hæc Regia haud absque singulari quadam emphasi STARE dicitur ad dextram Sponsi, *erecta* scilicet, & *animosa*, *leta*, *immota*, *spontanea*; ita etiam hæc sunt totidem *Adjuncta* Fidei iustificantis. Hæc enim est Spontanea *Psal.* cx. 3. *Jes.* lv. 5, Animosa & cum Fiducia *Ephes.* iii. 12. *Heb.* xi. 1, Immota & Constans in adversis, mundumque Vincens *1 Cor.* xvi. 13. *Coloss.* ii. 5, 6. *Heb.* xi. 24—27. *1 Job.* v. 4. *Apoc.* ii. 10, & cum inenarrabili gaudio conjuncta *Jes.* lxi. 10. *1 Pet.* i. 8.

XXIV. Atque adeo Prævidet ac Prædicat Vates hoc *Prædicato primo*, Multitudinem Electorum præcipuè ex *Gentibus*, Fide Christum *Recepturam* esse; mox post Exaltationem Ejus; juxta alia vaticinia plura *Gen.* xlix. 10. *Psal.* lxxviii. 32. *Jes.* xl. 10. xlv. 5. xlv. 22. 25. *Hagg.* ii. 1. &c. Quod & fiet à Multitudine *Judeorum*, hodie incredulorum, in fine N. T. *Hos.* ii. 18, 19.

XXV. Quia verò Fide Christum recipientes Justificantur in foro poli, & *Jus vite* æternæ irrevocabile nanciscuntur; ideo additur *Prædicatum Alterum* בְּכֶתֶם אוֹפִיר IN AURO OPHIR. Vox בְּכֶתֶם notat *Aurum*, insigne, optimum, purissimum, *Belgæ*, in *bet fynste gout*. Alibi legitur de *Auro Uphaz* *Jer.* x. 9. *Dan.* x. 5, & *Schebæ* *Psal.* lxxii. 15, heic verò de *Auro* אוֹפִיר Ophir. Ophir est nomen Viri, qui fuit filius Joktan, nepos Heberi, frater Chavilæ *Gen.* x. 29, & nomen Regionis auriferæ, cujus mentio fit, in Libro Jobi, *Cap.* xxii. 24. xxviii. 16, & in historia Davidis, *1 Chron.* xxix. 4, Salomonis *1 Reg.* ix. 26, 27, 28. x. ii. 2 *Chron.* viii. 17, 18. ix. 10, atque Josaphati *1 Reg.* xxii. 49. Ubi notandum in historia Salomonis, quod naves ejus & Hiram, quæ dicuntur in *Ophiram* profectæ *1 Reg.* ix. 26, 27, 28. x. ii. 2 *Chron.* viii. 17, 18. ix. 10, appellentur *1 Reg.* x. 22. naves *Tarshish*. Sicuti etiam in historia Josaphati legitur *1 Reg.* xxii. 49. *Josaphat fecit naves Tarshish, quæ proficiscerentur in Ophiram, auricaussâ, sed non ivit illa Classis, quia fractæ sunt naves in He-*

zion Geber; & 2 Chron. xx. 35, 36. *Eum autem* (Achaziam Regem Israël) *consociavit sibi* (Josaphat) *ad faciendum naves quæ irent in Tarshish; feceruntque naves in Hezion Geber . . . sed confractæ sunt naves, nec potuerunt ire in Tarshish.* Et si nonnulli cum *Pineda* existiment *Ophir* & *Tarshish* esse duo distincta Loca, ad quæ iverunt naves per diversas vias, nempe ad *Tarshish* ex portu maris mediterranei, & ad *Ophir* ex portu sinus Arabici; plures tamen Eruditi existimant, quod quidem Vocabulum *Tarshish* sit Homonymum, sed tamen in hac Historia navigationis Salomonæ positum sit pro *Ophir*, quod ex collatione Locorum modò laudatorum sese meritò colligere possent autumant. Cui duplici ejusdem Regionis nomini *Ophir* & *Tarshish* tertium adjungunt, nempe *Parvajim*, quia 2 Chron. iii. 6. legitur; *Item obduxit* (Salomo) *domum lapidibus pretiosis ad ornatum, aurum autem* (erat) *aurum* פָּרַוִּיִּם *Parvajim.* De Situ hujus Regionis, *Ophir* *Tarshish* & *Parvajim* appellatæ, ex quâ attulerunt *aurum, argentum, ebur, simias, pavones vel psittacos, gemmas, ligna almuggim.* 1 Reg. x. 11. 22, magna est Opinionum Varietas. Non desunt qui eam collocant in *America*, quorum Alii nominant *Hispaniolam*, Alii *Peru*, Alii rursus & *Peru* & *Mexico* simul. Sunt qui confidenter asserunt, *Ophir* esse *Iberiam*, *Europæam* nempe, ejusque partem *Andalusiâ*, ubi *Iberus* fluvius; & *Tarshish* esse *Tartessum*, quæ cum *Gadibus* à Tyriis & Phœnicibus maxime frequentata fuit; & *Heziongeber* atque *Eloth* esse maris Mediterranei portus non Arabici. Quod nuper nobis persuadere conatus est M. Job. Olderman in Disp. Philol. de *Ophir* & *Tarshish* publicè habita 22. Decemb. MDCCXIV. Plures autem quærent in *Asia*: atque ibi; vel in *Arabia*, ubi emporium celebre prope sinum Arabicum, quod Arriano *Aphir* dicitur; vel cum Josepho in *India* orientali. Ubi rursus Alii nominant *Chersonesum Indiæ* intra Gangem, ubi hodie *Goa*, celebre emporium, & *Calicut*; &c. sed ubi olim erat *Oupara Σαρ-
πεί-*

πάρα, Sopbara, ex Ptolomæo, Ammiano Marcellinino, Arriano nota, quod nomen Urbis ac Regionis vetus optimè convenit cum *Ophir*, quæ & *Σαφείρ*, *Σαφίρ*, *Σαφείρ*, *Σαφίρ* apud LXX. Josephum & Origenem nominatur, uti adnotavit Cl. Relandus in *Dissert. de Ophir*. Alii Vicinam Insulam *Ceylon* nominant; Alii cum *Varrerio*, omnem illam *Oram maritimam*, quæ Regno *Pegu*, *Malacca*, (quæ *aurea Chersonesus* Veterum esset) & *Sumatrâ*, continetur. Tandem non defuerunt olim, nec hodie desunt qui in *Africâ* collocant *Ophiram*, atque ibi: vel in Regno *Melindano*, quod est in Regione *Zangibar*: vel in *Angola* *Æthiopix*: vel in *Zophala* Insula in Oceano *Æthiopico* sita: vel in *Guinea*. Ita nuper Vir Eruditissimus *Otho Verbrugge*, in Academia Groningana Theol. & Ling. Orient. Professor Celeberrimus, qui observat, quod nomen *Ophir* idem sit ad Latinum *Afer*, unde *Africa* deducitur, cujus littus Salomonis naves legerunt, non modo, uti ait, a *sinnu Arabico* ad bonæ spei promontorium, sed & ad littora *Guineæ* vicina, ubi duo Regna existunt, nomine *Fara*, quorum alteram *Biafara*, alterum *Zanfara*, distinguendi causa vocatur. Quod utrumque regnum *Fara* ut indicaret Sacer Scriptor, in secundo *Chronicorum* libro, *Hebraicè* nomen in forma duali extulit: Erat autem aurum *פָּרַיִם* *Parvaim*. Fateor equidem novam esse hanc Interpretationem, sed eam cæteris veriorē esse, contendo. Ita Clar. *Verbrugge* in Oratione de *Navigazione Ophiritica*, 3 Sept. MDCCLXXXIII. habita. Non male forte *Scaliger*: Quæ regio fuerit (*Ophir*) frustra quaeritur, quamdiu vivent literæ. Nobis nunc pro instituto nostro sufficit, quod *Aurum Ophir* sit optimum purissimum solidissimum pretiosissimum, coll. *Jes.* XIII. 12. quale ideo dictum videtur *Obrizum*, quasi *Ophirizum*.

XXVI. Quod verò dicit Vates Reginam stare cum vel in auro *Ophir*; à Nonnullis intelligitur de Vestibus corporis Reginæ; quæ aurea fila intertexta habent, & sic deauratæ sunt, aurum habentes & aliud, quare *Vulgatus* vertit in vestibus deaurato, circumdata varietate; aut quæ ex filis aureis

contextæ sunt, & totæ de auro confectæ. Sed hic vestitus corporis Sponsæ in sequentibus *vers.* 14, 15. describitur. Quare ab Aliis *Aurum Ophir* refertur ad Cultum aureum, qui supra Vestes ponitur. & constat ex *monilibus, annulis, armillis, Diademate*. Hoc postremum cæteris præstat. Optimè *Theodotion*, ad rem ipsam significatam respiciens, transtulit ἐν Ἀφθίμω καὶ χρυσῷ ἐκ Σαφείρ. Quod secutus est *Hieronymus*, qui ex Hebræo vertit in *diademate aureo*. Certe cum Vates Ornamenta reliqui corporis Sponsæ diligenter commemoraret *vers.* 14, 15. *Ex fundis, (ocellis, testellis) auri Vestimentum ejus. In acupictis Vestibus ducetur ad Regem*: Præcipuum illud Capitis Regale ac Sponsale Ornamentum omittere non debebat. Cujus idcirco vel heic mentionem fecit, vel nullibi in toto hoc Epithalamio. Heic verò ad Illud respexisse videtur omnino; quia, cum loquatur simpliciter de *auro Ophir*, in quo stetit Regina ad dextram Regis Sponsi, tale aliquod insigne & præcipuum Ornamentum intellexit, quod ex solido auro constabat, quale est Diadema & Corona Regia ac Sponsalis. *Seldenus* in *Uxore Hebraica Lib. 11. Cap. xv. Sponsorum coronarum vetustissima est in Misna mentio. . . . Sponsi corona erat sive aurea, sive argentea. . . . Sponsæ erat corona aurea seu aurata . . . sed hæc pro vario Sponsorum conditionis discrimine aliter atque aliter se habuisse necessum est. Coronæ hæ, & Sponsorum & Sponsarum scilicet, sub Templi secundi excidium, tempore Vespasiani & Titi, uti in Misna narratur, interdictæ sunt. Adducit præterea Seldenus ibidem pro Coronarum nuptialium usu apud Hebræos, tum Locum Cantic. 111. 11, tum Versionem Græcam & Latinam, in quibus Verba illa Hebræa *Yesh. Lxi. 10. כהן יכהן פאר* translata leguntur hunc in modum, ὡς Νυμφὴν ἐκθροῦναι μοι Μίτραν, & *Quasi Sponsum decoratum Coronâ*. Et sicuti Reges gestabant Coronas ex solido auro constantes, quod colligitur ex 2 Sam. xii. 30. 1 Chron. xx. 2. Psalm. xxi. 4. ita & nuptiales coronæ, inprimis Regii Sponsi & Sponsæ, simili-*

DE REGINA STANTE AD DEXTRAM REGIS. 277

liter *Aureæ* fuerunt apud Veteres Orientales. *Cyaxares Medorum Rex* filiam suam ad *Cyrum Persarum Regem* mittit cum *Aurea Corona*, *armillis*, *torque* & *veste Medica pulcherrima*. Et puella quidem coronat *Cyrum*; Quod ex *Zonara* refert *Maderus* de *Coronis* pag. 31. Hujusque enim *Coronæ Regiis* personis impositæ *Nuptiales* & simul *Regiæ* erant. Ex *Zonara* constat, ait idem *Maderus* p. 45, *Imperatores* nonnunquam eadem die & *nuptiali* & *regia corona* *Uxores* cinxisse. *Theophilus Imperator Theodorum* simul & *nuptiali corona*, & *regio diademate* ornat, *nuptiasque* celebrat. Vide quoque *Selden. Ux. Hebr. Lib. 11. C. xxiv. p. 175.* Eodem modo & hîc videt *Propheta* *Regium Sponsum* *Reginæ* capiti imponentem *Coronam* ex *auro Ophir*, quæ simul *Nuptialis* & *Regia* erat.

XXVII. Videamus nunc *Spiritualem Sensum* *Emblemate* hoc & *Schemate corporali* expressum. *Diadema* hoc *aureum*, quod *Sponsa* gestat, *emblemata* est *Gloriæ* ac *Vitæ Cælestis*, æque ac *Corona aurea* capiti *Regis* *Messîæ* imposita *Psal. xxi. 4*, quemadmodum & alias in *Sacris* haud semel *Corona* ejusdem *Gloriæ Cælestis* *Symbolum* est *1 Cor. ix. 25. 2 Tim. iv. 8. 1 Pet. v. 4. Apoc. ii. 10.* Et meritò heic comparatur eadem *Gloria* illa futura cum *Diademate* *Regio* & *Nuptiali* simul, ex *auro* purissimo solidissimo ac pretiosissimo constante. Sicuti enim in ejusmodi *Corona* est, summa felicitas, desideriorum humanorum expletio, signum imperii, gloria ac splendor, raritas, acquisitio molesta quandoque, puritas denique ac soliditas magna. Ita etiam in *Statu Cælestis Vitæ* est: Summa Felicitas, & desideriorum omnium Expletio *Psal. xvi. 11. xxxi. 20: Amplissimum*, sed à Deo Summo dependens, Imperium in omnia *Rom. viii. 17. Apoc. xxi. 5. 7. Psalm. xlix. 15: Summa Gloria*, cum animæ perfectè illuminatæ & sanctificatæ; tum corporis immortalis *Rom. ii. 10. v. 2. viii. 18. 21. 30. ix. 23. 1 Cor. xv. 40. 43. 2 Cor. iv. 17. 2 Thess. ii. 14. 2 Tim. ii. 10. Heb. ii. 10. 1 Pet. v. 4: Singularis Raritas*; non enim ubique & apud omnes hoc *Spirituale aurum Ophir*

reperitur, dum multi sunt vocati sed pauci electi *Matth.* xx. 16: Maxima Puritas *Psal.* xvii. 15, est enim Corona Justitiæ 2 *Tim.* iv. 8: Æterna Constantia *Prov.* viii. 21. *Luc.* xvi. 9. 2 *Cor.* iv. 17, 18. v. 1. 2 *Tim.* ii. 10. 1 *Pet.* i. 4. v. 4. 10: Et tandem Acquisitio hujus Gloriæ ac *Coronæ vitæ* Molesta & Laboriosa fuit Sponso & Sponsori nostro; acquisivit Ille & formavit hoc *Diadema* Labore animæ suæ ingenti *Jes.* liii. 10, 11; descendit ipse in Infernum ut *Aurum* hoc pro nobis effoderet *Heb.* ii. 10. v. 8. 1 *Pet.* i. 18, 19. Quando porro Sponsa hoc Diademate aureo ornata heic sistitur *Stans ad Dextram Regis*, denotatur: quòd, Fide recipiens Sponsum, dextramque Ejus tenens, *habeat jam Vitam & Gloriam æternam*, ut dicitur *Job.* iii. 36. *Qui credit in filium*, habet vitam æternam. Et revera militans hætenus in terris Ecclesia jam *est in Cælis* *Ephes.* ii. 6. Tum propter Jus irrevocabile, quod in foro cæli accipit eo momento quo credit, & Fiduciali amplexu Sponsum recipit *Job.* i. 12, 13. iii. 36. *Rom.* v. 1. *Gal.* ii. 16: Tum per Spem vivam ac fundatam *Rom.* v. 1, 2, 3, 4. viii. 24: Tum in Initiis Cognitionis, Sanctitatis ac Gaudii cælestis *Job.* iv. 14. xvii. 3. *Act.* xv. 9, *Rom.* viii. 23. 1 *Cor.* vi. 11. 1 *Pet.* i. 8. *Jes.* lxi. 10: Tum denique per Certitudinem subjectivam de possessione ejus Gloriæ plenissimâ futurâ *Job.* xix. 25, 26, 27. *Psal.* xxiii. 1, 2, 3. 2 *Tim.* i. 12. iv. 5, 8.

XXVIII. Videmus in hujus Emblematici Vaticinii *Parte Priori*, FILIÆ REGUM INTER HONORATAS, PRETIOSAS, CHARAS TUAS, Conditionem Ecclesiæ Novi Testamenti depictam. Plures quidem in eâ Pauperes, Viles, Infirmi, sed & inter veros Fideles Aliqui Nobiles, Potentes, Divites, Principes, Reges. Impleta est hæc Prophetia in *Initiis* Novi Testamenti, in Eunuchò dynastâ *Act.* viii. 27. 37, Cornelio centurione *Act.* x. 1. Sergio Paulo Proconsule *Act.* xiii. 7. 12, Dionysio Areopagita *Act.* xvii. 34. Erasto procuratore Urbis *Rom.* xvi. 23, in Sanctis denique qui

DEREGINASTANTE AD DEXTRAM REGIS. 279

qui erant ex Cæsaris domo *Phil. iv. 22*; ne dicam nunc de Mulieribus quæ ~~et~~ *Ἐκκλησιῶν* *Honoratarum* titulo condecorantur *Act. xvii. 12*, & de *Præstantissimo* Theophilo *Luc. i. 3*. Aliique qui cum Josepho & Nicodemo Exaltato Jesu non minus quam extremè Exinanito nomen dederunt suum. Impleta est magis in *Progressu temporis*, non solum quum Imperatores Romæ Gentibus Christianismum susceperunt, sed & antea juxta *Tertullianum* in *Apologetico*, *Cap. xxxvii. Externi sumus, & vestra omnia implevimus, urbes, insulas, castella, municipia, conciliabula, castra ipsa, tribus, decurias, PALATIUM, SENATUM, FORUM*. Et quamvis hodie Ecclesia Orientalis ingemiscat sub Tyrannide Muhammedanorum, & in Occidente plurimi Reges ac Principes Bestiam sequantur; Aliqui tamen, per Dei gratiam, Reges Principes ac Nobiles Agnum adhuc sequuntur, nec defunt Fœminæ Principes & Honoratæ, quæ sunt veræ Filix ac Nutrices Ecclesiæ. Adeo ut scandalum illud Judæorum, *Num quis ex Primoribus credidit in eum. Job. vii. 48*. ablatum sit, & exprobratio Romæ Papalis, jactantis Splendorem suum externum, concidat. Sufficit enim si Aliqui Magnates Agno adhæreant, quia inter pretiosas & charas Messix Regis tantum aliquæ *Regum Filix*, & pauciores quidem, futuræ erant. Plures tamen inter illas numerabuntur quando plenitudo Gentium introibit & totus Israel salvabitur. Tunc enim in summo gradu implebuntur Vaticinia illa, quæ de *omnibus terræ Regibus*, successive tandem Christo subjiciendis, loquuntur. *Psal. lxxii. 11. &c.* Quemadmodum hoc excitare debet Principes Nobiles & Potentes omnes, ut Filium Dei cum omni Gratia Ejus oblatum in Evangelio osculentur *Psal. ii. 11, 12*: Et quemadmodum omnes, supra reliquos mortales sapientiâ, divitiis, honoribus, muneribus evectos, quibus *datum* est in *Christum credere*, decet, ut plus gaudeant in Domino, quàm de ullo honore aut potentiâ mundana; & ut plus Sapientiæ & Gloriæ collocent in Fide Evangelii, & Communio-

ne.

ne Christi, & obsequiosa Imitatione Ejus, quàm in omni Sapientiâ & Gloriâ hujus mundi, quæ stultitia est apud Deum, & mera Vanitas; & denique ut omnia sua Bona & Dona conferant ad gloriam Regis Messiae, & ad Ecclesiam Ejus, cujus membra sunt, ornandam, juvandam, protegendam, absque ullo superbo contemptu pauperum ac vi-
 lioris sortis hominum, qui ejusdem pretiosæ fidei cum ipsis consortes sunt. Ita etiam hi Pauperes & Ignobiles, fide in Christum præ reliquis donati, debent; Gaudere de sorte suâ, quòd plures Deus ex illis, quàm ex Sapientibus & Potentibus hujus mundi elegerit; & Admirari gratissimis & humillimis animis liberrimam Dei erga se gratiam, qui ipsos, non propter paupertatem, sed ex mero beneplacito vasa misericordiæ & gloriæ esse voluit; & Contenti esse sua sorte mundana, etsi sit valde exigua, nunquam invidentes Mundanis fortunas suas atque honores, quia iis omnibus per communionem gratiæ Christi & spem gloriæ cælestis, quæ non pudefiet, infinitò sunt feliciores. Dominus enim eos omnes & singulos credentes, sive Divites sive Pauperes, cognoscit, & diligit ut pupillam oculi sui, conservabit in gratiâ, *pretiosa* erit *mors* eorum in oculis ejus, *pretiosissimas* animas eorum transportari curabit in sinum Abrahamæ, stabit super pulverem eorum, ad resuscitandum illum, & collocabit eos, suos cohæredes, in Throno Gloriæ suæ, ut vivant læti & gloriosi, ac impiis dominantur in æternum.

XXIX. Discimus ex *Posteriori* hujus illustris Oraculi *Parte*: STAT REGINA AD DEXTERAM TUAM IN AURO OPHIR: *Tum Unitatem* Ecclesiæ, quot enim Animæ æternæ quæ fide Eum recipiunt, tot sunt *Pretiosæ* & *Charæ* Ejus, & hæ tamen omnes *Unam* modò Reginam constituunt; Una est Ecclesia, extra quam nulla salus; Una est Fides quoque, neutiquam in omni Religione est salus; in regno cælorum nulum Discrimen Judæi & Gentilis, domini & servi, maris ac foeminæ *Gal. iii. 27*: *Tum Dignitatem* Ecclesiæ omnium
 nium

DEREGINA STANTE AD DEXTRAM REGIS. 281

niumque ac singulorum fidelium; sunt Sancti & Gloriosi terræ *Psalms. xvi. 3*, Reges & Sacerdotes Deo *Apoc. i. 6*. *Regina* summi Regis cæli & terræ: *Tum Felicitatem Ecclesiæ*; est *coronata aureo diademate*, jus habet cælestis Gloriæ & ad Omnia quæ Christi sunt irrevocabile *Joh. iiii. 36. i Cor. iiii. 21. 22*, *Ephes. ii. 6*. & delicias Aulæ cælestis, ac inenarrabile gaudium æternum jam prægustat *Rom. viii. 23. i Pet. i. 8*. *Tum tandem Justificari* peccatorem coram Deo *solâ Fide*, quâ dextram dat Sponso ac Sponsori, ejusque dextram tenet, & quâ solâ connubium stabile cum ipso contrahens, justitia vicaria Ejus imputatur illi ut sua, & jus accipit ad omnia ejus Bona; unde *stans ad dextram Regis Diademate aureo coronata* conspicitur *Regina*; Bona Opera postea *vers. 11, 12* imponuntur Justificatæ, ut in quibus non est Causa regnandi, sed Via tantum ad Regnum gloriæ. Omnes ergo externe Vocati, quibus Rex Messias Sponsor Fœderis cum Justitia vicariâ omnique Gratia Ejus quotidie offertur in Euangelio, quibusque Ipse dextram suam conjugalem blande porrigit, semet ipsos diligenter & seriò examinare debent, num huic *Reginæ* seu Ecclesiæ veræ, ut ejus membra genuina accenseri queant. Signa Fidei Justificantis ex insigni hoc Oraculo facile colligenda, sunt: *Totum Velle* Christum suum esse, non tantum ut Sacerdotem, sed etiam ut Regem: *Solum Velle* Christum, cum abnegatione justitiæ propriæ, omniumque Sanctorum, quæ nulla est: *Gaudere* in fide, & animosa in adversis fiducia *Stare* ad dextram Regis, eique Adhærere, etiam dum ducit per ignes & aquas: *Abnegare* voluntatem propriam, quandoque naturalem, semper pravam ac perversam, & Regis Voluntati arcanæ & revelatæ se patienter ac promptè subjicere. Si horum nihil in semetipsis deprehendant: hoc ipso momento, absque ulla dilatione Fide sincera Fœdus conjugale contrahant & Unicum Salvatorem invitantes ipsos adhuc amplectantur: & hunc in finem ardentissimis precibus petant a Deo Spiritum fidei; atque Verbum fidei

frequenter legant, & audiant, ad cujus præsentiam eam dare solet & promisit Deus. Si vero horum aliquid in se invenient: Gratias immortales agant Regi huic qui tantopere dilexit eos: *Stent* porro in fide animosi, læti, constantes: Jungant Fidei suæ amorem Domini sincerum, & obsequium universale promptum ac æternnum ei præstent: Gaudeant magis de Ejus Communionem quam si totum mundum lucrati fuissent: Diligant & curent alii alios, ut membra Unius Corporis, gaudentes cum gaudentibus, & flentes cum flentibus, ubi enim unum membrum patitur, omnia patiuntur, sicuti & ipse Dominus cælestis patitur in nobis: Suscipiant Patrocinium Causæ Ejus, qui ipsorum peccata in se suscepit, & eorum Causam agit continue in cælo ad dextram Patris sui, stentque pro Ipso feliciter per Ejus gratiam: Veneratione denique se dignos gerant, Domini-um exercendo in carnem corruptam, & subjugando concupiscentias pravas, pie, juste & temperanter vivendo in hoc præsentis seculo: Desiderent tandem, & firma ac patienti spe expectent gloriæ Coronam, quam dabit ipsis Rex in die æternitatis. Quando collocabuntur ad dextram summi Judicis, & immittentur in plenissimam Hæreditatis cæli & terræ Possessionem, atque æternas Nuptias Agni celebrabunt.

F I N I S.

THE-

DISSERTATIO DECIMA

D E

FILIIS MESSIÆ PRO PATRIBUS
EJUS FUTURISAD *Psal.* XLV. 17.

I.



Nter alia præclara Messiae Elogia , quibus apud Jesaiam Vatem *Cap.* ix. 6. insignitur, etiam est *אבי ע* *Pater æternitatis*. Ita vocatur juxta Aliquos Interpretes, quia est *Auctor* & *Causa beatæ æternitatis*, quam pro suis Electis promeruit , illisque potenter ac fideliter applicat, *Hebr.* v. 9. *Job.* x. 28, 29, 30; sicuti nomen *Pater* alibi pro Auctore & Causa rei ponitur *Job.* xxxviii. 28. Hoc sensu fortè *Vulgatus* transtulit , *Pater futuri seculi*. Alii verò ita appellari Christum censent, quia est *Pater æternus*. Quando *Duo* prædicantur hoc Elogio de Messia. Quorum *Primum* est, Messiam, Filium quidem Dei & hominis esse , sed simul *Patrem* liberorum , non quos carnaliter generat, sed spiritualiter regenerat ad vitam æternam *Psal.* cx. 3. *Alterum* est , Illum esse *Patrem Æternum*: tum quia ab initio mundi *Pater* fuit Electorum & Fidelium omnium *Jes.* lxiii. 15, 16. *Heb.* ii. 10. sicuti *ו* de duratione anteriori sumitur *Job.* xx. 4: tum quia *Pater* futurus erat usque ad finem mundi, per omnia secula generaturus sibi, & Deo Patri suo, *Liberos*, *Jes.* lxi. 10. qui *imaginem*

N n 2

ejus

ejus gererent, non minus certè quàm olim in *V. T. Fidelibus* visum fuerat.

II. Quod utrumque prædicatur de Messia in Textu & Contextu sequenti. In quo Ipsi ex Connubio hætenus celebrato spirituali promittuntur *Filii*; in omni terræ parte extituri *vers. 17.* ejusque nomen propagaturi per *omnes ætates vers. 18;* & qui futuri erant *loco Patrum* Messiae, carnalium quidem, sed simul fidelium, qui quà tales simul relationem *Filiorum* ad Messiam Redemptorem suum habuerunt; quibusque *similes* forent in dignitate Filiationis spiritualis atque in Filiali Amore & Timore Christi *Patris Æterni.*

III. Sic transit Vates à *Sponsalibus, Nuptiisque* celebratis ac *Domiductione* Sponsæ ad Conjugii hujus spiritualis *Fecunditatem, & Liberorum* procreandorum *Felicitatem* deprædicandam. In quo Ordine optimè insistit naturæ Emblematis, à corporali Conjugio desumpti, in quo fecunditas & liberorum progeneratio Domiductionem sponsæ & conjugii consummationem sequuntur. Neque mirum hoc cuiquam videri debet, quod Sponsa hæc spiritualis, post *Introductionem* Ejus in *cæleste Palatium* Regis, de quâ *vers. 15, 16,* proponatur nunc ut pariens Marito *Filios* multos. Nam; quamvis *consummata* totius Ecclesiæ Introductio Visibilis in cæleste Palatium Regis; quæ erit in die ultimo, quando non amplius pariet filios, etiam connotata fuerit à Vate *vers. 15, 16;* *inchoata* tamen & *successiva* in singulis fidelibus, quoad animas in morte transferendis, *Introductio*, in proximè antecedenti *versu 16.* descripta fuerat. Atque adeo Pars Ecclesiæ Catholicæ, quæ modò fuit in terris, & nunc est in cælo triumphans, meritò ut fecunda Mater Ecclesiæ in terris successivè extituræ consideratur: juxta illud quod Paulus scripsit *Gal. iv. 26. Illa verò quæ sursum est Hierusalem, libera est: quæ est MATER OMNIUM NOSTRUM:* quoniam fideles illi, qui per Doctrinam, à Sanctis illis, dum viverent, prædicatam, & per Exempla illorum

lorum pia, ac præsertim per Martyrum constantiam, ad fidem perducti sunt, vel in ea confirmati, rectè pro illorum Liberis habentur: juxta illud Tertulliani in Apologetico, *Cap. L. Semen (scilicet Ecclesiæ) est sanguis Christianorum.*

IV. Verba Textûs nostri ita sonant in Hebræis fontibus, תחת אבתך יהיו בניך תשיתמו לשרים בכל הארץ Quæ ita transtulerunt LXX. Ἀντὶ τοῦ πατέρων σου ἐγγενήθησάν σου υἱοί, καταστήσεις αὐτοὺς ἀρχοντας ἐπὶ πάσαν τὴν γῆν, & Vulgatus, *Pro Patribus tuis nati sunt tibi filii: constitues eos principes super omnem terram.* In quibus Vates: Primò *Promittit Regi Messiæ Filios ex hoc spirituali Connubio ipsi nascituros: Secundò eosdem Comparat Patribus Messiæ, dum dicit fore loco Patrum Ejus, & simul comparando Extollit quadantenus supra Patres, dum constituendos ait a Messia Principes in tota terra, vel super omnem terram.*

V. *Promittit Messiæ Filios יהיו בניך ERUNT FILII TUI, vel Tibi, nimirum per nativitatem; quare LXX, juxta Exemplar Vaticanum, habent ἐγγενήθησαν, & Vulgatus, nati sunt.* Hic Sermo Vatis non dirigitur ad *Sponsam*, uti Veterum nonnulli ac Recentiorum volunt, quia dictum erat ei *vers. 11. Obliviscere domus Patris tui: cujus ut levaretur luctus propter derelictos parentes aliquo solatio, numerosam ei nunc promitti & felicem sobolem existimant.* Hi vero Ecclesiam *Apostolicam* seu primævam Christianam compellari credunt, cui *pro Patribus idololatriis Judæis (Jerem. xvi. 11, 12.) & pro Platone, cæterisque diversorum dogmatum & errorum magistris, derelinquendis, nascerentur Filii, futuri in Populis Præceptores, ut legitur apud Hieronymum in Epistola ad Principiam.* Alii autem, cum Eusebio, ad Ecclesiam *Post-Apostolicam* verba hæc dirigi existimant, Cui *pro Patribus Apostolis (coll. 1 Cor. iv. 15. Gal. iv. 19. 1 Thess. ii. 11,)* qui ipsam genuerunt, nunc autem recesserunt à mundo, promitterentur *Episcopi, Filii ab ipsâ creati, qui Patres ejus*

forent, quia ab ipsis regeretur, uti legitur apud Hieronymum in *Commentario*. Quod ferè idem est cum eo quod in *Epistolâ* ad *Principiam* superioribus subjunxerat. Vel certe aliter: O Ecclesia, filii tui quos genuisti tibi, vertentur in Patres tuos, cum de discipulis eos feceris magistros, & in sacerdotali gradu omnium testimonio collocaveris. Ita etiam Augustinus in *Enarratione* in hunc *Psalmum*. Patres missi sunt Apostoli, pro Apostolis Filii nati sunt tibi, constituti sunt Episcopi. . . . Ipsa Ecclesia Patres illos appellat, ipsa illos genuit, & ipsa illos constituit in sedibus patrum. Non ergo te putes desertam, quia non vides illos per quos nata es: de prole tua tibi crevit paternitas. Hæc posterior Veterum sententia, quâ Apostoli statuuntur esse Patres heic nominati, perimit planè Argumentum illud pro *Alloquio* heic ad *Sponsam* directo, quod petitur ex eo quod *Sponsam* heic consoletur Vates adversus durum oblivionis domus Patris, id est, Patrum seu majorum suorum, Jussum, ei *vers. 11.* datum; promittens ei copiam filiorum loco patrum, quos reliquit, & quorum oblivisci jussa erat. Quoniam Apostolorum memoria nunquam obliterari debet.

VI. Verùm *Alloquium* instituitur ad *Sponsam* Regem. Hic certè compellatur in posteriori Textus membro, *Constitues eos principes super universam terram*, ergo etiam in hoc *priori*. Nullum enim signum mutatae personae compellatae occurrit. Et continuatum *alloquium* ad *Messiam* in *Versu* sequenti hoc ipsum magis confirmat. Filii quoque à Patre magis quàm à Matre celebrari solent, uti bene observatum est a Vener. Marckio. Denique Affixa masculina in vocibus אֲבֹתַי & בָּנָי omnem hac de re dubitationem tollere debent. Quorum punctorum vocalium auctoritatem omnem temerè protectò & audaciter rejecit Bellarminus, quando; (ut Patrum quorundam, Hebraica, excepto Hieronymo, non legentium, auctoritati consuleret, qui statuerunt, haud inspecto Textu Hebraico, Prophetam heic loqui ad *Sponsam*;) scripsit: sed Patrum commu-
nis

nis sententia præferenda est : neque repugnat huic sententiæ textus Hebraicus, si puncta removeantur, vel mutantur, ut periti facile intelligunt.

VII. Promittit igitur Regi Messia: בְּנִים, id est : Vel Liberos in genere & utriusque sexus, ut aliàs vox Hebræa Synecdochice sumitur Gen. iii: 16. Psalm. cxxvii. 3: Vel potius Filios, prolem masculam, coll. Exod. iii: 22, quia loco Patrum fore dicuntur, & constituendi לְשָׂרִים in principes. Non jam intelligit Filios, per institutionem tales, seu Discipulos, quales Ipsi alibi ut Doctori tribuuntur nomine יְלָדִים Jes. viii. 18: coll. vers. 16, sed per Generationem, nam hîc consideratur ut Rex, Sponsus ac Maritus Ecclesiæ. Neque tamen per generationem naturalem, nam est Rex spiritualis, cælestis & æternus, sed supranaturalem seu Regenerationem. Cujus cum sint participes, non soli Apostoli Christi, sed omnes Fideles, malè hoc quidam ad solos Apostolos cum Arnobio apud Lorinum, Chrysostomo & Theodoro referunt, rectius verò & certius ad omnes Christi filios refertur, ne gloriam Filiorum Dei ad solos Apostolos referamus, inquit Musculus. Hi omnes & singuli Fideles, considerati relatè ad Catholicam Ecclesiam, quæ Regina est, comparati sunt supra vers. 10. Uxoribus secundariis, quia unusquisque sua fide vivit, & Connubium cum Christo contrahit. Deinde quia singuli Ecclesiæ Catholicæ arctè adhærent, ejus virtutes imitantur, eique inserviunt, & gloriam ejus quærunt ac promoverè student, collati sunt iidem supra vers. 16. cum Virginibus, quæ sponsæ pomposum comitatum constituunt. Nunc verò comparantur Filiis ex legitimo conjugio genitis.

VIII. Quandoque singuli Credentes referuntur ad Ecclesiam ut Matrem Cant. i: 6. iii: 4. viii: 1, 2. Mich. v: 2. Gal. iv: 26. hujusque Liberi ac Filii perhibentur Psalm. lxxxvii: 4, 5, 6. Jes. xlix: 21, 22. liv: 1, 2, 3. lxi: 9. lxxv: 7, 8. Tum quia interveniente Ecclesiæ Ministerio, per præconium Verbi, quod semen regenerationis est Jac. i: 18.

1: 18. 1 *Petr.* 1: 23. & per administrationem sacramentorum *Tit.* 11: 5, & per fidei ac sanctitatis exempla, haud absque doloribus & laboribus multis *Jes.* LXVI. 8. *Job.* XVI: 20 — 22. *Gal.* IV. 19, Christo Domino generati sunt: Tum etiam, quia lacte Ecclesiæ nutriuntur *Cant.* IV. 4. *Jes.* LXVI. 11. 1 *Petr.* II: 2, ejusque regimine diriguntur, & fidei curâ custodiuntur: Tum denique quia Ipsi Ecclesiam ut *Matrem* amant, venerantur, ejusque præceptis se subiciunt *Hebr.* XIII. 17. ei condolent, *Rom.* XII. 15. 1 *Cor.* XII. 26. ac salutem ac pacem ejus ardentissimis precibus quærunt *Psalms* CXXII. 6 — 9.

IX. Sed alibi referuntur ad Christum ut *Patrem*, quemadmodum & vulgò *Filii*, inprimis Regii, ad Patres magis referri solent quàm ad Matres, *Psalms* XXII. 31, CX. 1. *Jes.* XLIII. 6, 7. LIII. 10. Quod & fit in nostro Textu, & quidem summo jure. Nam quamvis in Medio Ecclesiæ, & hac interveniente per Verbum 1 *Cor.* IV: 15. *Gal.* IV: 19, & per fidei ac pietatis & constantiæ in Martyrio exempla, regenerentur Electi; hic tamen regenerationis effectus non dependet ab Ecclesiâ, sed à Christi merito *Jes.* LIII: 10. 1 *Cor.* IV: 15, & Virtute Spiritus Ejus invincibili *Jes.* XLIII: 21. LXVI. 7, 8, 9. *Job.* I: 12, 13. *Job.* III: 5. Deinde quamvis Pia Mater Ecclesia nutriet, dirigat, foveat, & cuet singulos, maximè quæ *Representativa* dicitur, in Doctoribus & Pastoribus fidelibus existens 1 *Thess.* II: 11; quod tamen Vita spiritualis fidei & sanctitatis in iis conservetur & augeatur dependet à Christi Merito Intercessione ac Potentiâ *Luc.* XXII: 32. *Job.* X. 28, 29, 30. Quare majori cum emphasi & summo jure omnes & singuli credentes dicuntur **FILII CHRISTI.**

X. Est itaque quasi dicat Vates. O Christe Sponse & Rex Potentissime! Habebis Tu *Filios spirituales*; per *Quos* Nomen tuum propagabitur in Mundo usque ad finem seculorum, sicuti nomen Patrum per *Filios*, non ita per *filias*, propagari solet, *coll. vers.* 18. *seq.* & *Psalms* LXXII: 17:
Quos

Quos præterea Merito & Virtute tua generabis, & per interveniens sponsæ Ecclesiæ Ministerium tuâ Omnipotentia creabis *Psal.* cii. 19: *Qui* porro *Imaginem Tuam* gerent; per Filiationem Divinam metaphoricam Tibi, O Fili Dei proprie & Unigenite, similes quadantenus futuri *Rom.* viii. 29; ac per Dona cognitionis eximiae ac sanctitatis sinceræ *Divinae Naturæ*, id est Naturæ finitæ quidem, sed divinis dotibus præditæ, *Participes* exituri 2 *Pet.* i. 4; atque Tuam Patientiam, Humilitatem & Constantiam inobedientiâ Deo Patri præstitâ, è longinquo imitaturi *Matth.* xi. 29. *Heb.* xii. 1, 2. 1 *Pet.* ii. 21. 1 *Job.* iii. 3: *Quos* amplius Tu diliges præ omnibus hominibus *Psal.* ciii. 13. *Prov.* viii. 17. *Job.* xv. 9, etiam dum castigabis eos *Heb.* xii. 6. *Apoc.* iii. 19; & ales atque curabis fideliter, prospiciendo ipsis de omnibus necessariis ad hanc & ad alteram Vitam *Psal.* xxiii. 1, 2, 3. xxxiv. 9, 10. *Jes.* xl. 11: *Qui* denique erunt Hæredes Tui ac regni Tui *Luc.* xxii. 29. *Rom.* viii. 17. *Apoc.* xxi. 7: Et tandem *Qui* Te ut Patrem honorabunt *vers.* 18, coll. *Malach.* i. 6, Tibi obedient *Gen.* xlix. 10, Tuisque Paternis castigationibus sese subjicient *Heb.* xii. 5.

XI. Hoc est illud quod sæpe à Prophetis prædictum est, uti ex Oraculis Prophetis bene multis modò laudatis apparet. Quod consequenter heic non simpliciter, more Poëtarum, mero humano Voto apprecatur Messia Vates; sed ut certissimè futurum prædicit hoc de Divino hoc Rege, cujus Divinam Omnipotentiam *vers.* 7, 8; & Obedientiæ Vicariæ ac Sponsionis voluntariæ infinitum meritum celebraverat *vers.* 3: 8. Unde sequitur de *Salomone*, ne quidem ut typo, hoc dici, boni ominis causa, quia non respondit eventus, quippe non legitur Filia Pharaonis ei peperisse Filios.

XII. Verùm non simpliciter promittit ac prædicit Propheta Conjugii hujus mystici *Fecunditatem*, sed etiam *Conditionem* Filiorum Messia *Præstantissimam* simul ac *Gloriosissimam* depingit: dum *Generalius* eos *Comparat* *Patribus* Messia,

Messiae, & *Specialius*, comparando eos *Patribus*, simul Extollit supra Illos. Primò *Generalius Comparat*, dum dicit תחת אבותי PRO PATRIBUS TUIS, vel LOCO PATRUM TUORUM. Ubi per *Patres* Messiae intelliguntur: I. Non *Judaei* promiscuè, & quidem *Increduli*, qui Christum Sponsorem & Filium Dei rejicerent, & quos Spontia delerere debebat *vers. 11.* quorumque *Loco* susciperet Messias alios ex Gentibus {Filiis in se credituros plurimos, qui damnum, per amissos istos Patres & ab Ecclesiâ desertos, illatum quasi Christo, abundè compensarent. Nam quamvis תחת nonnunquam *compensationem damni* notet, ut *Gen. iv. 25*, nam reposuit mihi Deus semen alterum תחת הבל pro Hebelo, quum ipsum interfecit Kain; non tamen semper. Deinde non apparet ratio, ob quam *Judaei* promiscuè, & nominatim *Increduli*, qui Christum Filium Dei rejicerent, dicerentur *Patres Ejus*: II. Neque *Soli Mystici Patres* Messiae, qui Ipsi olim dederunt esse notum per *Vaticinia* & *Scripta* sua, uti fuerunt omnes *Prophetae*, qui Ei *Testimonium dederunt Act. x. 43*, & suo *Ministerio* interveniente Ipsum in cordibus *Electorum genuerunt*, simili modo ac postea *Apostoli* post *Adventum Ejus* 1 *Cor. iv. 15. Gal. iv. 19*: III. Sed primò & directè *Patres Ejus carnales*, ex quibus natus est secundum carnem, inter quos fuere nonnulli *Mystici* quoque *Patres Ejus*, qui Illi ita dederunt esse juxta carnem, ut simul dederint {Ei esse notum in *eminentia Personæ* & *Muneris*. De quibus agitur *Psal. xxii. 5, Rom. ix. 5, 6*, quorum sunt *Patres*, & ex quibus est Christus quod ad carnem attinet. Et quorum *Catalogum* contexuerunt *Matthæus, Cap. i.* & *Lucas* in *Euangelio, Cap. iii.* Quorumque, utpote *Regum, & Prophetarum* ac *Sanctissimorum* *Hominum*, *Commemoratio* gloriosa erat Messiae ut *Filio hominis*, quia foret *Filius Davidis, & Abrahami Isaaci ac Jacobi*, qui per excellentiam *Patres* dicuntur *Exod. iii. 15. Deut. iv. 31. Job. vii. 22. Rom. xi. 28*, quibusque peculiariter *Promissus* est Messias ut *Filius eorum Matth. xxii. 42. Rom. i. 2, 3.* Quare
Mat-

Matthæus Evangelium suum ita exorsus est, *Liber Generationis Jesu Christi*, FILII DAVIDIS, FILII ABRAHAM.

XIII. Horum *Loco* dicit porro Propheta futuros Messiae Filios. Nonnulli vertunt תחת *Propter* Patres tuos. Ita sumitur תחת *Tsephanj.* 11. 10. Hoc erit eis תחת נאונם *propter fastum eorum.* Quando sensus esset: Erunt Tibi Filii *propter* Patres tuos; id est; non propter Merita eorum, quæ nulla fuerunt, dum ipsi propter Meritum Tuum, O Messia! ac Justitiam à Te adducendam, & fide ab illis apprehensam, Deo placuerunt *Heb.* xi. 5, 6; sed *propter Fœdus* gratiæ cum illis erectum, & *Promissiones* illis datas de Te ex ipsis nascituro, atque de *Fide Gentium* omnium in Te futurâ *Gen.* xii. 3. xxii. 18. xxvi. 4. xxviii. 14. *Act.* iii. 25. *Gal.* iii. 8. *Quum prævidisset autem Scriptura Deum ex fide Justificaturum Gentes.* id ante *Euangelizavit Abrahamo; Benedicentur in te omnes Gentes.* Sicuti eodem sensu Judæi, rejecti hodie, appellantur à Paulo *dilecti propter Patres Rom.* xi. 28, id est, *propter Promissa* Patribus facta, a Deo olim amore rursus prosequendi ac convertendi ante finem Seculi, *coll. vers.* 25, 26, 27. & *Mich.* vii. 19, 20.

XIV. Sed Alii rectius vertunt *Pro* patribus tuis, vel cum *Belgis* nostris, *Loco* Patrum tuorum; per modum scilicet *Substitutionis* in eundem Usus tuum, ad idem Opus circa Te peragendum, ad eandem Dignitatem, & denique ad Consecutionem earundem Benedictionum à Te. Sic sumitur תחת *Esber.* ii. 17. *Levit.* xvi. 32. 2 *Chron.* vi. 10, *Surrexi enim תחת loco Davidis Patris mei.* Cum quâ interpretatione convenit quoad sensum, si תחת habeamus pro particulâ *similitudinis*, ut sumitur *Gen.* xxx. 2. *an תחת loco Dei sum Ego?* id est Deo similis in Virtute & Potentiâ? Et hoc sensu debere intelligi hanc particulam omnino existimamus, ut hic sit Dicti hujus sensus; Sicuti fuerunt Patres Tui, Sic erunt Filii tui, illis SIMILES futuri: nempe in hisce sequentibus rebus.

XV. *Primò in Productione & Manifestatione Tui.* Sicuti *Patres tui* carnales Tibi dederunt *Esse* quoad *Carnem*, & quidam ex illis Tibi dederunt *Esse notum*, per Vaticinia sua ut David: Sic hi *Filii Tui* dabunt Tibi *Esse Notum*. Omnes quidem Nomen tuum propagabunt *Psal.* LXXII. 17. & Te palam Confitebuntur, memoresque erunt Nominis tui. *Vers.* 18. Nonnulli verò ex iis Te publicè in Conventibus fidelium prædicabunt, atque ex Mose & Prophetis Te Messiam promissum demonstrabunt cum Apollo *Act.* XVIII. 28 & cum Paulo *Act.* IX. 15. 22. Quo pacto Tibi quidem liberos generabunt *1 Cor.* IV. 15; sed & simul efficient ut Tu formeris in iis, juxta illud Pauli ad *Galat.* IV. 19. *Filioli mei, quos iterum parturio, usque quo μορφωθῆ FORMETUR Christus in Vobis*: id est ut in propria formâ suâ, quæ Ipsi ut CHRISTO dat *Esse* suum, in Vobis per Cognitionem & Fidem veram *producat*ur. Ad quam *Formam Christi* (ut hoc in transitu ad locum paullò difficiliorem moneam) pertinet: *Tum Munus* Mediatoris triplex, præcipuè *Sacerdotale*, quo Remissionem peccatorum non solum Obedientiâ passivâ, sed etiam Vitam æternam Obedientiâ Vicariâ Activâ promeruit, hujusque Causa est unica ac consummata: *Tum Corpus* esse omnium *Umbrarum* Leviticarum, eisque finem imponere *Dan.* IX. 24, 25, 26, 27 *Coloss.* II. 17. Quam *Formam suam* Christus in animis Galatarum non amplius *perfectam* habebat, quia *Spiritu*, seu *Fide*, Spiritus Effectu primario, *inceperant* salutis procurandæ studium ad Remissionem peccatorum obtinendam propter Christi passiones, sed *Carne*, seu Operibus legis, quæ *Carnis* instar *infirmæ* erant, & peccatorem *Vivificare* haud valebant, *perfecti* studebant ad consequendum Jus Vitæ æternæ ex iis Operibus legis, etiam Ceremonialibus nonnullis, *observantes* eum in finem *dies, & menses, & præstituta tempora & annos.* *Gal.* III. 3 IV. 9. 10.

XVI. *Secundò, in Desiderio Adventus tui.* Sicuti Pii & Fideles *Patres tui*, de quibus *Psal.* XXII. 5, 6 vehementer desiderarunt Adventum tuum Primum in Carne humilem, ad

ad expiandum Peccatum & Justitiam Seculorum adducendam, & salutem æternam promerendam, cum Abrahamo *Job. viii. 56.* Jacobo *Gen. xlix. 18,* & Credentibus omnibus ex Israël *Psal. cxxx. 4. Matth. xiii. 16, 17:* Ita hi *Filii tui* desiderabunt Adventum tuum secundum Gloriosum ad salutis promeritæ plenam & consummatam Applicationem; *Exspectantes beatam illam spem, & illustrem illum Adventum Gloriæ magni illius Dei ac servatoris nostri Jesu Christi Tit. ii. 13. Phil. iii. 20, 21. Apoc. xxii. 20.*

XVII. *Tertiò*, in *Donis Eminentioris Cognitionis, Fidei ac Sanctitatis Veræ.* Sicuti inter *Patres tuos* fuerunt Prophetæ *Gen. xx. 7. Psalm. cv. 15. Act. ii. 30,* Cognitione rerum Divinarum præ aliis fidelibus eximiâ imbuti, magnâ in Te Fide & Spe cum *Patre credentium Rom. iv. 11. præditi, Sanctitate quoque & Cælestium Studio Insignes, Heb. xi. 8-12. Jacob. ii. 21-23.* Ita etiam *Filii hi tui* aliis Fidelibus V. T. in Cognitione Mysteriorum fidei ac verè Propheticâ excellent *Jes. xi. 9. Liv. 13. Jerem. xxxi. 34. Joël. ii. 28, 29,* imo hos ipsos *Patres tuos* superabunt, æque ac Johannem Baptistam *Matth. xi. 11:* Eruntque genuini Filii Abrahami Patris Credentium, *Rom. iv. 11. 12-19. Gal. iii. 7,* & Davidi Patri tuo similes *Zach. xii. 8.* in Fide mundum Vincente 1 *Job. v. 4,* Spe roboratâ *Rom. v. 3, 4, 5. 1 Thess. i. 2, 3,* Sanctitate splendidâ *Zach. xiv. 20.* rerum denique terrenarum Abnegatione, ac cælestium Studio 2 *Cor. iv. 18. Phil. iii. 20. Coloss. iii. 1. 2. Matth. xvi. 24.*

XVIII. *Quartò*, in *Benedictione.* Sicuti *Patres tui*, in primis Abraham Isaac Jacob David fuere *Benedicti* a Deo, corporaliter & magis spiritualiter *Gen. xii. 2. xxi. 22. xxii. 17. xxvi. 12. 13. 16. 28. Heb. xi. 16.* sic & hi *Filii tui* *Benedicentur* a Deo. Nonnulli corporalibus quoque hujus Vitæ bonis juxta promissum conditionatum 1 *Tim. iv. 8;* Omnes verò spiritualibus & cælestibus Benedictionibus in Tui communionem fruentur *Ephes. i. 3,* cum fideli illo Abrahamo *Gal. iii. 9,* juxta Oracula prisca *Gen. xviii. 18. xxii.*

18. postea repetita sæpius *Psalms*. LXXII. 17. *Jes.* LXI. 9, & sic per eandem Patriarcharum illorum in Te fidem, & per eorundem Beneficiorum Gratia ac Gloria Communionem, *accumbent cum Abrahamo Isaaco & Jacobo in regno caelorum Matth.* VIII. 11.

XIX. Quintò, in *Numerosa Prole*. Sicuti *Patriarchæ* illi aliique *Patres* tui carnales numerosâ prole beati, & *Patres* multarum gentium fuere *Gen.* XII. 2. XV. 5. XVII. 4. XII. 17. XXVI. 4. 24. XXVIII. 14. Ita etiam hi *Filii* tui Semine, non carnali, sed spirituali quàm plurimo gaudebunt. Inprimis in Initio Regni tui in Gentes, quando *cantabit Sterilis* credentium ex Israël Ecclesia, ut *Mater* filiorum *multorum*, atque *dextrorsum & sinistrorsum prorumpet*, & *Gentes hereditario jure possidebit Jes.* LIV. 1, 2, 3. Et deinde iterum in Fine N. T. *Jes.* LXVI. 19, 20. quando *Plenitudo Gentium intrabit*, & *totus Israël servabitur Rom.* XI. 25, 26.

XX. Sextò, in *Succeffione Longa* per multa secula. Quemadmodum *Patres* longâ succeffione per quatuor fere millennia inde a creatione Mundi habuisti: Ita & *Filios* habebis spirituales, non per unum, sed per plura secula, imo forte millennia successive Tibi natos, usque ad finem Mundi. Secundum â Christo nato Millennium jam labitur, & ad finem vergit. An consummabitur, an Tertium sequetur, imo & Quartum, incertum est, & hætenus inter Arcana Dei reservatum, quæ temere involare, aut curiosè nimis rimari, nobis religio est. Quod interim, non æqualis, sed aliqua proportio sit futura in duratione Mundi & Ecclesiæ ante & post Christum, haud improbabile videtur ex eo quod Scriptura omne Tempus Mundi & Ecclesiæ militantis in Duo Magna Tempora dispertiat, nempe in Tempus PRIMUM ante Christum, & ULTIMUM post Christum *Jes.* VIII. 23; Quod Secundum Mundi Tempus, absque ullo tempore intermedio cum Primo connexum, ULTIMUM vocatur; ut & alibi *Fines Seculorum* 1 *Cor.* X. 11, *Ultimi dies* *Heb.* I. 1, & *Ultima hora* 1 *Joh.* II. 18; quia in du-

ra-

ratione cum *Primo* tempore aliquam saltem proportionem habebit, & quia post hoc tempus *Secundum*, non dabitur aliud *Tertium* in terris, quare etiam *Plenitudo temporis Gal. iv. 4.* vocatur, cui nihil ex Decreto Divino addi potest vel debet. Vide, si placet, quæ hac de re notavimus ad *Orationem nostram de Admiranda Gentis Judæorum Conservatione.*

XXI. *Septimò* tandem in *Conditione Externa.* Sicuti *Patres* tui variæ sortis in mundo ac conditionis Homines fuerunt, partim Reges ac Principes, cum *Davide*, partim vero Plebeji cum *Isai coll. Jes. xi. 1.*, quemadmodum ex Genealogia Christi apud Lucam in Euangelio facile colligitur: Ita etiam hi *Filii* tui erunt plures quidem ex vili plebe *1 Cor. i. 26, 27.*, quidam tamen inter eos Nobiles Divites Potentes Principes ac Reges terræ. Quod etiam alibi prædictum esse à Prophetis, nempe *Psal. xlvii. 10. lxxii. 10, 11. Jes. xlix. 23. &c.* observavimus in *Dissert.* præcedente ad *Vers. 10.* hujus Psalmi. Interim, quamvis quoad externam Conditionem etiam viles & plebeji homines plures inter hos Filios Messiae locum habituri essent; Omnes tamen futuri erant *Principes spirituales in & super tota Terra.*

XXII. Sic *Specialius* nunc porro *Filios Patribus* Messiae *Comparat*, & simul comparando quadantenus *Extollit* supra Illos; Dum ait תְּשִׁיתֵמוּ לְשָׂרִים בְּכָל הָאָרֶץ CONSTITUES EOS PRINCIPES SUPER OMNEM TERRAM. Non opus est ut moneam iterum hoc quoque de *Salomone* intelligi non posse, ne quidem si *Terra* de *Solâ Cananæ* capiatur, quoniam *Rehabeam* regnum laceratum est, & *Filii Salomonis partem* modò *Terræ* illius imperio suo subjectam tenuerunt. De solo igitur Messia agitur in hoc Epithalamio. Duo prædicit Vates de *Filiis* Christi in Verbis nostris: I. Futuros *Principes in tota terra*, vel *super totam terram*: II. Ponendos vel *Constituendos* tales à Messia Patre. I. Si vertamus Verba illa בְּכָל הָאָרֶץ in *tota terra*, Belgice *Op de geheelee aerde*, vel *per totam terram*, Belgicè *door de geheelee aerde*, indicantur *Eminentia*, &

Dig.

Dignitas Filiorum Messiae, in quibus *Similes* essent Patri-
bus, & simul Illorum *Extensio* per totam terram, in qua
Præcellentiores essent Patribus. Nempe futuri erant hi Fi-
lii Messiae PRÆSTANTISSIMI Mortalium omnium in tota
terra. Principes *Præstantiam* habent. Mercatores Tyri,
quia aliis præstabant divitiis ac potentiâ mundanâ, dicun-
tur שרים *Principes* Jes. xxiii. 8. Quam tamen ob mun-
danam *Præstantiam* Filii Messiae non dicuntur *Principes*,
quamvis & illa in nonnullis ex iis locum habitura erat, coll.
vers. 13; sed ob *Spiritualem*. Cujus respectu Abraham po-
tissimum dicitur fuisse inter Cananæos שׂאן אלהים *Prin-*
ceps Dei Gen. xxiii. 6, nempe non modò propter opum
vim, sed magis quia *Propheta* & *Vir Sanctus* erat atque *A-*
micus Dei. Quemadmodum & Jacob Patriarcha verè *Israël*
dictus est, quia se *Principem* gessit cum Domino, & fide &
ardentibus precibus prævaluit Gen. xxxii. 28. Hos. xii. 4.
Ad horum Patriarcharum sanctorum similitudinem forent
Messiae Filii *Principes*, id est *Præstantiores* reliquis omni-
bus Hominibus; tum Donis Spiritus Sancti eximiis Joël.
ii. 28, 29; tum Divitiis Incorruptibilibus Jac. ii. 5; tum
Operibus Bonis ac Hominibus utilibus Prov. xii. 26. Psalm.
xvi. 3; tum denique Natalium cælestium splendore Job.
i. 12, 13. i Job. iii. 1. Deinde futuri erant hi Filii Mes-
siae IMPERATORES; non *Politici* & *Mundani*, quales tamen
forent quoque inter Filios hoscæ Messiae Psalm. lxxii. 9, 10,
11, sed non vi Filiationis suæ, vel quâ Filii Christi, nam
Regnum ejus non est de hoc mundo Job. xviii. 36; verùm *Spi-*
rituales, qui dominarentur pravis affectibus suis, carnem
subigerent i Cor. ix. 27, mundum irridentem ac illuden-
tem, persequentem, allicientem ad peccata, & sedacen-
tem ad incredulitatem ac securitatem carnalem vincerent
i Job. v. 4, & Satanam sub pedibus contererent Rom. xvi.
20. Quo sensu *Reges* in sacris dicuntur i Pet. ii. 9. Apoc.
i. 5, 6. v. 10, Denique futuri erant hi Mortalium *Præ-*
stantissimi, & *Spirituales Reges*, non in uno Terræ Angulo,
in

in quo Patres Messiae habitaverunt olim, sed in UNIVERSITATE TERRÆ, usque ad *Fines ejus habitaturi*, magno numero, juxta Prophetias alias bene multas *Psal.* II. 8. VIII. 10. XXII. 28. LXXII. 8. 19. XCVIII. 3, 4. *Jes.* XI. 9. XLV. 22. LIV. 5. *Mich.* v. 3. *Zach.* XIV. 9. *Malach.* I. 11.

XXIII. Sed fortè rectius vertuntur hæc Verba *Super tota terra vel totam terram*, ita ut *Objectum* Domini ac Imperii notetur, non *Locus* habitationis modò. Quando *tota terra* non est sola & integra Cananæa cum habitatoribus ejus, & *Sam.* XIV. 25, sed totus terrarum Orbis habitabilis; uti ex allatis modò Vaticiniis de Messia liquet. Quo sensu heic promittitur Ecclesiæ Christi, non Imperium absolutissimum in spiritualia ac temporalia, & in Regna & Reges hujus Mundi; quod contra naturam Regni Christi est, qui Reges convertit quidem ad se, sed Thronos eorum non evertit, & vult ut Ecclesia sit in temporalibus subiecta Regibus & Magistratibus ut à Deo ordinatis *Rom.* XIII. 1—7. Sed prædicat Vates, & *Filios* Messiae, illos nempe quos eligeret ex reliquis in Verbi sui Præcones publicos, *Gentium* fore PRÆCEPTORES, qui Præcepta fidei & resipiscentiæ, Legemque Regiam illam Amoris Dei & Proximi, cunctis Nationibus, Persis, Medis, Ægyptiis, Thracibus, Romanisque ipsis Orbis Dominis darent *Jes.* II. 3, 4 XXXII. 1. XLII. 4; ut *Ministri* scilicet summi Principis & *Præceptoris gentium* *Jes.* LV. 4; & qui ita pascerent ipsos Magistratus suos Verbi Ministerio, ut tamen simul in Corporalibus ac Circumstantiis Ecclesiastici regiminis externis pascerentur Imperio Principum terrenorum, ac ab ipsis dirigerentur. 2. Hostium suorum & Patris sui fore VICTORES, qui Legem Messiae Regis sui promulgarent cum *Effectu*; tum *Obedientiæ* & Subjectionis Populorum sub Regnum Ejus *Psal.* XLVII. 4. *Jes.* LX. 22, tum *Extirpationis* Idololatriæ Gentium, & Regni Satani inter eas hætenus erecti *Psal.* VIII. 2, 3. *Zach.* XIII. 2. 3. DOMINOS fore Terræ: Qui Christi Patris ac Mariti, *Heredis omnium* *Heb.* I. 2, cujus

ut Creatoris *Terra* quoque est *Psal.* xxiv. 1. 2, *Cohæredes* forent *Rom.* viii. 17. ac in Iplo *Hæredes Mundi Rom.* iv. 13: & Qui certi esse possunt, quod *Terræ* hujus Bonis, etsi non magna copia concessis, fruantur ut *Hereditate* sua: dum *Impiis* terrena bona dantur; non ut *Sua*, neque ut *Dominis* ac *Hæredibus* legitimis, sed veluti *mancipiis*, & tanquam ultima menla quæ apponitur sceleratis supplicio afficiendis: Qui denique *Domini Terræ*, non *Servi* Ejus sunt, neque ei serviliter addicti; quæ potius cum omnibus creaturis *Fidelibus* inservire cogitur, & revera inservit ex *Regis Messiaë*, qui *Regnum Potestatis* in omnia *Mediatorium* habet *Psal.* viii. 7, 8, 9, jussu; salutemque eorum modis apertis & opertis promovet *Job.* v. 23. *Ezech.* xxxiv. 25. *Hos.* ii 17—21. *Rom.* viii. 28. *1 Cor.* iii. 22. 7. Tandem *JUDICES* fore *totius Terræ* Omniumque *Impiorum*; partim per *Verbum*, quod prædicarunt, & juxta quod summus *Judex* etiam judicabit; partim per *Fidem* & *Pietatem* sinceram, quam *irridere* potius quàm *imitari* maluerunt *improbi*; partim per *Sententiæ Christi* *Judicis lætam Approbationem*; partim denique per *honorificam* apud *Judicem* *Collocationem*, *Psal.* xlix. 15. cxlix. 6—9. *Matth.* xix. 28. *1 Cor.* vi. 2. *Apoc.* ii. 26, 27. Ex quibus omnibus facile colligitur, quomodo in his *Verbis Patribus Messiaë Filii* Ejus *Comparantur*, & simul supra eos *Extolluntur*.

XXIV. II. Hos verò. *Præceptores Gentium*, *Victores Hostium*, *Terræ Dominos*, & *Judices omnium* in *Die Illo*, *Constitueret Rex Messias*. Non raperent hi sibi *Principatum* hunc, non suis *Meritis* acquirerent, non suâ *Virtute* *Terram* totam occuparent; sed *Merito Christi Mediatoris*, quo Ille *Regnum Potestatis* in omnia *Mediatorium* in *Suorum Bonum* consecutus est *Psal.* viii. 6, 7, 8, 9, omnia terrena ipsis, ipsorumque *saluti* inservire cogerentur. Cujus etiam *Virtute* *Mundum* sibi & *Patri* suo subjicerent *Doctores*, coll. *vers.* 4, 5, 6. *Psal.* viii. 2, 3. *Matth.* xxviii. 20. *Apoc.* vi. 2, 3, eumque per *Fidei constantiam* *vincent*

DE FILIIS PRO PATRIBUS FUTURIS. 299

rent omnes Fideles *Phil.* iv. 8. Cujus denique Auctoritate mitterentur qui ex Filiis Christi Legatorum apud Homines munere fungerentur ad promulgandas Leges Ejus *Joh.* xx. 21. *xxi.* 15, 16, 17. Et Qui tandem holce, ut & reliquos Filios suos omnes, antea judicatos, suos veluti Assessores in Judicio ultimo constitueret. *Matth.* xix. 28. *Apoc.* 11. 26, 27.

XXV. De *Implemento inchoato* hujus Vaticinii, a nobis in explicatione ejus subinde indicato, nemo dubitabit, si attendat: Tum ad Apostolos Jesu nostri, (quos ut *Pater* eorum per mortem suam redderet sed non relinqueret *Orphanos Joh.* xiv. 18.) & Apostolicos Viros, reliquosque Doctores Euangelii, qui præcipuum inter *Filios* Messiae, similes *Patribus* ejus futuros, locum obtinent, quique Ipsum per Euangelium suum *notum fecerunt* mundo *1 Cor.* 1. 23. *2 Cor.* 11. 14, & ut *Principes terræ* præcepta fidei & resipiscentiæ dederunt Gentibus, Satanæ regnum destruxerunt, Idololatriam paganam extirparunt, regnumque Christi ad fines terræ usque extenderunt *Rom.* xv. 18, 19. *Coloss.* 1. 6: Tum ad innumerabilem multitudinem *Christianorum* Credentium ex omni gente ac linguâ; per Quos Nomen Ejus ut *Patris* propagatum est in Mundo in hunc usque diem; Qui porro ut genuini *Filii* Patri suo *Similes* fuerunt, ut in afflictionibus, ita etiam in admirandâ patientiâ ac constantiâ fidei usque ad mortem; sic quoque sese ut *Principes* gerentes, & verè *Victores* Mundi Carnis & Satanæ existentes *Apoc.* vii. 9. 14; Qui præterea, *Variae Conditionis* ac fortunæ homines, & per *totam Terram* habitantes, per plura jam secula, & *duo ferè Millennia*, successione continuâ & nunquam abruptâ, Christo nati sunt, & nascuntur hodie; sic jam in longâ duratione *Patribus* Messiae aliquatenus similes facti. Ex qua inchoata Impletione Oraculi hujus, futurum ejus certò in omnibus reliquis implementum concludere licet.

XXVI. Magna est profectò *Felicitas & Dignitas* *Creden-*

tium in Christum Jesum. Hi sunt Filii Regis Tzijonis genuini, ut & Matris Ecclesiæ. Hi sunt Veri Filii Abrahami cum fidei Patriarcha illo benedicendi in æternum. Hi sunt Principes, reliquis mortalibus Præstantiores, & Reges Spirituales, non Servi sed Domini terræ, quibus omnia terrena, modis nobis occultis, inserviunt. Hi erunt Victores Satanæ & peccati in morte, imo ipsius mortis in die ultimo, quando dominabuntur Impiis, judicabunt mundum, cum Christo Rege & Patre sedebunt in Cælesti Throno, Cæli tertii & Paradisi incolæ erunt perpetui & beatissimi, Terramque etiam renovatam, impiis omnibus ex eâ extirpatis in æternum, hæreditario jure possidebunt, modo nobis incognito, juxta promissa *Psal. xxxvii. 9. 10. 11. 22. 27. 28. 29. Prov. 11. 21, 22. Matth. v. 5.* Sint coram mundo Contemptissimi, Peripsemata, Catharmata, Abominations & Opprobrium hominum; in oculis Dei & Christi sunt Reges, Principes, ac Præstantiores omnibus Terræ hujus Dominis, quorum & Judices erunt in die illo. Quod Fidelium omnium, & Speciatim Verbi Dei Ministrorum Consolationi etiam inservire debet, quorum Munus, præstantissimum certè, à multis hodie contemnitur, & qui ridentur à Sapientibus hujus mundi, quando hoc præsens nostrum Oraculum & similia Scripturæ Loca sibi & Fidelibus applicant. *Sicut quidam in hoc faceti esse volunt, sunt Verba Lutheri in Locum nostrum, ut, cum contemptissime de nobis loqui volunt, dicant, EST THEOLOGUS, quod nomen tantum eis significat, ac si dicant, FATUUS, & nescio quid. Sed sint beati, colligant opes & existimationem, videbunt tamen judicium Dei suo tempore, quod verum sit, quod hic Propheta dicit, CONSTITUES EOS PRINCIPES.*

XXVII. Sed si velimus hanc Felicitatem & Dignitatem Credentium nobis applicare ad Consolationem in Vita & in Morte, necesse est; ut Imaginem Patris nostri tanquam Ejus Filii Veram ubique & omni modo exprimamus; Ejus Virtutes Imitemur; Eum supra omnia Diligamus, filia-

DE FILIIS PRO PATRIBUS FUTURIS. 301

Iali timore ac obsequio Veneremur: Ejusque Gloriam filiali Zelo quæramus. Decet præterea hos Filios Messiae: ut Patribus Ejus similes fiant, Vestigia Fidei Abrahami, & Sanctitatis Ejus & Amoris Dei, & Abnegationis sui ipsius, premere conentur: ut sollicitè caveant ne Natalium Cælestium splendor & Principalis Eminentia, mundanâ filiorum hujus seculi vitâ, turpi facinore, imo ne quidem ullo putri sermone, obscurantur ac vilescant: ut præterea sese ostendant non Servos Terræ, Ventris ac Cupiditatum suarum, sed Dominos, imperent affectibus & concupiscentiis pravis, Rationem carnalem sese Revelationi opponentem in captivitatem, & Corpus peccati in servitutem redigant: ut denique Vivant in Mundo, non ei conformes esse studentes, non probantes ejus vanitatem & malitiam & perditos mores, non annuentes peccatoribus, neque cum iis currentes ad effundendam iniquitatem, sed ita inculpati & sancti, ut Mundum impium & incredulum Vitâ & Factis suis condemnare possint ut Ejus Judices futuri in die æternitatis. Denique & hoc decet Filios Regis Messiae, ut similes se præstent Patribus Ejus in Desiderio Adventus Ejus Secundi ac Gloriosi, & ut viva fide, firmaque spe expectent Eum. Veniet certò Dominus juxta promissa sua: Frustra Irrisores dicunt: *Ubi est pollicitatio Adventus Ejus? Non tardat Dominus promissum.* Si Filii Messiae Patribus Ejus in longa successione similes sint futuri; si aliqua sit proportio inter Dies Mundi hujus Primos & Ultimos, atque inter Horam Primam & Ultimam statuenda, ut decet, nondum venit Tempus Adventus Ejus. Citius Ille ad nos veniet in Morte, vel potius nos veniemus ad Illum, introducendi quoad animas immortales in Cæleste Ejus Palatium; Ubi Mille anni in oculis nostris erunt ut Dies unus. Redibit tandem ex Cælo, tempore a se præstituto, & assumet nos in corporibus glorificatis quoque, ut in æternum simus ubi Ille est. *Veni Domine Jesu!* Interim Expectemus Eum, & Oremus indefinenter Patrem nostrum, ut generet continuè novos Filios

quorum nomina sunt scripta in cælis, & ut inter Filios hosce suos semper constituat *Principes* illos, qui Leges suas fideliter dent populis, illisque adsit tua Virtute & Spiritu, ut tandem per eos reliquum Mundum sibi subjiciat per conversionem Judæorum & Gentium.

XXVIII. Sic Felicissimi hi Messæ Filii certi esse possunt: Ecclesiam Ejus mansuram in terris usque ad finem Mundi: se à Patre cælesti amandos & perpetuè in hac lacrymarum valle curandos esse: omnia sibi, Cohæredibus Christi & Terræ Dominis, cooperatura esse in bonum: Mundum se judicaturos esse, Satanam sub pedibus conculcaturos, mortem ipsam triumphaturos, & Cæli tertii incolas perpetuos futuros; ubi Regem hunc in omni Pulchritudine sua conspicient, & terram hanc longinquam, ad usus eorum incognitos renovatam, videbunt, *Jes. xxxiii. 17.* & sic omnia hæreditario jure *Apoc. xxi. 7.* possidebunt.

DISSERTATIO UNDECIMA

D E

MEMORIA NOMINIS MESSIÆ PERPETUA IN OMNI GENERATIONE ET GENERATIONE.

AD *Psal.* XLV. 18.

I.



in is ultimus omnium Operum Dei est Laus & Gloria Ejus, *Rom.* xi: 36: sive sint Opera Naturæ, *Job.* xii: 7 — 10. *Psal.* xix: 1, 2: sive Iræ *Prov.* xvi: 4: sive denique sint Opera Gratiæ erga Electos in Christo Jesu, , *Psal.* LXVIII: 27. CII: 19. *Jes.* XLIII. 21. LX. 21. *1 Cor.* vi: 20. *Ephes.* i: 4, 5, 6. *1 Pet.* ii: 9.

II. Hinc Auctor hujus Epithalamii in Clausula ejus promittit Filio Dei, Regi & Sponso Ecclesiæ, propter spirituale & æternum Conjugium cum illâ initum, *Nominis celebritatem perpetuam, Laudesque perennes*; per Filium ad Patrem, totamque Trinitatem redundaturas: Sic simul indicans Finem intentionis Adorandæ Trinitatis in hoc Opere Gratiæ, quem & certo assecutura erat, esse æternam Sponsi ac Sponsoris divini nostri *celebrationem*. Ex quo iterum sequitur, quòd Conjugium Salomonis cum Filiâ Regis Ægypti in hoc *Amorum Cantico* neutiquam sit laudatum; quia ex eo nulla laus nullaque gloria Salomoni competit, aut deferri debet: Qui cæteroquin propter insignem inprimis sapientiam laudem meretur, & celebratur in Mundo.

III.

III. Clausula hæc seu Epiphonema dirigitur, non ad Deum Patrem, multò minus ad Sponsam, ob genus masculinum heic rursus adhibitum; sed ad Messiam Regem. In cujus Explicatione considerabimus; I. *Quid* Auctor Divinus *Ipsemet facturus* esset ad Gloriam Regis nostri. II. *Quid* hoc *Operaturum* esset in populis, æternas nimirum *Laudes Ejus*.

IV. *Primum* ita exprimitur in fontibus Hebraicis אוֹכִירָה שֶׁמֶךְ בְּכָל דָּר וָדָר Quæ Hieronymus ita transtulit; *Recordabor Nominis tui in omni generatione & generatione*. Sed rectius Arias Montanus, *Memorare faciam Nomen tuum in omni generatione & generatione*; & Belgæ nostri, *Recordari faciam Nominis tui ab una quaque Generatione in Generationem*.

V. NOMEN Regis heic non est Ejus *Posteritas* spiritualis, laudata *Versu præcedente*; quamvis haud diffiteamur *Nomen* pro *Posteritate* aliàs sumi Deut. xxv: 6. 1 Sam. xxiv: 22. Job. xviii: 17. quia per eam conservatur *Nomen* Patris 2 Sam. xviii: 18. Neque est *Laus* Ejus, quia sic idem bis diceretur in hoc versu; *memorare faciam laudem tuam*; propterea populi laudabunt te: quamvis iterum concedamus *Nomen* sæpe pro *Laude* boni in Sacris; ut cum dicitur aliquis *Vir Nominis* Gen. vi: 4. Num. xvi. 2., *Nomen* habere 2 Sam. xxiii: 18: 22. *Nomen* facere alicui 1 Reg. i: 47, aut sibi ipsi Neb. ix: 10. Sed est: *Vel* Ipse Rex revelatus in Verbo & Opere suo, uti sic *Nomen* pro *Nominato* alibi ponitur Psalm. xx: 2, *in edito collocet te Nomen Dei Jacobi*, id est ipse Deus Jacobi: *Vel* Omne id quo *Innotescit* nobis in *Excellentia sua*: ut sunt; & Divinæ Perfectiones Ejus, coll. Exod. xxxiv: 6. Psalm. ix: 11. Prov. xviii: 10; & Operationes Gratiæ, in Sponsione Ejus, atque Obedientiâ Vicariâ, quæ supra vers. 3. & 8. laudantur, conspicuæ, coll. 1 Cor. vi: 11; & Verbum Gratiæ, coll. Psalm. lxxv. 2. Act. ix. 15, 16; & Tituli ratione divinæ & humanæ Naturæ ac Muneris Mediatorii Ipsi dati in Sacris, ubi appellatur *Elohim* Vers. 7, 8. *Jehova*, *Jehova Tzeboth* Jes. liv. 5. Jer. xxiii: 6, *Filius Dei* Heb. i: 4, 5. Ab, & Apoc. xix. 12, 13, *Filius hominis* per

per excellentiam *Psalms* viii. 4, 5, *Immanuel* *Jes.* vii. 14. *Admirabilis, Consiliarius, Deus fortis, Pater eternitatis, Princeps pacis* *Jes.* ix. 6: &c, *Vel* denique *Nomen* aliquod ipsi quodammodo *Proprium*, quo distingueretur ab aliis, & vulgò appellaretur; ut est *Nomen* *MESSIAS CHRISTUS*, ipsi inditum à Prophetis *1 Sam.* ii. 10. *Psalms* ii. 2. *Dan.* ix. 25, 26, & datum postea à Judæis & Gentibus *Matth.* xxvii. 17. *Job.* i. 42. &c: *Vel* tandem *Omne* hoc simul; quia *Prædicatum* permittit ut *Subjectum* hoc tam latè capiamus.

VI. *Hujus Nominis RECORDARI* est I. *Christum Cognoscere* in *Verbo* revelatum, quod in *Recordatione* supponitur, & decens est, atque necessarium ad salutem omni adulto *Jes.* liii. 11. *Job.* xviii. 3: II. *Fide* sincerâ Eum ut *Sponsorem* suum *Recipere* ad *Justificationem*, & se ad Eum ut *Dominum* ac *Regem* *Convertere* *Resipiscentiâ* seriâ, *Psalms* xxii. 28, 29. זכרו *RECORDABUNTUR* & *CONVERTENTUR* ad *Jehovam* omnes *fines terræ*: & incurvabunt se coram Te omnes *familie Gentium*. Quoniam *Jehovæ* est *regnum*: & *dominatur* in *gentibus*. *Zach.* x. 9. Et in *longinquis locis* זכרוני *RECORDABUNTUR MEI*. III. *Frequenter Meditari* de Illo cum *Admiratione*, *Delectatione* & *animi Consolatione* magnâ, quod decens, utile ac *jucundum* est, & fieri inprimis debet in *Lectiōe* & *Auditu Verbi*, ac *Sacramentorum* usu *Exod.* xx. 24. *Luc.* xxii. 19. *1 Cor.* xi. 24. Hinc *David* Verba זכר & הנה conjunxit ut *synonyma*, *Psalms* lxi. 7. Quum זכרתך recordor tui super *stratis meis*, in *vigiliis* אהנה meditor de te. IV. *Ipsū* & de *Ipsō Commemorare*; (quo sensu *Verbum* זכר sæpe venit) Tum se *Denominando* à *Nomine* *Ejus*: Tum *Ipsū* publicè *Prædicando* (*coll. Jerem.* xx. 9.), & liberè *Profitendo* coram *hominibus*, quod decet *Matth.* x. 32. *Rom.* x. 10: Tum in *Nomine* *ejus* solo *Deum* invocando & *veniam* petendo *Job.* xiv. 13, 14: Tum denique *admirabilem* *ejus* erga *peccatorem* *gratiam* *Enarrando* ac *Laudando* apud

Deum & homines, cum gaudio & gratiarum actione: *Cantic. 1: 4. נִזְכֶּרָה* COMMEMORABIMUS amores tuos meliores vino.

VII. Quoniam verò Auctor hujus Cantici, Verbo *נִזְכֶּרָה* sibi ipsi *Actum Recordandi* non tribuit, ut vertit Hieronymus *Recordabor*; (nam hoc Auctori Principali, qui Spiritus sanctus est, minus conveniret, & Auctor Ministerialis, sive David, sive Alius quidem Vir Dei, Homo mortalis, dicere de se non poterat; se in omni Generatione & Generatione, in hisce terris scilicet, recordaturum esse Nominis Messiae); sed *Productionem Actus* istius in aliis, utens forma *Hipbil נִזְכֶּרָה*, sensu transitivo, (uti alias sæpe sumitur 2 Sam. xviii: 18. Psalm. xxxviii: 1;) & cum ה paragogico sensum intendente: Ideo de *Auctore* heic loquente prius inquiremus; & deinde videbimus, quo sensu dicat *נִזְכֶּרָה* FACIAM RECORDARI Nominis tui.

VIII. Auctor minus principalis est Propheta aliquis, & fortè David. Hunc loqui existimant Nonnulli, ut *Basilius, Euthymius, Genebrardus, Bugenbadius*, in *Persona Sponsæ* seu Ecclesiæ, quæ nunc gratias ageret Sponso suo pro tantis beneficiis, & promitteret Ei, Se *Recordaturam* esse semper Ejus & Nominis Ejus, & Se *curaturam* ut hæc Nominis *Recordatio perpetua* esset, etiam per *prolem numerosam*, quam Ei Se parituram esse, per omnes Generationes usque ad finem sæculi, fortiter speraret Illa. Sed Alii Davidem loqui credunt in personâ suâ; ita ut ad Canticum hoc suum respiciat, per quod faceret homines *Recordari* Messiae, & *memorare Nomen* Ejus, per omnia secula usque ad finem mundi hujus; atque ita ut *Prædicat* simul *perdurationem* hujus sui Epithalamii *perpetuam*, ejusque *Usus* privatum & publicum in Ecclesia *Continuum*, ad Nominis Christi Celebrationem. Ita *Theodoretus, & Chrysostomus*, cujus hæc sunt Verba. Ὅρα ὃ πᾶς καὶ ἡ οἰκία προφητείας τὸ ἀρετὴς προφητείας. Εἰπὼν δὲ, μενομήσομαι τὸ ὄνομα τὸς σὺν πάσῃ γενεᾷ καὶ γενεᾷ, τῷ πρὶ ἐδήλωσε. Καὶ ἐγὼ παλάτιον. Φησὶν, αἰετὶ ἔσται.

ἀπομαί εἰς σέ, ἡ πελάτων. Τὸ μὴ ᾧ σῶμα ἀφελήσεται, πᾶς ἡ γέγραμματα μένει. *Vide quomodo suæ quoque Prophetiæ prædicit perpetuitatem. Cum enim dixit, Memor ero nominis tui in omni generatione & generatione, hoc significavit: Esi ego, inquit, mortuus fuero, te tamen cantabo vel moriens. Corpus enim dissolvetur, litteræ autem manent. Cui Prophetiæ cum respondeat Eventus in hunc usque diem, ex eo concluditur, hoc Amorum Canticum per Spiritum Sanctum, futurorum omnium præscium, inspiratum fuisse, atque Usus Psalterii Davidici in Ecclesiis esse Divinæ potius quàm Ecclesiasticæ Ordinationis. Confer, si placet, quæ hac de re observavimus in Dissertatione IV. ad Psalm. xxvi: 4. §. 1.*

IX. Sed Auctor Principalis est Spiritus Sanctus, quo alii Sancti Dei Homines loquuti sunt 2 Pet. 1: 21. & quo David actus fuit: Spiritus Jehovæ loquutus est in me, vel per me, & SERMO EJUS fuit SUPER LINGUA MEA, 2 Sam. xxiii: 2. Quem Principalem Auctorem Cantici hujus nunc loqui in hac Clausulâ, in Personâ suâ, judicant Alii. Et profectò non est insolitum in Psalmis; ut Spiritus Sanctus loquatur in Personâ suâ, ubi antea Psaltes nomine suo vel Ecclesiæ loquutus fuerat; absque ullo alio sui Loquentis indicio expresso, quàm quod ex Prædicatis colligitur. Hujus rei Exemplum extat; fortè in Psalm. xxxii: vers. 8; sed certè in Psalm. xcv. 7, 8, 9, 10, 11. coll. cum Heb. iii: 7 — 12. In quo Psalmo cum scripsisset Vates ex afflatu Divino Verba sua & Ecclesiæ; Cum ipse (sit) Deus noster, nos verè Populus pastus ejus, & Grex ductus ejus; mox subjicit Verba Spiritus Sancti sibi dictata: Hodie si vocem ejus audieritis. Ne obduvetis animum vestrum, ut (in) Contentione; ut die tentationis in deserto. Ubi tentaverunt ME majores vestri; probaverunt ME, etiam experiri sunt Opus MEUM. &c. Quod Spiritus Sanctus hæc loquutus sit, patet satis ex Verbis ipsis, & confirmatur Auctoritate Apostoli in Epistola ad Hebræos. Quapropter, inquit, sicut Dicit SPIRITUS ILLE SANCTUS, Hodie si

vocem ejus audiveritis. &c.

X. Et certè multò efficaciora sunt hæc Verba, & pleniorum sensum habent, si Spiritus S. ea loquatur, quàm si in Persona Davidis aut Ecclesiæ illa accipiamus prolata. Sonant enim idem ac si dixisset *Spiritus S.* hunc in modum. I. Ego efficiam, ut *Cognoscatur* Nomen tuum, & ut *Fide* Te recipiant Nationes, atque sese ad Te *Convertant*, Tuoque imperio se subjiciant, & ut Personæ Tuæ Excellentiam Gratiæque tuæ Magnitudinem *Meditentur* cum magnâ Admiratione & Delectatione incredibili. Idque efficiam, per Meam vorticordiam Virtutem; ut qui sum *Spiritus fidei* 2 Cor. iv: 13; & per *Canticum* hoc *Amorum* excellentissimum, totumque Verbum Propheticum atque Apostolicum, duraturum ad finem Mundi *Jes.* xl. 8. 1 *Pet.* i: 25, ex quo Cognoscent Gentes Te esse Messiam, Salvatorem Mundi, & Regem Ecclesiæ. II. Ego faciam ut *Prædicetur* Nomen tuum per *Custodes* illos Meos, qui *tota die & tota nocte non tacebunt*, sed *Commemorabunt* Te *Jehovam* *Jes.* lxii: 6. id est per *Præcones* Euangelii, quos Ego, *Dominus Messis*, mittam magno numero; coll. *Matth.* ix: 13. *Act.* xiii: 2. xx: 28. III. Porro Ego efficiam; ut Te *Dicant* *Jesum Dominum*, quod *Nemo dicere potest nisi per Me*, 1 Cor. xii: 3, & ut *Nomen* tuum liberè & constanter *Profiteantur* subditi tui, 2 Cor. iv: 13. absque pudore præpostero *Rom.* i: 16. & mortis metu, dum Ego *Spiritus Patris loquar in ipsis* *Matth.* x: 19, 20. Et præterea efficiam; ut *Nomen* tuum indefinenter *Invocent*, atque in *Nomine* tuo solo preces fundant, ut qui sum *Spiritus gratiæ & precum* *Zach.* xii: 10. *Job.* xiv: 13. *Rom.* viii: 26. *Gal.* iv: 6; & denique ut Tibi immortales *Gratias* agant pro omnibus Beneficiis tuis, à Te promeritis, & in ipsos collatis. IV. Imo tandem Ego *Curabo*, ut *memoretur* *Tuum*, O CHRISTE! *Nomen*, per *Filios* illos Tuos, Tibi *loco Patrum* tuorum *Futuros*, qui de *Tuo* hoc *Nomine* nominabuntur *CHRISTIANI*; ut solent *Filii*

Filii à Patribus suis denominari Gen. XLVIII: 16. Jes. XLVIII: 1, ut illud nempe perenne faciant Ruth IV: 11. Job. XVIII: 17. Jes. LVI: 4, 5. Quod Nomen CHRISTIANORUM accipient illi ex Meo Mandato & Impulsu, & propagabitur a Patre ad filium, quamdiu erit Sol. Atque ita habemus in hoc Oraculo Spiritus Sancti illustre Vaticinium de Nomine CHRISTIANORUM, quod gererent Filii Christi sub Novo Testamento. Hujus rei notabilis Primum fortè heic occurrit Vaticinium; sed non Unicum. Dantur & alia Loca Prophetica, in quibus hoc CHRISTIANORUM Nomen prædictum esse videtur. Huc spectant Duo apud Jesaiam Loca: Cap. LXII. 2. Videbunt enim Gentes Justitiam tuam, & omnes Reges Gloriam tuam, & INDETUR TIBI NOMEN NOVUM QUOD OS JEHOVÆ expresse nominabit: & Cap. LXV. 15. Et relinquetis nomen vestrum (JUDÆORUM scilicet) execrationi electis meis, quoniam morte afficiet te Dominus Jehovi; SERVIS VERO SUIS INDET NOMEN ALIUD, nempe CHRISTIANORUM. Ad quem Locum ita Cyrillus Hierosol. Catechesi. X. §. VIII. Sed dicet aliquis, καὶνὸν τὸ ὄνομα ἢ ξενιστῶν NOVUM est NOMEN CHRISTIANORUM, & antea non erat in usu, quæ autem nuper facta sunt, sæpe his, propter novitatem, contradicuntur. Præmunierat hoc Propheta, dicens: SERVIENTIBUS mihi vocabitur NOMEN NOVUM, quod benedicetur super terram. Quæramus ex Judæis: SERVITIS Domino, an non? Ostendite igitur τὸ ἔννομα ὑμῶν τὸ καὶνὸν NOMEN VESTRUM NOVUM. JUDÆI enim & ISRAELITÆ, a Moyse & aliis Prophetis vocati estis, & post reditum ex Babylone, & huc usque. πᾶ ἔν τὸ ἔννομα τὸ καὶνὸν Ubi ergo est NOMEN NOVUM? Nos verò posteaquam SERVIMUS Christo, habemus NOMEN NOVUM; Novum, quidem sed quod benedicetur super terram. Comprehendit Universam terram hoc Nomen &c. Inprimis huc spectat Oraculum Psalm. LXXII. 17. Erit NOMEN EJUS in seculum, quamdiu erit Sol יְהוָה יִפְּרֹץ FILIABITUR NOMEN EJUS; id est, PROPAGABITUR PER FILIOS generandos IPSI; seu SOBOLESCET, id est in Sobole IPSI

succrescente ut Patri succrescet & propagabitur & vivet *Nomen* Ejus, certum aliquod ac *Proprium*, quod per filios propagari & permanere solet, uti modò observavimus. Hunc Locum haud indiligenter tractavimus in *Nestorianismo & Adoptianismo redivivo Confutato*, Cap. xv. p. 350. — 369.

XI. Hoc omni modo *Recordari faceret Nominis* Messiae Spiritus Sanctus כָּל דָּר וְדָר IN OMNI GENERATIONE ET GENERATIONE, ut vertit *Hieronymus* ex Hebræo. Merentur hæc Verba paullo diligentius expendi à nobis, quia plus quam unum sensum, cumque satis commodum & aptum, admittunt. Nempe verti possunt: I. *In Omni* (seu qualibet nam כָּל distributive alias sumitur *Gen. 1: 29. vii: 21. Psalm. viii: 7.*) *hominum cohabitantium Societate & Societate*, id est quoad sensum, *per totum Orbem terrarum habitabilem*, Belgicè, *door vel in alle de werelts Kreytzen*, aut, *in alle de Gemeenschappen en Woonplaetsen der Menschen*. Nempe vox דָּר in primâ & formali significatione suâ notat id quod *rotundum* est. Quod meritò colligunt Eruditi; ex nominibus מְדִירוּת *Pyra* *Jes. xxx: 33. Ezech. xxiv. 9.* דִּיר *Pila* *Jes. xxii: 18. xxx. 3.* דִּיר quæ *Bocharto* *Margarita* est *Estb. 1: 6*; atque ex Verbo דָּר apud Chaldaeos frequentius, sed & in Sacris *habitavit* *Psalm. lxxxiv. 11.* nempe in *rotundis tentoriis, domibus, imo & pagis ac civitatibus, non obstantibus angulis quibusdam, extra globi formam excurrentibus*, uti scripsit *Gussetius*; qui & addidit; quoddam homines ita domos vulgo collocent, ut societatis partes sibi uniantur, & apem sibi invicem melius ferre possint. Unde Nomen דָּר significat Societatem hominum eodem tempore cohabitantium; vel in una Domo, vel Civitate, vel Regione, vel etiam in Regionum plurium Circulo; *Gen. vi: 9. Noach Vir justus integer fuit בְּדִירוּתֵי in societatibus* Hominum, suo tempore in tentoriis, pagis, urbibus, regionibus una habitantium. Confer *Exod. 1: 6. Num. xxxii: 13.*
Jud.

Jud. 11: 10, & Locum Esth. 18: 28. ubi vox בית; distincta à משפחה Familia, Tribu (coll. Judic. xviii: 19.) מדינה Regione, Provincia, & עיר Urbe; haud ineptè capitur pro hominibus in eadem Domo cohabitantibus. Hoc autem sensu heic prædicitur Extensio Ecclesiæ Christi per totum terrarum Orbem. In quo toto, non simul sed successive, Evangelium annuntiaretur, & Spiritus Sanctus, vi meriti Christi, operaretur in Electis ad salutem eorum; Ita ut nullus in terrâ angulus in fine mundi existeret, qui non aliquando luce Evangelii collustratus fuerit. Quomodo etiam intelligenda arbitror alia Vaticinia, quæ de extensione Regni Christi per totum terrarum Orbem, atque de Omnibus Regibus, ac de Omnibus Gentibus servituris Messæ, Psalm. lxxii: 11; Jes. 11: 2. & de Omnibus finibus terræ salutem Dei nostri visuris Psalm. xcvi: 3. &c. loquuntur. Confer Jes. lix: 19. Mich. v: 3. Malach. 1: 11. &c.

XII. II. In Omni Hominum Genere & Genere; Belgicè *By allerleye slach en soort van Menschen.* Scilicet quia Nomen בית ex origine notat Cohabitanter ac Vicinos; ideo etiam quandoque significat Homines inter se conjunctos & ab aliis distinctos, origine, moribus, ingenii, fortunâ, vitâ, legibus &c. Ita sumitur sæpè, Psalm. xiv: 5. Prov. xxx. 11—14. &c. Sic verò prædicitur Gratiæ Christi Extensio ad Omnis Generis Homines; ne quis existimaret Judæos Græcis Barbatis aut Scythiis, Divites Pauperibus, Sapientes Idiotis, Viros Mulieribus, Dominos Servis, præferendos esse in Regno cælorum. Concinnant alia Vaticinia plura Psalm. lxxxvii: 4, 5, 6. Jes. xix: 25. xlix: 6, 7. Zach. viii: 20, 21, 22, 23.

XIII. III. In Omni, seu Qualibet, Generatione & Generatione, seu in Omni & Qualibet Posteritate & Posteritate; Belgicè *In elken Geslagte en Geslagte; vel In elken Nakoomeling schap en Nakoomeling schap.* Quia Vox בית notat Unos habitantes, & quia inter illos sunt Patres & Filii & Nepotes; hinc quoque homines sibi succedentes juxta ordinem Generationis.

rationionis significat *Exod.* xii: 14. xvi: 33. *Eccles.* i: 4. imprimis ubi *alterius Psalm.* cix: 13: *tertiæ Deut.* xxiii. 8. *quartæ Gen.* xv. 16. & *decimæ Generationis Deut.* xxiii: 2, 3. fit mentio. Si quis, hoc sensu capiens has voces, existimaret Spiritum Sanctum *promittere*, Se in *Unaquaque Generatione Piorum*, vi meriti Christi, habiturum aliquos, quibus daret fidem in Christum salutarem; is quantum ad rem ipsam attinet, non abluderet ab analogia Fidei & Scripturæ, in qua *Semini Iustorum* gratia & salus addicitur *Exod.* xx: 6. *Act.* ii: 39. *Psal.* cxii: 2. *Generationsi rectorum benedicetur*, *Luc.* i: 50. *Cujus misericordia eis* *יְהוָה יְהוָה in Generationes Generationum*, id est filiorum filios, parata est *timentibus ipsum*. Sed dubito an liceat vocabula *דור ודור* Generationem & Generationem restringere ad Generationes *Iustorum*, ubi Spiritus ipse indeterminate loquitur. Præstat itaque ut statuamus sic *prædicere* Spiritum S. *Nomen* simul cum *Populo Christianorum* nunquam intermoriturum & delendum esse è terra, sed duraturum quamdiu homines erunt sibi juxta ordinem Generationis succedentes. Quod ipsum & alibi prædictum est *Psal.* lxxii: 5. *Timebunt Te quamdiu erit Sol: & durante luna, דור ודור GENERATIO GENERATIONUM*, seu GENERATIO GENERATIONI SUCCEDENS: & *Vers.* 17. *Erit Nomen ejus in seculum; quamdiu erit Sol, PROPAGABITUR, SOBOLESCET NOMEN ejus: & Psalm.* cii: 3. *Tu autem Jehova* (dictum hoc est Filio, coll. *Heb.* i: 8. 10, 11.) *in æternum permanes ודור ודור RECORDATIO TUI IN GENERATIONEM ET GENERATIONEM.*

XIV. In hunc ferè eundem sensum redibit Oratio; § IV. vertamus Verba hæc, *In omni Seculo & Seculo*, seu *in omni Ætate & Ætate*; Belgicè, *In elken Eeuw en Eeuw*, vel *in elken Leefstyt en Leefstyt*. Nam Vocabulum *דור* etiam notat *Tempus*, quia in illo est quædam *Rotunditas* quoque, in circulatione scilicet atque revolutione dierum mensium & annorum. Quare apud Ægyptios olim *Temporis* figura fuit *Serpens*, qui multis voluminibus se gyrat.

Sic

Sic sumitur vox Hebræa דור pro *Ætate hominis* *Jes.* xxxviii: 12. & fortè *Jes.* liii: 8; & similiter Græca vox γενεά *Act.* xiii: 36; quæ, uti apud exoticos scriptores *Seculum*, etiam longissimum notat, ita etiam in N. T. ponitur pro *Tempore præterito* *Act.* xiv: 16. xv: 21. *Ephes.* iii: 5. *Coloss.* i: 26. & futuro omni, *Ephes.* iii: 21. εἰς πᾶσας τὰς γενεὰς ὃ αἰῶν ὃ ἄ αἰῶν. in omnes ætates seculi seculorum. Unde & nostra phrasis בכל דור ודור, & ei analoga לדור דור usurpatur de *Duratione continua* usque ad finem Mundi, & ultra *Psal.* xxxiii: 11. cii. 25. cxix. 90. cxxxv: 13. cxlv. 13. *Tbren.* v: 19. Quo sensu, si heic etiam capiamus hanc phrasin, prædicatur *Continuatio* absque *interruptione*, & *Perpetuitas Ecclesiæ* Credentium, quæ Christum agnosceret, profiteretur ac laudaret, & *Nominis Ejus Recordaretur* continuè usque ad finem mundi hujus, & ultra. Cui Promissioni congruunt & aliæ supra laudatæ; ut & omnes reliquæ, quæ de *Perpetua* duratione Ecclesiæ veræ *Jes.* xxxiii: 20. ac Mediorum salutis *Jes.* lix. 21. *Zach.* xiv: 8. atque de Regni Messiae *Æternitate* loquuntur; non tantum in hoc Cantico *vers.* 7. sed & alias sæpe; tum in V. T. 2 *Sam.* vii: 12. *Jes.* ix: 5, 6. *Dan.* ii: 44. vii. 14; tum in N. T. *Luc.* i: 32, 33. &c. Quæ Regni Messiae *Perpetuitas* Causa est Longanimitatis Dei erga Mundum impium, 2 *Pet.* iii: 9. & ob quam terra stat in seculum *Eccles.* i: 4.

XV. Quoniam verò hanc *Recordationem Nominis* Messiae effecturus erat in Gentibus Spiritus Sanctus, non morali tantum Suasione, sed etiam physicâ vel potius hyperphysicâ & insuperabili Operatione ac Victrice Gratiâ suâ: ideo *Effectum* cum *Causâ* conjungens, ita pergit: על כן עמים יהודוך לעולם ועד *Propterea Populi Consitebuntur*, (vel laudabunt, celebrabunt) Te in seculum & sempiternum. Ubi loquitur de Populis: & indicat: Quid acturi sint; *Consitebuntur* Te, seu *Laudabunt* Te; Quamdiu; in seculum & sempiternum; Quare; propterea.

XVI. POPULI עמים, indefinite nominati sunt Omnes
R r Po-

Populi, seu omnia Genera eorum, *Judæi* non solum, sed & *Gentiles* עַמִּי dicti *Gen.* XLIX: 10; non tamen omnes & singuli, sed bene multi ex iis Electi, Redempti, Vocati, qui novum illum Populum Christi constituerent, de quo *Jes.* XLIII: 21.

XVII. Actio his tributa exprimitur Verbo יהודוך. For-
tè est allusio ad *Gen.* XLIX: 8, 9, 10. יהודה Tu (es) יודוך
Te laudabunt fratres tui, id est Messiam Filium illum Tuum
שילה, cui erit obedientia עַמִּי Populorum. Verbum הודה
notat *Confiteri* 1 *Reg.* VIII: 33, *Laudare Psalm.* LXXV: 2. *Gra-*
tias agere Jes. XII: 1. 4; quæ omnis significatio heic locum
habere potest. Sensus itaque est I. CONFITEBUNTUR TE:
Deum suum verum ac summum, abnegatis omnibus idolis
Psalm LXVIII: 20, 21. *Jes.* XXV: 9: *Messiam* promissum &
Mediatorem unicum, abnegatis omnibus Pseudo-Messiiis, &
fictis Mediatoribus, imo & typicis Sponsoribus Aaronicis,
ac Merito Patrum, omnique Justitia propria *Jes.* XLV. 23,
24, 25. LIII: 4, 5, 6. LXIII: 16. coll. *Heb.* III: 1: *Regem* suum
Æternum, abnegato omni Dominio carnis & peccati *Psalm.*
II: 10, 11, 32. *Hos.* III: 5, coll. *Psalm.* CXVI: 16. *Phil.* II: 9,
10, 11: *Doctorem* denique suum ac *Magistrum* summum, ab-
negata in Mysteriis revelatis omni Sapientiâ carnali ac Ratio-
ne finitâ sua, juxta Monita Divina *Deut.* XVIII: 15. 18. *Matth.*
III: 17. XVII: 5. XXIII: 8 — 10. Atque ita ore suo *Te Con-*
fitebuntur ad salutem, ut simul *Corde in Te credant ad justitiam*
Rom. X: 9, 10. II. LAUDABUNT TE: *Deum* supra omnia
benedictum in secula, & simul *Hominem* Verum ac *San-*
ctum; & sic ut *Hominum Pulcherrimum*, & *Immanuëlem*
ac *Goëlem* suum unicum: *Tua Beneficia*, a Te promerita
& ipsis collata *Psalm.* C: 1, 2, 3. CIII: 1 — 4. *Jes.* XLIII: 21.
1 *Pet.* II: 9. atque simul *Causam* illorum; tum meritoriam,
Tuam Obedientiam vicariam activam & passivam *Jes.* LIII:
4, 5. *Apoc.* V: 9, 10; tum impulsivam internam, incredi-
bilem nempe amorem Tuum *Ephes.* V: 2. 25. *Apoc.* I:
5, 6, ut & Patris Tui *Job.* III: 16. *Rom.* V: 8. VIII: 32:
Tua

Tua denique *Judicia* in hostes Tuos, Judæos, & Gentiles,
 & qui postea sub specie Christiani Nominis ac Vicarii Tui
 in Terris Tibi revera adversabuntur *Apoc.* xiv: 7: 8. xv: 4.
 Conf. *Psal.* vii: 14. Atque ita laudabunt Te, apud Deum
 & Homines, summa cum Admiratione ac Tui Veneratione
Psal. xxxv: 18. lxvi: 16. *Zach.* ix: 17. III. GRATIAS
 AGENT Tibi pro his omnibus, atque sacrificia *תורת* gra-
 tiarum actionis spiritualia Tibi offerent *Psal.* l. 14. 23.
Heb. xii: 15. Neque Ore tantum Gratitude suam te-
 stabuntur, sed Opere omni declarabunt Eam: de Commu-
 nione Tui supra omnia Gaudentes *Psal.* iv: 8, 9. cxlix:
 2. *Jes.* lxi: 10. *Phil.* iv: 4. 1 *Pet.* i: 8: omnis generis Adver-
 sitates Tui causa patienter & constanter Ferentes *Habak.* iii.
 17, 18. *Matth.* v: 11, 12. *Rom.* v: 2, 3. *Phil.* ii: 17. & jux-
 ta Tuam Voluntatem sese in omnibus Componentes *Psal.*
 l. 23. *Tzeph.* liii: 9. 2 *Tim.* ii, 19. Et hoc omne facient,
 non solum singuli per totam vitam suam terrestrem, &
 Ecclesia integra Militans per omnia hujus Mundi secula;
 sed & posthac Tota Ecclesia in cælis Triumphans in
 omnem æternitatem.

XVIII. Hinc additur *לעולם ועד* in SECULUM &
 SEMPITERNUM, sive IN ÆTERNUM ET USQUE, id est, in
 hoc & in futuro Seculo, in hac & in alterâ Vitâ; in Ter-
 râ hac & postea in Cælo, ubi *interminabilis* erit *æternitas*;
 quæ hisce Vocibus alibi exprimitur; supra *vers.* 7. & *Psal.*
 x. 16. xxi: 5. xlviii. 15. &c. Hujus rei *Fiducia* est in
 Fidelibus *Psal.* cxlv: 1, 2, & *Promissio* Spiritus Sancti
 infallibilis habetur in hisce Verbis. Quæ nititur, & im-
 mutabili Dei Electione *Ephes.* i: 4, 5, 6; & Filii sponso-
 ris æterna Redemptione, ac Perpetuâ Intercessione *Luc.*
 xxi: 32. *Heb.* vii: 23; & Spiritus Sancti efficacissimâ in
 Electis ac Redemtis Operatione salutari, Ejusque apud
 Ecclesiam Permanensione stabili *Joh* xiv: 16.

XIX. Hinc præmittitur tandem illud *על כן* PROPTEREA.
 Eodem sensu jam tertiâ vice recurrit particula *על כן*, po-
 sita

sita post Causam, & ante Effectum. Si David loqueretur in Persona sua, sensus esse posset. Quia Ego in hoc Cantico, quo utetur Ecclesia usque ad finem Mundi, laudavi Te, à Pulchritudine summâ, Sponsione benevola, Victoriis de hostibus reportandis, Æterno Solio, Vicariâ Justitiâ, Gloriâ Cælesti, Connubio spirituali cum fideli Animâ quacunque &c. *Propterea* Meo Exemplo moniti atque excitati *Populi laudabunt Te*. Quando hæc Particula **כִּן לַע** ad omnia ista præcedentia referretur, & à Causâ moraliter suadente Effectus deduceretur cum spe probabili. Sed quia **כִּן לַע** ad *Causam*, in proxime præcedentibus Verbis descriptam, heic æque ac *vers.* 3. & 8. respicit tantum; & quia Effectus hic certò prædicatur, præstat sanè ut à Causâ insuperabili virtute operante derivetur, & proinde ut statuamus *Spiritum Sanctum* loqui, hoc sensu. Quia Ego vorticordiâ meâ potentiâ Efficiam, ut Electi omnes ac Redempti *Recordentur Nominis tui*, Te Cognoscant, & Fide Recipiant, ac *Profiteantur & Laudent*; PROPTEREA *Singuli* perseverabunt in Fide & bono Opere, ac nunquam deficient in Terris *Te Celebrantes*: Et *Omnes* qui Te receperunt ac coluerunt, id facient in Cælis Glorificati sine fine & interminabiliter. Est enim inter Fidem Gratiae & Aspectum Gloriæ nexus inseparabilis, ex Patris Decreto immutabili, Filii Sponsoris Merito infinito, ac Meâ in Electis Habitatione perpetuâ, ac Operatione efficaci *Jes.* LIX. 21. *Job.* XIV: 16. *Ephes.* IV: 30.

XX. Continetur itaque hoc illustri Oraculo non una *Doctrina* Salutaris. Docet nimirum Spiritus: *Tum Extensionem successivam* Regni Christi, per omnia tandem totius Orbis terrarum Loca futuram: *Tum Perseverantiam* Fidelium singulorum, quos cum semel Recordari fecisset per veram fidem Nominis Christi, *propterea* illi in æternum Laudarent Eum: *Tum Indefeasibilitatem* Ecclesiæ Christi in terris, duraturæ per omnes Generationes & omnia secula usque ad finem Mundi: *Tum* esse nunc, & futuram esse olim Ec-
cle-

eleſiam *Triumphantem*, in cælis Deum & Chriſtum in æ-
ternum Laudaturam: Tum denique *Signa* inprimis *Meffiæ*; Cu-
 jus *Nomen* celebre foret in toto Mundo, per Miniſterium
 Verbi Ejus perpetuò duraturum, per Uſum hujus Epitheta-
 mii, & per Profeſſionem Credentium, qui Eum ut Immanuë-
 lem, & Unicum Mediatorem ſuum ac Salvatorem celebra-
 rent, & ab ipſo denominarentur CHRISTIANI; Quæ Signa
 in Jeſu Nazareno inveniuntur; a Quo denominamur CHRI-
 STIANI, *Aſtor. xi: 26*, quod Nomen, quo gloriatur, &
 quod absque Spiritus Sancti ſingulari directione nobis non eſt
 impoſitum, nondum deletum eſt è terra; Cujus etiam Præ-
 conium per Euangelium hætenus durat, ſucceſſivè in plu-
 rimis Orbis partibus auditum, etiam nunc in America præ-
 dicatum, ulterius certò per omnes Mundi regiones propa-
 gandum; & denique Cujus Eccleſia, quæ Ipſum ut Deum
 ſummum, promiſſum Semen Abrahami, unicum Mediatorem
 Sponſorem Caput ac Maritum ſuum quærit colit & vene-
 ratur, à Portis inferorum nondum eſt ſuperata, nec ſu-
 perabitur unquam *Matth. xvi: 18: Tum* tandem *Signa* veri
Chriſtianismi.

XXI. Nempe Veri *Chriſtiani: Cognoscunt* Chriſtum in
 omni Excellentia Ejus, ut ſibi Neceſſarium, cum omni
 Juſtitia Ejus ac Robore *Jeſ. xlv: 23, 24*, & ut ſibi ſuffi-
 cientiſſimum Salvatorem *Pſalm. lxviii: 20, 28. Jeſ. xxv: 9.*
Job. vi: 68, atque Eum Fiduciali amplexu ſuum eſſe volunt
 ac deſiderant: *Meditantur* de Eo frequenter cum admira-
 tione, æſtimatione, delectatione animi ac conſolatione in-
 credibili: *Commémorant Nomen* Ejus, non ſolum ſeſe ab il-
 lo denominando, ſed & in Nomine Ejus Deum continuè
 orando, atque dignè iſthoc Nomine vivendo 2 *Tim. ii: 19*:
 Denique, abnegata Juſtitiâ omni propriâ, carnis Concu-
 piſcentiâ, ac vanis Ratiociniis, Ipſum liberè *Proſitentur*
 Unicum Servatorem, Dominum ac Magiſtrum ſuum, abs-
 que præpoſtero pudore, aut puſilli animi metu: *Laudant*
 illum jugiter, Illiusque Beneficia ſupra omnia extollunt,

ac de Communione gratiæ Ejus summopere, etiam in afflictionibus *Jac. 1: 2*, lætantur: *Gratias* tandem Ei agunt, corde ore & opere, & propterea desiderant Gloriam cælestem, ut in eâ immortales Ipsi, sine intermissione, & sanctissimas, sine ullo defectu morali, *Gratias* referre possint.

XXII. Ex quibus *Signis* facile apparet, quod hoc Nominis *Christianorum* digni haud sint: *Qui* per Baalismum Pontificium, Sanctorum Sanctarumque cultum quotidianum, Nominis Christi Unici Mediatoris penitus obliviscuntur & oblivisci faciunt, coll. *Jer. xxiii: 27*: *Qui* per impiam & flagitiosam vitam aliis causam & occasionem præbent Blasphemandi illud Nomen Christi *Rom. 11: 24*: *Qui* Illud Nomen Unum datum sub cælo non invocant, nec per Illud ad Deum accedunt, Ejusque gratiam quærunt *Jes. lxiv: 7*: Imo *Qui* Illud proterve contemnunt *Malach. 1: 6*, nunquam cum laude aut gratiarum actione commemorantes illud apud Deum & homines *Amos vi: 10*: Et tandem ingraticissimi illi mortalium, *Qui* Evangelio Christi vocati & illuminati præ aliis Populis, nunquam tamen gratias Ei egerunt pro Magno hoc Externæ etiam Vocationis Beneficio. Hi sanè non sunt Christi, quia Spiritum Ejus non habent, qui recordari facit Ejus *Rom. viii: 9*. Et Horum Recordabitur Rex Messias, sed in irâ tremendâ suâ, quando per Judicia sua Justissima sese in iis gloriosum reddet.

XXIII. Quam iram Filii Dei si effugere velint; Recordari debent: Tum Miseriæ suæ naturalis quamdiu sine fide in Christum verâ vivunt *Job. iii: 36*: Tum Temporis Gratiae & Visitationis præsentis, ne illud absque fide & verâ resipiscentiâ præterfluere sinant: Tum Nominis Christi, seu Justitiæ Ejus Vicariæ ipsis necessariæ, & Evangelii Ejus ipsis hætenus prædicati: Tum Nominis *Christiani*, quod gerunt: Tum denique horrendæ iræ Divinæ quæ manet omnes non credentes in Filium. *Psal. 11: 12*: Ut
sic

sic hodie Fide Eum recipiant Sponsorem suum, Eique se subjiciant Magistro ac Regi suo. Et hunc in finem Orent Eum, ut eorum Recordari velit apud Patrem, & Spiritum suum mittere, qui faciat ut tandem *Recordentur verè Nominis* Messiae nostri, coll. *Jes.* xxvi: 13.

XXIV. Qui verò per Spiritus Gratiam *Signa* hæc, majori vel minori mensurâ, in se reperiunt: Humili animo Agnoscant Gratiam Spiritus Sancti, qui illos Recordari fecit Nominis Christi: Crescant in Cognitione Domini 2 *Pet.* iii: 18: Vivant continuè in Fide Ejus *Galat.* ii: 20: Meditentur jugiter cum admiratione & gaudio Personam, Officia, Status, Beneficia Mediatoris Divini: Nominis ejus Contumelias, Contemptum, Oblivionem apud plures acerbis lacrymis & cum animi dolore serio deplorent: Vivant dignè Nomine CHRISTIANI quod gerunt, ne propter eos unquam blasphemetur illud 1 *Pet.* ii: 12: Libere illud Profitentur absque metu hominum aut pudore præpostero: Lætentur Ejus communione magis quam ullâ re mundanâ vanâ & caducâ: Laudent & extollant Ejus Beneficia, ob Magnitudinem eorum, & Multitudinem, & Causam Meritoriam, & Particularitatem, & denique ob æternam Durationem, ut finem Electionis suæ, & Redemptionis & Vocationis sic assequantur, & cæleste Beatorum Opus in his terris inchoent: Orent denique Triunum Deum, & nominatim Spiritum Sanctum, ut efficiat tandem ut *Omnes* populi Christum laudent & colant: & Spe tandem certa Expectent cælestem Gloriam, ubi laudes nostræ erunt sanctissimæ & immortales. Quando & certi esse poterunt; quòd professurus sit Christus Nomina eorum coram Deo Patre suo, nunquam eorum obliturus *Jes.* xlix. 14, 15. *Malach.* iii: 16. *Heb.* vi. 10, sed in Vita, in Morte, & in die Resurrectionis universalis Recordaturus in omnem æternitatem.


DISSERTATIO DUODECIMA

DE

MOSE LEGISLATORE GRATIAM CHRISTI REDEMPTORIS IMPLORANTE.

AD *Psalm.* XC. 16, 17.

I.



Desiderium repente veniet in templum suum Dominus quem vos QUÆRITIS, & Angelus fœderis quem vos DESIDERATIS, (ὁ ἰμῶν θελῶν, LXX.), inquit Malachias Vates Cap. III. 1. Christus, qui *Desiderium* est omnium gentium Hagg. 11: 8. fuit quoque *Desiderium* Patrum sub V. T. omniumque Electorum ex *Israële*. Et quidem duplici modo. Desiderarunt enim Adventum ejus in Carnem ad Opus Redemptionis electi peccatoris perficiendum. Ita desiderarunt Eum, cum Abrahamo Patre credentium *Job.* viii: 56. multi *Prophetae Reges ac Justi Matth.* xiiii: 16, 17. *Luc.* x: 24. totaque Ecclesia *Judaica*, quæ *Gravida clamabat parturiens Apoc.* xii: 1, 2. Sed & Desiderarunt Gratiam & Gloriam omnem, sibi tunc applicandam, propter vicariam Satisfactionem ab Ipso, vi Decreti ac Promissionis immutabilis, certo præstandam, & propter Justitiam seculorum ab Ipso adducendam. Sic Multitudo Credentium Veterum utrumque illud, & ut *Messias* Causa salutis veniret, & ut ipsa Salus, ab Illo acquirenda & promerenda certò, sibi applicaretur, vehemen-

menter desideravit, *magis quam Custodes ipsum mane Psalm.*
 cxxx: 5, 6. Sic etiam moribundus Patriarcha Jacobus; &
 salutis Caussam, tempore præstituto venturam, semen il-
 lud Mulieris statim post lapsum promissum; & Salutem
 ipsam, sibi mox applicandam, flagranti desiderio expecta-
 vit Gen. XLIX: 18. *Salutem tuam expecto Jehova.* Sic quo-
 que Moses Legislator, una cum Populo Israëlitico, cu-
 jus ori indidit Verba, petit in *Textu* hæc Duo: nempe ut
 Opus Redemptionis peccatoris Electi per Messiam in postre-
 mis diebus peragatur, in *versu* 16. **ראה אל עבדך פעלך**
והדרך על בניהם *Appareat Servis tuis Opus tuum, & glo-*
ria tua, vel decor tuus, super filios illorum: deinde ut vi Re-
 demtionis & Lytri à Messia certò solvendi sibi & populo
 credenti concedatur omnis illa Gratia & Gloria à Sponsore
 promerenda, in *versu* 17. **יהי נעם יהוה אלהינו עלינו**
ומעשה ידנו כותנה עלינו ומעשה ידנו כוננה:
Et sit
Amœnitas, vel Amabilitas, vel Gratia Domini Dei nostri su-
per nos, & opus manuum nostrarum fac stabile super nos: &
opus manuum nostrarum confirma illud!

II. Sic supponimus hanc esse *Orationem* Mosi Legisla-
 toris, qui eam simul *Populo Dei* conscripsit, ut uteretur
 eâ in Fide ad consequendam salutem æternam. Et meritò:
 nam ita habet expresse *Inscriptio* hujus Psalmi *Hebraica*
תפלה למשה איש האלהים *Oratio Mosi Viri Dei.* Præ-
 fixum *Lamed* in *Lemosche* heic non est nota *Dativi*, & *Ob-*
jecti, in cujus gratiam & usum conscripta esset hæc Ora-
 tio; ut *Lamed* accipi posset in *Inscriptione* Psalmi cxi.
תפלה לעני, & sicuti in *Versione Græca* hujus nostri ti-
 tuli, quæ extat in Exemplari Alexandrino, accipitur,
ἡ προσευχή Μωϋσῆ τοῦ ἀνθρώπου τοῦ Θεοῦ. Nam nullum commodum sen-
 sum haberet hoc modo hæc *Inscriptio*: sicuti patet ex glossis
Interpretum; quorum Alii dicunt esse *Orationem pro Mo-*
se, id est *populo* Israëlis, cujus ille Dux & pars præstantis-
 sima fuit; Alii verò esse *Orationem pro Posteris Mosi* con-
 sectam, eisque traditam, ut eam decantarent in Sanctuario,

conferentes locum 1 *Chron.* xii: 27. ubi *Abaron* pro filiis ejus ponitur. Verum præfixum *Lamed* est heic nota *Genitivi*, & *Auctoris* hujus Orationis; uti recte translatus est hic titulus in *Versione Græca*, quæ habetur in *Exemplari Vaticano*, *ἡ ὁμιλία τοῦ Μωϋσῆ ἀνθρώπου τοῦ Θεοῦ*. Unde Hieronymus in *Epist. ad Cyprianum*; *juxta LXX. Oratio Moyfi hominis Dei*. Quod etiam secutus est *Interpres Vulgatus*. Certè eodem modo hic *Titulus* capi debet, ac ille, *תפלה לדוד* *Oratio Davidis Psalm.* xvii. & lxxxvi., & *תפלה להבקוק* *Oratio Habakkuki Hab.* iii: i. Utrobique enim est, vel *Enallege* status absoluti pro constructo, vel per *ellipsisin* & *שיש למשה* legi debet *תפלה*, & *שיש לדוד* *Oratio*, quæ est *Mosis*, *Oratio*, quæ est *Davidis*, uti bene adnotatum est à *Sontagio de Tit. Psalm.* p. 244. Quemadmodum igitur nemo dubitare potest, quin *Oratio Davidis & Habakkuki* sit *Oratio* a *Davide & Habakkuko* composita: sic & nobis dubitare haud licet sensum hujus *Inscriptionis* esse, quod *Moses* sit *Auctor* hujus *Orationis*. Et quidem Ille *Celebris Legislator*, non alius aliquis *Propheta* ejusdem nominis, diversus ab Illo *Principe & Liberatore* *Israëlis*, de quo confictio *Mose* heic somniarunt nonnulli. Epitheton *איש האלהים* *VIRI DEI* nos quoque ad nullum alium quam ad excellentissimum illum *Prophetam* ducit, qui isthoc *Elogio Viri Dei* sæpius insignitus legitur *Deut.* xxxiii: i. *Jos.* xiv: 6. 1 *Chron.* xxi: 14. 2 *Chron.* xxx: 16. Hic porro *Magnus Propheta Moses* hujus *Orationis Auctor* sic perhibetur, non modò *ratione materiæ & doctrinæ contentæ*, de *creatione Mundi & ira Dei* propter *peccatum hominis*; nam sic plures *Psalmi* ob eandem *doctrinam* ex fonte *Mosis* haustam, ipsi *inscribi* deberent: sed etiam & magis *ratione formæ & compositionis*. Neque hujus *Orationis Auctor* sic ponitur *MOSES*, *juxta erroneam Judæorum quorundam opinionem*, qui *serioribus temporibus* hunc *Titulum* *Psalmi* huic præfixissent; sed *secundum rei veritatem*.

III. Leontius Byzantinus contra Nestorium *Lib. 111. Num. 15.* de *Theodoro*, ut putem, *Mopsuesteno*, plurimorum errorum Patre, refert, quod *Inscriptiones hymnorum & Psalmorum & Canticorum* penitus ejecerit, nempe ut mere humanas, a Spiritu Dei neutiquam profectas, & proinde non authenticas. In quo, si ad Titulos Psalmorum in Codice *Hebraico* repositos quoque respexerit, non solum *temerarius* fuit ex judicio *Theodoret*, sed & falsus. Idem tamen cum *Theodoro* & quidem aperte asserere haud dubitavit Vir Doctus & litteratus *Esromus Rudingerus*, gener quondam Joachimi Camerarii, qui vivo adhuc Philippo Melanithone in Academia Witebergica Philosophiam & Græcas literas docuit, postea in Moraviam translatus, *Euanzizii* ludo litterario Fratrum Bohemicorum præpositus, conscripsit *Paraphrasin Psalmorum*, quæ edita est Anno D. MDLXXXI. In *Protbeoria* ad *Lectionem Psalmorum* priori Tomo præfixa ita generatim de Titulis Hebraicis scripsit: pag. 13. *Davidem quidem ipsum nullius inscriptionis auctorem esse nemo dubitat: & p. . Inscriptiones, & tituli, sunt incuriosiores, imprimis in Chronicis, qui obscuritatem etiam insuper habent magnam & inexplicabilem, ipsis etiam Hebræis fatentibus. Hoc quidem res ostendit, & declarabitur sæpe, ut ordinem nullum in Psalmis collocandis servatum, ita in titulis horum nimis incuriose esse annotata & omissa omnia, non tantum in recentiore libro, quo Græci usi videntur, sed in Hebræo etiam antiquiore illo, quem hætenus omnes sequimur: & p. 12. Nequaquam igitur alienum fuerit suspicari à primis Collectoribus, Esdra & aliis, omnes Psalmos sine ulla inscriptione, ulloque titulo auctoris, temporis, aut modorum editos, & posteriorum, atque Grammaticorum esse commenta, inscriptiones universas, cum non doctissimi homines, aliquorum tempora & auctores parum feliciter inquirerent, & suorum temporum in templo Musicæ, prisca illa accommodarent. De quibus diversorum diversas conjecturas fuisse etiam ea arguunt, quæ Græci in suo libro Hebræo Psalmis aliquibus præscripta repperunt,*

Et in græcam linguam transtulerunt. Nam Esdræ talia ὀφείλουται tribuere alienissimum fuerit, ut supra monuimus. Confirmat hanc conjecturam hoc etiam quod Arabicus Interpres in suo libro nihil reperit annotatum, ut puto, quod præscriberet, apud quem sine titulis sunt universi, ut dictum est: & denique p. 13. Ego quidem sic suspicor, quorum Psalmorum auctores exquirere non potuit, Et ignoravit prisca etiam illa posteritas, post Esdræ tempora, eos illam vel Davidi, vel Salomoni, vel Coraidis, vel Asapho, inscripsisse, etiam Heman, Et Ethani, atque Mosi etiam, cum non essent ex antiquitate tota noti nobiliores Psalmigraphi alii. Non dissimili modo ab eo, quo Græci ad Palladam retulerunt, eique inscripserunt epigrammata ea, quorum qui autor esset, non constabat, quod Palladas esset in eo genere celeberrimus omnium. Ibidem de hoc nostro Psalmo xc. speciatim dicit pag. 8. Nonagesimus Mosi inscribitur, etiam ab antiquis, falsò, sine dubio: & p. 10. Qui autem Mosi adscribitur in veteri libro, numero xc, quid habet Mosaicum? aut cui hoc persuaserit Autor tituli illius Judæus, Mosi esse eum. In Explicatione Paraphraseos hujus Psalmi xc, atque in Argumento ejus ita porro loquitur. Mosi tamen Psalmum non esse, mihi quidem est indubitatum. Et: Nequid tamen dissimulem, sicut alias multas aliorum Psalmorum Inscriptiones alienas esse demonstravimus, neque ab antiquitate prisca, sed posterioribus Judæis, non satis doctis, ideoque audacioribus factas, νεπαλαίαιas esse, ita hunc etiam Psalmum, cum titulum non haberet, ab aliquo in cogitantiori Mosi inscriptam puto, neque priscam antiquitatem hoc unquam sensisse. Neque pro Mosaico eum habere possum, neque magis est Mosaicus, quam xc i i. Adamicus. Inquo ad stipulatorem habeo Augustinum. Et potest fieri, ut is idem, qui hunc Mosi inscripsit, illum etiam Adamo tribuerit. Verisimilius multò fuerit, magisque consentaneum, Antiochici temporis Psalmum esse existimare. Cujus conjecturæ de Antiochico tempore quo confectus fuerit hic Psalmus, nullum aliud fundamentum reperi apud Rudingerum, quam hoc, quod versu

DE MOSE GRAT. CHRISTI IMPLORANTE. 325

versu 15. agatur de certis quibusdam diebus & annis, quibus afflicti fuerant, & malum viderant. Nam ad hunc versum hæc adnotavit Ille. Sed Mosaicum non esse non dubito, & Davidico etiam tempore recentiore. Macchabæos autem exercuerunt 25 annorum persecutiones. Quemadmodum etiam unam rationem modò ab ipso adductam video, ob quam Mosi abrogat hunc Psalmum, (quem tamen nihil habere Mose indignum ipsemet fatetur), nempe hanc quam petit ex versu 10, & his verbis proponit. Me quidem etiam versus 10 dubitare facit, an sit Psalmus Mosaicus, cum Mosi ætate nondum ita defecerit ætas hominis, ut maxima esset octogenariorum.

IV. Verùm alii Viri Docti ac Pii Titulorum hebraicorum Psalmis præfixorum *Authenticam* agnoverunt, & haud contemnendis argumentis probaverunt; quæ videri possunt apud *Sontagium de Tit. Psalm. p. 4. 8. & Carpzovium in Introductione ad Libros V. T. Poeticos p. 128, 129.* Mihi persuasum est, Inscriptiones Psalmorum Hebraicas, ut partem Canonis, ab Ecclesiâ Judaicâ, cujus fidelitas in asservando & custodiendo Canone laudatur in N. T., nobis esse traditas. Gratus agnosco Dei Bonitatem, qui Psalmis plurimis Titulos præfigere jussit, quibus Ecclesiam de Auctoribus secundariis, de Occasione scriptionis, Argumento & Dignitate Psalmorum monere voluit. Neque me de horum Titulorum Origine ac Auctoritate Divinâ dubitare faciunt Psalmi ἀνεπίγραφοι, numero viginti quinque; non magis quàm Epistola Pauli ad Hebræos, Inscriptione destituta, me movet ad dubitandum de Inscriptionibus reliquarum Epistolarum ejus, quibus se ipsum Auctorem earum declaravit. Et fortè Deus voluit quosdam Psalmos tantum, non omnes nomina Auctorum titulis præferre, ut doceret fidem Divinitatis Scripturæ ab Auctoribus secundariis non pendere. *Incuriosiores* esse titulos illos, imprimis in *Cronicis*, audio quidem dicentem *Rudingerum*; sed minimè probantem quod dicit. Respexit sic maxime, ut puto, ad

Psalmum LX. sed attente legens & relegens quæ scripsit ad illum Psalmum, nihil solidi offendi quod me coëgit dubitare de Tituli auctoritate. Repetit quidem in *Protheoria* jam dicta; sed de titularum hebræorum *Chronicis notationibus*, cur dubitetur, causæ multæ sunt; Verum has causas non indicat. *Obscuritatis* præterea incusat Titulos Psalmorum, ut eorum auctoritatem elevaret. Sed hæc si obtineat in quibusdam titulis, qui Musicam & canendi rationem docent, non tamen in omnibus æque locum habet. Et hæc, quæ nunc nobis sunt obscura, olim Ministris Sanctuarii satis clara ac perspicua fuerunt, quibus in cultu Dei Israël solenni tunc inservierunt. Et denique *difficilia* quædam in Epistolis Paulinis harum divinam originem & auctoritatem non tollunt. *Alienos* quoque esse quosdam Titulos ait *Rudingerus*, quia scilicet Auctorem produnt, quem Psalmi Argumentum & Verba apertè respuunt. Uti *Psalmus* LXVIII. *Davidi* adscribitur in Titulo, sed *Templi* mentio *vers.* 30. Titulum erroris convincit. *Cum vers.* ut nos numeramus *XXIX*, inquit *Rudingerus*, diserte *Templi* mentionem faciat, convinci ex hoc videtur, *Psalmum Davidicum non esse*, cujus tempore Templum non fuit. Itaque in hoc etiam *Psalmo* a titulo *Hebræo* recedere cogimur. Similiter *Psalmus* LXXIV. dicitur esse *אֲשָפּוּל*. Sed *Asaphi* Davidici, de quo 2 *Chron.* *XXIX*: 30., & quem titulus respicit, esse nequit, quia *versu* 9. dicitur non est amplius *Propheta*. Ex quo infert Vir Doctus Psalmi hujus Auctorem non esse temporis Davidici, vel exilii Babylonici, sed *Antiochici* & *Maccabæorum*. coll. 1 *Maccab.* *IV*: 46. *IX*: 27. Malè profecto: quasi Auctor Principalis horum Psalmorum particularia quædam Ecclesiæ fata non præviderit, atque ex prævisione infallibili prædicere non potuerit, coll. 1 *Maccab.* *VII*: 16, 17. Et periculose sic preffit Doct. *Rudingerus* vestigia impii *Porphyrii*, qui ideo tantum contra Daniëlis Prophetiam calamum suum strinxit, quod evidentia illius convictus, animadvertit, non futura in eo prædici, sed præsentia nar-

rari, ut ait *Hieronymus* in Præfat. in *Danielem*. Quemadmodum & imprudenter plurimos *Psalmos Antiochici & Maccabaici* temporis esse contendit, idem *Rudingerus*, quando *Spiritus Prophetiæ & afflatus Prophetici* deficiebant. Denique provocat sæpius ad *Arabicum Psalmorum Interpretem*, apud quem sine titulis sunt universi *Psalmi*, quia, inquit *Rudingerus*, in suo libro nihil reperit annotatum, ut puto, quod præscriberet. Respicit ad *Psalterium Arabicum*, vel quod *Episc. Nebiensis*, vel quod *Gabriël Sionita* edidit, de quo utroque testatur *Clar. Hottingerus* in *Thes. Phil. p. 499.* quod *Interpres neque Psalmorum ἱμνῶν, neque instrumentis Musicis expressis, ad ipsam statim textus Davidici translationem accesserit.* Sed vana est hæc *Rudingeri* conjectura, quod hoc fecerit *Interpres* quia in suo *Codice Hebræo* Titulos præpositos non inveniebat. Incertum est an ex *Hebræo* versionem suam instituerit. *Exprimit*, inquit *Cl. Hottingerus p. 278.*, sæpiissime editionem *Græcam*. Haud est probabile *Interpretem* illum incidisse in *Codicem*, & *Hebræum & Græcum*, qui uterque Titulis *Psalmorum* erat destitutus. Aliâ itaque de causâ Titulos omisit Ille. Et quam parum fidat huic suæ conjecturæ *Vir Doctus*, ostendunt satis ejus Verba ad *Psal. LX: pag. 151.* *Et minimè improbo in Arabico Interprete, quod nullos titulos suæ Conversioni præposuit, sive ipse proprio judicio hoc fecit, sive liber de quo convertit, titulos nullos habuit.*

V. Sicuti ergo Tituli *Psalmorum Hebraici* pro authenticis haberi debent, ita & speciatim hæc *Inscriptio Psalmi xc. Oratio Moſis Viri Dei.* Quam *Hebraicus Codex* exhibet, & *Versio Græca antiqua* translatam ex *Hebræo*, quia in *Codicibus Hebraicis*, communi *Ecclesiæ Judæicæ*; cui haud multo ante *Esdras* cum reliquis *Prophetis* contemporaneis præluxerat; consensu comprobatis invenerant *Auctores* ejus. Cujusque authenticam non quidem negavit *Augustinus*, sed sensum ejus depravavit; negans

Molen

Mosen composuisse eam. Cum tamen alium sensum habere nequeat, quam quod Moses sit *Auctor Ejus*, & quoad Materiam & quoad Formam, uti supra dictum est. Quod quia sibi persuadere non poterant Aliqui, quia *Augustini* Aliorumque eum sequentium Expositionem coactam & alienam deprehendebant; hinc Tituli hujus *avbēliav* rejecerunt, à Mose, Davide, Esdra appositum negarunt, sed cuidam post Esdræ tempora incogitantiori *Judæo* cum *Rudingero* adscripserunt. Rationes verò, ob quas fidem *Hebraicæ Inscriptioni* abrogant, sunt quidem numero plures, sed pondere leves, nec ullo modo nos cogunt, auctoritatem ejus in dubium vocare. Et Primò quidem dicunt, non esse *Mosis*, quia non habetur in Pentateucho, nec ulla ejus, ut à Mose factæ & Israeli præscriptæ, ibidem occurrit mentio. Hauserunt hoc ex *Augustino*, qui in Enarratione hujus Psalmi ad *vers* 1. ita scripsit: *Non enim credendum est ab ipso omnino Moyse istum Psalmum fuisse conscriptum, qui ullis ejus litteris inditus non est, in quibus ejus Cantica scripta sunt.* Sed hæc ratio invalida mihi videtur. Non scripsit Moses omnia, & cum omnibus circumstantiis, in Pentateucho suo, quæ gesta sunt in *Ægypto* & deserto. Non commemoravit nomina Magorum *Jannes* & *Jambres*, qui obstiterunt ei in *Ægypto*, de quibus Paulus *2 Tim.* iii. 8. Neque in Pentateucho occurrunt illa Mosis in deserto verba pronunciata *Expavescatus sum & tremebundus*, quæ idem Paulus *Heb.* xii. 21. litteris consignavit. Neque habetur ibi *Prophetia Henochi*, quam Apostolus *Judas* ex afflatu Spiritus Sancti Divinam esse agnovit, & *Epistolæ* suæ inseruit. Nulli tamen dubitamus, ob silentium Mosis de his omnibus, de authentia narrationis Apostolicæ. Sic etiam nobis dubitare non licet de *authentiâ* hujus *Tituli*, qui Mosis adscribit hanc Orationem; quia de illâ satis contitit Collectoribus Psalmorum, vel Davidi, vel Esdræ, vel Aliis ante Esdræ Viris Dei, etsi Moses ipse in Pentateucho illius nullam mentionem fecerit. Scilicet *Prophetæ olim, a Spiritu Dei acti 2 Pet.* i. 22, illa

illa tantum inferuerunt Canoni Scripturae, & illo tempore, quae Spiritus volebat, & quando Spiritui placebat. Similiter & Euangelistae multos conscripserunt Sermones Domini, non tamen illis permisit Spiritus Sanctus ut referrent dictum illud Domini, *Beatum est dare potius quam accipere*; quod Paulus adduxit, & ab Luca in Actis literis demandatum est *Act. xx. 35*. Optime Henr. Mollerus de titulo Psalmi hujus. *Ego cur titulum immutem causam non habeo. Video enim complures Psalmos in hunc librum esse congestos, cum a Davide tum ab aliis compositos: quorum tamen in historiis sacris, ubi res gestae recitantur, nulla sit mentio. Horum auctoritatem si elevare hoc Augustini argumento velimus, vix unus atque alter Davidi erit relinquendus.* Deinde ajunt quod Ordo Psalmorum obstat Tituli Auctoritati. Si enim praenominati illi Collectores Psalmorum credidissent, inquirunt, hunc Psalmum verè esse Mosaicum, omnibus reliquis ut antiquissimum illum praeposuissent, & primo loco collocassent, non post octoginta novem alios recentiores praemissos. Verum & hac ratio minimè stringit. Conciones Jeremiae, quas omnes divinitus inspiratas esse, & a Jeremia conscriptas, nemo dubitat, non sunt eo ordine digestae, quem tempus, quo editae sunt ab illo, postulabat, sed deprehenditur in iis *αὐτῶν ὅτερον* & *ὅτερον αὐτῶν*. Postquam enim recensuit excidium templi & regni Zedekiae exitum, redit ad narrationem gestorum regis Jehojakim, qui tamen Zedekiam praecessit. Certè in digestionem Psalmorum ordinem temporis, quo compositi sunt singuli, non fuisse observatum, liquet cum ex aliis bene multis, tum ex Psalmo III. & LIV, atque ex Psalmo LXXII, (quem circa inaugurationem Salomonis factum atque ad ultima Davidis verba referendum esse meritò judicant,) collato cum Psalmo CX, quem Davidis esse constat ex N. T. Collecti itaque videntur, atque hac serie dispositi, juxta ordinem temporis, non quo facti sunt; sed quo citius vel serius in manus Ministrorum Sanctuarii venerunt;

runt ; aut quo successive in Templo solenniter decantari solebant , juxta conjecturam *Huetii* in *Dem. Euang. Prop. IV. Cap. de Lib. Psalm: §.iv.* ubi scribit ; eo ordine fuisse ab *Esdra* & *Synagoga magna* digestos Psalmos, quo in Templo canebantur , prout nempe vel anniversariæ festivitates , vel sacrorum ratio postulabat. Atque inde esse, conjicit , quod collocatæ ab *Esdra* in ordinandis Psalmis operæ *Ebræi* non meminerunt : quippe Psalmos neque ipse, neque *Synagoga magna* digessit, sed quem in iis servari solere comperit ordinem, eundem retinuit. Addunt alii in coordinandis saltem quibusdam Psalmis ad aliquam argumenti cohærentiam respexisse Collectores. Quemadmodum *Eusebius Cæsariensis* scripsit, sibi videri hanc orationem *Mosis* post Psalmum LXXXVIII (LXXXIX) in quo de semine *David* & throno illi promisso prænunciantur multa, positam esse non sine consilio, quia scilicet Collectores Psalmorum *Populi Israelis* post *Adventum Domini* abjectionem finalem subindicare censebant. In quo tamen sequi ipsum nequeo, quia *Moses*, non in Persona populi hodie abjecti, ut vult *Eusebius*, sed olim in *Deserto* oberrantis & cum magnis calamitatibus conflictantis, loquitur. Tandem, ut alias levissimas rationes nunc præteream, quid habet *Mosaicum Psalmus xc?* rogat *Rudingerus* ; imo addit, habere aliquid quod *Mosis* temporis manifestè repugnet, nimirum *vers. 10*, ubi maxima ætas hominis statuitur esse octogenarii, cum tamen *Moses* & *Aharon* octogenarii erant ambo cum ad Regimen *Populi* & Sacerdotium a Deo vocabantur : & non sit credibile, electos à Deo fuisse ad hæc gravissima munera homines decrepitos, sed quorum ætas adhuc satis vicens matura atque ad res magnas gerendas satis apta erat atque idonea. Idem urget valdè *Bellarminus*. In hoc *Psalmo*, inquit, definitur vita hominis, ut plurimum annis LXX & in robustioribus annis LXXX : at *Mosis* tempore plurimi centesimum annum transcendebant. Ipse enim *Moses* obiit annorum cxx &c. Ad hoc argumentum respondent nonnulli, quod *Moses* ut *Propheta* præviderit sequentibus

bus temporibus homines haud ultra septuagesimum vel octogesimum annum *in Vigore* mansuros esse. Sed hæc responsio non placet, quia non agitur de Vigore sed *extrema duratione vitæ*, neque de Universi generis humani calamitatibus, sed *Israelitarum* in Deserto; quorum illi, qui post illam Dei sententiam, Num. xiv: 29 — 34 anno secundo post Exitum latam, trigessimum aut quadragesimum annum attigerant, Lxx tantum, vel ad summum Lxxx annos, vel paullò ultra, vivere poterant. Retorquemus itaque hoc telum in Adversarios, atque ex hoc *versu* 10. colligimus potius hunc *Psalmum esse Mosaicum*, atque ori Israelitarum esse inditam a Mose hanc Orationem, in quâ conqueruntur de hac calamitate *sua*, *sibi propria*, cui simile nunquam in ulla gente aut ætate hominum fuerat aut futurum erat Exemplum; dicentes singulari cum emphasi, *Dies ANNORUM NOSTRORUM*; quomodo se manifeste ab omnibus aliis populis reliquisque mortalibus distinguunt, de quibus in *tertia persona* locuti fuerant *vers.* 3, 4, 5, 6, vitæ eorum brevitatem ac calamitatem commemorantes. Quando ergo rogat *Rudingerus*, *quid habet Mosaicum* Psalmus iste xc. respondemus ipsi; hoc habet *Mosaico tempori* plane *peculiare & proprium*, quod in *versu* 10 narratur: ad quod etiam respiciunt *dies & anni* illi *certi* magnæ afflictionis populi, qui nominantur *vers.* 15; & qui sunt, non 25 anni persecutionis Antiochi Epiphanis, ut inepte vult *Rudingerus*, sed 40 anni, quibus pœnam iniquitatis suæ ferre debebat Natio deserti illa ferox & immorigera Num. xiv: 33, 34. Præterea habere *aliquid Mosaicum* hunc Psalmum discere potuit a Magno *Luthero*, cujus verba in *Enarratione* hujus Psalmi sunt profectò notatu digna. *Præsentem autem Psalmum Mosi esse*, non titulus tantum, sed ipsa *dictio*, *res ipsæ* & *tota Theologia ejus arguit*. Magnitudinem enim *iræ divinæ* prædicare, quod fit *vers.* 11, & *rudiori* penicillo opus Redemptionis per *Christum* venturum depingere, quod fit *vers.* 16, 17 *Mosaicum* est; & pertinet ad Ministerium Condemnationis & ad Pædagogiam legalem. Unde,

recte pergit *Lutherus*, qualis, inquit, est *Moses* in docenda lege, talis est hic in *Orando*. Digna etiam sunt Verba *Amyraldi*, in *Argumento* hujus *Psalmi*, quæ adscribantur. Cæterum quemadmodum hæc oda antiquissima est, sic etiam antiquitatis genium & characterem quam maximè redolet. Gravis est, majestatis & auctoritatis plena, paulò concisior, variis similitudinibus ornata, splendida figuris, sed raris illis, & parum usitatis, & ad quarum intelligentiam extraordinaria quadam animi attentione opus est.

VI. *Mosis* itaque est hæc *Oratio*, ut Auctoris: (non item decem sequentes *Psalmi*, ut vult *Hieronymus* cum *Rabbinis*) Hoc docet titulus authenticus *Hebraicus*, cujus auctoritatem perperam confundit *Rudingerus* cum traditione & glossis *Rabbinorum*, qui *Psalmum* xcii. *Adamo* tribuunt; nam hoc non faciunt ex auctoritate Tituli, sed ex propria & vanâ conjectura. Loquitur autem *Moses* in hac *Oratione* in *Persona Populi Israelitici*; non in *Babele* captivi futuri, ut *Basilius* & *Theodoretus*; neque hodie reiecti & per totum *Orbem* dispersi, quod *Eusebius Cæsariensis* voluit; sed in *Deserto* per 40. annos oberrantis. Cui tradidit eam, ut describeret, & usurparet quotidie, atque sic documentum fidei & resipiscentiæ ederet. Hoc dudum adnotavit *Chaldaeus Interpres*, quod sit *Oratio Mosis Prophetæ Domini*, quâ oravit, quando peccavit populus domus *Israelis* in deserto. Optimè *Trem.* & *Jun* in *Notis*. Videtur autem *Mosche* hanc *Orationem* conscripsisse populo, quum reversis exploratoribus *Num.* xii. xiv., populus obmurmurasset Deo, & Deus sententiam mortis dixisset majoribus viginti annis, ut hoc saltem haberent ederentque documentum resipiscentiæ suæ, & salutis suæ abjectæ prospicerent.

VII. Hoc ordine verò procedit *Moses*. I. Præmittit *Fundamenta Invocationis Dei* a populo instituendæ vers 1: 2. II. *Judicii divini præsentis Magnitudinem* & *Iustitiam* confitetur & exponit vers 3 — 11. III. Petit; tum *divinam Instructionem*, ad salutarem *Judicii* hujus usum necessariam

riam *vers* 11.; tum Judicii hujus corporalis Ablationem, & Boni oppositi corporalis Collationem, quâ post has tenebras diuturnas tandem lætum *Mane* exoriretur populo, in terram promissam tandem ingressuro *vers* 13, 14, 15; tum denique, quia ab opere Redemptionis Messiae pendebat omnis salus populi, & corporalis & spiritualis, petit sibi & populo relapsiienti *salutem spiritualem ac æternam*; una cum *caussa* ejus *meritoria*, *Adventu* sc. Christi in *car-nem*, ad *Opus Redemptionis* per vicariam satisfactionem perficiendum, de quo sic simul ut *Vir Dei* & magnus propheta vaticinatur *vers* 16, 17.

VIII. Duo itaque petit Moses una cum populo in Textu. I. *Caussam* salutis, seu *Missionem* Messiae Redemptoris, ut perficiat divinum Redemptionis *Opus*, per vicariam satisfactionem in Concilio Trinitatis decretam, *vers* 16. *Appareat servis tuis opus tuum, & gloria tua super filios illorum.* II. *Effectum* ejus, seu *salutem* ipsam, omnemque *gratiam* & *gloriam*, sibi & credenti populo applicandam propter illud Divinum *Redemptionis opus*, certò ab Angelo Fœderis perficiendum. *vers* 17. *Et sit Amabilitas (vel gratia) Domini Dei nostri super nos, & opus manuum nostrarum fac stabile super nos: & opus manuum nostrarum confirma illud.*

IX. Quod ad PRIMUM attinet, salutis omnis CAUSSAM desiderans alloquitur JEHOVAM, disertè nominatum *vers* 13. *שובה יהוה* Revertere JEHOVA. Ita Deum *Triunum* compellat, cui omnia opera Divina ad extra, ut vocant, sunt communia; & speciatim *Filium Dei*, Angelum illum Domini, qui ipsi apparuit in Rubo, dixitque illi, *Ego sum Deus Patris tui, Deus Abrahami, Deus Isaaci, & Deus Jacobi, JEHOVA Deus Patrum vestrorum . . . hoc est nomen meum in seculum, & hoc memoriale meum, in omnem ætatem* *Exod.* III. 6, 15, 16. Huic tribuit *opus singularissimum*, *פועלך* OPUS TUUM. Hoc capi debet in summa emphasi. Multa sunt Dei *Opera*, omnia ipsi nota ab æterno *Act.* xv. 18. Sed hîc loquitur non de *operibus* Dei in plurali, uti malè habent LXX.

& *Vulg.* sed in *singulari* de *Uno* eximio quodam opere Dei. TUUM, inquit, *opus*, quod nempe a *Te solo* peragi potest, & *immediatè* peragetur, quodque tibi soli est *proprium*, distinctum ab opere humano omni, a nudo homine perficiendo, quod NOSTRUM appellat *vers.* 17 *Et opus manuum NOSTRARUM fac stabile super nos*, &c. TUUM porro *opus*, quod a Te non modò ab æterno decretum est, sed etiam in tempore dudum Patribus nostris *promissum*, quodque proinde ex Tua Promissione *cognoscimus*, & supra omnia *desideramus*, ut nobis ad æternam salutem absolutè necessarium; & in quo propterea, ut *summam* omnium nostrorum votorum continente, *finimus* has preces nostras. Tribuit ipsi præterea *Opus gloriosum* cum addit וְהָרָרָה. Et GLORIA TUA, uti bene *Hieronymus*. Duo substantiva heic junguntur, ut sæpe alias, ita ut posterius sit loco adjectivi. Sic *Imago* & *similitudo* est *imago simillima* Gen. 1: 26. *Nomen* & *gloria* est *Nomen gloriosum* 1 Chron. xxii: 5. *Salus* & *Gloria* est *gloriosa salus* Jes. xlvi: 13. *Regnum* & *Gloria* est *Regnum gloriosum* 1 Thess. ii: 12. Sic quoque *Opus* & *Gloria* est *Opus Gloriosum*, quod a Domino gloriæ ipso erat perficiendum, Dei *Glorias* 2 Pet. ii: 10. seu *Gloriosas Virtutes* manifestaret, & quod in *Honorem* ei cederet quam maximè, à populis ipsi propterea deferendum. Hoc porro *Opus Gloriosum* Dei foret quoque *Visibile* & in oculos incurrens. Nam dicit וְהָרָרָה APPAREAT, OSTENDATUR servis tuis, & CONSPICIATUR ab iis. Sic verbum וְהָרָרָה, cum וְהָרָרָה constructum, alibi de rei visibili apparitione, quâ omnium oculis, & conspectui objicitur, & clarè videtur, cum mentis convictione & animi affectu debito, adhibetur Levit. ix: 4. 6. 23: Num. xvi: 19. &c. Atque adeo sic petit Moses ut publicè hoc *Opus gloriosum* peragatur a Deo, ita ut oculis corporis videri posset: imo ut peractum ita, publicè quoque annuntiaretur & prædicaretur, cum fructu *intuitus fidei*, & cum affectu amoris & timoris Dei decente, & ita ut oculus corporis
cum

eum illo fidei ad salutem æternam, saltem in aliquibus, jungatur. Non erat autem Opus Præteritum, sed *Futurum*. Vox *יראה* est in futuro posita, *Apparebit, Videbitur, Conspicietur*. Quod si retineamus, *Moses Vir Dei* heic prophetaret de hoc Opere certò *futuro*. Sed præstat ut *Futurum* capiamus pro *Imperativo* optantis. Sic *יִאבֵד* *peribit* est idem ac *pereat* *Job* 111: 3. *יִשְׁקֹנִי* *Osculabitur me*, est idem ac *Osculetur me*. Et hoc maxime obtinet ubi Imperativus futurum præcedit & sequitur, ut heic fit *vers.* 13, 14: 15. & *vers.* 17. Quando heic est Votum quidem, sed Propheticum, adeo ut Imperativus precantis simul cum prædictione Prophetantis concurrat. Neque tamen hoc Opus erat paulo post futurum, sed diu post tempora *Mosis exiturum*; perficiendum tamen in *Medio populi Israelis*, in terra promissionis adhuc habitantis. Hinc dicit Moses; *Appareat אל עבדך* *SERVIS TUIS* (confer quoad sensum phrasis *Gen.* xii: 7. *Exod.* vi: 2.), & conspiciatur ab illis; & *Gloria tua על בניהם* *SUPER FILIOS ILLO- RUM*. *Servi Dei* heic sunt *Israelitæ*, redempti à Deo ex *Ægypto* *Levitic.* xxv: 42: 55. Non *Israelitæ tunc viventes*, de quibus *vers.* 13, & *pœniteat te propter servos tuos*: nam hi *tunc viventes*, pronomine primæ personæ *Nos*, diserte distinguuntur ab *his servis Dei* in tertia persona nominatis, quando dicit Moses in *versu* sequente 17 *Et sit Gratia Domini Dei nostri super Nos*. Sed sunt *Israelitæ* in *Terra Canaan postea victuri*. Nec tamen sunt *proximè post victuri*, sed *longe post*; in ultimo dierum *Oeconomiae Veteris*. Ideo addit *Filios illorum*. *Servi Dei* heic sunt itaque *Israelitæ post exituri*, distincti a populo deserti, quem pronomine *Nos* in *vers.* 17 designavit. Et *Filii illorum* sunt *Israelitæ ultimi temporis Oeconomiae Mosaicæ*. Atque adeo sensus est; *Appareat Opus tuum Gloriosum Servis tuis*, id est, *Filiis servorum tuorum*, seu posteritati nostræ longe post exituræ, in *Terra promissâ* tamen, & manente Sceptro ac Legislatore *Judæ*, atque *discrimine Gen- tium*

tium adhuc locum habente, quo Israelitæ, ut *Servi Dei soli*, ab aliis gentibus rejectis distincti forent, singulari Dei privilegio. Eodem sensu legitur de *semine servorum Dei Psalm Lxix: 37. de filiis servorum Dei Psalm cii: 29, & de Filiis ac Filiabus Israelis Joel. ii: 28. coll. cum Act. ii: 39.* Nec præterire possumus voculam על, quando dicit Moses, *Appareat על בניהם SUPER Filios eorum*, quasi ex alto, & de Cælo demissum Donum; quam emphasin non respuit sed admittit præpositio illa.

X. Loquitur ergo Moses de *Opere Dei Singulari, Glorioso, Visibili, Longè Post futuro*, in *Medio populi Israelitici*, hætenus distincti ab aliis omnibus gentibus, *perficiendo & manifestando*, & quidem per *Divinam Personam desuper ex alto* descensuram; & denique de opere Dei *Necessario* peccatori, quo solo nititur *Gratia* ejus & *Favor* erga Peccatorem *coll. vers. 16.*; atque ideo quoque de *Desideratissimo Opere*, ab omnibus piis, ab initio mundi, experito & sperato; quare Moses in hoc *Opere Dei* finit *Orationem* hanc suam, tanquam in quo omnium desideriorum suorum esset *Consummatio*.

XI. Ex hisce Characteribus & signis haud difficile erit nunc porro colligere ac determinare, quod & quale *Opus Dei* heic intellexerit Moses. Nempe Hoc *Opus Dei*, non est *Opus Creationis*, non sunt *Cælum & Terra*, quæ *Opus & Opera Dei* dicuntur *Psalm viii: 4. 7. cii: 26. civ: 24:* quia hoc non futurum sed *præteritum* erat *Opus Dei* tempore Mosis. *Neque* est *Opus Divinæ Providentiæ Præsens*, de quo *Eccles. vii: 13.* Quamvis verum sit, hæc esse *Opera Dei* *Gloriosa*, in omnium oculos incurrentia, & videri ea debere à nobis, ita ut gloriam Creatoris ex iis cernamus & celebremus *Psalm xix: 1. civ: 24: Jes. xl: 26. Rom. i: 20.* *Neque* etiam hoc *Opus Dei* est ipse *Populus Israel*, qui vocatur *Opus Dei*, ut volunt aliqui, *Habakkuki, iiii: 2.*; aut *Ecclesia Electorum & Credentium*, quæ Dei *populus* dicitur *Ephes. ii: 10.* ad quam videtur respexisse *Augustinus: Ipsi*

Ipsi enim Servi tui, ait, Opera tua sunt. Non solum ut homines sint, sed etiam ut sint Servi tui, id est, obediētes jussis tuis. Nam hoc Opus Dei à Populo hoc, & a Servis Dei horumque filiis apertè distinguitur, ut ab iis conspiciendum. Neque porro est Opus Liberationis hujus Populi ex Ægypto: quod quidem Magnum Opus Dei dicitur Deut. xi. 7. coll. cum vers. 3: 4: 5, sed jam erat præteritum. Neque est Opus: Vel Defensionis totius Ecclesiæ in cruce & calamitatibus, ac Liberationis ex iis, quod proprium Dei Opus est, inquit Mollerus, sicut calamitates & pænæ alienum Opus ab Esaia dicuntur cap. 28. Nam hoc omni tempore operatur Deus, qui depauperat & ditat, deprimat & extollit 1 Sam. ii. 6: Vel Sustentationis Populi miraculosæ in deserto, quod Dei Opus, פֶּעַל Psalm xcvi. 9. & מַעֲשֵׂה Psalm cvi. 13. appellatur. Quia hoc rursus non futurum, sed præsens erat. Neque est Opus Divinum Introductionis Populi in terram promissam, cum multa gloriæ demonstratione. Quod quidem Magnum Opus Jehovæ dicitur, Israeli ostensum Jos. xxiv. 31. Judic. ii. 7. 10, & celebratur à Psalte Psalm. xlii. 2, 3, 4; sed hoc non erat longè post tempora Moſis, sed proximè post futurum. Neque etiam est Opus Liberationis ex Babylone, & Reductionis Filiorum horum Servorum Dei ex illa Captivitate, uti vult Basilius. Nam nihil de Captivitate illa futura præmissum erat in hac Oratione, sed tantum de Calamitatibus Populi in Deserto actum vers. 7 — 11. Neque tandem est Opus Tabernaculi, cujus constructionem ac consummationem, & felicem omnium Operum Levitarum in eo successum sic petiisset Moſes, quem volunt quoque hisce iisdem Verbis esse usum in illa Benedictione, quâ Benedixit ille filiis Israelis, postquam Opus Tabernaculi totum ita consecissent, prout Jehova jusserat Exod. xxxix. 43. Ita Nicolaus Lyra cum Jarchio & aliis. Nam hoc Opus Tabernaculi erat Opus Humanum, Manufactum, & τὰ ἑνὸς καὶ κτίσεως Hebr. ix. 11. 24: Probè distinguenda sunt in hac Clausulâ Orationis

Mosaicæ, *Opus Tuum*, seu Divinum, & *opus manuum nostrarum* seu Humanum. Ad hoc referri posset Ministerium Levitarum in Tabernaculo, sed non ad illud, *Opus Tuum* seu *Divinum*. Deinde hoc *Opus Divinum* erat *longè post futurum*, & seris nepotibus demum ostendendum: verum Tabernaculum jam erat constructum, ceu patet ex *Exod. xl: 17 Num. vii: 1 ix: 1 x: 11 coll. cum Num. xiii & xiv*, ubi historia illa narratur, quæ Mosi ansam dedit ad conscribendam hanc Orationem.

XII. Verum hoc *Opus Dei* est *Missio Messie* in Mundum, *INCARNATIO Filii Dei æterni*, *Actualis REDEMPTIO* Peccatoris Electi per *vicariam* Divini Redemptoris *Satisfactionem*, & per αὐτῶν illud quod invenerat *Job. xxxiii: 23, 24*. Huic *Operi* Divino conveniunt omnes illi *Characteres* ex *Verbis Textus* supra notati. Hoc *Opus Dei* per excellentiam vocatur *Job. iv: 34. Esca mea est exequi voluntatem ejus qui misit me, & consummare ipsius opus. Job. xvii: 4. Ego te glorificavi in Terra: opus consummavi quod dedisti mihi ut facerem.* Et revera est *Opus Dei* SINGULARISSIMUM, & inde *à seculo inauditum* *Jes. lxiv. 4. 1 Cor. ii: 9. Opus DIVINUM*, a *Solo Deo* Divinaque persona peragendum *Jerem. xxx: 21. Hos. i: 7. Act. xx: 28. 1 Job. i: 7. A Deo* inde a *Paradiso Promissum* *Psal. xl. 9. Luc. i: 70*; est enim ipsa *capitis serpentis* per *Semen mulieris Contritio*, de qua *Gen. iii: 15*; & hinc à *Patriarchis*, a *Jobo & Elihu* *Job. xix: 25, 26, 27 xxxiii: 23, 24*, & à *Mose Cognitum* *Heb. xi. 26, 28*; ab ipso ut *Magno Propheta Prædictum* *Job. v: 46 Luc. xxiv: 27: 44*, atque totâ ejus *Oeconomîâ Legali* Adumbratum *Rom. x: 4 Heb. viii: 5 Coloss. ii: 17*. Quodque & heic prædici ab illo vel ideo minus mirum videri debet, quia in *Inscriptione* haud absque *Causâ* vocatur *Vir Dei*, id est *Propheta Eximius*. Imo est hec *Opus Necessarium* plane ad electi peccatoris salutem, & expiationem peccatorum veram, quam rivi sanguinis brutorum, aut hominum etiam, efficere non poterant *Heb. x: 4. Psalm.*

Psal. XLIX: 8, 9 *Matth.* XVI: 26. Et propterea hoc Opus a Patribus tantopere *Desideratum* fuit, ut supra § 1. diximus. Est præterea hoc *Opus Dei* GLORIOSISSIMUM. Quia peragendum erat ab ipso *Domino Gloriæ* semetipsum oblaturus in Victimam piacularem *Jer.* XXXI: 21. Quia *gloriosæ Dei Virtutes* in eo & ex eo patefierent *Jes.* XXXV: 2. LX: 1, 2, 3, infinita Ejus potentia *Jes.* VII: 14, imperscrutabilis sapientia *Ephes.* III: 10, infallibilis veritas *Jes.* XL: 5. *Luc.* I: 69, 70, & imprimis incomparabilis misericordia erga peccatores *Luc.* I: 78, atque simul tremenda Ejus justitia in Sponsore demonstranda *Jes.* VI: 3. *Rom.* III: 25, 26. Quia denique hujus Operis *sequelæ* forent *Gloriosæ*. Post peractum Redemptionis Opus *Messias* gloriose resurgeret; *Gloria* & *honore coronaretur* *Psal.* VIII: 6, 7; *Quies* Ejus ab hoc Opere laborioso foret *Gloria* *Jes.* XI: 10; *Spiritus Gloriæ* effunderet in omnem carnem *Joël* II: 28; gentes vocaret ad fidem in se *Jes.* XI: 10, ac justificaret per fidem illam *Gen.* XXII: 18 *Jes.* LIII: 11, quæ ipsi *Gloriam* darent, & *Nominis* Ejus *recordarentur* cum laudibus perpetuis *Psal.* XLV: 18 LXII: 17. Quia tandem *Finis* hujus Operis non est ut peccatis indulgeant Redempti, sed ut ad Dei Redemptoris *Honorem* sanctè vivant in ætèrnum *Jes.* XLIII: 20 LX: 21 *Gal.* II: 17, 18, 19 *Tit.* II: 14. 1 *Pet.* II: 24, 25. 1 *Cor.* VI: 20. Est porro hoc *Opus Dei* VISIBILE, & publicè peragendum coram omnium oculis. Deus in carne assumpta sese *manifestaret* verbis & factis Divinis *Jes.* XL: 5 *Revelabitur Gloria* *Jehovæ*. Publicè moreretur *Messias*, & pretium Redemptionis solveret, *pœnamque exemplarem* מוֹסַר supplicii crucis ferret *Jes.* LIII: 5 coll. cum *Rom.* III: 25, 26. Hinc *Messias* crucifixus conqueritur, OMNES VIDENTES ME *substant me; diducunt labrum, movent caput* *Psal.* XXII: 8. Et quod hoc Opus Redemptionis per *Messiam* in omnium conspectu esset perficiendum, indicare videtur *David* *Psal.* XXXI: 20. Publicè quoque erat *Annunciandum* hoc Opus per *Euangelium* ex *Tzijone* proditurum *Jes.* II: 4. XL. 12, 9 LII:

7; & *Fide* recipiendum ab Electis numero paucioribus, servatis & *Custoditis* in *Israële* *Jes.* XLIX: 6. *Zach.* xii: 10. Erat denique tempore Mosis & Israelitarum in Deserto hoc Opus LONGE POST FUTURUM. & seris nepotibus eorum demum ostendendum, *Gen.* XLIX. 1, 10. *Num.* xxiv: 17. in medio tamen *Israelis*, ut populi Dei peculiaris, à reliquis Gentibus hætenus discreti, & qui solus titulo *servorum Dei* gaudebat, peragendum; juxta Oracula alia Prophetica *Deut.* xviii: 15, 18 *Jerem.* xxx: 21. *Mich.* v: 1 *Zach.* ix: 10. viii: 3, quæ dicunt Messiam ex *Israële* proditurum, atque in medio ejus habitaturum. Quibus addi debent & alia, quæ Opus *Redemptionis* à Messia *ibidem* perficiendum, per sui ipsius Oblationem Vicariam, prænunciarunt. Huc pertinet non modò Illustre Vaticinium Danielis *Cap.* ix: 24, 25, 26, sed etiam antiquissimum illud ab Abrahamo uni ex Montibus *Morijæ* inditum Nomen, *Jehova Providebit*, atque hinc derivatum Oraculum, *in Monte Jehovæ providebitur*, id est procurabitur salus Electorum per Messiam, qui in uno montium *Morijæ*, nimirum *Golgotha*, se offeret in Victimam piacularem pro peccatis eorum. *Gen.* xxii: 14. De quo loco egimus in *Dissertationibus* nostris *Leiden-sibus*. Tandem de hoc Opere Filii Dei; de cælo descensuri, carnem assumpturi, & se in ea manifestaturi, atque morituri ad expianda peccata; cum emphasi adhibetur illa phrasis, *Ostendatur ꝑꝑ SUPER Filios servorum tuorum*. Nam Messias *desuper* veniret atque ex alto; cujus Figura illustris erat *columna nubis* & *ignis*, quæ erat *super Tabernaculum* *Exod.* xl: 38, & *super Populum expansa pro tegumento* *Psal.* cv: 39: ad quam fortè heic alluditur a Mose, petente, ut, non Figura, sed Res significata ipse Messias, *Gloria Jehovæ*, manifestetur *Jes.* xl: 5, *desuper* ex Cælo veniat, *Tabernaculum* carnis assumptæ impleat, & *super Populum* suum, *Filios servorum suorum* dona Spiritus sui effundat.

XIII. Omnes itaque *Characteres* hujus Operis Dei nobis non permittunt cogitare de alio aliquo divino Opere heic in-

indicato, quam de *Opere* hoc *Glorioso* Missionis Messiae in Mundum, ac Redemptionis nostrae & Expiationis peccatorum nostrorum per Eum faciendae. Sed fortè dicet aliquis, quid *hoc Opus* ad Mosen? cur illud vehementer adeo desiderat *Legislator* Israël, Christo oppositus *Joh. 1: 17*, & qui Legem, observandam ad expianda peccata & ad acquirendam salutem, multiplicem praescripsit populo? Respondeo: *Lex infirmata est per carnem* seu peccatum *Rom. viii: 3*, *non potest vivificare peccatorem Gal. iii: 21*, nec *sanguis taurorum & hircorum auferre peccata Heb. x: 4*, *carnem* modò purgans, non *conscientiam Heb. ix: 13*. Cerimoniae erant *Umbræ*, cum naturalibus Umbris in eo similitudinem habentes, quòd Corpus adventurum praefigurent, & vicariam per Messiam praestandam satisfactionem prænunciarent. Cujus certò futuræ Vis Mosi opus erat ad salutem æternam. Hic quidem; ut *Minister condemnationis 2 Cor. iiii: 9*, *describens Justitiam quæ est ex Lege Rom. x: 5*, *Opponitur Christo Joh. 1: 17*; & *Comparatur Illi ut Propheta eximius Deut. xviii: 15: 18*; sed simul ut *Minister Ecclesiæ, Domus Dei*, & ut *Testis agendorum per Messiam*, ac vicariæ satisfactionis per Illum praestandæ, *Subordinatur Christo Heb. iiii: 2, 3. Joh. v: 46. Luc. ix: 30, 31*; & denique ut *Electus Peccator* salvari debuit per *Gratiam Christi*, *fide* apprehensi, *Act. xv: 10*, & arctissime cum Illo *Unitus*, salvatus est *Heb. xi: 26*, & *Pars Domus* Ejus, ac insigne Membrum Ecclesiæ fidelium extitit *Heb. iiii: 3*. Hujus *Fidei* suæ in Messiam Redemptorem venturum documenta dedit; quando *benedicens Filiis Israël pro Josepho petiit ¶ Gratiam inhabitantis rubum Deut. xxxiii: 16*, & quando in hac *Oratione* suâ, *pro Se & Populo* Deserti, eandem *Gratiam Domini nostri Christi*, *vi lytri* ab eo solvendi olim pro omnibus Electis, imploravit.

XIV. Ita enim à *Causa salutis venturæ* descendens ad

EFFECTA petit in Oratione suâ *vers. 17. Et sit* אַמִּיבִּילִּיתָּ *Amānitas, Amabilitas, Gratia Domini Dei nostri super nos &c.* Quod ad hoc *Secundum* Petitionis *Ejus membrum* attinet; *Generalius* orat *Gratiæ* salutaris omnis *Communicationem*: *Et sit Amabilitas* vel *Gratia Domini Dei nostri super nos.* Deinde *Specialius*: *Tum* ut *Conseruet Deus Vitam Spiritualem Gratiæ* in suis ad omne bonum *Opus* faciendum: *Et Opus manuum nostrarum fac stabile super nos*: *Tum* etiam ut *Fortunet* ipsis Deus omnia incæpta ac *Opera* eorum, etiam in *Ecclesia, Civitate, ac Oeconomia* peragenda: *Et Opus manuum nostrarum confirma illud.*

XV. *Generalius* petens omnis *Gratiæ & Gloriæ*, ab *Divino Redemptore* promerendæ, *Communicationem*, connectit hanc suæ *Orationis Posteriores* partem cum *priori*, & sic *Effectum* *Gratiæ* *Divinæ* cum *Causa* ejus, per copulam וְ, *Et sit.* *Objecta* porro, pro quibus nunc orat designans, non utitur *tertiâ personâ* ut ante, dicens, *sit super servos tuos, & Filios eorum*, sed *primâ*, וְעָלֵינוּ *super Nos, Me & afflictum hodie Populum Deserti.* Huic enim hanc formulam *Orationis* primò & directè præscripsit. Ita tamen ut *Servis Dei ac Filiis eorum*, postea victuris, æque necessariam esse hanc *Orationem* ad salutem æternam, satis simul significet. Respicit verò ad *Electos & Resipiscentes ac Credentes in Populo*, quoniam *Bonum*, quod petit, illis est proprium. Hoc porro est, אַמִּיבִּילִּיתָּ יהוה אֱלֹהֵינוּ *Amabilitas, vel GRATIA, DOMINI DEI NOSTRI.* *Jehova Deus Noster* est *Deus Triunus*, & speciatim *Filius Redemptor*; qui est *Angelus Jehovæ*, & ipse *Jehova* simul *Exod. iii: 2. 4. Jer. xxiii: 5, 6. & Deus Israël Deut. vi: 4. Psalm. lviii: 9. 36.* quia est *Creator* ejus *Jes. xliii: 1*; & *Liberator* ex *Servitute Ægypti Exod. iii: 6, 7, 8. Jes. lxiii: 9.*, *Legislator* ejus *Psalm. lxxviii: 8, 9. cxlvii. 19, 20. Jes. xxxiii: 22*; *Rex & Imperator Exercituum* ejus, *Symbolice* in *Tabernaculo* habitans *Jes. v: 14. Psalm.*

XXIV: 10 LXXX: 1. *Jerem.* xxx: 21; qui denique vi foederis Sinaitici Deus & Dominus foederatus erat quidem totius populi *Exod.* xix: 5, 6. *Deut.* vii: 6, 7, sed specialissimo modo Dominus Electorum ex Populo, vi electionis æternæ & redemptionis futuræ *Psal.* cx: 1; & tandem qui Corporaliter in medio Ejus habitaturus erat, ut perficeret *Opus* Redemptionis desideratum *Zach.* ii: 10, & promereret omnem Gratiâ salutarem pro Electis peccatoribus. Quam exprimit voce **עֵץ**, quæ notat id quod suave & jucundum est, & mentem ac sensus voluptate ac delectatione perfundit, atque adeo id quod *Amabile* est. Hoc in loco **נֶעֱמָ יְהוָה** AMABILITAS *Jehovæ* est: *Primò* Id quod in Deo Amabile est peccatori, nempe Favor Ejus erga Peccatorem, qui aliàs dicitur *Amor Dei* Patris *Job.* iii: 16. 2 *Cor.* xiii: 13. *Gratia Domini nostri Jesu Christi* 2 *Cor.* xiii: 13. & **בְּרַחֲמָיו** Benevolentia, Favor, *Gratia* Habitantis in rubo *Deut.* xxxiii: 16. *Secundò* Id quod à Deo est Suave & Jucundum, Ipsum nobis reddit amabilem, & nos Illi, & simul quod nos magna delectatione perfundit. Ad quod pertinent omniâ *Beneficia*, ex Favore illo Dei in Christo, & ex hujus Redemptione dimanantia *Psal.* xxvii: 4. *Prov.* iii: 17. Qualia sunt: *tum* Justificatio Gratuita *Rom.* iii: 24, quæ Deum amabilem reddit peccatori *Luc.* vii: 47, & hunc maxima voluptate perfundit *Jes.* lxi: 10. *Act.* viii: 38, 39: *tum* Sanctificatio, quæ nos Deo & Christo facit amabiles *Psal.* xvi: 3. *Jes.* lxii: 4, & quâ delectantur Pii omnes *Psal.* cxix: 14. *Rom.* vii: 22: *tum* denique Glorificatio in Paradiso cælesti, cujus etiam mentionem heic fecit Chaldaeus Paraphrastes, ubi *Amabilitatis* Divinæ omnis plenissima erit fruitio *Psal.* xvi: 11. Hanc omnem *Amabilitatem* & *Gratiâ* *Jehovæ* heic intelligit Moses, quia est Effectus Operis Redemptionis per Messiam, olim perficiendi, & nunc perfecti 1 *Cor.* i: 30. Et significanter addit, *sit* SUPER nos. Sic respicit: *Tum* ad *Originem* hujus Boni, quod descendit à Jehova, qui in cæ-

lo thronum habet *Jac.* i: 17. *Apoc.* xxii: 1: *Tum ad Abundantiam* ejus, quod pluvix cælestis instar largiter effundi desiderat in exsiccata cordium arva, juxta promissa Fœderis Gratix *Psal.* lxxii: 6, 7. *Jes.* xliv: 3: *Tum ad Dominium* hujus Gratix Divinæ; (*U* de *Dominantibus* usurpatur *Gen.* xxxvii: 8. xxxix: 4.) sit *super* Nos, inquit, id est, dominetur nobis suaviter & potenter, dirigatque nos, ut illi Gratix, impellenti nos ad Officium Timoris Divini, & constringenti nos ad Amorem Christi, non resistamus, sed ei nos sponte ac alacriter subjiciamus, *coll.* 2 *Cor.* v: 14, 15. *Coloss.* iii: 15, 16: *Tum tandem ad tutissimam Defensionem*, quam credentibus præstat hæc Gratia Dei & Christi adversus omnia mala peridentia, instar *Nubis Gloriæ* olim Tabernaculum & Populum obtegentis *Jes.* iv: 5, 6. xxxii: 1, 2.

XVI. Atque ita petit Moses Justificari Sanctificari Glorificari *propter* illud Redemptionis Opus Divinum & Gloriosum a Messia peragendum ultimis temporibus. Nec quicquam dubitavit de *Effectu* hoc sibi & credentibus communicando, etiamsi *Causa* ipsa nondum existeret. Nam dantur *Causæ Morales*, quæ operantur antequam sunt. Opus hoc Redemptionis erat *certò* futurum. Imo existerat jam in Decreto Dei immutabili, & in Promissione ejus infallibili, ac in Umbris legalibus, corporis adventuri Testibus indubitatis. Et hinc per vim quandam, uti loquuntur, retroactivam Satisfactio Messix futura operabatur salutem Patrum æque efficaciter, ac si jam actu esset præstita *Act.* xv: 11. *Rom.* iii: 25. *Heb.* xiii: 8. Quod & minime ignorabat *Moses Vir Dei*. Sed, inquires fortè, *Fides* in Christum tum nondum erat, dicente id Paulo *Gal.* iii: 23. At, inquam ego, *Fides* in *Jesum Christum* eumque jam *mortuum* tunc nondum erat. Verum omnino tunc *Fides* in Christum *moriturum*, & morte suâ vicariâ pro peccatis Electorum satisfactorum, locum habuit, & in *Abrahamo*, patre omnium credentium *Rom.* iv: 3. *Job.* viii: 56, & in Da-

Davide, ut supra ostendimus in *Dissert. V* ad *Psal.* xxvii: 4, & in *Mose Heb.* xi: 26.

XVII. Quia vero Moses Gratiam non solum Justificationis in Fide, per gratiam Dei donatâ quoque, sed etiam *Sanctificationem* petiit, quâ apti redderentur, ut in novitate vitæ Deo grati viverent: & quia Deus ideo *operatur* pro nobis, & in nobis, ut & nos moti a Deo *operaremur* ad ejus gloriam: hinc *specialius* nunc petit *Conservationem* hujus *Vitæ novæ* in Se & in Fidelibus aliis, & descendens ab *Opere Dei* ad *Opus nostrum* orat, ut illud *stabile* faciat. Et *Opus manuum nostrarum fac stabile super nos.* Antea de Divino & soli Deo proprio Opere agens illud nominaverat *Opus Tuum*; nunc verò de suo aliorumque piorum opere loquens, appellat illud *OPUS MANUUM NOSTRARUM*. Quia multa Opera manibus peraguntur, ideo, phrasi in Scripturâ frequenti, per synecdochen, *Opera manuum* poni solent pro Operibus quibuscunque, sive manibus, sive pedibus, linguâ, aliisque corporis membris perficiantur; sive etiam sint Opera externa sive interna, Dicta, Facta, Cogitata. Intelligit Moses *Opus Bonum*, non Unum aliquod, sed Omne; tum Fidei *Joh.* vi: 29 tum Charitatis *Heb.* vi: 10, tum Justitiæ *Jes.* xxxii: 17. Quod vocat Opus, non Dei nunc, sed *suum*, seu *manuum nostrarum*. Non quia Opus est Liberi arbitrii ac virium nostrarum naturalium *Jer.* xiii: 23. *Rom.* viii: 7. *2 Cor.* iii: 5; est enim Effectum Victricis Gratiæ Dei supranaturalis *Jer.* xxxi: 33. xxxiii: 39, 40. *Ezech.* xxxvi: 25, 26, 27. *Phil.* ii: 13. Sed quia à Deo, Causa Prima omnium actionum in Naturâ & Gratiâ, moti, nos metipsos quoque, ex viribus datis, lubenter & alacriter movemus ad Gloriam Dei *Cantic.* i: 4. *Ezech.* xviii: 31. *2 Cor.* vii: 1. *Philipp.* ii: 12, 13. *Jud.* vers. 20, 21. Deinde quia hoc Opus omne nos decet, & Officium est Redemptorum Jehovæ, ad quod Electi sunt ab æterno, Redempti, Regeniti & Sanctificati in tempore *Ephes.* i: 4. *Tit.* ii: 14. *Ephes.* ii: 10. &c. Sicuti vero Deus hoc omne

Opus bonum in nobis inchoat , sic etiam idem perficit *Psal.* LXVIII: 29. CXXXVIII: 8. *Philipp.* I: 6. Quapropter orat Moses כִּנְנָה STABILE FAC , CONFIRMA. *Confirmat* Deus Opus bonum nostrum: quando principium novæ vitæ conservat, viresque datas confirmat, imminutas restaurat, imo auget *Psal.* LXVIII: 10. *Jes.* XL: 29, 30, 31. XLI: 10. *Ephes.* III: 16, 17. *2 Tim.* IV: 17 : & præterea quando nos in virtutis stadio constanter perseverare facit ad mortem usque , nunc majori nunc minori alacritate currentes *2 Tim.* IV: 18. *1 Pet.* I: 5. Quia autem hæc *Confirmatio* in Bono est *Dei* Opus , qui *in Cælo* habitare dicitur, idcirco repetit illud עֲלֵינוּ SUPER NOS: sic indicans hanc Gratiam *Conservationis* , una cum reliquis Beneficiis Christi & *Donis* , *desuper* descendere *Jac.* I: 17 , & quod *Cælestis Virtus* nobis opus sit ad perseverandum in fide ac bono opere, *Philipp.* IV: 8. Quare etiam hoc ardenti Voto petit Moses, utens Imperativo obsecrantis cum כִּנְנָה paragogico כִּנְנָה. Certe *Necessaria* est hæc Divina *Confirmatio* omnibus Piis; quia si sibi relinquerentur , omnibus horis caderent atque a fide vera deficerent *Job.* XV: 5. *1 Corint.* XV: 10. Certa quoque est ex *Dei Decreto* , *Promissione* , *Merito Christi* atque continuâ ejus *Intercessione*, juxta loca *Psal.* XXXVII: 23, 24. LXXXVII: 5. CII: 29. CXXV: 1. *Jes.* LIV: 10. LXI: 8. *Jerem.* XXXII: 39, 40. *Luc.* XXII: 32. *Job.* X: 28, 29, 30 &c. Nihilominus tamen vult Deus ut eam ab ipso petamus; ut nostram ab Ipso dependentiam agnoscamus ac profiteamur *Ezech.* XXXVI: 37.

XVIII. Quare etiam Moses non semel eam petit, sed iterum, Repetitque Vota sua, dicens: IMO OPUS MANUUM NOSTRARUM CONFIRMA illud. Sic verò : *Vel* respicit ad *Confirmationis Divinæ Actum continuum* ; petens ut Deus, non nunc modò, sed & deinceps & semper ad finem usque Vitæ fidelium singulorum, hoc Opus gratiæ suæ perpetuare velit; coll. *Psal.* CXIX: 94: *Vel* indicat *Necessitatem* hujus *Confirmationis Divinæ summam*, ob Car-

nis

nis imbecillitatem, hostium spiritualium Multitudinem, & magnum Apostasiæ periculum, si Deus manum suam vel ad momentum subtrahat, coll. *Psalm.* cxxiv: 2, 3, 4; in periculo constituti clamores multiplicare solent: *Vel* denique significat Zelum suum, & quàm vehementer desideret hoc Conservationis in Statu Gratiæ Divinum Beneficium, ut sic Deum salvatorem suum constanter glorificare posset, qui tantam sibi gratiam donabat, & præstiturus erat in Opere Redemptionis perficiendo; fervidè orantes eadem sæpe verba repetere solent *Psalm.* cxxiii: 3. *Dan.* ix: 19: *Vel* tandem ad aliud aliquod, & fortè non unum, Opus Manuum respicit, à Deo pariter fortunandum. Scilicet respicit fortasse in hac repetitione sua ad Opus Levitarum, tum in Ministerio Tabernaculi, tum in Institutione Populi, ipsis divinitus demandatum, quod Opus manuum eorum dicitur *Deut.* xxxiii: 10, 11. Quando petit Moses; ut ipsi Levitæ Opus hoc suum utrumque sanctè & fideliter peragant, ut jura Dei Jacobum doceant, & Legem Ejus Israëlem *Deut.* xxxiii: 10, in Viis Ejus ambulent, Observationem Ejus observent, jus domui Ejus dicant, atque atria Ejus custodiant *Zach.* iii: 7. Petit porro ut Opus Ministerii eorum Deus Conserve usque ad Messiam, & deinceps Ministerium Verbi sui in Israële Dei, seu Ecclesia ex gentibus, perpetuum reddat, ne Sacerdotibus Leviticis excindatur hoc modo *Vir a conspectu suo, qui offerat holocaustum, & qui adoleat munus, & qui sacrificet victimas, omnibus diebus Jerem.* xxxiii: 18. coll. *Jes.* lix: 21. Petit amplius ut Deus Opus Ministrorum suorum efficax faciat ad Salutem electorum, & Refrænationem impiorum, & sic benedicat strenuitati eorum, OPUS MANUUM eorum benevole suscipiat; transfigatque lumbos iis qui insurgunt in eos, & iis qui odierunt eos *Deut.* xxxiii: 11; atque sic efficiat, ut fideliter & strenue doceant Illi peccatores vias suas, ut convertantur *Psalm.* li: 15. Petit denique ut preces illorum, quas Ipsemet præscripsit Illis *Num.* vi: 24-27, solenniter pro

populo fundendas, clementer exaudiat. Et tandem ut Deus *Umbrarum*, innumerabilium nempe Victimarum ab illis oblatarum, *Corpus* sistat, omnesque *Prophetias*, quas Populum docebant, impleat, mittendo Semen illud Mulieris ac Abrahami promissum, ad gloriam Israël & salutem Gentium! Imo forsan respicit quoque ad *Opus* omne reliquum, *Politicum* & *Oeconomicum*, omniumque & singulorum ex Populo Conatus, Consilia, Vitæque institutum. Nil magis frequens est in Sacris, quam ut vitæ genus, & rei familiaris cura, *Opus Manuum* vocentur *Deut.* xiv: 29. xxiv: 19. *Job.* i: 10. &c. Quod Deus *confirmat*; quando efficit sua providentia communi, ut unusquisque sedulo & fideliter mandato munere fungatur, & curet rem domesticam, quod decet *Gen.* iii: 19. *Ephes.* iv: 28. *1 Tim.* v: 8; & quando licito ac honesto unius cujusque labori benedicit, quod necessarium est, nam absque Dei Benedictione omnis labor noster frustraneus est *Psal.* cxxviii: 1, 2. *Hagg.* i: 5, 6, 9. Quapropter etiam ad hoc omne *Opus*, *Ecclesiasticum Politicum* & *Oeconomicum* respexisse Mosem, valde est probabile. Quod haud absque ratione conjungit cum *Opere Redemptionis*, & *Gratiæ* salutaris petito, quia Messias quoque est Causa Benedictionis temporalis populi sui *Dan.* ix: 17. & quia *Pietas* habet *Promissum* hujus quoque *Vitæ* *1 Tim.* iv: 8.

XIX. Hæc sunt illa Decentia, verè Utilia & Necessaria peccatori ad salutem temporalem ac æternam, quæ Magnus *Legislator* ac *Propheta Moses* petiit a Deo Redemptore suo, & Populo ab ipso petenda præscripsit. Impletum est dudum hoc Mosis Votum Propheticum. Deus in *Carne manifestatus* est *1 Tim.* iii: 16, & ab Angelis primò annuntiatus *Pastoribus* Judæis, qui *Gloriam* & *Pacem* Deo, in *cælo* & *terra* *existenti*, apprecati sunt *Luc.* ii: 11 — 15. *Opus* Redemptionis hoc, desideratum tantopere à Mose, ab Immanuele nostro Jesu Nazareno peractum est *Job.* xvii: 4, 5, longè post tempora Mosis, in Terra Canaan, & medio

dio Israelis, in uno ex montibus Morijæ, ubi Exitu illo defunctus est Christus, quem hic petiit Moses, & cum Elia glorificatus Ei prædixit *Luc. ix: 31*, & ubi exclamavit, *Consummatum est Job. xix: 30*, ac publice ac *Visibiliter propositus est in ἰασηείον Rom. iii: 25*. Qui postea *Resuscitatus & Assumptus in gloriam*, Spiritum Gloriæ effudit in omnem carnem; & manifestatus est toti mundo per Evangelium impletionis: ita ut nonnulli ex servis Jehovæ, *Israelitis videlicet, viderint hoc Opus Domini Act. ii: 41, 42, 47. & Cap. vi: 7. Sermo Dei crescebat, & valde multiplicabatur numerus discipulorum Hierosolymis: multaque turba Sacerdotum auscultabat fidei*: Plures tamen ex Gentibus Redemptorem fide receperunt, *Opusque Redemptionis grato corde ore & opere celebrarunt, juxta Promissa vetera Gen. xxii: 18, xlix: 10. &c. Exauditæ quoque sunt hæ preces Mosis & Ecclesiæ Israeliticæ, quibus Gratiam Justificationis Sanctificationis Conservationis, & Glorificationis pro se implorarunt propter hoc Redemptionis Opus certo perficiendum. Eadem Gratiâ Christi salvati sunt illi ac nos Act. xv: 11, eademque Fide in Christum Redemptorem Hab. ii: 4. Vox enim Fidei Justificantis est Amabilitas Jehovæ Dei nostri sit super nos, utpote eadem cum illâ, GRATIA DOMINI JESU CHRISTI sit nobiscum coll. 2 Cor. xiii: 13.*

XX. *Promissionem tamen, id est, Causam Salutis promissam, non obtinuerunt Patres, ne sine nobis consummarentur Heb. xi: 39, 40. Nobis APPARUIT Lux mundi, Sol Justitiæ, salutifera illa Gratia Dei Tit. ii: 11, & promissus Patribus Redemptor nobis, in Euangelio & Sacramento, ob oculos depingitur, inter nos crucifixus Gal. iii: 1. CERNIMUS Jesum illum Gloria & honore coronatum, qui paulisper fuit inferior Angelis factus, propter mortis perpeffionem: ut beneficio Dei pro omnibus mortem gustaret Heb. ii: 9. Cognitio hujus Myfterii, olim taciti, ingentis Gaudii argumentum præbet; quia absque eâ viveremus sine spe in mundo, ut Majores olim nostri in Gentilismo. Ephef. ii: 12.*

Et decet profectò nos omnes immortales agere *Gratias* Deo Triuni, & præsertim Filio incarnato, pro hoc *Opere* Redemptionis in Cruce peracto. Quod Causa fuit *Gloriæ* Dei manifestatæ, *Jes.* vi: 3, Cultus onerosi & umbratici abrogati, Parietis intergerini confracti, Discriminis Populorum sublato *Ephes.* ii: 12—19. *Coloss.* ii: 14—17, & Vocationis Gentium ad salutem. Inter quas & Nos quoque sumus, nunc illuminati Euangelio illo æterno, in quo hoc *Opus Redemptionis*, Vicaria Christi satisfactio, Justificatio Peccatoris Gratuita per fidem solam, perspicuè exponuntur. In quo etiam *Admirari* debemus *Glorias illas Dei* 2 *Pet.* ii: 10, seu gloriosas Ejus, inprimis Justitiæ & Misericordiæ *Virtutes*, easque indefinenter prædicare *Job.* iii: 16. 1 *Pet.* ii: 9. Quoniam verò neminem salvat, nisi Credentem, *Gratiam* Ejus implorantem, ac justitiæ Ejus Vicariæ imputationem fervide desiderantem; necesse est ut *sitiamus & esuriamus* eam *Matth.* v. 6. *Philipp.* iii: 9. *Jes.* xlv: 22. 25. Est enim hæc necessaria peccatori *Matth.* xvi: 26. *Jer.* xxx: 21. *Rom.* i: 16, 17. Et absque hac *Gratiâ* Christi omnis Benedictio est Maledictionis aggravatio. *Gratiam* verò *Sanctificationis*, æque ac illam Justificationis propter justitiam Christi imputatam, implorare debemus. Nemo sibi persuadeat, se esse Redemptum per Christi sanguinem pretiosum, nisi qui *accensus est studio bonorum Operum* *Tit.* ii: 14. 1 *Pet.* ii: 24. Christus enim non est *Minister peccati* *Gal.* ii: 18, 19. Et sicuti *Fideles*, in Communionem hujus *Gratiæ* Christi per fidem viventes, oportet; in illâ omnem Voluptatem ac Gaudium ponere *Psal.* iv: 8. *Jes.* lxi: 10. *Hab.* iii: 16, 17. *Pbil.* iv: 8. 1 *Pet.* i: 8; *Amabiles* se Deo & Christo Redemptori per amorem & studium sanctitatis infucatæ præstare; Diligenter, Fideliter & Sanctè omne Opus Ecclesiasticum, Politicum, Oeconomicum, ipsis a Deo demandatum, peragere; omneque prosperos successus Deo ferre accepto- 1 *Chron.* xxix: 12, 13, 14; Ita etiam fervidè & indefinens

ter *Orare* debent; ut *Gratia* Christi *fit* & maneat super eos constanter; ut *Conservet* Illos in Fide & omni bono opere, potenti virtute sua & Intercessione validâ; ut *Benedicat* quoque omnibus piis & decentibus Consiliis, Conatibus atque *Operibus*, pro Bono Civitatis Ecclesiæ atque Familiæ susceptis; Imo ut *Appareat* hoc Opus Redemptionis per Euangelium & Spiritum suum priscorum *servorum* suorum *liberis*, hodie & per tot secula rejectis, omnibusque etiam *gentibus* in tota Terra, quæ hætenus non *audiverunt famam* ejus, neque *viderunt gloriam* ejus, ut tandem *videant eam*, & credant & salventur *Jes. LXVI: 18, 19*; & tandem ut *Appareat* iterum ex Cælo Dominus, in *Secundo Adventu* suo, nobis promisso, ad *Opus* salutis nostræ, & totius Ecclesiæ consummandum. Sic certi esse poterunt, omne *Opus manuum* eorum fortunaturum esse Dominum, quod ad suam Gloriam & illorum Salutem facere potest; & speciatim *Opus Fidei* in ipsis conservandum esse ad finem usque; & *Opus Sanctificationis* inchoatæ perficiendum esse certo in die mortis, & æternitatis. Quando videbunt Redemptorem suum uti est 1 *Job. III: 2. Job. XIX: 25. 27.* & *Regem* in pulchritudine sua intuebuntur *Jes. XXXIII: 17.* & fructibus *Operum* bonorum beatissimis fruituri sunt in æternum!

DISSERTATIO DECIMA TERTIA

D E

MESSIA, EX TORRENTE IN
VIA BIBITURO.

Ad P S A L M. CX. 7.

I.



Nter Loca Prophetica, quæ, breviter summatimque, Exinanitionis & Exaltationis utrumque Messiaæ statum prænunciant, connumerandus est quoque hic Davidis in Psalmo cx: vs. 7. מִנְחַל בִּרְךְ / יִשְׁתֶּה עַל־כֵּן יַיִם רֹאשׁ / De TORRENTE IN VIA BIBET: PROPTEREA EXALTABIT CAPUT; ex Veterum & Recentiorum Interpretum communiori sententia. Qui nulli quoque dubitant; quin DOMINUS, ex Mose & omnibus Prophetis differens apud Emmaunticos de Christo *passuro*, & *in gloriam intraturo* Luc. xxiv: 26, 27, & PETRUS, aiens, τὸ εἰς χεῖρὸν παθήματα, & τὰς μὲν πάντας δόξας prænunciasse Spiritum Christi, qui erat in Prophetis, qui exquisiverunt de *salute animarum*, id est, non de Regno Messiaæ mundano quodam, verum spirituali ac æterno, in quâ perfruemur cælestibus bonis & gaudiis, vitæque æternæ, 1 Pet. i: 9, 10, 11; ad hunc quoque Locum Davidicum respexerint.

II. Non desunt tamen magni Nominis Interpretes, potissimum inter Recentiores, qui hoc Dictum Davidicum, in utroque membro, atque adeo totum, referunt ad statum Mes-

Messiae Victoris, in gloriâ cælesti nunc sedentis ad dextram Dei Patris, minimè verò ad statum Humiliationis ejus jam præteritum. Deinde illi, qui de hoc Humiliationis statu prius Textûs Membrum exponunt, optimè quidem conveniunt in rei summâ, Exinanitione Messiae significata; sed in Explicatione phrasios, *de torrente in viâ bibit*, quoad formalem ejus significationem, & quomodo Messiae Humiliando conveniat, admodum dissentiant. Quocirca, cùm ad petitionem Defendentis conscribenda mihi esset Disputatio Academica, etiam ex temporis occasione, quo solenniter celebravimus memoriam Christi, qui post passiones & per eas in gloriam introivit, de hoc Illustri Vaticinio Davidico breviter & modestè agere constitui: certus omnino, neminem ægrè laturum, si in expositione tum Dicti, de cujus obscuritate dudum conquesti sunt Alii, tum Phrasios, *Bibendi ex Torrente*, quæ adhuc semel modò legitur in Sacris, & quidem propriè intelligenda, de Elia nempe 1 Reg. xvii: 4, 6. nullibi autem præterea sensu figurato occurrit, quam hîc; aliquantulum discederem ab Illis quoque conjunctissimis Viris, quos præ alii veneror & amo.

III. Perlustratis atque expensis præcipuorum Interpretum commentariis, uti communior ita & verior visa fuit, & videtur mihi hætenus illa sententia, quæ statuit *hoc in loco* esse Illustre Vaticinium de Unius ejusdemque Messiae Statu duplici, Exinanitione antecessurâ, & Exaltatione secuturâ. Quale etiam occurrit multiplex alibi, non modò in integris Psalmis ac Capitibus Prophetis, sed & in singularibus versibus, Psalm. viii: 6. cxviii: 22. Jes. lii: 13. liii: 10. Ezech. xvii: 22. Zach. ix: 9, 10. &c.

IV. Subjectum itaque Dicti hujus Prophetici est: Non Volatilium quodlibet, de torrente sanguinis cælorum hostium illorum bibiturum, uti perfidia Judaica in *Midraſch Tilm*, apud *Viccars*, commenta est, collato ineptè Textu Ezechielis, Cap. xxxix: 17—20. Neque est *Jehova Deus*

*Pater. Judæi nonnulli ad Deum Patrem illud bibere extor-
rente in via accommodant, inquit Dorscheus, Disp. XII. de
Christi ad dextram Dei sessione, §. 54. Non caret tamen
veri specie hæc sententia, si velimus in versiculo quinto
compellari Filium, & Adonai ibi esse Deum Patrem, quod
sanè multi & magni nominis Interpretes tenent. Quare
etiam in hoc Versiculo septimo, uno sermonis & constru-
ctionis tenore conjuncto, absque ullo subjecti mutati indi-
cio, Deum Patrem cogitarunt esse subjectum hujus dicti
ex Nostri illi, qui egregiè ex hoc Psalmo pro Messia no-
stro contra Judæos nuper disputarunt. Sed Subjectum est
Dominus Davidis, qui & Filius ejus secundum carnem fu-
turus erat. Hunc ultimum versiculum exponunt magno consen-
su omnes Veteres de Christi Humilitate in carne mortali, &
exaltatione in gloria cælesti, tum illi, qui verba superiora ex-
ponunt de Christo ipso, tum qui exponunt de Patre. Quare
mirum est aliquos Recentiores aliter sensisse, scripsit BELLAR-
MINUS. Ita est, etiam illi, qui Verba superiora exponunt
de Patre, hæc nostra Verba de Filio Messia interpretantur.
Sive cogitent, in secunda persona quidem compellari Mes-
siam his verbis, Adonai ad Dextram tuam vs. 5. & proinde
Adonai esse ibi Deum Patrem; verum, mutata subito per-
sonâ secundâ in tertiam, de Messia agi in reliquis omnibus
sequentibus, confregit in die iræ suæ reges, judicabit in gen-
tibus, cumulavit cadavera, confregit caput super terra ampla,
de torrente in via bibet &c. Sive porro velint Adonai, id
est, Deum Patrem à dextris Christi non modò constitui,
in initio versiculi quinti, sed & in altero membro ejus, ut
& in sequenti versiculo sexto de eodem Patre agi, & dici,
illum confregisse Reges in die iræ suæ, & judicaturum in gen-
tibus, omnia implendo cadaveribus, & confringendo caput su-
per terram magnam; quia scilicet hæc hostium prostratio &
perditio res illa erat, quam Pater sibi gerendam desumpse-
rat versu primo, donec ponam hostes tuos scabellum pedum tuo-
rum. Sic RIVETUS ad Versiculum septimum. Hæc ver-
ba*

DE MESSIA, EX TORRENTE BIBITURO. 355

ba de Messia dici apud omnes Christianos interpretes convenit. Nec videri debet dura transitio à Patre ad Filium, quandoquidem per Filium agit Pater, & Filius à Patre. Cum autem bibere in via, & capitis exaltatio, etsi figuratè intellecta, melius filio conveniant, existimamus etiam obiectum dicti istius, Filium esse in carne manifestatum, humiliatum & exaltatum. Sive denique Personarum enallegen, apud Hebræos frequentissimam, cum PICHERELLO, in Opusc. Theol. p. 360. statuunt, inchoandam à versu sexto, judicabit in nationibus, &c. pro judicabis; implebis omnia cadaveribus, confringes caput, Bibes de torrente &c. ô Messia! scilicet quia ad tuam dextram est Adonai Dominus.

V. Certe MESSIAS est *Subiectum* dicti hujus, cui attribuitur *Bibitio ex torrente, & Exaltatio capitis.* Hic est enim *Principale* subjectum sermonis Davidici in toto hoc Psalmo. Hunc, ex indicio summi Prophetæ, David vocavit Dominum suum vs. 1. ἐν πνεύματι, *Matth. xxi: 43, 44. ἐν τῷ πνεύματι τῷ ἁγίῳ* Marc. xii: 36. id est, non πνεῦμα secundum Deitatem, quâ λόγος erat, uti ORIGENES contra Marcionitas sect. iv. p. 127. sed per Spiritum Sanctum, Prophetiæ Auctorem, quo acti fuerunt Prophetæ, 2 Pet. i: 21. & qui loquutus fuit in Davide 2 Sam. xxxiii: 2. & sine cujus inspiratione proferre haudquaquam potuit David arcana illa quæ in decreto æterno inter Jehovah Patrem & Dominum suum gesta erant, longè post fata sua demùm executioni danda, uti bene observatum est ab EUSEBIO in *Psalmum hunc.* De Hujus præterea *Messiae sessione ad dextram Patris*, ex hujus ore vaticinatus fuerat idem David, sermone ad Ecclesiam, uti videtur, directo, in versu primo. Dictum יהוה Jehovæ (fuit in decreto, eritque in executione ejus, & est denique in prævisione Prophetica meâ) יְיָ Domino meo, sede ad dexteram meam, donec posuero inimicos tuos scabellum pedum tuorum. Hunc porro compellaverat David, atque Regni ejus spiritualis, novo titulo & modo administrandi, tum

Originem è Tzizon, vs. 2. tum ejus ut militantis inter medios hostes Conditionem in terris, vs. 2. tum subditorum Spontaneum Obsequium, gloriosam Sanctitatem ac innumerabilem Multitudinem, vs. 3. tum Regni hujus perpetui, in sanguine vicario sacrificii Ejus fundandi, Fundamentum, Sacerdotium nempe Ejus vs. 4. grandi oratione Propheticâ prædixerat. Imo Hujus Messiae denique amplissimas victorias; sive statuamus de Ipso ut Adonai ad dextram Patris existente loqui Davidem, sive ad Ipsum, qui Dominum, Patrem, habebat ad dextram suam, Auxiliatorem potentissimum, in Filio & per Filium, Mediatorem Regemque Tzizonis & Judicem omnium, omnia quoque in Regno gratiæ operantem; lætis vocibus deprædicaverat versiculo quinto & sexto. Hic ergo quoque, qui Principale subjectum orationis hætenus fuerat, sive directe magis, sive indirecte etiam, in hoc ultima versiculo subjectum certè Orationis agnosci debet. Eo magis, quia Exaltatio Messiae, per Sessionem ad dextram Jehovah, & Sacerdotium æternum, Reale est subjectum Orationis Davidicæ per totum Psalmum, de qua Exaltatione ejus in hoc versu septimo nominatim cum agatur, vix dubium ulli esse poterit, heic per brevem ἀνακεφαλαίωσιν de eadem Messiae Domini Davidis Exaltatione agi, quam in præcedentibus tam grandi eloquio depinxerat. HIERONYMUS in Commentario. Quis bibit de torrente in via? Iste cui dictum est: Dixit Dominus Domino meo, sede à dextris meis, Iste qui audiuit: Tu es Sacerdos in æternum secundum ordinem Melchisedech. Iste, qui confringit in die iræ suæ reges . . . Iste quid facit aliud? De torrente in via bibit.

VI. Nec tantum Principale subjectum totius Psalmi est Messias Dominus Davidis, sed & Proxime Nominatum in vs. 5. & 6. præcedentibus immediatè. Ex quo idem sermonis concatenati in hoc versu 7. subjectum esse, meritò colligitur. Verba vs. 5. & 6. ita sonant in fontibus.

אֲדֹנָי עַל יְמִינְךָ מִחֵץ כִּיּוֹם אָפּוּ מַלְכִּים:
מִלֵּא גּוֹיֹת לְרֹאשׁ עַל אֶרֶץ רַבָּה:

In Versione HIERONYMI. Dominus a dextera tuâ, percussit in die furoris sui Reges, judicabit in gentibus, implevit valles; (quasi legisset גְּוִיֹּת) percussit caput in terra multa. Ex Versione ARLÆ MONTANI. Dominus ad dexteram tuam, transfixit in die nasi sui reges. Judicavit in gentibus, implevit corporibus, transfixit caput super terram multam. Apud MELANCHTHONEM: Dominus à dextris tuis, percutit in die iræ suæ reges, judicat inter gentes, cumulat cadauera, percutit in terra caput Magnum. Ubi אֲדֹנָי Adonai vocatur de quo sermo instituitur vs. 5. & continuatur in sequentibus. Ille vero אֲדֹנָי Adonai Idem esse creditur meritò cum illo quem eodem nomine vocaverat David v. 1. אֲדֹנִי Adoni. Est enim idem Nomen, sed aliter punctatum. Nomen יְהוָה est nomen Dei Patris in hoc Psalmo: dixit יְהוָה לְאֲדֹנִי, Jehova Domino meo v. 1. Sceptrum roboris tui mittet יְהוָה Jehova ex Tzizon v. 2. Juravit יְהוָה Jehova v. 4. Sed Nomen אֲדֹנִי Dei Filii incarnati. Dixit Jehova לְאֲדֹנִי Ladoni Domino meo v. 1. Sic etiam in versiculo 5. אֲדֹנָי Adonai Dominus vocatur Idem Dominus Davidis, quia idem radicaliter nomen est, & quia idem est Prædicatum. In initio Psalmi tribuitur ei כִּי יֹשֵׁב אֶדְרֹמִית ad dextram Jehovæ Patris, heic כִּי יֹשֵׁב אֶדְרֹמִית esse vel stare vel sedere ad dextram Ejusdem Dei Patris. Quæ phrasés in N. T. permutantur, ut æquipollentes in re ipsâ. Hinc Trem. & Jun. verba versiculi quinti אֲדֹנָי עַל יְמִינְךָ verterunt, Dominus, qui sedet ad dextram tuam. Placuit hæc sententia Clar. Coccejo, qui aliis quoque haud contemnendis rationibus eam corroboravit in Commentario. Augustinus, inquit, Prosper & alii per אֲדֹנָי Adonai Dominum intelligunt Filium Dei, & ad dextram explicant ut versu 1. quod alii aliter ex Ps. xvi: 8. vel per כִּי יֹשֵׁב אֶדְרֹמִית dextra tua exponunt. Me quod attinet plus emphaseus video in expositione Augustini, & plus harmoniæ. 1. Quem supra Dominum suum nomi-

navit, jam absolute Dominum. 2. Quod, in emphasi, est Filii, qui peculiari ratione *Κις* Dominus est & in Novo Testamento nuncupatur. Eique is titulus recte asseritur, qui ad dextram Dei sedet rex & sacerdos sempiternus: quia ipsa exaltatione dextræ Dei factus sive demonstratus est *Χριστος* & *Κις*, Christus & Dominus. Act. II: 36. 3. Satiùs videtur *על ימינך* ad dextram tuam eodem modo explicare in eodem Psalmo, quam diversis modis. 4. Actiones, quæ hic recensentur, Filio in scripturis attribuuntur, eique conveniunt, ut Judici. Imo etiam, inquam, ut Regi ac glorioso victori. Num. XXIV: 17. — 19. Psalm. II: 9. LXXIII: 22. LXXII: 4. Jes. LXIII: 1, 2, 3. &c. unius potentia cum Patre, qui per Filium hostes positurus erat scabellum pedum Ejus versu 1. PISCATOR in Scholiis. Heb. Adonai. Quod est unum ex nominibus Dei: & hoc loco intelligitur de CHRISTO. Est autem hic Apostrophe vel ad Deum Patrem, vel ad Populum Dei. Si ad Deum Patrem, tum recte versum est, qui sedet ad dexteram tuam, ex collatione versus primi. Si ad populum Dei: tum vertendum erit, qui stat ad dexteram tuam. Id est, Qui tibi assistit ad te defendendum: ut accipitur ista loquutio Psal. CIX: v. 31. & Psalm. XVI: v. 8. Atque hæc Expositio videtur genuina: siquidem his verbis continetur Prophetia de administratione regni Christi: quæ Prophetia utique rectius pronuntiatur ad Populum Dei, quam ad Deum ipsum. Perinde mihi est ferè, an sermo Davidis inde à versu 5. dicatur dirigi ad Deum Patrem, an verò ad Populum Dei, modò hoc teneatur quod Adonai sit Christus. Mallem tamen ad Deum Patrem dirigi, ut phrasis ad dextram eodem modo sumatur in eodem breviori Psalmo, juxta observationem Clar. COCCÉJI. Neque hoc insolitum est in Psalmis Davidis, ut sermone ad Deum Patrem directo, imperium Messia in subditos & omnia, dominandique rationem enarret Ille. Cujus Exempla manifesta in Psalmo Octavo & Septuagesimo secundo videri queunt. Nec minus utilitatis exinde, ubi Deus Ipse testis veritatis Prophe-

tia⁹ invocatur, ad roborandam fidem nostram redundat, quam si Ecclesiam compellendo talia protulisset Propheta. Adeo ut absque magnâ causâ PISCATOR scripserit, quod *Prophetia de administratione Regni Christi rectius pronuntietur ad populum Dei, quam ad Deum ipsum.* In versu nostro septimo & ultimo tamen, *de torrente in via bibit* &c. mutari iterum Apostrophem, sermonemque dirigi ad populum, contendunt nonnulli, ut eodem modo finiret scilicet Propheta quo inceperat, *versu 1.* ubi alloquium instituit ad Auditores, ad Ecclesiam, seu populum Dei. Quod quidem concinnè statui a Clar. TILLIO non nego. Nil tamen absurdi erit in eo, si cogitemus continuari inchoatam *versu 5.* Apostrophem ad Deum Patrem: Ut dicat Propheta, Dominus, qui ad dextram tuam sedet jam in praevisione meâ, & certò sessurus est re ipsâ, ô Jehova Pater! non exaltabitur ad tantam gloriam, nisi antea *in Via*, ex decreto tuo, in decentiis tuis fundato, *de torrente biberit* humiliatus valde.

VII. CHRISTUS itaque est Subjectum Dicti hujus, *de torrente in via bibit*: sed *Christus* consideratus in *Persona sua*, non in membris suis, sive in Corpore mystico nempe Ecclesiâ, quorsum tamen propendere videtur Celeb. COCCEJUS. Optimè Venerabilis Collega MARKIUS. *Continuatur Sermo de Messia, referendus heic non magis, quàm in regno ac sacerdotio, ad ejus membra, sed omnino ad ejus personam.* Nec stringit multùm Ratio à COCCEJO ex Ordine Orationis Davidicæ petita. Ita ait ille. *Nam si passio Christi læ-*
σσην hîc intelligeretur, quæ antecessit sessionem ad dextram Pa-
tris, vel primo loco fuisset Indicata, vel Verbum præteritum
התש bibit. Adscendere enim potest, absque ullâ inordinatione, ab Effecto ad Causam Oratio. Latebat jam Fundamentum & Causa regnandi in merito sacerdotis veri & æterni versu 4. descripti: sed ratio Epilogi repetitionem ejus Causæ, hac phrasi *de torrente in via bibit*, omnino postulabat. *Præteritum התש bibit* tunc potius adhibitum fuis-

fuisset, ait Coccejus. Sed *temporum* permutatio frequens est in Prophetiis, etiam in hoc Psalmo; ubi nunc *præterito* utitur David, quando ex Prævisione sua Prophetica loquitur, nunc iterum *futuro*, quando ad rem ipsam, quæ longè post ætatem suam accideret, respicit.

VIII. *Subiectum* ergo Oraculi Nostri est *Dominus* Davidis, Filius Dei æternus & naturalis, qui, quoniam futurus quoque erat *Filius Davidis* in assumpta Humanitate verâ 2. Sam. vii: 12. Jer. xxiii: 5, 6; ideo hoc primum est de ipso quod hic occurrit *Prædicatum*, DE TORRENTE IN VIA BIBET. Ubi ante omnia probè observandum est, quòd *Via* non debeat referri ad *torrentem*, hoc modo, de *torrente*, qui in *via* est, bibet, sed ad Messiam *Dominum* Davidis, hoc modo, de *torrente*, in *via* constitutus Ipse bibet. Quod bene monitum est a Doct. GEJERO. Nimirum, inquit, si accurata accentuum habeatur ratio, non coherent duo priora vocabula, torrens in via (quomodo pisces in mari pro marinis, Aper in sylva pro sylvestri fortè ponitur, sed duo posteriora, in Via bibet, unde? ex torrente. Id quod liquidò cognoscet ex Ledeb. de accent. collatis p. 100. & 124. Hujus enim observationis neglectus effecit, ut multi minus aptos & accuratos de emblematis heic occurrentis formâ foverint conceptus, sensumque figuratæ locutionis hujus minus feliciter adsecuti videantur. Dum Alii ita legentes, de *torrente*, qui est in *via*, bibet, exinde collegerunt heic agi de torrente luto & sordibus pleno. Sic lego apud TITELMANNUM Pontificium. Nota insuper, quod particula, in via, jungi potest cum verbo bibit, ut sit sensus, in via hujus vitæ bibit Christus Dominus de torrente. Atque hæc connexio convenientior est, quam & solam in Elucidatione sequimur. Posset tamen subtiliori consideratione etiam conjungi cum nomine torrentis, ut conjunctim legatur, Bibet Dominus de torrente in via, id est, de torrente turbulento, pleno luto & sordibus, cujusmodi sunt torrentes illi qui impetu currunt in viis publicis, ubi plerumque plus est immunditiarum. Alii verò heic

DE MESSIA, EX TORRENTE BIBITURO. 361

heic cogitant de torrente, *qui viam abrumpit & interfecat*, uti scripsit Clar. COCCEJUS, quem consequenter; Vel ingrederetur & *vadaret*, imo cui ad labia usque immergeretur ut Clar. TILLIUS; Vel quem *ebiberet* totum atque *epotaret* Messias. Quod posterius voluit ED. REINOLDUS, Episcopus quondam Norvicensis, & qui cum de verbo ad verbum secutus videtur JAC. ALTINGIUS. Alii rursus exinde heic agi de *torrente*, non aquæ, qui *apud viam* potius, sed *sanguinis* cæsorū hostium, magnā copiā effusi, qui *in via* foret ipsā, quā fugerent, ingeniosè conjiciunt: ut sic quoque confirment heic agi de consummatā glorificati Messiae; ingentem hostibus cladem, per *bibitionem sanguinis* eorum alibi expressam Num. XXI: 24. Deut. XXXII: 42. Jerem. XLVI: 10. Ezech. XXXIX: 17. 20, illaturi; *Victoriā*.

IX. VIA porro hæc Domini Davidis, quam percurreret Ille, non est propriè dicta, sed figurata. Neque sic etiam est *via* Ejus, ut gloriosissimi Victoris, quā persequeretur hostes jam in fugam actos, ac progrederetur in gloriā cælesti, atque ad hujus ultimum complementum feliciter & strenuè contenderet. Verūm est *Via* fortissimi Pugnatoris, quæ Ipsum duceret ad Thronum Patris cælestem, per quam introiret in gloriam, & in quā hostes armatos hætenus, imo aciem instruentes, offenderet ac aggrediretur. Etenim quando *Via* heic simpliciter ponitur, in quā constitutus Mēssias biberet, de cujus sessione ad dextram Jehovah antea actum est, nil prius certe, nil citius attentus cogitabit Lector, quam *viam* laboris & molestiæ plenam, quæ duceret Ipsum ad beatam illam & quietam ad dextram Jehovah sessionem. Eo magis quia hæc *via* manifestè statuitur in Textu antecessura *Exaltationem Capitis* Ejus, non certam aliquam, aut summam modò, sed omnem, etiam inchoatam. Neque enim dicitur, propterea *magis magisque*, vel *certo quodam modo*, vel ad *summam altitudinem*, ac gloriæ fastigium *elevabit Caput*, sed simpliciter

attollet, eriget, elevabit, exaltabit caput; quod etiam si intelligi posset de continuatione & consummatione Actûs, non tamen hoc fieri debet absque ullâ necessitate, qualis in hoc loco nulla est, nisi ex merâ hypothesi. *Via* ergo quæ *anteceffura* erat omnem gloriam cælestem Messîæ, non est *via*, quâ *progredetur* Ille in illa gloriâ, aut contenderet modò ad ejus ultimum complementum, vel *Cursus Justitiæ*, quo progredetur ad regnum, uti Clar. Coccejus loquitur; & proinde non est *Via gloriosi Victoris* sed *laboriosi Pugnatoris*, quâ hostes aggressurus erat. Unde porro consequitur quod hæc *Via* Messîæ sit non modò *Via* laboris molestiæ ac pugnæ, sed & *Via* humiliationis, quam *Exaltatio Capitis* sequeretur. Quod amplius ex eo confirmatur, quia *Capitis exaltatio* fere semper tribuitur illis, qui antea in *statu Humiliationis* fuerunt collocati. Quemadmodum sic negatur de Midianitis per Gidconem semel *depressis* atque *Humiliatis* Jud. viii: 28. quod *exaltaverint caput suum*. Sic David, *quum fugeret metu Absalom* filii sui, ait; *At tu Jehova Clypeus es circa me, gloria mea & extollens caput meum* Psalm. iii: 4. Sic idem David, *hostibus adversus se belligerantibus* undique circumdatus, ut *ederent carnem suam*, sperat, *exaltandum Caput suum super inimicos suos* Psalm. xxvii: 6. Sic *extulit* Evilmerodach *Caput* *Jechoniæ*, *educens eum ex carcere* Jer. Lii: 31. Similiter Dominus, dicens, *attollite capita vestra, quoniam appropinquat redemptio vestri* Luc. xxi: 28. finem ærumnarum instare indicat. Rectè TITELMANNUS. *Per exaltationem autem capitis, in scripturis intelligitur exaltatio & glorificatio post Humiliationem*: post adducta Loca Psalm. iii: 4. xxvii: 6. ita pergens: *Sic & in Ecclesiastico (Cap. xi: 1.) Sapientia Humiliati exaltabit caput illius, & in medio magnatum confidere illum faciet*. Si ergo est *Via Laboris Molestiæ ac Humiliationis*, certè non potest esse *via Glorificati Messîæ, victoriam constantissimè persequentis*, uti TREM. & JUN. in Notis, quia in personâ suâ gloriâ cælesti indutus, non am-

DE MESSIA, EX TORRENTE BIBITURO. 363

amplius moritur, patitur, fatigatur, humiliatur. *Act.* xiii: 34. *Rom.* vi: 9, 10. *Heb.* x: 12, 13. *Apoc.* i: 18. *Pf.* xvi: 10, 11.

X. VIA itaque Domini Davidis hoc in Loco est *Vita* ejus *terrestris* sanctissima & simul miserrima. Sanctissima, per Obedientiam ejus vicariam Activam & Passivam perfectissimam: & Miserrima, inde a præsepi Bethleemico usque ad ultimum crucis supplicium. Quemadmodum *Vita nostra* in terris *Via nostra* vocatur, *Prov.* iii: 23. *Tunc obibis securè Viam tuam, & pedem tuum non offendes*, sic & Messiae *Vita* in his terris ærumnosa, & acerbissima crucis morte finita, proponitur ut *Via* per quam INTROIT in gloriam *Luc.* xxiv: 26; & alibi ut *Stadium*, quod decurrit, ut gaudio sibi proposito cælesti potiretur *Heb.* xii: 2. An verò obedientia Messiae omnis usque ad mortem vocetur *סְמִיטָה* *semita vitæ*, *Psal.* xvi: 11, *ostendes mihi semitam vitæ*, id est, notum facies obedientiam & mortem meam vicariam esse verè *semitam* ducentem ad *vitam*, atque ad satietatem gaudiorum cælestium, mihi & meis, pro quibus sponendi, debitam; quodque Clar. Coccejo, Aliisque Viris Doctis placuit; dubium mihi hætenus est, magis propendenti in illam sententiam, quæ, per *semitam* illam *vitarum*, immensa illa cælorum visibilium spatia, per quæ resuscitatus ex morte Messias iturus esset, adscendens corporaliter & localiter ad cælum tertium, domum Patris sui *Job.* xiv: 2, 3. xvi: 28. *Ephes.* iv: 10. *Heb.* iv: 14. vii: 26. intelligenda, statuit.

XI. Et meritò dicitur *Via*, & quidem *Illa*, *בַּדֶּרֶךְ* *Bad-derech*, ut est in Hebræo Textu. *Via* vocatur; *Quia* Messiae foret *aditus* ad Thronum cælestem, in cujus possessione non est natus: *Quia* præterea *finem* habitura erat, qui in omni terrestri viâ invenitur, & in Messiae Vitâ mortali inter mortales conspiciendus foret, quoniam post resurrectionem ex morte & adscensionem in cælum, *sessurus* erat ad dextram Jehovah: *Quia* denique in hac Vita Messiae,

Domini è Cælo, foret peregrinatio, extra Domum Patris sui, Job. xvi: 28. Prodiit à Patre & veni in mundum. Job. i: 14. Et Sermo ille factus est caro, καὶ ἐσκήνωσεν ἐν ἡμῖν in Tentorio, pastoris non modò & militis, sed etiam peregrinantis, habitavit inter nos.

XII. Verùm non simpliciter vocatur *Via*, sed **וַיָּהֲלֵךְ** / id est, *Via* ILLA. PICHRELLUS dicit l. c. *Hebraicum articulum hanc habere vim & energeiam, ut notet, quod Messias tenere pergit viam institutam, victoriæ nempe, quâ hostes fugientes avidè & incunctanter insequeretur. Sed nihil de via instituta in antecedentibus dictum erat expressè. Deinde ubi jam in antecedentibus Capita hostium ad unum omnia, (hinc in sing. Caput vs. 6.) contracta & dissipata leguntur super terra ampla; ibi de fugientibus, & fortè evasuris, ideoque insequendis à Victore, cogitandi locus haud relinquitur. Quale quid dicere voluit fortè MALDONATUS Jesuita in Lectione publicâ, contra quam ibi Disputat Doct. PICHRELLUS, quando agebat, Orationem Davidis decrescere & remitti, quæ incrementum deberet & intendi, propterea quod Victor Christus ante statueretur de hostibus, qui hic tantum eos persequeretur. Aliam emphasin & vim habet hic articulus וַיָּהֲלֵךְ non apparens in textu, attamen latens in eo. Nempe Vita illa sanctissima & miserrima Messiae vocatur *Via* ILLA. I. Erat enim certa definita præscripta & alibi à Jehova satis declarata *Via* à Salvatore generis Humani miserrimi percurrenda. *Psal.* xl: 7, 8, 9. *Jes.* liii. *Job.* x: 17, 18. *Heb.* x: 2. *Luc.* xxiv: 25, 26. 1 *Pet.* i: 10, 11. II. Foret porro *Via* singularissima: Tum quia Sanctissima, per obedientiam consummatissimam usque ad mortem crucis ignominiosissimam & acerbissimam, *Phil.* ii: 7, 8, 9. *Heb.* v: 7, 8: Tum quia miserrima, angusta, & tenebrosa, vallis lacrymarum, & umbræ mortis; (unde & torrentis hic fortè mentio, quia torrens in valle, solet esse;) *Via* etiam arida, siticulosa, in quâ sensu Iræ Divinæ *Psal.* xxi: 16. *Lxxxviii:* 16, 17. 2 *Cor.* v: 21. *Gal.* iii: 13. &*

DE MESSIA, EX TORRENTE BIBITURO. 365

& charitatis erga Deum glorificandum & Electos salvandos ardore consumeretur Messias Sponsor *Pf. LXIX: 10. Luc. xxi: 50*; Tum denique quia à Nemine mortalium aut finitarum creaturarum *calcarì poterat Jer. xxx: 21. Psalm. XLIX: 8*. Utpote quæ erat VIA ILLA SACERDOTALIS, à solo Sacerdote secundum Ordinem Melchizedeci, *vers. 4.* calcanda, per cruentam oblationem sui ipsius, & sic manifestanda, cum prioris Tabernaculi destructione secuturâ certò, de quâ Paulus *Heb. ix: 8*; Tum tandem quia ad salutem peccatoris Electi necessariò *calcarì* debebat à sponsore *Luc. xxiv: 25, 26. Rom. iiii: 25, 26. Heb. ii: 10. ix: 22, 23. iiii.* Foret quoque Via verè mirabilis, ubi pugnaret Messias adversus potestates tenebrarum, & semen serpentis, quem pugnando etiam potestate per peccatum acquisitâ exueret & sic *vinceret*; verum ita ut *patièdo & morièdo* *vinceret*, & cadendo in pulverem mortis contereret caput serpentis *Gen. iii: 15. Heb. ii: 14, 15*. Unde liquet quàm infelicitè nonnulli argumententur, quia de *Belligerantis*, ex contextu, *Via* agitur, quod ideo de cælestis & gloriosi Messiae via agatur. Bellum enim gessit quoque Messias *patièns & morièns*. Egregiè Cl. Witsius, *Oecon. foed. Lib. ii. C. v. §. xxvi*. *Quis enim negaverit Christum à cruce pendentem quasi confertis manibus luctatum esse cum inferorum copiis & æternæ mortis horrore? Sane Paulus testatur Christum tunc exspoliata imperia & potestates palam traduxisse, triumphatis illis per crucem, Col. ii: 15. Ubi autem tam nobilis est triumphus ac victòria, quis certamen ibi præcessisse inficias iverit?*

XIII. In hac *Via* constitutus Dominus Davidis, de *Torrente* biberet. מנחל ישתה DE TORRENTE BIBET. Notatur hac phrasi proculdubio *singulare* quippiam de Domino Davidis, & quod *caussa* foret *efficiens*, non *qualiscunque*, verùm *meritoria*, significata per כן לך propterea exaltabit caput. Quamvis itaque ad literam hoc locum in verò Messia nostro habuerit fortè, aquam *bibere* de *Torrente*, æque

ac ex puteo ac fonte Jacobi *Joh.* iv: 7. Non tamen id ipsum heic significatur: *Tum* quia in eo nihil *singulare* est, sed in Athleta quolibet, in *omnibus continente*, locum habere potuit *1. Cor.* ix: 25; *Tum* quia in *aquæ* potu non est *moralis virtus* per se, quamvis posset esse aliquid virtutis in eo propter aliud, propter quod & *vini* potus commendari potest *coll. 1. Tim.* v: 23; quemadmodum Dominus ita aquâ contentus fuit sæpe, ut tamen ab *vini* usu nequaquam abstinerit prorsus. *coll. Matth.* xi: 19. xxvi: 29. *Joh.* ii: 2, 3. &c. Quare levior est illorum Exegesis, qui simpliciter de *frugali vitâ* Messiae hoc interpretati sunt, laudantes Ejus $\Phi\lambda\acute{\iota}\sigma\phi\omega\nu\ \Delta\lambda\gamma\acute{\iota}\tau\omega$ heic notatam.

XIV. Ad literam ergò non intelligenda est phrasis ista, sed figuratè & emblematicè. Non desunt qui hîc de *torrente deliciarum Dei* cogitant, de quo *Psal.* xxxvi: 9, quando *bibet de torrente* heic denotaret, in mediis anxietatibus & miseriis *confortabitur*, & *consolationem capiet* ex certitudine de Dei favore, corroboratâ cælitùs, mediatâ vel immediatâ operatione Divinâ. Ita Vir Doct. JOH. HENR. MICHAELIS. *Nam in tantâ, quæ hîc oritur, interpretum dissensione præferenda nobis videtur SCHMIDII sententia p. 540.* sicut lassus in via potu aquæ de torrente refocillatur, ut *viam suam absolvere queat*; sic Christus Divina virtute confortatus est, ut ea recreatus caput erexerit, & victor hostium suorum evaserit: inde etiam hoc consecutus ut ad dextram Dei exaltaretur. Nihil est in phrasi, *bibet ex torrente*, quod obstat huic sensui. Nam certè in viâ aridâ & siticulosâ *bibere ex torrente* est recreari & refocillari, seu bibere ad refrigerium & delectationem. Confirmatur Res ipsa; *tum* ex Historiâ passionis Domini nostri. *Luc.* xxii: 43. *Conspectus est autem ei Angelus è cælo corroborans eum*; *tum* ex Verbo Prophetico *Psal.* xvi: 7, 8, 9. Verùm hoc mihi ob stare videtur, quod in hac *Bibitione ex torrente* ponatur non qualiscunque causa *Exaltationis*, sed *meritoria*, atque adeo quòd illa *Bibitio* ad *ipsissimam* Messiae obedientiam *Vicariam* id-

DE MESSIA, EX TORRENTE BIBITURO. 367

idcirco referri debeat. Quare etiam Interpretatio CHALDÆI *Paraphrastæ*, quæ parùm abest ab illâ SCHMIDII, heic admitti nequit. *Ab ore Prophetæ in via doctrinam accipiet.*

XV. Alii idcirco de *Torrente iræ divinæ* ex adverso heic cogitant. Et hæc est communior Veterum & Recentiorum Doctissimorum Interpretum sententia. Juxta quam, *bibet de torrente*, idem est, ac *gravissima & acerbissima mala patietur*, iræque Divinæ Effecta internè pariter & externè, in corpore & in animâ sentiet. Observant in hanc rem, quod *Aqua*, *Maris* non modò æstuantis, aut *Fluvii* se extollentis *Psalms* xciii: 3, 4. aut *fluenti inundantis Psalm* lxix: 2, 3. sed etiam & frequenter *Torrentis*, *iræ Divinæ*, ac *ingentium* in Sacrà Scripturâ calamitatum sit emblemata. *Jes.* xxx: 27, 28. *Ecce, nomen Jehovæ venit e longinquo, ardens ira suâ . . . labra ejus plena sunt indignatione, & lingua ejus ut ignis consumens: & Spiritus ejus כנחל שוטף /* tanquam torrens inundans. *Jerem.* xlvii: 2. *Ecce aquæ adscendunt ab Aquilone; & evadunt לנחל שוטף in torrentem inundantem, ut inundent terram &c. Psalm* xviii: 5. *ונחל בליעל & torrentes Belial terrebant me. Psalm* cxxiv: 4. *Tunc aquæ inundassent nos, נחל torrens pertransisset super animam nostram.* Ratio similitudinis est, quia torrens habet aquas, de tempestatibus, de pluviis, de turbine, de procellis collectas; adeoque nunquamundas, sed semper turbidas, semper tempestate plenas, uti loquitur HIERONYMUS, insipidas proinde, turbantes quoque ac nocentes. Quod inprimis locum habebat in *Torrente Kedron*, ad quem heic respici voluit *Ed. Reinoldus*, *Episcopus Norvicensis*, qui verè erat Cloaca Templi & Urbis; in quem sordes animalium sacrificiis destinatorum, ac sanguis victimarum, omnisque adeo immundities ac veluti peccata populi defluebant. Deinde, quia non tantùm est *confluentia aquarum impuriorum*, sed etiam, quia ex pluviis vel nivibus in locis editioribus collectæ illæ aquæ, *magno inde impetu prolabuntur, ruuntque cum horribili sonitu, sternuntque agros & fata læta, boumque labores*

ve-

verè *torrentes*, id est, *terrentes*. Addunt præterea, quod *Aquæ torrentis* non solum, quatenus irruunt, cingunt, rapiunt, inundant, sed etiam quatenus *bibuntur* sint emblemata iræ divinæ, uti supponi videtur in Oraculo *Obadjæ vs. 16.* & in illo dicto *Job xxi: 20. de ira Omnipotentis bibit.* Porro studiose monent, quod heic non dicatur, *bibet de calice*; (quæ phrasis alibi notat gravissimè affligi; sive de calamitatibus hominum peccatorum *Jerem. xxv: 15, 16, 17, 27. XLIX: 12. Jes. li: 17. Psalm LXXV: 9*; sive de ipsis Messiae Passionibus adhibeatur *Matth. xxi: 22. xxvi: 39, 42. Job. xviii: 11.*) sed *bibet de torrente*. In qua phrasi aliquanto plus est, quàm si simpliciter dixisset *bibet calicem*. Quoniam significat *omnes misérias gustare, & omnium miseriarum summos gradus*, uti loquitur MOLLERUS, secutus hac in parte Alios, speciatim MELANCHTONEM & CRUCIGERUM; qui ita ferè in suis in hunc locum Commentariis præierunt. Urgent amplius *non bibere de torrente* heic poni ut glorificationis antedens, & causam meritoriam. Sed *Exaltationis Causam & Viam* esse *Passiones Christi Vicarias*, docuit Christus *Lucæ xxiv: 26. Nonne hæc oportuit pati Christum, & introire in gloriam suam?* ut & Paulus *Philipp. ii: 8, 9. factus obediens usque ad mortem, mortem autem crucis. Quapropter etiam Deus ipsum superexaltavit &c.* Uterque fortè respiciens ad hunc Locum Davidis quoque. Adducunt denique præcedentem *contextum*, in quo *Sacerdotii Messiae* mentio facta fuit *vs. 4.* ut in quo est fundamentum Regni ejus. Conveniens ergo erat, ut in hoc *Epilogo Actus* ille sacerdotalis commemoraretur distinctius, nempe oblatio sui ipsius cruenta & passio gravissima *Vicaria & Mors*, in quibus est meritum Sacerdotale, & proinde fundamentum Regni, & causa regnandi ad salutem Electorum. *Quomodo a Sacerdotio ad regnum illud pervenerit* ostendit, *nempe per passionem ad exaltationem*, inquit RIVETUS, & paulo post: *Hic ordo notatur summi illius mysterii, quo à Sacerdotio, ad regni majestatem adscendit Filius Dei.*
Pri-

DE MESSIA, EX TORRENTE BIBITURO. 369

Primò Sacerdotio functus est, cum pro nobis satisfecit & peccata nostra expiavit, antequam plenè & perfectè regnaret. Quin & hoc tandem ad commendandam hanc exegesis inculcant, quod scopus Spiritus Sancti in hoc dicto omnino videatur esse, ut Judæorum cogitata à Regno Messiae terreno abducatur, & caveat, ne magnifica Regis descriptio præcedens eo unquam ab iis trahatur, atque in prætextum incredulitatis rapiatur ab illis: Ideo scilicet hîc monuit opportunè, & monere ita, ut videtur, debuit, per passionem Messiam introitum in gloriam suam. Sic iterum post Alios RIVETUS. Potuisset quis existimare, ex iis quæ dicta sunt de Regno Christi & ejusdem potentia adversus inimicos, Christi regnum fore externum, hujus vitæ & mundanum, ideo Psalmum voluit claudere Spiritus Sanctus, figuratâ prædictione Passionis Christi, dicens, de torrente in via bibet, &c. Similiter MOLLERUS. Dixerat Propheta de rege Christo, cui summam potentiam & victorias de hostibus tribuerat. Ne igitur Judaico more hoc accipiatur de regno corporali: addit doctrinam de ejus passione, quæ ei quasi viam apertura erat ad gloriam & exaltationem in regno . . . Hanc judico esse simplicissimam sententiam, ostendit Christi regnum longè aliud fore, quam quale Judæi somniant.

XVI. Ist hæc omnia sic quidem piè orthodoxè & haud absque magna veri specie dicuntur. Imo si suffragia Eru-
ditissimorum & judiciosissimorum Interpretum sententiæ auctoritatem conciliare queant, hæc habet profectò quo se hoc respectu valde commendet. Nihilominus tamen omnem illam veritatis apud animum meum demonstrationem non habuit hætenus, quâ plane convicto in eam pedibus ire mihi licuit. Nemo unquam probavit, quod *bibere de torrente in via* in Scriptura ullibi denotet *Pati*, dicit Clar. Coll. HONERTIUS. De solo Elia occurrit hæc phrasis, *bibere de torrente. Et abscondes te ad torrentem, qui est e regione Jordani, eritque ut ex illo torrente bibas . . . & e torrente bibebat.* 1 Reg. xvii: 4. 6. In quo quidem egesta-

tis inopiæ atque vitæ ærumnosæ fuit argumentum, neuti-
quam verò extremæ miseriæ & gravissimæ in animâ & cor-
pore passionis indicium, quoniam ad recreationem omnino
faciebat potus iste, annis illis calamitosissimis, quibus nec
Ros nec *Pluvia* decidebant. Atque adeo, si quis de Via-
tore aut Milite diceret, quod *bibat è torrente*, & hoc ipso
significare vellet, ipsum gravissima & extrema mala pati,
certè obscurissimè loqueretur. Non agiter hîc de *aquis in-
undantibus* latibulum *Jes. xxviii: 17. de Torrente inundante*,
qui ad collum usque pertingit *Jes. xxx: 28. Psalm cxxiv:*
4 de torrente sulphuris, Ibid. vs. 33. neque de torrentibus
Belial perterrentibus & undique cingentibus, Psalm xviii: 5.
sed de *torrente* simpliciter, ex quo *bibiturus* erat in *Viâ*, non
quo *mergeretur & suffocaretur. Circumveniri, Inundari,*
Mergi, Abripi, Suffocari torrentis, vel fluenti aquis Psalm
lxix: 2, 3. cxxiv: 4, 5. xviii: 5. phrasæ sunt quæ de gra-
vissimis Passionibus meritò adhibentur. Sed hæc longe di-
versæ sunt à phrasî quæ heic occurrit, *bibere de torrente.*
Neque enim omnis qui bibit de torrente eo abripitur mer-
gitur & suffocatur. Quare mirari licet; Doctissimos Vi-
ros hæc in Commentariis suis miscere omnia, ac si plane
idem esset *bibere de torrente*, & eo abripi mergi ac suffo-
cari; nec miscere tantùm ac confundere distinctissima; sed
etiam fingere sibi *Torrentem*, qui *viam* interfecat & quem
Messias *vadare* debebat; quod supra refutavimus. *Bibere*
porro ex torrente *turbido*, quia plus nocere posset quam pro-
desse, calamitatis qualiscunque, sed non ingentis, extremæ,
ac summæ Afflictionis potest esse emblemata. Quod & illi
Interpretes satis videntur agnovisse, qui τὸ *Bibere ex torren-
te*; Vel commutarunt sua auctoritate in τὸ *epotare ac ebibere*
torrentem, quod fecisse JAC. ALTINGIUM, supra a nobis mo-
nitum est quoque; Vel de suo addiderunt voculam *multum*;
uti LUCAS OSIANDER, qui de *ingentibus afflictionibus* loqui-
tur, quæ ita eum abripiant, ut tanquam suffocandus, *MULTUM*
sit bibiturus turbidæ istius aquæ. Hieronymus quidem asse-
verat,

DE MESSIA, EX TORRENTE BIBITURO. 371

verat, quod torrens *nunquam habeat aquam mundam, sed semper turbidam*. Quod an verum fuerit de torrente *Criih*, cujus aquis Elias usus fuit per annum integrum, meritò dubitatur. Certe vox *לני* de Rivo limpidissimarum aquarum quandoque usurpari videtur *Deut. viii: 7. 2 Chron. xxxii: 4. Jerem. xxxi: 9.* Unde etiam lætissimarum rerum emblemata existit sæpe torrens *לני Psalm xxxvi: 9. Prov. xviii: 4. Ezech. xlvii: 9.* Aliud præterea est *bibere de calice* vini turbidi, inebriantis, venenati; aliud verò de *torrente*, cujus aqua limpida esse potest, & potui apta. Illam phrasin Dominus de suâ passione adhibuit, hanc verò nunquam. Ut tamen tectè insinuent Dominum respexisse ad nostrum hunc locum, *Matth. xxi: 22. xxvi: 39, 42.* fingunt subintelligi *calicem*, quem *impleverit de torrente mundi*, ut ait, *HIERONYMUS*. Adeo multis scilicet ambagibus opus erat, ut phrasis hæc eò torqueretur tandem, ut significaret passionis Domini magnitudinem & acerbitatem.

XVII. Qui *AUGUSTINUM* sequuntur inter Veteres & Recentiores de *Torrente mortalitatis Humanæ* loquuntur, respicientes, non ad eò aut solùm ad copiosas & turbulentas, quam quidem ad continuè motas & *rapidissime fluentes Torrentis aquas*. Nempe sicut torrens pluvialibus aquis collectus, redundat, perstrepat, currit, & currendo decurrit, id est, cursum finit, sic est omnis iste cursus mortalitatis humanæ. Nascimur, vivimus, morimur: & morientibus nobis oriuntur alii, succedunt, accedunt, decedunt. De hoc ergo *torrente*, de hoc strepitu transeunte, de hoc denique mortalitatis nostræ fluxu *bibet Dominus*, idemque Filius Davidis, & Verbum Dei Patris, nascendo, patiendo, moriendo, mortalisque vitæ nostræ poenam ferendo, sed in *Via*, quia scilicet mala nostra *in transitu*, mortemque ipsam *ad triduum* gustavit. Qualia apud *AUGUSTINUM, PROSPERUM, GREGORIUM, BEDAM*, aliosque occurrunt. Quantum ad rei substantiam attinet, haud differt,

hæc sententia à proximè præcedente, sed tantùm in modo applicationis emblematis ad Passionem Messiae, eo indicatam.

XVIII. Verùm malè ponitur in *Torrente* Emblemata vitæ mortalis, quod jam in *Via* præcesserat. Et proinde quam jejunos hinc emergit sensus, si verba dictionis hujus figuratæ ad terminos proprios revocemus? nempe hic, *In vitâ mortali particeps erit vitæ mortalis*. Nihil hîc de torrente, vel *Deliciarum*, vel *Iræ Divinæ*, vel *Mortalitatis humanæ* dicitur, sed simpliciter de *Torrente* agitur. Intelligendus ergo est *Torrens* quivis obviis, ex quo *biberet in via* Messias. Phrasis igitur hæc tota seu in intregro complexu suo sumenda est: & deinde bene cavendum est, ne idem in *torrente* iterum quæramus, quod jam in *Via* præsignificatum erat. *Via* verò Messiae, quâ tenderet ad *sessionem ad dextram* Dei in *cælis gloriosam*, quænam alia est, quam via mortalis vitæ, *laboris*, *molestiæ*, *fatigationis*, *ignominiae*, *crucis*? coll. Heb. xii: 2. *Via* porro ad *Sacerdotium cæleste* perpetuum, non alia est quàm via *cruentæ oblationis* sui ipsius Heb. i: 3. vii: 26. ix: 8, 11, 12, 23, 24, 25, 26. x: 12, 13, 14. *Via* denique ad *Exaltationem Capitis* supra hostes, est via pugnae ac certaminis, in quo *Archidux salutis nostræ* per *passiones consummaretur* Heb. ii: 10. atque ita contereret Caput serpentis, ut hic ipse simul calcaneum contereret, ipsumque humiliaret atque dejiceret in pulverem mortis Gen. iii: 15.

XIX. Quoniam itaque *Humiliatio* Messiae *omnis* & *mors* jam præsignificata sunt in *Via* illâ, non oportet ea iterum in *Torrente* repetere. Quare etiam non sunt sequendi illi, qui phrasin quidem *bibendi in viâ de torrente* integram sumentes, eam exponunt; Vel de *Humiliatione* ejus in genere; Vel in specie de *paupertate* ejus Zach. ix: 9. ac *vili vivendi ratione*, absque externo apparatu, & clamore bellico Jes. xlii: 2. atque armorum curruum militum satellitum itreptu; quæ in Regno mundano locum habent, at verò mini-

minime in hoc Rege cælesti conspicerentur, dum in *via* vitæ terrestri ac mortali obambulare. Posterior hæc exegesis occurrit apud BASILIUM MAGNUM in Scholiis, & CHRYSOSTOMUM, vel potius JOHANNEM HIEROSOLYMITANUM in Commentario in *Psalum hunc*, & apud CHRYSOSTOMUM, *Hom. xxx: in Job. iv: 6.* Prior verò invenitur quoque apud RIVETUM. *Videtur ergo*, ait, *exaltatio capitis præsupponere præcedentem demissionem, significatam bibitione torrentis in via; ut in his paucis verbis agnoscamus Messie exinanitionem, & exaltationem* &c. Ratio exegesis hujus est, quòd *Bibitio de torrente in via*, sit semetipsum humiliantis, ac caput saltem inclinantis & demittentis, si manu aquam ad os admoveat, & magis si genua flectat simul, ut bibat ex torrente; imo quia *trò bibere ex torrente* est hominis ærumnosi, exulis, ut in Elia apparuit 1 *Reg. xvii: 4. 6.* deinde plebeji vilis pauperis, nullo satellitio stipati, neminemque habentis qui ipsi sit à poculis.

XX. Sed, uti dixi, quia hæc cuncta jam in *Via* sunt prænotata; hac phrasi adjectâ aliquid aliud intelligere debemus; quod sit nempe *notabile & necessarium* vitæ mortalis ærumnosæ pauperis, Humiliationis ac Mortis Messie *Adjunctum*. Utique *in via de torrente bibere* est VALDE PROPERANTIS & FESTINANTIS in *opere suo*. Quare Viator, Cursor, Nuncius, Miles, Dux, Victor, in via de torrente bibit, non autem diversoria quærit, ut lacte vel vino se reficiat, nisi quia SUMMO ARDORE & MAGNO ZELO CUPIT iter suum prosequi, cursum absolvere, negotium sibi demandatum conficere, hostes aggredi vel insequi. Hæc est causa quòd nullum capter quietem, sed contentus sit sitim restringere aquis ex fluvio vel torrente haustis. Huc respexisse Spiritum Sanctum in adhibita hac figurata locutione omnino puto. Ad Gideonis historiam illam, memoratam *Jud. vii: 1,—8.* alluisse Spiritum multi volunt. Sed re bene perpenſa videre nequeo, quod illa huc multum fa-

ciat. Ibi enim *Bibentes* aquam genibus flexis, ore aquæ admoto & immisso, more *hominum*, distinguuntur a *Lambentibus* aquam manu haustam, more *canum*, hominibus inusitato. Illi ex Divino mandato dimittuntur. Hi verò assumuntur à Gideone numero trecenti; dicente Jehova Gideoni, *trecentis istis viris lambentibus servabo vos, & tradam Midianitas in manum tuam.* Causa assumptionis horum præ illis incerta est. Vulgò judicant Causam fuisse, quod hi lambentes, *stando* biberint nec quietem sumserint ut illi, qui in *genua se incurvaverant*, adeoque bellis gerendis & victoriis prolequendis se aptiores præstiterint atque declaraverint. Sed si bene attendamus, causa discriminationis ponitur in eo, quod hi *lamberint* aquas instar *canum* linguis suis, Illi vero *biberint* eas instar hominum, ore aquis appposito. In *lambentibus* illis extraordinarium motum Divinæ Providentiæ agnoscendum esse judicat SEB. SCHMIDTUS, quo ipso Divinitus ab aliis discreti essent, ad bellum hoc Jehovæ contra Midianitas gerendum. Saltem quia hîc de Messia non dicitur, de Torrente *lambet*, sed *bibet*, more hominum scilicet, sive *genibus flexis* ad bibendum, sive *stans & bibens* è manu sua aquam manu sumtam ex torrente; non credimus ad *trecentos lambentes* illos heic fieri peculiarem allusionem. Sed, ut dixi, metaphora est desumpta ab Illis, imprimis Bellatoribus, qui MAGNO ZELO & ARDORE SUMMO opus suum peragere, vel hostes aggredi & insequi cupientes in viâ, aquæ quovis potu obvio, vel ex torrente hausto, sitim restinguunt. Sic GROTIUS. *Descriptio Bellatoris alacris, qui dum hostes persequitur non querit diversoria aut cauponas, ut vino se respuet sed aqua contentus est, quam obiter & raptim sumit, ex quovis quem reperit non fluvio tantum, sed & torrente.*

XXI. Indicari itaque hac phrasi existimo; Messiam, *Viam* humiliationis passionis & mortis sibi à Patre præscriptam LUBENTISSIME ingressurum esse, *magno cum ZE-*

DE MESSIA, EX TORRENTE BIBITURO. 375

LO & animi ARDORE in eâ perrecturum, atque ex incredibili AMORE gloriæ Divinæ sic illustrandæ, & salutis Electorum sic promerendæ, valde FESTINATURUM ac PROPERATURUM esse, nec QUIETURUM donec totam absolverit. Hoc est de Messîâ prædictum *Jes. L: 4, 5, 6. Psalm. XL: 7, 8, 9. & præsertim Psalm. LXIX: 10. Quia ZELUS DOMUS TUÆ EXEDIT ME.* Hoc etiam in *Sponsore* Fœderis necessarium erat requisitum, ut spondeat & sponsionem exequatur *לִּלְבָבִי כִּי אֶתֵּן* CUM CORDE SUO *Jer. XXX: 21.* Hoc quoque in nostro Jesu, Davidis Filio & Domino vero, visum fuit. Omnis pagina N. T. plena est laudati AMORIS Christi, ex quo & cum quo se tradidit ardentissimè & lubentissimè pro nobis *Rom. v: 5, 6, 7. 2 Cor. v: 14, 15. Gal. II: 20. Ephes. v: 2, 25, 26. Heb. XII: 2. 1 Joh. III: 16. &c.* Audite ex ore ipsius Domini quantopere desideraverit pati, & redemptionis nostræ opus sic perficere. *Lucæ XII: 50. sed Baptismo oportet me baptizari, & quomodo constringor, ardentissimo zelo & animi vehementissima cupidine, usque quo hoc perficiatur? Joh. IV: 34. ESCA MEA est EXEQUI VOLUNTATEM EJUS qui misit me, & CONSUMMARE IPSIUS OPUS.* Quando hora ipsius venerat, non subterfugit, sed sese Proditori & Captoribus spontè obtulit. *Joh. XVIII: 4. 8. 11.* Naturales quidem Voluntatis suæ humanæ inclinationes declaravit Patri suo, sed & simul sese ad eas omnes abnegandas promptum & paratum stitit *Matth. XXVI: 39. 42.* Neque cessavit ab Opere Redemptionis suscepto, donec in Cruce exclamaret, *Consummatum est Joh. XIX: 30.* In hoc denique zelo Messîæ *Festinantis* ut opus sibi mandatum perageret, juncto, cum infinita Personæ Domini Davidis dignitate, est illud *Meritum* Messîæ humiliati, propter quod ipse *exaltavit Caput* ad salutem suorum.

XXII. Hinc additur, *Propterea exaltabit Caput.* Jam morituri caput inclinare, *damnatique* ad mortem demittere illud solent, sed *vita donati* erigunt illud iterum læti. In hac Via damnaretur ad mortem, & moreretur Messias, caput-

putque suum inclinaret in cruce, coll. *Joh. xix: 30.* Sed *Justificaretur* a Patre iudice *Jes. l: 8.* & *Resuscitaretur* a morte post triduum, ita ut *corruptionem* non videret *Psal. xvi: 9, 10, 11. XL: 6. 11. Jes. lxi: 8, 9, 10. Hos. vi: 2. &c.* Rursus, *ignominia oppressi* demittunt caput, sed *honore affecti* elevant illud. Sic Messias per viam *ignominiosissimæ Crucis* transiret ad gloriam summam, & *gloria ac honore* sedens à Patris dextris *coronaretur* *Psal. viii: 6. Phil. ii: 7, 8, 9, 10. Heb. xii: 2.* Iterum *victi* demittunt caput *Thren. ii: 10.* sed *victores exaltant* illud *Psal. iii: 4. xxvii: 6.* Sic Messias *Victor* foret Diaboli & peccati, quos hostes nostros, patiundo & moriendo, omni *poteſtate* detinendi amplius *Electos Reatus & Domini* intolerandi vinculis exueret, & iis actu eriperet suos *Gen. iii: 15. Jes. xlviii: 25. lxi: 12. Coloss. ii: 15. Heb. ii: 14, 15. 1 Joh. iii: 8.* *Victor* quoque foret Mortis, Resurgendo ex ejus pulvere, & Surgendo in die ultimo super pulverem nostrum, ut illum vivificet pariter. *Joh. xix: 25, 26, 27. 1 Cor. xv: 25, 26. Joh. xiv: 19.* *Victor* denique foret omnium hostium suorum, qui ad unum omnes delendi erant, atque in æternum pœnas promeritas daturi, juxta id quod dictum erat *v. 1, 5, 6.* *Servorum* denique ac *Subjeſtorum* est demittere caput, sed *Dominorum* ac *Imperatorum* erigere illud. Hoc sensu de Midianitis legitur, quòd a Gedeone depressi, *non attulerint caput suum*, hoc est, nunquam postea *Dominati* sint Israëlì *Jud. viii: 28.* Sic Messias exaltaretur in *Caput Ecclesiæ* *Psal. cxviii: 22.* ex omnibus populis colligendæ *Dan. vii: 13, 14. Ephes. i: 22,* ut sedens ad dextram Dei regnaret, *1 Cor. xv: 25.* & *dominaretur operibus* manuum Dei omnibus, ad salutem *Electorum* suorum *Psal. viii: 6, 7, 8, 9.* atque ut tandem *Judex* esset vivorum & mortuorum *Jud. vs. 14. Joh. v: 22. Act. x: 41, 42. xviii: 31.*

XXIII. Hæc verò *Exaltatio* Capitis Messix omnis non tantum foret sequela *Passionis* ejus *Voluntariæ*, sed & hæc *Exaltationis* ejus foret *caussa meritoria.* Quæ sanè indica-
tur

tur per על כן *propterea*, exaltabit caput. Ubi enim *Personæ Divinæ*, qualis *Dominus* Davidis erat, tanta *Humiliatio* connectitur per על כן cum ejus *Exaltatione*, ibi non nuda ex liberalitate *Jehovæ* Patris *Consequentia*, sed *Mercēs* & *Præmium* de condigno & simul ex pacto connotantur. Hinc *PAULUS*, fortè ad hunc Locum nostrum respiciens quoque, ait διὸ καὶ ὁ Θεὸς αὐτὸν ὑπερίψωκε *Phil.* 11: 9. Alibi hoc quoque prædictum est à Prophetis. *Jes.* XLIX: 4. ופעלתי את אלהי *operis mei MERCES a Deo meo* *Jes.* LIII: 11. מַעֲמַל *PROPTER laborem animæ suæ videbit semen*; & *Psalms* XLV: 8. Dilexisti justitiam & odio habuisti improbitatem על כן *PROPTEREA* unxit te *Deus Deus tuus* oleo gaudii præ consortibus tuis. Voluntaria *Messia* subjectio prædicta *Psalms*. XL: 7, 8, 9. est causa meritoria salutis nostræ, docente id *Paulo* *Heb.* x: 9, 10. Tunc dixit, Ecce adsum, ut faciam, *Deus*, voluntatem tuam, aufert prius, ut posterius statuatur. Qua *VOLUNTATE* sanctificati sumus per oblationem corporis *Jesu Christi* semel factam. Omitto nunc Locum illum ex *Psalmo* XCI: 14. QUIA me VALDE AMAT, propterea eruam illum: exaltabo eum, quoniam agnoscit nomen meum; quia ibi de *Messia* fortè non agitur: saltem id infeliciter admodum probatur ex auctoritate Patris mendacii, qui verba *Versiculi* XI. istius *Psalmi*, in manibus portabunt te, ne forte impingat ad lapidem pes tuus, adduxisset in tentatione *Christi* in deserto, *Matth.* IV: 6. tanquam *Oraculum* de *Messia* *Propheticum*, ex *Judæorum* non solum opinione, sed & ex rei veritate, continentia.

XXIV. Non est necesse post hæc omnia, vel *Signa* *Messia* ex hoc *Oraculo* recensere, vel illorum in *Jesu Nazareno* nostro *Implementum* ostendere. Hæc enim satis constant ex iis quæ in explicatione hujus *Oraculi* dicta sunt. Certe *JESUS NAZARENUS* est ille *Dominus* Davidis, & *Sacerdos* secundum *Ordinem* narrationis *Mosaicæ* de *Melchisedeco*, qui per *Viam* illam *Sacerdotalem*, quam calcavit &

absolvit per sui ipsius oblationem vicariam, magna cum *jubentia*, zelo, ardore ac constantiâ ad finem perductam, ingressus est cœleste Sanctuarium, exaltavit Caput suum, & Victor hostium suorum evasit; Gloriâ & Honore coronatus. Quamobrem Officii nostri erit: I. *Ut* Eum tanquam *Filium & Dominum* Davidis, & Sacerdotalem Redemptorem nostrum, *Recipiamus* fide cordis sincerâ, *Profiteamur* ore intrepido, & *Colamus* obedientia promptâ & constanti Voluntatis Ejus: *Ut* II. *Perpendamus* quotidie cum *Admiratione*, *Gaudio*, ac *Amore* intensissimo, Zelum Ejus, Charitatis ardorem, & Constantiam, quibus in *Via* constitutus Sacerdotali, Opus salutis nostræ peregit, & *Viam* illam molestam & angustam percurrit: *Ut* III. *Imitemur* sanctissimum Redemptorem, pergendo alacriter & constanter in *Via* Fidei & Relapsionis quotidianæ, quam nobis præscripsit, & quæ angusta est quidem atque molestiarum plena ac ærumnarum, attamen simul Sancta est, & Secura per Domini præsentiam, & Læta per Spiritus consolationes, & denique cum æterna exaltatione cœlesti connexa; inprimis *ut imitemur Zelum* Ejus, in *Viâ* ad Cœlestia Tabernacula illa nobis quoque præscriptâ, in quâ debemus iter nostrum inchoatum continuè prosequi, non segniter ambulare, non tepidi esse unquam in bono, non carnis cupiditates sectari, non commoda nostra carnalia & temporalia quærere ubi Dominus vocat ad abnegationem nostri ipsius, crucis portationem ac sequelam sui: *Ut* IV. *Fiduciam* ponamus in *Sacerdote* hoc *Unico & Rege Æterno*, ac Victore hostium suorum omnium, dum in *Viâ* hac terrestris Vitæ angusta ærumnosâ molesta, ac finienda certò in Valle umbræ mortis, procedimus; confugientes quotidie ad *Merita* Ejus *Sacerdotalia*, ubi peccata nostra iram Judicis summi in nos provocant; & ad Ejus *Potentiam Regiam*, ubi Caro, Satanas, Mundus irridens aut persequens, fidem nostram impugnant; *Certi* de Victoriâ propter Sacerdotis nostri & Regis æterni perpetuam Intercessionem ac validam Custodiam;

Certi

DE MESSIA, EX TORRENTE BIBITURO. 379

Certi quoque de constanti Ecclesiæ Militantis in Terris Duratione, ab Inferni portis non superandæ unquam: Ne tandem V. Mortem Metuamus, cui aculeum ademit noster Jesus, Victor & Triumphator Inferni & Mortis, quam vicit Ipse resurgens ex morte, quamque cum Illo vincemus in ultimo die, juxta promissum Ejus, Viva ego & vos Viveris, & juxta spem omnium Fidelium; quando plenè exaltabimus Capita nostra, Victores Mundi Diaboli Mortis erimus, Gloriâ & Honore coronati loco Ignominie multiplicis, quam in hac Via terrestris Vitæ nostræ ferre propter nomen Jesu debuimus; & quando in æternum bibemus ex torrentibus deliciarum Dei in Paradiso cælesti!

DISSERTATIO DECIMA QUARTA


DE

HÆREDITATE TERRÆ

PIIS PROMISSA.

Ad LOCUM *MATTH. V. 5.*

I.



Uum inter Bona Pietati promissa numeretur quoque in Sacris Voluminibus HÆREDITAS TERRÆ; haud absque ratione quæritur, an ad *hujus*, an verò ad *futurae vitæ promissionem*, quam utramque *pietatem habere* testatus est gentium Apostolus, 1 *Tim. iv: 8.* referenda sit illa. Nonnulli enim ex Veteribus pariter ac Recentioribus ad *futuram* tantum; Alii verò ad *hanc* solam spectare arbitrantur. Nos verò cum iis facimus, qui ad *vitam utramque* illam pertinere judicant.

II. Haud uno in loco occurrit hæc de *Terræ Hereditate* Promissio, fortè tamen non eodem ubique sensu. Dantur enim Loca nonnulla, in quibus *Terra*, per additas in Contextu *Jacobi* vel *Tzizonis* voces, ad *Terram Sanctam* restringitur: *Jes. LVII: 13.* qui verò recipit se ad me, יְחַל אֶרֶץ, hæreditabit terram, וְיִרְשׁ הָהָר קִדְשִׁי, & hæreditabit montem sanctitatis meæ: *Jes. LVIII: 14.* Tunc delectaberis in Domino, & equitare faciam te super excelsa terræ: Et cibabo te hæreditate *Jacobi* Patris tui, quia os Domini est locutum. A-
lia

lia verò extant Loca, in quibus illa restrictio non reperitur, sed *Terra* nudè & simpliciter nominata occurrit, quæ potissimum respicimus, nostræque Meditationis præcipua objecta erunt. Cujusmodi sunt quidem etiam: *Psalms* xxv: 13. *Anima ejus* (Viri timentis Dominum) *in bono commorabitur*; & *semen ejus ירש ארץ* hæreditabit terram: Et *Jes.* lx: 21. Et *populus tuus, omnes ipsi justi, ירשו לעולם ארץ* in æternum hæreditabunt terram: Sed præsertim inveniuntur in *Psalmo trigesimo septimo*, ubi quinquies, (vel sexies, si versum *tertium* connumerare velimus, ob illud *inhabita terram*,) repetita legitur hæc Promissio de *Hæreditate terræ*. Bis occurrit in vs. 9, 10, 11. *Quoniam maligni excidentur, & exspectantes Dominum ipsi ירשו ארץ* hæreditabunt terram. Et adhuc paululum, & non impius; & advertes super locum ejus, & non ipse. Et mansueti ירשו ארץ hæreditabunt terram; & delectabuntur super multitudine pacis. Rursus vs. 22. *Quia benedicti ab eo ירשו ארץ* hæreditabunt terram, & maledicti ab eo excidentur. Iterum significanter vs. 27, 28, 29. *Recede à malo, & fac bonum, ושכן לעולם* & habita in æternum. *Quia dominus diligens judicium, & non derelinquet misericordes suos, in seculum custodientur; & semen impiorum excidetur. Justi ירשו ארץ* hæreditabunt terram; & habitabunt לעד in æternum super eam. Denique vs. 34. *Expecta Dominum & custodi viam ejus, & exaltabit te לרשת ארץ* ad hæreditandum terram; cum excidentur impii, videbis. Cum quibus uti conferri merentur Dicta Salomonis *Prov.* ii: 21, 22. *Quia Recti inhabitabunt terram, & integerrimi remanebunt in ea. Et impii de terra excidentur; & prævaricatores eradentur ex ea: & Prov.* x: 30. *Justus in æternum non dimovebitur, sed impii non habitabunt terram*: ita imprimis addi debet illis Sententia Domini, Angeli Fœderis, in concione montana, *Matth.* v: 5. *Beati mansueti, ὅτι αὐτοὶ κληρονομήσουσιν τὴν γῆν* quoniam ipsi **HÆREDITABUNT TERRAM**, manifestè desumpta, ex *Versu undecimo Psalmi trigesimi septimi*.

III. Ad rectam intelligentiam hujus toties *Repetitæ Promissionis*, multum faciet, si diligenter notemus sequentia, atque ex iis, tanquam veri sensus characteribus de mente Spiritus Sancti judicium formemus. *Primò*, Bonum Promissum est TERRA, absque ulla determinatione vel limitatione toties simpliciter à Spiritu nominata, quasi terram quamlibet omnem ac totam omnino à nobis intelligi velit, perinde ac in alijs bene multis locis, in quibus loquitur de *Terrâ manente* in seculum *Psf. cxiix: 90. Eccles. i: 4.* de gente nulla in *Terra*, simili Israeli 2 *Sam. vii: 23.* de justo nullo in *Terra* qui faciat bonum & non peccet *Eccles. vii: 20.* de hominibus & jumentis in superficie *Terræ*, *Jer. xxvii: 5* de pulvere, & herba *Terræ Gen. xiiii: 16. Job v: 25.* de *Terra* spontè fructum ferente *Marc. iv: 28. &c.* Nihil enim additur in Textu vel Contextu quod cogitata nostra restringat ad hanc vel illam modò terræ regionem, & portionem, vel speciatim ad *Cananæam*, quæ ut *Terra promissionis*, *desiderii*, *sancta*, *excelsa* & *montosa*, &c. aliàs laudatur ac describitur vulgo; quamvis etiam *Terra* simpliciter vocetur, sed ita ut ex Contextu satis pateat restrictior ille sensus. Quale quid apud *Davidem* in *Psalmo trigésimo septimo*, & apud *Jesaiam*, *Capite sexagesimo*, non apparet. Imò restrictiori illi sensui, apud *Davidem* Sententia Domini apud *Matthæum*, quoad verba & sensum ex illo *Psalmo* petita, manifestè obstat. Promissio enim *terræ* heic facta a Domino, non est *Cananææ*, quia ejus possessio ad Rempublicam Israelis solam, & secula typica, atque ad tempora erecti & stantis parietis intergerini inter Judæos & Gentes pertinuit. *Secundò*, hujus *Terræ* promittitur; non solum *HÆREDITARIA* POSSESSIO, duratura *עלמל* IN ÆTERNUM, id est, cujus terminus est absconditus, vel quia procul est, aut incertus, vel quia nullus erit, *coll. Psalm LXXXI: 16. Psf. cx: 4. Dan. xii: 2;* Verùm etiam *INHABITATIO* ejus *עלמל* IN ÆTERNUM futura, id est, diutissimè, vel etiam interminabiliter, *coll. Prov. xxix: 14. Job xix: 24. Psf.*

Pf. cXLVIII: 6. & Pf. XXI: 7. XXII: 27. LXXXIX: 30. Tertiò, hoc Bonum promittitur: Non uni vel alteri mansueto, sed **MANSUETIS**, *omnibus & singulis* nempe; non tamen *mansuetis* ex naturali temperamento vel educatione, sed ex divina gratia talibus, atque ex sensu dependentiæ suæ naturalis & moralis a summo Creatore, & Legislatore, & tenuitatis suæ, ac damnabilitatis vel propter minimum peccatum, & impotentiae naturalis ad faciendum verè bonum ac ad satisfaciendum Deo; & qui propterea esuriant & sitiunt justitiam seculorum, eamque salutarī fide amplectuntur *Matth. v: 5, 6.* Apud Jesaiam dicitur, *omnes ipsi justi*, id est, *justificati*, uti *Munsterus & Clarius*, *hæreditabunt terram*, atque adeo propter justitiam Messiae imputatam. Neque *Mansuetis* modò hoc promittitur, sed & **CUILIBET.** *vs. 20. Viro timenti Dominum Pf. XXV: 12, 13., וְקוֹי יְהוָה & Expectantibus Dominum, Pf. XXXVII: 9. Benedictis ab eo vs. 22. & Justis vs. 29. Jes. LX: 21.* Et denique his **OMNIBUS** absque discrimine non modò, ut nemo fidelium excludatur; sed & **SOLIS** tandem, post *excisos* nempe ad unum omnes *impios ex terra*, in qua hi per aliquod tempus quidem simul forent cum piis, sed tandem penitus ex eâ extirpandi atque eradicandierant, ita ut pii soli in eâ *pemansuri* sint. *Psalms XXXVII: 9, 10, 20, 22, 28. Prov. II: 21, 22. x: 30. Jes. LX: 21.* Nonnulli insuper in verbo *Hæreditandi* significationem *Successionis* in locum impiorum urgent cum *Doct. Muisio* in *Psalms XXXVII: 9.* Ita *Clar. Coccejus* in *Disp. Sel. xxx: § 23. Notanda etiam proprietas verbi וֹרֵשׁ, quo utitur Pf. XXXVII: 9, 11; 22, 29, 34. quod vertitur καταγομεῖν. Notat id in possessione alteri succedere sive suo sive alieno. Atque inde וֹרֵשׁ etiam notat ex possessione expellere, quia necesse est, eum a possessione abire, cui datus וֹרֵשׁ Successor. Igitur, quum dicitur וֹרֵשׁ אֶרֶץ notatur, violentos & improbos ex terra esse extrudendos, & everrendos, ut mansueti eam possideant. Quando itaque semini timentium Jehovam hoc Bonum addicitur, intelligendum quidem est semen carnale, sed quod simul sit fide.*

fidele & pium, sanctis parentium vestigiis insistens, quale tum simul piis promittitur progenitoribus, *Psalms* xxv: 13. cxii: 2. *Quarto* denique REPETITUR hæc *Promissio* *quingies vel sexies*, uti dictum est, in uno *Psalmo*; præterea a *Salomone*, *Jesaja*, imo ab ipso *Domino*, in Concione montana; salutis viam veram docente, & *Fœderis* gratiæ officia ac beneficia exponente, sedulò inculcatur. Certè absque causâ factum hoc minimè videtur; sed ad Boni promissi, desiderandi atque æstimandi, magnitudinem commendandam, utpote quod contineat beatitudinis fidelium in hoc & altero seculo partem haud exiguam nec contemnendam; & deinde ad promissionis hujus, infallibiliter implendæ, certitudinem contestandam. Hæc enim *possessio terræ* complectitur rem, quæ occulta est ex parte, & intus sentitur magis à justis, quam extus ab aliis conspicitur, & quæ difficulter admodum creditur ab homine carnali, pios nempe afflictos pauperesque terræ esse Dominos, & fore tandem, impiis ex ea prorsus deletis, felices & perpetuos ejus Possessores.

IV. Et sane *Promissio* hæc videtur *Paradoxa*, imo *Scripturæ* reliquæ, & *Experientiæ* omni contraria. Etenim in *futuro seculo*, non *Terra* hæc, sed *Cælum* erit *Habitaculum* justorum perpetuum. *Joh. xiv: 2, 3.* *In domo Patris mei novæ domus sunt: alioqui dixissem vobis. Proficiscor paraturus vobis locum: & quum profectus fuero, & paravero vobis locum, rursum veniam, & assumam vos ad me ipsum: ut ubi ero ego & vos sitis.* 1 *Thess. iv: 17.* *Deinde nos vivi, qui reliqui erimus, rapiemur simul cum eis in nubes, in occursum Domini in aera: & ita semper cum Domino erimus.* Sic *Petrus* de *hæreditate*, quæ nec corrumpi potest, nec contaminari, nec marcescere, in cælis servatâ nobis loquitur 1 *Epist. i: 4.* In hoc verò seculo, inhabitatur *Terra* & inhabitabitur ad finem usque ab hominibus quibuscunque; piis & impiis, quibus data dicitur *Psalms* cxv: 16. *Terram autem dedit filiis hominum.* Iusti quidem sunt optima pars *Terræ*;
unde

unde etiam dicuntur fortè *Mansueti terræ*, *Psalms*. LXXVI: 10. *Jes.* XI: 4. *Tzeph.* II: 3; sed & minima & afflicta. *Terra enim traditur in manum impii*; cum dies pii hominis, non experti bonum, cursore velociores aufugiant, *Job.* IX: 24. 25. Purpurati Divites hîc bona sua recipiunt, probi verò cum paupere & ulceroso Lazaro mala *Luc.* XVI: 25. *Pf.* XVII: 14. Impii sunt *habitatores Terræ* Hieronymo, *Apoc.* VIII: 13. *Væ habitatoribus terræ*, quia eorum habitatio in hac terrâ est gloriosa vulgo, quieta ac diuturna. Iusti ex adverso *Peregrinari* in ea perhibentur *Pf.* XXXIX: 13. *Heb.* XI: 13: 1 *Pet.* II: 11. quia scilicet corpore nil proprii quandoque possident, ne quidem ad vestigium pedis usque, neque animo, quo *cælum* occupant, & quærunt ac desiderant *Patriam cœlestem*, & *Civitatem* habentem fundamenta, cujus cives sunt, & *sanctorum concives* *Eph.* II: 19. *Philipp.* III: 20. *Heb.* XI: 10, 16. XIII: 14. *Coloss.* III: 1. 2 *Cor.* V: 2, 3, 4, 8. quia porro peregrinantium instar contemtui irrisioni ac odio mundanorum objecti, multisque periculis & adversitatibus, & in assiduo hostium, corpori & animæ insidias struentium, Tyrannorum & violentorum quorumcunque prementium & pellentium eos, metu versantes, cupiunt dissolvi & *esse cum Christo*, *Phil.* I: 23.

V. Nihilominus tamen certa est Promissio, fidelis enim est Deus qui promisit: sed quænam est TERRA, cujus possessio hæreditaria & inhabitatio perpetua promittitur iustis? Veterum benè multi difficultatibus hisce pressi, ajunt TERRAM heic esse positam pro CÆLO. Ita Origenes *Hom.* XXVI: in *Numeros*, & *Hom.* II: in *Psalms*. XXXVII: Eusebius *Cæsariensis Comment.* in *Pf.* XXXVII: *Basilius Magnus* in *Psalms*. XXXIV: *Gregorius Nyssenus* Frater ejus de octo *Beatitud.* in *Matth.* V: *Theophanes Cerameus*, sec. IX: ut volunt, *Scriptor.* *Hom.* LI: de *Beatitudinibus*. Græcos & Origenem secuti sunt ex Veteribus Latinis præsertim *Ambrosius* in *Psalms*. XXXVII: *Hieronymus* in *Comment.* in *Psalms*.

Iesaiam, Matth. & in Epist. ad Dardanum. Augustinus in Psalm. xxxvii, & in Sermone Domini in Monte: quos iterum recentiorum temporum Scriptores magno numero sequuntur. Neque ratione omni destituta videtur hæc inexpectata TERRÆ in CÆLUM commutatio. Si enim Cælum vocatur Paradisus Tzizon & Jerusalem, quæ partes terræ sunt, utique nec insolens plane, nec à Scripturæ stylo magnopere alienum judicari debet, si Terræ nomine in his promissis simpliciter veniat. Eusebius, ei δ' ἔστιν ἐν ὁρανοῖς Ἱερουσαλὴμ καὶ Σιών ὅραται. Ὁ δὲ Θεὸς τὸ ἐπαγγέλλων ἀκόλαστον ἐστὶ καὶ γὰρ ἐπαγγέλλων νοεῖν ἢ ἐπηγγελμένῳ ποιεῖ ἀξίως. Quod si in cælis Jerusalem & Sion mons Dei cælestis adsit, consequens est etiam ibi terram cælestem cogitare, dignis promissam. Tantò minus porro à phrasi Scripturæ hoc abhorreere censendum est, quia Cælum alibi Terra viventium appellatur; Psalm. xxvii: 13. Nisi credidissem me visurum Bonum Domini בארץ חיים in Terra viventium, defecissem. Et Psalm. cxlii: 6. Clamavi ad Te Domine, & dixi; Tu spes mea, portio mea בארץ חיים in Terra viventium illorum. Hæc Terra utique Cælum est. Audiamus Hieronymum ita Dardano scribentem. Utique David quando hæc cantabat in Spiritu, in Terra repromissionis erat: & non solum in Judææ finibus morabatur, sed multarum in circuitu nationum Victor extiterat Quomodo ergo se credebatur accipere, quod iam victoria possidebat? Et ne forsitan legentibus Judæis ambiguum derelinquat, quæ sit illa terra, quam videre cupiebat, ipso sermone demonstrat, dicens: Credo videre bona Domini in Terra Viventium. Ergo terra Judææ, quæ illius ditionis erat; non est Terra Viventium, id est, Abraham, Isaac, Jacob, de quibus Dominus in resurrectionis quæstione dicit: Non est Deus mortuorum sed viventium: Verum terra & regio mortuorum, de quibus loquitur Ezechiel: Anima quæ peccaverit, ipsa morietur: Et: Non mortui laudabunt te Domine, sed nos qui vivimus benedicimus Domino, qui in resurrectione occursuri sumus Domino Salvatori, dicente Apostolo: Hac enim dico vobis

*his in sermone Domini, quoniam nos qui vivimus, qui relin-
quimur in adventu Domini, non præveniemus eos qui dormie-
runt: &c. . . . Quodque David præmittit: credo videre
bona Domini: ad spiritalem nos perspicuè trahit intelligentiam.
Quæ enim Bona Rex alia requirebat, aut quo indigebat, qui
tantæ potentiæ fuit, ut partis per illum opibus, Solomon filius
ejus (quo nullus in orbe Terrarum ditior fuit) contentus esset?
Sed in terra Viventium Bona illa quærebat, quæ nec oculus vi-
dit &c. Præterea conjungitur non modò Terræ Possessio
cum multitudine Pacis, Psalm. xxxvii: 11. quæ in cœlo
& cœlesti Jerusalem videbitur, in hac verò lacrymarum
valle vix reperitur; verum etiam dicitur ibidem in Psal-
mo, v. 34, & Exaltabit te ad hæreditandam Terram. Ori-
genes Hom. xxvii. in Num. Est ergo quædam etiam in re-
gno Dei Terra: quæ mansuetis repromittitur: & terra quæ vi-
ventium nominatur: & terra in Excelsis posita. De quâ ad
Jussum dicit Propheta. Et Exaltabit te ut hæredites terram.
Istius ergo terræ hæreditatem posteaquam de mundi hujus Ægy-
pto exierit Deo credens anima consequitur. Similiter Hom. v.
in Psalm. xxxvii. ait Idem ad v. 34. Frequenter diximus de
Terra sancta: & de Terra quæ in hæreditatem promissionum
cælestium nominatur: cujus naturæ etiam situs paulo evidentius
in hoc versiculo designatur. Nam ista terra in qua nunc vivi-
mus deorsum esse dicitur: secundum illud quod scriptum est;
Deus autem in cœlo sursum, tu autem in terra deorsum.
Illa autem terra quæ in hæreditatem justis promittitur: non
deorsum sed sursum esse promittitur. Propterea ad eum qui
expectat Dominum & custodit viam ejus: ait repromissionis ser-
mo: Exaltabit te ut hereditas terram. Nisi enim quis exal-
tetur, & ascendat in altum, & efficiatur cœlestis, non po-
test hæreditatem terræ istius consequi. Adeò placuit hoc
Argumentum Origenis Hieronymo; ut illud non modò ad
Psalm. xxxvii: 34. adhibuerit, illam utique æternæ beatitu-
dinis tellurem intelligendam inculcans, in quâ iusti post ter-
minatos labores exaltabuntur; verum etiam repetierit illud*

ad *Jes. LVIII: 14*, atque ut indubitatum laudaverit. *Et elevabit te Dominus atque susstollet super altitudines ac bona terræ. Terra enim mitium, terraque viventium, non est deorsum, sed sursum est. . . . Ut autem certius noverimus hanc terram esse in sublimibus; tricesimi sexti Psalmi breviter recordemur, in quo scriptum est, mites possidebunt terram, & epulabuntur in multitudine pacis. Post quæ infertur: Expecta Dominum & custodi vias ejus, & elevabit te ut possideas terram, & habitabunt in seculum seculi super eam. Quod & ipsum impossibile est, si enim terram pertransibunt, hanc utique quam incolimus, quomodo in seculum seculi justi habitabunt super eam. Ex quo discimus esse terram quæ in sublimibus sita est. Similiter hoc argumento usus est Theophanes Cerameus, *Hom. LI*, existimans, quod nunquam Psaltes dixisset τὴν ἐξώτατον, hoc, exaltabit te, si de Terra quam pedibus calcamus locutus fuisset, à quâ etiam abripiemur olim juxta Apostolum in nubibus, ut cum Domino simus. Denique & hoc observari volunt qui Terram pro Cælo capiunt; quod Dominus in monte *nil terreni*, quia despiciendum potius quam desiderandum erat, sed *cœlestia cuncta* polliceatur suis; nempe Regnum cœlorum, in die æternitatis dandum, *Matth. xxv: 34*; Consolationem, in sinu Abrahami, *Luc. xvi: 23. 25*; Saturationem, quæ coram Throno demum locum habebit *Apoc. vii: 15, 16*; Misericordiam, invenientiam in die illo apud Dominum *2 Tim. i: 18*; Visionem Dei, cœlis reservatam *1 Job. iii: 2*; Adoptionem, posthac consummandam *Rom. viii: 23*; Mercedem denique in cœlis repositam. Unde judicant haud esse verosimile inter tot præcedentes & sequentes Beatitudines cœlestes medio ferè loco collocasse Dominum promissionem *terræ hujus*, maledictæ, spinasque & tribulos afferentis: minus enim hoc cum reliquis promissis conveniret, minusque ad scopum appositum esset, qui erat utique in cumulatis hisce bonis cœlestibus, ut animos lugentium & afflictorum Christianorum à terrenis avocaret, & ad cœlestia quærenda excita-*

ret,

ret, horumque consideratione & spe certâ consolaretur. *Maldonatus in Matth. v. Alii per terram cœlum intelligunt, quod terra viventium vocari solet. . . . : Quorum ego sententia magis accedo, & quia in tam seria concione verosimile non est, eam Christum promississe terram, quam despiciendam docebat, & quia in aliis beatitudinibus nihil eum terreni videmus polliceri.*

VI. Si verò roges, cur *Cœlum* veniat sub nomine *Terræ* apud Davidem, Jesaiam, & Dominum in Evangelio; respondebunt Nonnulli hujus sententiæ Auctores, hoc fieri per metaphoram propter similitudinem *Cœli* cum *Terrâ* in substantiæ firmitate & constantia, uti loquitur *Genebrardus* ad *Psal. xxxvii*: Sic *Bellarminus* in eundem *Psalum* ad v. ii: ait de *Cœlo*, *Terra* illa viventium, quod sola propriè terra sit, id est, firma & stabilis. *Terra* enim nunquam loco suo movetur sed stat in æternum, *Eccles. i: 4.* quod & ab *Ugone Card.* adnotatum est ad *Psal. xxv: 13.* Alii vero dicent hoc fieri propter similitudinem *Cœli* beatorum cum *Terra Cananæa* speciatim, imo propter hujus ad illud Typicam ex ordinatione Dei Relationem. Hanc enim ob utramque causam *Cœlum* vitamque cœlestem nomine *Terræ*, Abrahamo & semini ejus toties promissæ, venire censent. Hoc multis probare contendit *Hieronymus* in Epistola ad *Dardanum*. Non auferre se, ait, *historiæ veritatem, quæ fundamentum est intelligentiæ spiritualis*; hoc est, *Terram* promissionis literaliter & propriè de *Cananæâ* intelligendam esse haud negat; interim tamen præcipuè, & nonnunquam tantùm, juxta intelligentiam spiritualem capi debere de cœlesti Beatitate existimat. *Abraham* enim, ita pergit, ad quem primum facta est repromissio, dicente Domino: Tibi dabo *Terram* hanc & semini tuo, (*Gen. xiii: 15.* xv: 7.) juxta *Stephani* in Christo primi Martyris concionem, ne vestigium quidem pedis hujus terræ dicitur accepisse, (*Act. vii: 5.*) atque peregrinatus esse in terra promissionis quasi in aliena, & in Tabernaculis habitasse cum *Isaac* & *Ja-*

cob, coheredibus ejusdem promissionis; atque expectasse fundamentum habentem civitatem, patriamque cœlestem quæsiuisse (Heb. xi.) sibi scilicet sub voce & Typo Terræ istius, ita ut res signata acceperit nomen Signi & Typi, promissam. Observat porro quod Apostolus in eodem Capite undecimo ad Hebræos, multis in medio Sanctis commemoratis, ad extremum (vs. 39, 40.) intulerit. Et hi omnes testimonium habentes in fide, non acceperunt repromissionem, Deo de nobis melius quid providente, ne sine nobis perfecti fierent; quia scilicet Veteres fideles, Patriarchæ, Prophetæ, alique justi Viri non admissi ad Terram viventium, Paradisum, Cœlum, ante adventum Messiae in Carne, & passionem ac mortem ejus, sed apud inferos versati fuerunt; Sanguis enim Christi clavis Paradisi est, juxta Hieronymum, ibidem ita differentem, ut probaret scilicet Terram promissionis quam maxime Cœlum esse. Miscet denique varia, de arctis limitibus Terræ Canaanæ possessæ ab Israelitis; & de angustia possessionum, qua coarctati hi insuper fuerunt per Jebusæos, aliosque non expulsos; ac de ejus, intus & incute a se, ut ait, cognitæ, facie ac conditione; non ita grata, felici, omnique bonorum copia se commendante, ac quidem in Verbo promissionis depingitur; & denique de servitutibus ac calamitatibus, quas subierunt Abrahami posterum in hac terra, ejecti etiam plus semel ex eâ, per Assyrios, Chaldæos, & tandem Romanos, qui Templum & Urbem subverterunt, ita ut per quadringentos fere annos, utriusque ruinae permanserint. Quæ cuncta cum in finem videntur allata ab Hieronymo, ut insinuatet, amplitudinem promissionis de Hæreditate Terræ istius desiderabilis perpetuâ, neutiquam impletam esse in regionis adeo exiguæ angustâ, calamitosâ sæpe, atque temporali possessione, qualis Abrahamidis juxta carnem concessa modo fuit, sed aliam promissionis Terram esse quærendam, in Cælo nempe ac cœlesti & interminabili vita, in quâ plenitudo sensus promissionis & prædicationis Terræ istius inveniri queat.

queat. *Pudet dicere, inquit, latitudinem terræ repromissionis, ne ethnicis occasionem blasphemandi dedisse videamur . . .*

. Hæc est Judææ tuarum longitudo & latitudo terrarum: in his gloriaris, super his te per diversas provincias ignorantibus jactitas? ad populum phaleras, ego te intus & in cute novi Nec hoc dico in sugillationem terræ Judææ, ut hæreticus sycophanta mentitur: aut quo auferam historiæ veritatem, quæ fundamentum est intelligentiæ spiritualis: sed ut decutiam supercilium Judæorum, qui synagoga angustias Ecclesiæ latitudini præferunt. Si enim occidentem tantum sequuntur literam, & non spiritum vivificantem, ostendant terram repromissionis lacte & melle manantem. Sin autem per tropologiam dictum putant pro rerum omnium abundantia, & nos terram confessionis terramque viventium, terræ veprium præferemus. &c.

VII. Verum huic Sententiæ, etsi Patrum multorum auctoritate munita, atque speciosis rationibus vestita appareat, calculum tamen meum adjicere non ausim. Durissima enim & maxime aliena videtur Metaphora, quâ Terra pro Cælo ponitur, quia hæc duo ut maxime distantia & distincta in Scriptura commemorari solent, *Psal. ciii: 11. cxiii: 5, 6. cxv: 16. Jes. lxxvi: 1.* Si constantem permanentiam attendamus simpliciter, Cælum metaphoricè æque Infernus vocari posset ac Terra, quia & ille permanebit in æternum. Deinde Terræ hujus substantiam non esse annihilandam credimus, sed tamen in Consummatione sæculi Mutationi obnoxia erit Terra, cum Cælum tertium Beatorum Domicilium immutabile videatur mansurum, qua Dei ipsius & sanctorum gloriosissimum & sanctissimum semper fuit Habitaculum, nunquam servituti corruptionis subiectum; *coll. Rom. viii: 21.* Origenes, forte etiam quia animadvertibat Metaphoram hanc esse duram valde & conquistam, audaci instituto finxit aliam Superiorem Terram, quam *dorsum firmamenti* vocavit, & sanctorum habitaculum heic promissum esse voluit: quæque respectu nostræ inferior-

rioris terræ Cælum, sed respectu superioris Cæli Terra diceretur. Verba ejus in *Homil. v: in Ps. xxxvii: iis* quæ supra §. V. ex ipso descripsimus immediate subiecta, ita sonant. *Unde ergo arbitror: quia sicut Cæli istius, id est firmamenti, inferius solum arida hæc in quâ nos habitamus, terra ejus dicitur: ita & illius superioris quod principaliter cælum dicitur, inferius solum in quo habitatores illi cælestes conversantur, & ut ita dicam dorsum ipsum firmamenti hujus, merito (ut dixi) terra illius cæli esse dicitur: sed terra bona: terra sancta: terra multa: terra vivorum: terra fluens lac & mel. Et ideo dicit nunc sermo divinus: exaltabit te ut hæredites terram. Vide de hoc Figmento Origenis Hieronymum ad Avitum Quid cavendum in Libris *Ἐκείνων*, ex Lib. 10. differentem, nec non Huetium in *Origenianis*, Lib. 11. *Quæst. xi: §. xi.* ubi etiam inter alios hujus figmenti de Mundo alio istius modi superiori fontes invenies locum *Job. viii: 23. Ego non sum de Hoc Mundo*, male ab ipso intellectum. Ex hoc Origenis delirio hausit fortè Aloysius Novarinus in *Matth. v: ineptissimam hanc rationem*, cur Cælum Terra vocatum fuerit, quia, uti ait ille, *si imæ huic terræ comparetur cælum, cælum dicitur, si Deo ipsi, qui cælum, terra est.**

VIII. Deinde obstat omnino huic Sententiæ, (ut mittam illud de *הַיָּמִין*, Fide, commendata, uti volunt, *inhabitaturis Terram, v. 3.* quæ in Cælo mutanda erit in *Aspectum*,) quod Impii ex hac Terra Piiis promissâ excidendi haud semel dicantur, in *Psalm. xxxvii: 9, 10: 11, 22, 28, 29, 34, 35, 36.* & in *Proverbiis Salomonis Cap. ii: 21, 22. Quia recti inhabitabunt terram, & integerrimi remanebunt in ea. Et impii de terra excidentur; & prævaricatores eradentur, evellentur, radicitus extrahentur, ex ea.* Si excidentur & eradicabuntur instar arborum ex terra, necesse est ut impii eam occupaverint aliquando, atque in eâ radices egerint. Consequenter Terra hæc a piis hæreditanda non est Cælum, alioquin impii in Cælo, Beatorum loco,

co, ad tempus ponerentur. Quod cum ratione satis aptâ fieri posse, ego equidem non video. Si dicas, opinione spe atque expectatione suâ vel aliorum vanâ cœlo adscribi impios, atque in eo quasi locari posse; atque eâ elusâ ex Beatorum illo loco meritó dici excisos atque eradicatos, eodem sensu quo Judæi hypocritæ atque increduli dicuntur *delendi ex Libro vitæ Psalm. Lxix: 29*; Respondebo, hoc quidem locum habere in nonnullis improbis, ut semet ipsos, vel etiam alii illos in cœlo beandis adnumerent, verum non in omnibus. Dantur enim bene multi qui Deum judicem, præmiumque & pœnam post hanc vitam negant, quorumque omnis spes & expectatio hujus vitæ terrestribus limitibus coarctata & conclusa est, *Psalm. xiv: 1. xvii: 14. xlix: 12. Jes. xxii: 13. 1 Cor. xv: 32. &c.* Atqui in dictis illis Davidis & Salomonis agitur de impiis, absque ulla limitatione aut exceptione; sive operti magis, sive aperti sint justorum hostes; sive intra Ecclesiæ externæ pomœria, sive extra ea vivant. Unde apparet malè conferri locum ex *Psalm. Lxix: 29*, quia in illo agitur de Judæis, horumque proceribus, qui se Progeniem Abrahami & Populum Dei esse jactabant, atque in Lege gloriabantur, seque aliquid esse præ aliis existimabant, ac ab aliis pro justis habebantur. Nec magis feliciter Alii, enervaturi vim argumenti nostri, confugiunt: Vel cum *Lyrano* ad integritatis statum tantum, in quo omnes in Adamo viribus ad vitam in cœlo æternam acquirendam idoneis instructi, & sic quodammodo ad eam ordinati fuerint; ita ille ad *Prov. ii: 21, 22. De quâ, sc. Terrâ Viventium, impii perdentur & auferentur: non quia illic actu fuerunt sed tamen in potentia: in quantum omnis homo factus ad imaginem Dei, est capax ipsius per cognitionem & amorem, & sic quodammodo ad beatitudinem ordinatus*: Vel etiam simul ad universalem gratiam Prædestinationis atque Redemptionis omnium, cum *Gejero*, qui ad eundem locum scripsit: *Verum sit istud potissimum post hanc vitam, ubi è terra viventium,*

am, cui tam in primo integritatis, quàm secundo reparationis statu fuerunt infiti, *totaliter demùm abscissi cognoscantur, ubi & anima & corpore æternam patientur mortem, spe reviviscendi vel in paradysum postliminiò redeundi penitus succisa.* Hæc enim effugia partim Scripturæ sunt contraria, quale illud est de Gratiâ Universali, partim inepta quoque ad fundandam phrasin illam, quâ dicuntur impii instar arborum *radicati* in Terrâ illâ, a piis tandem folis hæreditandâ. Utique haud facile quis concedet, aptè & verè loqui illum, qui de Adamo in statu Integritatis mutabili constituto hætenus, assereret, illum in paradiso cœlesti plantaturum atque radicatum fuisse, ad quem ne jus quidem ipsi nasci, nec cujus spem infallibilem habere poterat, nisi ex perseverantiâ ad finem usque, atque ex sanctissima & perfectissima cursus ipsi a Domino præscripti absolutio-
ne. Deinde, etsi ponamus Deum habere voluntatem omnes salvandi si velint salvati, & Christum habere voluntatem omnes redimendi si velint redimi atque in se credere, (qualem voluntatem Deo independenti & sapientissimo indignam arbitramur) voluntas tamen hæc, cum inefficax sit in plurimis, & vel dependeat plane ab hominis mutabili arbitrio, vel alio decreto de quibusdam fide donandis mox irrita reddatur, non potest protectò efficere, ut quis aptè & verè de impiis dicat, esse illos in ipso cœlo jam collocatos, atque in Terrâ illâ Viventium cœlesti profundè & firmiter radicos. Quod omnino in Psalmo & Proverbiis de Impiis asseritur, respectu Terræ illius, cujus hæreditaria possessio justis promittitur.

IX. Porro, quod *Cœlum* illi in Scripturâ Terræ nomine veniat, haud immeritò dubitant Nonnulli, imo confidenter negant. *Chrysostomus* in *Matth. v.* Μακάριοι οἱ ποιοῦντες, ὅτι αὐτοὶ κληρονομήσουσι τὴν γῆν ποίαν γῆν; εἰπέ μοι τὴν γῆν ποίαν. φασὶν αὐτὸν εἶναι τὴν γῆν. εἰδόμενοι γὰρ εὐεσκόμεν ἐν τῇ καρδίᾳ τὴν γῆν ποίαν. Beati mansueti, quoniam ipsi hæreditabunt terram. *Quam terram, dic mihi. Quidam* intelligibilem

bilem dicunt: *Verum istud non est dicendum. Nasquam enim reperimus in scripturâ terram intelligibilem.* Intelligibilis Terra à Patribus opponitur huic nostræ quam pedimus calcamus, & est æterna in cœlis degenda vita, uti ex *Ambrosio* in *Psal. xxxvii.* atque *Theophane Cerameo* in *Matth. v.* apparet. Similiter *Bugenbadius* in *Psal. xxvii.* *Primum nusquam in Scripturâ, quod sciam, cœlum terra appellatum est.* Et *Gomarus* in *Matth. v.* *Verum secunda expositio, (de cœlo per terram metaphoricè notato) ea de causa non convenit: quia terræ vox, neque usu communi, neque in Scriptura Sacra, ullibi cœlum notat. Neque causa ulla est, cum Christus aliquoties in his aphorismis, regni cœlorum meminerit, cur metaphorâ illâ prorsus insolente (nempe terræ voce pro cœlo) uteretur.*

X. Certe Loca quædam ab *Hieronymo* in Epistolâ ad *Dardanum* adducta huc minime pertinent. *Volumus scire, inquit, quæsit vera Terra, legamus Malachiam: Beatos vos dicent omnes, dicit Dominus, quoniam eritis vos in terra voluptuaria: quæ significantius Græcè appellatur νῆπυν, quam vel sancti desiderant, vel quæ Deo placeat.* *Elaïas* quoque in hæc verba consentit, dicens: *Et erit vir abscondens sermones suos, & apparebit in terra Sion, sicut fluvius gloriosus in terra sitiienti. Quæ est terra Sion, in qua apparebit fluvius gloriosus? Illa videlicet, de qua idem David in alio Psalmo canit: Gloriosa de te dicta sunt civitas Dei. Et iterum: Diligit Dominus portas Sion super omnia tabernacula Jacob. Nunquid istas portas diligit Deus quas videmus in cineres & favillas esse conversas? Non dico prudentibus, sed ne stultis quidem hoc persuaderi potest. Ego arbitror & illud, quod in sexagesimo quarto Psalmo legimus: Visitasti terram, & inebriasti eam, multiplicasti locupletare eam. Fluvius Dei repletus est aquis: Paraasti cibum illorum, quoniam sic est præparatio ejus: sulcos ejus inebria, multiplicata genimina illius: in stillicidiis ejus lætabitur germinans: huic sensui convenire. Illa enim terra quotidie visitatur à Deo,*

Et inebriatur, cunctisque plena est divitiis. De hac fluvius egreditur Dei, de quo scriptum est: Fluminis impetus lætificat civitatem Dei: qui Et in descriptione templi Ezechiel mystico sermone narratur: in cujus ripis arbores sunt ex utraque parte per singulos menses novis frugibus abundantes. De qua terra Et in Proverbiis Vir scripsit sapientissimus: Qui operatur terram suam, implebitur panibus. Quod si de hac terra quam cernimus, Et quæ magis à peccatoribus possidetur, de qua scriptum est; Maledicta terra in operibus tuis: aliquis intelligendum putat, respondeat quomodo hæc possit stare sententia: qui operatur terram suam, implebitur panibus. Quanti enim operantur terram, Et exercent vomere: Et tamen multis impredientibus causis, egestate conficiuntur Et penuriâ? Sed considerandum est, scriptura quid dicat: Qui operatur terram suam, quæ propriè juris sui est, de qua nunquam ejici potest. Ita Hieronymus: qui, quando tot corrasit loca atque torfit in rem suam, exemplo hoc suo comprobavit sententiam illorum, qui recte statuunt; Patrum explicationem non esse normam nostræ interpretationis; & illos sæpe hallucinatos esse, quia ad Versionem Græcam magis quam ad fontem Hæbræum attenderunt, atque pro suâ sententiâ Scripturarum numero quam pondere certare maluerunt, denique quia allegoricum sensum literali vulgo præferendum judicant, etiam ob Pauli dictum male intellectum, *Litera occidit, Spiritus autem vivificat.*

XI. In primo Loco, qui habetur Malach. III: 12, in fonte legitur. *Et beatos dicent vos omnes gentes: בִּי תְהִי אֶתְּכֶם אֶרֶץ חֲפִיץ* Quia eritis vos terra beneplaciti, vel desiderabilis, vel voluntatis, dicit Jehova exercituum. Sensus est: vel metaphoricè, eritis vos instar terræ desiderabilis, quâ delectabitur ipse Jehova, & in qua gentes plantari cupient, coll. Zach. VIII: 23. Jes. III: 1, 2, 3: vel metonymicè, Vos eritis, id est, terra vestra in qua habitatis, erit desiderabilis iterum post desolationem, & terra חֲפִיץ de-

sider-

federii Zach. vii: 14. & יצחא ornamenti Dan. xi: 16. & pulchra Zach. ix: 17, futura sicuti olim, propter insignem fertilitatem, omniumque rerum copiam, quemadmodum in Commentario suo explicuit hunc locum ipse Hieronymus.

XII. Alter Locus ex *Jesaja* laudatus ab ipso, extat *Cap. xxxii: 2*, non in *Hebræo* fonte, sed in *Græca* translatione, in qua legitur inter alia, *καὶ φανήσεται ἐν Σιών ὡς ποταμὸς φερόμενος ἐνδοξὸς ἐν γῇ διψώσῃ. Et apparebit in Sion, sicut fluvius currens inclytus in terra sitienti.* Textus autem *Hebræus* ad verbum ita sonat translatus. *Et erit vir sicut latibulum venti, & abscondio inundationis: sicut rivi aquarum, Betzaijon, in loco arido, (non Betzijen, in Tzyon, ut legērunt LXX.) & ut umbra petrae gravis in terra sitienti.* Nihil in fonte est de *Terra Sion*, neque de *fluvio glorioso* in ea apparituro: ut frustra se fatigaverit *Hieronymus* in quærenda illa terra, atque ex *fluvio ejus glorioso* designanda, quem ipse confinxerat cum *LXX.* ex פלגי מים rivi aquarum, quos acceperunt pro *fluvio* quodam *inclyto*; excellentiæ causâ numero plurali expresso, sed absque causâ & contra contextum. Quare etiam ipse postea *Verba Jesaiæ* *Hebræa* aliter transtulit. *Et erit vir sicut qui absconditur à vento, & celat se a tempestate: sicut rivi aquarum in siti, & umbra petrae prominentis in terra deserta: atque subjecit in Commentario vaticinium hoc intelligendum esse de Christo. Iste enim rex regnabit justè. . . . Et quicumque sub ejus umbraculo fuerit, sic tutus erit in tribulationibus & angustiis, & in mundi istius tempestate, quomodo qui ventum & turbinem fugiens, se tuto abscondit loco, & qui purissimos fontes invenit in deserto, & qui in vehementi æstus solis ardore cuncta torrente, sub prominente saxo requieverit. Ubi nos diximus, sicut rivi aquarum in siti: LXX. translulerunt; Et apparebit in Sion quasi fluvius currens. Verbum enim Hebraicum, de quo supra disputavimus (nempe ad *Cap. xxv: 5.*) יצחא, quod dicitur in Siti, sive in siccitate & in invio: LXX. &*

Theodotio, in Sion, interpretati sunt: pro יְיָ, id est, ſiti, legentes יֵי, quæ eisdem literis ſcribitur.

XIII. Tertius Locus invenitur in *Pſalm. LXV: 10. &c.* Nulla ratio eſt hîc literam deferendi, atque *terram* in *Cœlam* commutandi; quia hoc ſcilicet *quotidie viſitatur a Deo, cunctisque plenum eſt divitiis, & in quo fluvius Dei reperitur, quod dicere velle videtur Hieronymus.* Multiplex verò in contrarium militat. An Cœlum exſiccatae Terræ pluviasque aliquando deſiderantis, atque aratro ſcandæ, imagine commodè proponi poteſt? An ovium ibi greges ut beatis ad victum & amictum neceſſaria ſuppeditent? An ibi diſcrimen *annorum* obtinet, ut unus præ altero, bonitatis Divinæ influxu, inſtar *coronati Regis*, excellentior haberi queat? Omnia hæc & alia plura in Contextu Prædicata nos ad terram hanc ſublunarem, & ſpeciatim Cananæam ducunt, terram Domini dictam, cujus itaque fluvius, ſive Jordan, ſive Siloë, meritò *fluvius Dei* vocatur; cujusque terræ *viſitatio* per pluvias fecundantes, a Deo, qui ſolus habet clavem pluviae *Job. xxviii: 26; vel frequens, coll. Deut. xi: 11. — 15; vel repetenda poſt Captivitatem Babyloniam; vel denique certo quodam tempore Davidis, & anno ſic coronato, atque inter reliquos inſtar Regis eminente, poſt prementem famem ex longa terræ ſiccitate ortam, facta, debitis extollitur laudibus.* Interim hæc per modum uſus ad Eccleſiam, militantem, maxime ſub N. T. & triumphantem, allegoricè, tropologicè, anagogicè, generalius & quantum analogia Scripturæ & fidei permittit, transferri poſſe non negamus. In *Commentario* in *Pſalmum* hunc, per *Terram, terram noſtri corporis, quam, aſſumendo materiam carnis, viſitavit Dominus, intellexit Hieronymus.* Non minus ineptè proſectò.

XIV. Quartus denique Locus ab ipſo adductus eſt *Prov. xii: 11. Qui operatur (colit יָדַע) terram ſuam, ſaturabitur*
tur

tur panē. Litera, inquit, repugnat experientia, & terra sua est ex qua ejici non potest, qualis scilicet est sola terra Viventium coelestis, non hæc sublunaris. Quasi bonum suam nemo appellare deberet, qui aliquando illud perdere, atque ex eo ejici potest. Nihil verius est, juxta naturalis providentiæ leges atque communem experientiam; quæ tamen per judicia divina, quorum ratio sæpe occulta est, semper justa, patiuntur nonnunquam exceptionem; quam quod diligens & tempestiva agri nostri cultura labores nostros compensare soleat. Scopus utique Salomonis in hac Morali nec Spiritu Sancto indigna sententia est, commendare nobis diligentiam in officio & Vocatione nostrâ legitimâ, absterre ab omnibus, ab opere nostro & officio alienis, atque vanis occupationibus. Is denique saturari panē meritò dicitur, qui ex opere manuum suorum decenti accipit quantum satis est ad Vitæ sustentationem cum animi jucundâ acquiescentiâ, quæ piorum est felicitas, ad quos maximè dictum spectat. Ipse Hieronymus postea literalem hunc sensum agnovit & inculcavit ad Jes. xxiii: 10, (ubi LXX. habent עָבַדְתָּ אֶת־אֲדָמָה; *operare terram tuam*; in Hebræo est, עָבַדְתָּ אֶת־אֲדָמָה, *Transi terram tuam*) in Comment. sic scribens: *Profruit enim Tyro naves interire peregrinas, ut cogatur operari Terram suam, de qua in Proverbiis dicitur: Qui operatur Terram suam, saturabitur panibus, at nequaquam de incerto fluctuam naufragorumque discrimine, sed operis sui vivat frugibus.*

XV. Non desunt qui summæ beatitatis Locum per Terram Longinquissimam intelligunt, de qua Jes. xxxiii: 17. Regem in pulchritudine sua videbunt oculi tui: videbunt מְרַחֵקִים Terram longinquitatum; LXX. מֵרַחֲקָא, *Vulg. terram de longè*, quasi scriptum esset מֵמְרַחֲקָא. Ita capiunt Græci, Cyrillus Alexandrinus, & Theodoretus. Ex Latinis Hieronymus in Locum. Qui igitur talis est, regem Christum in sua claritate conspiciet, de quo supra dicitur: *Ecce Rex justus regnabit, & principes in judicio præerunt.* Et oculi

culi ejus videbunt terram de longe, quam multo tempore desideraverant, terram militum & mansuetorum, de qua in Evangelio scriptum est: *Beati mites, quoniam ipsi possidebunt terram.* In Glossa interlineari habetur ad illud; Regem in decore suo videbunt &c. Nunc in Spe: in futuro in Re. Unde: *Credo videre bona Domini in terra viventium.* Lyra in Expositione morali: Regem in decore videbunt: visione clara & beatificâ. Oculi ejus cernent terram de longe. Scilicet terram viventium, quia viventes in corpore mortali cœlestia meditantur. Paulus Burgensis in Additione. Regem in decore suo videbunt oculi tui. Sc: Regem Christum in Deitate, in qua visione clarâ tota merces consistit, secundum Augustinum. Vel peracto Judicio oculi ejus videbunt Regem Christum indutum decore humanitatis assumptæ. Et quia hoc maxime longè est à statu hujus vitæ: ideo subdit: oculi ejus cernent terram de longe, sc. terram viventium. Ex Nostreis hoc secuti sunt, cum Aliis, Theologi Groningani duo superiori seculo celeberrimi; Samuel Maresius, in Syst. Theol. Loc. xiv: § LXIII: Tamen arbitramur hanc renovationem maxime spectaturam æthereæ corpora, supra quæ est terra illa viventium, in qua se bonitate Jehovæ fruiturum credebatur David, Ps. xxvii: 13. & de quâ Propheta ad pium quemlibet, Regem in pulchritudine sua videbunt oculi tui, spectabunt terram longinquissimam Jes. xxxiii: 17. piorum felicitati & habitationi destinatâ: Et Jacobus Altingius, Tom. iv: p. iv: p. 27. ad Loc. Job. viii: 56. Sic nobis intuendus hoc & quovis Dominico Christus. Esa. Cap. 33: 17. oculi tui regem videbunt in pulchritudine sua: & hoc fit, juxta illud Heb. ii: 9. Oculi tui videbunt terram procul dissitam; apertum cœlum, quo præivit, ut in paterna domo locum nobis paret Job. xiv: 1. Cap. xx: 17.

XVI. Meretur sane hic Locus singularem attentionem, uti & totus contextus Propheticus. Musculo verosimile videtur, Alloquium heic institui ad Sebnam, Domui Regis Hizkiæ Præfectum, ejusque Scribam, continens gravissimæ

mæ poenæ *Comminationem*, per abjectionem ejus אל ארץ רחבת ידים in terram amplam spatiis, ubi moreretur ille : Cap. xxii: 18. Oculi tui videbunt regem, inquit Musculus, abs te contentum in decore ipsius, verum felicitate regni ejus non fruëris, sed illis ipsis oculis quibus gloriam regis cernes, videbis etiam terram remotorum populorum, ad quos projicieris a domino. Rectius censent Alii sermonem suum dirigere Vatem, vel ad Tzizon seu Ecclesiam communiter, vel ad הלך צדקות perambulantem justitias &c. vs. 15. id est, ad unumquemque justum, sive ad justorum integram multitudinem. Multi contendunt esse Prophetiam de Bono Ecclesiæ certi temporis dando. Atque adeò: Vel de Rege Hiskia, non in sacco amplius, neque se serviliter Assyrio submittente 2 Reg. xix: 1. Jes. xxxvii: 1. sed in gloria, seu gloriose imperante, 2 Chron. xxxii: 23, 27, 31. iterum conspiciendo; atque de Terra Judæâ liberanda ab Assyriorum Exercitu, ita ut quaqua luberet libere exspatiari liceret, etiam ad regiones longè remotas; quemadmodum ferè Belgæ, dum Piscator nominat Legatos venturos è terra longinquissima, videl. è Babylonia 2 Reg. xx: 12, 14.: Vel de Jehova Exercituum Rege magno Populi sui sub Oeconomia Veteri, se ostensuro Rege Judice & Vindice Ecclesiæ suæ tempore Maccabaico, per liberationem ejus à Tyrannide & ingenti oppressione Antiochi Epiphanis, Magni illius Vastatoris, qui in initio Capitis descriptus esset; quando etiam Judæi Visuri essent Limites Terræ suæ longe extentos, imo in ipsam terram hostilem remotiorem occupandam, veluti Philistæorum, Idumæorum, Moabitarum, Phœnicum & Syrorum quoque, excurrentes, uti Cl. Vitringa: Vel denique de Rege Messia, gloria & honore coronando, atque ita in pulchritudine sua comparituro, atque de Regno ejus latissime propagando & extendendo ad fines terræ, juxta Vaticinia alia quam plurima. Promittitur fidei, inquit Job. Henr. Majus in Oeconomia Temp. V. T. Cap. XLVIII: p. 934, 935. ad nostrum Comma & ad sequens respiciens: Vi-

sio & fruitio Regis Messiae in pulchritudine sive Majestate sua comparentis, & in diffitis terris de gentibus conspicui, ut ista luce gloriosa excitati à longinquo veniant, videant, obstupescant animis, admiratione magnalium Dei (conf. Es. LX: 4, 5.) in liberatione & assumptione piorum gratiosa, & impiorum rejectione gloriosa, quam sapientes hujus seculi, scribae, disquisitores, Reges & Principes munimenta sua numerantes, ad rationis trutinam rem ponderantes, effugere nequeant 1 Cor. I: 20. Harum sententiarum Auctores pro se habent usum Phrasedos Terrae longinquae ארץ רחוקה 1 Reg. VIII: 41. 2 Reg. XX: 14. ארץ מרחק Prov. XXV: 25, Jes. XIII: 5. XLVI: 11. & ארץ מרחקים Jer. VIII: 19. Zach. X: 9. pro Regionibus terrae hujus quæ minorem vel majorem à Canaanâ distantiam habebant.

XVII. Si quis vero velit in hoc dicto potius contineri Promissionem Foederis Gratiae de communi salute in Caelo consummanda; atque omnibus & singulis piis certò dandâ, me quidem nunc Adversarium non habebit. Etenim haud diffiteor, quod Messias Rex in pulchritudine suâ òmni, de quâ Ps. XLV: 3. Cant. I: 16. &c. à beatis in cælo perfectè demum sit cognoscendus 1 Job. III: 2. Job. XIX: 25, 26, 27. Psalm. XVII: 15. Et facile largior, quod opportunè admodum hæc Visio gloriæ in altera Vita certò futura heic commemoretur ad confutationem & simul instructionem impiorum & hypocritarum in Tzizon vs. 14. qui tempore Vatis nostri Deum Judicem, vitæque æternæ spem abnegabant, & simul metum mortis æternæ & poenæ sensus interminabilis abjiciebant, coll. Cap. XXII: 13, 14. nunc vero ex horrendo Dei Judicio vehementi terrore perculsi videbantur vs. 14. Hoc tamen minime nos cogit ad intelligendum Cælum ipsum, summæ felicitatis Locum per Terram Longinquitatum. Si enim referamus promissum hoc ad Regis Messiae cœlestem visionem in gloria inchoatâ quoad animam; Visio Terræ Longinquitatum juncta commodè exponi poterit de totius Terræ hujus inferioris & sublunaris, cum omnibus quæ in ea sunt, quæque

que mortalibus magna videntur, ut minutissimi puncti, reique exiguae valde, atque maximè remotæ à summa beatitudine cælesti, *intellectuali ac experimentalì Visione*, in Cœlitibus locum habiturâ. Videbunt scilicet, id est, intelligent atque ipso actu experientur Spiritus iustorum consummatorum in cœlum translati, Terram hanc cum omni ornatu suo atque deliciis locum esse miseriæ, peccati, inscientiæ, pugnæ, plurimæque imperfectionis, atque adeò situs sui naturalis non tantum ratione, sed & horum omnium respectu à Cœlo altissimo, beatorum summæque felicitatis & Vitæ æternæ sede, longissimè distare. *Beati*, inquit à *Lapide*, è cœlo empyreo eminus respicient & despicient terram, quasi punctum in quo homines ambulant quasi formicæ, quodque inter eos ferro & igne dividitur Unde despiciantur terræ exilitatem, vident & rident hominum labores & studia, quod muscas capient, quod rixentur de lana caprina, quod de terræ puncto in mille particulas secando concertent, usque ad sanguinem & mortem, dicuntque: O quam angusti sunt mortalium termini! O quam angusti sunt mortalium animi! Hausit hoc ex Hieronymo, qui dubius ipse de sensu huius Loci, verbis supra à nobis adductis immediate subiecit: *sive in cœlo positi, terrena despicient*. Si verò Conspectum Regis Messiae in pulchritudine sua extendere placeat ad *Visionem* ejus in gloria consummatâ post Resuscitationem corporum in die Judicii; *Terram longinquitatum* tunc simul videndam, haud lubenter exponerem cum Paraphraste *Jonathane* de *Inferno* damnatorum Loco, quem inter & Beatorum sedem magnum esse hiatum docet Parabola Evangelica *Luc. xvi: 26*: *Aspicies*, inquit ille, & videbis descendentes in ארץ גהנם in terram gehennæ. Intelligerem potius hanc nostram Terram, verum prout renovata existet in die æternitatis illo ad gloriam Dei Creatoris, & consummationem felicitatis iustorum; atque *Visionem* ejus, cunctis promissam justis, caperem de *Fruitione* ejus atque *Usu*, ipsis, in summo Cœlo ordinarium Habitaculum habituris, con-

cedendo quidem; sed quoad modum omnem à nobis in hac mortalitate non satis perspecto, nec temerè, tacente Scripturâ, determinando. Qua de re postea fortè aliquid adhuc dicemus.

XVIII. Sed, inquiunt, quidquid sit de his Locis, hoc tamen certum esse videtur, quod *Cælum* dicatur in Sacris ארץ חיים *Terra Viventium*. In hoc enim consentiunt terre omnes Patres, & Recentiores plurimi; imo hoc plusquam una ratione probavit *Hieronymus* in *Epistola* ad *Dardanum*, & alibi, uti supra §. V. visum fuit. Sed Patrum consensus non est universalis, neque eorum Auctoritas tanta ut cogat nos ad cæcum & servile obsequium. Certè extra omnem dubitationis aleam est positum, quod *Terra viventium* in Sacris sæpius notet *Terram hanc* quam nos vivi incolimus, oppositè ad inferiores ejus partes & ad *sepulchrum*, quod dicitur ארץ נשיה *terra oblivionis* *Psf.* LXXXVIII: 13. ארץ חשך וצלמות *terra tenebrarum* & *umbrae mortis* *Job.* x: 21, 22. Sic *terra viventium* opponitur *terre inferiorum* ארץ תחתיות & *sepulchro* בור, in quo עם שלם *populus antiquus* habitat, *Ezech.* xxvi: 20. quod & repetitis vicibus fit admodum notanter, *Ezech.* xxxii: 23, 24, 25, 26, 27, 32. Hoc sensu de *Jeremia* dictum; *Excindamus eum* è *terra viventium* *Jer.* xi: 19; & de *Messia*, quoniam *abscissus est* de *terra viventium* *Jes.* LIII: 8. , & *Hizkias* de se locutus est, *Ego dixi, in excisione dierum meorum vadam ad portas sepulchri: privatus sum residuo annorum meorum. Dixi, Non videbo Jah, Jah in terra viventium.* *Jes.* xxxviii: 10, 11.; Et *David* de *Doeg*, & *eradicabit te* è *terra viventium* *Psf.* LII: 7.; & denique *Job* de *Sapientia*, *non invenietur in terra viventium* *Cap.* xxviii: 13.

XIX. Restant ad huc Tria Loca in quibus hæc phrasis cum exiguo discrimine reperitur, sed eodem ut putem sensu. Nempe *Psal.* cxlii: 6. *Tu spes mea, portio mea in terra viventium.* Erat in *Speluncâ* *David*, v. i., quasi in *sepulchro*, cui opponit *Terram Viventium*, seu superiores terræ par-

partes, in quibus vivi libero aëre fruuntur : petitque liberationem ex præfenti angustia à Deo, qui solus *refugium* ejus erat in hac terra constituti & *deserti* ab omnibus eam inhabitantibus v. 6. Tu **מחס' refugium meum**, es nunc solus, in *Terra viventium*, quam imples quoque, & in qua habitas ; quia omnes homines me dereliquerunt. Alter Locus est *Psalms* cxvi: 9. *Ambulabo coram facie Jehovæ בְּאַרְצוֹת הַחַיִּים* in terris viventium. Hieronymus: Placebo Domino in regione vivorum. *In Regione Abraham, Isaac & Jacob.* Hoc est quando verè fuero in sinu Abraham, tunc placebo domino. Sed non loquitur Psaltes de eo quod cum liberatione sui ab omni peccato & miseria conjunctum foret ; verum de *sine præservationis* suæ à morte temporali vs. 8. nimirum *ut ambularet*, (quem admodum legitur in Loco parallelo *Pf.* lvi: 14. **לְהִתְהַלֵּךְ**) *coram facie Domini*, id est ; in fide & cultu ejus publico & privato, *coll. Gen.* xvii: 1. *1. Sam.* ii: 30. *1. Reg.* ix: 4. *2. Cor.* v: 7. &c. Et notandum est, quod, cum in Psalmo lvi: 14. dixerit de *Luce viventium*, ne hoc caperetur de Luce illa inaccessa cælesti, hanc Lucem in hoc Psalmo per *Terras vivorum*, nempe metaphoricam per propriam locutionem, explicaverit. Locutus verò est in plurali de *Terris viventium*, sive excellentiæ causa, sive cum respectu ad plures ejus partes, & *Regiones distinctas*. Tertius tandem Locus & ultimus est *Psalms* xxvii: 13. *Nisi credidissem me visurum Bonum Domini in Terra viventium*, defecissem scilicet. Supra §. V. vidimus Hieronymum *tres* maximè *rationes* adducentem, quibus probaret ille Terram viventium non esse hanc sublunarem in genere, neque Cananæam in specie, sed superiorem ac cœlestem regionem beatorum: *Prima erat*, quia David in *Terra Canaan erat* quando hoc cantabat, ergo quod possidebat se accepturum credere non poterat: *Altera*, quod Terra hæc inferior omnis, & judæa quoque, sit *Terra Mortuorum* verius quam vivorum: Et *Tertia* denique, quod *Bona Domini* videre sperabat, non temporalia, quibus a-

bundabat, sed æterna. Clar. Heideggerus in *Dissert. Select. Tom. 11. Dissert. 11. §. XIX.* rationes Hieronymi laudavit & auxit. *Neque tamen, inquit, in verbis illis Davidis, Non credidissem, me visurum bonum Jehovah in terra viventium, quæ Hieronymus in explicationis suæ subsidium vocat, inferiorem hancce terram designari, ut credam, inducor. Etenim ראות יהוה במצב ירוה* videre bonum Domini notat haud dubiè fruitionem Jehovah, ut summi boni, ejusque Visionem, quæ non in Terra hac inferiori sed Cælo contingit. Alias hæc terra potius est mortis, quam vitæ; quia vita nostra propter peccatum facta est mors. Verum Rationes hæc tanti ponderis tantæque evidentiæ non sunt, ut assensum extorqueant. Prima enim atque Tertia Hieronymi Ratio nituntur hac hypothese prorsus incertâ vel falsâ, quod David hunc Psalmum composuerit in Regno confirmatus, multarum in circuitu nationum Victor existens, omniumque bonorum terrenorum gaudens affluentia. Contra quam hypothesein disputavimus in *Dissert. V. de Tabernaculi Levitici Amœnit. ad Locum Psalm xxvii: 4. §. VIII.*, variisque rationibus ex ipso Psalmo petitis probavimus, eum in mediis exiliis periculis atque angustiis ab ipso fuisse confectum, ante unctionem ejus secundam, factam in Hebron, de qua 2 Sam. 11: 4, 7. Unde etiam Doct. Clericus in *Quæst. Hieronymianis, Quæst. XIV.* ad hæc argumenta Hieronymi bene reposuit. *Primum hoc Hieronymus temerè adsumit, quidni enim possit hic Psalmus à Davide scriptus esse cum in Philistæorum solo, aut in vicinis solitudinibus versabatur, ut fugeret Saulis iram? Profectò quæcunque in eo habentur haud paullo melius conveniunt difficilibus illis temporibus Davidis, quam ejus senectuti, per quam victoriis suis fruitus est, uti recte animadvertit Lud. Ferrandus Vir eruditus. Terrenum itaque Bonum David, à Domino Israël in Terra Cananæ Num. x: 29, 32. imo & Sibi, unâ cum Regno promissum, & quo destitutus hætenus erat ille, ex fide promissionis sibi factæ, sperare atque desiderare meritò poterat. Haud tamen nego illum altius simul*

refpexiffe ad *Bonum Electorum* *Pf.* cvi: 5. & *Credientium* *Pf.* xxxi: 20. quod à Jehova Patre ipsis est destinatum, & à Jehova Filio acquifitum, & a Jehova Spiritu Sancto ipsis continuè applicatur, atque adeo cum fingulari emphafi *Bonum Jehovæ* dicitur. Hujus verò *visionem* in Cœlo tantum obtinere nego. Inchoata enim *Vifio* feu fruitio hujus Boni locum habet in hac Vita, tam quoad poffeffionem Boni gratiæ, quam quoad fpem & præguftationem Boni gloriæ *Pfalm.* lxxv: 5. *Jer.* xxxii: 12, 14. *Pf.* xxxiv: 11. *Rom.* viii: 23, 24. Unde infirmitas ratiocinii Cl. Heideggeri apparet. *Secunda* ratio Hieronymi ab Heidegggero adoptata nullius quoque momenti eft. Etfi enim certo refpectu inferior hæc terra *mortuorum* dici queat, alio tamen & *vivorum* meritò appellari poteft, & appellata eft in Locis fupra adductis. Speciatim Terra *Cananæa* præ aliis regionibus ita vocari potuit, quoniam erat terra Dei viventis, atque inhabitabatur ab Hominibus, qui naturaliter non modo vivebant, fed & vita gratiæ gaudebant, in quorum itaque medio vivere & Deum colere haud parùm conducere poterat ad *Vifionem* Boni Jehovæ magis magisque perficiendam.

XX. Etfi verò concedamus, quod *Cælum* in his Locis, vitæque cœleftis, dicatur *Terra Viventium*, metaphorâ petitâ, vel à Paradifo, in quo nulla mors fuit, vel à Terrâ Cananæâ, in quâ Deus ipfe vivens, & fideles fpiritualiter viventes habitabant, quemadmodum etiam Chaldæus alii-que Hebræorum cum Kimchio *Terram viventium* interpretati funt, ficuti monuit *Simeon de Muis* ad *Pf.* xxvii.: exinde tamen minimè fequetur, *Terram*, cujus Hæreditas piis præmittitur in iis quæ tractamus Locis, fimiliter pro *Cælo* effe pofitam. Etenim id nominis, *Terra viventium* fcilicet, ne femel quidem in his noftris toties repetitis Promiffis occurrit. Quod tamen neceffarium fuiffe videri poffet ad tollendam magis fensus obfcuritatem. Ubi enim *Terra* fimpliciter nominatur & fæpius eodem modo, in iisdem

dem promissionibus. haud facile continget, ut aliquis cogitet de *Cælo*, Terræ vulgò opposito. At, inquiunt, quamvis *Terra* à piis possidenda non dicatur *Viventium*, dicitur tamen *Terra multitudinis pacis*, & *altitudinis*. Nempe *Pf.* xxxvii: v. 11. ubi *multitudo pacis* cum *Hæreditate Terræ* jungitur, & v. 34. *Exaltabit Te ad hæreditandam terram*, quod supra ex Origene vidimus vehementer urfisse Hieronymum. Verum *multa pax* possidetur à piis etiam in hac vitâ *Rom.* v: 1. *xiv.* 17. *Phil.* iv: 7. *Pf.* cxxii: 5, 7, 8. &c. *omnis* autem & consummata demum in alterâ vitâ *Apoc.* xxi: 4. Deinde alia est *Exaltatio Loci*, alia verò *Status* per dignitatem & *Dominium*. De hac agit *Psaltes*, atque docet per *Hæreditatem Terræ* promissam piis in sublimi statu fore constituendos, ipsisque *Regibus* æquiparandos, imo præferendos.

XXI. Instant porrò atque confidenter satis statuunt, quod vocibus *Terræ* hujus sc. *Cananæ*, sæpius in promissis Abrahamo factis *Cælum* ipsum sit significatum, quod supra §. VI. Hieronymum valde inculcantem atque suo more probantem vidimus; tum ex promissione terræ hujus ipsi Abrahamo in individuo facta, cui tamen *vestigium pedis* in ea non est concessum, & qui habitavit in ea tanquam *aliena*; tum ex *Heb.* xi: 39, 40. ubi de cunctis fidelibus veteribus, etiam qui terram *Cananæ* inhabitaverunt, dicitur, quod *non acceperint repromissionem*, sc: hanc de *Terra* danda Abrahamo & semini ejus; tum denique ex *Terræ Cananæ* ab *Israëlitis* *ad tempus* possessæ *angustia*, non conciliandâ cum *amplitudine* toties repetitæ promissionis de *Terra* hac possidenda ut *ingenti bono*, & quidem in *æternum*. Sed frustra & infelicitè hæc congeffit argumenta Hieronymus, minime probantia quod ipse voluit. Quantum attinet ad *Primum*: Promissio *Terræ hujus* הארץ הזאת nempe *Cananæ* facta est Abrahamo, sed ab ipso possidendæ *in semine* ejus: quemadmodum sæpe de *Patribus* dictum reperitur quod in filiis implendum erat, *Gen.* xxvii:

29, 40. XLIX: 7. Certè in prima Terræ promissione *semini* solius fit mentio *Gen. xii: 7. Et dixit ei, semini tuo dabo terram hanc, coll. Neb. ix: 8. Gen. xv: 18. xxii: 17.* Unde conjunctio *Et* in Promissis sequutis postea *Gen. xiii: 5. xvii: 8. Dabo tibi Et semini tuo*, exegeticè videtur capienda, quemadmodum etiam alibi sumitur 1 *Cbron. xxi: 12. coll. 2 Sam. xxiv: 13.*; ut sensus sit, dabo Tibi; id est, semini tuo, terram hanc. Interim inhabitationem tranquillam & honorificam etiam ipsi Abrahamo concessit Deus *Gen. xxiii: 6. Ps. cv: 14, 15.* ad mortem usque cum insecutâ sepultura *Gen. xv: 15.* atque sic argumentum dedit juris dati in Terram hanc, ac possessionis, in quam certò Posteritas ejus immittenda erat; imò simul exequi consilium hac de re suum incepit Dominus, quod significatum est ab ipso quando dixit *Gen. xv: 7. Ego Jebova qui eduxi Te ex Ur Chasdim ad dandam Tibi terram hanc, ad hæreditandum eam*, quibus verbis declaravit se hunc in finem evocasse Patriarcham ex Ur Chaldæorum, ut decretum suum de danda semini ejus Terra hac sic inchoativè exequeretur in ipso translato in hanc Terram, eamque inhabitaturo ad mortem usque, atque sic simul documentum daret *plenissimæ* executionis consilii sui certè secuturæ, quo etiam posterì ejus excitarentur magis ad occupandam Terram, quam Patribus promiserat non modò, sed & inhabitandam dederat, & ubi ossa eorum inveniebantur. *Alterum* Hieronymi argumentum duplicem errorem continet, *exegeticum* nempe & *doctrinalem* insignem. Errorem exegeticum committit, quando per *promissionem*, ἡ ἐπαγγελίαν, *Heb. xi: 39.* illam de Terræ hæreditate intelligendam esse contendit, ut Terram in Cælum mutaret, quia scilicet fideles a Paulo antea nominati inferiorem hanc terram Cananæam certò possederunt, sed in superiorem & cœlestem non essent ingressi ante mortem Christi. *Promissionem* utique Terræ, nisi literam plane velimus deserere, quod nec ipse vult Hieronymus, obtinuerunt fideles illi ab Apostolo

laudati, ut hoc *absolutè* negare haud potuerit Paulus; deinde loquitur manifestè de illa promissione, in cujus implemento *ἡ ἐπαγγελία* *π* *præstantius* quid esset eo quod olim Patribus illis in hac vita contigit, & quod *Nobis* nunc sub N. T. viventibus *solis* destinatum atque reservatum erat, v. 40; & proinde *promissio* hæc est illa de *Adventu Messiae*, nostris demum temporibus impleta *Act. xiii: 32. Matth. xiii: 16, 17.* Error porro *Doctrinalis* Hieronymi est, quod Patres dicat, ante mortem Christi quoad animas, non fuisse *admissos ad Terram viventium, Paradisum, Cælum*, sed *apud inferos versatos* fuisse. Hoc enim declarationi Divinæ *Exod. iii: 6. coll. Luc. xx: 37, 38*, connexioni beneficiorum gratiæ cum glorificatione *Habak. ii: 4. Ps. xxxii: 1, 2. Rom. iv: 5, 6, 7, 8. viii: 29, 30.*, fidei ac spei Veterum in Divinâ promissione fundatis *Heb. xi: 10.—16. Psalm. lxxiii: 24, 25*, exemplis Enochi, Eliæ, Lazari *Luc. xvi: 22.—26*, multisque Scripturæ Locis *Jes. lvii: 2, Actor. xv: 11. Heb. ii: 10. &c.* manifestè repugnat. Ad *Tertium* denique argumentum dicimus; quod Cananæa fuerit promissa semini Abrahami ut *bonum*, verum non *summum*, sed *secundarium & temporale*; & quod fuerit terra *bona*, terra mellis & lactis & vini *Num. xiii: 23, 27. xiv: 7, 8. &c.* Nam sane, ita *Doct. Clericus* in *Quæst. Hieronym. xiv. ex Aristea & Josepho*, constat varios ejus tractus *fertilissimos fuisse*; & *cultu impigro locorum minus fertilium potuisse etiam magnam hominum multitudinem in ea ali.* Et necesse est ut præstantiam habuerit hæc Regio, quam præ aliis in Typum cæli ordinatam fuisse Divinitus vult ipse Hieronymus. Et quod *angustiam* ejus attinet, habuit sane tantum latitudinis & longitudinis, *quantum satis erat excipiendis ejus colonis*, uti bene *Clericus*, quem vide l. c. *Æterna* denique possessio ejus promissa *Gen. xiii: 15. xvii: 8.* neutiquam cogit nos ut literam deseramus. Notum est enim quod voces *לעולם* & *עולם* *ו* notent sæpe longum tempus cujus terminus procul est, quod tamen certo finien-

niendum est; vel morte hominis 1. *Sam.* 1: 22; vel anno jubileo *Exod.* xxi: 6; vel LXX. annis *Jer.* xxv: 9, vel adventu Messiae *Gen.* xvii: 13. *Exod.* xii: 24. quomodo & in hoc promisso sumuntur illæ; vel denique fine mundi *Deut.* xxxiii: 15, quo sensu hanc promissionem capiunt nonnulli, ob mille generationes Israelitarum, ad quas extenditur illa *Pf.* cv: 8.—11. Vide Glar. *Witsum* de decem Trib. Cap. ix: §. vii. Certe multiplicatio seminis Abrahami per generationes in beatâ æternitate locum non habebit.

XXII. Non nego interim Cananæam Terram Cæli cælestisque quietis *Typum* fuisse, quod tamen facilius dicitur quam probatur. vulgò Pertinebat ejus promissio ad Fœdus gratiæ cum Abrahamo erectum *Gen.* xv: 18. xvii: 8. xxii: 16, 17. *Pf.* cv: 8.—11. cui fœderi suo modo consequenter inservire debebat. Deinde pertinuit simul ad Fœderis hujus gratiæ Veterem Oeconomiam, in quâ spiritualia & cælestia sub terrestrium Typorum involucris proponebantur *Heb.* x: 1. Neque etiam nego in promissione de Terræ Cananææ hæreditate semini Abrahami danda, contineri quoque sensu mystico cælestis beatitudinis promissionem. *Sensu mystico*, inquam, ita ut *Litera* significaverit inferiorem Cananæam, *Res* vero hæc Literâ notata aliam Rem, nempe superiorem & cælestem Cananæam præfiguraverit, ac per similitudinem non unam, a Glar. *Witso* expositam in *Oecon. Lib.* iv. Cap. x: §. ix: adumbraverit, sanctisque & fidelibus ex Israele obsignaverit. Qui tamen mysticus sensus ab illis sciri nec intelligi poterat absque aliâ Dei revelatione & declaratione; qualis an data fuerit Patriarchis, vel Israëlî per Davidem, quando cælestem vitam *requiem Dei* appellavit in *Psalmo* xciv: 11. coll. *Heb.* iv: 1.—11., cum respectu scilicet ad locum *Num.* xiv: 21. 23, nunc non inquirō nec determino: certus interim de cælestis vitæ promissione Patriarchis aliàs factâ *Gen.* xv: 1. xvii: 7, 8. coll. *Heb.* xi: 10, 16. Sed hoc velim observari,

Ff f 2 quod

quòd *Litera* de Terræ hujus inferioris hæreditate solum loquatur, concessio etiam hoc sensu mystico, sicuti apertè apud Mosem agitur de *Terra hac*, quam *videbat* nunc oculis corporis Abrahamus *Gen. xiii: 15*, & quæ erat *Terra peregrinationum* ejus *Gen. xvii: 8*, & quam *alienam* terram, atque *promissionis* vocat Paulus *Heb. xi: 9*. Atque adeo stat hætenus nostra Thesis; quod *voce terræ* nullibi, neque etiam in istis promissis Abrahamo factis, *Cælum* directè sit significatum; & quod hoc multò minus fiat in *Nostris Locis* ubi *Terræ* simpliciter, absque ulla speciali determinatione, hæreditas omnibus & singulis piis promittitur. Nihil aliud ergo ex his promissis Abrahamo factis, si quid valerent ad probandum quod *Terra* quandoque *Cælum* exprimeret, inferre liceret, quam quod in *Locis Nostris* cælestis *Cananæa* simul cum *terrestri*, mysticè promissa esset; quemadmodum etiam statuunt multi Interpretes, partim ut simplicitatem literæ teneant, partim ut difficultatibus supra motis feliciter se expediant. Sicuti etiam ipse Hieronymus ad *Psal. xxxvii: 22*, Terram *banc* & *Terram viventium supernam* junxit. Verùm quia hæc conjunctio sensus Literalis & Mystici statui nequit in dicto Salvatoris *Matth. v: 5*, ad cujus tempus promissio de *Cananæa* danda in hæreditatem semini Abrahami durabat modò & non ultra; idcirco etiam in locis *Psal. xxxvii*. de illâ cogitare non debemus, quia nobis firmiter persuasum est, nec contrarium hætenus probatum vidimus, quod nempe eodem prorsus sensu Dominus Verba *Psal. xlii: 1* protulerit, quo à Davide antea prolata fuerant. Et præterea posita hac sensus utriusque conjunctione, utique ex *Literali* difficultatum supra motarum haud exigua pars remanebit.

XXIII. Unde etiam Nonnulli Veterum atque Recentiorum interpretum hanc Origenis & Hieronymi sententiam duram insolentem multisque difficultatibus obnoxiam, qua *Terra* scilicet *Cælum*, in promissis hisce denotaret, deserentes

tes vel leviter tangentes, aliam adoptarunt vel laudarunt, non minus alienam; juxta quam TERRA hæreditariò possidenda significaret CORPUS nostrum, quod ex terra originem traxit; quatenus vel MORTALE, rationis imperio subditum haberent in hac vita Pii, ut *Dionysius Carthusianus* ad *Matth. v. 11.* in præmium scilicet mansuetudinis, vel potius quatenus IMMORTALE & GLORIFICATUM nobis restitueretur in Resurrectione omnium: quando heic esset promissio non quidem vitæ cælestis immediatè notatæ, sed *Resurrectionis gloriosæ*, quæ illam proxime antecedet in die æternitatis. *Augustinus* ad *Pf. xxv. 13.* *Et semen ejus hæreditate possidebit terram*; hæc adscripsit; *Et opus ejus hæreditatem solidam instaurati corporis possidebit.* *Chromatius*, Aquilejensis Episcopus, Augustino coævus, & quem Hieronymus, in præfatione Paralipomenon, Episcoporum sui temporis sanctissimum atque doctissimum appellat, de octo Beatitud. in *Matth. v. 5.* Maxime tamen, ait, de terra nostri corporis loquitur, in qua sancti transfigurati in gloriam, secundum Apostolum, æterna felicitate regnabunt. Auctor Operis imperfecti in *Matthæum*: quod alii *Chrysostomo*, alii verò *Johanni Hierosolymitano* Episcopo, tempore Hieronymi, vindicant, uti *Petrus Wastelius*: ita narrat; Alii dicunt, quia corpus nostrum terra est, & quamdiu quidem subjacet morti, terra est mortuorum: cum autem fuerit transformatum, & conforme factum ita corpori gloriæ Christi; erit terra vivorum, & hæreditabunt eam æternam æterni: & spiritualem & sanctam, spirituales & sancti. *Johannes Gagnejus* Theologus Parisinus in *Matth. v. 5.* Potest etiam corpus post resurrectionem glorificandum intelligi, sed & consortium corporis Christi, jam glorificati: unde *Hilarius*, possidebunt terram, id est, corpus Christi glorificatum, quia erunt conformes in corpore suo, illi claritati. Meritò *Daniel Whitby* Sarisburiensis Præcentor, hanc Hilarii glossam absurdam dixit. Cæterum hæc expositio Terræ per corpus glorificatum, sive Christi, sive nostrum, styli sacri obscuritatem haud mediocrem

infert; & simul repugnat contextui Davidis in *Pf.* xxxvii. & Salomonis in Proverbiis, ubi impii ex *hac Terra eradicandi* dicuntur, quam nunc scilicet possident, quod utique respectu corporis olim glorificandi de illis dici nequit. Non nego interim Corpus nostrum ex terra esse, & metonymice ita vocari posse, etiam corpus glorificatum, quia etsi incorruptibile sit futurum, idem tamen materiale corpus manebit: quemadmodum hoc *pulvis* diceretur, *Gen.* iii. 19. *quoniam pulvis tu es & in pulverem redibis*, juxta glossam *R. Simhon ben Jobay*, laudatam a *Mennasseh Ben Israël de Resurrect. Mort. Lib. 1. Cap. 1.* *Ibis*, non est dictum, sed, *Redibis*, hoc sensu scilicet, *pulvis nunc es, o Adam, illoque pulvere iterum indueris, tempore resurrectionis mortuorum.*

XXIV. *Tertia* itaque sequitur *Sententia*, juxta quam *TERRA* significaret externè & internè vocatorum *ECCLESIAM*, sive per *metaphoram*, sive per *metonymiam*. Per *metaphoram* ita *Ecclesiam* vocari, petitam à *Terra* quavis in genere, (uti sumitur vox *אֶרֶץ* / *Prov.* xxviii. 2. xxxix. 4. xxxi. 23. *Eccles.* x. 16. 17.) volunt nonnulli, quia instar *Terræ* foecundæ, *Verbi pabulo nos reficit, & patrocini umbraculo custodit, & loquendo pascit & opitulando protegit, ut non solum herbam refectiōis proferat, sed & cum fructu operis, arborem protectionis*; quemadmodum *metaphoram* ita fere exposuit *Santes Pagninus in Isag. ad Mysticos S. S. sensus, Lib. xvii. Cap. viii.* Alii verò *Terram* antonomastice positam esse pro *Cananæa, Terra Sancta & Immanuelis*, primò contendunt. *coll. Pf.* xliv. 4. lx. 4. lxi 3. cv. 16. *Jer.* xxii. 29. &c. & dein *metonymicè* *Terram* hanc sumunt pro *populo Dei* in ea habitante, *coll. Jes.* lxvi. 8. seu *Ecclesia*, olim limitata intra cancellos *Terræ* promissionis, sed nunc extensa ad fines totius orbis; quæque aliàs sæpe, partim per *metonymiam* partim per *metaphoram*, *Tzizon, Jerusalem, Mons Domini* appellatur. Quando *Hereditaria* possessio hujus *Terræ* seu *Ecclesiæ* dicet, *Com-*
mu-

munione ejus *suavissimam & perpetuam*, omniumque salutarium bonorum ei destinatorum in Messia; & consequenter *perseverantiam* Mansuetorum credentium & justorum omnium in statu gratiæ, eorumque certam ex militante in Triumphantem Ecclesiam in Cœlis translationem. *Varleinius* ad *Psam.* xxxvii. 5. scripsit, *Augustinus* per terram intelligit Ecclesiam Catholicam, quam Dominus rigat & colit, cujusque Agricola pater est. In *Glossa Ordinaria* in *Prov.* ii. 21. legitur, *Terræ nomine Ecclesia* designatur, quia spiritua-lem fructum Deo generat, in qua habitant & permanent (*Reli*), quia à consortio ejus nec morte separantur, sed terminatâ hac vita, ad illam ejus partem, quæ cum Christo in cælis regnat, perveniunt. Impii vero qui ad illam pertinere terram videbantur, de terra perdentur, vel judicio ipsius Ecclesiæ, ut *Simon*, *Arrius* & *Porphyrus*, vel secreto Dei judicio, sicut multi, qui boni hominibus videntur, in futuro autem de Terra viventium perdentur. *Calvinus* in *Jes.* lx. 21. *Aliena est autem ab idiomate Prophetarum & coacta interpretatio eorum qui TERRAM per Cœlum & beatam vitam exponunt: quia hoc consilio terra Chanaan data fuit filiis Israël, ut à toto mundo quasi peculium Dei segregati illic eam purè colerent. Ideoque HÆREDITARIO JURE HABITARE in terra nihil aliud est quam MANERE IN FAMILIA DEI.* Res est verissima verè Pios Mansuetos & Credentes in statu Gratiae atque in Ecclesiæ Electorum & Salvandorum Communionem perpetuò esse perseveraturos; & simul Consolatione plenissima, quia Beatitudinis summæ haud exiguum partem complectitur, ut meritò Dominus ejus intuitu *Mansuetos* prædicare *Beatos* potuerit. Haud diffitemur quoque quod hæc sententia satisfaciatur ex parte promissionis hujus Verbis, quibus æterna Possessio Terræ promittitur omnibus & singulis mansuetis justis credentibus, horumque semini, quia fidelium Liberis quoque facta est Promissio Gratiae inamissibilis & Spiritus mansuri in æternum. *Act.* i. 39. *Jes.* lxx. 21. Imo haud negamus hanc fortè esse mentem Spiritus in

Lo-

Locis illis, *Jes.* LVII. 13. LVIII. 14. supra §. 11. descriptis, in quibus nomen *Terræ*, per additas nonnullas Voces ad *Cananæam* manifestè restringitur; nec non in *Psalmo* LXIX. 36. 37. *Quoniam Deus servabit Tzidon, & edificabit civitates Jebudæ: & habitabunt ibi, & hæreditabunt eam. Et semen servorum ejus hæreditabunt eam, & diligentes nomen ejus, habitabunt in eâ.* Acquiescere tamen non possum in hac Sententiâ. Si Promissio heic toties repetita a Davide, Salomone, Jesaia, Christo; *vel semel* loqueretur de *Terrâ*, v. g. *Bona*, aliqua esset ratio cogitandi de *Ecclesiâ*, metaphoricè ita appellata, coll. *Matth.* XIII. 8. 23. Vel si ageret de *Terrâ Sancta* coll. *Zach.* II. 12. *Desiderii Psalm.* CVI. 24. *Jer.* III. 19. *Promissionis*, *Heb.* XI. 9. *Immanuelis*, *Jes.* VIII. 8. vel etiam de *Hac Terra*, coll. *Zach.* III. 9. in *Cananæa* enim Eloquia hæc sunt edita: haud inepta prorsus fuisset data occasio intelligendi Populum Dei seu *Ecclesiam*, metonymice ita vocatam. Sed nihil horum occurrit in Promissis nostris, ubi *Terra* nudè ac simpliciter nominatur. Non malè profectò *Bugenhagenius* ad *Pf.* XXVII. 13. *Ego vocabulum Terræ volo in suo significato accipi, nisi ipsa oratio Metaphoram habeat apertam.* Quale etiam *apertæ* Metaphoræ vel Metonymiæ istiusmodi signum non esset necessariò statuendum, etsi *Terra Bona*, aut *Promissionis*, nominata fuisset in hisce Promissis; quoniam hæc additamenta ad Terram ipsam *Cananæam* quidem, & inhabitationem in eâ perpetuam ac felicem, non verò mox ad *Ecclesiam*, ac perseverantiam in ejus Communionem salutari, nos ducere possent. Quare etiam parùm efficiunt pro *Ecclesia* per *Terram* intelligendâ, qui observant in nomine *Mansuetorum* esse allusionem ad Historiam deserti, in quo feroces duri & intractabiles atque rixantes cum Deo conciderunt, dum mansueti in Terram promissam Divina manu introducti fuerunt.

XXV. Dubito an Illi mentem Spiritus feliciter adsecuti fuerint, qui *Terram* generalius exponunt: Vel metaphoricè
per

per BONA STABILIA; Terra enim stat immobilis, atque idcirco permanentium Bonorum emblemata satis aptum esse videtur; uti apud *Corderium* in *Comment. in Psalm xxxvii.* legitur; *Terram hæreditabunt*, id est, *possidebunt* βῆσαι τὴν αἰθάλην: Vel *Synecdochice*, specie pro genere posita, per BONA quævis INSIGNIA GRATISSIMA ET JUCUNDISSIMA, potissimum SPIRITUALIA. Hæc tamen Expositio reliquis omnibus præferenda videtur *Celeb: Spanhemio*, in *Part. III. Dub. Euang. LXXXII. §. IV.*, quia scilicet *plana* est, & *nodum solvit*. Israëlitis enim, inquit, nihil gratius fuit Possessione terræ promissionis, quæ ut insigne Beneficium in Quinto Præcepto proponitur; sed ita, ne experientia videatur contraria promissioni, ut species ibi quoque pro Genere, Particulare pro Universali, aliqua Benedictio pro quavis expressa sit. Adeo ut, collatis verbis Præcepti illius Quinti cum Phrasi Psaltis, dicere liceat, utrobique promitti, Liberos obsequentes parentibus, Justos, Humiles, Expectantes Dominum, Benedictos illius, fructum uberem suæ pietatis consecuturos, benedictione ampla mactandos, & idem promissionum divinarum complementum percepturos, quod Israëlitiæ olim per introductionem sui in terram Canaan, è quibus feroces & murmuratores strati in deserto, obsequentes verò mites & mansueti in terram promissam sunt introducti. Sic non novum, inquit porro *Vir Clarissimus*, sub Benedictionibus & Maledictionibus specialibus designari quascunque alias. Exempla multa prostant in *Deut. xxviii.* & passim apud Prophetas obvia sunt, ab illis rebus petita, quæ vel amabiles maximè & gratæ in promissis, vel maximè exosæ & formidabiles in minis. Sic enim Scriptura Beneficia promittendo loquitur de Planctu mutando in choreas, deliciarum Torrente, Convivio pinguium, Corona vitæ, Manna abscondito, Vestimentis albis, Sessione in Throno. Sic Patria cœlestis vocatur Hierosolyma, & describitur velut rota obducta auro & constrata gemmis, &c. quæ omnia nobis grata & apud

promissam, & occupantes *Locum* in ea, instar *arboris virentis*, *indigenæ* & *suo solo sitæ*, atque *radicatæ* diu, ex qua tandem excidendi sunt, ut *Iusti*, tanquam legitimi *hæredes*, in eorum *Locum succedant*. Unde necessario sequitur, si *Terra* pro *desiderabilibus Bonis* quibuscunque, etiam & maxime illis *spiritualibus*, *Deo propitio in Christo*, *conscientia tranquilla*, *Regno Cælorum* &c. synecdochice credatur posita, quod Improbi quoque horum Bonorum salutarium ad tempus fiant participes, quod falsum est. In nonnullis quidem hoc obtinet, si *Opinionem falsam* illorum de se, vel aliorum de illis spectamus. Sed de *Possessione* & *Habitatione Terræ* ab *Impiis* cum in modum loquitur *Spiritus in Locis Nostreis*, ut omnino *Rei* hujus *veritatem* doceat, non externam modò apparentiam vel vanam opinionem, ut unusquisque ritè attendens animadvertet. Præterea, si statuamus cum *Spanhemio Speciem* pro *Genere* heic esse positam, utique & ipsam quoque *speciem* nos includere oportet, *Hanc* nempe *Terram* inferiorem, cum *desiderabilibus Bonis* ejus; quia significanter adeo & toties nominata est, atque ideo etiam omnino distinguenda hæc promissio ab aliis promissionibus junctis, non cum iis confundenda; quamvis una cum illis conspiret & concurrat ad summam Beatitatem & Felicitatem piorum conficiendam; & in se contineat etiam illud singulare, quod in aliis Promissis, à Domino in Monte datis, generalius erat propositum. Bene *Clar. Hoornbeekius*, *Tom. II. Theol. Pract. Lib. x. Cap. v. Non enim possum Promissionem Christi ita exponere in genere, ut non in specie quoque ad terrena referam, tam signanter expressa, & aliis promissionibus etiam singularibus opposita*. Si verò *Terra hæc* cum ejus *Bonis* quoque intelligatur, quemadmodum etiam videtur concedere ipse *Spanhemius*, quando dicit, *potissimum* *Spiritualia* significari; remanet difficultas supra mota, nec nodus solvitur omnis.

XXVII. Multi hodie universalem hanc Promissionem in *Prophetiam certi temporis* convertunt, nimirum de REG-

NO MESSIÆ spirituali in GENTES, vocandas per Euangelium, & per Spiritum Sanctum subjiciendas, unà cum *Terra* illarum, Christo, atque sic transferendas in *Unitatem Fidei Patrum*, ac Justificationis per eam. Scilicet *Terra* ipsis est *Terra Gentilium*, una cum *Gentilibus* ipsis, eam inhabitantibus, ad quos maximè quoque respiceretur in Vaticinio hoc. Hanc Terram Mansueti, Justi, Verique Credentes occuparent, atque in eâ, ut *Terra Dei*, Ecclesiæ, & suâ, habitarent, neque tantum hospitium inveni-
rent, sed & Hæredum & Dominorum instar liberè juxta conscientiæ dictamen viverent, fidemque suam profiterentur, sive ex Judæis sive ex Gentibus forent conversi. Immo *Illi ipsi* Mansueti, tempore Davidis & Christi existentes, *Heredes* fierent *Terræ* istius; partim quatenus hæc Christo, Hæredi omnium, & *Capiti* illorum, cujus sunt *Cohæredes*, subjiceretur; partim quoque quatenus *Fideles* N. T. Fidem ac Pietatem Veterum ex Israël *imitarentur*: sicuti Abraham hoc Pacto *Pater multarum gentium* perhibetur. Et quemadmodum sic nati non solum ex parentibus, sed etiam & magis Paternarum virtutum Imitatores, *Hæreditas* illorum dicuntur, *Psal.* cxxvii: 3. Ex adverso *Impii*, *Judæi* scilicet increduli, nec populus Dei forent amplius, nec vocarentur, divino Judicio perdendi, una cum Templo & Urbe, atque ejiciendi ac *excidendi ex Terra*, ita ut *Locus* eorum, ut & Templi ac Civitatis sanctæ, *antiquus* vix appareret; ita denique dispergendi per Orbem terrarum universum, ut nullibi habitarent in *Terrâ* tanquam *sua*, in quâ Jus Civitatis haberent, & aditus pateret ipsis ad Honores ac Magistratûs Munia. Vide *Celob. Coccejum* in *Pf.* xxxvii. & *Matth.* v. & in *Disput. Select.* xxx. & *Clar. Tillium* in *Pf.* xxxvii & in *Matth.* v. Fundamenta hujus Sententiæ sunt præcipua. I. Quod *Terræ Hæreditas* sit *Hæreditas Mundi*, Abrahamo promissa *Rom.* iv. 13. Voce enim *κόσμος* utitur Scriptura pro vocabulo *gēs*, uti observat *Cl. Coccejus*. Atqui *Hæreditas* illa *Mundi* est

est *Hæreditas gentium multarum*, quarum Abraham ex promissione Dei *Pater* futurus erat, quemadmodum sic Paulum semetipsum explicare ibidem in sequenti v. 17. continentur: sicuti & alibi sæpe *κτῆνος* pro gentilibus ponitur. *Job.* III: 16. *Rom.* XI: 12. 2. *Cor.* v: 19. 1. *Job.* II: 2. II. Quod *Gentes*, credituræ scilicet, dicantur *Hæreditas Ecclesiæ Veteris*. *Jes.* LIV: 3. *Et semen tuum Gentes Hæreditabit*: in quam rem & laudantur vulgò alia duo loca *Jes.* XIV: 1, 2. *Jerem.* III: 19. III. Quod eadem *Gentes* dicantur *Hæreditas Messias*, *Psal.* II: 8. *Et dabo Gentes hæreditatem tuam; & Possessionem tuam fines terræ*: Qui cum *Caput* sit *Fidelium*, hi quoque in ipso *Gentes* hæreditare meritò censentur. IV. Quod Dominus in Evangelio dictum *Psalmi* laudans, sensum ejus *Propheticum* sic quoque doceat. Non enim dictum Domini intelligi potest de *Terra Cananæa Typicâ*, olim in *Hæreditatem* data, sed de ejus *Antitypo*, seu *Hæreditate Mundi*. Nam post Christum nulla *Terra* particularis *Hæreditas Ecclesiæ* esse potest, quia hæc nulli certæ *Orbis Regionis* est alligata. V. Quod denique scopus Domini sit *Consolari* Discipulos adversus *persecutiones* instantes: quod egregie facit *prædicando Conversionem Gentium* per Evangelium ab ipsis prædicandum, & per *Vitam sanctam* secundum ejus præscriptum institutam, in quâ amplam mercedem & uberrimum fructum laborum & passionum suarum nanciscerentur.

XXVIII. Huic Sententiæ opponit Nonnemo; quod hætenus demonstratum non sit, *Vocem* *יְרֵכָה* terræ in describendo hoc spirituali beneficio, quale verè est hæreditas gentium & mundi, à *Spiritu S.* alibi adhiberi: Qui non cogitasse videtur de notissimo Dicto in *Psal.* II: v 8. modò à nobis exscripto, quod certè ad spirituale hoc Beneficium aliquatenus saltem pertinet. Observo potius ad hanc sententiam. 1. Quod communem *Promissionem Fœderis gratiæ* in *Prophetiam* certi temporis mutet, cujus tamen nec in *Psalmo*, nec in *Proverbiis*, nec in *Evangelio*, ullum

est evidens Indicium. *Clar. Tillius* Psalmum xxxvii. existimat esse *Propheticum*. *Clar. Gurtlerus* tamen, si bene memini, *Propheticis* non adnumeravit. Haud indigna profectò sunt verba *Origenis*, quibus exorsus est explanationem Psalmi xxxvii, & quæ ex interpretatione *Ruffini* ita sonant. *Multifariè, multisque modis Deus locutus est Patribus in Prophetis. Aliquando quidem ineffabilia sacramenta nos edocet in his quæ loquitur. Aliquando autem de Salvatore, & de ejus adventu nos instruit. Interdum verò mores nostros corrigit & emendat. Propter quod nos tentabimus per Loca singula Scripturæ Divinæ hujusmodi differentias assignare: & discernere ubi Prophetiæ sint, & de futuris dicatur: ubi autem mystica aliqua indicantur: ubi vero Moralis est Locus. Incipientes igitur explanationem trigesimi sexti (qui juxta Hebræos est trigesimus septimus) Psalmi: invenimus quod totus Psalmus iste moralis est. Præstantissimi sanè Interpretes Psalmi hujus argumentum doctrinale & consolatorium esse judicarunt, & haud immeritò contulerunt cum Ps. Lxxiii. & Jer. xii: 1, 2, 3. Egregie sane hanc in rem Augustinus de prima parte hujus Psalmi, Num. 3. Sed revera hoc te perturbat hominem Christianum, quia vides malè viventes felices, rerum istarum copia circumfluere, sanos esse, superbis dignitatibus eminere, incolumem habere domum, gaudia suorum, obsequia clientium, excellentissimas potentias, nihil triste interpellare vitam ipsorum: nequissimos vides, facultates copiosissimas perspicis; & dicit cor tuum nullum esse divinum judicium, omnia casibus ferri & fortuitis motibus ventilari. Nam si deus, inquis, res humanas respiceret, floreret illius iniquitas & mea innocentia laboraret? Omnis morbus animi habet in Scripturis medicamentum suum: qui ergo sic ægrotat ut ista dicat in corde suo, BIBAT POTIONEM PSALMI HUIUS.*

XXIX. Neque Dominus Prædicit in Beatitudinibus Evangelicis illis Matth. v: 3. — 10. certos eventus & fata Ecclesiæ N. T., sed ut Angelus Fœderis docet viam salutis

com-

communem & perpetuam, Fœderisque gratiæ Officia & Beneficia conjungit ad Institutionem & Consolationem Discipulorum & nostram. Etiam *Regnum cœlorum*, cujus bis meminit Dominus ibidem, nempe v. 3. & 10. quatenus dicit *Regnum Messię spirituale* simpliciter, obtinuit sub V.T. ejusque & Veteres fideles fuere participes *Psal. cx. 1.* quo sensu in Libro *Zohar*, *interne Deo servire in timore*, dicitur *Regnum cœlorum*, uti observatum est à *Ligtfoto* ad *Matth. iii. 2.* Non negamus tamen *Regnum cœlorum* in his Promissis Evangelicis simul notare eximiam conditionem Regni Messię sub N.T. manifestandi, & in Cœlo consummandi, absque novâ aliâ interveniente Oeconomîâ. Quemadmodum Veteres Judæi *Regnum cœlorum* posuerunt nonnunquam pro Regno Messię interno & externo, in Judæos pariter & gentiles, quibus Jehova unus foret, & in communicatione gratiæ suæ, & in fide ac amore atque cultu omnium. Sic dicunt apud *Ligtfotum* in *Matth. iii.* eum, qui recitat Textum *Deut. xi. 13.* in se recipere *Jugum præcepti*; (seu Legis Mosis omnis) sed qui recitat *Schema*, sive pericopam illam, *Audi Israel, &c. Deut. vi. 4.* in se recipere *Jugum Regni Cœlorum*, id est, profiteri fidem suam in Deum *Unum* omnium Dominum, & talem *futurum* tempore *Messię*. Quapropter etiam conferunt hoc dictum Mosaicum *Deut. vi. 4.* cum Prophetico Zachariæ, *Cap. xiv. 9.* ut similem Prophetiam continens.

XXX. Juxta hanc Propheticam Exegesin, Vocabula illa indeterminate posita, *Impii* scilicet & *Maligni*, *Mansueti* & *Justi*, denique *Terra*, multum & variè admodum restringuntur. *Impii* enim excidendi sunt *Judæi* increduli, (*Celeb. Coccejus* ad *falsos Christianos* quoque extendit) *Mansueti* sunt *credentes ex Judæis*, gentes hæreditaturi conversas, & *Terra*, indeterminate semper posita, est terra *Gentilium*, quatenus scilicet hæreditanda foret à *Mansuetis*, & iterum *Cananea*, quatenus ex eâ excidendi essent *Maligni*.

ligni, imo etiam, si ita placet, Terra *Gentilium* rursus, quatenus in hac viverent Maligni illi & Increduli, sed non ut in Terra *sua*, quia foret Terra Dei & populi ejus, à cujus communione isti separandi essent. Quomodo Verba Spiritus indefinita restringere, ubi restrictionis istiusmodi variæ nullum apertum adferunt signum, animi incerti ac fluctuantis indicium mihi esse videtur.

XXXI. Si HÆREDITAS MUNDI, Abrahamo, ut Effectus *fidei justificantis*, promissa, juxta phrasin Pauli, ipsi peculiarem, Rom. iv. 13. esset *Hæreditas gentium*, ex eo mox non sequeretur, quod HÆREDITAS TERRÆ quoque esset *Hæreditas gentium*: quemadmodum Nonnemo valdè inculcavit nuper *Hæreditatem Mundi & Hæreditatem Terræ* esse duo distincta Bona, minimè confundenda. Alii vero haud immeritò dubitant an *Hæreditas Mundi* apud Paulum sit *Hæreditas gentium*. Qua de re videri potest Venerabilis noster Marckius in *Exercit. Scriptur. ad Loca N. T. XX.* Verba Pauli ita sonant. *Non enim per Legem promissio cessit Abrahamo, aut semini ejus; ut hæres esset mundi, sed per justitiam fidei.* Sensus est; neque Abrahamo, neque semini ejus *Hæreditatem mundi* promissam esse ac dari ex *justitia legali*, verùm ex *justitia fidei*, seu fide justificante. In eo versatur Paulus ut probet Causam *Justificationis* coram Deo non esse *Opera Legis* aut justitiam propriam inhærentem, sed unice *justitiam Messiae fide* apprehensam. Hoc probat ex *Hæreditate Mundi* promissa Abrahamo, non per *Legem*, sive justitiam Legis propriam, sed per *justitiam fidei*. Oportet ergo ut *Hæreditas Mundi*, quæ statuitur effectus Fidei justificantis Abrahami, sit tale Bonum, quod ingrediatur *Justificationem* & Summam felicitatem ejus in individuo, & omnium qui ad Filios promissionis pertinent: quale Bonum non est *Vocatio gentium ad imitationem fidei Abrahami*, sed *Jus ad Dei Communionem*, & per eam ad omnia, quæ Dei sunt, cujus est *Mundus*, & omne quod in eo est; ipsi Abrahamo credenti & semini ejus fideli promissum.

missum Gen. xvii. 7, 8. Deinde *Promissio* hæc dicitur pertinere ad totum semen: non *Benedicturum*, quod est *Messias*, cui Hæreditas gentium est promissa quidem, sed ex merito obedientiæ ejus, non ex *Fide justificante*, quæ in Christum non cadit: sed *Benedicendum* in Christo; non solum quod est ex *Lege*, id est, sub *Legis Oeconomia* vixit, & unum populum Dei externum constituit cum multis hypocritis, qui ex *Lege* justitiam quærebant; verum etiam quod est ex *fide Abrahami*, (tantum scilicet & non simul ex carne ejus ortum, aut sub *Lege* olim constitutum) qui est *Pater omnium nostrum*, uti disertè Paulus loquitur v. 16. Atqui hoc semen quod ex *fide Abrahami*, *patris omnium nostrum*, sunt credentes ex *Gentibus*. Hi ergo cum statuuntur *Heredes* à Paulo, non possunt commodè ab ipso eodem halitu statui *Hæreditas*, atque per *Mundum*, cujus *Hæreditas* Abrahamo & *semini* ejus dicitur promissa, intelligi, nisi hæreditatem cum hæredibus confundere velimus. Qui ex mysticâ membrorum Ecclesiæ unione; juxta quam Fideles omnes sese mutuò spiritali modo possident, ad mutua charitatis officia devincti, & juxta quam proinde & *Heredes* essent, & simul *Hæreditas*; facile hanc difficultatem expediri posse putat, is meo quidem judicio fallitur. Nam non solum Paulinum hoc dictum, multis obscurius visum, multò intricatius adhuc redditur; verum à notione *Hæredis* sic manifestè disceditur. Hæres enim est qui possidet bona, non possidetur ab iis. Hæres utique & Hæreditas se mutuò non possident pari jure atque dominio, quod in hac solutione difficultatis istius tamen supponitur. Denique & hoc temerè adsumitur ut firmum & indubitatum, quod Apostolus v. 17. provocans ad illud quod scriptum est, *Patrem multarum gentium constitui te*, sic explicaverit vel indicaverit promissionem illam, qua Abrahamo *hæreditas Mundi* addicta fuisset; cum nihil certius sit quam quod sic probare voluerit proxime præcedens dictum suum v. 16. de *semine duplici*, & ex *Judæis*, & ex *Gentibus*, *Abra-*

hami, qui est Pater omnium nostrum. Hoc probaturus enim immediate subjicit, *sicut scriptum est, Patrem multarum Gentium constitui te.*

XXXII. *Terræ tandem Possessio* promittitur Piis, maxime *post excisos* impios, quando *remanebunt* illi soli ejus Domini & Hæredes, juxta id quod sapientissimus Regum dicit in *Proverbiis*. Sed Christus Gentium hæreditatem Gubernat & tuetur medios inter hostes persequentes & impios, Gentiles primò, dein Pseudo Christianos.

XXXIII. Quapropter etiam Alii, animadvertentes heic promitti Hæreditatem Terræ *post* destructos Piorum Hostes, cogitant de REGNO SANCTORUM GLORIOSO in TERRIS, destructis destructoribus populi Dei, erigendo. Ita, post Alios Veteres & Recentiores, *Daniel Brenius*, in *Tractatu de Regno Ecclesiæ glorioso*, in *Terris erigendo*, Cap. III. probatione III. explicat loca nostra, *Psam.* xxv. 12, 13. xxxvii. 9, 10, 11, 22, 29, 34. *Jes.* lx. 21. *Matt.* v. 9. In quibus Prophetiam esse contendit de Tempore venturo; quo Impiis è terrâ sublatis, everlisque Imperiis Mundanis quæ Christianorum titulo sub Romana Monarchia sese venditant, Antichristi affeculis, verosque Christianos conscientia & religionis causâ persequentibus; Justî ex gentibus, cum toto Israele converso, velut hæreditario jure possidebunt terram hostium suorum, tradita ipsis omni potestate, Imperio, Majestate, & amplitudine regnorum quæ sunt sub toto cœlo, juxta vaticinia Danielis, Cap. II. & VII. & alia Loca plurima, *Act.* III. 19, 20, 21. *Apoc.* xx. 1, — 11. &c; ita quidem, ut alia gentium Regna ad finem usque mundi fortè perstitura sint, sed simul ut Justî iis sint præficiendi, Patrum Curatorum & Tutorum loco eis futuri; idque cum magna pacis & externæ tranquillitatis abundantia, perpetuâ Christi defensione, eximia Dei & mysteriorum ejus cognitione, singulari credentium pietate & sanctimonia, per longum tempus, haud multò brevius millennio in Apocalypsi nominato, & de-

ni-

nique cum mirabili longævitate sanctorum in hoc Regno, juxta *Jes. LXV. 20, 22.* Ex nostris vero idem tenet Cl. *Vitringa, Observat. Lib. v. Cap. vi.* Regnum illud pacis & quietis, & Sanctorum in hac Terra prædictum a Davide & Christo censens; in quo Terra hæc majorem partem à fæce malorum & impiorum hominum purgabitur; Regna & Respublicæ sunt futuræ in potestate Rectorum & Judicum, pietatis sanctimonix & mansuetudinis studiosorum, pacis & veritatis amantium; Impii & publici Ecclesiæ & Sanctorum & Virtutis hostes exterminabuntur: & qui illius ingenii supererunt cogentur Christo & Ecclesiæ mentiri, & cum hypocrisi se illis subicere; Pii ex adverso vivent, in pace publica absque persecutionibus & bellis à Principibus malis excitatis, fruentes libertate conscientix & Religionis, atque Dei Benedictione in spiritualibus & corporalibus singulari; idque per tempus longum, duraturum ad seculi finem, cujusque initium erit in Conversione Judæorum ad Messiam, conjunctâ cum accessione Gentium: quem florentem Ecclesiæ statum in Terrâ futurum prædictum quoque existimat *1. Cor. vi. 2. Dan. vii. 27. Act. iii. 19. Apoc. xi. 15. &c.* Præierat quodam modo *Celeb. Coccejus* in *Disp. Sel. xxx. ad Matth. v.* Ubi, non tantum sed etiam, promitti in nostro dicto judicat, *destructionem omnis Regni adversarii, ut Ecclesia sedeat in arcibus Terræ, & omnes gentes & populi ei serviant; Apoc. xi. 15. xv. 4. Ps. LXXXVI. 9. Dan. vii. 27.*

XXXIV. Fundamenta hujus sententiæ præcipue petuntur ex *Psalmo trigesimo septimo.* Ubi *Possessio terræ* prædicatur *post excisos Impios Tyrannos & Persecutores:* conjuncta cum *universali pace v. 11.* duratura *לְעוֹלָם & לְעוֹלָם /* id est, ad seculi hujus finem *v. 27, 28, 29.* & cum *plenissimo jure*, juxta vim verbi *שָׁרָה /* significantis aliquid *instar mancipii* possidere, a *Grotio* observatam: & denique quæ secutura esset *Afflictionem & Oppressionem longi temporis*, per quod mansueti sibi ab invidia cavere debebant, & se pas-

cere fide, v. 1, 2, 3, 31, 32, 33. atque futura in *extremo tempore* Ecclesiæ, juxta illud quod legitur v. 37. *Extremum istius Viri*, id est, totius corporis mansuetorum, *Pax*: & tandem quæ *Mansuetis* addicitur, id est, subditis Christi sub Novo Testamento, qui hoc nomine insigniuntur à Prophetis, *Psal.* xxii. 27. *Jes.* xi. 4. *Lxi.* 1. quemadmodum quoque *Mansuetudo* est *Virtus* maximè *Euangelica*, quæ quidam locum habuit sub Lege, verùm in paucis, & minori gradu; sicuti etiam minus conveniens erat *Oeconomix* veteri, quæ *ejus exercitium restrinxit*, nec *vindictam omnem exclusit*, nec *severitatem*. Quæ cuncta conjuncta nos ad *extrema* sed *felicissima* Ecclesiæ, in Terra hac, cujus dominium sanctis dabitur, tempora ducere existimant.

XXXV. Spem horum feliciorum Ecclesiæ temporum neutiquam abjicio; neque de Re ipsa, nempe *Regno* hoc *Sanctorum* in *Terris* erigendo, nunc disputabo: sed dicam tantùm, quod omnia illa ferè *Argumenta* nos potius ducant ad Tempora, ut ita dicam, æterna post Consummationem hujus seculi futura, quam ad illa quæ ante current adhuc. Tunc enim planè excidentur è terrâ hac omnes impii, in gehennam detrudendi, & nunquam inde reversuri, quod & *singuli* fidelium tunc *videbunt*; juxta illud, *cum excidentur Impii videbis* v. 34. sed in hoc seculo nunquam ad unum omnes excidentur penitus, ut locus eorum non inveniatur amplius, nec ipse Anti-Christus plane abolendus, nisi in *Adventu Domini Illustri* 2. *Thess.* ii. 8. quando demum erit *finis* pugnx, omnesque hostes suppositi pedibus Christi 1. *Cor.* xv. 24. — 28. Tunc etiam *Pax* demum obtinebit *universalis & perfecta*, qualem in hoc seculo expectare nobis vix permittunt generaliora effata illa, *Job.* xvi. 33. *Aclor.* xiv. 22. 2. *Tim.* iii. 12. quæ nunquam planè in hoc mundo peccaminoso cessaturas esse afflictiones & persecutiones Ecclesiæ a malis inferendas satis clare & aperte docere videntur, ut frustra *Brenius* eorum sensum ad tempo-

ra prima & media Christianismi restringere conatus fuerit, quando scripsit: *Non existimem vel unicum Sacræ Scripturæ locum afferi posse, in quo aperte dicatur, tristitiam afflictionesque sanctorum non nisi cum interitu cœli & terræ finem habituras.* Tunc denique vocabula לעל & לעל in perfectissimo sensu implebuntur, quando piorum etiam in *hanc terram renovatam*, de quâ postea, *Dominium* erit *absolutè æternum* & interminabile.

XXXVI. Obstat porro huic Sententiæ, æque ac præcedenti, quòd promissum Fœderis Gratiæ generale in Vatinium certi temporis commutet. Et mirari licet profectò, quod & *Mansuetorum* nomen in Causæ hujus patrocinium vel subsidium trahatur, quasi illud *proprium* esset Fidelibus Novi Testamenti, & non commune cujuscunque temporis Piis, *coll. Num. xii. 3. Ps. xxv. 9.* una cum virtute Mansuetudinis ipsâ, *Prov. iii. 34. xvi. 19. Amos ii. 7.* vel etiam quasi *solum* adhiberetur in Psalmo, ubi *Hæredes Terræ* hujus non tantum *Mansueti*, sed & *Justi*, *Benedicti*, *Expectantes Dominum* vocantur, quæ utique nomina omnibus fidelibus cujuscunque temporis communia esse nemo, opinor, negabit. Certè omnibus & *singulis Mansuetis, Justis, Credentibus* absque discrimine temporis & gentis, promittitur Terræ Hæreditas in Psalmo, & in dicto Domini in Monte. Reliqua enim omnia Promissa in Concione illa montana facta sunt omnibus & singulis Pauperibus Spiritu, Lugentibus, Sitientibus & Esurientibus Justitiam, Misericordibus, Puris corde, Pacificis &c. ergo & *omnibus & singulis Mansuetis* promissa est Terræ Hæreditas. Facile quidem sed & frigidum simul est Effugium, quo vim argumenti hujus contra illam sententiam enervare conantur, quando dicunt, quod *Aliqui* Mansueti accipiunt, id *Omnes* accipiunt, quia omnes sunt Membra ejusdem Corporis Mystici, quorum si unum patiatur, omnia patiuntur, si unum glorificetur, omnia glorificantur. *Aliquid* Consolationis adferre potest, fa-

teor, mysticæ illius unionis consideratio afflictis & oppressis, quod sciant, societatem suam totam & in omnibus ejus membris non ita semper esse vexandam atque opprimendam, quemadmodum illi nunc premuntur & tantum non opprimuntur. Sed nemo diffitebitur, uti credo, longè majorem capi posse Consolationem ex Bono, quod *mibi*, non in aliis societatis membris, sed *mibi* in *individuo*, promittitur. Atqui scopus Davidis est in Psalmo, uti ex omni ejus Argumento apparet, *Consolari validè afflictos & ab Impiis tantum non oppressos Mansuetos*. Cui itaque scopo magis satisfieri statuendum est, si Bonum universale ad omnes Mansuetos extensum promittatur, quam particulare & certi temporis.

XXXVII. Nec moramur multum Exceptionem *Danielis Brenii*, quando statuit Promissionem in *Psalmo* fieri quidem Mansuetis tum viventibus, sed in *Posteris* eorum, in *Semine*, atque *Imitatoribus* eorum implendam, in extremo dierum victaris: quod ut magis probabile reddat, observat, quod in *Psalmo* xxv. 13. ubi primò hæc Promissio occurrit, *Seminis* piorum tunc viventium tantum fiat mentio. Nam quemadmodum *Semen* Viri timentis Dominum eo in *Loco* non excluditur à *Bono*, in quo *Anima* ipsius *timentis viri* commoratura dicitur; ita etiam *Vir Timens* Dominum à *Terræ Hereditate* non excluditur. Notum enim est, quod in Psalmis frequenter occurrant *Commata*, quæ duo membra complectuntur, in quibus duo Subjecta, duo itidem Prædicata, inveniuntur; sic ut utrumque Prædicatum ad utrumque Subjectum ex æquo referri debeat. Cujus rei Exemplum apertum est in *Psalmo* xcvi. 11. *Lux* facta est *justo*, & *rectis corde* *latitia*. Deinde in *Cancione Domini* in monte *Mansueti* non magis pro illorum *Semine Spirituali* ponuntur, quam *Pauperes spiritu*, *Lugentes*, *Misericordes*, *Puni cordo*, *Pacifici*, &c. qui omnes utique individualiter intelliguntur: ergo & *Mansueti*, eodem modo nominati, & eodem sensu, quo in *Psalmo*

*Psalm*o trigesimo septimo, uti ipsemet contendit *Brenius* in dicto *Tractatu*, *Cap. III. Probat. III.* ubi dicit, *proprium sensum horum verborum*, scilicet apud *Matthæum*, eundem esse nempe qui *Ps. 37. expressus quinquies ibidem disertis verbis repetitur*; sic *Socinum* aliosque ejus *Asseclas* hac in parte deferens, qui volunt in *Psalm*o *terrenum*, sed in *Euangelio cœleste* esse hoc *Promissum*.

XXXVIII. Ut tandem post hæc omnia, dicam sententiam meam; sic existimo; **ALICUI** Boni heic promissi dari quoque *Manſuetis*, in *hac Terra* viventibus, & in hoc seculo; **UNIVERSALE** verò & perfectissimum **IMPLEMEN-**TUM ejus fore in *Terra renovandâ* post consummationem seculi hujus. Antequam autem illud **ALICUI** quod in hac *Vitâ* etiam conceditur *Piis* commemorem, haud inutile duxi in memoriam iterum revocare quædam eorum, quæ supra, §. III. tanquam *Characteres* veri sensus hujus *Promissi*, posita sunt. Scilicet, quòd *Terra* heic latè & propriè sumatur: quòd *omnibus & singulis* *Justis* ac *Rectis* illa promittatur: & quòd *Promissio* hæc sæpius repetatur, ut significetur agi de *Bono*, non qualicunque, sed *Beatitudinis* summæ haud exiguam partem constituyente; & præterea de *Bono*, quod *intus magis sentitur à Justis*, quam *extus ab aliis conspicitur*, atque cujus *Causa* ad forum *Divinum* magis quam *humanum* pertinet; & denique de *Bono*, quod ex *Manſuetudinis* *Justitiæ* atque *Pietatis* virtute profluit, non *naturali* consequentiâ, nisi aliquatenus, & quoad exiguam ejus partem, & rarius, verùm ex *Testamento Dei*, est enim *Hæreditas*, atque ex *Divinâ gratia* liberrimâ, intercedente *Sponsoris Novi Fœderis* merito, atque supra naturali *Spiritus Sancti* virtute. *Prophetæ* enim & *Christus*, *Angelus Fœderis*, *Fœderis Gratiæ* *Officia* & *Beneficia* exponunt, quando *Hæc* promissa toties & tam diligenter inculcant, non *Ethicam* aliquam *naturalem* docent, qualis in *scholis gentilium* quoque addisci posset, nempe quod *manſuetudinis* comes sit *longævitas*, & *pacata vita*,
atque

atque aliorum benevolentia & amicitia. Quod tamen communiter verum haud esse quoque, comprobatur dictum illud vulgare, quod Calvinus meritò, si ut regula morum proponatur, Diabolicum pronunciavit, nempe, *qui se facit ovem, devoratur à lupis*. Quibus nunc addo, quod in *Psalmo xxxvii.* etiam promittatur *inhabitatio Terræ*, quæ conjuncta foret cum exercitio *fidei & spei*, absque animi commotione per *invidiam*, ex præsentis impiorum felicitate ortam, quorsum spectant verba quæ leguntur *v. 3. 5. 7. Confide Domino, & fac bonum: Inhabita terram, ורעה אמונה / & pascere fidem. Volve super Dominum viam tuam, & spera in eo, & ipse faciet. Tace Domino, & spera in eo: ne commoveare propter eum qui prosperatur in via suâ &c.* Qualis utique *Inhabitatio Terræ* ad hanc vitam pertinet. Quemadmodum quoque omnia promissa Evangelica in Concione montana a Domino prolata, partim ad hanc, partim & magis ad alteram, vitam spectant.

XXXIX. Ex hisce præmissis nunc facilius intelligetur illud **ALICUIUS Boni**, quod in hac vita etiam conceditur *Manfuetis*, atque in hoc Promisso de *Terræ Hereditate* etiam includitur. Quod est; *Primo: Terræ hujus Possessio LEGITIMA.* Hæres, vel ex Testamento, vel ab Intestato, est legitimus Possessor, & justo titulo Dominus. *Cum jus rerum præcipuum*, inquit *Mantuanus in Ps. xxv: 13, in hereditariis bonis consistat, idcirco Scriptura ejusmodi nomen pro plenissimo Dominio præcipuoque utendi jure ponere consuevit, & est sensus Terræ Domini erunt.* Fideles ob spirituale per fidem connubium cum Christo, *Herede omnium Heb. 1: 2, ejus Cohæredes, & Heredes Dei Rom. viii: 17. sunt omnium Domini, Psalm. viii: 7, 8, 9. 1. Cor. iii: 21, 22.* In Christo est *Jehova ipse Deus ipsorum singularissimo & beatissimo modo, adeoque cum omnibus Bonis suis.* At *Jehovæ est Terra etiam, Ps. xxiv: 1, 2, ergo & ipsorum.* Quare etiam Paulus videtur imprimis respexisse ad Verba illa *Gen. xvii: 7. ut sim tibi in Deum, & semi-*

femini tuo post te, quando dixit, *Hæreditatem Mundi* ex fide justificante promissam esse Abrahamo, & semini ejus, *Rom. iv: 13*. Imago Dei ad quam Dominium in omnia pertinuit quoque fidelibus in Christo restituitur in secundo Adamo. Terra hæc datur ut plurimum in manus impiorum, bonorumque terrenorum usus conceditur illis vulgò magis quam piis, sed non ut *Dominis*, ex Jure Divino talibus, verùm veluti mancipiis, & tanquam ultima mensa, quæ apponitur sceleratis supplicio afficiendis. Habitant in hac terra, sed non ut *sui*, verum alienâ potius. Dum moriuntur, & in infernum detruduntur, dicuntur descendere & abire in *Locum suum Act. 1: 25*. Gaudent quidem fortunæ bonis Improbi, sed non ex jure possident, unde & nunquam ea *hæreditare* dicuntur in Sacris, uti observavit *Salazar* ad *Prov. 11*. Iusti quidem *Peregrinari* in hac terra dicuntur, quemadmodum supra § iv. notavimus. Sed *Peregrinum* esse in terrâ & simul ejus *Dominum*, minimè pugnant in hoc negotio. Terra enim est quidem *ditionis* piorum *pars* quoque, sed *vilior* & *longe distita* a sede Regiâ & cælesti civitate, ex qua originem ducunt, quatenus sunt Filii Dei, & cohæredes Christi. Ibi quoque Locus est *quietis* gloriosissimæ ab omni opere & onere peccati ac miseriæ, quæ in hac terra, quamdiu erit lacrymarum vallis, non datur. Quamobrem etiam *nunc* per *breve tempus* in cā commorantur, peregrinantium instar, expectantes æterna Tabernacula in Cœlis, & liberationem hujus creaturæ a servitute corruptionis; & sic *animo affixi* sunt cælesti & meliori Patriæ, in quâ Hæreditatis pars continetur longè præstantissima. Neque dicendum est, quòd hæc sit *merè imaginaria* possessio. Nam revera *Jus* habent ad omnia. Hoc quotidie in Tabulis Testamenti Divini, seu Libro Scripturæ, legere possunt: & proinde certi esse, quòd terræ hujus bonis, etsi non magnâ copia concessis, in Dei favore fruuntur, ut patrimonio & hæreditate pa-

ternâ , ampliandâ quoad usum , ubi Cælesti Patri placuerit, & salutis æternæ eorum ratio id exegerit vel permiserit. Atque adeo hoc quoque sensu cum Paulo dicere queunt , *ὡς μὲν ἐχόντες, ἢ μὲν κατέχοντες*, quasi nihil habentes , omnia tamen obtinentes , vel possidentes , 2. Cor. vi: 20.

XL. *Secundò* : Terræ hujus POSSESSIO DOMINICA , ut ita dicam : *Heres* enim est *Dominus* Gal. iv: 1. , regit Bona sua non regitur ab iis : Unde quoque Liberi dicuntur parentum *Hæreditas* Ps. cxxvii: 3 , quia hi imperium exercent in illos ; omnesque homines *hæreditate possidere* dicitur Deus Ps. lxxxii: 8. , quia gubernat eos , ipsique volentes nolentes servire coguntur. Sic Pii sunt *Hæredes* Terræ quia ejus *Domini* sunt, non *servi*, neque illi serviliter addicti. Terra ex adverso illis servire cogitur cum omnibus creaturis suis , & reverà servit illis ex summi Rectoris jussu , eorumque salutem promovet modis occultis, saltem nunquam illis nocere potest. Quo sensu cum lapidibus agri *scelus* habere , & *bestiæ* agri *pacatæ* ipsis dicuntur , Job. v: 23. ut *habitare in deserto* securè , & *dormire in silvis* queant , Ezech. xxxiv: 25. Hos. ii: 17.—21 , atque omnia ipsis *cooperari in bonum* Paulus affirmat Rom. viii: 28. Impii è contrario quorum *Deus est venter* Phil. iii: 19 , plus quam servili animo terrenis addicti , veriùs possidentur ab iis , & corrumpuntur , atque ad Divina & Spiritualia ac cælestia longe stupidiores redduntur , quàm erant quando primùm ad eorum usum admittebantur. Atque hoc modo etiam verum est , quod David dicit Ps. xxxvii: 16. *Melius est modicum justì, vel justò, quam divitiæ impiorum multæ.*

XLI. *Tertiò* : Terræ hujus POSSESSIO JUCUNDA. Talis enim est *Hæreditas Patrum*, quæ cum jucunditate possideri, & à quâ animus noster difficulter avelli solet : Ut etiam hujus suavitatis respectu dicere potuerit Nabothus Achabo; *Absit mihi a Jehova, ut cedam hæreditatem majorum.*

jorum meorum tibi, 1. Reg. xxi: 3. Hoc modo Terra est Hæreditas piorum, ob vitam nempe *jucundam*, quam transigunt in eâ. Animum habent quietum, tranquillum, atque contentum vel minima portione terrena, quia ipse Deus, Dominus cæli & terræ, est portio eorum in Christo, cum quo ipsis reconciliato pacem habent, & sub cujus tutelâ securi, & in cujus communione læti, etiam in mediis afflictionibus, vivunt *Psf. iv: 8, 9. Hab. iii: 17, 18. Rom. v: 1; 2.* Hic animus securus & contentus, ajens cum Jacobo, *satis est mihi*, *Gen. xxxiii: 9*, verè jucundam vitam adfert, superatque omnes divitias, & nos verè *Reges* efficit spirituales, atque *centum vitis præcellit*, uti Calvinus meritò dixit, ad *Psf. xxxvii: v. 29.*, & alibi, in *hoc bono occulto & interno fideles sentire quid sit possidere terram*, quod carnis stupor non capit. Certè hoc Bonum ut hæreditatem terræ ex parte constituens celebrat David, *Psf. xxv: 13. Anima ejus in BONO pernoctabit, & semen ejus hæreditabit terram; & Psf. xxxvii: 11. Et mansueti hæreditabunt terram, & delectabuntur super* MULTITUDINE PACIS. Pacem externam, sincerosque Amicos, qui nobis in secundis ornamento, in adversis subsidio sunt, in utraque autem fortuna voluptatem pariunt, habere, ad *jucunditatem vitæ* in hac terra etiam aliquid conferre haud nego. Mansuetos quoque præ aliis nonnunquam (non semper, nec communitur) hac felicitate frui, verum est; quamque ideo à *jucundâ* hac Terræ Possessione heic promissâ, non excludo, sed potius ei includo cum *Lyrano & Francisco Luca Brugenfi.* Quorum Ille ad *Psf. xxxvii: 11.*, & *delectabuntur in multitudo pacis*, scilicet *supernæ*, inquit, *quæ est perfecta pax*, & frequenter etiam in *multitudine pacis temporalis*, quia *mansueti non movent rixas & brigas*, propter quas debeant ab aliis inquietari: Hic verò ad *Matth. v: 5. Et quamquam id potissimum de orbe terræ futuro*, ita ut ut diximus, intelligi debeat, sit tamen ferè in hoc mundo, ut quietius nemo, nemo minori cum

ab hominibus mota difficultate, suis utatur, quam mitis animus, rixæ contentionisque osor: quem dum fortè contingit contra fas suis exui, plus impetrat ab ultrò largientibus mansuetata tolerantia, quam ab invitis extorqueat immitis violentia. Hoc tamen ægrè fero, quod nonnulli Interpretes in solâ hac Pace externa, atque Amicitiiis humanis, & Benevolentia Superiorum, omne illud Mansuetorum Bonum collocent, sub nomine *Hæreditatis Terræ* promissum. Quæ sanè frigida Interpretatio Illustrissima hæc Fœderis gratiæ Promissa commutat in monita merè moralia, qualia in Gentilium scholis æque audiri possent ac in Schola Christi. Quibus frigidis hac in parte Interpretibus adnumerandus est *Grotius*, qui ad *Matth. v: 5.* per Terræ Hæreditatem firmas intelligit atque constantes amicitias, quæ in terris longe optima est possessio, quasque sibi comparare facillimè solent qui miti placidoque sunt animo: quamquam & ad alias, inquit, res minores tuendas multum valet hæc virtus: Ut & *Hammondus*; qui per Mansuetos intelligit obsequiosos modò subditos, a bono Principe, si valeat, defendendos, ut tutò & tranquillè in terra hac vivant; Hic tamen, sed veluti in transitu, *Terræ Viventium* quoque meminit: & denique *Clericus*, quando in *Quæst. Hieronym. xiv.*, disputans de sensu Promissi nostri apud *Matthæum* contra *Hieronymum*, (qui, uti supra dictum est, *Terram Viventium* nempe *Coelum*, intelligendam contendit, quia hæc terra non est mansuetorum, sed virorum fortium & violentorum, qui sunt ad bella promptissimi) hoc ad ejus ratiocinia reposuit. Hæc ad rem nihil faciunt, & præterea sæpe contigit mites ac pacis amantes possidere ea, quibus excidunt homines violenti; quod in *Judæa* factum est, post captam *Jerosolimam*, bellaque *Judæorum* metropoleos excidium consequuta; nam *Christiani* & *Judæi*, qui Romanis paruerant, tranquillè in *Judæa* vixerunt, unde perduelles *Judæi* ejecti fuerunt. Quò respicere potuit *Christus*. Impii verò, quamvis centies terræ sint Domini, jure humano vel

vel injuriâ, omnia possidendo nihil possident, quia animum inquietum, vel in minimo fortunæ vulnere dolentem, imo insanientem, neque unquam verè contentum habent, juxta experientiam atque Scripturam sacram, ubi ita vivis coloribus depinguntur, *Job. xv: 20, 21, 22, 24. Jes. LVII: 20, 21.*

XLII. Quartò : Terræ hujus POSSESSIO DIUTURNA & STABILIS. Hæreditates Patrum non facilè ceduntur aliis, uti supra visum est ex Exemplo Nabothi. Olim in Republica Judæorum alienari haud debebant à tribu ac familia, *Num. xxxvi: 7, 8, 9.* Quorsum respicitur *Pf. xciv: 14. Quia non derelinquet Dominus Populum suum, & hæreditatem suam non derelinquet.* Sic Pii hæreditant Terram hanc, quando pacatam non modò & tranquillam, sed & longam in eâ vitam ducunt, quæ utraque piis promissa est *Exod. xx: 12. Pf. xxxiv: 13, 14, 15. 1 Tim. iv: 8. &c.* & in Locis nostris etiam omnibus justis promittitur, sed non solùm, uti videtur sensisse Præstantissimus *Gomarus.* Hæc autem Longæ vitæ terrenæ promissio, quia minoris est Boni, & consequenter naturâ sua conditionalis, in cunctis fidelibus non impletur; sive quia occulto suo judicio Deus in piis quoque filiis peccata Patrum Visitare constituit; sive quia communibus seculi mali vitiis inquinati, corporalibus malis unâ cum reliquis sæpe ahripiuntur; sive quod Deus dilectos suos ante diem mali, regioni, in qua pii degunt, imminentis, transferat ad beatas cæli sedes, ne mala illa videant ac sentiant; sive denique in poenam Urbis & Regionis impiæ, quæ se indignam fecit, ut fulcris illis terræ diutius fruatur. Impletur tamen in Aliquibus justis, dum in Aliis hujus vitæ pecaminosæ semper, & calamitosæ frequenter, levior jactura meliori abundè compensatur. Cujus rei exemplum in ipso Davide, ejusque semine, oppositè ad Saulem, ejusque posteritatem citò excisam, datum fuisse observant nonnulli, atque ad illud Davidem speciatim res-

xisse volunt *Pf. xxxvii: 15, 28, 35, 36, 37.* Sed *gladius eorum ingreditur cor eorum, & arcus eorum confringentur. Quia Dominus amat iudicium, & non derelinquet sanctos suos, in seculum custodientur: semen autem impiorum succidetur. Vidi impium fortem, & virescentem, instar arboris indigenæ viridis. Et transiit, & ecce non fuit, & quasi visum eum, & non est inventus. Observa integrum, & aspice re-ctum, quia finis istius viri pax.* Imò quadantenus in Omnibus sanctis & semper impletur hæc promissio, quia qui benè & sanctè vivunt, etiam si breviorē aliis in hac terra vitam agant, diu vivere in sacris perhibentur Literis; Nam *Puer*, probus scilicet, *centum annos natus morietur; peccator autem, natus, verè scilicet, centum annos, maledictus erit, Jesh. lxxv: 20.* Plus enim veræ vitæ Pius Juvenis in viginti, quam Impius in centum annorum spatio, possidet: quod tamen homines merè carnales difficulter percipient.

XLIII. Hoc est illud ALIQUID, quod Mansuetis quæ *Terræ Heredibus*, in hac vitâ quoque conceditur; quodque cum spirituale magis quam terrenum sit haud inconvenienter in medio Promissorum Spiritualium à Domino in Sermone montano positum est. Ut adeo Argumentum illud pro *Cælo* per *Terram* intelligendo, quod §. v. à nobis est propositum, & petatum à nullo terreno, sed omnibus spiritualibus & cœlestibus Promissis in sermone illo occurrentibus; nihil faciat ad destruendam hanc nostram explicationem: quemadmodum & infelicitè ex *Spiritualibus reliquis* promissis concluditur, hoc unicum nullo modo *terrenum* esse posse. In Oratione Dominica medium fere locum inter petitiones spirituales occupat una corporalis & terrena. Et beatitudo nostra, quamvis in cœlo perficiatur, hac tamen in Terra inchoatur; sicuti & posthac Terra ad ejus consummationem suo modo concurret. Merces, in *Cælo* potissimum locum habitura, omnem in *Terra* non excludit, vel ante-

antecedentem, vel conjunctam coll. Gen. xv: 1. Marc. x: 29, 30.

XLIV. UNIVERSALE tamen & PERFECTISSIMUM Imple-
mentum habebit hæc *Promissio* post consummationem
hujus seculi, in TERRA NOVA seu *Renovata* FUTURA.
Hoc enim docet possessionis Terræ *Æternitas*, haud una
voce & plus semel, in *Psalmo* deprædicata, procul du-
bio in omni significationis suæ amplitudine sumenda:
quæque idcirco brevem quidem patitur interruptionem,
nullam autem finem nullumque terminum admittit. An-
titheſis quoque Impiorum *omnium excidendorum* ex Ter-
ra hac, in *perpetuum*, ita ut *Locus* eorum non inveniatur
amplius, nullumque eorum vestigium appareat, indicat
satis promitti *Piis solis* Possessionem Terræ legitimam,
veram, jucundam, non usque ad mortem modò, sed &
post eam, & Resuscitationem ex eâ, in perpetuum, &
interminabilem. Et hoc eò magis liquet, quia in *Pro-*
verbiis disertè dicitur, quod Recti sint *Remansuri* in Ter-
ra, post impios ex eâ excisos. Observant Alii, quod
hæreditaria possessio includat *successionem* in Locum alte-
rius; quemadmodum supra §. iii. vidimus *Clar. Coccejum*
hoc notantem, etiam ex propria significatione verbi *וְיָרַשׁ*.
Quod si applicare velimus huic negotio nostro, dicendum
puto, quod Piis promittatur *Successio* in possessione Ter-
ræ, quæ sit; non in Locum Testatoris defuncti, quod
ab hac caussa ubi Jehova ipse Testator est, est longe ali-
enum; sed in Locum mancipiorum, quibus Cœlestis
Dominus legavit usum fructum hujus terræ ad tempus,
sed qui in die Judicii ex morte resuscitati, expellentur
ex Terra, & in Infernum detrudentur, ut Terra cedat
solis Liberis Cœlestis Patris, in æternum ejus Hæredibus
futuris.

XLV. Cæterum Visibilem Mundum hunc non fore
annihilandum in Consummatione seculorum, sed immu-
tandum & renovandum per *παλιγγενεσίαν*, nunc non pro-
bamus,

bamus, sed supponimus. Cœlum non modò Novum; sed & TERRAM NOVAM cum Petro, *juxta Promissum Dei*, expectamus 2 *Pet.* III: 13. Pertinet Terra quoque ad omnem Creaturam, visibilem nempe, quæ liberabitur à servitute corruptionis in libertatem gloriæ filiorum Dei *Rom.* VIII: 21., ut hic solis inserviat. Quare *Clar. Marefio* subscribere nequeo, scribenti in *Syst. Theol.* loc. XIV. §. LXIII. Tamen arbitramur hanc renovationem maximè spectaturam æthera corpora Mundi interea elementari sive terreno, in stagnum ignis & sulphuris, instar Sodomæ & Gomorræ, ad demonum & impiorum habitationem & pœnam transmutato. Status & qualitas Renovatæ Terræ curiosè nimis à nobis inquiri vel determinari non debent, nec possunt, quia silet Scriptura. Certum est interim hujus Renovatæ Terræ quoque Fideles posthac fore *Hæredes, Possessores*, ac *Dominos*. Hoc à fide Reformatorum non abludit. *Dathenus* ad *Pf.* XXXVII: 3. *Gy sult dat aertrijk besitten hier naer, En gebruycken met vreugden vry van pijnen.* Theologi Heidelbergenses in *Cathechesi, Quæst.* XXXII. dicunt, fideles postea æternum cum Christo regnum in omnes Creaturas obtenturos. Quorsum à multis nostrorum etiam refertur illud *καὶ βασιλεύσουμεν ἐν τῷ γῆς* *Apoc.* v: 10. Consentiant Veteres. Auctor Operis Imperfecti in *Matth.* v: 5. Terram illam futuram renovatam censens esse dictam *Terram Viventium*, id est, reviviscantium & immortalium, ita porro scripsit. *Terra autem hæc, sicut quidam dicunt, quamdiu est in hoc statu, terra est mortuorum, quia vanitati subiecta est; cum autem liberata fuerit de corruptionis servitute in libertatem gloriæ filiorum Dei, terra fit vivorum, ut immortales hæreditent immortalitatem.* Rectè *Barradius* id *Euang. Lib.* VII. *Cap.* II. Arbitrantur homines terram a *Viris bellatoribus, iracundis, potentibus, nullamque injuriam ferentibus, possideri. At ii à terræ possessione tandem excludentur: miles verò post resurrectionem toti orbi*
terra-

terrarum dominabuntur, cum Cælum novum erit, & terra nova.

XLVI. *Possidebunt* itaque Terram renovatam olim Pii: sed an corpore etiam possidebunt eam? Possidere enim dicimur prædia, in quibus nec semper nec frequenter corpore præsentem sumus. Psaltes dicit *וְשָׁכְנוּ לָעַד עָלֶיהָ* & HABITABUNT in æternum super eam. Figmentum de Beato millennio à Sanctis post Conflagrationem Mundi, ante Judicium universale, in Terra nova, (post Judicium, in liquidum æthera dissolvendâ, vel in stellam fixam convertenda,) transigendo, linquimus Burneto. Scimus ex Scripturis Cælum fore sedem Regni Triumphantis cum Christo ordinariam ac perpetuam. Discimus tamen simul ex iisdem Sacris Voluminibus Beatos cœlites illos quoque in Terra nova habitaturos. Hæc minime pugnant. Ibi (in Cœlo) inquit Clar. Heideggerus, Loco xxviii. de Glorificat. §. cii. cum Christo capite plene uniti plene regnabunt. Habitabunt nihilominus in Terra, quia in capite suo Christo terram scabellum pedum suorum habebunt, & creaturis omnibus dominabuntur. Nam & in Regno habitare Rex dicitur, qui in Regia sua confidens, à Regni partibus reliquis corpore suo divulsus, easdem voluntate & imperio suo regit & moderatur. Addit: Neque etiam præsentis sæculi est dijudicare, an non pii quoque terras & habitatas olim sedes sint revisuri, novamque rerum faciem admiraturi sint. Cognoscemus id tum, cum & ipsi cogniti erimus. Laudanda hæc est Modestia. Nihil absurdi tamen in eo erit, nihilque summæ beatitati illorum, vel renovationis terræ fini ac scopo adversum. Absque ullâ beatitatis imminutione Eliam olim descendisse de Cœlo, & Angelos quotidie mitti in Terram hanc maledictioni obnoxiam, novimus. Verbum inhabitandi activum pro potestate & facultate agendi vel inhabitandi, fortè sumitur: quemadmodum verba Activa sæpe adhibentur, juxta Glassii Observationem in Grammat. Sac. Lib. iii.

Tract. III. Cap. v. Ut sentius sit, Mansueti post hac soli habebunt potestatem commorandi toties in Terra renovata, quoties placuerit ipsis. Quod dicere forte voluit Pomeranus in Ps. xxvii. Quia & non solum Cælum sed & terra nostra est in æternum . . . & vivemus post resurrectionem ubique, & ubique fruemur gloria vultus Dei. Novos enim Cælus & terram novam videbimus. Hoc Regiæ illorum potestati & gloriæ congruum erit: Regum enim est Palatia, si placuerit, ad breve tempus relinquere, Terrasque longinquas, imperio eorum subiectas, perlustrare. Sic & Beati, Jehovaham in pulchritudine videbunt continuè in Palatio Cœlesti, sed & quando libuerit ipsis, Terram hanc longinquissimam, ad exercitium Admirationis suæ, & Celebrationis Dei, Videre poterunt.

XLVII. Ad summam itaque *Beatitudinem* perficiendam hæc *Hæreditas Terræ* promissa omnino facit: ut meritò Dominus *Beatos* pronunciaverit *Mansuetos*, quia hæreditabunt Terram. Sic simul ostendens nexum inter *Mansuetudinem* & hanc *Beatitudinem*. Qui nexus; non est *Legalis*, ex mansuetudinis opere fluens; neque *Naturalis*, ex *Mansuetudinis* cuiuscunque virtute procedens; sed oritur ex *Connexione Officiorum* & *Beneficiorum* Fœderis gratiæ in Ser-mone illo commemoratorum. Etenim promittitur hoc Bonum *Hæreditatis Terræ* *Mansuetis* illis, qui tales sunt supranaturali Virtute Spiritus, & qui simul per eandem Spiritus gratiam sunt vere Pauperes Spiritu, Lugentes, Esurientes & Sitientes Justitiam, Misericordes, Puri corde, & Pacifici. Interim fieri potuit, ut David & Dominus, in hoc *Bono* *Mansuetis* addicendo, respexerint, in phrasi, ad nexum illum naturalem quodammodo, qui est inter *Mansuetudinem* naturalem etiam & vitam longævam ac tranquillam; vel etiam ad *Mansuetos*, in deserto, introductos in Terram promissionis, uti voluit cum aliis Bullingerus. Finio Verbis Petri, *Cap. III: 11-13. Epist. Poster. Quum igitur hæc*
omnia

omnia dissolvenda sint, quales oportet esse vos in Sanctis conversationibus & pietatis officiis? Expectantes & properantes ad adventum diei Dei, in quo cœli conflagrantes solventur, & elementa æstuantia liquefcent. SED COELOS NOVOS AC TERRAM NOVAM SECUNDUM PROMISSUM EJUS EXPECTAMUS, IN QUIBUS JUSTITIA INHABITAT.


DISSERTATIO DECIMA QUINTA

D E

ANTIQUITATE ET ORIGINE
BAPTISMI PROSELYTO-
RUM APUD JUDÆOS.

Præcipuè ad LOCUM 1 CORINTH. X. 1, 2.

I.



Nter solennes Ritus quibus ab ævo recepti sunt Advenæ ex gentilismo in Ecclesiam Populumque Judaicum, fuisse quoque BAPTISMUM, Judæorum fert Traditio. Hunc extollunt *Talmudistæ*, *Jurisque Judaici* celebriores *Interpretes*, imprimis *Maimonides*, ut Ritus, perpetuò, ante & post Templi Excidium, universaliter, in maribus foeminis ac infantibus, imo & necessariò, adhibitum. Loca & dicta illorum videri possunt apud *Seldenum de Synedriis Lib. 1. cap. 3. de Jure Nat. & Gent. Lib. 11. cap. 2: 3, 4. de Success. ad Leges Ebræorum, Cap. xxvi. Buxtorfium in Lexico Chaldaico, p. 407. Ligstotum in Horis Hebraicis ad Matth. 11. 6. Jacobum Altingium in Dissertatione de Proselytis. Melchiorum Leideckerum de Rep. Hebr. Lib. vi. cap. vi. Tritum illud est Talmudicorum axioma, quod Coccejus in *Addendis ad Maccoth*, ex *Avoda zara*, *Seldenus* & *Altingius* ex *Jevamoth* laudarunt, לעולם אין גר עד שימול ויטבול. In æternum non est proselytus donec circumcidatur & Baptizetur. Vel uti *Altingius* transtulit; Perpetua lege obtinet ut proselytus nemo sit, donec Circumcissus & Baptizatus fuerit. Ad-*

Additur, quod si non sit Baptizatus, (nempe etsi circumcissus fuerit a suis gentilibus) נכרי הוא alienigena est, uti est apud Altingium, גוי הוא gentilis est, uti est apud Coccejum & Seldenum. Ante Templi Excidium nullum ex gentilibus marem absque מילה וקרבן Circumcisione Baptismo & Oblatione, nullamque foeminam absque Baptismo & Oblatione, post verò Templi destructionem, nullum marem aut masculum absque Circumcisione & Baptismo, nullamque foeminam absque Baptismo, receptos esse asserunt.

II Quantum ad hodiernum hujus Baptismi Judaici usum attinet, fassus est Drusus, Lib. II. de Sedis, se nescire an hodie adhibeatur. Cujus etiam dicti Drusi Buxtorffius in Lexico Talmudico absque ulla animadversione addita mentionem fecit. Grotius apud Cloppenburgium in Exercit: Theol. Loc. XIII. Disp. IV. §. IX. dicit, quod in hunc usque diem mos ille apud Judaeos maneat. Similiter scripsit ad Matth. III 6. Sed & nunc qui ex gentibus circumcisis, ut Ismaëlitis, Persis, Turcis ad Judaïsmum veniunt ab ipsis Baptizantur. Res certa est ex iis quæ de Judæis in Hollandia & Germania Proselytos recipientibus ex Wagenfeilio protulit Doct. Zeltnerus in Dissert. de Initiis Baptismi Initiationis, anno hujus seculi undecimo edita: ne dicam de Exemplo Seculi XIV. quod Eruditissimus D. Hazæus in Biblioth. Bremensi Class. IV. Fasc. VI. Dissert. III. §. 31. in Notis, ex Libro Sententiarum Inquisitionis Tolosanae, quem Limborchius suæ Inquisitionis historiae annexum edidit, adduxit.

III. Neque dubitandum est valde hac de re, si consideremus quod Talmudici & Maimonides ex mente Veterum de Ritu hoc, ut perpetuo & necessario, inculcarunt, atque probare conati sunt ex analogia introitus totius Israëlitici populi in Fœdus Abrahamicum & Mosaicum. Ita Maimonides apud Seldenum de Synedriis, Lib. I. cap. 3. Triplici ritu intrarunt in fœdus Israëlitæ; Circumcisione, Baptismo & Oblatione. Circumcisionis usus erat in Ægypto, juxta quod

initium floruerunt. Ita tamen ut alii Baptismi hujus initia retulerint ad ipsa Reipublicæ Hebræorum incunabula; alii verò ante Christi & Johannis tempora obtinuisse inter Judæos concesserint modò. *Ante suum tempus paucissimos scriptorum animadvertisse Baptismi usum apud Hebræos in faciendis Profelytis*, fassus est Seldenus in *Libro de Successionibus ad Leges Hebræorum*, cap. xxvi. edito ab ipso anno 1636. Ante Seldenum Hugo Broughtonus in commentario in *Danielem*, p. 46. ex Maimonide affirmavit, *Baptismum celebratum fuisse Judæis inde à temporibus Davidis & Salomonis*, ex collectione ad Legem (*Exod. xix.*) non aperto mandato. Broughtonum laudavit Grotius, eumque secutus de totâ hac causâ prolixè magis disseruit. In *Epistola* 329. ad *Cordesium* 15. Octob. 1633. data, brevius dicit, *Baptismum quendam Johannis illo vetustiore fuisse, quem Judæi adhibuerunt, cum idololatræ aut ad Judaismum transfirent, aut jus hospitii apud ipsos sub lege vivendi secundum præcepta Adamo & Noë data, impetrarent.* (*Maimonides verò in Ifure biab cap. 14. dicit, quod גר תושב Profelytus domicilii, sit gentilis, qui in se recipit se non culturum idola, seque observaturum reliqua Noachi posteris præcepta, sed qui nec circumciditur, nec Baptizatur: vide Alting. de profelytis. §. LI.*) Latius verò hac de re egit Grotius in *Epistola* 336. *Hamburgi* 14. Jan. 1634. conscripta, & missâ ad *Martinum Ruarum*; ubi inter alia & hæc habet. *Itaque ex eo tempore (quo nempe factum est, ut, Deo curam suam fermè ad unum populum retrahente, nulli essent populi defectionis ab unius Dei cultu immunes) à sapientibus Hebræis institutum est, ne qui ad jus incolatus admitterentur, nisi qui solenni merfatione professi essent se pravum cultum vitamque ἀποποιεῖν exuere, prævia circumcissione, si de Abrahami essent genere, sine ea, si aliundi orti. Si qui præterea vellent totam Mosis legem sibi imponere, de eo fiebat testatio, & sic in numerum non incolarum sed civium recipiebantur, bonorumque erant participes, nisi ex illis essent gentibus, quas Lex speciali*

de

de causa exceperat. Gravis autem causa fuit cur etiam circumcisis injungeretur altera Baptismi professio, quia gentes aliquot circumcisæ ad falsos Deos jam defecerant. Est autem ferme apud omnes populos receptum ut emendatio vitæ signo conspicuo Ablutionis, & ubi magna esset mutatio, Merstationis exprimitur. Vetus scholiastes Horatii ad illud Epistolæ primæ, Ter pure lecto, ter ait mergunt qui se expiant. Hinc Baptæ apud Græcos: Isidos quoque & Mithræ sacris, Tertulliano docente, eo, qui de Baptismo est, libro, per lavacrum initiabantur. Ejusdem Tertulliani est eodem libro, Certè ludis Apollinaribus & Pelusiis tinguntur, idque se in regenerationem & impunitatem perjuriorum agere præsumunt. Hunc ergo communem gentibus intellectum secuti Hebræi non immerito commaculatis vita impuræ Tinctionem id est Merstationem injunxere. Cum quibus conferri possunt ea quæ adnotavit ad Matth. iii: 6. ex quibus postea nonnulla nobis usu venient. Ipse verò Martinus Ruarus Dithmarus, Vir doctus, sed Socinianiana hæresi imbutus, de quo Morhofius narrat, quod primus fuisse credatur qui Grotium in partes Socinianorum pertraxerit, scripserat ad Grotium Gedani, a.d. iii. Calend. Januarii 1633. Epistolam, quæ est inter Epistolas Ruari trigesima sexta, in quâ præter alia & hæc leguntur. De Baptismo Judæorum, cujus primam mentionem colloquio tuo debeo, deprehendi tandem aliquot loca ex Thalmud à viris eruditis allegata. Johannes Cochus in annotationibus, seu potius in earum spicilegio super caput secundum Maccoth citat ex Aboda Sara fol. LIX. p. i. hæc verba (supra à nobis allegata) in æternum non est proselytus, dum circumcidatur & baptizetur, nam donec baptizatus non est gentilis est. Duo alia loca ex Jethammoth fol. LXVI. LXVII. & ex Barachot fol. XLVII. affert Christianus Gerson in Thalmude suo Judaico. Ex eodem Gersone disco, Thalmudem hunc ritum pro antiquissimo habere: utpote qui in Sota fol. XLII. & in Megilla fol. XIII. lotionem filie Pharaonis in flumine, de quâ Exod. II. hoc sine susceptam (quanquam id sane ridiculè) interpretetur, ut per Baptismum

Israë-

*Israëlitarum religioni initiaretur. Crediderim tamen, saltem Servatoris nostri ævo, postquam tam multi Baptismi vel ad superstitionem usque invaluerant, Judæis hanc Gentium exter- narum initiationem ad sacrorum Judaicorum communionem in usu fuisse. Circa idem fere tempus & paulò post, recon- ditionis eruditionis Vir Johannes Seldenus inter Anglos sen- tentiam Talmudicorum de Antiquitate Baptismi Proselyto- rum, hujusque originem modum rationem usum & effecta ex Talmude, Additionibus & Glossis ejus, Jurisque Judai- ci Interpretibus præcipuis, exposuit atque illustravit non modò in *Lib. de Successionibus ad Leg. Ebræorum*, anno 1636. edito, *cap. xxvi.* & de *Jure Nat. & Gent. Lib. II. cap. 2: 3, 4.* nec non in *Lib. de Synedr. cap. 3.* verum etiam fassus fuit in *Lib. de Synedriis, cap. 3. sibi omnino esse ve- ROSIMILE Judæos Baptismum proselytorum a Majoribus ante Christum accepisse. Et mecum, ita pergit ille, sensisse vi- dentur tum ex Judæis Christiani alii, tum Christiani origina- rii, iique Viri hujus seculi doctissimi, qui Baptismum ejusmodi Judaismo proprium memorarunt nec interim de eo dubitantes aut antiquitati ejus obtensæ omnino reclamantes: respexit fortè ad Job. Buxtorfium in *Lexico Chaldaico*, quem, p. 12. in mar- gine laudavit. Seldenum sequutus est Johannes Marshamus in *Canone Chronico, sec. ix.* Solemnis autem Proselyti ablutio, inquit, quum is Judaismo nomen primò dederit, inter initia- menti ritus observabatur ab hoc, (exitus ex Ægypto & Le- gislationis) de quo agimus, tempore. Jam enim Proselytos plurimos factos esse tradit Philo. &c. Similiter Johannes Ligt- fottus in *Chronico N. T., sect. ix.* & in *Horis Hebraicis ad Matth. III: 6.* & alibi, Magistrorum Traditiones de Judai- co hoc Baptismo non tantum copiose allegavit, sed & sen- tentiæ eorum de Usu ejus longè ante tempora Johannis Baptistæ subscripsit, imò primum ejus usum Patriarchæ Jacobo adscripsit. Ita ille in *Chronico N. T. sect. ix: Mul- tis retro seculis ante tempora Johannis Baptistæ usurpatus fue- rat Baptismus, tanquam ritus, quo Proselyti in Ecclesiam re-***

cepti fuerunt, siue viri fuerint, seu fœminæ, aut infantes: Et in Hor: Hebr. ad Matth. iii. 6. At primus tamen usus Baptismi non tunc temporis (Johannis Baptistæ) exhibitus fuit: nam quam plurimis annorum retro centuriis, & notus, & frequentissimo apud Judæos usu receptus fuerat Baptismus, in ipsissimum eundem, quo nunc apud Christianos obtinet, finem, nempe ut per eum admitterentur Profelyti in Ecclesiam: atque hinc dictus à טבילת גרות Baptismus ad profelytismum: & distinctus טבילת נדה Vide Babyl. Jevamoth, fol. 45. 2. in glossa. Primum ejus usum in hunc finem, ego Patriarchæ Jacobo ascriberem, Sichemitidas fœmellas, aliosque, qui jam apud eum versati sunt, Ethnicos, in familiam Ecclesiamque suam, cooptanti. Dixit Jacobus familiæ suæ, omnibusque, qui cum eo erant, amovete à Vobis Deos alienos, & mundamini, & mutate vestimenta vestra, &c. Gen. 35. 2. Quid sibi velit vox ista והטהרו Et mundamini, optimè interpretatur Aben Ezra שרחצו הגוף nempe Lotionem corporis, vel Baptismum, quod & suadet ipsa ratio. Totam gentem Israëliticam per Baptismum inter alia in fœdus introductam fuisse, asserit uno quasi ore tota gens Israëlitica. Huic merito jungendus est Jacobus Altingius, qui in peculiari Dissertatione publicè ventilata in Academia Groningana, Anno 1664. rem omnem hujus Baptismi Profelytorum ex Judæorum traditionibus ordine enarravit, & quamvis placita Magistrorum in omnibus non approbaverit, miram tamen Baptismi Judaici in multis cum Christiano convenientiam laudavit, illumque hoc nostro anteriorem & antiquiorem esse, unà cum Regenerationis profelytorum per Baptismum illum Doctrinā, absque ullā hæsitatione affirmavit, uti videre licet in laudata Dissertatione §. xxvi. & xlii.

V. Hos Viros Eximios eruditionis insignis summæque rerum Talmudicarum & Rabbinicarum peritiæ laude conspicuus secutos esse multos in Belgio Germania atque Anglia ex Protestantibus præcipuè Doctores, nemo facile mirabitur: præsertim qui consideraverit, quod Præstantissimi

mi hi Auctores pro singulari eruditione suâ novis observationibus atque rationibus Magistrorum sententiam quantum pote confirmaverint, eique haud contemnendas suppetias ferre haud dedignati fuerint. Et PRIMO quidem *Gentilium Testimonia*, Judaicam Traditionem de Antiquitate hujus Baptismi quoad notabilem ejus partem roborantia, adducunt. Nempe; quemadmodum recentioribus hisce temporibus nostris Baptismi hujus usum apud Judæos permansisse observavimus supra §. 11. & sicuti Maimonidis ævo, seculo XII. in usu fuisse constat ex iis quæ ex ipso descriperunt *Seldenus Ligstotus* & *Altingius*, & confirmatur quoque ex ritibus, circa eos, qui è Christianismo ad Judaismum transibant, adhibitis, quos ex *Eymerico* descripsit *Bzovius* ad Annum Christi 1288. laudatus quoque à *Carpzovio* in *Notis ad Schickardum* Cap. v. Theor. XVII. ita Baptismum hunc Judaicum in ipsis Christianismi Primordiis obtinuisse, ex gentiliū quorundam Dictis colligunt Viri Eruditi. *Grotius* in *Matth.* III. 6. Et hujus baptismi Judaici meminit *Scholias*tes ad *Juvenalem*, & *Arrianus* *Epicteti*. In *Epistola* verò ad *Martinum Ruarum*, scripta *Hamburgi*, 14. Jan. 1634. quæ est inter *Epistolas* ejus trecentesima trigesima sexta, argumentum illud ex *Scholias*te *Juvenalis* hunc in modum exposuit. De baptismo Judaico quæ scribis vera sunt: & adjici potest ad ea quæ commemoras loca illud ex *Scholias*te *Juvenalis* vetere & scriptoribus uso qui proximè *Juvenalis* sæculum fuere ad illum versum.

Quæsitum ad fontem solos deducere Verpos.

Sic ille ait. ubi baptizantur. Quod quanquam ad rectam versus illius expositionem non pertinet: culpatur enim *Juvenalis* τὸ ἢ Ἰουδαίων ἀμικτον, qui ne communia quidem humanitatis officia, qualia sunt erranti viam, sitienti fontem monstrare, præstarent τοῖς ἀνοήτοις: testimonium tamen præbet mori ἢ Ἰουδαϊστικῶν in oculos Romanorum quoque incurrenti. Quod attinet verò testimonium *Arriani*, hoc *Grotius* non modò laudavit, sed & *Seldenus* de successione ad *Leges Ebræo-*

rum, cap. xxvi. imo ante hos *Martinus Ruarus*, *Epist.* 31. ad *Grotium*, anno 1632. verosimiliter conscripta. Ubi dicit ille. *Ceterum incidi nuper in locum quendam Arriani Epicteti Commentatoris, qui quod è Talmude de Judæorum Baptismo coram mihi referebas in mentem mihi revocavit. Sic verò habetur Lib. II. cap. 9. τὸ ἐν τῷ αὐτῷ λέγεισ σεαυτὸν, τὸ ἐξαπαλᾶς τὰς πολλὰς, τὸ ὑποκρίνη, Ἰδᾶϊ αὖν, ἔκληνας; ἔχ' ὅρες πῶς ἕκαστ' λέγεται Ἰδᾶϊ; πῶς Σύρ; πῶς Αἰγύπτι; καὶ ὅταν τινὰ ἐπαμφοτερίζοντα ἰδῶμεν, εὐθαρμὴ λέγειν, ἔκ' ἐστὶν Ἰδᾶϊ, ἀλλ' ὑποκρίνεται, ὅταν δὲ ἀναλάβῃ τὸ πάθ' τὸ ὅ βεβαμμέν' καὶ ἡρημνέ', τότε καὶ ἐστὶ τῷ ὄντι καλεῖται Ἰδᾶϊ. ἔγω καὶ ἡμεῖς ὡς βαπτιστὰι, λόγῳ μὲν Ἰδᾶϊ (sic quidem est in meo exemplari, sed legendum, ut opinor Ἰδᾶϊοι) ἔργῳ δὲ ἄλλο τι. Satis manifeste Judæis baptismum hic tribuit, ὅς ὡς βαπτιστὰς ab illis distinguit: quanquam fieri potest ut Ethnicorum aliorum Exemplo Christianos, qui baptismo ad Religionem Christianam initiabantur, cum Judæis confuderit: quod eruditissimus *Wolffius* hic non injuria suspicatur. Sed quid hoc est, quod se aliosque secum ὡς βαπτιστὰς ὅς λόγῳ Ἰδᾶϊς appellat, à quibus sese alioquin re abire profitetur? An tam honestum erat tunc temporis Judæorum nomen, ut ὅς gentiles sibi illud arrogarent? an potius respicit probitatem sive Judæorum, sive Christianorum istius sæculi, ὅς multos eam gentiles prosteri queritur, quam tamen non præstent? Ad hæc respondit *Grotius Ruaro Epist.* 32. *Hamburgi* 2. *Julii* 1633. datâ, hunc in modum. De *Arriani* loco memini, ὅς eum de Judæis intelligendum censeo, cum idem scriptor Christianos Galilæorum appellet nomine. Sed in *Verbis* posterioribus pridem est cum ad libri mei oram notavi legendum λόγῳ μὲν σπᾶδᾶϊ, ἔργῳ δὲ ἄλλο τι. Considera loci sensum ac seriem: non improbatum confido. Vocis aliquanto ante posita duabus literis distans sonus ὅς scriptura librariis, ut fieri assolet, errandi causam dedit. Ad quæ rursus *Ruarus* regressit in *Epist.* 33. *Gedano* prid. *Eid.* Aug. 1633. ad *Grotium* missa. De loco *Arriani* tibi assentior, illum de Judæis intelligendum, ὅς jam ipse de-*

pre-

prehendi in Libro quarto Christianos Galilæorum nomine venire; & video alibi quoque ita eum Judæorum mentionem facere, ut satis appareat, discrimen utriusque cultus illi non ignotum fuisse. Illud tamen miror, cur cum initiationem Judæicam designare vellet, Baptismum potius quàm Circumcisionem nominaverit? an id ideo fortassis fecit, quod Baptismus, qui in publico fiebat, magis in externorum oculos incurreret? an potius cum in eodem loco Syros atque Ægyptios nominasset, existimavit non satis commodè ab his gentibus Judæos per Circumcisionem distingui, quandoquidem & Ægyptios & Syrorum nonnullos circumcisos fuisse Herodotus alique scriptores antiqui testantur, eoque Baptismum, non æque fortassis illis gentibus frequentatum, nominare maluit? Conjecturæ tuæ, quæ apud Arrianum pro Ἰουδαίων & παρθένων substituis, volens subscribo, & causam erroris agnosco, nec video, quis alioquin idoneus ex eo loco sensus exsculpi queat. Ad hæc denique Grotius 20. Aug. 1633. reposuit. De Arriani loco confirmat me iudicium tuum. Cur de Judæis agens Baptismum potius quam circumcisionem attulerit, causam veram utramque attigisti: nam circumcisio domi peragi poterat, Baptismus in fluminibus administrabatur, ut & apud Christianos etiam Justinī ævo; &c. Quomodo verò hic Arriani Locus aliquid conferat ad antiquitatem Baptismi Proselytorum apud Judæos confirmandam, exposuit Ruarus Epist. 36. Ad ætatem Baptismi Judæici nonnihil facit, quod Arrianus, mentionem illius ex interpretatione tua faciens, non procul ab ævo Servatoris nostri, sub Hadriano & Marco & Antonino Imperatoribus vixerit, si modò Commentator Epiḗteti, quem habemus, is est, quem Suidas Ἐπικλήτειον φιλόσοφον appellat. Audiamus nunc Seldenum hoc de Arriani loco, latinitate donato, in Libro de Successionibus ad Leges Ebræorum, cap. xxvi. ita differentem. Ad Baptismum autem quem diximus & Judæi nomen ipsam religionem non magis atque novam patriam denotans spectabat proculdubio Arrianus in Epiḗtetum Lib. ii. cap. ix. Quid (inquit Philosophiam simulantes increpans) appellas te

Stoicum? quare decipis & fallis tam multos? Quam ob causam Græcorum personam induis, cum sis Judæus? An nescis quare dicitur quisque Judæus? quare item Syrus, quare Ægyptius? At quando viderimus quempiam animo utrinque ancipiti, dicere solemus Judæus non est sed simulat. Quum autem induerit (τὸ πᾶσι τὸ ἑ βαπτισμὸς ἔνεγκέν) *affectum Baptizati & inter sectatores adsciti*, tum revera & est & appellatur Judæus. Ita & nos quoque parabaptistæ sumus (*seu ut non legitime tincti*) dum quisque verbo tenus duntaxat velut Judæus, re autem verâ aliud quid existit. Vir Doctissimus *Dionysius Petavius ad Themistii orationem xii. legere mavult* ἑνεγκέν circumcisi pro ἑνεγκέν inter sectatores adsciti. *Et ex Judæorum & Christianorum nominis confusione scripsisse Arrianum opinatur. Scilicet cum Circumcisio proprias esset Judaismi Character, magna- que tum Christianorum pars e Judæis esset, crediderant, inquit ille, Gentiles Judæos omnes & baptizatos & Circumcisos esse oportere. Lipsius autem ad Annal. Tac. l. xv. de Christianis locum illum capit, ex eadem confusione. Ait, sic ille, ἑ βαπτισμὸς (Baptizati) qui ergo tincti & baptizati præter Christianos? Et Gaspar Barthius ad Rutilii Itinerar. de eo loco, sanè Judæi, inquit, signaculum non erat Baptizatum esse, sed Christiani. Nec melius Hieron. Wolfius, qui ἑνεγκέν amplexi, scilicet Judaismum, ibi verti vult, & Christianorum ecclesiam cum secta Judæorum confundi. Certe fatemur, Judæorum nomine Christianos antiquitus apud scriptores gentiles, eo quod Christianismi, uti & Christi, in Judæa erant natales, designari; quemadmodum apud Sætoniam in Claud. c. xxv. Judæos impulsore Chresto (nam & Christum Chrestum, unde & Chrestianos qui Christo nomina dederant, appellabant) assiduè tumultuantes Roma expulit. Et vide sis P. Pithæi Adversariorum lib. ii. cap. iii. Sed verò apud Arrianum, Judæorum Proselytos seu Judæos circumcissione & Baptismo ex Gentilibus factos innui vix ambigendum videtur. Et tantum absuit, ut male Gentiles, Judæos hujusmodi tam*

ba-

baptizandos quam circumcidendos fuisse sentirent, aut nulli in initiamenti tingerentur præter Christianos (quod vult Lipsius) ut nemo citra Baptismum magis ac citra Circumcisionem Profelytus aut hac notione Judæus rite fieri aut haberi potuisset. Sententiam hanc de Judæis circumcisione & baptismo factis ab Epicteto intellectis novis observationibus confirmavit Clar. Rossal in Disquisitione de Epicteto erudite docens, verba illa τὸ πᾶσι & τὸ ἑ βαπτισμένῃ & ἡγεμένῃ commodè verti posse per affectum qui est in baptizato & circumciso, quo pacto ad Judæorum profelytos utroque ritu initiatos manifeste ducimur, ab Epicteto indigitatos.

VI. SECUNDO observant, quod ad Baptismum Joannis tantus fuerit populi Confluxus, quodque Scribæ & Pharisei non legantur illi litem movisse ullam de ipso externo Initiationis ritu usurpato, cujus utriusque rei ratio præcipua erat scilicet, quia Ritum haud plane novum sed dudum in gente illa usitatum adhibebat. Seldenus de Synedriis Lib. 1. cap. III. Hoc interim advertere etiam liceat, Baptismi, in Christianismi seu Legis Evangelicæ initiis, ritum seu Sacramentum, sive ab Joanne, sive ab Apostolis adhibitum, non ut actum novum, ac antea, qua actus etiam erat religionis, inauditum, esse introductum, sed ut Ebræis satis etiam, quatenus erat Initiationis ritus, ex majorum seu patrum usu ac disciplina, cognitum ac cum circumcisione, ita ut osensum est, conjunctum. Lightfotus in Chronico Temp. N. T. Sect. IX. His rite perpensis, haud æquum est mirari, tantam populi turbam ad Baptismum Joannis confluisse. Hoc enim tempore Judæi Messiam expectabant: porro baptismus communiter usurpatus fuerat &c. & in Floris Hebraic. ad Matth. III. 6. Hæc ideo copiosius allegavimus, ut non solum de re proposita satisfiat, cur scilicet ad Baptismum Joannis, tam universo concursu conflaxerit populus, quia res Judæis aliena non erat Baptismus: &c. & paulò post ibidem sic ille pergit. Observato ex his, quæ dicta sunt, quam notissimus apud Judæos fuerit usus Baptismi, facillima patet ratio, cur Synhedrium a Joanne

Joanne per nuntios suos non quaesiverit de ratione Baptismi, sed de auctoritate baptizantis: non quid sibi vellet Baptismus, sed unde licentia illi ita baptizandi, Joan. I. 25. Ligtfoth in hoc Argumento vestigia cum aliis preffit Doctissimus Joh. Bened. Carpzovius, in Notis ad Schickardum, Cap. v. Theor. xvii. Hinc, inquit; quia scilicet Baptismus Sacramenti circumcisionis necessarium, ex instituto sive divino sive humano, & inseparabile erat connexum in omnibus iis, quotquot abjurato gentilismo ad Israëliticam transire religionem & proselyti fieri cuperent: non tantus modò ad Johannem baptistam populi illico confluxus Matth. III. 5, 6. sed & Legati procerum Jerosylomitano ad Johannem missi, non de ipso Baptismo, veluti re ac ceremonia, & ritu inusitato, sed de auctoritate solum quærebant, quod viderent, eum suo hoc baptismo non proselytos e gentilismo in Judaïsmum recipere, sed ipsos in Israëlítico fœdere natos, & pridem, si maiores essent, in infantia octavo à nativitate die circumcisos, novi fœderis proselytos constituere; atque Judæos à patria religione in aliam transferre. Quare baptizas, inquit, si neque Messias, neque Elias, neque aliquis Prophetarum es? Joh. I. 25. Nempe ritum jam noverant, noverant eundem adhiberi solitum, cum ex infideli fieret fidelis: cum ergo ipsos per hunc Judæos novo fœderi initiari, suamque Judaicam religionem non minus, quam, quod sanctissimum putabant, fœdus cum Deo a patribus olim initum reformari viderent, non nudi illud hominis, sed vel Messie, vel Elie aut alterius cujusdam Prophetæ opus existimabant.

VII. TERTIO adducunt, quod Dominus doctrinæ hujus de *Regeneratione ex Aqua*, id est, *Baptismo*, ignorantiam ut maxime culpabilem & pene incredibilem satis acriter in *Nicodemo*, doctore *Israëlis*, reprehenderit, Joh. III. 5. 10. Huic enim incognita esse haud debebat Rabbiorum doctrina de *Proselyto Baptizato*, quod *infanti recens nato* esset *similis*, pro *antea nato* non habendus, sed pro *novo homine*, jam *primò nato*, cui nova anima cœlitus immis-

sa,

sa, cujusque pristinae cognationis ratio prorsus desisset, ita ut incestus ex antea conjunctissimorum connubio nullus esset, de quâ Judaicorum Doctorum Doctrina Seldenus in *Lib. II. Cap. IV. de J. N. & G. & de Succes. ad Leg. Ebr. cap. XXVI.* Hoc argumentum urget idem Seldenus de *Syned. Lib. I. c. 3.* Unde item, inquit, *Regenerationis per aquas, etiam in Baptismo illo Ebræorum Veteri, juxta ante dicta, intellectæ ignorantiam meritò exprobrat Christus Nicodemo, quod, cum is princeps & Doctor esset inter Judæos, mirabatur, velut ante inauditum, quid regeneratio ejusmodi seu novi natales significare quirent. Nec non Aliingius §. XLII. Neque aliter locutus Christus ad Nicodemum Job. III. 3. Amen, Amen dico tibi, nisi quis genitus sit iterum, non potest videre regnum Dei. Conf. Matth. XVIII. 3. Quod cum ille de nativitate naturali intelligeret, quæ seni impossibilis, revocatur ad conditionem Proselytorum de quibus ita loquebantur Scholæ Hebræorum, sic tamen, ut non infernam & elementarem aquam rem ipsam præstare significaretur, sed supernam & spirituales. Amen amen dico tibi, nisi quis fuerit genitus ex aquâ & spiritu, non potest introire in regnum Dei. Et cum ne sic quidem hæc assequeretur Nicodemus, dictum ipsi, Tu es Magister in Israël & hæc non nosti? Nam Magistris non poterat esse ignota Regenerationis doctrina, qualis nempe per baptismum proselytis significatur, qui ab eo die recens nati Israëlitiæ habebantur. Similiter Samuel Basnagius in *Annal. Polit. Eccles. ad Annum D. 29. §. XIII.* Nescio, ait, quid regenerationis per Baptismum fieri, Judæis infixum animo fuisse, Servatoris verba testantur: Nisi quis genitus fuerit ex aquâ & spiritu, non potest introire in regnum Dei, quæ cum miratur Nicodemus, quomodo possunt hæc fieri, hoc addidit Christus, Tu es Magister ille Israëlitis, & hæc non nosti? Quibus Judaicæ per baptismum regenerationi allusum est.*

VIII. QUARTO dicunt, admodum verosimile esse, quod Dominus noster Ritus externos sub. N. T. haud pla-

ne novos, inauditos, vel inusitados Judæis, adeoque qui offendiculo esse possent, mandaverit observandos, sed ex medio Judæorum usu desumptos sapienti consilio instituerit. Quemadmodum enim in S. Cœnæ institutione se accommodavit Dominus ad phrasas & ritus Judaicos, in Cœna Paschali, aliisque festivis & solennibus Epulis, observatos; quâ de re consulendus *Buxtorffius de Cœnæ Dominicæ Ritibus*, & *Scaliger, Lib. vi. de Emend. Temp. & Fagius ad Chald. Paraphrasin Deut. viii.* sic quoque in *Baptismo* mandato, non novam plane jussisse ceremoniam, sed usu dudum receptam, ad novum & mysticum usum separasse, maxime probabile esse existimant. Cum autem multiplex in usu Judaico fuerit Baptismus, sive divinitus institutus, sive humano arbitrio susceptus; nempe *Baptismus Leviticus immunditiei*, ad immunditiem legalem contractam eluendam, sæpe pro re nata repetendus, *Heb. ix. 10.* & *Pharisaicus* superstitiosus *Marc. vii. 4;* & *Pœnitentiæ* privatus (de quo *Seld. de Succ. ad L. E. cap. 26.*) in signum mutationis vitæ susceptus, & denique *Initiationis*, adhibitus in signum mutatæ religionis, imo & cordis ipsius regeniti; *Baptismum Johannis & Christi*, ad imitationem, non Levitici, aut Pharisaici, aut Pœnitentis privati, sed *Baptismi Initiationis Profelytorum* fuisse institutum asserunt. Neque enim probabile autumant Dominum Ritum aliquem Mosaicâ lege Præceptum consecrasse in Sacramentum Novi Fœderis, quia sic videri possent Ceremoniæ legales umbraticæ sub Oeconomia Nova perseveraturæ. Neque etiam ex usu Phariseorum superstitioso, aut Pœnitentium privato desumpsisse Dominum Baptizandi sacrum Ritum solennem credibile judicant. Quare ex nullo alio nisi ex *Initiationis Profelytorum Baptismo* originem traxisse nostrum primum Novi Fœderis sacramentum colligunt. Quem in finem commendant quoque miram convenientiam hujus nostri sacramenti in sacris descripti cum profelytorum illo Baptismo à Magistris tradito. *A Judæorum ritu desumptum fuisse Joannis Baptismum, hujus illiusque similitudo*

litudo documento est, inquit Samuel Basnagius, ad A.D. 29. §. xiv. Similitudinem hanc in antecedenti Institutione, Profelyti Professione, Immersione, Testibus, Regeneratione, Subjectis, etiam Infantibus &c. prolixè & eruditè ostendit Clar. Altingius §. xxvii. . . xlvii.

IX. Audiamus nunc ipsos Auctores, quorum mentem sic breviter proposuimus quidem, sed quorum verba ipsa describere, mihi non erit tædiosum, nec Lectori fore inutile putamus. Broughtonus, *Comment. in Dan. p. 46.* scripsit, quod Dominus, (ut ostenderet quantopere nobis *συγκαταβαίνω*, & ut nunquam inducamus animum res novare) de Baptismo, (celebrato Judæis inde a temporibus Davidis & Salomonis, ex collectione ad legem, non aperto mandato) sigillum instituit intrandi in requiem Messie, & abjiciendi reliquas ceremonias: Judæorumque infirmitatem ex inventis super lumine naturæ fundatis, ad magnos usus reducit. Ex pane & uvæ sanguine, partibus Cœnæ Agni, haud quaquam ex mandato, sed ex communi prudentia quam Deus animis insculpsit; sancit sigillum sui ipsius veri corporis, & sanguinis: &c. Ligtfotus in *Hor. Hebr. ad Matth. iii. 6.* Appendicem vides Baptismum Circumcisioni Profelytorum inseparabiliter affixam. Erat quidem aliquantula temporis distantia. Nam non nisi post sanatum circumcisionis dolorem baptizabantur, eo quod aquæ vulneri essent noxiæ, Jevam. fol. 45. 2. at nunquam certè non secutus est Baptismus. Circumcisionem certè institutionis plane divinæ agnoscimus; ast, à quo institutus fuit inseparabilis ei Baptismus, ambigitur. Et tamen, quod notatu dignum, Servator, rejecta Circumcisione, appendicem retinuit, & cum universi gentiles jam in veram religionem essent introducendi, Profelyticum hoc introductorium (detur verbo venia) in Sacramentum introductionis in Evangelium promovit. Idem fere observare licet de Eucharistia. Agnus in Paschate erat divinæ institutionis, & sic quidem panis. Ast unde vinum? At rejecto tamen agno, in pane & vino instituit Christus Sacramentum. Merentur quoque hanc in rem describi verba celeberrimi Theologi Sam.

Maresii in *Syst. Theol. Loc. de Sacramentis*. quæ ita sonant. §. 40. *Baptismi author est Christus, qui non tam lotiones Leviticæ, quam ritum Judæis observari solitum circa Profelytos justitiæ regenerandos, & inserendos Reipublicæ Israelitiæ, eum in finem speciatim voluit consecrare ministerio Job. Baptistæ. Et in notis. Nec in Baptismo nec in Cœna adhibiti sunt ritus lege Mosaica præcepti, ne viderentur cæremoniæ legales esse perpetuandæ. Sed ut Christus ad S. Cœnæ institutionem usurpavit ritum, eum alii usui addicendo, observari solitum a patre familias in epulo Paschali, quo singulis suis in communi exhibebat primò panis azymi frustum in memoriam panis miseriæ, quem sui patres comederant in Ægypto, & postea poculum vini solenniter benedictum in gratiarum actionem; ita etiam ad usum Baptismi nulla lotio præscripta lege Moysis adhibita fuit, sed ea quæ ex instituto humano ad profelytismum sanctiorem observabatur.*

X. Neque Quintò prætereundum est hoc, quod ex hac hypothese ratio satis solida, uti existimant, dari queat, quare nihil de *Pædobaptismo*, in Ecclesia Christiana ab ævo recepto, dilerte mandatum legatur in N. T., neque ejus exemplum ullum expresse notatum ibidem occurrat. Nempe filii filiæque minores & infantes baptizabantur etiam cum parentibus profelytis juxta traditionem Talmudicorum, addentium etiam hanc Rationem, quia *beneficium hac ratione ipsis præstatur, & quia benefacimus homini etiam absenti & inscio.* Videantur Seldenus de *Syned. Lib. I. cap. 3. de J. N. & G. Lib. II. c. 2. Ligtfotus in Chron. Temp. N. T. Sect. IX. in Hor. Hebr. ad Matth. III. 6. & XXVIII. 19. Altingius in Dissert. de Profelytis §. XLVI. Cum ergo Dominus, quando Ritum hunc Judaicum transtulit in Sacramentum Novi Fœderis, non exceperit infantes, meritò censendus est voluisse & hos a Ministris suis baptizari, atque existimandum est omnino, Apostolos, quando Baptizabant integras, Lydiæ, Commentariensis, Stephani, aliorumque familias, *Act. XVI. 14. 15. 33. I Cor. I. 16.* ex consuetudine Judæorum admi-*

administrafſſe Baptiſmos illos, æque infantibus & minoren-
nibus, ſi adfuerint, quam illorum parentibus, ſic ini-
tiandis Fœderi Novo omnibus. Loquatur iterum Ligſo-
tus, qui non uno in loco hoc argumentum tractavit, & in-
primis ad *Matth. iii. 6.* prolixè & copioſe admodum; pla-
cet tamen verba ejus deſcribere in gratiam Lectoris, eo ma-
gis, quia video Viros quosdam Eruditos verba Ligſoti ſua
feciffe, auctore ipſo non laudato, *Hinc etiam patet Ratio,*
inquit, cur apud Novum Teſtamentum, accuratiori regula non
præſcribatur, quinam Baptizandi. Oggerunt Anabaptiſtæ.
Non præcipitur, ut baptizentur infantes, ergò non bapti-
zandi. Quibus ego, non prohibetur ut baptizentur infantes,
ergò ſunt baptizandi. *Et ratio in aperto. Nam cum Pædo-*
baptiſmus in Eccleſia Judaica, in admiſſione proſelytorum, ita
fuit notus, uſitatus, & frequens, ut nihil fere notius, uſita-
tius, & frequentius: I. Non opus erat ut aliquo præcepto robo-
raretur, cum Baptiſmus jam in Sacramentum evaderet Euange-
licum. Nam Chriſtus Baptiſmum in manus ſuas, atque in uſum
Euangelicum, ſuſcepit qualem invenit, hoc ſolum addito, quod
ad digniorem finem atque ad largiorem uſum promoveret. Novit
ſatis gens univerſa parvulos ſolitos baptizari: illud præcepto opus
non habuit, quod communi uſu ſemper invaluerat. Si prodiret
jam Ediſtum regale in hæc verba, Recipiat ſe unusquiſque die
Dominico ad publicum conventum in Eccleſia; inſaniet il-
le certè quicumque olim hinc argueret, non celebrandas eſſe
Die Dominico in publicis conventibus preces, conciones, pſal-
modias, eo quod nulla in Ediſto de iis mentio: Nam cavit E-
diſtum de celebratione diei Dominicæ in publicis conventibus in ge-
nere, de particularibus autem divini cultus ſpeciebus ibidem ce-
lebrandis, non opus erat, ut eſſet mentio, cum iſtæ ante datum
Ediſtum, & cum daretur, ſemper & ubique notæ eſſent, & in
uſu aſſiduo. Ipſiſſimo iſt hoc modo res ſe habuit cum Baptiſmo,
Chriſtus eum inſtituit in Sacramentum Euangelicum, quo in pro-
feſſionem Euangelii omnes admitterentur, ut olim in Proſelytiſ-
mum, ad religionem Judaicam. Particularia eò ſpectantia,

modus scilicet Baptizandi, ætas Baptizanda, sexus baptizandus, &c. regulâ & definitione opus non habuerunt, eò quod hæc vel lippis & tonsoribus satis nota erant ex communi usu. II. E contra ergò planâ & apertâ prohibitione opus erat, ut infantes & parvuli non baptizentur, si eos baptizandos nollet Servator. Nam cum per omnia sæcula præcedentia usitatissimum esset, ut baptizarentur parvuli, si aboleri istam consuetudinem vellet Christus aperte prohibuisset: Silentium ergo ejus, & scripturæ, hac in re Pædobaptismum firmat, & propagat in omnia sæcula. Ex dictis antea satis liquet quo sensu illud intelligendum in Novo Testamento, quod aliquoties occurrit, quod Paterfamilias scilicet baptizatus fuerit cum tota familia *Act. xvi. 15. 33.* &c. Nec valet, quod cavillantur Anti Pædobaptistæ, probari non posse in istis familiis fuisse infantes; nam non tam aptè quaeritur, an in istis familiis fuerint infantes, quam verè & merito concluditur, si essent, omnes baptisandos. Nec credo ego, populum hunc, ad Baptismum Joannis confluentem, tam meris & consuetudinis gentis oblitum, ut non parvulos secum etiam baptizandos adduxerint. Probabile omnino est propter hanc maxime Rationem, tot verbis à Ligtfoto descriptam, tantum hodie Theologorum numerum Talmudicorum Traditionem amplexum fuisse, quia arma nobis suppeditare videtur egregia, quibus Pædobaptismi hostes & contemtores feliciter expugnari posse sibi persuadebant. Vide *Heideggerum* in *Corpore Theol. Loc. xxv. §. lv. & Carpsovium* ad *Schickardum* cap. v. *Theor. xvii. p. 330. 331.*

XI. Sed & Socini Affectu cum Grotio avide arripuerunt hanc Magistrorum Sententiam, saltem de Ufu hujus Baptismi ante tempora Servatoris nostri & Præcursoris ejus: Quia conferre non nihil illam ad stabiliendas pravas suas hypotheses arbitrabantur; nimirum de Baptismo Aquæ externo; Ritu adiaphoro, in perpetuum non præcepto, infidelibus modò ad Ecclesiam accedentibus, non in eâ natis, administrando; nudo insuper professionis Symbolo, quo nomen Christo datur ab eo, qui antea ab illius doctrina alienus

nus erat, religioni Christianæ sic initiandus: Imo quia apta
 iis videbatur ad enervandum Argumentum nostrum pro Pæ-
 dobaptismo, quod petimus ex eo quod in locum Circumci-
 sionis successerit. Scilicet Baptismus Johannis, à Christo
 servatus, fuit Ritus antiquus Judaicus, non novus, neque
 ex institutione divina primam suam trahens originem, quam-
 vis non absque instinctu divino adhibitus; atque adeo non
 primo, neque absolutè divinæ institutionis, sed ex hypo-
 thesi & conditione moris apud Judæos recepti, ita nempe
 ut ubi Judæorum & moris Judaici non esset habenda ratio,
 non esset imperatus Baptismus aquæ, sed potius unâ cum
 reliquis Ritibus Judaicis pro antiquato habendus; hætenus
 saltem ut non sit magis necessariæ observationis, quam an-
 tiqus Ritus *Impositionis manuum*, olim usurpatus, in oran-
 do pro ægrotis, confirmando baptizatos, ordinando Pasto-
 res, absolvendo criminum fontes, matrimonio benedicen-
 do, sed quem nunc liberè in solâ Pastorum ordinatione reti-
 nent Ecclesiæ Reformatæ, ad significandam, non ad obli-
 gnandam spem divinæ efficaciam, quæ Pastoribus optatur,
 uti Grotius in *Dissert. de Cæna & Problemate illo, an semper
 Communicandum per Symbola*, apud Cloppenburgium, *Tom. iv.
 Disp. Sel. i. & Exercit. Theol. Loc. xiii. Disp. iv.* Si porro
 Baptismus Johannis & Christi ad imitationem Judaici hujus
 est introductus, qui erat tantum *Initiationis Baptismus*, quo
 se Judaismum amplecti derelicto gentilismo publicè profi-
 tebantur olim, sequitur ergo ex sensu Socinianorum, quod
 Baptismus Christianus, ad similitudinem Judaici compo-
 situs, nihil aliud quoque sit quam nudum Professionis Chri-
 stianismi Symbolum, quo suscepto Christo nomen damus,
 ejusque discipulos nos profiteamur. Nulla ergo in Baptismo
 nostro somnianda sunt] mysteria, aut ἀπόρρητα arcana, &
 non parum nugati sunt Reformati Theologi, dum nihil cre-
 pant præter *Sigilla Fæderis Novi, Sacramenta Religionis,
 Ob signationem Fidei, similesque ignotas Apostolorum ævo vo-
 ces & ideas in Christianismum invehunt*, uti scripsit unus ex
 Socini

Socini grege Anonymus in *Epist. Theol.* Anno 1679. editis; quamvis non ex eadem, de Baptismo Profelytorum Judaico, sed simili, de Baptismo nempe à Sadducæis, Essenis & Pharisæis usurpato, cum quis eorum Sectam & familiam intrare cupiebat, & à ad Christo ad lucrandos Judæos infirmos retento, Hypothesi. Imo quemadmodum Profelyti, eorumque liberi ante Profelytismum nati, baptizabantur apud Judæos, nunquam verò in prole eorum post Profelytismum susceptâ Baptismus repebatur, utpote quæ propter parentis Baptismum in sanctitate nata censebatur; ita quoque Baptismum Christianum in Advenis infidelibus quidem, non tamen necessariò in Natis ex Christianis parentibus adhibendum esse asserunt. Denique si Baptismi ritum ab Exemplo Judæorum mutuati sunt Johannes & Christus ipse, haud inepte concludere ex eo se posse existimant, Baptismum Christianum, non Judæorum Circumcisioni propriæ, sed potius eorundem Baptismo successisse. Ita *Martinus Ruarus* in *Epist.* 36. ad *Grotium*. *Hoc si tanquam verum accipitur* (nempe Baptismum nostrum ab Exemplo Judæorum esse desumptum) *concludere ulterius non inepte licebit Baptismum Christianorum non Circumcisioni propriæ sed potius eorundem Baptismo successisse: atque ita collabetur argumentum, quod à Circumcisione infantium inter Judæos ad eorum Baptismum apud Christianos vulgo trahi tamque acriter urgeri solet. Scrutatus sum curiose, an Judæi ex sua gente natis, quoties religioni initiantur, Baptismi legem imponent. Et invenio in Buxtorfii Synagoga Judaica, infantes Judæorum non quidem circumcisos, ut in gentibus ad Judaismum conversis fieri solet, sed circumcidendos, lavari diligenter solere. Sed, ni fallor, hæc lotio non est illis pars initiationis, sed præparatio initiandi, qui cum sordibus ad vitam tam sacrosantam, admitti non debet. Quorsum hæc tam sollicitè quæram causam facile intelligis.*

XII. Hæc vero à me non adducuntur neque laudantur ut legitime deducta & necessariò consequentia ex Hypothesi de Ritu Baptizandi Judaico in Christianismum translato.

lato. Ex adverso enim planè cum aliis persuasus sum infeliciter admodum atque imperitè omnia illa ex hac sententiâ inferri a Socinianizantibus istis. Etenim Ritum, humano arbitrato inter Judæos introductum, à Deo institui, cum immutatione quadam, respectu Subjecti Effecti & Adjuncti, in Sacramentum Novi Fœderis & sigillum gratiæ Christi, singulis Fœderatis semel, sed & omnibus successivè & perpetuò ad finem mundi, administrandum, nulla ratio sana prohibet nec damnat. Utique Vetusior Baptismi usus in Judaismo non tollit Novam ejus perpetuo usurpandi Institutionem Divinam in Christianismo, quemadmodum imprudenter videtur velle Grotius. *De Novorum rituum institutione haud repugnamus*, inquit Vener: Cloppenburgius adversus Grotium disputans, *Disp. Sel. iv. §. v. nullos Christum novè imperasse, qui inauditi vel inusitati essent Judæis sed absque novorum rituum externorum institutione nolle agnoscere novam in Ritibus antiquis, novi Sacramenti & sigilli divinam institutionem, & cum institutione conjunctum mandatum & præceptum de sacramento & sigilli usu, indoctum vel impium est.* Rursum eundem Baptismum, quatenus externa ceremonia est, habere originem ex Baptismo uno vel altero Judaico, & simul quatenus est Sacramentum Fœderis gratiæ successisse in locum Circumcisionis, nullo modo repugnat nec sibi met adversatur. Baptismus Judaicus erat appendix Circumcisionis, hac abrogatâ, appendicem retinuit Christus, gratiæ autem Medium, quale olim fuit Circumcisio, sigillum justitiæ fidei, administrata quoque infantibus, etiam natis ex proselytis jam factis, restringere nec coarctare sub præstantiori Oeconomia voluit benignissimus Dominus. Unde & praxis baptizandi parvulos, natos etiam ex Fidelibus Baptizatis, ab omni ævo in Christianismo obtinuit. Verùm eum in finem hæc adduxi ut pateat, quòd, quamvis Doctrina de Pædobaptismo nostra hoc lucretur ex hac Hypothesi contra Anabaptistas, quòd Infantium Baptismus non sit simpliciter inutilis nec ridiculus, quoniam

parvuli ante Profelytismum Parentium nati unà cum his baptizati sunt à Judæis, & proinde quoque ab Apostolis: Baptismus tamen eorum qui nati sunt ex Christianis parentibus, haud per se neque immediatè ex illâ, uti nec simpliciter ex silentio Christi non excipientis infantes, fluat, ut *propagandus per omnia secula, uti supra Ligstotum* audivimus disserentem.

XIII. Interim ipsa hæc Sententia de *Baptismo Profelytorum* apud Judæos, vel inde à *Monte Sinai per omnia secula*, vel saltem *ante Jobannis Baptistæ & Christi tempora Ustrato*, atque *in Sacramentum Novi Fœderis Consecrato*, uti Recentior est inter Christianos; ita & Eruditis quibusdam hodie Incerta & Dubia, si non Falsa, videtur. Supra §. iv. audivimus *Seldenum* dicentem, quòd hunc Baptismum *Pau- rissimi* Scriptorum *ante tempus suum animadverterint*; atque *Ruarum* fatentem, se *primam* mentionem ejus *Colloquio Gratii* debere. Clar. G. *Wernsdorffius*, Theologus Wittenbergensis in *Disp.* anno hujus seculi *Octavo* habitâ de *Recentioribus de Baptismo Controversiis*, §. xviii. scripsit: *Hoc unum me dissentientem solatur, quod hæc Opinio* (de Baptismo nostro ad imitationem antiquioris Baptismi Profelytorum Judaici instituto) *Veteribus Græcis, Latinis, Scholasticis denique, & emendatam per Lutherum Doctrinam secutis Doëtoribus per xvi. omnino secula ignorata fuit: & §. xx. in fine addidit, à Reformatis primum exclusam, postea & incrustatam* fuisse hanc Opinionem. Similiter *Antonius van Dale*, in *Hist. Baptismorum*, pag. 382. confidenter affirmat, *Scriptores Primitivæ Ecclesiæ istius* (scilicet Baptismi Judæorum cui superstructus esset Pædo-Baptismus Christianorum) *nul- libi meminisse, & hoc suo silentio ostendisse, quod talem Ju- dæorum Baptismum non cognoverint, nedum agnoverint.*

XIV. Neque desunt hodie Viri Eruditi qui cum *Oweno Wernsdorffio*, *Zeltnero*, Aliis, negant hunc Judæorum Baptismum ante tempus *Johannis & Christi* obtinuisse, & Christianos à Judæis accepisse; imo qui ex adverso, existimant, quòd

quòd Judæi suum Profelytorum Baptismum ad similitudinem Baptismi Johannis & Christianorum efformaverint, vel ante, vel post Excidium Templi & Urbis Hierosolymæ. Et ne omni ratione destituti ita opinari videantur, adducunt; PRIMò *Altum* de Eo *Silentium* apud Gravissimos *Auctores* antiquos *Judaicos* pariter ac *Gentiles*, Domesticos ac Extrenos. In Libris *Apocryphis* de Illo ne quò quidem occurrit. Auctores *Targumim*, *Onkelos* in Legem, *Jonathan* in Prophetas, qui circa Christi tempora vixisse perhibentur, *Pseudo-Jonathan* in Legem, ambiguae ætatis Auctor, & *Posteriores* Paraphrasium Auctores, Talmudicis Fabulis alioquin imbuti, silent Omnes de hac Ceremoniâ, licet ansa commemorandi aliquid de Eâ Ipsis data fuerit in Locis Scripturæ, in quibus de Profelytis agitur, eorumque mentio facta est qui juxta Judæorum traditionem Profelyti fuerunt apud *Seldenum* de *Jure Nat. & Gent.* pag. 144. 147. Sic v. g. *Targum* in *Ruth.*, Cap. i. ubi de Rutha *Profelyta* prolixè agit, & in *Estheræ* Cap. viii. 17. nihil refert de hoc Ritu. Nihil quoque hac de re occurrit in Scriptis *Philonis*, qui tamen de Gentis suæ Institutis, sacrisque Lotionibus curiosè & scrupulosè ad minutias usque disseruit. Nihil etiam *Flavius Josephus* de hoc Baptismo Inaugurali memoriæ prodidit, cujus certè vel semel meminisset, si tam antiquæ Originis ac per omnia secula inde a Monte Sinai necessariò administrandus, & Usitatus fuisset apud Populum suum; præsertim cum Occasio de Eo loquendi Illi minimè defuerit. Narrat enim *Ant. Lib. xiii. C. ix. vel xvii.* Hyrcanum subactis omnibus *Idumæis* permisisse in regione suâ manere, εἰ θέλοντες τε τὰ αἰδοῦναι καὶ τοῖς Ἰουδαίοις νόμοις καὶ ὅσιν θέλοιεν si pudenda circumcidere, *Judæisque* legibus uti vellent. Illos vero Patriæ amore καὶ τῷ καὶ τοῦ καὶ καὶ & circumcisionem, & reliquum *Vitæ Judaicæ Institutum* admisisse; atque eo tempore ipsis contigisse, ut deinceps *Judæi* essent: sed tacet de Baptismo Josephus quoniam unâ cum Circumcisione Religioni Judaicæ initiati fuissent. Si dicat Aliquis cum Cl. *Danzio* in *Disputatione* de Bapt. Pro-

Profelytorum Judaico, Anno MDCIC. habita, pag. 40. quòd *Josephus de Hujus* (Johannis) *Baptismo loquatur* (*Ant. Lib. xviii. C. v. vel vii.*) *tanquam Ritu dudum in Ecclesia recepto*; is sciat hoc factum esse à Josepho ob Convenientiam aliquam Baptismi Johannis, non cum illo Initiationis Profelytorum ex Gentibus, verùm cum Mosaico Immunditiei & Purgationis, quem susceperunt in signum Purgati & Purgandi amplius corporis & animi ab omni inquinamento moralis: Unde etiam Baptismus ille Johannis vocatur καθαρσμός *Joh. iii. 25.* Silet denique *Cornelius Tacitus* de hoc Profelytorum Baptismo in *Lib. v. Hist. cap. v.* ubi de Judæorum origine, moribus & institutis agit. *Circumcidere*, inquit, *genitalia instituire*; ut *diversitate noscantur. Transgressi in morem eorum, idem usurpant. Nec quidquam prius imbuuntur, quam contemnere Deos, exuere Patriam: Parentes, liberos, fratres, vilia habere.* Abusus profectò est ingenio suo *Celeb. Buddeus* in *Disp. de Antiquitate Baptismi Initiationis Israëlitarum*, anno MDCXC. habita, quando §. 58. Verbo *Imbuuntur*, evidens Baptismo Profelytorum a Tacito dari Testimonium affirmat, cum *Hammondo* in *Mattb. iii*; quia scilicet *Imbui* propriè denotat *aquis impleri, tingi.* Certum enim est *Imbui* à Tacito frequenter usurpari metaphoricè pro *edoceri, institui.* Quomodo & heic sumsit hoc Verbum de Profelytis, quia cum moribus ac institutis Judaicis conjunxit, quæ Illis a Judæis studiosè inculcabantur; uti bene à *Wernsdorffio* in *Disp. de Baptismi Christi Origine* merè Divina, Buddeo opposita, §. xiv. observatum est: *Indicat Tacitus*, inquit, *non quo ritu Profelyti Judæorum sacris initiati fuerint, sed quæ Doctrina ipsis tradita sit.* Idem *Wernsdorffius* in eadem *Disputatione*, §. xxi. scripsit; quod *Cyprianus, Basilus, Gregorius Nazianzenus*, alii-que omnia *Baptismatum genera* sollicitè recensentes, *hunc unum Profelytorum Judaicum ne verbulo quidem tetigerint.* Videatur quoque *Zeltnerus*, Theologus nuper *Altorffinus*, in *Disp. de Initiis Bapt. Initiationis Judæorum*, anno hujus seculi xi. habita, §. ix. — xv.

XV. SECUNDÒ, ad *Silentium Sacrae Scripturae* provocant, in quâ nec *Præceptum* ullum de hoc Baptismo occurrit, nec *Exemplum* ullius Baptizati Profelyti reperitur; etiam ubi *Occasio* memorandi illud opportuna satis sese offerebat. Qualis *Occasio* meritò existimatur fuisse in Loco *Exod. xii. 48. 49.* Quod si peregrinabitur apud te peregrinus, qui facere voluerit Pascha Jehovæ, Circumciditor ei omnis mas; tum demum accedito ad faciendum ipsum, & esto sicut ipse indigena terræ: at nullus præputiatus vescitor illo. Lex eadem esto indigenæ ipsi & Peregrino huic qui Peregrinatur inter vos. Ubi Lex quidem expressa de Circumcisione Profelytorum, cooptandorum in Populum Dei, atque ad sacra Israël solennia admittendorum, nulla verò de eorundem Baptismo legitur. Huic Loco Alterum junxit Owenus in *Theologumenis* p. 427. ex *Deut. xxi. 10. 11. 12. 13.*, ubi de Profelytæ Admissione agitur, sed nihil de ejus Baptismo reperitur. Fœmina Profelyta, ita Ille, Circumcidi nequibat. In ejus ideo admissione, si ullubi, Baptismi ratio habenda erat: Ast ubi Ceremoniæ illius admissionis & in Populum Dei insitionis recensentur, Baptismi nulla mentio est. Neque etiam Exemplum extat in Scripturâ Baptizati Profelyti. Sichemitis enim cum Jacobi familia unam in Civitatem coituris Circumcisionem imperatam fuisse, meminimus, Baptismum non legimus, inquit *Werensdorffius*, §. xxviii. In *Versione Æthiopica*, ad quam provocat *Buddens* § 75, ejus quidem fit mentio, ubi Verba ποιῆσαι ἑνὰ πρὸς ἑλντον *Matth. xxiii. 15.* transferuntur, ut Baptizetis unum Profelytum: sed *Versio* est, de cujus Antiquitate etiam dubitant Viri Docti; nec aliud quid ex illâ sequitur, quàm quod tempore Auctoris hujus Versionis, qui non diu fortè, attamen post ævum Apostolicum & Excidium Hierosolymæ, vixisse creditur, Baptismus aliquis Profelytorum in usu fuerit apud Judæos dispersos.

XVI. Argumentum hoc ex *Silentio Scripturae* petatum, non valet quidem simpliciter, nec in Omnibus rebus scitu

creditum factum ad salutem haud necessariis: ut sunt Canæ Antiquitatis Gesta, Consuetudines, Ritus & Artes. Quare etiam subscribere verentur multi Argumento illi pro Arte Scriptoriâ Mosis demum ætate cœptâ, quod petitur ex *Silentio* ejus, ut qui nullibi in historia Patriarcharum artis scribendi mentionem fecit. Attamen valet hoc Argumentum in *Aliquibus* rebus, nec rejici debet semper, nisi & ipsum Paullum ex *Silentio* Scripturæ argumentantem in Epistola ad Hebræos, *Cap. i. §.* rejicere velimus. Scilicet ubi Dogmata vel Præcepta *necessariò* credenda vel præstanda inculcantur, meritò ad Scripturæ, Perfectissimæ credendorum & faciendorum Normæ, *Silentium* provocamus. Atqui hic Baptismus Profelytorum, si Judæos audiamus, Ritus est, qui in utroque sexu, inde ab initiis Reipublicæ Israël, fuit *Necessarius*; ita ut Circumcissus, & *non Baptizatus* Advena, pro vero Profelyto neutiquam agnolci debuerit.

XVII. Vim Argumenti hujus persentiscentes Christiani pariter ac Judaici Doctores, *Traditionem* Majorum, quam aliàs scriptæ Legi æquiparare, imo præferre non dubitant occœcati Judæorum Magistri, *Biblicis* Argumentis fulcire dudum conati sunt; Verum adeò longe petitis partim, atque ineptis, partim quoque perridiculis, ut vel ex iis constare queat desperata ipsorum Causa, si scriptæ Legis auctoritate standum heic aut cadendum sit. Supra §. iv. vidimus, Magistros Judæorum, ut Antiquitatem Ritus hujus probarent, audacter & nugaciter simul asserentes, Filiam Pharaonis sese lavasse in Rivo Exod. ii. §, ut Religioni Hebræorum initiaretur, & *Profelyta* fieret. Quod sanè adeò ludicrum est, ut refutationem seriam haud mereatur, & verissimum comprobatur illud *Claudiani*; *Qualiacunque voles Judæi somnia vendunt.* In eadem quoque §. iv. audivimus *Ligtfootum* dicentem, se primum usum Baptismi, ad Profelytum scilicet, *Patriarchæ Jacobo* adscribere, qui, *Ethnicos* cooptaturus in Familiam suam, injunxit illis Baptismum Verbo

bo והטהרו & *Mundamini Gen. xxxv. 2.* Sed errat Vir Doctus, quia Jacobus non solùm extraneo famulitio, sed & toti suæ familiæ, Uxoribus & Filiis suis hoc *Purificationis* Mandatum dedit. Ut adeo non fuerit hic Baptismus *Initiationis* & transitus in Ecclesiam veram, quæ tunc temporis etiam ad solam Israelis Domum non erat restricta; sed *Pœnitentiæ* & *Præparationis* ad Cultum Dei Israël solennem, ad novum *Altare* Bethleemiticum Ipsi deferendum, uti liquet ex *vers. 1. 3. 4. 7.* Aliud ergo ex Concilio Talmudicorum produxit Argumentum Scripturarium *Maimonides*, ut Ritum hunc antiquum non modò, sed & *Divinitus institutum* probaret; nempe ex *Exod. xix. 10. 14. coll. cum Num. xv. 15, 16.* quod supra quoque §. iii. à nobis descriptum est. In Posteriori Loco ex *Numeris* legitur ככם כגר יהיה לפני יהוה sicut vos ita Peregrinus erit coram Jehova; id est juxta *Maimonidem*; sicut vos intravistis in Fœdus, sic & *Profelytus* per omnia secula intrare debet in Fœdus Sinaiticum. Sed Israël intravit in Fœdus illud; non solùm *Circumcisione*, quæ neglecta fuerat in *Ægypto*, sed à Mose imperata & procurata *Exod. xii. 48*; neque tantùm *Oblatione* seu *Sacrificio* juxta *Exod. xxiv. 5*, verùm etiam *Baptismo*, de quo in *Priori Exodi* Loco legitur hunc in modum *Vers. 10. Et dixit Dominus ad Mosem, Vade ad Populum, וקדשתם & Sanctifica eos hodie & cras, וכבסו שמלתם & lavent vestimenta sua: & Vers. 14. Descendit ergo Moses de monte ad Populum, ויקדש & sanctificavit Populum וכבסו שמלתם & laverunt Vestimenta sua; nempe per ipsius corporis totius Baptismum, quod ex mente Magistrorum & *Maimonidis* addidit *Seldenus de Syned. p. 13.**

XVIII. Verùm & hoc Argumentum non stringit. Ponamus enim in *Exodo* agi de Baptismo *Initiationis* & Introitus in in Fœdus Sinaiticum; Verba tamen *Jehovæ* in *Numerorum* Loco non inferunt Necessitatem Baptizandi similiter Advenas ex Gentibus, quo initientur Fœderi isti. Statutum enim Dei Israël & Peregrino idem positum in isthoc

isthoc Loco, Universaliter non est capiendum, sed ex Contextu omnino restringendum ad *Sacrificia & Holocausta* à Peregrinis pariter ac Israëlitis offerenda; atque ad *Officia* circa Deum & Proximum exercenda, quemadmodum hoc ipse explicare videtur *Seldenus* de J. N. & G. *Lib. II. c. 4. p. 162.* Interim in *Exodo* non agitur de Baptismo *Inaugurali*, quo Fœderi & Religioni Mosaicæ initiarentur Israëlitiæ. Hæc enim non erant prorsus *Alia & Nova*, a Religione Patrum & Fœdere Abrahamico diversa, nec iis ideo initiari sic debebant, qui jam dudum Veræ Religioni & Fœderi Abrahamico, (cujus *nova* quædam *Dispositio* modò erat Fœdus Sinaiticum) initiati erant. Deinde si Baptismus ille Sinaiticus *Inauguralis* fuisset, cur non æque ac Circumcisio in Posteris repetitus fuit? Fœdus enim illud Sinaiticum non solum ad Patres Deserti, sed & ad Posteriores spectabat, & proinde quoque Fœderis istius signaculum. Quare dicendum est, quod *Baptismus* ille Sinaiticus fuerit Baptismus *Præparationis* ad sacra solennia & ad Auditum Legis ex ore ipsius Jehovæ promulgandæ, a *toto populo* peragendus. Nempe *Sanctificavit* Moyses juxta mandatum Dei Populum, id est, jussit ut se *Præpararent* ad Sacra Sinaitica: tum per *abstinentiam* ab uxoribus, quod explicationis gratia subjicitur *vers. 15*; tum per *Lotionem Vestimentorum suorum*, quod immediatè *vers. 14.* & exegeticè quoque additur. Non loquitur Jehova de *Lotione Carnis* vel *Corporis*, sed *Vestium* modò. Vestimenta verò heic notare *Corpora* est Glossa vetus Christianorum quorundam, *Seldeno* quoque de *Syned. p. 13.* memorata, sed inepta. Nusquam legi de *Lotione Vestimentorum* in Lege Moysis quin connote-tur Lotio totius *Corporis*, sententia est Magistrorum, prolixè à *Seldeno* ibidem *pag. 13. — 17.* exposita. Sed Lotio hæc *Carnis & Corporis* ab illa *Vestium* accuratè distinguitur *Levit. xiv. 9*, ubi de Leproso; & *ablutis* Vestimentis suis, *lavabit* Carnem suam *aquâ*, ut sit mundus: & *Levit. xv. 13*, ubi de Gonorrhœâ affecto; & *abluet* Vestimenta sua, deinde

de lavabit carnem suam aqua viva, ut sit mundus. Unde colligimus in hoc *Exodi* loco *Vestimentorum* tantum *Lotionem* mandatam fuisse populo. Scilicet *Sacra* *Festis* diebus celebraturi *pura veste* utebantur gentiles, quod *Servius* adnotavit ad *Æneid.* L. XII. *Vers.* 169. Unde *Tibullus* L. II. *El.* I. v. 13. *Casti placent superis, pura cum veste venite.* Hebræi utebantur כחלצות *Mutatoriis Vestibus* in solennitatibus *Festivis*. Hisce verò cum *Israëlitæ* in *Deserto* destituti erant, mandatur illis, ne *Festi* solennitatem negligere viderentur, ut *Vestimenta*, per itineris *Cœlique* injurias sordida, non *mutarent*, sed *abluerent*; sic solenniter sese, quantum fieri poterat, ad *Sacra* *Sinaitica* tremenda præparaturi. Etsi enim *Vestimenta* per se neminem coram *Deo* profanent, *Majestas* tamen *Dei*, æque ac publica *honestas* inter homines, exigit ut decenter indutus coram facie ejus compareat. Et sic voluit *Deus* commendare rudi populo ut diligentius vocem ejus observaret; & simul hoc symbolo ipsum docere, accessuros ad audienda & suscipienda *Verba* sua, *Vestes* non modò puras & corpora proinde quoque non contaminata, sed & *mentes* imprimis puras adferre debere. Denique si velis omnino *Lotionem Vestium* & *Carnis* junctam semper fuisse; hæc *Sinaitica Lotio*, cum *Privatis* fuit mandata, & ab iis exercita, pro *Baptismo Initiationis*, à *Viris* publicâ auctoritate instructis deinceps per omnia secula administrando, haberi nequit. Unde *Clar. Buddeus*, ut tamen *Baptismum* talem *Initiationis* in loco *Exodi* mandatum inveniret, confugit ad mandatum *Sanctificandi* populum per biduum integrum, *Mosi* *Ministro* *Dei* datum, & a *Mose* executioni datum, ut legitur *Vers.* 10. קדשם sanctifica eos hodie & cras, & *Vers.* 14. & sanctificavit populum. Sed frustra: Neque enim רֹא קידשם per se significat sanctificationem per *ablutionem* *Corporis*, neque ex usu sacro. De *Monte Sinai* hoc ipso *Capite* *Vers.* 23. adhibetur illud *Verbum*, qui tamen aquâ non fuit lotus, nec lavari potuit. Quando *Josue* jussit *Deus* קדשם sanctifica populum hunc, non mandavit cum *Baptizare* vel

Baptismo *Initiare* denuo Fœderi Sinaitico, sed voluit ut Josua juberet populo *Præparationem* sui decentem ad appropinquandum ad Jehovam; quare sequitur *dicens, sanctificate vos in crastinum. Jos. vii. 13.* Eodem modo heic iussit Deus Mosi *sanctificare* populum, id est curare ut populus sese præpararet, *Vestimentorum Lotione* scilicet, quod *exegeticè* additum est, ad Auditum Legis ore supremi Legislatoris pronunciandæ. Certè si *Mosis* Ministerio peragendus fuisset ejusmodi Baptismus *Initiationis* totius Populi, *Biduum* illud, per *hodie & cras* significatum, in quo etiam præsidium qualecunque Causæ suæ collocat *Buddeus*, minimè suffecisset, imo nec septiduum. Ut adeo concludere liceat ex hisce omnibus Baptismum *Initiationis* frustra quæri in hoc *Exodi* loco. Quod alii Talmudici apud *Seldenum* de *Syned. p. 17.* etiam videntur agnovisse, quando Baptismi *Profelytorum Originem* adscripserunt, non privatæ isti a singulis peractæ lotioni, sed *sanguinis fœderalis Aspersioni*, a *Mose* factæ, post prælectum *Fœderis Librum*, cujus historia extat *Exod. xxiv. 7.* Tandem; sicuti *Traditio* Rabbiorum falsa est de *Circumcisione*, quâ Legi initiati fuissent Israëlita in Deserto, ut fatetur *Altingius* de *Profelytis* §. xxiv. *cum neglectus Circumcisionis Israëlitis illius temporis nuspiam exprobetur: & Abrabanel in Comment. Comma illud (Exod. xii. 48.) non Israëlitas sed Profelytos spectare asserat;* ita & *Traditio* eorum de *Baptismo*, quo initiati fuissent omnes Fœderi Mosaico, meritò suspecta est.

XIX. Ex aliis itaque *Veteris & Novi* imprimis Testamenti Locis desperatæ Causæ Rabbiorum suppetias ferre tentarunt ex Christianis nonnulli Viri Docti. Et quidem *Clar. Buddeus* pro illâ pugnat ex Loco *Ezech. xvi. 8, 9. Conveni tecum in Fœdus Et lavi te aqua, & abluui sanguinem tuum desuper te, & unxi te oleo. Lavi te aqua, est juxta Buddeum, præcepi Mosi servo meo, ut te sanctificaret, & sic initiaret Fœderi meo aquâ Baptismi Initiationis Exod. xix. 10.* Fateor Dominum in hoc *Ezechielis* Loco respicere ad Sta-

Statum populi in Deserto, quem ibi in *Fœdus* Conjugale recepit. Sed loquitur de illo Populo secundum *Fœtus*, rubentis ab utero matris, *allegoriam*, qualis *aqua* purgari a sordibus nativitatis, & *ungi oleo* solebat. Quamobrem τὸ *lavare aquâ*, quod Dominus *sibi*, ut opus *suum* tribuit, non magis *proprie* capi debet quam τὸ *ungere oleo*, sed utrumque *metaphorice* intelligi. Ita ut illud, *lavi te aquâ* non significet Baptismum *Fluminis* proprie dictum, sive *Initiationis* sive alium quemcunque, sed *Luminis* ac *Flaminis*: quemadmodum hoc ita explicatur per illud sequens, & *unxi te oleo*, *Doctrinæ* nempe *Salutaris* & *Gratiæ Spiritus Sancti*. Mitto nunc quod idem *Doct. Buddens* in *Dissert. de Antiquitate Bapt. Initiat.* §. 46. & 47. pro *Baptismo Profelytorum* tempore *Davidis* ac *Salomonis* juxta Traditionem Rabbiorum usurpato, adduxit, ut probabile saltem argumentum, ex *Nomine Levitæ* cujusdam *טבליהו Tebalja* 1. *Chron.* xxvi. 11, id est *Deo per Baptismum initiati*, ex quo conjicit Baptismum *Initiationis* tunc temporis non fuisse ignoratum. Nam hoc admodum conquistum est, quia *Levita* ille à *Baptismis Leviticis* variis, de quibus *Heb.* ix. 10. longè probabilius sic dictus videtur, quam ab *Initiante Profelytorum* illo. Neque enim Ille Ipse ex *Meraritis* oriundus Baptismo ut *Profelytus* *Religioni Mosaicæ* initiatus fuit.

• XX. Itaque ex *Loco* uno, atque altero *Novi Testamenti* succurrere Rabbini maluerunt *Altingius* & *Seldenus*, quorum vestigia *Alii* quidam presserunt. Et quidem *Clar. Altingius* *Hept.* vii. *Dissert.* vii. de *Profelytis*, §. xxvi. adduxit locum ex *Epist. ad Hebr.* Cap. vi. 1. 2. Διὸ ἀφέντες τὸ τὸ ἀρχῆς ἔχει λόγον, ὅτι τὴν τελειότητα φερώμεθα μὴ πάλιν θεμέλιον κατὰ βαπτισμῶν μετανοίας ἀπὸ νεκρῶν ἔργων, ἢ πίστεως ὅτι Θεὸν, βαπτισμῶν διδασχῆς, BAPTISMORUM DOCTRINÆ, ὅτι Θεοῦ τε χειρῶν, ἀναστασεῶς τε νεκρῶν, ἢ χεῖμα-τος αἰωνίου. Ubi per *βαπτισμῶν διδασχῆς* intelligit *Doctrinam Gemini Baptismi*: tum *Sinaitici*, qui institutus esset a *Deo* *Exod.* xix. 10, ut per eum *Israelite* tunc temporis viventes

pro se & omnibus Posteris, & ut postea per similem Baptismum omnes & singuli *Gentiles Profelyti Initiarentur Veteri Fœderi & Religioni Mosaicæ: tum Christiani*, per quem *Judæi* pariter & *Gentiles* in *Novum Fœdus*, promissum *Jer. xxxi. 31.* transire & intromitti debebant. Ad quam exegesis *Altingii* observo; quòd longe probabilior sit sententia *Cocceji*, qui existimat, quòd *Paullus* quidem in illo *Loco* ad *Geminum Baptismum* respexerit, sed *Christianum*. *DUO* autem, ita scripsit *Celeb. Interpres*, *sunt hi Baptismi*. Unus *Johannis*, qui *credentibus Christi adventum* obsignabat *remissionem peccatorum*, & *promissionem*, quòd *Christus* ipsos baptizaturus esset *Spiritu Sancto*. Alter *Baptismus* est is quem *Christus* imperavit *Discipulis*, postquam *resurrexisset ex mortuis*, jubens ut *Evangelium* prædicarent *omni creaturæ*, & *nominatim* testarentur *Christi Resurrectionem ex mortuis*, ac gentes baptizarent in *nomen Patris & Filii & Spiritus Sancti*. Certè *hujus utriusque Baptismi Doctrina*: Si constituitur; quantum attinet *Illum Johannis*, in *Prædicatione Adventus Filii Dei in Carnem*; & quantum attinet *Illum Discipulorum Christi*, in *Prædicatione Resurrectionis Ejus ex mortuis*, quod placet *Cl. Coccejo*: Vel etiam si ad illam *Doctrinam* referatur prævia & paulò latior *Institutio Baptizandorum de utriusque Baptismi Institutione Divina, Virtute, Necessitate, Significatione*, &c. magis pertinet ad τὸ θεμελίον **FUNDAMENTUM**, seu ad *prima & fundamentalia Christianismi Capitula*, ad quæ hi *Baptismi* a *Paullo* referuntur; quàm *Baptismus Profelytorum Judaicus*, *hujusque Institutio* ad *radices montis Sinai*, si *Rabbinis* credamus, *Divina*. Imo hæc *Sententia Cl. Cocceji* magis adhuc probabilis fiet, si statuamus cum *Calvino, Piscatore, Markio* in *Exercit. Biblic. xlvj*; hæc verba, *Baptismorum Doctrinæ, impositionis manuum*, *Parentheticè* per *Appositionem* ad *Declarationem præcedentium* esse adjecta. *Hæc præcedentibus incisus annectuntur per Appositionem*, inquit *Piscator*, quasi dicat, *Quæ Doctrina solet Catechumenis tradi, antequam baptizentur, vel manuum*

num impositione in fide Christiana confirmantur. Ita est. Doctrina Resipiscentiæ ab operibus mortuis: id est, tum à Peccatis omnibus, quæ; inftar Cadaveris humani, quod contactu suo immunditiem legalem adferebat, & separabat Israëlitam à Communionem & cultu Dei vivi in Sanctuario; separant hominem à Communionem Dei salutari; tum etiam ab Operibus Legis omnibus, cum persuasionem meriti ac Justitiæ propriæ vanâ factis, & in quibus deest anima Fidei in Christum sponsorem: Hæc, inquam Doctrina Resipiscentiæ ab his Operibus mortuis, unâ cum Opposito Mandato Fidei in Deum, nempe Divinum Sospitorem Christum, Jehovah Justitiam nostram: inculcabantur a Johanne Baptista cunctis ad Baptismum suum accedentibus, ut manifestè patet ex Matth. III. 6. 11. Marc. I. 4. 5. Joh. I. 29. 34. Act. XIX. 4. 5. Dixit autem Paulus, Johannes quidem Baptizavit Baptismo Resipiscentiæ, dicens populo ut in eum, qui venturus erat post ipsum, crederent, hoc est in CHRISTUM JESUM. Qui verò audierunt (Johannem nempe) baptizati sunt in nomen DOMINI JESU. Similiter hæc Doctrina Resipiscentiæ & Fidei in Deum, verum ac Triunum, & Divinum proinde Mediatorem, à Discipulis Domini post Resurrectionem Ejus proposita fuit Baptizandis, ut liquet ex Matth. XXVIII. 19. Luc. XXIV. 47. Act. II. 38. 41. .. VIII. 37. XVI. 31.

XXI. Alii verò cum Doctissimo Seldeno Rabbinoꝝ Traditionem atque Interpretationem confirmare conati sunt ex alio Loco Paulli, qui extat 1. Cor. X. 1. 2. atque ita sonat. Nolo autem vos ignorare, Fratres, ὅτι οἱ πατέρες ἡμῶν πάντες ὑπὸ τῷ νεφέλῳ ἦσαν ἢ πάντες διὰ τῆς θαλάσσης διήλθον ἢ πάντες εἰς τὸ Μωσὲν ἐβαπτίσαντο ἐν τῇ νεφέλῃ ἢ ἐν τῇ θαλάσσῃ, quòd Patres nostri omnes sub Nube (Beza, sub illâ Nube) fuerunt, & omnes per mare transferunt. Et omnes in Moſen baptizati sunt in Nube & in Mari. Hisce verbis Paullum ad Baptismum Patrum, ante Legis in Sinai promulgationem Exod. XIX. mandatum respicere volunt. Loquitur enim de omnibus Patribus nostris, qui in Deserto vixerunt, vers. 1. 5; &

tribuit illis *Baptismum*, non Immunditiei sæpe repetendum, sed *Initiationis* illum, quo *omnes* simul baptizati sunt in *Mosen*, seu in Mosaicam Legem, quod apprimè consonum esse, dicit *Seldenus*, l. c. p. 24, *notioni Ebræorum, quæ in receptionem Legis Baptismum illum adhibitum tradidit.* Hunc porro Baptismum factum esse dicit *Paulus* ἐν τῇ θαλάσσῃ in *Mari*, id est, juxta *Seldenum*, in *Aquis* simpliciter, seu in *Conceptaculis* qualibuscunque *Aquarum*, quæ totius corporis *Immersioni* inservire poterant. Notum enim est, quod *Hebræi* םַיַּם *Mare* pro *Conceptaculo* quocunque *Aquarum* ponant 1. *Reg.* vii. 23. 2. *Chron.* iv. 2, & quod à *Græcis* θαλάσσα pro םַיַּם *Aqua* ponatur *Psal.* lxi. 3. Neque obstarret putat *Seldenus* huic sensui quod *Paulus* adjecit, & omnes per *Mare* transierunt. Nam, inquit, quicquid immergitur in aquas atque lotum eximitur, recte satis dicitur eas pertransire, tametsi, à ripa aut litore ad ripam aut litus non transeat, coll. *Num.* xxxi. 23. Et denique quia hic Baptismus *Initiationis* *Sinaiticus*, per cuncta secura secula observandus, non expressis *Scripturæ* *Verbis* nitebatur, ut ipse transitus *Populi* per mare *Rubrum*, sed receptâ *Interpretatione* *Majorum*, compluribus ignorata; hinc juxta *Seldenum* præmiit illud *Paulus*; *Nolo autem vos ἀγνοεῖν* ignorare fratres. Qui tamen *Vir* *Eruditissimus* modeste addidit, se nihil definire, nec contendere velle. Apparet autem ex *Viri* hujus *Doctissimi* super hoc *Loco* *Dissertatione*; quod *Nubis* mentio à *Paullo* addita ipsum tenuerit aliquatenus impeditum atque incertum, quo sensu *Apostolus* omnes *Baptizatos* dixerit in *Nube* & in *Mari*; & quod aliam semet ipsum expediendi viam invenire haud potuerit quàm ut cum *G. Vorstio* in *Notis* ad *Pirke R. Eliez.* p. 240. dicat, in *Nube* baptizari. idem esse *Apostolo* ac beneficio *Nubis*, instar muri castra *Israëlitarum* cingentis, Turò baptizari, ut quæ *Nubes* omnes extra castra sese lavantes ab insidiis & incursionibus hostium tutos præstabat. Verùm: quia valde incertum est, imo parum probabile, *Columnam* *Nubis* & *Ignis* toto tempore

com-

commorationis Populi in Deserto, illis qui extra castra versabantur protectionem adversus hostes præstitisse; quoniam si hoc obtinuisset capi nequit, quomodo Amalekitæ ultimum agmen Populi carpere potuerunt, atque debiliores in Raphidim occidere *Exod. xvii. 8. Deut. xxv. 17. 18*: Deinde quia Paullus antea *Vers. 1.* dixit *Patres omnes* ὅσοι τινὲς νεφέλῳ fuisse, & *Vers. 2.* mutatâ phrasi subjunxit, *Omnes in Mozen Baptizatos* εἰς τὴν νεφέλῃ, eodem sensu quo εἰς τὴν θαλάσση baptizatos affirmavit: Et denique quia exinde manifestum evadit, *Nubem*, æque ac *Mare*, ad *Materiam* Baptismi istius, de quo Paulus loquitur, pertinuisse: Hinc Alii aliam hunc Locum interpretandi viam ingressi sunt, eidem tamen scopo inservientes, ut nempe Talmudicos cum Paulo concilient; dum per *Mare* intelligunt *Edomiticum* illud, & per *Nubem*, *Aquam* seu *Vapores* ex Mari Rubro sublevatos, atque ex *Nube* illâ *Maxima*, aquâ Maris istius gravidâ, postea decidentes, ut intervirent *Baptismo Initiationis* Populo integro ad radices montis Sinai divinitus mandato *Exod. xix.*

XXII. Sic videmus quid Servitus hypothesis atque nimium in Traditiones Talmudicas studium valeat, etiam in Viris ingenio & eruditione præclaris, ad torquendam Scripturam sacram ad sensus à mente Scriptoris divinitus afflati alienissimos. Tam certum est mihi quam quod certissimum, Paullum his Verbis non respexisse ad Illud quod ad montem *Sinai* mandatum & factum est, de quo *Exod. xix. 10. 14*; sed ad Illud quod contigit in *Mari Rubro*, & quod narratur à Mose *Exod. xiv. 19. - 29.* Ingenuè hoc fassus est Cl. *Altingius* in *Diff. de Proselytis* §. xxiv., quando scripsit; *Alium* fuisse hunc Baptismum de quo Paullus, qui populo mysterio hujus nescio collatus fuit; ab eo qui à Populo conscio susceptus est in *Sinai*. Quod & manifestum fiet si ad sequentia ritè attendamus.

XXIII. 1. Loquitur Paullus de *Mari* in singulari, & quidem emphaticè de *Illo* mari (bis repetitur articulus τῇ, sanè non sine emphasi) nempe *Edomitico*, ex historiâ Mosis satis noto. Sumatur alibi *Mare* in singulari pro *Labro aëneo*,

uno

uno aquarum conceptaculo, pro *pluribus* tamen & distinctis conceptaculis nusquam ponitur; qualia inservire debuerunt Lotioni totius populi ad montem Sinai. Hæc verò Sinaitica aquarum Receptacula, quæ tunc adhibita fuerunt, à Paulo appellari *Mare*, & quidem *Illud*, Rubrum nempe, quia, ut volunt Alii, *Aquis ex Mari illo extractis*, & in *Unam Nubem magnam collectis*, atque ex illâ delapsis, repleta fuerint; Conjectura mera est, nulla probabili ratione nixa. ii. Loquitur porro Paullus de *Baptismo* Patrum *Miraculoso*, Divinâ manu administrato, ad quem Patres sese passivè habuerunt, ut qui *Baptizati* dicuntur, non activè semet ipsos baptizantes quoque. Duo enim Extraordinaria Sacramenta Divinæ Gratiæ conjungit Apostolus; quorum Alterum, nimirum *Mensa* coram Patribus, ex *Cælesti Pane & Aqua ex Petra*, apparata, cum *Miraculosum* certè fuit; Idem de Altero, nempe *Baptismo in Nube & Mari*, statuendum videtur; ut sic major inter Utrumque analogia sit, & concinnior utriusque in sermone Pauli conjunctio. iii. Loquitur amplius Apostolus de *Baptismo* Israëlitarum, qui *præcessit* Esom Mannæ & Potum Aquæ ex Rupe: quod meritò colligitur ex *ordine* quo hæc in sermone Paulli collocantur, nempe *ante* illum Esom & Potum. Ita enim pergit ille *Vers. 3. 4. Et omnes eandem escam Spiritualem edisse. Et omnes eundem potum Spiritualem bibisse. Bibebant enim ex sequente Spirituali Petra: Petra verò illa erat Christus.* Sed Baptismus ille Sinaiticus de quo *Exod. xix. sequutus* fuit hunc Esom & Potum, uti apparet ex historia Mannæ & Aquæ ex Petra, de quâ *Exod. xvi. 14. xvii. 6.* Cujus Argumenti vim frustra effugere conatur *Doct. Buddeus*, §. 13. 17. dicendo, quod per *Spiritualem Escam & Potum & Rupem sequentem*, non intellexerit Paullus *Mannam & Aquam & Rupem Deserti corporalem*, sed *Christum ipsum*, Angelum illum qui continuò comitabatur castra, & *Verbum Dei*, quod animæ est Pabulum, & sic *Spiritualis Cibus & Potus*; & quidem *Idem* numero (τὸ αὐτὸ βρῶμα τὸ αὐτὸ πόμα πνευματικόν)

καὶ) quod τὸ αὐτὸ, *Idem*, ad Mannam & Aquam elementarem perperam accommodari dicit. Frustra, inquam, quia *Spiritualia* hæc cuncta dicuntur, non *Natura* suâ sed *Significatione*, uti dudum ab *Augustino* in *Psalm. LXXVII.* observatum est, quia aliud corporeis oculis, aliud vero menti objiciebant cogitandum cognoscendum ac credendum. Et hoc sensu *Petra* deserti, (cujus *Aquæ* in *Rivo* ex ea profluente, sequebantur populum *Psalm. cv. 41*, etiam ex mente *Hebræorum* & *Chaldæi* *Paraphrastæ* apud *Bezam*) dicitur fuisse *Christus*, quia *Typus* & *Imago* ejus fuit. Quamobrem quoque τὸ αὐτὸ βρῶμα τὸ αὐτὸ ποτὶς dixit *Paulus*, quia licet *Symbolum* erat diversum, *Res* significata tamen *Eadem* & *illis* *Nobiscum* *Communis* *Heb. xiii. 8.* iv. Quemadmodum ex *Historia* *Mosaicâ* *Exod. xiv. 19. 20 21. 22.* τὸ *Esse* sub *Nube*, nempe *Columna* illa *Nubis* celebri, & *Transitus* per *Mare* conjunguntur ab *Apostolo*; sic etiam hæc arctissimè ab *Ipso* conjunguntur cum *Baptismo* in *Nube* illa & *Mari* illo. Copula enim καὶ utrobique, ut & *Articulus* non sine *emphasi*, repetuntur *Vers. 1. & 2.* *Baptismus* ille igitur in *Nube* & *Mari* eodem temporis momento simul & *semel* administratus est toti *Populo*, quo hic transivit *Mare Erythræum*, nec unquam repetitus est. Quod observari velim quoque contra eos, qui cum *Doct. Hasæo* in *Biblioth. Brem. Class. iv. Fasc. vi. Diff. iii. pag. 1024. 1025*, *Baptismum* *Israëuitarum*, de quo *Paulus* hoc in *Loco*, factum statuunt, non solum in ipso *Maris Transitu*, sed etiam & præcipuè ad *Montem Sinai*, imò in toto itinere *Deserti*, quando guttis, quæ desuper ex *Nube* illa decidebant, adspergebantur (quod tradunt *Rabini*, narrat *Josephus Ant. iii. 8.* & confirmari videtur ex *Psalm. LXVIII. 8. 9. 10. Jes. iv. 4:5.* Plures tamen in dubium trahunt, & *Loca* illa aliter interpretantur) imò rorulentâ illa *Nube* undique cincti ac quasi involuti essent: ut loquitur *Hasæus*. *Baptismus* in *Nube* & *Mari* est unus idemque *Baptismus* *Paullo*, uno eodemque tempore factus & *semel*, nunquam postea, ut dixi, repetitus. v. Loquitur tandem *A-*

postolus de *Baptismo eis τῷ Μωσῇ*, id est: Vel per *Mosē* factō, ejusque Manu & Ministerio; quod convenit magis huic Baptismo in *Mari Edomitico*; quod ad *extensionem manus* Mosi, & ad *elationem baculi* ejus *fissum*, & in siccum redactum est *Exod. xiv. 16. 21. 26*; quàm Baptismo *Sinaitico*, qui ab ipso *Populo*, ad *mandatum* modò Mosi, peractus est: Vel potius in *Mosē* seu ad *Confirmationem Doctrinæ & Missionis* ejus *Divinæ*. Quando iterum ducimur ad Baptismum in *Mari Rubro*, quia miraculoso hujus Maris Transitu Missio Mosi à *Jehova*, ut & omnis Doctrina ejus valdè confirmata fuit, sicuti legitur *Exod. xiv. 31*. *Quum autem vidissent Israëlita Opus illud maximum, quod edidit Jehova contra Ægyptios, timuerunt Populus ipse Jehovam, credideruntque Jehovæ & Mosi servo ejus.*

XXIV. Sed, inquit *Seldenus*, Constitutio hæc sub *Nube* & *Transitus* per *Mare Rubrum* satis nota erant Corinthiis ex *Judæis & Gentilibus* Conversis: *Paullus* autem loquitur de *Re Vulgo non Cognita*, quando ita præfatur; *Nolo autem vos ignorare, Fratres*. Respondeo: Sensus Præfationis hujus est quem *Grotius* indicavit: *Nolo vos esse Immemores*. Nam, inquit, *legerant isti Corinthii Libros V. T. sed non omnia memoriâ retinebant, nec omnium sensum reconditiorem intelligebant. Sic αἴγυψος sumitur Rom. vi. 3. & vii. 1.* Si verò supponat hæc Præfatio, Rem, de quâ agit Apostolus, *compleribus ignoratam* fuisse; Respicit: Non ad *Miracula* ipsa in *Nube* illâ & *Mari* patrata, ut quæ ex Mosi historia satis erant cognita: Neque ad Rem aliquam ex *Cabbala* Judaica occulta prolatam, v. g. ad *Baptismum Initiationis*, ad *Montem Sinai* *mandatum*, ut seculis secuturis omnibus in *Profelytis* ex *Gentibus* repeteretur; quia eam sic magis involvisset profectò hoc suo sermone *Paullus*, nec ignorare sed scire noluisset Corinthios, adeò obscure de eâ differens, ut vix perspicacissimi cum *Seldeno* latentem hunc sensum videre ac eruere potuerint: Sed Respicit ad *Typicam* *Miraculorum* illorum *Significationem & Convenientiam*, quam habent

bent cum nostro *Baptismo* & *Eucharistiâ*. Cujus *Mysticæ* significationis respectu utrumque illud Constitutionis sub *Nube* & *Transitu* per *Mare* Miraculum meritò comparavit Apostolus cum *Baptismo nostro*; sicuti etiam Petrus 1. *Pet.* iii. 20. 21. ob similem aliquam analogiam eundem Baptismum nostrum cum *Aquis Diluvii* contulit. Nempe hoc erat quod non æque feliciter ab omnibus intelligebatur. Mysticos Legis sensus haud assequiebantur Omnes. Et Typos Propheticos V. T. indicare ac declarare, id, post Prophetarum defectum, & fidelium Israël Pastorum abscissionem, id inquam Christi erat, & infallibilium Apostolorum Ejus. Quædam Prophetia quidem semetipsam explicat, verum non Omnis, non Typica, est ἰδίᾳ ἐμπερίσταται propria interpretationis 2 *Pet.* i. 20. id est, semetipsum interpretatur, sed Christo & Auctoribus N. T. eam indicantibus sciri demum potest.

XXV. At, ait *Buddeus*; Si in his vocibus *Vers.* 2, in *Nube* & in *Mari baptizati sunt*, eadem *Nubes gloriæ* & *Idem Mare Rubrum* intelligantur; de quibus dicitur *Vers.* 1. quod *sub illâ* fuerint & hoc *transferint*; per inanem tautologiam Idem prorsus diceretur in *Versu secundo* quod in *Primo* jam dictum erat. Unde per *Nubem* & *Mare* baptizari commode dicuntur illi, qui *aquis pluviarum fluminumque imbuuntur maritimis*, ut nempe factum est ad Montem Sinai. Ita scribit *Buddeus* §. 8. 11. & confert Loca *Psal.* lxxviii. 9. 10. lxxviii. 15. 16. *Exod.* xvii. 6. *Amos.* v. 8. ix. 6. additque, elegantiam baud contemnendam sic esse in sermone Pauli, si per antanaclassin eadem vox in diversis propositionibus proxime se consequentibus diversos induat sensus. Sed sapienter respondit *Buddeo Wernsdorffius* in *Disp. de Bapt. Christian. Origine* merè Divina §. xxii. xxiii. xxiv; esse Incrementum quoddam sermonis Apostoli in *Versu secundo*, ubi non modò *Mare Rubrum transisse* Patres, sed & *aquis ejus circumcirca inclusos* & quasi *mersos* fuisse memorat; imo Apostolum ab *Historia* ad *Typum* transire, & quid per *Miracula illa adumbratum* & significatum fuerit ostendere. Recte: hoc indicavit *Paullus Vers.* 2.

Mansionem illam *Isaëlis sub Nube, & Transitum per Mare, Extraordinarii Sacramenti* rationem habuisse, & *Similitudinem ac Convenientiam* cum nostro ordinario N. T. Sacramento primo, *Baptismo*.

XXVI. Et certè *Similitudo & Convenientia* Miraculorum horum in *Nube & Mari* cum *Baptismo* nostro varia & satis concinna est. Discrimen quidem haud exiguum est si *Administrationem* spectes. Noster enim Baptismus ab *hominibus* administratur, Ille vero in *Nube & Mari* a *Deo* fuit peractus; cum Moses extensâ manu & sublato baculo Mare non aliter fidit quàm ut Causâ moralis, ad cujus præsentiam Deus operatus est. Sed *Convenientia* alia heic multiplex datur: *Tum* in signo externo *Aquæ*, quæ in nostro sacramento est quælibet obvia, sed in illo Veteri fuit *Aqua Maris*, ab utroque latere cingens populum, & *Nubes aquea* desuper illum obtegens: *Tum* in *Immersione* potius quam *Adspersione*, de quâ mox paullò latius dicam: *Tum* in *Re significata*, quæ in Baptismo nostro est Gratia & Gloriæ Christi Communio *Rom. vi. 3. 4. 5*; & quæ eadem fuit in *Baptismo* illo *Isaëlis in Mari & sub Nubis Columna*; quo significabatur in Communione Christi, per *Nubem illam* Gloriæ præfigurati, & in eâ operantis tunc, Fideles omnes habere Protectionem potentissimam *Jes. iv. 5. 6*, tutosque vivere in mediis Calamitatum & Mortis ipsius Aquis, ex eis *emersuros* certò: *Tum* in *Fine*, qui in nostro Baptismo est Confirmatio Fidei nostræ, & *Obligatio* ad Perseverantiam in illâ, & ad reliqua omnia Fœderis Gratia Officia præstanda; & qui idem *Finis* fuit *Baptismi Patrum*, qui *Baptizati* ideo dicuntur à Paulo in *Mosem*, id est Doctrinæ Moïsis Confirmationem, ut crederent *Jehovæ*, & *Mos* Servo ejus, omnemque Obedientiam sinceram Legi ejus præstarent: *Tum* denique in *Adjuncto Inefficacie* ad salutem absque Fide & Resipiscentiâ; scopus Pauli est docere, quòd externa signa Gratia nec semper nec omnibus utentibus iis conferant ipsam salutarem Gratiâ; & speciatim quòd Baptismus & Coena salutem non efficiant; quod

quod probat ex hisce analogis Deserti Sacramentis extraordinariis, quorum quidem omnes Israëlitaë Participes facti sunt, in quibus tamen omnibus Beneplacitum non habuit Deus, *Vers. 5, 6: Tum tandem in Subiectis*, qui etiam *infantes* fuere, ad quos ideo extenditur meritò quoque Baptismus noster. Neque tamen iidem ad Coenam pariter sunt admittendi quia Mannæ & Aquæ ex Petra fuerunt participes in Deserto. Paullus enim contra hanc Infantium Communionem palam præscripsit 1. Cor. xi. 28. *Exploret autem quisque se ipsum, & ita de pane illo edat, & de poculo ille bibat: cum nullibi infantes excludantur a Baptismi Participatione.*

XXVII. Urget denique *Buddeus* §. 7. propriam notionem Verbi βαπτίζω, quæ est *adspergi vel immergi aquis*, & quæ retineri nequit, si Baptismus hic Israëlitarum statuatur factus in *Maris Rubri Transitu*; quia hoc Mare *sicco pede* *Exod. xiv. 16. xv. 8. 19. Jos. ii. 10. iv. 23.* transierunt, ergo & *Corpore* reliquo, ait, additque, *Columnam Nubis nunquam eos humectasse aquis.* Verùm phrasin illam, *sicco pede* transiisse, non lego in Locis adductis, nec in aliis *Neb. ix. 11. Psalm. lxxviii. 13. cvi. 9;* & si legeretur illa, non tamen nimis rigidè sumi deberet. Non desunt qui cum *Estio* judicant, credibile esse, Israëlitas etiam guttis, tum ex aquis maris hinc inde qua transibant in altum erectis, tum ex Nube supra ipsos expansa decidentibus, fuisse nonnihil *Aspersos*. Sed *Immersos* potius fuisse dicerem, sine *Ablutione* tamen ejusmodi, quæ in Baptismo Christiano per *Immersionem* facto locum habet. *Nubes impendebat eorum capiti*, inquit *Grotius*; *sic & aqua iis qui baptizantur: Mare circumdabat illorum latera; sic & aqua eos qui baptizantur.* Et sic quasi baptizati sunt. Similiter *Maresius*, in *Syst. de Sacram.* in *Not. ad §. xxxiii.* Cum enim haberent maris aquas ab utroque latere, & tegerentur protegerenturque Nube, quæ fulminabat in *Ægyptios*, videbantur quadantenus demersi in aquas, & aliquid pati analogum immersioni baptismali Christianorum. Egregie *Wernsdorffius* §. xxi. Num. 4. & 5. Quum è Scriptura

constet, τὸ βαπτίζειν etiam pro nuda asperzione sumi, quid impedit, quominus nubem quoque aquosam, vel torulentam, suis aquis aspersisse Israëlitae existimemus? Si hoc non allubueris, urgeo, τὸ βαπτίζειν, tropicè idem esse, quod cingi, obrui, implicari, involvi. Sic apud Plutarchum in Galba, βεβαντισμένοι ὀφειλήμασι εἶναι, idem est, quod coopertum esse ære alieno: βαπτίζεσθαι τῶν πραγμάτων, idem quod obrutam esse negotiis, βαπτίζεσθαι πόνους ὑπερβάλλουσι, laboribus supra modum implicatum esse. Βαπτίζεσθαι igitur ἐν τῇ νεφέλῃ, ἐν τῇ θαλάσσῃ idem est, quod involutum esse nube, circumdatum esse aquis marinis. Quod quidem evenisse Israëlitis, certissimum est. Mare enim consistebat a dextris ἔθ' à sinistris Exod. xiv. 22. adeoque cingebat eos, qui per medium illud pertransibant, & ab aquis maritimis, in altum surgentibus, velut cooperiebantur. Fuit etiam Fundus maris rubri haud dubie satis profundus, ita, ut descendentes in illum, mergi aquis, ascendentes ex eodem ad litus emergere viderentur. Quod porro ad nubem attinet, illi haud dubie altius se demisit, universumque agmen Israëuitarum involvit. Vide quoque, si placet, Gatakerum in *Advers. Misc. Posth.* Cap. iv. in fine. Ex quibus omnibus concludo, Paullum in hoc Loco neutiquam confirmare Traditionem Rabbiorum de Baptismo Initiationis ad montem Sinai mandato. Et quia Baptismus in Mari illo miraculosus fuit, a Deo administratus ipso, & Homini non imitabilis, ideo sub Præceptum illud Num. xv. *sicut vos, sic Profelytus*, non cadit. Quare & nullus Rabbiorum ad hanc Baptismum in Nube & Mari provocavit, ad cuius similitudinem postea omnes Profelyti Moysis Legi initiari deberent.

XXVIII. TERTIO, non solum ex Silentio Veterum & ipsius Sacrae Scripturae argumentantur contra Usus Baptismi Profelytorum apud Judæos ante tempora Christi & Johannis; Verum etiam Scripturam N. T. isti jactatae Antiquitati repugnare dicunt. Huc inprimis spectare putant Judæorum Interrogationem illam, quæ legitur Job. i. 25. *Cur ergo baptizas, si tu non es Christus ille, neque Elias, neque Prophe-*

ta ille? Mirantur, inquiunt, Legati Judæorum Baptismum *Initiationis*, in quo Signum est Mutationis Vitæ & Morum, ac Transitus ad novum Statum, Professionem & Societatem; qualis erat Baptismus Johannis: & supponunt, ejusmodi Baptismum *Initiationis* nullum antea in Gente Judaicâ locum habuisse, nec usurpandum esse ante Apparitionem Eliæ, & *Messiae*, quem tamen à *Propheta* illo venturo ineptè distinguunt. Quæ Hypothesis Leviticorum Sacerdotum de Baptismo *Initiationis*, præsentem Messiam demum instituendo, ortum traxisse videtur præcipuè ex Oraculo Prophetico *Ezech. xxxvi. 25*, quod ex Rabbiorum Glossis apud *Raymundum Martini* in *Pug. Fidei, Part. III. Dist. III. C. XIII.* conjiciunt. Imo ad Opinionem hanc Judaicam; *Baptismum Initiationis* quo declaratur transitus ad novum Statum, Professionem, ac Religionem, apud Judæos esse *Signum Messiae* vel præsentis vel proxime apparituri; respexisse Johannem existimant cum dixit, *sed ut MANIFESTUS FIERET ISRAELI, propterea veni ego, BAPTIZANS AQUA, Job. I. 31. coll. Actor. XIII. 24. 25.*

XXIX. Huc quoque refertur ab Illis *Ignorantia Doctrinæ Regenerationis* in Nicodemo, *Doctore Israël*, acriter à Domino castigata *Job. III. 3. 4. 5. 9. 10.* Ex hoc enim Colloquio satis manifestum fieri existimant, nullam aliam *Generationem* Nicodemo notam fuisse quam *Naturalem*. Si enim ipsi *Civilis* vel *Ecclesiastica* Proselytorum ex Doctrina Rabbiorum, vel *Spiritualis* etiam ac *Supranaturalis*, in Scripturis tradita, cognita fuisset, nulla ratione potuisset ad illa Verba Domini *Vers. 3. nisi quis sit genitus iterum, non potest videre regnum Dei, regerere Vers. 4. Quomodo potest quispiam nasci qui sit Senex? num potest in uterum matris suæ secundo introire, & nasci?* Doct. *Wernsdorffius* in *Dissert. de Recent. de Bap- tismo Controversiis §. XXVIII.* Cur igitur Nicodemus audita à *Advocato* voce, ad eandem, seu inauditam, obstupuit? Cur *Physicè* illam intellexit? Cur non eo, quo tribus solebat Proselytis baptizatis, sensu accepit? Nempe, quia ante id tempus de Bap- tismo

tismo regenerante, *vel* lavacro regenerationis, *etiam* moralis, & civilis, *ne auditum quidem in Populo Judaico fuerat.* Et si roges; quid reprehendit ergo Dominus in Doctore Israël, *Vers. 10. Tu es Magister Israël, & hæc non nosti?* nonne Ignorantiam Doctrinæ Rabbiorum de Regeneratione, Effectu Baptismi Profelytorum? responderi posset, Dominum non castigasse iis Verbis Ignorantiam Doctrinæ Rabbiniæ, sed *Scripturiæ*, à Prophetis traditæ de Regeneratione supranaturali omnibus salvandis necessariâ. Locutus enim fuerat Dominus de *Generatione ex Spiritu Vers. 5. 6. 7. 8.* necessariâ peccatori; de quâ *Psal. LXXXVI. 9. LXXXVII. 4. 5. 6. Ecl. 19. cx. 3. Jes. LXVI. 7. 9. Ezech. XXXVI. 25. 26. 27. &c;* quamque ignorans Nicodemus, homo pharisaicâ de naturalibus liberi arbitrii ad Bonum Spirituale Viribus doctrinâ imbutus, rogat *Vers. 9.* iterum, *Quomodo possunt hæc fieri?* & respondet ei Dominus, *Tu es Magister Israël, & hæc non nosti,* nempe hanc Generationem *ex Spiritu*, ab *Ezechiele*, aliisque Prophetis traditam?

XXX. Hæ sunt Rationes præcipuæ, (nam alias quasdam levioris momenti, ut illa est, quam petit *Zeltnerus §. xxii. ex 1. Pet. iii. 21*, ubi de Baptismo *vñ Nunc sub N. T.*, non inde à monte Sinai, imo non ante Christum, Salvante, mittimus) quibus inducti omnem ante Johannem Baptistam & Christum Baptismi Profelytorum apud Judæos usum negarunt Viri quidam Docti Inter quos est Doct. *Wernsdorffius*, qui in Prænominatâ *Dissert. §. xxviii.* in fine scribere non dubitavit; *Quæ omnia in eam me suspicionem adducunt, Commentum esse, & eodem loco, cum fabula de Labiis & Rosæ crucianis, habendum, quicquid de Baptismo Profelytorum, Stante Templo & Republica Judaica memoratur.* Et §. xxx. *Mea de hoc argumento sententia est, Stante Templo & Republica Judaica nullum obtinuisse Baptismum Profelytorum: fieri autem potuisse, ut deletio utroque, & invalescente per Orbem terrarum Christiana religione, imitatione quadam, vel superstitionis Ethnicæ, de qua modò diximus, vel quod magis*
ve-

vero videtur simile, Ipsius Doctrinæ Christianæ, à Judæis superstitibus & per orbem dispersis receptus fuerit. Et confirmare hanc suam sententiam conatur ex mirâ Convenientia, quæ inter Judaicum & Christianum Baptismum intercedit, in præviâ Institutione, Examine, Confessione, Testibus, Regenerationis effectu (quæ omnia fusè exposuit *Altingius de Proselytis*), & ex quâ sequitur; Vel quod Christianus à Judaico Baptismo sit petitus, quod tamen falsum esse se evicisse existimat; vel quod Judaicus ex Christiano ortum traxerit. Observat præterea; nihil hac in re esse ab institutis & moribus Judæorum alienum: ut qui, verbi gratiâ, *Apostolorum* titulum per *κακοζηλίαν* imitati sunt, quando post dispersionem suam Patriarchæ sui Tiberiade sedentis Assessores appellarunt *Schelichim Apostolos*. *Apostolorum* enim, quos Christus *ἐποίησε* fecit, creavit, primus instituit, & *ὀνόμασε* nominavit *Marc. iii. 14. Luc. vi. 13*, & Nomen & Munus, non hominum inventum, inquit, sed Dei institutum fuit. Et miserè errasse *Baronium*; quando ait usitatum fuisse Hebræis, ut nominarent *Apostolos*, qui assidue cum summo Pontifice versarentur, quosque legare consueffet ad componendos mores Sacerdotum, ipsasque Synagogas inspiciendas &c; unâ cum *Casaubono* contendit. *Wernsdorffius* verò primus hujus sententiæ Auctor non fuit. Narrat enim *Seldenus de Syned. Lib. i. C. 3. p. 21.* Sed nec defuere ex Judæis Christiani aliquot qui Baptismum hunc toties a Magistris memoratum non a Mosaico instituto manasse, nec adeo fuisse vetustum asseruerint, sed Christi exemplo etiam inter eos introductum, nec ante fuisse in usu.

XXXI. Horum tamen Sententiæ se opposuit idem *Seldenus*, mox subjiciens; Sed si ita res habuisset, proculdubio de eâ non reticuisissent primitivi temporis Patres Christiani. In Christianismum ita Baptismus Judaicus fuisset velut transitio quædam seu transitionis umbra non silenda. Nec sane Judæos, in re adeo insigni ac publicâ atque in ipso Initiationis ritu, mores eorum, quos tanto semper odio prosequuti sunt, imitados esse,

nec (lege sed) à Majoribus ante Christum, ut ostensum est, Baptismum accepisse, mihi omnino est verisimile. Nec non Celeb. Buddeus quando §. 62. 63. scripsit. Gens invida (Judæorum) & divinis ad id obstricta legibus, ne alienigenarum amuletur Statuta mortem potius subiisset, quam ut in re tanti momenti istorum (Christianorum) reciperet Symbolum, à quibus quam maximè se cupiebat distinctam: & §. 98. Non affectant convenientiam cum Christianis Judæi, separationem à Bileamo prædictam Num. xxiii. 9. & a Deo vice plus simplici ipsis injunctam Exod. xxiii. 24. Levit. xviii. 3. xx. 23. Deut. vii. 2. seqq. Jer. x. 2. in Sacris præcipue religiose servantes. Ut & Doct. Zeltnerus, quide Initiis Bapt. Initiat. Jud. §. xxiii. & seqq. magnis difficultatibus obnoxiam esse hanc Hypothesin scripsit, variisque Argumentis eam impugnavit; quorum præcipua hæc sunt. Non esse Credibile, ait, Judæos ex sacris Christianis mutuò quasi acceptum suum fecisse *Ritum sacrum primarium*, nulla necessitate coactos; propter Odium nempe illorum in Christianos plane internecinum, ultimâ illa *πανελεθει* gentis istius non imminutum sed potius auctum, & collatum cum *pertinacia* Gentis in servandis Patriis institutis ac moribus, cum nullis alienis unquam permiscendis. Adducit porro *Convitia* Judæorum, quibus, ab initio dissensionis post Messiam Jesum rejectum, Religionem Christianam & speciatim Baptismum & Baptizatos proscindere solent in scriptis suis, dum illum *מים טמאים*, aquas impuras, & *מים סרוחים* aquas fetentes, & hos *בשומרים* perditos ac abolitos appellant, eosque iterum, quando ad suam Religionem accedunt, eluunt, radunt atque defricant; quod ex *IVagen-seilio* probat. Nec Omittit antiquam illam & famosam *Precazionem*, cujus mentio quoque fit in Libro *Cofri. Part. iii. C. lxxv.* & in quâ orant contra Apostatas, qui amplectuntur Legem seu Ritum Baptismi & tinguntur in Jordane: & de quâ Buxtorffius ibidem in Notis scripsit; Manifestè autem satis patet, eam esse directam contra eos, qui deserto Judaismo, fidei Christianæ per Baptismum inseruntur, & olim tempore Christi & Apostolorum

lorum in Jordane per immersionem baptizati fuerunt. Addit præterea nullam prorsus habere speciem quod Judæi in hoc Ritu imitati sint Christianos, ut Profelytos ab illis allicerent; quoniam plures causas habuerunt Consensionem qualemcunque in Religione cum Christianis vitandi omni modo; ut qui tuti vixerunt & impunes, religionis suæ causâ non excruciat, etiam in mediis atrocissimis Christianorum persecutionibus, modò seditiosis se non jungerent: de quâ tranquillitate & privilegiis Judæorum in Orbe Romano Ezech. Spanhemius ex professo disseruit. Urget insuper cum Budæo Locum, ab Aliis dudum laudatum, ex Cod. Bab. Gem. Jebbhammoth, tanquam sede hujus materiæ locupletissimâ; ubi loquuntur R. Elieser, f. Hircani, & R. Josua, f. Chanin-jæ, qui vixerunt & post & ante Excidium Urbis, ut Chronica Judæorum testantur, de Baptismo Profelytorum tanquam Ritu dudum inter suos recepto & usitatissimo; & disputant de Necessitate Ejus majori vel minori, si cum Circumcisione comparetur. Dum R. Elieser contendit Profelytum esse, qui Circumcissus est, nec Baptizatus, quia Patres nostri, ait, fuere Circumcisi nec Baptizati: sed R. Josua dixit, Baptizatus, & non Circumcissus, est Profelytus: sic enim invenimus de Matribus nostris, quæ Baptizatæ sunt, non Circumcissæ. Sed Sapientes pronunciarunt, uti additur, Profelytum non esse usque dum fuerit tam Baptizatus quam Circumcissus. Huic Loco ex Gemara junxit alium ex Mischna, Tract. Pesachim C. viii, ubi Lis & Contentio super Baptismo Profelytorum inter Hillelianos & Schammæanos narratur; & dicitur, si quis Profelytus paullo ante Vesperam Paschalem demum accessit ad Ecclesiam, de eo Schammæana secta adversus Hillelianam statuit, Baptizatum posse licitè comedere Agnum Paschalem, ea ipsa adhuc vespere. Ex quo infert; cum Hillel & Schammai ante Christi nativitatem floruerint, & eorum Discipuli ante Excidium Hierosolymæ inter se litigaverint de multis; quod & hoc litigium fortè, saltem ejus subjeclum nempe Baptismus Profelyti, ante Excidium illud extiterit, Imo etiam

ex *Talmude Hierosolymitano*, post *Mischnam* & ante *Talmud* *Babylonicum* conscripto, producit *Exemplum Militum Romanorum*, qui erant ex *Custodibus Portarum in Hierosolymâ*, tunc ergo nondum devastatâ, & qui illa ipsa *vesperiâ* quâ *Baptisati sunt*, *Paschalem agnum comederunt*; ut narrat ibi *R. Elieser f. Jacobi*, qui vetustioribus *Mischnicarum Traditionum Auctoribus* constanter adnumeratur. Adfert tandem Verba *Arriani* seu potius *Epicteti* ipsius, ὅταν δ' ἀναλάβῃ τὸ πάθος, τὸ δὲ βεβαυμένον καὶ ῥημένον, τότε καὶ ἐστὶ τῷ ὄντι καὶ καλεῖται Ἰσραῆλ, cum suscepit affectum baptizati & scēti (seu circumcisi, ut *Clar. Rossallius de Epicteto §. XLVIII.*) tum revera & est, & nominatur *Judæus*; de quibus ex *Grotio*, *Ruaro*, *Seldeno*, *Rossallio* supra §. v. prolixè egimus; & ex quibus *Ruarius* modò collegit, non procul ab ævo *Servatoris nostri* (cum *Arrianus* ille sub *Hadriano* & *Marco* & *Antonino* Imperatoribus vixerit,) obtinuisse *Baptismum Profelytorum* apud *Judæos*; & *Cl. Rossallius* p. 106. post *Templi excidium* ad *Profelytorum* initiationem hæc duo fuisse necessaria, *Baptismum* & *Circumcisionem*; Verùm *Zeltnerus* ultra progreditur, atque ex iis infert *Baptismum* istum etiam ante *Excidium* illud usitatum fuisse. Observat. nempe § xxxiii. hæc Verba quidem ab *Arriano* scripta esse, sed ab ipso *Epicteto* dicta, ex cujus ore, quas in via, domo, schola habuit dissertationes, sollicitè congeffit Ille. Addit quòd *Epictetus* ille *Philosophus Celeberrimus* servus fuerit *Epaphroditi*, qui *Neroni* erat a cubiculis, & quod de *Baptismo Profelytorum Judaico* loquatur tanquam de re in vulgus nota, & diu inter *Judæos* frequentata, quique idcirco rectius ad tempora vastationem *Templi Hierosolymitani* antegressa, quam consequentia, referri debeat.

XXXII. Quapropter Doct. *Zeltnerus*, rejectâ hypothesi *Wernsdorffii* Ritus hujus Originem refert ad Tempus interpositum à *Johanne Baptista* ad *Judaicæ Reipublicæ* finalem Eversionem, atque à *Baptismo Johannis* Eum ortum traxisse autumat. Quam Conjecturam ut probabilem reddat, monet:

Quòd.

Quòd Baptismus Johannis fuerit *Initiationis* ad Regnum Messiae adventantis, vel jam jam venturi: *Quòd* Judæi cum magno numero in Palæstina & extra eam sulceperint *Act.* xviii. 25. xix. 3: *Quòd* Præfecti Judæorum cum admiserint ob spem appropinquantis Messiae, edocti de *Baptismo*, Messiae tempore introducendo *Joh.* i. 25. *Quòd* præterea hæc spes Messiae propediem apparituri ingentem illum, de quo *Act.* ii. 10, Profelytorum numerum pepererit, quos *Baptismo* purificatos Messiae adventanti secum occurrere voluerunt: *Quòd* denique hinc prima Origò Baptismi Profelytorum sit arcescenda, cujus tamen plena introductio attribuenda est collusioni *Pseudo-Apostolorum* illorum ἐκ δειτομῆς, de quibus *2. Cor.* xi. 13. cum Judæorum Proceribus obduratis. Etenim hi *Pseudo-Apostoli*, utcunque Christianismi speciem præseferebant, ac si essent *Apostoli Christi*, erant intus & in cute tamen Judæi, selecti a Synedrio, ut sub specie Regni Messiae promovendi, revera Judaismo patrocinaarentur; non Baptizantes in Fidem Jesu Nazareni ut Messiae veri, qui *Spiritu* baptizaturus erat suos juxta doctrinam Johannis *Matth.* iii. 17, quam Baptizandis non inculcarunt, coll. *Act.* xix. 2. sed in spem Messiae melioris jam jam venturi; & *Circumcisionem* urgentes, ut necessario *Baptismo* in *Profelytis* ex Gentibus conjungendam. Atque sic, per hos *Pseudo-Christianos*, postquam se in Judæorum castra iterum receperunt, *Utrumque* hunc *Ritum* in *Profelytis* necessarium apud Judæos evasisse, atque ab hoc tempore usitatum fuisse, conjicit *Zeltnerus* in *Disput.* laudatâ habita 12. *Sept.* & MDCCXI. §. xxxv. — XLV; adducens quoque ad qualemcunque hujus suæ Conjecturæ confirmationem, quod uterque *Josephus*, tum Græcus, tum Hebræus, de Johanne loquatur tanquam qui primus *Baptismum Initiationis*, qui signum esset Transitus ad novum Statum & Professionem, inter Judæos introduxisset. Verba Hebræi *Josephi Lib.* vi. C. 63. de Johanne ita sonant juxta correctiorem *Lectionem*; *Hic est Johannes, אשר עשה טבילה*

qui Baptismum fecit; id est, instituit & primus administravit. Interim Doct. Zeltnerus Auctor primus non est hujus sententiæ, sed dudum antea eam sibi placere ostendit Doct. Job. Owenus in *Dissert. de Ritibus Judaicis a Christo observatis*, §. xxii. hisce verbis. *Ego potius censeo, ex Johannis Baptismo, qui tota in gente celebris erat, cuique initiata est magna pars Populi, ritum hunc ante tempus illud incognitum, Doctores Tannæos (seu ante-Mischnicos) mutuatos esse.*

XXXIII. Sic vidimus diversas Doctorum Judæorum & Christianorum de *Baptismi Proselytorum Antiquitate & Origine* Sententias, haud absque veritatis specie aliquâ, & multa cum eruditionis declaratione, & quandoque ostentatione, prolatas utrinque & assertas. Dicam nunc meam quoque breviter & modeste Sententiam. 1. Traditio Talmudicorum Doctorum, & Juris Talmudici Interpretum, de *Antiquitate Institutionis & Usus hujus Baptismi, à Monte Sinai repetendâ*, nullo Veterum idoneo testimonio firmata, *παρεργασία* duorum Locorum Pentateuchi, *Exod. xiv. 10. 14. & Num. xv. 15.* tantum niti videtur. Certè si tempore R. Eliezeris f. Hyrcani, qui ante & post Excidium Templi vixit, hoc fuisset traditum ac creditum, nunquam ille dixisset quod dixisse fertur in *Gem. Jebhamoth. Circumciscus, & NON BAPTIZATUS est PROSELYTUS, quia invenimus de PATRIBUS NOSTRIS, quod fuerint Circumcisi, & NON BAPTIZATI.* Verba hæc ex Talmude citarunt plures, *Raymundus Martini in Pug. Fid. p. 613. vel 785. & p. 639. vel 819. Seldenus de Syned. p. 18. 19. Ligtfol. in Matth. iii. Van Dale in Hist. Bapt. p. 341. Alii.* II. Judæos accepisse hunc Baptismum à Christianis post Reipublicæ everisionem, minime probabile mihi videtur, propter ea quæ ex *Buddeo & Zeltnero* contra hanc *Wernsdorffii* hypothesein supra §. xxxii. adducta sunt. III. Stante itaque adhuc Templo & Urbe Hierosolymâ in usu fuisse existimo, etiam ob Mischnicorum Doctorum R. Eliezeris & R. Josuæ de eo Disceputationem, quæ memoratur in *Jebhamoth*: quam effinxisse Rabbinos, non est

est verisimile: quamque omni certitudine carere, quia dicta illorum Doctorum in Gemara recensentur, non ex Libris eorum, sed ex *traditionibus & rumoribus*, ut loquitur *Owenus*, dicere non ausim ego, quia *Traditio*, utut sæpe fallat, non tamen semper fallax est: saltem nihil continet narratio hæc Rabbiorum in Gemara, quod verum esse nequeat. Neutiquam enim obstat huic nostræ Thesi de Usu Baptismi Profelytorum tempore Christi: *Vel Interrogatio* illa Judæorum *Joh. i. 25. Cur ergo baptizas, si tu non es Christus ille &c.* de quâ supra §. vi. & xxviii egimus; nam hæc Interrogatio neutiquam supponit, ut volunt, nullum unquam *Gentilium* Baptismum obtinuisse, quo ex Gentilismo in Judaismum transierunt Profelyti. Verùm Baptismum talem *Pœnitentiæ & Initiationis* ad Regnum Messiae, qualis erat ille Johannis, & qui ipsis JUDÆIS ministratur, nunquam esse visum, nec usurpandum nisi tempore *Messiae*, quando magnam *Mutationem* Rerum & Animorum & Vitæ, Communemque Gentis *Pœnitentiam* expectabant Judæi: *Vel Ignorantia* Doctrinæ de *Regeneratione* in Nicodemo notata *Joh. iii. 4. 9. 10*, ex quâ supra quoque §. xxix. audivimus *Wernsdorffium* contra *Usus* hujus Baptismi *sub Templo secundo* disputantem. Nam Effectus hic Profelytismi, quo *Profelytus* statuitur à Talmudicis *re-cens nato infanti similis*, ob veterum Natalium & pristinæ Cognationis abolitionem, in quo proinde est *Regeneratio* quædam *Civilis*, tempore *Nicodemi*, ex Magistrorum placitis & Doctrinâ, obtinuisse omnino videtur ex *Verbis Taciti*, supra §. xiv. p. 468. allatis; ne addam nunc Exemplum incestuosi Conjugii istius *cum uxore Patris*, quod ne *inter gentes quidem* permitteretur, de quo *Paullus i. Cor. v. 1.* & quod in hac Doctrina de *Regeneratione* Profelyti & pristinæ Cognationis Ejus abolitione fundatum fuisse, haud immeritò colligitur. Hanc itaque *Regenerationem* non potuit ignorare Nicodemus, quin simul ignorasset suo tempore ex Gentilibus Profelytos esse factos (quod utique erat certissimum, & constat satis ex *Matth. xxiii. 15. Act. ii. 10.*) nam *Regeneratio* erat *Effectus*


factus Profelytismi, non præcisè *Baptismi*, & sequebatur in *Profelyto*, etsi hic solà *Circumcisione*, absque Baptismo Religioni Judaicæ initiatus esset; sicuti & Tacitus solius *Circumcisionis* expressam mentionem fecit. Verùm: Quia Verba Christi, *NISI QUIS sit genitus iterum*, Universaliter concepta erant, & Regenerationem non solum Gentilibus sed & *Judæis* necessariam esse indicabant, facile percipiebat Dominum non loqui de *Civili* illa Profelytorum ex *Gentibus* Regeneratione: (ex quâ postea *Cabbalistæ* aliam & stupendam excogitavêre *Platonizantes*, de animæ novæ quoad substantiam in Profelytum immissione; de qua *Seldenus* de *Jure N. & G. p. 159. & seqq.*) & Quia *Supranaturalem* illam in Scriptura *Ezech. xxxvi. 26. 27.* traditam ignorabat *Pharisæus* hætenus *Traditionarius*; & opinione *Pharisaicâ* de viribus naturalibus ad omne bonum imbutus; ut liquet ex *Vers. 9. & 10*: Hinc nulla alia restabat Regeneratio quam *Physica*, de quâ loqui Dominum ideo cogitavit Ille. Optime *Lightsotus* in *Hor. Hebr. ad Job. iii. Novit & agnovit aliqualem Regenerationem, ut diximus, fieri per Profelytismum; at longe ab animo ejus aberat, vel credere, vel cogitare Profelytismum Judæorum: non excogitare ergo potest modum aliquem novæ nativitatis, ut secundo fiat Israëlita, nisi secundo ex utero Matris nasceretur, quod tamen ei videtur impossibile.* iv. Ab *Johannis Baptismo* ortum traxisse hunc Profelytorum apud *Judæos*, ut volunt *Owenus* atque *Zeltnerus*, mihi persuadere non possum. Maxima enim pars *Pharisæorum* & *Legis Interpretum* Baptismum *Johannis* rejecit, & sic consilium *Dei* sprexit & aspernata est, non baptizata ab ipso *Luc. vii. 30.* Neque filia *Matri* tantopere dissimilis fieri potuit. *Judæi* enim *Gentiles* tantum Baptizarunt, *Johannes* verò *Judæos* ipsos; quos sic initiavit *Regno Messie* præsentis vel jamjam sese manifestaturi; cum Profelytorum Baptismus Initiatio fuerit *Gentilium* ad *Legem Moysi*, ut liquet ex prævia *Institutione* eorum ex *Maimonide* descriptâ apud *Altingium* §. xxviii. xxix. in qua nihil de fide in *Messiam* occurrit, sed noti-

notificantur Profelytis tantum *Fundamenta Legis*, *Unitas Dei*, *Interdictum Idololatriæ*, *leviora quædam & graviora Præcepta*, *Premia* denique & *Pænæ futuri seculi*. v. *Ante Johannem* itaque obtinuisse autumo, atque a *Pharisæis* introductum, qui alia multa tunc temporis Legi scriptæ adjecerunt observanda: à quibus etiam illa singularis Profelytorum Institutio de *Iustorum Mercede*, *Pœna impiorum*, & *futuro Sæculo*, apud *Schikkardum de Jure Regio p. 330. 332.* & *Slevogtum de Profelytis Disp. Philol. Part. III. Dissert. III. §. ix. x. Altingium de Profel. §. xxix. xxx.* & Alios plures, dimanavit. Videtur autem Usus hujus Baptismi in initio abitarius fuisse, nec Lege statim necessarius ac universalis factus. Unde Idumæi tempore Hyrcani *circumcisi* tantum non Baptizati leguntur apud *Josephum*. Et hinc *Tacitus* de *Circumcisione* solâ mentionem fecit, quâ transferunt gentiles in morem Judæorum, nihilque de *Baptismo* eorum addidit; quem *Arrianus* tamen memoravit, quia nimirum in his obtinuit, in aliis verò omissus fuit. Et hoc pacto denique intelligi potest, quomodo *Eliezer* f. Hyrcani *Necessitatem* Baptismi hujus negare potuerit; quia scilicet tempore ejus adhuc arbitrarius erat, ejusque *Necessitas* postea demum ex *Decreto Sapientum* introducta. Sic enim legitur in *Gemara Jebhamoth*, quod *SAPIENTES PRONUNCIAYERINT*, nimirum post illam disceptationem *Eliezeris* & *Josue*, seu occasione ejus per modum Statuti perpetui, quòd *NON SIT PROSELYTUS DONEC CIRCUMCISUS ET BAPTIZATUS FUERIT*. vi. Ratio verò, ob quam Pharisei *Baptismum* junxerint *Circumcisioni* in Profelytis, *incerta est*. *An ob differentiam Samaritanorum*, ut voluit *Schikkardus de Jure Regio p. 329.* qui sola *Circumcisione* mittebant Profelytos in *Sectæ suæ Communionem*? *An*, quia Profelyti, ex *Gentibus Circumcisis*, jam *Circumcisi*, hoc *Ritu Baptismi*, *Necessitatis* causâ intercedente, recipiebantur in *Fœdus* cum Deo, ideo etiam hunc unâ cum *Circumcisione* in aliis Profelytis ex *Gentibus præputiatis* jungendum censuerunt? ut

judicavit *Danxius de Baptismo Profelytorum* §. XXI. XXII. An verò ut *Communem omnium Populorum morem* sequerentur, apud quos receptum erat, ut Vitæ & Professionis Mutatio signo conspicuo *Ablutionis*, & ubi magna esset Mutatio, *Mersationis* exprimeretur. Quemadmodum sic *Isidos* & *Mithræ* ut & *Eleusiniis* Sacris initiabantur per *Lavacrum*? ut *Grotius* supra §. III. laudatus. An denique ex doctrinâ *Regenerationis Civilis*, de quâ modò diximus, quæ effectus erat *Profelytismi*, & quâ *Profelyti* similes fiebant recens natis *Infantibus*, unde *Infantium* instar aquâ abluendi erant, coll. *Ezech.* xvi. 9, in signum novæ Generationis suæ? Non liquet, nec ideo determinari potest; & si determinari posset, non multum utilitatis inde in nos redundaret. VII. Si dicamus Christum transtulisse hunc Ritus Judaicum in Ecclesiam Christianam, atque consecrasse in Primum Sacramentum N. Fœderis, nihil dicemus, quod Domino indignum esset, aut quod Dignitati Sacramenti hujus, vel Divinæ ejus Institutioni in perpetuum N. T. Sacramentum, repugnaret. Non enim sic commendasset Traditionem oralem *Pharisæorum* ut alterum Dei Verbum suscipiendum. Neque ex eo sequeretur, Baptismum Christianum ut Ritus temporarium modò esse institutum ad lucrandos Judæos in initio Christianismi; atque adeo his nunc rejectis non amplius esse necessarium Baptismum. Existimamus interim non instituisse Dominum Baptismum nostrum, ut se accommodaret moribus *Judeorum* magis quàm *Gentilium*, apud quos celebria *Initiamenta*, ut diximus, Baptismo aliquo peragebantur. Nimirum hic Ritus, lumine Naturæ inventus à *Gentilibus* ac *Judæis*, & desumptus a Communi infantes recens natos Abluendi more *Ezech.* xvi. 9, placuit Auctori Naturæ, quem inter Sanctissima cultus sui Instituta ac Gratia suæ Symbola, ut Aptissimum referret. Primum Gratia Beneficium quod Electis in tempore confert est *Regeneratio*, quâ transferuntur actu ex Statu Naturæ in Statum Gratia, novumque cor ac renovatam Spiritu mentem recipiunt, ejusque primus Effectus

fectus est Fides quâ uniuntur cum Divino Sponsore suo. Hinc *Primum* Gratiae Sacramentum instituit *Baptismum*, quo credentes, eorumque Liberos Spiritu fidei ex Promissione donatos, denuò *Infantari*, id est, Figuram, Imaginem ac Signaculum *Regenerationis* suæ recipere voluit. Quare Paulus Baptismum vocavit *Lavacrum Regenerationis* *Tit. iii. 5*, non quia hanc efficit, sed supponit & obsignat iis, qui jam per Gratiâ Dei Vorticordiam ἀφ' ὕδατος & βέρον facti sunt. Atque hæc quidem est Principalis Ratio, ob quam hunc *Ritum* instituit Dominus; non tamen Unica. Plura alia Myſteria Gratiae Divinæ erga Electos & Credentes aptiſſimè illo significantur. *Ablatio* Reatus & Maculæ peccati connati & actualis omnis commodiſſimè per *Ablutionem* sordium corporalium nativitatæ noſtræ exprimitur. Unde Baptismus ut ſignum Remiſſionis & Ablutionis peccatorum proponitur *Marc. i. 4. Act. xxii. 16. i. Pet. iii. 21.* Præterea Imputatio Juſtitiae Chriſti, & Communio Mortis ejus Vicariæ, nec non Reſuſcitationis Ejus, vix alio evidentiori Symbolo repræſentari poſſunt quàm *Immersione* & *Emerſione* Baptiſmali: quod egregie Magnus Gentium Apoſtolus declaravit *Rom. vi. 3. 4. 5. 6. Coloff. ii. 12. 13.* Itaque *Ritus* hic naturali ratione inventus, qui placuit Gentilibus, ut Mutationem Vitæ qualemcunque exprimeret, atque Judæis, ut Regenerationem Proſelytorum Civilem ſignificaret; idem placuit Domino, ut faceret Eum Primum ac Perpetuum N. Fœderis Sacramentum: non adèd quia placuit Judæis vel Gentilibus, & ut ſe ſecundum mores horum vel illorum compo- neret, & Chriſtianiſmum in cultu externo formaret; quàm quidem quia *Aptiſſimus* erat ad Gratiae ſuæ Myſteria ſignifi- canda & obſignanda. VIII. Concludo tandem, ſi Baptismus Proſelytorum obtinuit ante Chriſtum, non opus fuiſſe peculiari mandato, quo & infantes baptizari expreſſe juberentur: opus autem ſingulari interdico fuiſſe, ſi eos Chriſtus Baptiſmum N. T. inſtituens, baptizandos noluiſſet, ut bene ſcripſit Carp-

zovius in Notis ad *Schikkardum* p. 330. 331; quia scilicet Parvuli & *Infantes* simul cum *Parentibus* baptizabantur, quod idem ex *Gem. Cetubboth* & *Maimonide* cum Aliis probavit. Malè tamen ex eo inferunt Alii, infantes Fidelium non esse baptizandos, quia Liberi post Profelytismum Parentium nati non baptizabantur apud Judæos. Nam Baptismus natorum ex Christianis sequitur ex *Circumcisione* natorum ex Fœderatis, imo & ex Profelytis, juxta institutum Divinum, in cujus Circumcisionis locum successit Baptismus noster, quatenus est Sacramentum perpetuum N. T.



DISSERTATIO DECIMA SEXTA
DE
CHRISTO PRIMOGENITO.

AD

HEBR. Cap. I. vs. 6.

I.



Memorabilis est apud THEODORETUM *Lib. v. Cap. xvi.* Historia de Amphilochio Iconii Episcopo, qui, postquam frustra petiisset ab Imperatore Theodosio ut Arianorum conventus ex Urbibus pellerentur, iterum Palatium introgressus, adstantemque Imperatoris conspiciens filium Arcadium, participem Imperii paulò ante designatum, ipsum quidem Imperatorem de more veneratus fuit, sed honorem Filio nullum exhibuit, etsi monitus quoque esset ab Imperatore. Cui, cum indignè hoc ferret, atque Filii despectum factam sibi injuriam interpretaretur; Sapientissimus Amphilochius facti sic rationem aperuit, dicens: sicuti Tu graviter succenses contumeliosis in Filium tuum, sic & Univerforum Deus eos detestatur, qui Unigenitum ejus Filium blasphemant. Quod ejus Dictum pariter ac Factum admirans Imperator, Legem mox scripsit, quæ Hæreticorum conventus prohibebat. Hactenus THEODORETUS. Rectè Theodosius irascebatur Amphilochio, quia æqualem denegabat honorem Filio, cui Pater æqualem concesserat Potestatem. Sed & Amphilochius non minus rectè ad-

monuit Imperatorem, Deum Patrem iratum fore illi, qui Filio æterno, Paternique Dominii Hæredi ac Consorti, æqualem cum Patre non haberet honorem, hujusque immi-
 nutionem ac læsionem pro muneris ratione & viribus suis non impediret. Certè si æqualitas Potestatis Filii cum Pa-
 tre inter Homines *ισοκρίαν* Ejus cum Patre infert; multò
 magis id obtinet in Christo Filio Dei naturali ac æterno.
 In Humanis enim Potestas à Potentia agendi quod decet &
 lubet separari potest, & haud rarò separata est. Neque
 etiam Pater simul cum Potestate regnandi omnem Eminen-
 tiam Virtutis & Roboris ad Exercitium Potestatis necessari
 communicare potest. Sed in Divinis Pater non modò de-
 dit Filio omnem in cœlo & terra Potestatem, utendi cunctis
 creaturis in bonum Ecclesiæ, imperandi Angelis & Homini-
 bus, corda peccatorum flectendi in obsequium Dei, mor-
 tuos suscitandi, & Universale Judicium habendi: Verùm
 etiam dedit simul Filio suo per ejusdem numero Essentiæ Di-
 vine communicationem omnem Potentiam, omnemque in-
 finitæ perfectionis ac virtutis Eminentiam, absque quâ nec
 Universalis illa Potestas dari, nec exerceri poterat. Multò
 magis itaque ex æqualitate Potestatis Filii cum Patre, quæ
 fundata est in ejusdem numero Essentiæ ac Potentiæ infi-
 nitæ communicatione naturali, sequitur æqualitas Hono-
 ris cum Patre. Omnem enim Eminentiam illam Dignita-
 tis possidet propter quam Deo Patri summos honores de-
 ferimus, eum supra omnia æstimamus, fiduciam in eo col-
 locamus, obsequium absolutum ei præstamus, ac in omni-
 bus ab eo dependemus. Unde Spiritus Sanctus in *Psalmo*
secundo, Filium, ab æterno genitum naturalem, cui proin-
 de dari potuit soli, & datum est Jure Redemptionis Im-
 perium ad fines terræ extensum, jungit cum Patre ut ei
ισόκριον. *Colite Jehovah (Patrem) cum reverentia, & ex-*
sultate cum tremore. Osculamini Filium ut non irascatur.....
beati omnes qui se recipiunt ad eum. Similiter ipse Domi-
 nus noster sibi æqualem prorsus cum Deo Patre Honorem
 debe-

deberi, ex identitate Essentiæ ac Potentiæ, in operibus naturæ & gratiæ conspicuâ, atque ex æqualitate potestatis sibi concessæ, docet: *Pater meus usque adhuc operatur, & ego operor quæcunque enim ille facit, hæc etiam Filius pariter facit sicut enim Pater suscitatur mortuos & vivificat, ita & Filius quos vult vivificat. Nec enim Pater judicat quemquam, sed omne iudicium dedit Filio. Ut omnes honorent Filium prout honorant Patrem, qui non honorat Filium, non honorat Patrem at qui miserit eum. Joh. v: 17 - 23.* Quare etiam Paulus hoc in Capite Primo Epistolæ ad Hebræos Doctrinæ suæ; de *Æqualitate Potestatis* Christi cum Patre, Hæredis omnium *vers. 2*, ac sedentis ad Dextram Majestatis illius in excelssimis *vers. 3*. atque de *Identitate Essentiæ Divinæ*, quam habet à Patre Filius ejus naturalis ac æternus *vers. 1, 3, 5*. quæque ex Identitate potentiæ, per quam Mundum condidit *vers. 2*. omniaque portat creata *vers. 3*. & ex Identitate infinitæ dignitatis, per quam Morsejus Vicaria æquivalens pro æternis pœnis nostris solutio effecta est ad purificationem peccatorum nostrorum promerendam, necessariò sequebatur: Huic, inquam, Doctrinæ suæ jungit Doctrinam de *Æqualitate Honoris summi* ac Religiosæ Adorationis, illi æque ac Patri debitæ, ac ab ipsis Angelis deferendæ, quando dicit in Textu: QUANDO AUTEM ITERUM INDUCIT PRIMOGENITUM IN HABITABILEM, DICIT, ET ADORENT EUM OMNES ANCELI DEI. Imo sic simul ex hac *ἰσοτιμία* solidè infert ipsum verè esse Patri *ὁμοούσιον*, ac nomen *Filii Dei*, eminentissimo sensu, propter communicationem ejusdem numero Essentiæ Divinæ summè Venerabilis, ei dari, ac datum fuisse in Oraculis Propheticiis modò *vers. 5*. laudatis.

II. Nempe per particulam *δι*; quâ connectit hunc *Versum sextum* cum superioribus, quæque heic non est *adversativa*, uti SEB. SCHMIDIUS voluit, sed *transitiva* ac *progressiva*, idem quod porro præterea denotans; progreditur Apostolus ad aliud & Novum Deitatis Christi summæ, atque

que adeo *Præstantiæ* ejus infinitæ *supra* omnes *Prophetas* & cœlestes *Angelos*, Argumentum. Scopus Pauli est in hac Epistola Hebræos in Fide Evangelii confirmare. Cum vero hujus Evangelii fundamentum ac præcipuum Caput sit Doctrina de verâ & summâ Deitate Mediatoris, à Judæis & Judaizantibus Christianis tunc impiè negatâ, ab hac Doctrinâ incipit tractationem suam in hac Epistolâ. Nec modò pro auctoritate suâ Apostolicâ magnificis & efficacissimis Verbis eam tradit, *vers.* 1, 2, 3. sed & solidè *probat* ex Oraculis Prophetarum, *Christum* fore *Verum* & *Summum Deum*. Probat hoc verò: *Primò* ex *Nomine Filii Dei Divino* Ei a Prophetis dato *vers.* 4, 5. *Secundò* ex *Honore Divino* Messiæ ab ipsis Angelis deferendo, in *Versu nostro textuali sexto*: dum in sequentibus idem ex *Regno Divino*, & *Opere Divino*, Messiæ pariter adscriptis in *Pf.* XLV. 7, 8. CII. 26, 27, 28. CX. 1. egregiè demonstrat.

III. Continet itaque Textus noster *Argumentum* Pauli *Secundum*, pro Verâ ac summâ *Deitate* Messiæ, ex *Divino Honore* illi, etiam ab ipsis *Angelis* dando petitum, atque desumptum ex *Oraculo quodam Prophetico*, in quo Angelis *mandatur*, ut Messiam, *secundò* in *Orbem terrarum inductum*, *adorent*. Dignissimum proinde est hoc Argumentum quod tractandum nunc suscepimus. Sed & aliquantulum difficilem reddiderunt verborum horum intelligentiam Eruditorum Disputationes; *tum* de *particulâ πάλιν*, quam justo loco heic non esse positam quidam contendunt; *tum* de *Verbis Mandati* Divini de Adorando ab Angelis Messiâ, an ex *Mose* an ex *Davide* sint citata; *tum* denique de *Introductione iteratâ* Primogeniti in terram habitatam, quomodo sit intelligenda, an de *Introductione Corporali* an verò *Spirituâli*, *Visibili* an *Invisibili*, & tandem quo sensu *Bis* in orbem terrarum inductus Messias dici queat. De quibus omnibus ad Verborum horum elucidationem breviter & clarè dicturi & scripturi quæ cogitavimus, paulò distinctiùs agemus

mus de *Mandati Divini* heic occurrentis; primò *Objeeto*; dein *Tempore*; denique *Argumento*.

IV. OBJECTUM est Πρωτότοκος & PRIMOGENITUS. Hic est, non ad literam, & sensu leviori, David, uti absurdissimè GROTIUS, sed nullus alius quam JESUS CHRISTUS. Hoc enim ex totâ serie sermonis Paulini de Christo ut principali subjecto instituti, & huc usque continuati, manifestum est. Hoc porro ex Scopis Apostoli, qui est Christi præstantiam supra Angelos demonstrare, satis constat. Hoc præterea ex honore Divino huic Primogenito ab ipsis Angelis dando evidenter liquet. Hoc denique confirmatur ex ipso *Primogeniti* titulo, Messiae dato in V. T. *Psalms*. LXXXIX. 28, 29. & in N. T. *Rom.* VIII. 29. *Coloss.* I. 15. 18. *Apoc.* I. 5. In quibus N. T. locis Primogenitus *inter multos fratres, omnis creaturæ, & ex mortuis* dicitur. Hic vero absolutè PRIMOGENITUS appellatur.

V. Non propter *Generationem* ejus ex *Matre* Virgine, quâ Homo est, cujus ille aperuit vulvam, atque ideo *ejus* πρωτότοκος & vocatur, non solum *Luc.* II. 7. sed etiam *Matth.* I. 21. Nam si hoc intendat Paulus, cur Matris nomen non addit? Et manifestum est Apostolum, neque in Epistola ad Romanos, neque ad Colossenses, cum relatione ad Matrem hoc titulo ornasse Dominum nostrum. Ex quo & hoc in loco relatè ad Matrem ita neutiquam appellasse eundem meritò colligimus.

VI. Neque etiam propter *Generationem* ejus ex Deo *Patre* in Filium proprium; multo minus in Filium metaphoricum, quod pessime urgent nonnulli, ita eum vocavit hîc Paulus. Prius illud volunt multi Orthodoxi, nempe quòd *Primogenitus* dicatur ratione Patris, & propter *Generationem* æternam, per quam Filius Dei naturalis & proprius extitit ante omnes alios Adoptivos & Metaphoricos Dei Filios, utpote qui omnes extra Essentiam Dei Patris sunt geniti ac producti libera Dei Voluntate in tempore, dum Christus intra ipsam Dei Essentiam, naturali processio-

ne ex Patre est genitus, nec unquam initium existendi habuit; ita Primogenitus ut simul sit Unigenitus ratione Generationis ejus ex Deo Patre. Et hi non solum conferunt Locum *Coloss. 1. 15.* ubi *Primogenitus omnis Creaturæ*, id est genitus a Patre antè omnem Creaturam, appellatur: sed præterea observant, quòd omnis Primogenitus, proprie dictus, ita dicatur relatè, vel ad Matrem, (quod heic fieri non est probabile) vel ad Patrem, ad quem hoc titulo referri necessariò debere Christum contendunt. Et ad quem Patrem nisi Deum? a quo genitus perhibetur in Sacris *Psalms. 11. 7.* qui locus in antecedente Versu cum allegatus esset à Paulo, maximè verisimile est ad eundem nunc in Titulo *Primogeniti* respexisse: ita ut hoc sensu quasi dixerit Apostolus. *Quando autem hunc Primogenitum suum Filium Deus Pater iterum introducit in orbem terrarum, dicit &c* Urget hoc cum Aliis Eruditissimus GOMARUS, qui, postquam dixerat hoc titulo ad *Patrem* referri Christum; & observasset quosdam illum referre ad *Divinam* ejus *Naturam*, qua est *Unigenitus*; ita pergit: *Quæ expositio videtur convenientissima; quia Apostolus versibus antecedentibus probavit Jesum esse Filium Dei, a Patre genitum; jam vero aptissimè sequentia connectens, cum vocat Primogenitum.* Deinde notum etiam illud est, epitheta & periphrases solere sæpius eleganter assertionibus inferi, aut præmitti, ad probationem, aut amplificationem earum: ita hoc loco declaratur, Christum meritò adorandum, utpote qui sit *Primogenitus Dei Filius*; quia ante eum nullus: & simul, ut alibi exponitur, *Unigenitus*, quia solus est proprius *Dei Filius* *Joh. 1. 18. Rom. VIII. 32.*

VII. Sensus quidem hic est satis Orthodoxus, sed dubito admodum an intentus sit ab Apostolo in *hoc Titulo*, heic & alibi Christo dato. Supponunt hi Interpretes, Paulum stylum suum immediatè præcedentem proseguì, ita ut, quem *Filium Dei* naturalem ac *Unigenitum* probaverat ex Oraculis Prophetis, nunc appellet *Primogenitum ejus Filium*. Verum si rem rectè perpendamus, mutat potius stylum

lum suum Apostolus quam profequitur. Si persequeretur stylum dicere debuisset, *quando autem HUNC Primogenitum suum iterum inducit in orbem terrarum.* Laudaverat enim Verba Patris, *Filius MEUS es tu.* Certè haud absque ratione factum videtur, quod ita studiò abstineat Spiritus Sanctus, & a nomine *Dei*, & a *pronomine* relativo ac possessivo, quando *Primogeniti* titulum Christo tribuit; etiam ubi contextus ac perspicuitas sermonis ea ut adderentur postularent omnino, si hoc titulo ipsum ad Deum Patrem ut Filium ab ipso genitum referendum velit. Et quænam alia potest esse hujus studiosæ abstinentiæ ratio, quàm ut nos doceat hoc titulo Christum ad Deum Patrem ut Filium ab ipso genitum neutiquam referri. Interim mutat quidem Nomen Apostolus sed non Subjectum. Idem subjectum, Filium Dei naturalem, appellat nunc alio nomine absolutè posito *Primogenitum*, ut eum sub alia *æd* nobis contemplandum sisteret. *Filium* esse & *Hæredem* esse sunt conjuncta quidem *Matth. xxi. 33. Rom. viii. 17.* attamen distincta. Quemadmodum quem *Filium* dixerat *vers. 1.* mox *Hæredem* vocat *vers. 2.* sic etiam, quem *vers. 5. Filium Dei* esse dixerat, nunc vocat *Primogenitum* inproprie, id est *Hæredem* ac *Dominum omnium.* Primogeniti enim erant post Patres Domini Familiarum, & præ fratribus *Hæredes coll. Luc. xv. 12.* Concedimus itaque Præstantissimo GOMARO Apostolum in hoc Titulo eleganter præmittere *Fundamentum religiosæ adorationis* circa eum, ut *Dominum omnium*, ab Angelis exercendæ: sed & simul observamus, hoc Titulo appositè uti quoque Paulum, ut *causam iteratæ introductionis* Christi in Orbem terrarum indicaret. Nempe hoc debebat fieri, quia erat *Primogenitus*, id est *Dominus & Heres gentium & finium terræ. Psalm. ii. 8.*

VIII. Diximus Spiritum Sanctum in Sacris sollicitè cavere, ne Titulo *Primogeniti* Christus ad Deum Patrem referatur ut ab ipso genitus *Filius*; atque ideo nunquam eum ap-

pellare vel *Primogenitum Dei*, vel aliquo *pronome* ad Patrem referre. Et profectò non potest commodè Dei *Primogenitus* appellari *propter generationem a Deo Patre in Filium Ejus*. Ratio est, quia *Primogenitus* ad literam in Generatione ejusdem speciei ac naturæ, cujus & alii vel sunt vel possent esse participes, tempore primus est. *Primogenitus* propriè est *primus genitorum*. Jam verò vocibus in superlativo, uti est *πρῶτος* & *primus*, non utimur, ubi personæ vel res toto genere aut specie differunt. Nemo enim diceret Deum sapientissimum Hominum sed eis sapientiorum: sicuti & nemo Hominem appellaret prudentissimum bestiarum terræ aut volatilium cœli, sed iis prudentiorum quidem *Job. xxxv. 11*. Propriè itaque *Primogenitus* est *primus genitorum* ex parente, qui cum illo *eandem genere* communem habent genituram. Si ergo Christus ratione Generationis Divinæ ex Deo Patre diceretur *Primogenitus*, proprio sensu ita dictus, sequeretur necessariò, plures dari vel saltem dari posse ejus fratres, ejusdem specificæ Generationis Divinæ cum ipso participes. Sed absurdum est Consequens. Etenim Generatio Divina naturalis ipsi soli competit *Dei Unigenito*. Quare propter Generationem Divinam ex Patre naturalem *Primogenitus* dici nequit. Sequitur ergo propter Generationem Divinam aliam, liberam nempe & metaphoricam, ita appellari, cujus ratione omnes Fideles, ejusdem specificæ Generationis Divinæ consortes, haberet suos Fratres. Sed cave Lector ne unquam ejusmodi Generationem liberam in Filium Dei Metaphoricum Christo tribuas. Est ille *Unigenitus Dei*, non solum quia ille solus a Patre naturali Generatione procedit, sed etiam quia in Generatione sua Divina, ex qua Filius Dei est & dicitur, nullos habet Fratres. Hoc titulo *Unigeniti Filii Dei* ergo Unica Generatio & Filiatio Divina Christo evidenter tribuitur, & excluditur omnis Metaphorica. Est quoque *proprius Dei Filius*. Sed proprius ejusdem Dei Patris nunquam fieri potest Filius ejus Metapho-

phoricus. Aut negari debet perfectio Generationis ejus naturalis, omnisque per eam similitudinis consummatissimæ cum Deo Patre collatio, & statui quod hæc revera nova aliquâ Generatione aut Filiatione Metaphoricâ perfici possit. Aut negari debet Personæ Unitas in Christo, naturarumque Divinæ & Humanæ Unio Hypostatica, cujus sequela est communicatio idiomatum. Nam si hanc verè credas, jam credis etiam Christum Hominem ab initio existentia suæ fuisse Filium Dei naturalem proprium Unigenitum æternum: atque adeo cum in assumpta etiam Humanitate fieri non posse Filium Dei Metaphoricum & Adoptivum. Filius Creator creatura quidem in altera natura unita fieri potuit, & servus Dei, non verò Filius ejus ex adoptione, qui talis naturâ fuit ab æterno. Hæc sunt vera, solida, æternæque Veritatis fundamenta, quibus innixi Ephesini Patres damnarunt illud Nestorii; *Nomen Filii Dei in Christo indicare duas naturas*: & Francosurtani illud Elipandiac Felicis; Christum esse Dei Filium, *Unigenitum in Natura, & Primogenitum in adoptione & gratia*: de quo egimus in Lib. de *Nestorianismo* &c. Cap. III. §. XLVIII.

IX. Deinde etiam nullus video, quomodo propter Generationem Divinam metaphoricam ac liberam *Primogenitus* dici queat, si literæ vocis inhærere velis. Si dicas ita genitum esse in Filium Dei per *Miraculosam Humanitatis Sanctæ productionem*, jam dekeris literam. Vox enim *primus* in Voce Primogeniti proprie sumptâ semper notat *tempore primum* genitum. Sed Adamus immediate a Deo creatus cum Imagine ejus sic præcessit, & fuit inter omnes Homines Filius Dei primo genitus. Si statuas porro ita genitum esse a Deo, per *Resuscitationem ex morte*, iterum literam relinques, nam plures ante Christum ex morte resuscitati fuerunt, & Moses etiam in monte visus ad vitam immortalem, uti maximè probabile est. Si insles, neminem tamen ante Christum virtute propria esse resuscita-

tum; dicam Ego, etiam neminem post eum, sed ipsum solum ita resurrexisse. Atque adeo ipsum hoc respectu potius dicendum esse Unigenitum Dei Filium quam Primogenitum. Si ponas denique eum ita genitum esse in Dei Filium per *Munus Mediatoris* ipsi destinatum ac collatum, monere rursus debeo, Te sic quoque a litera abire. Primogenitus est propriè, qui ex ejusdem speciei generatione vel habet, vel habere potest Fratres, tempore modò reliquos præcedens. Sed Munus Mediatorium Divinum Munus est, cui gerendo nulla creatura nuda sufficit, cujus respectu itaque non Primogenitus sed Unigenitus iterum vocari deberet. Est enim Unicus Mediator Dei & Hominum, neque in hoc Munere fratres habet ejusdem Generationis, neque habere potest *Jer. xxx. 21.* Si dicas Prædestinationem ejus in Mediatorem illam reliquorum *eis υιοθεσίαν* præcessisse, & hoc respectu Primogenitum vocari; regeram Ego; me quidem concedere, etli Prædestinationis æternæ tempori non sublit, opificio mentis nostræ tamen nos alia priora alia posteriora posse cogitare decreta ordine naturæ talia; sed simul me negare sic ordine naturæ Prædestinationem Filii in Mediatorem præstruendam esse Prædestinationi nostræ in Filios adoptivos, nisi statuere velis Deum prius cogitasse de Medico, & postea de sanandis ægris, ordine sane præpostero, Universalismo etiam favente.

X. Et infeliciter conferunt profectò, qui Primogenitum dictum volunt Christum propter Generationem Divinam ex Deo Patre suo, Locum ex Epistola ad Colossenses, ubi *Primogenitus omnis creaturæ* appellatur, quasi apertum satis esset Eum ita vocari, quia *genitus est ex Deo Patre ante omnem creaturam*. Egimus de hoc Loco haud indiligenter in Libro de *Nestorianismo* &c. Cap. XII. §. CLVII. — CLIX, ad quem Lectorem remittimus. Nunc tantùm hoc addimus. Qui propriè ratione genituræ suæ ac primitatis (ut ita dicam) appellatur Primogenitus,

tus, is, ex omni loquendi usu, ponitur, *QUA GENITUS*, in Numero & Ordine illorum, quorum dicitur Primogenitus, & utrisque generatio genere vel specie eadem tribuitur. Si ergo Christus heic sensu proprio propter Generationem in Filium Dei dicatur Primogenitus, necessario sequitur, ut non *qua Homo & Creatura*, sed *QUA FILIUS DEI GENITUS*, in ordine & numero *Creaturarum* ponatur, & consequenter ut *qua Filius Dei genitus* sit; vel *Creatura* extra essentiam Dei libere producta ante hunc mundum, quod voluit Arius; vel *Creatura nova*, ante omnes alios fideles N. T., Deo similis ea Sanctitate, qualem in Novo fœdere præcepit, quod volunt Sociniani. GREGORIUS NYSSENUS Orat. II. contra Eunomium, C. II. p. 453. ut Arii telum ex hoc loco evitaret imprudenter prælusit Socino, *Primogenitum* scribens dictum fuisse Christum propter *similem per aquam Baptismi & Spiritum Generationem Divinam*, *cujus nos cum ipso participes facti sumus*. Alii verò Enallegen graduum heic esse, atque superlativum $\pi\rho\omega\tau\acute{o}\tau\omicron\chi$ vel pro positivo $\pi\rho\acute{o}\tau\omicron\chi$, vel pro comparativo $\pi\rho\acute{o}\tau\epsilon\rho\omicron\chi$ positum, statuerunt. Adco ut $\pi\rho\omega\tau\acute{o}\tau\omicron\chi$ heic idem esset ac $\pi\rho\acute{o}\tau\omicron\chi$ *prægenitus*, vel ac $\pi\rho\epsilon\tau\epsilon\rho\acute{o}\tau\omicron\chi$ *prius genitus*. Sed insolens prorsus est ejusmodi Enallege in voce $\pi\rho\omega\tau\acute{o}\tau\omicron\chi$. In simplici $\pi\rho\acute{o}\tau\omicron\chi$ quidem reperitur Job. I. 30. verum nullibi in compositâ hac voce $\pi\rho\omega\tau\acute{o}\tau\omicron\chi$. Utique sic Secundus Filius ratione Tertii, & Tertius ratione Quarti posset dici *Primogenitus*, id est, *Prægenitus*, vel *Prius genitus*. Sed detur mihi vel unus locus ubi hoc occurrit. Deinde si detur talis, nihilominus tamen improbanda esset hæc Vocis de Christo adhibitæ acceptio; quia & sic *qua Filius Dei genitus* in ordine & numero eorum poneretur, quorum respectu diceretur *Prægenitus* vel *Prius genitus*, quia hoc sensu $\pi\rho\omega\tau\acute{o}\tau\omicron\chi$ ille propriè diceretur, qui ejusdem specie genituræ cum reliquis, quibus tempore generationis modò præfertur, esset particeps.

XI. Concludimus ergo quod *Primogeniti* Titulus Christo non detur *propter Generationem Divinam ex Deo Patre*. Si verò dicas; *quomodo Primogenitus est, si non genitus?* Respondeo: eodem modo quo Rabbini Deum, quem unum personam esse, neutiquam verò Genitum ab alio esse, credunt, appellant *Primogenitum Mundi*, id est, Dominum ejus; & quo Scriptura vocat Diabolum *Primogenitum mortis*, id est, mortis imperium habens *Job. xviii. 13*; imo simili modo quo Imperatores Romani jam à longo tempore *Cæsares* dicti sunt. Quod nomen primò quidem inditum est probabiliter alicui ex Juliorum gente, quia cæsus erat ex matris utero. Exinde vero nomen Familiæ evasit, & tandem nomen Principatus, quo Imperatores Romani insigniti fuerunt; quodque nihil aliud in illis nunc significat quam Imperatorem ac Principem; nihil autem ejus propter quod primò alicui ex populo Romano datum est. Simili ergò modo: quo Carolus Sextus Imperator hodie appellatur *Cæsar*, nec tamen cæsus est ex matris utero, neque Elephantem, qui linguâ Maurorum Cæsar dictus perhibetur, occidit, neque cum Cælarie magnisque crinibus natus est, neque cæcios oculos habet: vocatur Christus *Primogenitus*, absque ullâ ordinis genituræ connotatione, quia est Princeps & Dominus.

XII. Scilicet hoc Nomen Ipsi datur non propriè sed metaphoricè. *Primogeniti* sunt vulgò *Dilectissimi*, & *Desideratissimi*, *Micb. vi. 7. Zach. xii. 10, Honoratissimi Genes. xliii. 33. xlix. 8. coll. 1. Chron. v. 1. 2*; naturaliter Regni paterni *2. Chron. xxi. 3. Exod. xi. 5. xii. 29. 2. Reg. iii. 27.* & ex Lege duplæ portionis quoque, quæ בְּכֹרָה dicitur, *Heredes Deut. xxi. 15. 16. 17. 1. Chron. v. 1. 2*; Sacrorum denique ac Familiarum post Patres *Præfetti Gen. xxvii. 29. xlix. 3. Exod. xix. 22. coll. Exod. xxiv. 5.* Unde per Metaphoram hoc titulo ornantur Charissimi non solum & Desideratissimi, sed etiam & maximè Præstantissimi Virtute Fortunâ Munere Imperio. *Exod. iv. 22. Jer.*

Jer. xxxi. 19. 20. *Heb.* xii. 23. *coll. Jac.* i. 18. Si ullus certe Christus hoc titulo dignus est. Est Ille *Amor cæli Prov.* viii. 30. *Jes.* xliii. 1. *Matth.* iii. 17. *Job.* iii. 35. *Coloss.* i. 13. Deliciæ Generis Humani ac *Desiderium gentium Cant.* v. 16. *Hagg.* ii. 8, & dignus qui a nobis supra omnia & omnes æstimetur ac diligatur *Matth.* x. 37. Deinde si Primogenitus habet *Fratres* vel habere potest, etiam in hoc Primogenito similis est Dominus; quare Paulus eum vocat *Primogenitum inter multos Fratres Rom.* viii. 29. Non habuit quidem fratres uterinos ex Matre Virgine, attamen cognatos, qui Fratres ipsius dicti fuere *Gal.* i. 19. *Matth.* xii. 46. 47. Sed qua Homo est ex Adamo communi parente & Noacho, omnes Homines, & qua Judæus est ex Abrahamo Isaac Jacobo oriundus, omnes Judæos Fratres habet. Quorsum fortè respexit Paulus. *Nam & qui Sanctificat, & qui Sanctificantur, ex Uno, Abrahamo vel potius Adamo, sunt omnes. Quam ob causam non erubescit eos vocare Fratres Heb.* ii. 11. Præ aliis tamen omnibus Fideles & Sancti sunt Fratres ejus *Matth.* xii. 50. non solum ob morum similitudinem & inde sequentem etiam mutuum affectum: verum etiam, si ita velis, intuitu Generationis Divinæ ex eodem Patre. Unde ipse Dominus ait; *Proficiscere ad fratres meos, & dic eis, Adscendo ad Patrem meum, & Patrem vestrum Job.* xx. 17. Quorsum Alii Verba Pauli modò laudata ex *Heb.* ii. 11. referre malunt. Christus est Genitus à Deo Patre, *Psf.* ii. 7. & Fideles sunt Geniti *Job.* i. 12. 13. Est hîc Communis Genitura, & communis Filiatio Divina ac proinde Fraternitas, si *Nomen species, & Generalissimum Productionis* conceptum. Sed si *Rem ipsam* respicias, nempe Generationem ac Filiationem Divinam, hæc in Christo & fidelibus toto cælo totoque genere differunt. Ille est Filius Dei ex generatione naturali æterna per Communicationem ejusdem numero Essentiæ Divinæ. Nos sumus Filii Dei ex Generatione libera temporali per communicationem similitudinis qualiscumque cum

Deo. Christus est Filius Dei Natura, Nos Adoptione & Gratiâ. Quare significanter dixit *Adscendo ad Patrem*, non *Nostrum*, sed *Meum*, & ad *Patrem Vestrum*. Cave itaque unquam credas aut statuas, Christum dici Primogenitum, quia Fratres habet ejusdem genere vel specie Filiationis Divinæ secum participes. Non permittit hoc Gloria Unigeniti & Proprii Filii Dei. Unigenitus non potest habere Fratres ejusdem generationis ex eodem Patre. Proprius fieri metaphoricus nequit, etsi fratres adoptivos ex Generatione alia & Libera recipere possit Unigenitus & Proprius Filius. Non alios habet ex *Uno* Deo Patre Fratres quàm Adoptivos & Metaphoricos noster Dominus, Ipse non Adoptivus, non Metaphoricus, sed Proprius tantum & Unigenitus Dei Filius; atque sic per metaphoram etiam *Primogenitus* inter *multos Fratres*, id est *præstantissimus*, vocatur. Est enim Filius naturalis præstantior Adoptivo, in quo *Imago* tantum est Filii naturalis, uti Paulus ideo hoc eleganter expressit, nos esse prædestinatos *conformes IMAGINI FILII sui*, id est *eis ὁμοιωτάς Rom. viii. 29.* ut ipse Filius sit & fiat *Primogenitus*, id est PRÆSTANTISSIMUS & Dominus inter multos fratres, libera Dei Voluntate & Decreto tales. Quæ fufius in *Lib. de Nestorianismo &c. Cap. xiii.* tractavimus.

XIII. Atque adeo, ut in hujus metaphoræ expositione pergam, *Primogenito* comparatur Christus; non solum quia verè *Desiderabilis* est, aut quia *Fratres* habet; sed etiam & magis, quia inter *Fratres* est DIGNISSIMUS EXCELLENTISSIMUS PRÆSTANTISSIMUS. Optimè ANDREAS HYPERRIUS insignis Theologus. *Semper autem apud Hebræos nomen Primogeniti significat dignitatem & præeminentiam præ cæteris. Unde ipse populus Israël Exod. 4. vocatur filius primogenitus. Ac ius primogenituræ summam adferebat dignitatem, cuicumque illud cessisset, sive ei qui ante alios esset natus, sive post alium. Quod videre licet in Jacobo, qui junior erat, & tamen emerat ab Esu ius primogenituræ. Itaque convenit*

ut intelligamus, Christum ideo vocari primogenitum, ut significetur summa ipsius dignitas: atque ipsi convenire gloriam, potentiam, quæ nulli alteri filiorum Dei (quoniam tantum sunt filii per adoptionem, cum ipse sit filius naturalis) possit tribui. Cum Christo tribuitur, *DIGNITATIS & PRÆEMINENTIÆ* est nomen, *NON ORDINIS GENITURÆ*. Datur itaque hoc Nomen Honorificum & Excellentiae plenum Christo, ut ejus Eminentia in omnibus indicetur, & quod sit, ut cum paulo *Coloss. i. 18.* loquar, ἐν πᾶσι αὐτοῖς πρῶτος in omnibus ipse primas tenens. Uti revera sic primas tenet, & PRÆSTANTISSIMUS est inter Fratres suos. Primò *Ratione Generationis ac Filiationis suæ Divinæ*, quæ in Ipso non gradu major, sed toto genere alia est quàm in omnibus ejus Fratribus, uti modò dictum est. Unde Filii Dei nomen in ipso ἀγαθογενέτερον esse dixit Paulus *vers. 3.* De quo latius egimus in *Lib. de Nestorianismo &c. Cap. xxii.* Secundò *Ratione Humanitatis suæ assumptæ*. Sic est multò pulchrior effectus Filiis hominum *Psal. xlv. 3.* Humana enim natura ejus vi Unionis Hypostaticæ proximè infra Deitatis fastigium supra omnes reliquas creaturas erecta est. Qua Homo solus Ille inter mortales ex Virgine natus est Immanuel; & Sanctitate immaculata non solum, verùm etiam immutabili prorsus, qualis nec in ipso Adamo fuit integro, à primo conceptionis momento ornatus *Luc. i. 35. Heb. vii. 26. 2. Cor. v. 21. Dan. ix. 24.* Imò dici potest quòd dupla portio Donorum Spiritus Sancti Humanitati ejus cesserit *Jes. xi. 2. Job iii. 34. Ps. xlv. 8.* si velimus & hæc *Primogenita* transferre ad Primogenitum nostrum. Quare etiam multi Veterum, Christum esse Unigenitum, quia Deus est, sed *Primogenitum*, qua Homo est, præstantissimus nempe, meritò dixerunt. Quando autem Nonnulli eorum simul statuerunt hunc Titulum non competere Christo, nisi postquam Homo factus est, existimantes id solummodo posse dici Primogenitum, quod in suo genere summum est; errarunt, quia quod absolutè summum est, ut Deus ipse, Hebræis

pariter & gentilibus hoc titulo *Primogeniti* insignitur. Tertiò primas tenet *Ratione totius Personæ suæ*. Sic est verè Mirabilis. Æternus *πρὸ πάντων* existens *Col. 1. 17.* & simul in tempore factus; *Θεάνθρωπος*, Creator omnium & simul creatura; Pater noster, si ad Rem ipsam Generationis nostræ Divinæ metaphoricæ respiciamus, *Jes. ix. 6. viii. 18. LIII. 10. Psalm. cx. 3.* & simul Frater, si commune Filiorum Dei Nomen intueamur. Quartò denique *Ratione Munerum* quæ gerit. Sumus & Nos *Primogeniti*, *Sacerdotes & Reges* Deo facti, sed per Christum *Primogenitum illum ex mortuis Apoc. 1. 5. 6.* Aharonici fuerunt Sacerdotes in locum Patrum, & Primogenitorum suffecti, quatenus hi olim Patribus defunctis vel absentibus pro totâ familiâ Sacra faciebant; sicuti Levitæ eis successerunt in Ministerio quod Patribus Sacerdotibus præsentibus præstare solebant olim *Num. iii. 12. 13.* præ fratribus Deo consecrandi Ministri *Exod. xiii. 2.* Sed his omnibus longè præstantior est *Sacerdos* Christus, cujus modò illi fuere leviores Umbræ, Imagines, Typi, Homines nempe nudi, peccatores, pro suis etiam peccatis offerentes, mortales, brutas victimas mactantes, quæ nunquam peccatum verè tollere poterant. Dum Christus est *Sacerdos Divinus*, ex Jacobo & Israël quidem ut verus Homo, sed & ejus *Magnificus & summus Dominator Jerem. xxx. 21. Heb. v. 5.* Sacerdos etiam *Sanctissimus*, cui necesse minime fuit pro peccatis propriis offerre victimas *Heb. vii. 26. 27.* Sacerdos præterea *Singularissimus*, qui non sanguinem *alienum*, sed *proprium*, & per Spiritum Deitatis suæ æternum *semet ipsum* obtulit patiens & moriens in terra pro nobis, ipsemet Sacerdos, ipsemet Victima simul *Heb. x. 12. 13. 14. 15. 26.* Sacerdos porro *Efficacissimus*, qui unica sui ipsius oblatione verè expiavit peccatum omne, atque pro infinitis peccatorum nostrorum pœnis plenissimè satisfecit *Heb. ix. 26. 27. 28. x. 10. 11. 12. 14.* Sacerdos denique *Perpetuus & Unicus*, juxta ordinem narrationis Mosaicæ de Melchizede-

29, cujus nec finem vitæ, nec socios aut successores memoravit Moyses. Etsi in Aaronico sacerdotio fuerit typica præfiguratio Sacerdotis Christi; tamen nullibi dicitur Sacerdos secundum ordinem Aaronis, uti sapientissimè observavit Paulus *Heb. vii. 11.* Scilicet in Aaronico Sacerdotio fuit quidem excellentissima Imago Vicariæ passionis Christi pro peccatis solius Israël veri. Sed in Melchisedeci illo, prout occurrit in Historia Moysis, sine Patre, sine Matre, sine genere, sine initio dierum & sine vitæ, sine Sociis & sine Successoribus, fuit præterea excellentissima profectò præfiguratio Christi ut *Divini Æterni ac Unici Sacerdotis*; qui Sacerdotium habet ἀσβεστων quod nullo modo transmittitur, & uni personæ alligatum est, non uni Familiæ, ut fuit illud Aaronicum *Heb. vii. 15, 16, 17, 18, 21, 23, 24, 25, 28. x. 12.* In quo Aaronico Sacerdotio etiam Regnum cum minimè fuerit junctum Sacerdotio, uti in Melchisedeciano, exinde quoque *Primogeniti* Nostri Præstantia apparet, quod non modò Divinus Unicus ac Perpetuus Sacerdos sit, sed & *Rex ac Dominus* Fratrum suorum.

XIV. Itaque Quintò datur ipsi hoc Nomen maximè propter Eminentiam *Dominii*. Optimè Bullingerus, *Unigeniti* nomen *Divinitatis æternitatisque est argumentum*. *Primogeniti* vero nomen est *Dominii & Regni*. Ita est. Hæc est præcipua causa ob quam *Primogeniti* titulo insignitur. Nec quicquam obstat, quod & sic Deus Pater & Spiritus Sanctus pariter *Primogeniti* possent appellari creaturæ veteris & novæ. Nam nulla difficultas esset in eo si quis Deo Triuni propter Universale Dominium hunc titulum daret, sicuti Judæorum nonnulli Deum vocant *Primogenitum Mundi*, id est, Dominum ejus. Quando Christo datur hic Titulus in significato *Dominii*, non magis excluduntur a Dominio illo Divinus Pater ac Spiritus Sanctus, quam quando Paulus Jesum Christum vocat *unum Domi-*

num nostrum 1. *Cor.* viii. 6. Sicuti etiam ibidem Christus a Deitate non excluditur, quando Patrem vocat idem Apostolus *unum Deum* nostrum. Interim etsi jure Creationis Deus Triunus sit *Primogenitus Mundi*, id est, ejus Dominus, Filius Dei tamen solus jure Redemptionis est Dominus Ecclesiae & fidelium ut *Fratrum* suorum. Quia ille solus ut Filius naturalis *Fratres* adoptivos accipere potest, uti Pater & Spiritus S. *Filios* adoptivos, non *Fratres*. Hinc etiam in Scriptura soli Filio hic titulus datur, non Patri non Spiritui Sancto. Certè praeit manifestè Scriptura docens, *Primogeniti* Nomen Christo dari, ut Nomen *Auctoritatis Domini* ac *Regni*, ut significetur esse *Excelsus supra Reges terrae* *Pf.* lxxxix. 28. *Princeps & Caput Ecclesiae* *Coloss.* 1. 18. *Princeps Regum terrae* *Apoc.* 1. 5. uti ostensum est a nobis in *Lib. de Nestorianismo &c.* *Cap.* xi. xii. xiii. Et est profectò hoc sensu *Primogenitus* absolute, ob Regnum commune in omnia Divinum quod habet qua Deus cum Patre & Spiritu, & ob Regnum Mediatorium speciale, cum Gratia in Electos, tum Potestatis in cuncta creata, dirigenda ab Ipso in Bonum Ecclesiae suae. Commune illud Regnum fundatum est in Eminentia summæ Perfectionis Divinae, & in Beneficio Creationis & Conservationis omnium. Unde *Heres omnium* dicitur *vers.* 2. qui est *Filius* naturalis *vers.* 1. & qui *mundum condidit* atque *conservat* *vers.* 2. 3. & *Primogenitus* *omnis creaturae* vocatur id est *Dominus* ejus, qui est *Imago Dei invisibilis*, id est, *Naturalis* ejus *Filius*, & per quem *condita sunt omnia quae in caelis & quae in terra sunt*, . . . *omniaque consistunt* *Coloss.* 1. 15. 16. 17. & qui alibi ἡ ἀρχὴ τῆς κτίσεως ἔστιν, *Princeps creaturae Dei* appellatur *Apoc.* iii. 14. cujusque ut Creatoris dicitur esse *terra omnisque plenitudo* ejus *Pf.* xxiv. 1, 2. Speciale Regnum Mediatorium in Beneficio Redemptionis fundatum est, nimirum, & *Potestatis* in omnia ut subserviant saluti Electorum, de quo *Psal.* viii.

6, 7, 8, 9. *Matth.* xxviii. 18. *Job.* iii. 35. 1. *Cor.* iii. 22, 23. & *Gratiæ* in Electos. Hujus respectu dicitur *Primogenitus inter multos Fratres Rom.* viii. 29. *Princeps* ac *Primogenitus ex Mortuis*, id est *Caput* ac *Dominus Ecclesiæ*, ex *mortis Vicariæ* merito factus *Coloss.* i. 18, quemadmodum exposuimus Locum istum in prænominato Libro nostro, *Cap.* xii. Imo hujus respectu *Heri & Hodie Idem* fuit & est *Primogenitus*, id est *Dominus totius Domus suæ Heb.* i. 2. - 6. Olim *Davidis Dominus Psalm.* cx. 1. & *Hæres Vineæ Israël* *Matth.* xxi. 38, cujus *Soliam* ab initio orbis *Stabilitum* fuit *Psal.* xciii. 1, 2. *Mich.* iv. 8. Sed nunc *Regnum* ejus extensum est in omnem carnem *Job.* xvii. 1, 2. *Omniumque, Judæorum* pariter ac *Gentium Dominus* est factus *Act.* x. 36. *Rom.* x. 12. & sic iterum ut *Primogenitus in Orlem terrarum introductus*, uti loquitur *Paulus* porro in Textu, præmittens *Mandati* sequentis de *Adoratione* ejus *Religiosa*, ab *Angelis* etiam instituendâ, *Tempus*.

DISSERTATIO DECIMA SEPTIMA
DE
SECUNDA PRIMOGENITI
IN MUNDUM INDUCTIONE.

A D

HEBR. Cap. I. vs. 6.

I.

TEMPUS hoc ita describit Apostolus, ὅταν πάλιν εισαγάγῃ Primogenitum εἰς τὸν κόσμον. Ante omnia ad rectam horum Verborum intelligentiam monenda sunt quædam de particula πάλιν. Et quidem *Primò*, quòd non debeat loco suo moveri & transferri ad Verbum λέγει, sed referri ad Verbum εισαγάγῃ cum quo proximè connectitur in Textu. Trajectionem hujus particulæ, post Græcos plures unumque & alium ex Latinis Patribus, statuit ex nostris imprimis BEZA. *Primò*, inquit, *notanda est trajectio particulæ πάλιν rectè quoque à Syro Intt. observata. Nec enim significatur bis introductus Filius in mundum. Sed hac particula Apostolus testimonia conjunxit; ac si diceret πάλιν ὅ ὅταν &c.* Vertit itaque Beza. *Rursum autem, cum inducit Primogenitum in orbem terrarum, dicit &c.* Similiter Vetus Interpretatio Belgica. Verùm dudum à præstantissimis Interpretibus notatum est: quòd hæc Trajectio sit *dura* admodum & absque *ullo exemplo*: & præterea quòd minimè *necessaria* sit, quia omnino Christus *bis* in orbem habitabilem est intro-

introducitur, etsi non *bis* sit incarnatus; male enim supponunt hujus Trajectionis Auctores, quod non alia sit Primogeniti in terram habitatum Introductio quam per Incarnationem, unde illud BEZÆ, *nec enim bis est introductus*: & denique quod sic Paulus *Stylum* suum inchoatum antea & postea retentum *mutasset*. Ubi enim Testimonium novum adjungit, ibi constanter dicit *καὶ πάλιν*. Vide præcedentem *Versum Quintum*, & *Cap. II. vers. 13. 14.* Stylus itaque inchoatus & postea continuatus omnino postulasset, ut hoc in Loco scripsisset quoque, *καὶ πάλιν ἔτι* rursus, cum Primogenitum introducit in orbem terrarum, dicit. Particula ergo *πάλιν* omnino pertinet ad Verbum *Introducitur*. Ordo & structura Verborum hoc flagitant. Ne dicam de Psalmi xcvi. Inscriptione Græca ψάλλουσιν τῷ Δαυὶδ, ὅτε ἡ γῆ αὐτῷ καθίσταται, ad quam respexisse Paulum conjiciunt Nonnulli. *Secundò* & hoc observandum est, quod Alii in *constructione* quidem hujus particulæ *πάλιν* cum verbo λέγει abeant ab His Interpretibus, verum minime in *sensu*. Quod ab ipsis etiam ex eodem fonte fieri constat, quia nempe non aliam per Incarnationem Primogeniti in orbem terrarum Introductionem posse cogitari supponunt. Sic SEB. SCHMIDIUS particulam *πάλιν* ad verbum ἰσαγάγει quidem refert, sed hoc modo & sensu, ut intelligatur, non *Iteratæ* vel *Secundæ Introductionis* prædictio, sed unius ejusdemque introductionis per Incarnationem *iterata prophetia*. Ita ut *præma* & *secunda* extarent Psalm. II. 7. 2 Sam. VII. 14, juxta præcedentem *vers. 5.* sed *tertia* Psalm. xcvi. ad quam heic respiceret Paulus. Unde CALOVIVS; *Parum refert, si ve explicetur iterum, quando introducit, cum Syro, Vatablo, Hentenio, Sasboldo, Grotio; si ve reddatur, cum verò iterum introducit; quod tamen posterius simplicius est sine trajectione vocum, ἔτι magis congruit textui.* Cum iterum introducit Primogenitum in mundum, id est, cum iterum loquitur vel vaticinatur de introductione ejus in mundum, vel de Adventu ejus in has terras, ad erigendum regnum suum, qui

accidit in Incarnatione. Tertiò ex eodem principio, quòd Introductio Primogeniti in Habitabilem sit ejus Incarnatio, quæ semel facta est, cogitant Alii, quòd particula πάλιν ad Verbum εισαγάγη relata, heic esse queat Oppositiva, significans contra, ex adverso; ut sensus esset: quando verò hic, ratione Deitatis suæ ab æterno genitus Filius, ratione Humanitatis suæ e contra in tempore natus est, dicit &c. Atque adeo ut Nativitas Humana hac vocula πάλιν opponeretur Generationi Æternæ, uti loquitur JUSTINIANUS Jesuita, probans ex Demosthene, quòd πάλιν idem apud Græcos interdum valeat quod αἰαπάλιν, hoc est, e contrario, vel, ex adverso, seu, vice versa; & addens, Græcæ linguæ peritissimos monere, πάλιν non iteratam semper sed etiam contrariam actionem significare. Monuit hoc certè CAMERO in Prælect. ad Matth. xviii. 19, 20. Et hoc sensu pro è contrario sumitur in Sacris Job. xvi. 28. Gal. v. 3. Jacob. v. 18. Sed nemo non videt coactam & conquistam valde esse hanc interpretationem; in qua etiam malè supponitur, in voce Primogeniti ad literam denotatam esse Generationem Filii æternam; & quæ non aliam ob causam proponitur, quam ut Græcorum Patrum Auctoritas teneatur, qui unà cum Ambrosio, miro consensu, introducendi verbo Incarnationis Mysterium significari affirmant, uti scripsit idem JUSTINIANUS. Quartò itaque est hîc Particula πάλιν, ut ita dicam, Repetitiva actûs, Iteratam Introductionem significans; non indeterminate, sed determinate, Secundò, ἐκ δευτέρου, Altera vice (ten tweeden-maale) factam. Quemadmodum aliàs quoque sæpe sumitur Luc. xxiii. 20. πάλιν ἔν ὁ Πιλάτος προσεφώνησε, nam sequitur vers. 22. ὁ ᾧ τρίτον εἶπε πρὸς αὐτούς. Gal. i. 9. ὡς περὶ ἐκαστοῦ, & ἄλλο πάλιν λέγω &c. coll. cum vers. 8. Sic quoque Matth. xxvii. 57. coll. vers. 46. Gal. ii. 18. Heb. v. 12. vi. 1, &c. Hoc ergo dicit Paulus de Primogenito; Eum Altera Vice inductum esse in Habitabilem.

II. *Introducens non expresse nominatur, sed satis ex antec-*

recedentibus intelligitur. Non est Propheta in *Psalmo* xcvi. loquens. Neque est *Scriptura*, quam GROTIUS heic subaudiri debere, ut *Gal. iii. 16*, monet. Sed est *Deus* ipse in *Scriptura* & per *Prophetas* loquens. Et quidem *Deus Pater*, de quo *vers. 5, 6*. Τίς γὰρ εἶπεν ποτε ἢ ἀγγέλων, υἱὸς μὲν εἶ σὺ &c. Ille qui superiora illa testimonia dixit *Psal. ii. 7. 2. Sam. vii. 14*. Idem Ille & hoc dixit Angelis, ut adorent Primogenitum, & Idem ille Primogenitum induxit in Habitabilem.

III. *Terminus* ad quem sive *Subiectum* Introductionis exprimitur voce Ὀικουμένη *Habitabilis* vel *Habitata*. Significat hæc vox τόπον δεικνύσας *Locum habitationis*; verum non qualemcunque sed *terrestrem*. Subintelligitur enim ad vocem Ὀικουμένη omnium consensu Nomen γῆ *Terra*. Miscet itaque Cælum Terræ Sociniani & GROTIUS, quando per Ὀικουμένην heic intelligunt Cælum. Ita SCHLIGTINGIUS in *Commentario*. *Per terram autem istam non esse intelligendam hanc quam mortales incolimus, sed cælestem illam, quam aliquando immortales effecti incolemus, & Res ipsa, & D. iste Autor sequenti Cap. 2. 5. aperte declarat. Res ipsa, quod Christum hominem non ante Angeli adierunt, quam eorum Dominus & Caput evasit: hoc verò tum demum factum est, cum in cælum abiit, & ad dexteram Dei consedit, h. e. futurum illum orbem occupavit. 1. Pet. 3. 22. . . .* Auctor vero D. ipse seq. Cap. aperte ostendit, de quali terra loquatur, cum ait *vers. 5*. Non enim Angelis subiecit mundum, illum futurum (τὴν οἰκουμένην) de quo loquimur. Quid enim volunt sibi hæc verba, quæ addit, de quo loquimur.... Apparet hæc verba ita accipienda esse ac si dixisset: de quâ etiam paulò antè locuti sumus, vel, de qua, cum mundum vel terram in hac materia nominamus, loqui & verba nostra accipere solemus. Ita & CRELLIUS in paraphrasi: Porro autem, cum secundo in cælum Deus introduceret Filium suum Primogenitum (nam primùm illum in cælum eo tempore assumerat, cum cum edocere vellet ea quæ mundo esset promulgaturus, &

sic ad munus suum præpararet) dixit. Et adorent eum &c. Similiter GROTIUS, ad Heb. 1. 6. *Ὀικουμένη* est regio illa suprema quæ ab Angelis habitatur, ut ipse mox Scriptor noster ad hæc sua verba respiciens dicet. 2. 5. Ubi hæc adnotavit idem GROTIUS. In regione illa superætherea sunt quidem Angeli, sed non illi imperant, ut Christus. Vocat hanc *Ὀικουμένην μέγαν*, non quia jam non existat, sed quia nobis ea non plene nota est, nec adhuc contigit. Sed nullibi *Ὀικουμένη* significat cælum, verum ubique terram. Nullibi porro Terra, ne quidem Terra *Viventium*, quod tamen Aliqui Veterum voluerunt, pro Cælo ponitur, uti prolixè supra demonstravimus in Dissertatione XIV. de *Hereditate Terræ piis promissa*. Ubi quoque ORIGENIS figmentum, de superiori quadam terra, *Sanctorum habitaculo*, quamque dorsum *Firmamenti* vocavit, profligavimus. Concedimus *Ὀικουμένην μέγαν*, non Angelis subjectam sed Domino Jesu, esse hanc eandem *Ὀικουμένην* in quam Primogenitum introductum dicit in Textu Paulus, & quod hoc significare velit, quando addit *de quo loquimur*. Sed negamus illam *Ὀικουμένην μέγαν* esse Cælum, regionem superætheream, in qua Angeli habitant, non imperant. Etenim illa *Ὀικουμένη μέγαν* complectitur ea omnia, quæ in *Psalm*o Octavo, ab Apostolo in seq. vers. 6, 7, 8. laudato, Christi pedibus dicuntur *subjicienda*; qualia etiam sunt oves & boves, bestię agri, volucres aëris, pisces maris. An etiam boves in cælo beatorum sunt, & oves & pisces maris, & quidquid permeat marium semitas? Hæc porro *Ὀικουμένη* est eadem cum illâ de quâ in *Psalm*o xcvi. 4. Ἰφάναν αἱ ἀσέβηται αὐτῆς τῇ *Ὀικουμένη*, in quâ proinde videntur Divinorum Judiciorum fulmina, quæ partim illustant, partim percellunt, quod cælo beatorum non convenit. Præterea Bis in cælum fuisse assumptum Jesum Christum, putidissimum est Socinianorum figmentum; ut sic eluderent scilicet irrefragabilem pro Divina præexistentia Jesu ante Nativitatem ejus ex Virgine demonstrationem, ex Locis illis, in quibus dicitur fuisse apud Deum, supernè venisse,

a Patre exivisse, venisse in Mundum, missus & emissus a Throno Cælesti; ab Orthodoxis ab ævo petitam. Et quia Veteres plurimi hanc Introductionem Primogeniti in Habitabilem de Incarnationis mysterio interpretati sunt, ut idem ex hoc quoque loco nostro petendum telum declinarent Sociniani, terram hîc in cælum etiam mutare maluerunt. Falsum est denique Jesum post Exaltationem demum Angelorum Dominum & Caput evasisse. Contrarium constat ex Loco illustri *Coloss.* i. 15, 16. Interim verum est quod Mali Angeli magis quam antea Glorificati Domini imperio cedere, tristemque redire sub orbem, juxta Prædictiones *Luc.* x. 18. *Zach.* xiii. 1, 2. coacti sint, & quod Subjectio Bonorum magis declarata sit post Assumptionem Domini in cælum, qui moriens paulò minor ipsis factus fuerat; quorsum respicitur 1. *Pet.* iii. 22. Et consequenter etiam falsum est, tum demum, postquam in cælum assumptus est, adorasse ipsum Angelos. Adorarunt cum quando in terris versantem agnoverunt & celebrarunt omnium *Dominum Matth.* xxviii. 6. *Luc.* ii. 11. eique ut *Domino* ministrarunt *Matth.* iv. 11. *Job.* i. 51. Et præsertim quando in cunis vagientem in campis Bethleemiticis laudavunt, eique ut *Deo incarnato* ἐν ὑψίστοις καὶ ᾧ ἡ γῆ simul exillenti, *gloriam ac pacem* plurimam religiose præcinuerunt. *Luc.* ii. 13, 14. Haud diffitemur quidem Angelis hîc mandari Adorationem Domini, postquam in cælum assumptus est, exinde tamen non sequitur, quod hæc ejus introductio in Habitabilem sit ipsissima ejus in Cælum assumptio; sed potius cælestis Domini in mundo sublunari manifestatio in omni gloria sua: Quæ causa Novi hujus Mandati fuit de Veteri dudumque ab Angelis præstito Officio.

IV. Neque est hæc ὀικισμένη primò & directè ipsa *Eccllesia*, per *Metaphoram* ita dicta, uti volunt Celeberrimi nonnulli Interpretes. Nempe ὀικισμένη, uti sæpius alibi, sic in *Psalmo* xcvi. 4. respondet תָּבַל תָּבַל. Hoc Vocabulum porro; sive a בָּל in Hiph הוֹבִיל / tulit, unde יָבֹול

526 DISSERTATIO XVII. DE SECUNDA

proventus; sive a בלל confudit, & in alia Conjug. pabulum dedit, unde בליל pabulum; notat eam terræ partem quæ frugifera est & colitur, cui opponitur מדבר desertum. Quare in Metaphorâ poni Οικουμένην volunt pro Ecclesiâ, seu ea hominum parte, in quâ sementis Divini Verbi fit & fructificat, crescuntque fructus Fidei & Resipiscentiæ, & quidem pro Ecclesiâ N. T. quam τὴν οἰκουμένην τὴν μέλλουσαν soli Christo subjectam vocaret Paulus Cap. II. 5. Sed insolitum est in Sacris Οικουμένην, & quidem simpliciter nominatam, Metaphoricè poni pro Ecclesiâ. Et quoniam Οικουμένη μέλλουσα, de qua Cap. II. 5. complectitur omnia, pedibus Christi, in Regno gratiæ & potestatis simul Mediatorio, subjicienda, etiam bestias agri, volucres cæli, & pisces maris, uti ex Psalmo Octavo, ab Apostolo adducto, ut in quo hæc futuræ Habitabilis subjectio sub Messię prædicta est, constat; certè latiori sumenda est οἰκουμένη μέλλουσα significatione, & per eam intelligenda sunt cuncta subjecta Christo, sive ut salvet ea, sive ut utatur eis in Bonum Electorum; quorum etiam in Ipso & cum Ipso sunt omnia, ut Cohæredum Hæredis omnium, I. Cor. III. 22, 23. Rom. VIII. 17.

V. Neque etiam heic pro Omnibus & Singulis Homini-
bus sumitur per Metonymiam alibi occurrentem, quando Christus ultimo die Universalis Judicii dicitur Judicaturus τὴν οἰκουμένην, id est, omnes & singulos homines Act. XVII. 31. Nam ita Universalis nunquam fuit manifestatio Regni Christi. Neque tandem, per Synecdochen, Aliqua modo & Certa quædam terræ habitabilis Regio ac Gens hoc Οικουμένης vocabulo intelligitur; uti alibi, ubi Textus ipse vel Contextus restrictam hanc significationem flagitant, occurrit hoc sensu apud LXX. Jes. x. 23. XIII. 5, 9. &c. & in N. T. Luc. II. 2. Act. XI. 26. XXIV. 5. vel pro Chaldæa, vel pro Judæâ, vel pro Orbe Romanis subjecto, vel denique a Judæis dispersis inhabitato. Haud indigna sunt Verba Clar. Jac. Altingii in Comment. in Locum, ut hac occasione

sione a nobis describantur. *Quidam Hebræorum nonnunquam restringunt ad terram Canaan, quam תברל dictam volunt à תברל quod Rabbini aroma, condimentum, a תברל condidit, quod sola illa regio condita fuerit lege & cognitione Dei; sed hæc interpretatio allegorica est, neque scripturæ auctoritate comprobatur, quæ generaliter utitur; & non respondet τοῦ ἐκκεκμημένης, quam usurpavit Apostolus etiam hanc ob causam, ne solis Israelitis Messias datus crederetur, qui in ἐκκεκμημένην introductus est, ubicunque Homines degunt, quia ubique locorum, ubi homines, salus ejus sit extendenda, ubi homines, quia hominum non Angelorum aliarumque creaturarum servator; & ubicunque homines, quia ad omnes nationes pertinet. Luc. II. 30, 31. Act. II. 25.*

VI. Ita est. Ὀικκμμένη simpliciter heic nominata, propriè primò & generaliter capi debet pro *Terrâ Habitata ac Habitabili*: sic tamen ut simul per metonymiam *Habitantes* in ea quoque intelligantur, absque exceptione aut discrimine Regionis vel Gentis ullius. Ita apud Græcos Ὀικκμμένη simpliciter usurpatur pro *Orbe terrarum*, in quo Homines, cæteraque propter eos condita animantia versantur, quemadmodum a JUSTINIANO observatum est. *Non est dubium*, inquit SEB. SCHMIDIUS, quin vox ἐκκεκμημένη de orbe terrarum intelligenda sit, quando absolutè ponitur. Certe ita sumitur: non mocò ubi ἔλη additur *Matth. xxiv. 14. Et prædicabitur istud Evangelium Regni ἐν ὅλῃ τῇ ὀικκμμένην ut sit testimonio omnibus gentibus*: sed etiam ubi simpliciter nominatur. Sic *Rom. x. 8; Imò verò in omnem terram exivit sonus eorum, καὶ εἰς τὰ πέρατα τῆς ὀικκμμένης τὰ ῥήματα αὐτῶν*. Et sic quoque capi videtur *Luc. iv. 5. xxi. 26. Act. xix. 27. Maximè probabile est Paulum in hac voce respexisse ad Psalm. xcvi. 4. ἔφαναν αἱ ἀστροπαὶ αὐτῇ τῇ ὀικκμμένην*: ubi notat idem quod γῆ mox in eodem Versiculo subjecta, εἶδε ἐκ τῆς ἀλάδῃ ἡ γῆ, & pro utroque hoc vocabulo ponuntur *vers. 6. πάντες οἱ λαοὶ*. Pro *Orbe terrarum* itaque, omnibusque populis, visuris gloriam Dei, ponit Apostolus vocem Ὀικκμμένη. Eo-

Eodemque hoc sensu *οικουμενη μέγιστα* de qua *Cap. ii. 5.* intelligi debet. Quæ non alia est quàm Terra hæc habitata ab Hominibus, & Animantibus omnibus, quorum quædam in *Psalmo Octavo* nominantur: quæque *Futura* dicitur, quatenus alia facie alioque statu, juxta Oracula Prophetarum, *futura* erat, non *post ultimos dies*, sed *in diebus* hisce *ultimis*, tempore Pauli jam inchoatis, qui dies Messiae sunt, & *seculi futuri* nomine etiam & primò comprehenduntur alibi in hac *Epist. Cap. vi. 5.* Implenda nempe nunc erat hæc Terra Cognitione Domini *Jes. xi. 9*, purganda a Spiritu Impuro, Idolis & Idololatræ *Zach. xiii. 2*, & Sedes Regni Messiae futura; ubi olim terra Israël & Jerusalem Thronus Domini fuerant, nunc Terra Gentium erat tota, sed successive, subjicienda ei, vario modo, pro diversitate subjectorum. Electi ejus incolæ spontaneo obsequio ipsum colerent. Infernales Spiritus cum mundo hostili ac reprobo omni inviti prorsus scabellum pedum ponerentur. Inanimatis & irrationalibus uteretur pro lubitu in bonum Fidelium subditorum suorum: quibus etiam concederet nunc usum eorum promiscuum absque ullo mundi amplius aut immundi animalis discrimine veteri, dum nihil nunc rejiciendum est, sumtum cum gratiarum actione, & sanctificatum per Verbum Dei, & preces *1. Tim. iv. 4, 5.* Unde in *Psalmo Octavo*, quem allegat Paulus, ut probet Mundum futurum soli Messiae esse subjiciendum, dicitur: *omnia posuisti sub pedibus ejus. Oves & boves, quotquot sunt: etiam bestias agri: Aves cæli, & Pisces maris: quicquid permeat semitas marium.*

VII. In hanc Habitabilem porro Primogenitum *Inductum* vel *Introductum* esse a Deo Patre ait Paulus. De *Inductionis* hujus *Modo* ac *Fine* variant Interpretes. Quorum nemo, quantum ego scio, cogitavit de *Inductione* per informationem & institutionem, ut Primogenitus Habitabilem *cognosceret*, ac disceret Regionum situm, populorumque mores ac historias: more vel peregrinantium, vel puerorum, qui ita ex Libris Mappisque Geographicis erudiri solent. Qualis *Inductio*

ductio Græcis *εἰσαγωγή* dicitur. Neque enim hujusmodi Inductio unquam facta est Corporalis, neque etiam conveniret, vel Patri inducenti, vel Filio inducto, Creatori orbis terrarum. Plures verò Interpretes, quà Veteres quà Recentiores, cogitarunt de *Inductione per Nativitatem ex Virgine*. Qui enim ex Matris utero in lucem prodeunt, a Deo *εἰσάγει* dicuntur *Epicteto*, uti observavit ad hunc Locum Doct. RAPHELIUS in Annotationibus Philologicis ex *Polybio & Arriano*: sive quia per nativitatem adducuntur in conspectum Hominum: sive quia *εἰς ἓν ἄγον* in unum adducuntur & fiunt pars mundi visibilis. Quemadmodum *εἰσάγειν* apud HOMERUM *Iliad. Lib. XII.* in principio sumitur pro *εἰς ἓν ἄγειν*, ubi Neptunus & Apollo occurrunt *ποταμῶν μὲν εἰσαγαγόντες* fluviorum violentiam inducentes, id est, in unum adducentes. Ad quod Patres respexerunt, hanc *Inductionem* Primogeniti de *Incarnatione* ejus explicantes; quam Paulus ita appellasset, quia in carne assumpta Creatura ac μέρος κόσμου pars mundi factus est *ὡς ἄνθρωπος*, qui *ἰδιότητι φυσικῇ ὁικουμένης ἀπάσης διενεγκών*, ἔξω τε αὐτῆς *παράχων* ὡς Θεὸς proprietate naturæ ab universo orbe terrarum differt, extraque ipsum existit, ut Deus, quemadmodum loquitur CYRILLUS ALEXANDRINUS in *Dialogo VIII. de Incarnat. Unigeniti, Oper. Tom. V.* *Propria quidem Potestate ac Potentia, exiens à Patre, venit in mundum Filius Job. XVI. 28, sed & Oeconomicè emissus a Patre, corpus ei adaptante Heb. X. 5. dicitur factus ex muliere Gal. IV. 4. & adducendus ab eo prædicitur Zach. III. 8.* Nec dubium est quin sic inductum in orbem terrarum Dominum adoraverint quoque *Angeli*, uti supra a nobis probatum est. Sed difficultas in eo est, quomodo *Secundò* sic inductus in Habitabilem dici queat. Nec enim *his est* introductus, inquit BEZA, nimirum per *Incarnationem*: qui ideo cum aliis trajectionem particulæ πάλιν perperam statuit. Mitto alienissima quorundam cogitata, qui *Secundam Inductionem Primogeniti, Angelis* perseverantibus ad adorandum propositi, in *Incarnatione* ponentes, *primam*

quærent: Vel in *Generatione* ejus æterna quâ Deus est, quia *genitus a Patre statim implevit spatia hæc in quibus postea orbis est conditus*: Vel in *Revelatione Myſterii Unionis Hypoſtaticæ* naturarum in Christo Angelis facta, quam Angeli apoſtatæ humano generi invidiſſent: de quibus videri poſſunt, A LAPIDE, JUSTINIANUS & CALOVIVS. Vir Clar. ALTINGIVS; *Secundam* quoque *Inductionem* in *Reali Exhibitione* Primogeniti per *Incarnationem* & *Corporalem* inter Judæos ſecutam ejus *Converſationem* Job. i. 14. Rom. i. 3, 4. xv. 8. Gal. iv. 4. collocans; *Primam* factam eſſe per *Promiſſionem* ejus ut Auctoris Salutis, inde à Paradifo ſæpius repetitam, ſtatuit; ut per quam olim etiam in *Mundo fuiſſe* dicitur Job. i. 10. Sequeretur hoc, ſi de *Introductione Meſſiæ* in *Mundum* per *Incarnationem* ageret *Pſalmus xcvi.* ad quem hæc eſt reſpectus. Quod minimè concedunt omnes. *Totus Pſalmus*, inquit CAMERO, unde locus hic deſumptus eſt, *deſcribit Majeſtatem Chriſti regnantis, & in hoſtes quidem ſevere animadvertentis, ſuos autem magnifice & plene liberantis: id quod ad Chriſti Nativitatem, quæ abjecta & humilis fuit, referri non poteſt.* Præterea & hoc obſtat, quod *Secunda* inductione ſic eſſet alterius generis, utpote *Corporalis*, quàm *Prima*, quæ *Spiritualis* eſt, quia *Verbum promiſſionis* menti præſentem ſtatit eum; cum tamen ratio omnino ſuadeat, ut prima & ſecunda conveniant in *Loco* non tantùm, quod & urget Clar. Altingius; ſed etiam in *Modo* & *Fine*. Quod etiam agnoſcere ſatis videtur Vir Clariffimus, quando ad *Realem exhibitionem* illam, per μετάβαſιν εἰς αἶνον γλῶσῃ, refert, præter *Incarnationem* & *Corporalem* inter Judæos *Converſationem*, *Manifeſtationem* quoque ejus *inter gentes*, non *corporali præſentia*, ſed *efficaci virtute*, quam ἐν αἰῶνι glorificatus exercet. Act. iii. 25, 26. Luc. xxiv. 47. Act. i. 8. xiii. 46. &c. xx. 21. xxvi. 16. — 23. iſto etiam modo *rediturus ad Iſraëlitas* Jeſ. lix. 20. Rom. xi. 26. &c. Quare & Alii, ut in eodem genere *Corporalis* *Introductionis* mancant, *primam* ponunt in *Apparitionibus Filii Dei* olim factis,

factis, per quas *lufit* in Ὀικουμένη Orbe terrarum cum Homi-
nibus *Prov.* viii. 30, 31. atque incarnationis suæ futuræ præ-
ludia dedit. Quod propius omnino ad rem accedit; sed
tamen incommodi hoc habet, nimirum, si *Secunda* inductio
præcisè in Incarnatione *semel* facta ponatur, *prima* minus
convenienter statuitur in *Apparitione* typicâ, quæ non se-
mel sed sæpius, non uno sed vario modo, & tempore, olim
contigit.

VIII. Alii itaque, uti per *Primam*, Christi Incarnatio-
nem, ita per hanc *Secundam Inductionem* ab Apostolo memo-
ratam intelligunt ejus, per mortem *ex terra viventium ab-*
scissi, *Resuscitationem ex Morte*, ab Angelis visi *1. Tim.* iiii.
16. Fateor, Verbum ἐκάγεθῶς haud repugnare huic ex-
positioni. Si enim morientes ἐκάγεθῶς *educi* è mundo di-
cuntur *Epicteto* apud eundem modo laudatum *RAPHELIUM*;
Resuscitati iterum ex morte ἐκάγεθῶς *induci* in mundum di-
ci queunt. Idem etiam genus introductionis *Corporalis* utro-
bique sic ponitur. *Primogeniti* quoque titulus rectè datur
Christo, ubi de Resurrectione ex morte agitur, quia est *Pri-*
mogenitus ex mortuis, id est, post Mortem & propter Mor-
tem Vicariam factus & declaratus Dominus omnium. Imo
hæc Introductio ejus meritò Deo Patri tribuitur judici, qui
ut talis alibi sæpe ipsum resuscitasse perhibetur *Act.* x. 40.
Ec. Verùm latet aliquid augustius in totâ hac phrasi, *In-*
ductionis in orbem terrarum, præsertim quatenus petita
est ab Apostolo ex Psalmo xcvi. ubi ejusmodi Majestati-
ca Domini in orbem terrarum Introductio magnificis ver-
bis describitur, *per quam illustraretur tota Ὀικουμένη, omnes-*
que populi viderent gloriam Ejus, mundo per hanc ipsam In-
ductionem ostensi ac manifestati. Sed Resurgens ex Mor-
te Dominus, est quidem *conspicius factus*, verùm non toti
populo, multò minus gentibus, sed *testibus quos ipse prius de-*
signaverat, *Act.* x. 40, 41. Unde etiam hi Interpretes, hac
difficultate se premi sentientes, Corporalem iterum cum
Spirituali Introductione minus aptè conjungunt, atque Re-

surrectionem cum ejus *Consequentis*, uti loquuntur, id est, cum ejus Prædicatione inter gentes, intelligendam esse mo-
nent.

IX. Quare etiam bene multi Interpretes Doctissimi, in oculis habentes laudatum *Psalum XCII*. *Secundam* hanc Inductionem Primogeniti de *Adventu* Ejus ad *Judicium* *Universale* interpretantur; qui *primo* introductus erat per Incarnationem. Certè de hoc *Adventu* suo ad *judicium*, dicit ipse Dominus, *πάλιν ἔρχομαι iterum vel secundò venio* *Joh. xiv. 3.* Tunc etiam veniet quidem ipse Dominus, sed & *inducetur* simul à Deo Patre, qui *statuit diem quo justè judicaturus est* *τὸν οἰκουμενὸν per Eum Virum quem definiit, Act. xvii. 31.* Erit porro hæc Introductio *Secunda*, æque ac *prima*, verè *Corporalis*, quia *ipsum videbit omnis oculus eorum* qui unquam hunc orbem terrarum inhabitaverunt *Apoc. i. 7.* Erit ampliùs Introductio *Juridica*, id est, immissio in possessionem, quia tunc omnia ei erunt subjecta, quod nondum videmus *Heb. ii. 8.* Omnes *Angeli* præterea tunc ipsum adorabunt, *Boni quidem Angeli gaudentes ac venerabundi*, quorumque agminibus undique stipatus in gloria sua apparebit *Matth. xvi. 27. xxiv. 31. xxv. 31. Act. i. 11. 2. Thess. i. 7, 8, 9. Jud. vers. 14.* *Dæmones autem dolentes atque inviti potentiam ejus ac Divinitatem regniue magnitudinem agnoscentes, adorabunt*, uti *ESTIUS* scripsit; qui & addidit, *hunc sensum confirmari per illud Capitis sequentis*, non enim Angelis subjecit Deus orbem terræ futurum. *Quem orbem futurum velut digito monstrari*, ait, per futuram illam *Civitatem* quam inquirimus, de qua *Paulus Cap. xiii. 14.* In hoc *Adventu* denique *Secundo* implebuntur ea omnia quæ in *Psalmo xcii.* prædicta leguntur. Tunc enim Dominus plenissimo sensu *regnabit vers. 1.* quando omnia ei subji-
ciuntur. Tunc *Nubes & Caligo circumstabunt eum, vers. 2. coll. Matth. xxiv. 30. Act. i. 11. Apoc. i. 7.* Tunc *Ignis ante eum procedet, & inflammabit circumquaque hostes ejus, vers. 3.* qui est ignis conflagrationis mundi & iræ æternæ in impios ef-
fun-

fundendæ, de quo 2. *Theff.* 1. 8. 2. *Pet.* 111. 10. *Apoc.* VI. 17. Tunc fulgura, stellarum de cælo cadentium nomine expressa *Matth.* xxiv. 29. percellent εἰς χυμὲν, & terra tremet & montes liquefient *vers.* 4, 5. coll. *Apoc.* xvi. 18, 20. Tunc denique omnes populi videbunt gloriam ejus *vers.* 6. coll. *Matth.* xxv. 32. *Apoc.* 1. 7. imo & pudefient omnes colentes sculptile, coll. *vers.* 7. quando Babylon illa magna, mater illa scortationum & abominationum terræ, igne exuretur *Apoc.* xvii. xviii. & Homo ille peccati ac Filius perditionis in *Illustri* illo Adventu Domini abolebitur 2. *Theff.* 11. 8. Quem locum contulit PLACÆUS *Op. Tom. II. Part. II. Disp. IX. Sect. 1. §. XXXV. XXXVI.* Quæ omnia ad amussim, ut & reliqua totius *Psalmi Secundo adventui Christi glorioso quadrant*, quemadmodum loquitur GOMARUS.

X. Nullum est dubium quin hæc omnia, aliaque fortè plura, quæ apud ESTIUM, GOMARUM, ac PLACÆUM quæri possunt, magnam Veritatis speciem concilient huic Exegesi. Haud tamen efficere queunt ut hac in parte ipsis accedam longè Doctissimis cæteroquin ac judiciosissimis Scripturæ Interpretibus. Varia enim mihi ob stare videntur. In Adventu illo secundo apparebit in aere, ac in nubibus, Dominus 1. *Theff.* iv. 17. non descendet in hæc inferiores terræ habitatæ partes, uti in primo Adventu suo. *Judicabit de cælis, non descendet in terram*, inquit CAMERO. Quare secundam Introductionem Primogeniti εἰς χυμὲν minus commodè eam appellasset Paulus, quia in eundem locum, ut antea, non introducetur. Deinde veniet tunc Dominus ad destruendam hanc Habitabilem 2. *Pet.* 111. 7. — 10. Quamvis non concedamus Clar. MARESIÒ, id quod in *Syst. Theol. Loc. xiv. §. LXIII.* asserit, mundum hunc terrenum in stagnum ignis & Sulphuris, instar Sodomæ ac Gomorræ, ad Dæmonum & impiorum habitationem, transmutandum esse; & quamvis qualitatem & statum renovandæ olim terræ curiosè nimis determinare nolimus nec possimus, quia Scriptura silet; imo quamvis credamus Beatis dandam esse potestatem commoran-

di toties in terra renovatâ, quoties placuerit ipsis, & hoc etiam modo *terram hæredituros* esse *mansuetos*, de quo prolixè egimus supra in Dissertat. xiv. de *Hæreditate Terræ piis promissa*; certum tamen nobis atque indubitatum est, Cœlum Tertium fore sedem triumphantis Ecclesiæ cum Christo Capite ordinariam ac perpetuam, in quam transferentur Hæredes Regni in ultimo die 1. *Thess.* iv. 17. *Joh.* xiv. 3. Quomodo ergo diceret Paulus, tunc introducendum esse Dominum, Juridica inductione, uti loquitur *Esrius*, in hanc Habitabilem, ab ipso possidendam in *Membris suis*, quæ incolerent eam, & ipsum in ea agnoscerent atque adorarent ut Dominum suum, cum suos tunc ex hoc mundo terreno *educet*, atque ad cœli sedes superas ac beatas transferet? Ipsa quoque vox *οὐρανὸν* nos ducit ad terram hanc præsentem, pro quâ etiam constanter ponitur in Sacris. Atque hanc ipsam Apostolus *futuram* vocat in sequenti Capite, utpote in quâ ex Prophetico Psalmi vii i. Oraculo, & *homines & bestię* habitarent, uti supra à nobis observatum est, quod in renovata terrâ, Civitateque futura quam expectamus, locum non habebit. Ut frustra omnino *Estius* ex eo loco *confirmari* interpretationem suam scripserit. Solenniter quidem adorabunt Angeli Dominum in Adventu suo ad Judicium Universale glorioso, eritque tunc omnium potestatum spiritualium subiectio consummata. Attamen *solennis* quoque adoratio ac subiectio voluntaria bonorum, & involuntaria malorum Angelorum, dudum antea visa est, statimque obtinuit post Exaltationem Christi, ejusque per Evangelium in Mundo Prædicationem; cum quâ, etiam cum respectu, ut videtur, ad Oraculum Psalmi heic a Paulo citatum, immediatè connectitur, non tantùm a Petro, 1. *Pet.* iii. 22. *Qui est ad dextram Dei profectus in cœlum, subiectis ipsi Angelis & potestatibus ac virtutibus*, sed etiam a Paulo *Ephes.* i. 20, 21. & *collocavit ad dexteram suam in cœlis, longè supra omne imperium ac potestatem & potentiam & dominationem, & omne no-*
men

men quod nominatur non solum in hoc seculo, verum etiam in futuro. Cum quibus Locis conferri possunt *Ephes.* 111. 9, 10. 1. *Tim.* 111. 16. ὡφθῇ Ἀγγέλοις, intuitu scilicet obsequioso, coll. *Matth.* xviii. 10. Et quod attinet denique ad *Psalmum XCVII.* agitur in eo de Regno Messiae exaltati, sed in terra hac erigendo, ubi *Insulae multae & magnae* reperiuntur, propterea valde *laetaturae* cum *Tzijone*, *vers.* 1. 8. Utique *Insularum* in Regno Jehovae *exultantium* mentio nos ducit ad Vocationem Gentium per Messiam, juxta stylum Prophetarum *Jes.* xlii. 4. xlix. 1. li. 5. lx. 9. *Tzeph.* 11. 11. &c. Agitur praeterea de Regni Messiae manifestatione, cujus proximus effectus foret *Idololatriae everfio* *vers.* 7. *Pudore suffundentur omnes colentes sculptile, qui se jactant de Idolis.* Hoc verò continget quidem plenissime in Adventu Domini secundo 2. *Theff.* 11. 8. quando *Idololatria Papalis* hodierna plane abolebitur quoque; attamen & hoc contigit dudum in *Idololatriae Gentilis* Everfione per Prædicationem Evangelii in toto orbe, ad quam proximè & immediate respicit istud Psalmi Oraculum. Unde consequitur evidenter ibidem agi de *Introductione* Messiae in orbem terrarum per *Prædicationem Evangelii*, quæ Adventum ejus ad ultimum judicium diu præcederet. Agitur denique in isthoc Psalmo Prophetico de Adventu Domini ad *judicium*: juxta illud *vers.* 8. *Audiens laetatur Tzijon, exsultantque filiae Jebudæ propter Judicia tua, o Jehova;* verum hoc non est Judicium Universale, sed particulare, in Regnum Satanæ inter gentes, cum maximè verò in rebelles *Judæos*, quorum Urbe & Templo funditus delebis, quibusque ex terra sua ejectis & extirpatis, *omnes populi viderent & agnoscerent* Divinam Crucifixi Jesu *gloriam*, & cum *pudore Idola aurea & argentea* objicerent talpis & vespertilionibus, soli Deo huic Israël honoris exhibitori: quosque *populos hæc fulgura* gravissimi in *Judæos* exerciti judicii ita percellerent quidem, ut simul *illuminarent*, atque ad fidem Evangelii adducerent, juxta illud *vers.* 4. *perlustrant fulgura ejus orbem habitabilem,*
videns

videns formidat terra. Ignis tandem ante Dominum procedentis, & inflammantis circumquaque hostes, & nubium caliginosarum, fulgurumque per lustrantium orbem, ac terræ trementis, montiumque liquefactorum, mentio nos necessariò non ducit ad Ultimi Judicii diem; quamvis in eo adfutura sint hæc cuncta physicè sumta. Hæc enim omnia quoque memorari solent à Prophetis, quando particularia judicia emblematicè describunt inopinata, manifesta, irresistibilia, gravissima, perdentia, atque ex justa Numinis ira immissa. Psalm. lxxvii. 19. Mich. i. 3, 4, 5. &c. Quale judicium cum fuerit illud in rebellem Judæorum gentem exercitum Divinitus per Romanos, similibus etiam phrasibus prædictum occurrit in Psalmo l. 1. — 6. & Jesh. xxx. 33. Malach. iv. 1. & alibi.

XI. De aliâ itaque Primogeniti Inductione in orbem terrarum heic cogitandum est. Corporalis duplex, in Nativitate ex Virgine, & in Reditu ad Ultimum judicium, heic intelligi nequit. Remanet ergo ut hæc Introductio sit Spirituallis. Hæc vero est quâ Verbo & Spiritu præsens sistitur Mundo, eum in Finem ut ab illo cognoscatur, agnoscatur, & recipiatur ut Primogenitus & Heres & Dominus, jure Creationis pariter ac Redemptionis; idque cum Effectu in omnibus Electis ex Judæis & Gentibus saluari. Hoc modo semet ipsum mundo manifestans electo alibi dicitur ingredi portas seculi Psalm. xxiv. 7. heic verò à Patre Judice Induci in orbem terrarum. Duo inprimis hac phrasî metaphoricâ eleganter exprimit Paulus. Primò, ipsum Verbo & Spiritu Notificatum esse Mundo, id est, Hominibus absque discrimine gentis, ut Unicum Mundi Salvatorem, Mundumque Electum Ipsum cognovisse & agnovisse fide & obsequio. Quando metaphora petita est ab iis, qui introducuntur in Forum, aut in Theatrum, ab omnibus spectandi. Secundò Ipsum esse immisum in Possessionem Mundi. Quid enim aliud esset, eum, qui est Primogenitus omnis creaturæ & inter multos Fratres Heres ac Dominus omnium, Inducere in

DE ΠΡΩΤΟΤΟΚΟΥ IN MUNDUM INDUCTIONE. 537

in Mundum, quàm Verbo mandare ejus ut Domini receptionem, ac prohibere ingredienti vim facere; & quàm Opere ipso efficaciter efficere ut *habitet* obsequiosâ fide in cordibus Electorum suorum ex populis, ut phrasi Paulinâ *Ephes. III. 17.* utar. Sic enim εἰσαγεῖν in Sacris est efficere ut quis possideat aliquid *Exod. xv. 17. Deut. iv. 38. vi. 10, 11. x. 4, 5. &c.* Sic etiam Ἰσθίς species inducendi in possessionem alicujus rei est, prohibere ingredienti vim fieri, *Digest. Lib. XLI. Tit. II. §. 52.* Sic PLINIO *Epist. VII. Lib. II.* facere ut subditi se actu subjiciant, est, *Regem vi & armis inducere in Regnum.* Egre- giè verbo ἐγχειρίσαι hoc expressit CHRYSOSTOMUS, cui, ὅταν εἰσαγάγῃ τὸ πρῶτότοκον εἰς τὴν οἰκὸν ἐν τῷ, idem est ac ὅταν ἐγχειρίσῃ αὐτῷ τὴν οἰκὸν ἐν τῷ quando in manus ei tradidit Ha- bitabilem.

XII. Hoc modo Bis inductus est in Eandem οἰκὸν ἐν τῷ, id est, in Terrarum Orbem, in quo absque ullo gentium ac populorum discrimine, salutis via annuntiatur. *Primò* ante Legem, ab Adamo usque ad Moysen, per bis mille an- nos, quando erat juxta stylum Hebræorum מן confusio, id est, juxta stylum Pauli, quando paries intergerinus non- dum erat erectus, separans Judæos a Gentibus reliquis *E- phes. II. 14.* Tunc enim per Evangelium æternum Notifica- tus est adhuc ἀρχαῖος, sed ἐν ἀρχῇ futurus Mediator omnibus promiscuè Adami ac Noachi posteris. Ante Di- luvianis Evangelium fuit prædicatum, *1. Pet. III. 19, 20. iv. 6.* Noachus fuit *Præco justitiæ 2. Pet. II. 5.* non ope- rum, quæ in peccatore nulla esse potest, sed *Justitiæ Fidei, Heb. XI. 7.* per Divinum illud Semen mulieris, vicaria mor- te contritum caput Serpentis, adducendæ. *Lusit* tunc Fi- lius Dei in οἰκὸν ἐν τῷ Orbe habitato toto, & *deliciæ ejus* fuerunt cum Filiis hominum promiscuè *Prov. VIII. 30, 31.* Angelus il- le *scæderis, & Interpret* unus ex mille tunc etiam Homini *ישר* Rectitudinem suam indicavit *Job. XXXIII. 23.* Tunc Chaldæi cum Abrahamo, Cananæi cum Melchisedeco, Arabes cum Jobo & Amicis Ejus fide cum amplexi & obsequio venerati

sunt *Job. viii. 58. Heb. xi. 8. Job. xix. 25, 26, 27. xxxiii. 23, 24.* Unde dicitur *Hagg. ii. 8. omnes gentes accessuras esse ad Desiderium omnium gentium*, id est, ad eum quem omnes gentes desiderare non solum debent, si velint salvari, sed etiam quem Electi ex gentibus absque discrimine ante legem Mo-
 sis desideraverunt. Sed post Mosen cessavit hæc Introductio Primogeniti *עֵשׂוֹן*. Cananæa sola facta est Terra Im-
 manuelis *Jes. viii. 8.* Ex omnibus populis solus Israël factus est Deo *נֶלְכָּד* *peculium Exod. xix. 4, 5, 6. Deut. vii. 6, 7.* cui soli *Verba sua* indicavit *Psal. cxlvii. 19, 20. Rom. iii. 2.* Gentes autem omnes sicut suis ipsarum viis incedere *Act. xiv. 16.* Quæ absque Christo fuerunt in Mundo, spem non habentes, ex-
 traneæ quod ad pactorum promissiones attinet *Ephes. ii. 12.* quia Evangelium ipsis tacitum fuit *Rom. xvi. 25. Jes. lxxv. 1.* Du-
 ravit hæc rerum facies etiam ipso Messia jam in terra præ-
 sente. Filius Dei *ἐν σαρκί* quamdiu in carne mortali inter homines commoratus est, ipse fuit *Minister Circumcisionis Rom. xv. 8.* non missus nisi ad oves perditas domus Israël *Matth. xv. 24.* ad quas etiam solas tunc misit Apostolos, nolens eos abire in vias gentium *Matth. x. 5, 6.* At mutata est hæc re-
 rum facies. Postquam animam suam posuit in Sacrificium pro reatu, ipse resuscitatus ex morte, & in cælum assumptus, accepit mercedem laboris promissam Gentes in hæreditatem suam & fines terræ in possessionem suam *Psal. ii. 8. Jes. liii. 10. ΠΑΛΙΝ* itaque, ITERUM, SECUNDO inductus est in Orbem terrarum, quando Evangelii prædicatione juncta cum Spiritus sui potenti operatione *Notificatus est toti Mun- do*, Judæis non solum sed & Gentilibus, discrimine gentium sublato & pariete intergerino fracto, atque a Mundo creditus & receptus fuit *Salvator ac omnium Dominus Act. x. 36.* Id quod factum est per Apostolos, maximè per Paullum Doc-
 torem Gentium Illustrissimum. Dederat Mandatum Domi-
 nus *Marc. xvi. 15. proficiscendi in Mundum Universum, & præ-
 dicandi Evangelium omni Creaturæ*, scilicet humanæ, Hebræâ
 phrasi (ex observatione *Clar. JAC. ALTINGH in Heb. i. 2.*)
 quæ

quæ homines incommuni, non habita ratione gentis vel religionis **בריא** aut **בריה** (conf. Coloss. 1. 23.) dicit. Petrus primus fuit, per *cujus os gentes audiverunt sermonem Evangelii & crediderunt* Act. xv. 7. x. 44, 47. Sequitur Paulus, qui præcipuus *Minister Jesu Christi apud Gentes*, ab Hierosolyma, & circumjacentibus regionibus, usque ad Illyricum implevit *Evangelium Christi* Rom. xv. 16. 19. Sic tempore Pauli *Evangelium Christi*, vel ipse Christus, fuit *potentia Dei ad Salutem omni credenti*, *Judeo primum* dein & *Græco* Rom. 1. 16. & *Præconum Christi*, *Inducentium hunc Primogenitum*, *sonus exivit in omnem terram*, & *ad fines* τὸ ὅκνημα Verba eorum, Rom. x. 18. & *Evangelium pervenit in totum Mundum*, *proferens fructum* Coloss. 1. 5, 6. 1. Tim. iii. 16. Post Apostolorum tempora usque in hunc diem ad plures adhuc penetravit *Regiones Evangelium* quo inductus fuit *Primogenitus*, & fiet adhuc, ut nullus locustam longinquus, & tam reconditus sit remansurus, quo non pervaserit Christus, albo Evangelii sui *Equo vectus vincens* & *ut vinceret* Apoc. vi. 2. Rom. xi. 25. 26.

XIII. Ita verè *SECUNDÒ Inductus fuit in orbem terrarum* idem *Primogenitus*; antea ὁ ἄρχων nunc ὁ ἄρχων. (non tamen *Alius* sed *Idem*, quamvis nunc sit in eo aliud) eodem nempe *spirituali Modo*, eundemque in *Locum* communem; quamvis nunc *majori cum effectu* quam antea, & in *longè plures animos Electorum suorum*. Ita etiam *SECUNDÒ INDUCI* debuit *Primogenitus* εἰς ὁκνημα juxta *Oracula Prophetarum* Act. xiii. 46, 47. Huc generatim spectant omnia illa *Vaticinia* quæ de *Vocatione gentium* post *Messiam*, *Regnoque* ejus inter illas *longè latèque erigendo* agunt Gen. xxii. 18. xlix. 10. 1. Sam. ii. 10. Psalm. 11. 8. xxii. 28, 29, 30, 31. lxxii. 8. - 11. Jes. xi. 10. xlix. 5, 8. liii. 10, 11. Hagg. ii. 8. Zach. ix. 9, 10. &c. Et speciatim illa, quæ *introiturum* dicunt hunc *Regem gloriæ* in *Regiones* & *Civitates Mundi*, *portasque seculi* Psalm. xxiv. 7, 10. & *equitaturum*, vel *curru triumphali Evangelii sui vehendum*, ad pro-

cul disstas Nationes *Psal.* xlv. 4, 5. *Sceptrumque ejus emit- tendum a Jehova Tzijone, ut dominetur in medio inimicorum suo- rum* *Psal.* cx. 2. Imo quæ *Inducendum Eum in orbem terra- rum* prænunciant. Quale occurrit in *Psalmo XCVII.* ad quem Paulus respicit, quum ait. *Quando introducit Primo- genitum in orbem terrarum, dicit, & adorent eum omnes An- geli Dei, quæ Verba leguntur vers. 7. ejusdem Psalmi.*

XIV. Certè ex hoc *Psalmo* citavit Paulus Verba hæc, non ex Mose. Ipsissima quidem hæc Verba, quæ Paulus habet, leguntur in Græca *Versione Deut.* xxxiii. 43. ἡ προσκυνήσας αὐτῷ πάντες ἄγγελοι Θεῶ. Sed nihil horum in *Hebræo Codice* quod respondeat habetur. *Hebraica* ibi scripta hæc sunt tantum. עֲבָדוּ יְהוָה יְנִיכָא. Horum loco cuncta hæc sequentia reperiuntur in *Græco Textu*: 'Εὐφρανθήτε ἄγγελοι ἅμα αὐτῷ, προσκυνήσας αὐτῷ πάντες ἄγγελοι Θεῶ. εὐφρανθήτε ἔθνη μὲν ἔστω λαὸς αὐτοῦ, ἡ ἐκινύσας αὐτῷ πάντες υἱοὶ Θεῶ. Ubi illa modo εὐφρανθήτε ἔθνη μὲν ἔστω λαὸς αὐτοῦ *Hebraica* עֲבָדוּ יְהוָה יְנִיכָא exprimunt, reliquo- rum verò nihil in fontibus extat. Nulla ratione autem ve- rosimile est, Paulum, cum probare vellet *Hebræis* ex *Pro- phetico Oraculo* præstantiam Christi supra Angelos, allegas- se dictum, quod in *Hebræo textu* authentico non reperitur. Quare etiam ex hoc *Græco Deuteronomii Textu* desumpta fuisse ista illi quam maximè statuunt, qui: Vel cum nonnul- lis *Socinianis* Divinam hujus *Epistolæ* ad *Hebræos* auctorita- tem suspectam reddere conantur, quia Auctor ejus citat Te- stimonium *Apocryphum*: Vel qui cum Pontificiis quibus- dam *Hebræos* Fontes esse corruptos ex eo inferre vellent; non attentè cogitantes in *Vulgata Versione* æque ac in *He- bræo fonte* hæc *Græca* desiderari. Sic tamen BENEDICTUS JUSTINIANUS Jesuita in *Heb.* i. vers. 6; postquam monuerat *Justinum Martyrem* & *Epiphanium* *Græcæ Versio- nis* Verba il- la, quæ in *Hebræis* & *Latinis Codicibus* desiderari ait, *Læ- tamini cæli simul cum eo, & adorent eum omnes Angeli Dei, eo- dem plane modo recitasse; scripsit. Et profectò valde verifi- mile*

mile est, Justinum cum Judæo differentem, non allaturum testimonium, quod in Hebræis Codicibus non legeretur; neque Epiphanius, in Hebræorum libris maximè versatus, eo usus esset, nisi in Hebræis Codicibus legisset, cum præsertim adversus Hæreticos disputaret, qui facile objicere potuissent, argumentum nullius esse auctoritatis, quod in Hebræo fonte ea verba non legerentur. Accedit quod Theodoretus, Procopius & Euthymius indicare videntur ad eum Deuteronomii locum spectasse Paulum, cum hæc verba protulit. . . . Quamobrem valde mihi probabile videtur, Hebræos Codices, qui nunc habentur in manibus, eo quidem loco mutilos esse, interpretationem vero Septuaginta Apostoli præsertim auctoritate firmatam omnino retinendam. Nec Justinus, contra Tryph. p. m. 359. nec Epiphanius, Hæc. LXIX. §. LX. eodem plane modo recitant Græca ac nunc habentur. Neque argumentatur ibi Justinus contra Judæum pro Vocatione gentium nisi ex illis duntaxat Verbis, quæ in Hebræo Codice extant, *יוֹפְעֵי דְהִתֵּי עֲדֵינָהּ מִן הָאֱלֹהִים*. Locus hic interpolatus est. Quomodo autem ac qua de causa hæc interpolatio sensim facta sit vel fieri potuerit, conjecturas fecerunt JAC. ALTINGIUS ac SEB SCHMIDTUS in Comment. ad Heb. i. 6. quæ apud ipsos legi possunt. Non itaque ex Mose, qui nihil tale scripsit, sed ex Psalmo XCVII. citavit hoc Oraculum Paulus, ubi Verbis ferè, Sensu planè idem occurrit in Hebræo Fonte pariter ac Græca Versione.

XV. Citat porro hoc Oraculum Paulus; non accommodando ea ad Christum, præcipuum Dei Unius Ministrum, ejusque personam singulari quadam ratione sustentem, quæ in Psalmo de Deo dicuntur, atque adeo transferendo illa ad aliud subjectum, quam de quo in Psalmo propriè proximè & immediatè agitur, uti Vult Socinus, egregiè & solidè refutatus à JOSUA PLACÆO Part. II. Disp. IX. §. XIX. seq. Sed citat hoc Oraculum, tanquam in quo per pronomen EUM, adorent EUM omnes Dii, omnes Angeli Dei, propriè proxime & immediate intelligitur PRIMOGENITUS, id est Christus

Dominus Omnium & Noster. Hoc enim vult probare Paulus *Christum* esse præstantiorem Angelis, quia Angeli Eum adorare debent, juxta Mandatum Dei Patris ante multa secula in hoc Psalmo de Eo Angelis datum. Unde etiam *Primogenitum*, id est *Dominum*, appellat eum hoc in loco significanter Apostolus, respiciens ad titulum *Domini totius terræ*, qui in Psalmo per pronomen Eum indigitatur, quando dicitur *vers. 5, 6, 7. Montes ut cera liquefunt a præsentia Jehovæ, a præsentia DOMINI TOTIUS TERRÆ. Indicant cæli justitiam EJUS. . . . adore EUM omnes Dii.* Optime CALVINUS. *Nominatim dicit Apostolus, ita loquutum Spiritum, quum introducitur (Christus Incarnatus) in orbem: quod non esset verè dictum, nisi propriè Psalmus de Christi manifestatione differat.*

XVI. Citat verò hunc *Psalmum* Paullus ut *Propheticum*, de *Messia*, hostes perdituro ac Regnum in gentibus erecturo, nomine *Jehovæ* ac *Domini totius terræ* propriè & proximè designato, agentem; non ex sensu duntaxat Hebræorum, sic scilicet ex concessis argumentans modò, sed etiam & primò ex suo sensu: quem ex institutione Humanà fortè ad pedes Gamalielis sedens quoque didicerat, sed quem præterea ipsemet ex Spiritûs fidei salutari illuminatione mentem Dei esse credebatur: imo de quo ut sensu Dei ex Spiritus infallibili inspiratione ipse certior factus nos quoque certiores reddere voluit. Nempe ex concessis heic non disputat modò Paullus, neque tantùm pro auctoritate dictat hunc sensum, verùm etiam nititur ejus Argumentatio evidentiâ demonstrationis ex ipso Psalmo facilè instituendæ ab Hebræis. Perperam GROTIUS, eruditione sua abutens, & Socini vestigia premens, scripsit in *Annot. ad Heb. 1. 6.* (postquam bene notasset D. Kimchi dixisse Psalmos omnes à 93. ad 101. in se continere mysterium Messiae.) *At ibi (in Psalmo xcvi.) de Deo agitur, hic de Messia. Verum hoc. Sed quia pridem receptum erat apud Hebræos Deum singulari modo in Messia habitaturum, & fore (ut Thalmudici loquuntur) digito monstrabilem,*

lem, ideo quæcunque de honore Dei dicebantur, eadem applicari solebant ad Messiam.

XVII. Certè ex Universo Psalmo colligitur, esse illustrem Prophetiam de Regno Filii Dei, non Providentiæ comuni, sed Gratiæ speciali, non Filii αἰῶνος, quod olim solum Israël attinebat, sed ἐκ αἰῶνος, ad gentes quoque extendendo. Etenim Regnum Jehovæ, quod gaudium adferet Terræ toti, multisque ac magnis Insulis, quo nomine Gentiles stylo Prophetico insigniri notum est, est Regnum Messiae, uti constat ex iis, quæ §. X. & XI. adduximus, Prophetarum Oraculis. Sed tale est hoc Regnum Jehovæ in Psalmo XCVII. decantatum: *Jehova regnat, exsultabit terra; gaudebunt Insulæ plurimæ.* Rectissime CALVINUS. *Quæ letitiæ materia ex ejus Regno, nisi toti mundo salutare foret, hoc est, tam Gentibus quam Judæis? Regnum Jehovæ porro, in quo & per quod omnes populi videbunt gloriam Ejus, est Regnum Messiae. Vox Clamantis in deserto, parate viam Jehovæ Et revelabitur gloria Jehovæ, & videbunt omnis caro pariter, os Jehovæ loquutum esse; Jes. XL. 3, 5.* Atqui tale est hoc Regnum Jehovæ, de quo ita in Psalmi hujus versu 6. loquitur Spiritus S. *Indicant cæli justitiam Ejus, adeo ut videant omnes populi gloriam Ejus.* Regnum Jehovæ denique, quod *Idola gentium destruet*, est Regnum Messiae, quod Satanæ, in Idolis Dominantis & culti, regnum disturbabit Gen. III. 15. Psalm. VIII. 2, 3. LXVIII. 22. Jes. XLIX. 24, 25. Zach. XIII. 1, 2, *Die illo erit fons apertus Domui Davidis. Erit autem die illo, dictum Jehovæ exercituum, ut excindam nomina Idolorum à terra, adeo ut non commemorentur amplius; quin etiam eorum Prophetas, & Spiritum impuritatis amoturus sum a terra.* Atqui tale iterum est Regnum Jehovæ, de cujus Effectu ita vers. 7. canitur. *Pudescient omnes colentes sculptile, qui se jactant de Idolis.* Certè conversio Gentilium ab Idololatria, eorundemque Vocatio ad cognitionem viæ salutis, ad Fidem ac Communionem Dei salutarem, ex quibus demùm verum & solidum

lidum peccatoris oritur gaudium, est evidentissimus Character Regni Filii Dei incarnati.

XVIII. Magis verò manifestum fiet de Regno Messiae agi in hoc Psalmo, si cursim ac breviter ejus Argumentum & contenta perlustraverimus. *Propositio est vers. 1. Jehova regnat, exsultabit terra; letabuntur insulae multae, vel magnae.* Videt ut praesens Propheta Regnum Dei novum, quia est regnum Dei incarnati, novo titulo plenissimae satisfactionis à Filio Dei acceptum, in novum populum, in tota Terra ac Insulis maris habitantem, novoque ac illustriori modo ac antea, in Israël solo ac terra Immanuëlis, gubernatum. Hinc subito exclamat rei novitate permotus, *Jehova regnat*, id est, *regnum capeffivit, regnare incepit* (coll. 2. Sam. xv. 10. כִּלְכַּל Absalom. 1. Reg. i. 18. Adonija מָלַךְ & 2. Reg. ix. 13. כִּלְכַּל Jehu) *exsultabit terra, gaudebunt Insulae multae.* Nam in hoc Regno est vera & unica causa laetitiae perennis ac solidae peccatoris, & gentilium miserrimorum, abique Deo Christo & salutis spe viventium in mundo. Sequitur *Demonstratio.* *Causa laetitiae Insularum*, omniumque Electorum ex Judæis & Gentibus foret *Prima*; *Judicium* aliquod particulare & singulare Regis Messiae, inopinatum, in omnium oculos incurrens, irresistibile, gravissimum, multoque cum terrore conjunctum, in *Judaeos*, primos & infensissimos hostes suos: quod judicium coelitus immissum instar fulguris orbem habitabilem, partim percelleret, partim etiam *illuminaret*, atque convinceret de Messiae Crucifixi Regis *Justitia*; tum *Vindicativâ*; tum *Causâ*, quod nempe injustè condemnatus esset ut Blasphemus, quia se Messiam Deum, Deique Filium naturalem ac æternum fassus erat coram Synedrio Judæorum; tum denique de *Justitiâ seculorum* ab Ipso, pro Electis peccatoribus Vicaria obedientiâ sua ad Mortem Crucis, adductâ. Huc spectant quæ sequuntur *vers. 2, 3, 4, 5, 6. Nubes & caligo circumstant eum: Justitia & judicium basis solii ejus. Ignis ante eum procedit, & inflamat circumquaque hostes ejus.* Perlustrant fulgura ejus orbem habitabilem, videns formi-

formidat terra. Montes ut cera liquefiunt a præsentia Jehovæ, à præsentiâ Domini totius terræ. Indicant cœli justitiam ejus, adeo ut videant omnes populi gloriam ejus. Altera Lætitix Causa foret Idololatriæ Paganæ everfio; vers. 7. Pudefient omnes colentes sculptile, qui se jaçant de Idolis. Additur denique Officiorum Regi Messiaë debitorum Præscriptio, facta; Primò Angelis, imperativè vers. 7. Adorate eum omnes Dii: Dein toti Ecclesiæ, narrativè. vers. 8, 9. Audiens letatur Tzizon, exsultantque filiaë Jebudæ, propter judicia tua (in Judæos rebelles, & Satanæ Regnum effusa) o Jehova. Tu enim es Jehova, excelsus supra omnem terram; valde elatus es supra omnes Deos: Denique singulis Fidelibus Ejus Membris, vers. 10, 11, 12. Amantes Jehovæ, odio habete malum, (Incredulitatis Judaicæ & Idololatriæ Paganæ, per Hominem peccati reducendæ, & sub Mortis crudelissimæ pœnâ à Christianis ab Ipso exigendæ, unde additur ad consolationem Martyrum) servans animas eorum quos benignitate prosequitur, è manu improborum eripit eos. Lux sata est justo, & rectis animo lætitia. Lætamini justi in Jehova, & celebrate memoriam Sanctitatis ejus.

XIX. Meritò ergo Apostolus hunc Psalmum ut *Prophe-
ticum* de Regno Messiaë accepit. Optimè CALVINUS. Si deinde totum Psalmum percurras, nihil aliud videbis quàm Regnum Christi, quod ab Evangelii publicatione cœpit. Nec aliud est Argumentum Psalmi, quam veluti solenne diploma quo in ejus Regni possessionem mittitur Christus. Ita est profectò. In hoc eodem Psalmo INDUCITUR *Primogenitus IN ORBEM TERRARUM*. An in phrasi sit respectus ad Inscriptionem Psalmi Græcam incertum est. Ita sonat, τῷ Δαυὶδ ὅτε ἡ γῆ αὐτοῦ, vel αὐτῷ, καθίστατο, vel καθίστα. Latini, *Quando terra ei, vel ejus, restituta, vel constituta, est.* Ipsi Græci, ut saltem in nonnullis Codicibus legitur, & a BASILIO Magno in scholiis dudum observatum est, fatentur quod αὐτοῦ γῆς sit κατὰ ἱεραλοῖς. Potuit fieri ut tempore Pauli lecta fuerit, & addita ex communi fide Ecclesiæ Judaicæ de Oc-
casione

casione Psalmi compositi; quæ fuisset, cum terra Israël Davidi Regi post fata rebellis Absalomi tota iterum subiecta fuit; quæque ipsum, accedente afflatu Spiritus Sancti, impulisset ad componendum hunc Psalmum Propheticum de Regno in totam Habitabilem Regi Messiae restituendo, postquam Judæi Filii degeneres ac rebelles meritis pro rebellionis sua pœnas decissent. Sed nihil determinamus. Certum est quoad Rem phrasi notatam, *Introduci Messiam in hoc Psalmo in Orbem terrarum*. Quod realiter factum non esse in illo omnes faciliè concedent. Ergo *prædictive* heic *introducitur* Deus Primogenitum *iterum* & *secundò* in Habitabilem, quia de Regno ejus *iterum* inter gentes erigendo vaticinatur. Quo modo (Verbo reali pro notificativo sumto) etiam Paulus scripsit in eadem hac ad *Hebræos* Epistola, Cap. x. 5, 6. Διὸ εἰσερχόμενος εἰς τὸ κόσμον, λέγει. Quapropter ingrediens mundum, dicit, id est, ingressum suum in mundum prædicens, ait, *Sacrificium & oblationem noluisti &c.* Psalm. xl. 7, 8. Quemadmodum *prædictive* ibi venit in Mundum, sic & *prædictive* *introducitur* in hoc Psalmo *iterum*, seu *secunda vice*, in Orbem Habitabilem. Ex quo nunc clarè intelligitur sensus Pauli, cum ait; Ὅταν ἡ πάλιν εἰσαγάγῃ τὸ πρωτότοκον εἰς τὴν οἰκονομίαν. Quando *secundò* *introducitur*, vel *introduxit*, aut *postquam* (sic ὅταν Joh. xvi. 21.) *secundò* *introduxisset* Primogenitum in Habitabilem, id est, *prædixisset* Ejus *secundam Inductionem* per Vocationem & Conversionem Gentium, dicit, *statim* scilicet & *illico*, (quemadmodum Aoristus, uti est εἰσαγάγῃ, apud Græcos pro imperfecto, perfecto ac plusquam perfecto sumitur, ac designat tempus jam recens præteritum, contra ac si præterito utantur, tunc enim agunt de tempore non adeo nuper elapso, uti observant Grammatici) *adorent eum omnes Angeli Dei*. Sic ergo vidimus *Alterum* illud quod in Textu hoc Paulino occurrebat, nempe *Tempus Mandati*, Nunc sequitur tandem Ejus *Argumentum*.

DISSERTATIO DECIMA OCTAVA

D E

ΠΡΩΤΟΤΟΚΟΥ ΑΔΟΡΑΤΙΟΝ
ANGELIS IMPERATA.

Ad Locum Hebr. I. 6.

I.



RGUMENTUM. Quod spectabimus: Priuò
Verbis Psalmi propositum: Dein *Verbis*
Pauli repetitum & expositum. Verba Psal-
mi ita sonant : השתחוּ לו כל אלהים
Adorate (non *adorarunt* uti quosdam verte-
re monuit DRUSIUS) *Eum Universitas Deo-
rum*, id est *omnes Dii*. Ubi consideran-

da, *Quis* imperat, *Quibus*, & denique *Quid* ab iis requirat.
Quoad *primum*. Subitò per Apostrophèn sic sermo con-
vertitur ad *Elohim*, quibus mandatur Adoratio *Jehovæ Do-
mini totius terræ*. Nihilominus tamen *loquens Persona* est
quoque *Jehova*, Deus Pater vel Spiritus Sanctus. Prophe-
ta quidem in Spiritu audivit, scripsitque hoc mandatum,
non dedit. Ministros enim Dei Prophetas vel Apostolos
malis Angelis imperare nomine Dei constat ex *Act. xvi. 16.-18.*
Sed Bonis ac Sanctis mandata dare, eosque ad officia circa
Deum exhortari, inauditum est. Deus ergo de Deo heic
loquitur, unaque Persona Divina de Aliâ, Angelis creatu-
ris suis imperans ut Eam adorent. Quod mysterium Paulus
innuit, quando de Deo Introducente Primogenitum in or-

Z z z 2

bemi

bem terrarum ait, Ipsum dixisse, de Deo Primogenito, omnisque creaturæ ac totius terræ Domino, *adorent cum omnes Angeli Dei.*

II. Illi secundo, Quibus Imperat Jehova sunt כל אלהים *Univerſitas Deorum, seu Omnes Dii.* Non sunt עבדי אלהים *Cultores Elobim, ut Kimchi vult, repetens ex præcedentibus dictionem עבדי: & ut Targum habet, כל עמא פלחי טעותא omnes populi ſervientes Idolis: ſed ſunt ipſi Elobim.* Clar. Guſſetius, in *Comment. Ling. Ebraicæ* ad Voces כל & אלהים / atque in *Chizzouk Emounab, Part. II. Cap. xcv. ut & Part. I. Cap. ix.* vertit hæc; *adorate cum omnia Dei, hoc eſt, inquit porro, omnia quæ Dei ſunt, quæ Deus poſſidet, res omnes ad Deum pertinentes: Additque: Ita vertere licet, quia כל ſic ſumitur Eccleſ. xii. 15. Finis totius ſermonis eſt Deum time & ſerva mandata ejus, כי זה כל האדם / quia hoc eſt totum hominis, omne quod poſſidet homo, & quod verè ejus eſt, alia enim, ut fugitiva, ejus non ſunt.* Monet denique, ſic quoque Angelos comprehendere ex mente Sp. S. in *Psalmo*, atque adeo nec Pauli interpretationem nec argumentationem pro Deitate Chriſti, adorandi etiam ab Angelis, everti, ſed confirmari potius, quia nempe Angeli omnium rerum, quæ ad Deum pertinent, nobiliſſimi ſunt, liquet eodem rem recidere ſive dicas Chriſtum adorari ab Angelis, ſive ab omnibus quæ ſunt Dei. Fundamentum hujus Interpretationis eſt Hypotheſis Viri Doctiſſimi de Nomine אלהים Elobim, quod vult eſſe Nomen Dei, non Judicantis, non Adjurantis nos in Fœdere, non Venerabilis & Colendi a nobis, ſed Naturæ ſeu Naturale. Quemadmodum Petrus eſt Nomen Proprium, Homo eſt nomen Naturæ, & Rationalis, Fortis, Prudens ſunt Nomina Qualitatis & Attributi. Sic etiam Triplex ſtatuit Nominum Divinorum genus; Proprium, quod eſt יהוה Jehova, quo diſtinguitur ab aliis qui dicuntur Dii; Attributi & Qualitatis, qualia ſunt שר / עליון Omniſufficiens, Excelfus &c. quæ aliquod attributum indicant quacunque ratione a ſubjecto diſtinctum, quo mediante ad ſubjectum ipſum & natu-

naturam Dei devenimus; & denique Naturæ vel Naturale, quod est אלהים Elohîm, directè simpliciter proximè atque immediate Naturam Divinam ipsumque Deum in se totum significans, ita ut ejus auditu mens rectà feratur ad id quod Deus est vel esse putatur. Concedit itaque Idolo dari, sed non aliam ob causam, quam quia hominum judicio amore fiduciâ cultu pro vero Deo habetur. Concedit quoque prædicativè & per comparisonem tribui posse Angelis, & dari Magistratibus Psalm. LXXXII. 6. Ego dixi אלהים אתם id est, subintellecto א Caph similitudinis, ut Deus estis vos. Verùm subjektivè dari in Sacris vel Angelis vel Judicibus Terræ negat. Atque ideo hunc locum, qui ipsi objici posset inprimis, tam duro modo interpretatus est Vir Doctissimus. Certe ferri nequit hæc interpretatio propter officium Adorationis, quæ est cultus rationalis, heic injunctæ, quæque ab omnibus creaturis, Saxiseriam atque Brutis, nec præstari nec requiri potest. Deinde, quando א construitur cum alio Nomine singulari vel plurali, significat id, non quod à Re Nomine alio significatâ, productum est א d'pendet, sed quod in Re est, atque ad eam pertinet tanquam ad genus aut speciem, vel subiectum. Quod & obtinet in Loco Eccles. XII. 15. ab Ipso adducto. Ex quo sequeretur, quod Universitas Dei seu Omne Dei heic significaret omne quod in Deo est, ut in subiecto, vel quod ad Deum pertinet, ut individua ad species suas. Quod est absurdissimum. Et quod attinet ad Hypothesin Clar. Viri, quod Elohîm sit nomen non Officii, Beneficii, Qualitatis, sed Naturæ, observare licet. 1. Quod illa fortè non sit firma satis & solida, quia videtur esse Nomen qualitatis, Deumque Venerabilem exprimere; non solum quia apud Arabes Verbum אלה Alaha sensu colendi reperitur, sive sit radix א Elohîm in Arabica lingua recentiori servata, sive ab Arabibus ex Elohîm derivata; verum etiam quia pro Venerabili sumi videtur אלהים 1. Sam. XXVIII. 13, 14. Ubi Mulier dicit Saulי אלהים Vidi Elohîm (Venerabilem) adscendentes è terra, & eidem Sauli

interroganti, *Quæ forma hujus*, respondet **אִישׁ זָקֵן עָלֶיךָ** *Vir senex adscendens* &c. unde collegit Saul, *Samuelem* esse illum Elohim Venerabilem senem. 2. Quod, si concedamus esse *Elohim* Nomen Naturæ, per *Metaphoram* tamen posset dari, etiam *subjectivè*, Angelis & Hominibus. Nomina Naturæ sunt *Leo, Ovis, Vulpes*, monente ipso Guffetio. Quæ; si *subjectivè* usurpentur per *Metaphoram* de Hominibus, ut cum dicit Dominus de Herode, *dicite Vulpi isti* Luc. xiii. 31. & de Fidelibus, *Oves vocem meam audiunt* Job. x. 27; si *prædicativè*, ut cum dico, *Herodes est Vulpes* vel *ut Vulpes*, & *Fideles sunt Oves*, manebunt tamen Nomina Naturæ. Sic etiam Nomen *Elohim* Naturæ Divinæ Nomen maneret, etsi *subjectivè* etiam per *Metaphoram* Angelis & Principibus terræ quandoque tribueretur.

III. Sit itaque *Elohim* Nomen Naturæ, quod propriè proximè & immediatè Ipsum Naturâ Deum exprimat, datur tamen & Aliis extra Deum existentibus Rebus vel Personis. Nec tantùm *abusivè* tribuitur iis qui Naturâ non sunt Dei, sed qui tales dicuntur, putantur, habentur, fiduciâ & cultu; Exod. xx. 3. *Non erunt tibi אלהים אחרים* Dii alieni. Num. xxxiii. 4. *וּבאלהיהם* & in Deos ipsorum (Ægyptiorum) exercuit Jehova iudicia. Psalm. xcvi. 4. - 6. *tremendus Jehova אלהים על כל* supra omnes Deos, quoniam *כל אלהי העמים אלילים* omnes Elohim Dii populorum sunt Elilim non Dii, Deunculi, Vanitates, Res Nibili, &c. Jer. ii. 11. *אִם אֱלֹהִים אֲנִי* Deus; quamvis illi *לא אלהים* non Deus &c. Verum etiam datur in Sacris Judiciis terræ, & Angelis cœli per *Metaphoram*, ob peculiarem eorum cum vero summo ac naturâ Deo similitudinem. Hæc est communis sententia Judæorum ac Christianorum. Judices terræ vocantur *Elohim* prædicativè Psalm. lxxxii. 6. Job. x. 34, 35. & *subjectivè* Exod. xxi. 6. *Tum sistens eum Dominus ejus coram אלהים* / *sistet eum ad Januam suam, aut ad alterutrum postem, & perforabit Dominus ejus aurem ejus subula, & serviet ei in æternum.* Ubi *Elohim* utique sunt *Magistra-*

gistratus, ex quorum auctoritate & consensu hoc in servo Hebræo fieri debuit; & *Domus*, ad cujus Januam ac Postem sistendus servus ille erat, & auris ejus perforari debebat, non est Domus Dei, hujus Cultui Sacrata, aut *Tabernaculum*, sed privata Domini istius Domus, in qua servire debebat servus ille per totam vitam, cujus rei Signum erat perforatio auris ejus ad Postem Domus servitutis istius. Malè itaque GUSSETIUS hîc per *Elohim Deum* ipsum intèllexit non *Judices Populi*, & per *Domum, Dei Domum, in Castris Tabernaculum Conventus, in Canaan Domos ubi fiebant sacrificia*; quia nempe in conegotio nihil erat judicandum, quare non opus est hæc verba trahere ad *Judices*. Similiter de *Judicibus* nomine *Elohim* designatis agitur in Locis *Exod. xxii. 8, 9, 28. 1. Sam. ii. 25. Psalm. Lxxxii. 1*, quicquid aliò torqueantur a Gusselio. Ratio Metaphoricæ hujus locutionis est similitudo peculiaris *Judicum* cum Deo *Judice* totius terræ, in judicandi potestate, per quam *habent quasi sortem hominum in manu sua, dantque aut tollunt vitam, & opes judiciis*, uti scripsit ipse Vir Doctissimus. Sed & *Angeli cœli* hoc nomine quoque veniunt non uno in Loco, ex Communi rursus Veterum & Recentiorum Interpretum sententiâ. Huc refertur imprimis Locus *Psalm. viii. 6. Paullò minorem fecisti eum* אֱלֹהִים: LXX. παρ' ἀγγέλων, quod secutus est Paullus *Heb. ii. 7, 9*. Sic etiam LXX. interpretati sunt *Psalm. cxxxviii. 1. Celebrabo te ex toto animo meo* אֲשַׁלֵּם לְךָ psallam tibi. LXX. καὶ ἐναντίον ἀγγέλων ψαλῶ σοι. Targum דִּינִי *Judices* intelligit. Gusselius hic se vertit in varias formas. Nunc *Elohim* in Vocativo positum esse conjicit, *coram, o Deus, psallam tibi*. Nunc addit iterum: *Quod si דַּן ita nudum non admittis, superest ut sint duæ Personæ Divinæ, quarum unam se culturum coram alterâ Psalter dicat*: Subjiciens tandem, ei qui credit Trinitatem Personarum, *facilius esse debere hic duas agnoscere, quam nomen Dei (Elohim) etiam subjective, extendere ad res creatas, ut Humanos judices*. Eodem sensu acceperunt Græci nomen *Elohim* in Psalmo nostro

stro *XCVII. vers. 7.* quem transtulerunt προσκυνήσατε αὐτῷ πάντες ἄγγελοι αὐτῷ: quos hac in parte secutus est Apostolus in Textu nostro. Et videtur hæc fuisse antiquissima veterum Judæorum Expositio. Nota est Muhammedis in Alcorano, Muhammedanorumque Fabula, de Angelorum quorundam & Diaboli lapsu, qui postquam 80000. annos Deo serviisset, peccavit, cum *adorare Adamum* noller, quod Deus ipsi jussisset; quia scilicet se Adamo præstantiorem, ratione originis, existimabat, dum corpus suum ex igne, Adami verò ex luto, ab igne facile consumendo, factum esset. Vide RELANDUM de *Relig. Muhammedica Lib. II. §. XIV. p. 189. — 195.* Putida est fabula, quia corpora Angelis meris Spiritibus, & absurda Deo tribuit, nempe quod jussisset Bono Angelo Adamum adorare, civiliter an religiosè, incertum est. Scopus Fabulæ esse videtur docere magnam Adami Excellentiam, Angelica majorem, primumque Diaboli peccatum, *Invidiam* nempe, quâ ductus noluit præstantiam Hominis agnoscere & detrectavit ei servire. Sed quod attinet ejus originem, quatenus de *Adoratione* Adami *Angelis* a Deo imperata loquitur, JOH LUD. VIVES *Lib. 4. de Veritate Fidei c. 10.* ab Hackspanio laudatus in *Disp. Sylloge p. 254.* censet Muhammedem hausisse illud ex Textu nostro *Hebr. 1. 6.* ubi de *Primogenito in orbem terrarum introducto*, atque ab *Angelis adorando* agit Apostolus, quem *Primogenitum* ille accepisset de Adamo, cum sermo sit de Christo. Quam conjecturam se simpliciter haud improbare scripsit ibidem HACKSPANIUS, quia *liquet, multa Impostorem è Veteri Novoque Testamentis mutata suis propinasse.* Addit tamen, aliud esse, quod sibi a vero propius abesse videtur. Iterum, inquit, *Judæos ille secutus est, idem prorsus asseverantes, ceu patescit evolventi Galatinum, qui 1. 7. de A. C. V. c. 4. ex Rabbi Mose Haddarian sententiam Judæorum refert: quam in sequentibus adducit, & concludit. Valde itaque verisimile est, a Judæis commenta hæc petiisse Mohammædem.* Cæterum unde Judæi hæc hauserint, non addidit.

didit. Haud improbable videtur Judæos ex *Psalmo nostro XCVII. vers. 7.* illud desumisse, quia Veterum Judæorum fuit opinio *Elohim* heic denotare-*Angelos*. Unde Recentiores, quod de *Adoratione Angelis* heic imperata occurrebat, ad *Adamum primum* pro cæcitate mentis suæ transtulerunt, quod de *Adamo secundo* dictum erat: Sed nihil determinamus.

IV. Certè si non unicè, saltem præcipuè heic sunt intelligendi *Angeli*, finiti illi Spiritus veri ac meri, quos Paulus *πνεύματα* vocat ideo *Heb. i. 14.* & esse docet *vers. 7.* ex *Psal. civ. 4.* Gentium Dii, Sol, Luna, Astra, Bruta, Idola, aliaque Cerebri humani figmenta, heic intelligi nequeunt, quod tamen vult *R. Salomo*. Quia in prima parte Versus hujus *Elohim, Vanitates, Res nihili, non Dii* dicti sunt. Atqui non est verisimile eos, quos *אלילים* contemtim modò vocavit Spiritus Sanctus, statim Magnifico nomine *אלהים* vocari, & eo quidem in loco in quo iudicium in Idololatrias denunciat dedecore & ignominia afficiendos; quia hoc magnificum nomen speciem excusationis Idololatriæ istius præbere poterat, si scilicet Dii potuerunt videri quos coluerunt. Deinde in Futuro loquitur de Idololatriis & Idolis; sed hîc ubi de *adoratione* facit mentionem utitur Imperativo: quia nempe ibi de eventu, hîc verò de officio agitur. Sed officium *Adorationis* non incumbit inanimatis irrationalibusque Creaturis & Idolis. Ita ferè iisdem Verbis CAMERO ad *Heb. i. 6.* Addit ALTINGIUS, quod falsi Dei nunquam *Elohim* absolutè, ut hîc, appellentur. Cui Assertioni, cum ob stare videatur Locus *Jer. ii. 11.* non inhærebo. Neque repugnat Vocabulum *כך* *Universitas* huic exclusioni significatûs vocis *Elohim* de *Diis gentium*. Nam si proprius & primus Nominis hujus *Elohim* significatus, quo verum ac Naturâ Deum significat, necessariò heic excludi debet; cur etiam aliam ejus significationem abusivam, vel metaphoricam, non excluderet?

V. *Principes* verò ac *Judices terræ* intelligi heic possent,

Messiam adoraturi, eique subijciendi *Psal.* II. 10, 11, 12. XLVII. 8, 9, 10. LXXII. 9, 10, 11. LXXXIX. 28. *Jes.* XLIX, 7, 23. LX. 9, 10. &c. nisi contextus cogitata ad *Angelos* restringeret. Sapientiam Auctoris commendat coherencia sermonis ejus. Quare inter alia genuinum Criterium est veræ Explicationis Verborum *Spir. S.* quando ex eâ apparet coherere illa optimè, & sapienti consilio ita esse ordinata. Jam verò de Idololatriâ Gentilium actum modò erat, *Pudescient omnes colentes sculptile, qui se jactant de Idolis.* Hicce immediate subijciuntur hæc nostra, *Adorate cum omnes Elobim, id est, Angeli.* Causa quare hæc immediate adduntur, videtur esse, ut Christiani, ab Idololatria Gentilium omni (qui & Spiritus quidam, quos in Astris atque Idolis habitare existimabant, adorarunt) conversi ad cultum solius Dei veri ac vivi, munirentur adversus alios ex Judæis seductores exorituros, qui sub specioso quodam prætextu *Angelolatriam* ipsis vehementer commendaturi erant. Prævidit nempe Spiritus Sanctus in initio Christianismi Judaizantes fore Christianos, Platoniciâ etiam forte Philosophiâ imbutos, qui, cum *Cerintho*, *Θρησκίαν* & *Ἀγγέλων* urgerent, quia mundus ab iis est fabricatus, & quia *Lex per eos est lata.* Vide *EPIPHANIUM Her. XXVIII.* Quales etiam fuerunt tempore Pauli scribentis ita ad *Coloss. Cap. II. 18.* *μηδεὶς ὑμᾶς κατὰ ἑξουσίαν θείων ἢ ταπεινοφροσύνην ἢ θρησκίαν & ἄγγέλων* &c. Ad quæ Verba Pauli THEODORETUS in Comment. quædam memoratu digna scripsit, quæ Latinè ita sonant. Qui legem defendebant, eos etiam ad *Angelos* colendos introducebant, dicentes: *Legem fuisse per eos datam.* Mansit autem per diu hoc Vitium (quod *παλαὸν* *Vetus* vocat ad *Coloss. III. 17.*) in *Phrygia* & *Pisidia.* Proinde Synodus quæ convenit apud *Laodiceam Phrygiæ*, (Anno Christi vel 364. vel 367. vel 368.) lege prohibuit, ne precarentur *Angelos.* Et in hodiernum usque diem *Oratoria Sancti Michaëlis* apud illos illorumque finitimos videre est. Illi ergo humilitate nimirum ducti hoc fieri suadebant, dicentes, *Universorum Deum nec cerni, nec attingi, nec comprehendi*

bendi posse: & oportere per Angelos Divinam sibi benevolentiam conciliare. Hoc est, quod dicit, in Humilitate & cultu Angelorum. Vide etiam quæ ALEXANDER MORUS ad eundem Pauli locum adnotavit. Huic malo se videtur opposuisse Spiritus Sanctus, quando in Parte Psalmi Admonitoriâ, primò quidem se convertit ad Angelos, jubetque iis, adorare Messiam Regem, sic docens, non tantum veram Deitatem Messiae Regis, sed etiam solum verum Deum esse adorandum; & proinde sic damnat omnem Idololatriam & Angelolatriam, (coll. Job. v. 23.) quoniam eos adorare nos non oportet, qui ipsimet Deum ut Creaturæ dependentes adorare debent. Videntur Græci Intt. aliquid hujusmodi animadvortisse, quia vers. 2. אֱלֹהִים כֹּל vertunt πατέρες τὸς Θεῶς, sed hoc in vers. 7. אֱלֹהִים כֹּל ipsis sunt πατέρες ἀγγέλων. Nimirum contextum videbant nos ad Angelos ducere, & suadere omnino, ut aliàs latius sumtum Nomen heic de Angelis restrictè capiatur. Unde & Paulus idem retinuit, tanquam quod unicè a Spiritu Sancto in Voce Elobim esset intentum.

VI. Quia verò soli Angeli Boni ac Sancti vetitæ istius Ignominie erant objecta, sequitur exinde, quod & hi soli heic intelligendi sint per Elobim, non mali quoque quemadmodum Aliqui volunt Interpretes. Quod significare etiam voluisse videtur Apostolus, quando pro Elobim posuit Angelos Dei, id est, Angelos Dei Thronum cingentes, ejus jussa magna cum lubentia exequentes, ejusque gloriam deprædicantes Psalm. ciii. 20, 21. Jes. vi. 3. &c. Mali quidem Angeli Christo etiam subjecti sunt, juxta loca supra à nobis allegata, sed invitè, cum heic Voluntaria & Deo placens Adoratio præcipiatur. Horum etiam Caput dicitur quidem Deus hujus seculi 2. Cor. iv. 4. Sed an Nomen Elobim Diabolo & Angelis Ejus unquam detur in Scripturâ, equidem ignoro. Mulier Endorea 1. Sam. xxviii. 14. non operantem Diabolum, sed apparentem Venerabilis Senis Formam ac Speciem Elobim appellavit. Vocabulum אֱלֹהִים

Universitas non cogit nos *omnes*, qui Nomine *Angelorum* veniunt, heic intelligere, sed eos tantum *omnes*, quos Nomine *Elohim* intelligit Spiritus Sanctus. Atqui hi sunt soli Angeli *Boni*, uti dictum est, *Numero* ferè innumerabiles *Dan. vii. 10. Matth. xxvi. 53. Heb. xii. 22. Jud. vers. 14.* & optimo procul dubio *Ordine*, qualis est in *Exercitu*, quo nomine sæpe veniunt, *Luc. ii. 13. Eccl. distincti*, quamvis nos Eum, qualis præcisè sit, notatus fortè *Coloss. i. 16.* ignoremus. Quosque *omnes* absque exceptione, aut dignitatis ac potestatis distinctione hic compellat, vocans eos *Elohim*.

VII. Si verò ulli per Metaphoram merentur *Elohim* appellari certè sunt Hi *Angeli Boni*. Hi enim habent cum Deo vero & summo, supra reliquas Creaturas, magnam similitudinem. Sunt enim: veri & meri *Spiritus*, substantiæ intelligentes, *Psal. civ. 4. Heb. i. 14: sunt Sapientissimi 2. Sam. xiv. 17. 20: Sanctissimi Jud. vers. 14. 1. Tim. v. 22. Beatissimi: Potentissimi Ps. ciii. 20, 21: Cælestes Matth. xviii. 10. Luc. ii. 14: magna denique potestate pollentes Coloss. i. 16, non in Ecclesiam Christi Dominicâ, cujus semper ab initio Mundi fuere Ministri Heb. i. 14. sed in Mundana reliqua, ut circa ea operentur ad bonum Fidelium. Quapropter & Hodie sub N. T. æque ac Heri sub V. T. Nomen *Elohim* ipsis competit: sunt tandem *Venerabiles*, quorum excellentiam mentis iudicio nos agnoscere oportet, & voluntatis affectu excellenti naturæ eorum convenientiamare, ac corporis gestu decenti, si sic usu veniat, existimationem nostram testari, nec non cultu civili ac reverentiâ morali, simili ei, quo Reges nostros ac Magistratus, Parentes ac Doctores, denique ætate ac virtute præcellentes, sedulò honoramus. Religiosa verò *Adoratio*, *omnibus modis*, ore & clamore cordis silentio facta; *omnibusque in locis* etiam occultissimis instituta; ad obtinenda *omnia* tam spiritualia quam corporalia bona; cum *omni* fiduciâ & *subjectione*, ipsis neutiquam, sed Soli Deo Omniscio, Ompi præsentì, Omni potenti, Soli Inde-*

Independenti Causſæ primæ omnium in Natura & Gratia deferenda eſt, etiam ab ipſis his Sanctiſſimis Creaturis. Unde ſequitur.

VIII. Quid poſtulat ab Ipſis השתחוּ לו *Adorate Eum*. Ubi *Objectum* primò, dein *Officium* exactum. *Objectum* afixo pronomine relativo in לו designatur, quod nos ducit ad אֲדוֹן כָּל הָאָרֶץ *Dominum Univerſæ terræ* proxime nominatum *verſ. 5.* Cum Imperans Angelis hic ſit neceſſariò Persona Divina, ſequitur quod *Dominus totius terræ* ſit alia Persona ab Imperante diſtincta, non eſſentialiter; nam tunc non poſſet eſſe *Objectum* Adorationis Angelorum, in Natura Divina eminentiſſima tantùm fundatæ; ſed Personaliter. Porro quia in hoc Pſalmo de Regno Meſſiæ, haud diſſentibus Judæis & Socinianis, extet Vaticinium, hic *Dominus totius terræ* eſt Rex Meſſias; Quem ipſi Rabbini vocant, uti *Hackſpanius* adnotavit, רבון שׁל עולם, Chaldaicè רבון העולם / item כֹּל מַלְכֵי הַמְּלָכִים cum reſpectu ad Reges terrenos, nonnunquam *Reges Regum* dictos *Ezech. xxvi. 7. Dan. ii. 37. Eſdr. vii. 12; & Qui Pſalm. lxxxix. 28.* appellatur *Primogenitus*, & *Altiſſimus Regum terræ*. Unde Paullus cum reſpectu ad hunc Titulum *Domini totius terræ* Chriſtum appellavit in Textu PRIMOGENITUM abſolutè, & in contextu *Heredem omnium verſ. 2.* *Primogenitus* enim eſt *Dominus & Heres*. Appellatur verò Meſſias *Dominus totius terræ*; non quia Ipſi, nudo homini futuro, omnis poteſtas in cœlo & terra gratioſè a Deo vero & ſummo ad tempus danda erat, uti contendit juratus Deitatis veræ Meſſiæ hoſtis Socinus; Sed 1. Quia Meſſias eſt *Jehova Deus verus & ſummus*, ipſe *Deus Iſraëlis* Homo aliquando futurus *Jer. xxx. 21. Jeſ. vii. 14. Jer. xxiii. 6.* Eſt enim hic Titulus *Dominus totius terræ*, ſoli vero Iſraëlis Deo proprius, plus ſemel ipſi datus *Jeſ. iii. 11. 13. Mich. iv. 13. Zach. iv. 14. vi. 5.* Deinde nunquam conjungitur *Adon* cum *Jehova*, quod ſit *verſ. 5.* niſi cum idem *Jehova* eſt & *Adon*, uti verè DORSCHÉUS ait ad *Heb. i. 6.* & pater

ex Locis *Exod.* XXIII. 17. XXXIV. 23. *Jos.* III. 13. *Neb.* x. 30. *Psal.* VIII. 2. 10. *Jes.* I. 24. III. 1. x. 33. LI. 22. 11. Quia habet cum Patre & Spiritu Sancto *Regnum Commune* in omnia, naturaliter vel etiam moraliter ab ipso dependentia, coeli-que ac totius Terræ, jure Creationis ac Conservationis, est Dominus absolutissimus; coll. *vers.* 9. *Deus Deorum & Dominus Dominorum Apoc.* XIX. 16. coll. cum *Deut.* x. 17. *Psal.* CXXXVI. 3. *Primogenitus, excelsus supra Reges Terræ Psalm.* LXXXIX. 28. *Primogenitus omnis Creaturæ. Nam per ipsum condita sunt omnia. Coloss.* I. 15, 16. *Dominus omnium Act.* x. 36. 111. Quia Jure Redemptionis; non solum accepit *Regnum Potestatis* in omnia Cœlestia ac Terrestria, quibus uti potest ad salutem Electi ac Redempti Populi sui procurandam *Psal.* VIII. 7, 8, 9. *Matth.* XI. 27. XXVIII. 18. sed etiam *Regnum gratiæ* habet in Electos salvandos, olim quidem restrictum ad solum populum Israël, sed nunc extensum ad fines terræ omnesque sine discrimine populos, a quibus agnoscitur celebratur & colitur ut unicus Salvator Redemptor & absolutissimus Dominus, juxta Prophetias *Gen.* XLIX. 10. *Psal.* II. 8. LXXII. 7. 11. *Jes.* XLIX. 6, 7. *Tzeph.* III. 8, 9. *Zach.* IX. 9, 10. & imprimis *Jes.* LIV. 5. *Nam Conjunctus tuus opifex tuus, cujus Nomen Jehova Exercituum. Et Redemptor tuus Sanctus Israël, DEUS TOTIUS TERRÆ vocabitur.*

IX. Merito itaque Deus Pater imperat ipsis Angelis ut hoc Objectum Divinum, Filium suum Unigenitum, totius terræ Dominum ADORENT. Hoc est *Officium*, quod postulat Verbo ושתחו / LXX. προσκύνετε. Verbum ושתחו notat honoris causâ incurvare corpus; Vel aliquo modo 1. *Reg.* II. 19; Vel caput inclinando aut genua flectendo, imprimis ubi cum Verbo קדך jungitur *Gen.* XXIV. 26. 1. *Chron.* XXIX. 20. ויקדו וישתחו Trem. & Jun. & inclinatio vertice incurvaverunt se honorem exhibentes, sed LXX. habent ἡ καμψόντες τὰ γόνατα προσκύνοντες; Veleriam totum corpus in terram prosterneudo, ut facies eam attingat,

gat, ad lambendum quasi ejus pulverem. *Gen. xviii. 2. xix. 1. xlii. 6. i. Chron. xxi. 21. &c.* Unde per προσκυνῆν vulgò a LXX. translatus est, quod, ex origine, a κύων Canis, notat more canum se projicere ad pedes alicujus tanquam Domini sui, eique humillime blandiri lambendo, ac demulcendo ei pedes. Quia porro Orientales eodem incurvati ac prostrati corporis gestu Deum pariter ac Reges suos venerabantur. *i. Chron. xxix. 20.* ideo nunc pro *Civili* 2. *Sam. xiv. 33. xviii. 28. xxiv. 20. &c.* nunc pro *Religiosa* cultu ponitur Verbum pariter Hebræum & Græcum *Gen. xxiv. 26. 52. i. Sam. i. 3. i. Chron. xvi. 29. Psalm. xcvi. 9. Zach. xiv. 16. Matth. iv. 10. Job. iv. 24. Act. viii. 27. Apoc. xix. 4. 10. &c.* Quemadmodum autem in *Civili* decenti cultu corporis iste gestus signum erat animi; agnoscentis alterius gradu majorem præstantiam; corpus tradentis alterius potestati; se subjicientis alterius Dominio & Legi, Divinæ non adversanti; ac humillimè implorantis denique alterius favorem, unde per *adorare, anbididen*, frequenter vertitur a Latinis & Belgis nostris: ita in hisce *Religiosa προσκύνῃς* à *Civili* differt, quod in illâ, Religiosâ nempe, hic corporis gestus conjunctus sit: cum agnitione præstantiæ, non gradu majoris, sed summæ, qualis in Deo solo est: & cum subjectione corporis pariter ac animæ absoluta & universali, qualis soli Deo summo Domino debetur: & denique cum invocatione ac imploratione omnis Boni, corporalis & spiritualis, temporalis & æterni, cujus adorationis & invocationis omni in loco & omni modo instituendæ, cum humillima imploratione omnis boni, Obiectum solus Deus omniscius omnipræsens ac omnipotens est & esse potest. *Matth. iv. 1. Apoc. xix. 10.*

X. *Adoratio* hoc in loco Angelis imperata non est *Civilis*: quâ Christum nudum Hominem, ob potestatem ipsi gratiosè, juxta Socinianos, datam, gradu se præstantiorem modò faterentur, atque ejus Dominio juxta summi Dei voluntatem se subjicerent, eumque qualicunque modò ut nunc aucto-

auctoritate superiorem venerarentur: sed omnino est *Religiosa* soli Deo summo debita. Nulla enim alia ab Angelis Sanctis exerceri potest, qui præter Deum nil supra se agnoscunt nec habent, ne quidem Christum ratione Humanitatis sed Deitatis, vel ratione Humanitatis quoque, sed ideo quia Deitati conjuncta est in Unitate Personæ Divinæ, unde omnis Humanæ naturæ dignitas & gloria. Quare Paullus *Præstantiam* Christi supra *Angelos* in sola ejus Deitate ac Filiatione Divinâ posuit *Heb* 1. 4, 5. Deinde talis Adoratio heic intelligitur, qualis olim Idolis deferabatur ab οἰκουμένη Idololatricâ. Nam Christus heic manifestè opponitur Idolis, Disque Gentium dictis, ab ipso destruendis, & vult Deus Pater ut Filio suo Domino totius terræ deferatur idem Honos specie qui pessimè hæctenus delatus erat Diis fictis & dictis a cæcis gentilibus. At hic Honos fuit *Religiosus* cum plenissimâ fiduciâ & absolutissimo obsequio conjunctus. Denique cum *Objectum* hujus imperatæ Adorationis est *Divinum*, *Dominus totius terræ*, ipse *Jehova*, *Primogenitus omnis Creaturæ*, per quem creata sunt omnia, etiam ipsi Angeli *Coloss.* 1. 15, 16. ejus *Adoratio* nequit esse alia quam *Divina* ac *Religiosa*.

XI. Consequenter quando jubet Deus Pater ut *Adorent* Christum Primogenitum & Dominum omnium, postulat ab Angelis Sanctis, non *Corporis prostrationem* in signum subjectionis, nam corporibus carent Angeli, absolutè in se & sua naturâ *invisibiles Coloss.* 1. 16. *Testantur*, inquit LORINUS Jesuita, *probatissimæ historiæ visos interdum Angelos Christum humiliter venerari in Eucharistiâ*. Nugæ. Cæterum in assumptis corporibus Christum Dominum in terris versantem sic adorasse minimè negamus. Neque postulat ab Illis Veteris Domini ac Potestatis Dominicæ in Ecclesiam Israëliticam depositionem, quam nunquam habuerunt: Sed postulat ut *agnoscant* Christum, non se gradu præstantiorem Creaturam, sed *summum Deum*; ut ab Eo *dependeant* Creatore & Conservatore suo in *Esse* & *Operari*, ejus præmotionem ut
primæ

primæ causæ implorantes atque invocantes continuè, denique ut Ejus *imperio Divino* se prompte alacriter & *absolute* subjiciant: & tandem ejus *laudes* & gloriam *celebrent* cum summo Amoris ac Venerationis affectu *Jes. vi. 3.*

XII. Ita quidem semper adorarunt Filium Dei, cum Patre & Spir. S. Creatorem *Neb. ix. 6.* nondum incarnatum: & post incarnationem in statu Humiliationis *Matth. iv. 11. xxviii. 6. Luc. ii. 13.* Sed *novum* nunc Mandatum accipiunt, non de *nova adoratione* Christi instituenda; sed de *veteri* ob *novam causam* continuanda & renovanda. Nempe: quia nunc Deus Israël, Rex Tzizonis, Dominus Davidis, regnare incipiebat; *gloriosè*, in *carne assumptâ* glorificatâ & immortalî, in quâ paullò minor factus fuerat Angelis ob mortis passionem *Heb. ii. 9*; in *novos* subditos, hostibus Judæis subactis, & Idolis gentium destructis; *novo titulo* satisfactionis præstitæ, ut *Victor* mortis & inferni: ideo *Novum* hoc accipiunt Mandatum, *Adorate Eum omnes Angeli*; atque adeo juxta Paulum in *Epist. ad Hebr.* & *Textu nostro*, ὅταν QUANDO *Primogenitum* in οὐρανῷ induxit Deus Pater, id est, *secundò inducendum* heic prædixit, ut illud exequerentur ilico, post prædictionem hanc impletam.

XIII. Sic vidimus ARGUMENTUM Mandati hujus *Verbis Psalmi* propositum; nunc restat ut breviter idem videamus *Verbis Pauli* repetitum & expositum, uti supra promissimus. Approbavit quidem Apostolus Versionem Græcam, in quantum *Elohim* per *Angelos* in eâ exponitur; non tamen in omnibus *Verbis* eam secutus est. LXX. non habent αἱ, quod Paulus præmisit. Illi posuerunt secundam Imperativi personam, προσκυνήσατε; Paulus tertiam, προσκυνήσάτωσαν, quæ reddi potest, *adoranto*, vel etiam *adorent*. Illi habent, Ἄγγελοι αὐτοῦ; Paulus, Ἄγγελοι Θεῶ. Textum Hebraicum secutus est Apostolus, sed ita ut Sensum magis expresserit, quam Verba, quod esse in Sacris Literis frequentissimum rectè observavit dudum HIERONYMUS, in *Epist. ad Galat. in fine*, & in *Libello de optimo inter-*

pretationis genere. Nempe in Hebræo deest *Copula*, ut sæpe aliàs, subintelligenda tamen, quam ideo Paulus ex Spiritus afflatu addidit, & *Et* adorent eum; sive ut sit conjunctio *Copulativa*, indicans illam *Connexionem* horum Verborum (in quibus cæteroquin incepit pars Psalmi Admonitoria) cum præcedentibus, de qua supra diximus; sive ut sit *Illativa*, vel *Causalis*, ideo, propterea, quia cultores Idolorum confundentur, & Regnum Θεάριον & eriget inter gentes, illum adorare Angeli, ac novo ardore zeloque gloriæ Divinæ Regno ejus inservire debent; sive tandem exprimat Adverbium Temporis *tunc*, ut sumitur *Matth. xxii. 22.* *tunc* scilicet, quando pudefient Idolorum cultores, & princeps Mundi ejicietur foras, & Regnum inter medios hostes eriget. Repeti enim solebant, & multiplicari Adorationes apud Veteres, ubi Reges & Principes nova Victoria coronatos videbant. In Hebræo est כָּל־אֱלֹהִים *omnes Dii*, sed Paulus habet, πάντες ἄγγελοι Θεῶν. Non, quia legit in Codice Hebræo כָּל־כְּלָאֲכִי אֱלֹהִים *omnes Angeli Dei*, juti putant RIBERA & A LAPIDE. Nullum enim indicium nullaque species apparet fontium à Judæis heic corruptorum. Quia vox *Elohim* heic pro *Angelis* sumebatur; propterea & Paulus *Angelos* posuit in textu: Et quia pro *Bonis* tantum sumebatur in Psalmo vox ista, idcirco addidit Apostolus nomen *Dei*; uti antea à nobis quoque observatum fuit. Paulus denique tertiâ Imperativi utitur, προσκυνήσατωσαν, cum in Hebræo sit Imperativus Secundæ Personæ. Sed cum Hebræi tertiam non habeant in Imperativo, Græci verò utramque, integrum erat Paulo tertiâ æque ac secundâ uti. *Et tertiâ hoc loco ed commodius*, ait SEN. SCHMIDIUS, *tum quod Nomen habet, quod excepto Vocativo semper est tertiæ personæ, tum quod per copulam placuit cum Verbo præcedenti tertiæ Personæ, כִּוְשׁוּ* Erubescant, conjungere.

XIV. Nullum est dubium quin executi sint hoc decen-
tissimum Dei Patris Mandatum Angeli cœlestes, & exe-
quantur

DE PRIMOGENITI ADORATIONE. 563

quantur id Hodie, & executuri sint in omnem æternitatem. *Jes. vi. 3. Apoc. iv. 8. v. 11. Visus est ab Angelis glorificatus Dominus 1. Tim. iii. 16.* & in omni sua Divina gloria agnitus. Etiam hoc mandatum Propheticum ipsos non magis latuit, quam Diabolo illud promissum piis omnibus, & sic quoque Sanctissimo Messiae, factum in *Psalmo Psalm. xci. 11.* quod adduxit Tentator ille *Matth. iv. 6.*

XV. Sed ex hoc *Mandato Dei*, ejusque *Executione* irrefragabiliter liquet *Deitas Jesu Christi*, ipsumque in eo esse *præstantiorem Angelis*, quia Deus est verus & summus. Quod cum invictè probaverit Apostolus *vers. 4, 5.* ex *Nomine Filii Dei, geniti*, quod in Christo est *Ἀγαπᾷτες* *Psal. ii 7;* idem etiam nunc evidenter demonstrat ex *Adoratione Ejus Religiosâ Angelis* ipsis imperata. Quem enim *Omnes Angeli* adorare debent, is non est Angelus Creatus, sed Increatus, *Archangelus*, omnium Deus & Dominus. Quem quæso Angeli Cœlestes, præstantissimæ Creaturæ, adorarent nisi summum Deum? Quid aliud significare potest hoc *Adorare Angelis Imperatum*, quàm Christum agnoscere Dominum suum, Creatorem & Conservatorem suum, à quo dependent in esse & operari, atque adeo *Jehovam*, ut vocatur in *Psalmo*? Quid *Religiosè adorare*, quod mandatur in *Textu*, aliud est, quam omniscium, omnipræsentem, omnipotentem, omnisque boni fontem liberimum ac independentem sibi sistere, & plenâ fiducia in eum recumbere, & absolutissimo obsequio illi se subicere? Quem denique *omnes Angeli* adorare debent, eum etiam *omnes Homines*, omni modo omnique in loco invocare debent, argumento à majori ad minus. Sed ita ab *Homnibus* corde & ore, clam & palam, invocari solius est omniscii & omnipræsentis & omnisufficientis Dei. Unde patet quod hujus Invocationis Honor non dependeat ex arbitrio Dei, ut volunt Sociniani, quem dare posset, cui veller, nudæ creaturæ, sed quod in *Natura Divinâ* sit fundata, nemini

extra Essentiam Divinam unquam communicanda *Jes. XLII. 8. Ego sum Jehova, illud est nomen meum, & gloriam meam alteri non dabo, & laudem meam sculpsitilibus. Matth. IV. 10. Dominum Deum tuum adorabis, & ei soli servies. Gal. IV. 8. Imo tum quidem ignorantes Deum serviebatis iis, qui natura non sunt Dii. Apoc. XIX. 10. Vide ne feceris: conservus tuus sum & fratrum tuorum qui habent testimonium Jesu, Deum Adora.* Ita porro Religiosa hæc animi Adoratio soli Deo est propria, quâ nempe illum quem ita adoro, mentis judicio pro Ente summo, summèque perfectò habeo, omnia mea ei ut absolutissimo Domino trado, ei me in omnibus subjicio, ab eo omnia bona expeto ut Omnipotentissimo ac Omnisufficientissimo, eumque ubique locorum corde & ore invocans Omniscium, & Omnipræsentem suppono; hæc, inquam, animi religiosa Adoratio adeo soli Deo est propria, ut ejus etiam externa demonstratio in corporis incurvatione atque in terram prostratione, in sacrificiis oblati, altaribus extructis, Templisque erectis, neutiquam fieri debeat coram Re aliqua corporea, quæ Imago Ejus aut simulachrum dicitur. Quod ideo in secundo Decalogi præcepto Legislator severè prohibuit *Exod. XX. 4, 5, 6.* Unde consequitur quod *Panis* in Eucharistia, quia est nuda Imago Domini & signum corporis ejus, non sit hoc modo, externa adoratione nimirum, honorandus. Si dicant Panem esse ipsum Dominum suum, contradictoria loquuntur. Et si est Dominus ipse, cur devorant ipsum *ἀνθρώποι φάγοι*? Si verò Imago est tantum, Idololatriæ rei sunt ex Lege Domini. Denique in carne assumptâ adorandus est Christus; Hoc enim Angelis hîc Imperatur; sed non Caro ejus. Qui Homo est adorandus, non qua Homo. Sicuti & Qui Mediator est, adorandus est, & quia talis, non qua Mediator, ut Munus sit Objectum adorationis, quod est tantum Argumentum Ejus, quia est Munus planè Divinum. In carne assumpta itaque adoramus Christum, & coram Homine Christo procumbimus: Non, quia in Carne & Humanitate Ejus
Deus

Deus operatur & habitat, ut olim in Prophetis, & ut Gentiles credebant Numen habitare in Idolis ac simulachris, atque adeo non quia Christus Homo est *Imago & Simulachrum Dei*, ut voluit NESTORIUS, *Anthropolatra* dictus, quemadmodum ostendimus in *Lib. de Nestorianismo &c. Cap. II. §. XXIX.* Neque etiam quia *Humanitati* ejus in abstracto Omnipræsentia, Omniscientia, Omnipotentia, & Adorabilitas Communicata est per Unionem Hypostaticam, uti volunt Lutherani; Verum quia vi Unionis istius, inseparabilis est à Persona ἡ ἀνθρώπου, & quia Christus *Homo* vi istius Unionis est Deus Omnipotens, Omnipræsens, Omniscius, solus Adorabilis; adeo ut cum videam Hominem Christum, videam ipsissimam Personam Divinam, ipsissimum Dei Filium æternum & naturalem, honorandum sicut patrem honoramus *Job. v. 23. Psalm. II. 12. XLV. 12. LXVIII. 29.*

XVI. Si itaque coram carne Christi præsentem Religiosam corporis incurvatione procumbere licet ideo tantum quia in ea est Personaliter præsens Filius Dei naturalis adorandus; & si hoc non liceat facere coram eo in quo vel *Representative*, ut in *Imagine*, vel *Operative*, ut in Prophetis maximè, præsens est; liquet exinde quam malè laudaverit *Esaius*, ad hunc Locum nostrum, Tridentinam Synodum. *Aptissime autem utitur hoc testimonio Trid. Synodus ad comprobendam adorationem Christi in Eucharistia. Nam si Angeli Christum adorant: quantò magis Homines, etiam in Eucharistia, ubi fideles eum sciunt verè esse præsentem? Nam ubicunque Christus est, rectè adoratur. Ubicunque Christus est corporaliter & videtur Caro Ejus assumpta, rectè adoratur. Sed in Eucharistia non videtur in carne assumpta, neque etiam est consequenter ibi corporaliter, ergo non rectè adoratur. Est quidem in Eucharistia, sed repræsentative tantum & operative. Verum id omne quod Imago Ejus est, & in quo singulari modo operatur, adorari externe etiam non licet, tum ex Lege Dei, tum etiam quia sic omnes Angeli, omnesque Fideles,*

imo omnes Homines, ad Imaginem Dei conditi hætenus, essent adorandi.

XVII. Firmiter ergo credamus Jesum Christum Crucifixum esse cum Patre & Spir. S. verum & summum solumque adorandum Deum. Damnemus omnem Angelolatriam & Idololatriam, gratiasque Deo immortales agamus, quod separaverit nos ab ingenti illa multitudine, quæ *Besliam*, Regnum Papale & Anti-Christianum, ejusque *Regem*, Episcopum Romanum, *adorant* religiosè, Divina Nomina, Divinamque potestatem ei tribuentes, & se in omnibus ei cæca obedientia subjicientes, de quibus agitur ut non scriptis in Libro Vitæ *Apoc.* xiii. 8. Adoremus solum verum Deum Triunum. Adoremus Christum, qui est quoque solus ille verus Deus, *Psal.* ii. 12. xlv. 12. *Job.* v. 23. *1. Cor.* i. 2. *Phil.* ii. 9, 10, 11; Agnoscendo ipsum esse Deum & Dominum nostrum *Job* xx. 28. *Jes.* xlv. 22, 23, 24, 25. *Jes.* liv. 5. *Jer.* xxiii. 6; Omnia nostra ejus potestati Submittendo, Ejusque Voluntati nos in omnibus prompte & constanter Subjiciendo, tam Arcanæ Decreti *Apoc.* xiv. 4. quàm Revelatæ præcepti *Psal.* cx. 3. cxvi. 16. *Matth.* xi. 29, 30. *Job.* xv. 14. *Act.* ix. 6. *1. Job.* iv. 22. — 24. *Apoc.* xxii. 14. Et denique Demonstrando hanc Agnitionem ac Subjectionem animi in externo Ejus Cultu publico & privato, etiam in Precibus ad eum quotidie fuis, summa animi demissione, & corporis etiam decenti gestu *Rom.* xiv. 10, 11. *Phil.* ii. 8, 9, 10. Faciant hoc Omnes parvi & magni, Reges & subditi, Domini & servi *Psal.* ii. 10, 11, 12. lxxii. 9, 10, 11. xlvii. 9, 10. *Jes.* xlix. 23. Est enim Jehova; est Dominus totius terræ; est Dominus Dominorum; est Dominus omnium; & Primogenitus omnis Creaturæ; est denique Dominus noster & Primogenitus inter multos fratres, quos pretioso sanguine suo redemit *Act.* xx. 8. *1. Cor.* vi. 20. *Apoc.* i. 5, 6. Filiosque Dei Merito & Efficacia Spiritûs sui effecit *Gal.* iv. 4, 5, 6. ut ejus Filii Unigeniti Imaginem geramus, dignique hoc insigni *inest* Privilegio

legio vivamus semper, & Primogenitum nostrum honoremus coll. *Gen.* XLIX. 8, 9, 10. Sicuti & sic imitabimur coelestes Angelos, ipsum indefinenter adorantes, quod & quotidie petimus a Deo in Oratione Dominica *Matth.* VI. 10. Imo Opere omni promoveamus Regnum Filii Dei, & Ore, calidissimis precibus orantes Deum Patrem, ut Primogenitum magis magisque inducat in Orbem Terrarum, ut tandem omnes populi ei serviant, & increduli Judæi Crucifixum pro Rege & Deo suo habeant *Jes.* LXIV. 1, 2, 3 & orantes Primogenitum ipsum, ut accingat iterum gladium super femur suum, & prosperè equitet cum verbo veritatis, *Psal.* XLV. 4, 5. & in populorum Regionibus Urbes, Arces, Pagos, Domos, Corda quàm maximè, penitus introeat Rex gloriæ *Psal.* XXIV. 7, 8, 9; reliquam gentiliū Idololatriam destruat, Bestiæ imperium minuat ac tollat, totumque mundum sibi subjiciat, & sic fiat Dominus & Deus totius terræ; & tandem ut citò veniat ille dies æternitatis, quo nos omnes, totamque Ecclesiam hætenus militantem plene Sanctificatam introducet in vastissima, amœnissima, jucundissima, gloriosissima, splendidissima illa ac beatissima cœlitertii spatia; ubi cum Angelorum myriadibus Deo Triuni & Agno dabimus cum satietate gaudiorum æternum Honorem & Gloriam!

DISSERTATIO DECIMA NONA

Continens

CENSURAM in *Exercitationes* D. B. S. C.
de Primogenito Dei Filio, Angelis Excel-
lentiore, una cum MODESTA
CALUMNIARUM DEPUL-
SIONE.

T H E S I S I.



Uod asserui in Disputatione Academicâ,
Anno MDCCXVI habitâ, atque cum
Aliis editâ Anno MDCCXXI; Christum
nempe esse Filium Dei ratione Divinæ
Naturæ tantum; ut Sacrarum Litera-
rum, ac Communem Ecclesiarum no-
strarum Doctrinam: id ipsum fute per-
tractare & vindicare coactus fui adversus V. C. B. S. Cre-
mer, qui, in *Decade Exercitationum de Summa Sapientia*,
Anno MDCCXXIV. evulgatâ, me iniquè & injuriosè ag-
gressus est, atque traduxit; non solum ut *Impostorem*, quia
Sententiam hætenus in Ecclesiâ inauditam orbi erudito obtrude-
re volui ut communem & receptam, verum etiam ut *Hetero-*
doxum, quia à *Scriptura* non modò aberrarem, sed etiam à
sententiâ Ecclesiæ Orthodoxæ recederem, cujus causam adeo
Ille agere debuit & egit, ut sibi persuadet, strenuè, lau-
dans quoque *Arminianos cum Ecclesiâ nostra facientes*, agno-
scendo præter Naturalem Generationem etiam *Oeconomicam*
Christi Filii Dei.

II.

II. Feci hoc coactus, inquam, ne Muneri, ac Famæ meæ, & Ecclesiarum nostrarum, imo ne Veritati, & Gloriæ Filii Dei Unigeniti, ullo modo deessem, in *Libro*, superiori Anno MDCCXXVII. (Hæc scripsi in Feriis Canicularibus Anni MDCCXXVIII, sed ob adversam valetudinem sepolui; quæ nunc iterum in manus incidentia, per modum *Additamenti*, ad superiores Academicas, de PRIMO-GENITI SECUNDA IN MUNDUM INDUCTIONE, EJUSQUE ADORATIONE *Angelis Imperata*, ad Locum *Heb. i. 6.* Dissertationes, in lucem mittere decrevi) evulgato, cui Titulus, *Nestorianismus & Adoptianismus Redivivus Confutatus.* In quo Fidem cum Diligentia conjunctam me probasse, ore & scripto testati sunt Viri præstantissimi, qui etiam Causæ momentum magnum, Rerum tractatarum delectantem Varietatem, Lucem Scripturæ Locis nonnullis feliciter affusam, Aliaque ad Historiam Ecclesiasticam de Priscis Hæresibus spectantia plenius enucleata, in prolixitudinis exultationem adduxerunt, de Operis fructu benè quoque ominantes. Liberior quandoque excepi Adversarium ad Exemplum piorum Veterum & Recentiorum Doctorum, qui cum Hominibus pectore minus candidis, fastuosis, vanæque gloriæ cupidis; paulò severius ac liberius egerunt, potissimum ubi errores Veteres periculosos sub Orthodoxiæ titulo Ecclesiæ propinare, ejusque pacem turbare, tantum ut Templi spiritualis novo incendio inclarescerent, animadvertabant.

III. Emisit hoc Anno MDCCXXVIII. in lucem Adversarius duas *Exercitationum Decades*, in quibus se opponit Disputationibus meis Anno hujus seculi XXV. & XXVI. in Academia super hac Materia habitis; illisque adjecit *Mantissam*, ut vocat, directam contra Alteram partem Libri mei, quæ in Academia publicè non fuit ventilata, sed prælo sudante conscripta, postquam diu satis sed frustra expectassem has & alias ab Ipso promissas antea Exercitationes. In quibus persistit in errore suo, eumque aper-

tius & uberius profitetur, & auget: Verba mea & aliorum ita torquet ut equuleo imposita diceret, imo & aliquando planè invertit, tribuitque mihi quæ nunquam scripsi, nunquam cogitavi: Dissimulat inprimis ubique statum Controversiæ, perspicuè tamen à Me, uti puto, propositum. Alienissima Doctorum nostrorum Dicta pro se citat, ipsi quandoque directè contraria. Dum ad Argumenta mea respondet, corticem lambit, medullam non tangit, illud in quo est argumenti vis, planè præteriens, & loco Respon- sionum non nisi Declamationes sæpe reponit. Totum denique præsidium Causæ suæ in Lectore haud attento collocat. Iratus tandem Acer & Contumeliosus in me ubique est, & quidquid est conviciorum plaustratim in me congerit. Vocat Librum meum *Libellum famosum*. Me *Calumniatorem* ubique, etiam in ipso titulo pronunciat. *Petulantiam à se comprimendam*, imo & à *Divina Providentiâ compescendam ne impune grassetur*, mihi plus semel adscribit. Me *tantas dedisse turbas & excitasse scandala*, ait, & *adversus umbras Chimæras larvas pugnare* omni paginâ clamat, imo *Unicum munimentum meum esse integrum Larvarum, Calumniarum, Logomachiarum Exercitum* esse dicit: Adnumerat Me denique *blasphemis, Divino Judicio occæcatis, quorum sortem amaris deplorandam esse lacrymis* censet: &c. &c.

IV. Maluisssem profectò adhæc tacere quàm aliquid re- gerere, si persipsum licuisset. Non quidem rationum pon- dere, sed conviciis & obtreccionibus iterum Innocentiam meam tueri, causamque dicere, cogit. Dudum didici, illos, qui Doctrinam Orthodoxam pro Munere sibi concre- dito & decenti cum parrhesiâ defendunt adversus eos, qui à Veritatis tramite deflectunt, nil nisi contumelias expec- tandas habere, ad Exemplum Domini, qui, liberius paul- lò se defendens, a vilioribus etiam *παρρησια* ferre debuit. Veritas est index sui & obliqui. Qui Librum meum le- gere dignabitur facilè se expediet omnibus nodis, omnibus- que

que difficultatibus, quas contra Veritatem movere, & magno labore necere conatus fuit Adversarius. Certus quoque sum, *Eruditos, in quorum gratiam se scribere*, dixit Ille alicubi, si legerint ejus scripta, ea omnia ita comperturos fore, prout modò commemoravi, nec quidquam à me præter rei Veritatem dictum fuisse. Facile quidem esset omnia & singula exemplis comprobare. Sed *Additamenti* hujus Ratio, quod sic nimium excresceret, id non permittit. Ideoque in gratiam studiosæ inprimis Juventutis quædam modò breviter & strictim in medium proferam, ut ex iis constet, quinam sunt errorum Adversarii mei Fontes; & quomodo in Argumentis ac ratiocinationibus suis continuo committat vitium Ignorationis Elenchi, quod in omni Disputatione grave foedumque est Vitium, quia sic andabatarum more ridiculis ictibus pugnatur; & denique ut ex iis pateat, quam injustè me tot tantarumque calumniarum reum egerit.

V. PRIMÒ, DISSIMULAT STATUM CONTROVERSIÆ. Qui est: *Non*, an Homo, immediatè a Deo Creatus, Sanctus, & in Munere eminenti constitutus possit dici Filius Dei Metaphoricus, propter communicationem existentiae singularis ac similitudinis, & propter obedientiam spontaneam; quod Nemo negat: *Neque*, an Christus talis sit Homo, Creatura Dei Sancta, & Mediator, qui Deo Patri spontè & constanter obedivit, atque Hæres gentium ac gloriæ coelestis factus est; quod etiam Nullus Christianus negabit. *Neque* etiam an Christus Homo, si seorsim à Persona ἡ λόγος existeret, vel ita existere cogitetur a mente meâ, abstrahente Humanitatem à Persona Ejus, & sic fingente eam Naturam Humanam esse Metaphysice completam; ob has causas dici non posset Filius Dei; quod etiam non negamus, ut constat ex Libri nostri Cap. i. §. x. Minime interim tutum esse existimamus hisce mentis nostræ fictionibus & abstractivis considerationibus diu immorari. Sed hic est status Controversiæ, an Filius Dei æternus ac naturalis,

in assumptâ & sibi personaliter ac inseparabiliter unita Humanitate, ratione ejus Humanitatis Sanctæ, miraculose productæ, & obedientiæ Mediatoriæ spontaneæ, ac Gloriæ acceptæ, statui possit Filius quoque Dei Metaphoricus, *Salva generatione ejus æterna ac naturali, nec non Salva personæ Θεαρθεώτης unitate.* Hoc est quod negamus, & negarunt Veteres contra Nestorium & Adoptianos, & Nostri contra Vorstium & Remonstrantes. Nimirum est Christus Homo Sanctus, est Mediator Dei & Hominum est Hæres finium terræ in Regno Gratiæ & Potestatis œconomico, est denique communicata ipsi maxima similitudo cum Deo; atque adeo habet id omne eminentissimo modo, quod nudam creaturam Angelum aut Hominem Filium Dei efficeret Metaphoricum. Neque tamen ideo talis Filius effici per hæc omnia potest, quia primo existentiae suæ humanæ momento jam fuit Filius Dei naturalis proprius ac æternus per unionem naturarum in Ipso hypostaticam. Est enim hoc nomen *Filii Dei* in Christo *ἀλφωρωτέρον*. Effet Homo Christus, de Virgine natus, imagine Dei ornatus, gloria ac honore cælesti coronatus, Filius Dei Metaphoricus, nisi jam fuisset ab initio conceptionis suæ Filius Dei proprius. Adoptio locum non invenit ubi proprietas præcessit, uti dixerunt Veteres. Potest aliquis eminenter habere aliquid quod formaliter tamen ei adscribi non debet. Habet Rex eminenter Centurionis aut Chiliarchi dignitatem, non tamen ideo est Centurio vel Chiliarchus, obstat enim longè major jam in ipso existens Regia Dignitas. Quo sensu etiam Alexander Magnus dicere potuisset, *Essem Parmenio, nisi essem Alexander Rex*, id est, fortissimi ducis titulum non respuerem, nisi jam multò majorem illum Regis possiderem. Quod tamen ejus dictum alio sensu a Curtio Lib. 4. c. 11. atque Plutarcho Apopht. c. 38. laudatum scio. Eminenter habet Deus oculos & aures, sed ideo Auditus Visusque Humanus ipsi formaliter non est attribuendus. Obstat enim Spiritualis Naturæ infinitæ dignitas. Et quod propius
ad

ad rem accedit; possidet Deus Verus & Summus eminenter id omne quod est in Diis Nuncupativis, quis autem Ipsum ideo Deum Nuncupativum quoque esse diceret, atque in Deorum Nuncupativorum Ordinem redigeret? Rursus, si Christus Homo, vi Unionis Hypostaticæ jam est & dicitur Deus verus & summus, sanguisque ejus sanguis Dei, quis Orthodoxus ipsum qua Homo est & Mediator ob colatam Dei imaginem, gloriamque cælestem ac hæreditatem gentium, Deum Nuncupativum vocare sustineret? Hoc ipse Adversarius horrere videtur in *Mantissa* p. 49. *Sed quomodo jam vocabitur Ille, qui est Θεάνθρωπος, quomodo Mediator Dei & hominum? an Deus nuncupativus? non, nam sic nudæ tantum creaturæ vocantur.* Et cur non horret quoque Θεάνθρωπον, qui jam est Filius Dei proprius & naturalis qua Deus est, vocare Filium Dei Metaphoricum, cum sic tantum nudæ creaturæ vocantur? Si hoc est contra summi Dei gloriam eum Nuncupativum Deum appellare, quamvis eminenter habeat id omne perfectionis quod est in Deo nuncupativo; etiam hoc erit contra gloriam Filii Dei proprii & naturalis, qui jam qua talis una cum Natura Divina eadem numero habet omnem similitudinem cum Patre, omnemque perfectionem & gloriam eminentissimo modo, quæ in Filiis Dei Metaphoricis est aut esse potest; ipsum quoque, ob adventitiam similitudinem cum Deo Patre, dicere ac facere Filium Dei metaphoricum. Utrumque enim, & Deum nuncupativum esse, & Filium Dei Metaphoricum esse, *nudæ tantum creaturæ* est. Si absurde & periculose Deum faceres Nuncupativum, qui jam Verus est, absurde & periculose Filium Dei Metaphoricum facis, qui jam Proprius est ac Naturalis. Et utraque ratione viam sterneret, aut ad negandam summam Deitatem & naturalem Generationem Divinam Christi cum Socino, aut ad separandas Naturas, & duplicandas personas in Christo cum Nestorio.

VI. Nihil itaque ad Rem faciunt vani isti ubique sonantes clamores Adversarii. *Omnis homo Sanctus est Filius Dei.*

Primus Adam a Deo creatus cum imagine ejus erat Filius Dei, quo colore ergo negari potest Adamum Secundum esse Filium Dei, ob imaginem Dei quam habet ut Homo? An Generatio seu creatio Humanitatis a Deo non fundat Filiationem Divinam? omnes Homines sunt genus Dei, quomodo non Humana Natura Christi, Filius Hominis, erit Filius Dei, ex Promissione Dei & Miraculose natus? Quomodo Pater Spirituum omnis carnis non esset Pater Spiritus humani, qui est in Christo? Quod in omnibus verum est, quotquot Spiritu Dei ducuntur, Filios Dei esse, in Christo quâ Homine neutiquam falsum erit. An Christus Spiritum habebit absque mensura . . . an Spiritu Sancto, ducetur, & non erit Filius Dei? Quæ jam iterum est illa λογισμῶν, dicere Christum hominem Sanctum; & non Filium Dei? quasi esse posset creatura integra & sancta & non Filius Dei? Ineptissime ergo diceretur, Christum esse creaturam sanctam & imaginem Dei in se habere & non esse Dei Filium. Ubi ergo in Christo duplex est hæreditatis titulus, duplex esse debet Christi Filio. Et sic Christus pari jure, quo dicitur Dei hæres, tum qua Deus, tum qua Mediator, pro Filio Dei habebitur tum qua Deus, tum qua Mediator. Hæc & similia omni paginâ ferè recurrunt.

VII. Hoc Fundamento posito jactat totius Ecclesiæ secum consensum. Omnes enim concedunt Christum esse Hominem sanctum, & miraculose productum, & Hæredem ex Testamento, liberaque voluntate constitutum: ergo & omnes concedere debent eum quoque esse Filium Dei Metaphoricum. Et qui hoc negant, Theologi nostri, infirmitatem, juxta ipsum in *Exercit. de Primog.* p. 184, 185. committunt Logomachiam. Dicere enim debent & dicunt, Christum quæ hominem habuisse id omne, quod ad τὸ esse Filium Dei pertinet, & non tamen esse aut dici Filium Dei. Est enim verus homo, a Deo creatus respectu animæ, & productus ex Maria respectu corporis, Sanctificatus tam quod ad animam quam quod ad corpus, & singulari modo Imagine Dei ornatus, & tamen non Filius Dei? Imo qui hoc negat, occæcatus est, ac
sors

*fors ejus amaris deploranda lacrymis, ejusque petulantia compe-
scenda est, ne latius grassetur.* Pari ratione suam sententiam
esse *Ecclesiæ vocem*, conficit, hujusque Doctores Veteres
ac Recentiores in Consensum secum cogit, dum confundit
Manifestationem Naturalis Christi generationis *liberam* cum
libera & nova ejus *Generatione* in Filium Metaphoricum; &
Oeconomiam cum *Oeconomica Filiatione*. Notum est omnes
Nostros Theologos contra Socinianos & Remonstrantes do-
cere, quod Nativitas Christi ex Virgine, Munus Mediator-
is, Resuscitatio ex morte, & Gloriæ cælestis Collatio, sint,
non Causæ, sed *Argumenta* Filiationis Divinæ Christi, qui-
bus *declaratus* & *manifestatus* est Filius Dei æternus ac natu-
ralis, *Luc. i. 35. Rom. i. 3, 4.* Ostendimus quoque Libri
nostri *Cap. ix.* Plurimos ex Nostris ac Præstantissimos In-
terpretes, hac in parte imitatos Iulianum Martyrem, A-
liosque Veteres, *Loca Psalm. ii. 7. 2. Sam. vii. 14.* laudata
Paulo *Heb. i. 5.* ita explicare, ut dicant, agi in iis de Filii Dei
naturali ac æterna Generatione, sed simul prædici hujus *Ma-
nifestationem* in Tempore dictis modis futuram. In hac Ma-
nifestatione Filii Dei naturalis ponit Adversarius novam Ge-
nerationem Ejus in Filium Metaphoricum. *Declaratio Uni-
geniti quoad Naturam* est Ipsi generatio *Primogeniti quoad Oe-
conomiam*, in *Exercit. ad Heb. i. p. 128.* Sive; quia Mani-
festatio rei est ejus quasi productio ex tenebris in lucem, quo-
modo *Roëllius* in Manifestatione ὁ Θεὸς γεννᾷ collocat ejus
generationem in Filium Dei: Sive; quia *Nativitas* ex Vir-
gine, *Resuscitatio* & *Exaltatio* Christi, quibus *Manifestatus*
est naturalis Filius, hanc Manifestationem efficiunt ut sit
temporalis ejus *generatio Divina*, quoniam v. g. *Deus gene-
rat* Christum in Filium, quando *creat ex matris substantia eum*
ratione Humanitatis, Vid. l. c. p. 129, 135. Hinc confiden-
ter infert suam sententiam esse *Ecclesiæ sententiam*. Omnes
enim Doctores nostri docent Filium naturalem illis modis
manifestatum esse in Tempore talem: Naturam cum *Oecono-
mia* jungunt in Explicatione Locorum illorum modo lauda-
torum.

torum. *Sufficit mihi, inquit, hæc non posse exponi de Christo, nisi Oeconomia libera in auxilium vocetur, Exercit. in Heb. 1. p. 164. Suos ergo pronunciat esse in hac Causa Belgas Interpretes, Junios, Piscatores, Rivetos, Cappellos, Coccejos, Altingios, Turretinos & innumeros alios, & profitetur se gloriari non desinere, quod sit Patronus publicæ receptæ Doctrinæ, in Præf. ad Exercit. de Primogenito. Quicquid etiam in contrarium dicant protestentur ac clament: cum PISCATORE; Christi-
 -*stus, Iqua Deus est, solummodo est Dei Filius; Nec verò orthodoxum est dicere Christum etiam quatenus Homo est, esse Filium Dei, secundum Naturam Divinam solam est Filius Dei: & cum COCCEJO; neque enim damus cuiquam rationem, cur Filius sit (non addit, Proprius vel Unigenitus, sed simpliciter ait Filius, nempe Dei, de quo in Psalm. 11. 7. agitur) aliam esse, quam quod sit Character substantiæ ejus; licet concedamus multa esse argumenta quibus probetur is esse; Christo nomen Filii in Sacris Scripturis tantum tribuitur propterea quia ab æterno a patre naturaliter processit; (ad quæ Verba Celeb. Cocceji Cl. VITRINGA scripsit, in hac fide aliquando deponam corpus meum cum Sanctis: Vid. Libri mei Cap. IX. §. CXXVI. — CXXIX.) & cum Aliis plurimis ibidem a me citatis: Suos tamen affirmat esse hos omnes Adversarius. Et si, inquit Exercit. ad Heb. 1. p. 119. non desunt qui vocem Oeconomicæ Generationis & Filiationis respuunt, tamen ipsam Rem fatentur, quod mihi perinde est, qui de Voce nolo contendere, si Rem largiantur, quod faciunt utique illi omnes qui generationem hanc ad aliquid Muneris Mediatorii referunt, id est, uti conjicio, qui hujus Generationis Manifestationem factam dicunt in Muneris Mediatoris executione. Sed quomodo quæso, D. Cremer, sic Rem concedunt omnes hi Theologi nostri? An quia Manifestatio omnis rei vel personæ per se & semper est generatio ejus in Filium alicujus qui manifestat eum? Si hoc velis, sequitur ex eo, quod Deus Pater genitus sit in Filium Filii sui Unigeniti, quia manifestatus est ab ipso Job. XVII. 6. Quemadmodum igitur in hac propositione, Deus
 Pa-**

Pater manifestatus est a Filio suo, subjectum, *Deus Pater*, prohibet quominus prædicatum, *manifestatus est*, heic possit significare idem ac *genitus est in Filium*; sic etiam in hac Propositione, *Filius naturalis Dei manifestatus est talis à Patre suo*, subjectum, *Filius naturalis*, impedit quo minus prædicatum, *manifestatus est talis*, idem esset ac *genitus est in Filium metaphoricum*, propter antea indicatas rationes. Talia enim sunt prædicata, qualia admittunt subjecta. An vero quia talis Manifestatio Filiationis naturalis Divinæ Christi, quæ facta est per creationem Humanitatis Sanctæ, & Dationem vitæ ex morte, & Collationem similitudinis in munere eminentissimo Mediatorio & gloriâ cælesti; necessariò infert Generationem Ejus liberam in Filium Dei Metaphoricum. Quia scilicet omnis creatura Sancta est Filius Dei, Resuscitatio ex morte est quasi nova generatio, & Muneris excellentia, & Hæredis omnium in gloria cælesti constitutio, faciunt eum Filium Dei œconomicum? Si hoc intendas, sic iterum recurris ad pravam hypothesein tuam aberrantem à Statu controversiæ. Scilicet quòd nudæ creaturæ per hæc omnia efficiantur Filii Dei metaphorici, concedimus, sed negamus hoc de Θεανθρώπου. Quia Christus Homo Sanctus, resuscitatus è Morte, Hæres omnium factus, summus Prophetas Sacerdos & Rex Ecclesiæ, Unionis hypostaticæ gratiâ jam est Filius Dei proprius naturalis ac æternus. Si ergo inhæreas hypothesei tuæ, necesse est ut dicas: aut Filiationem Divinam ejus propriam perfici hac novâ metaphorica, quando negabis naturalem perfectissimam generationem à Patre per ejusdem numero Essentiæ Divinæ atque adeo omnis cogitabilis similitudinis cum Patre communicationem: aut Christum Hominem non esse Filium Dei Proprium ac Naturalem per Unionem Hypostaticam. Rem ergo minimè concedunt nostri Theologi, quando Filium Dei naturalem his modis & causis dicunt esse declaratum talem ac manifestatum.

VIII. Sic Confundit quoque Adversarius *figurata nomina*

Dd dd

na

na cum propriis, & Oeconomiam cum Oeconomica Generatione, quando ex eo: quòd Multi Interpretes Elogia illa, quibus Christus Dicitur *Imago Dei & Character hypostasis ejus Coloss. 1. 15. Heb. 1. 3.* ad Naturam ejus Divinam & ad Oeconomiam referunt; idest, ita vocari censent; & quia Naturam Divinam eandem habet à Patre sibi communicatam, uti Filius naturalis est Patris sui Viva imago; & quia Homo factus Patris gloriam Verbis & Factis suis manifestavit: quando, inquam, ex eo infert, Illos Interpretes & Naturalem & Oeconomicam Generationem ac Filiationem Divinam in Christo agnoscere. Videmus, inquit Exercit. ad Heb. 1. 3. p. 211, an hæc mea sit sententia, an Ecclesiæ Reformata vox, hæc scil. Elogia pertinere æque ad Oeconomiam ac ad Naturam, & ita æque ad Oeconomicam ac ad Naturalem Generationem? Post citatos quosdam Interpretes, & inprimis Belgas in Notis ad Heb. 1. 3. & Coloss. 1. 15. concludit, p. 217. Si ergo Imaginem esse Dei primariò refertur ad generationem æternam & naturalem, secundariò ad Humanam Naturam, in quâ & per quam Deus Pater est manifestatus quasi in Imagine, Christus ergo Filius Dei, vel quod idem est Imago Dei, dicitur, non tantum propter naturalem Generationem, sed etiam propter Oeconomiam, & ita non tantum qua Deus, sed etiam qua Mediator. Videat ergo Adversarius Meus, quomodo meam oppugnando sententiam, & Viris de Ecclesia optime meritis, & tandem ipsis Belgis dicam scribat? Sic confundit, inquam, Adversarius Oeconomiam, quam hîc agnoverunt Illi Interpretes, cum Oeconomica Christi Generatione Divina in Filium Dei Metaphoricum, de quâ apud omnes illos ab ipso laudatos Theologos Nostros altum est silentium. Si iterum dicat Adversarius, Eos Rem tamen concedere, quia quod de Christo *Imagine Dei* affirmant, etiam de Christo *Filio Dei* statuunt, nam *Filius Dei & Imago Dei idem* sunt: Respondeo, id minimè verum esse, quia sic figuratum cum proprio nomine malè confunditur. Nomina Λόγος, Sapiencia, Imago; (quamvis à præstantissimis Theologis unicè ad Naturam Christi Divinam ac Generationem Ejus Naturalem referantur,

tur, quos hac in parte secutus fui, in Dissert. ad *Coloss.* 1. 15.) sunt nomina metaphorica, quæ latiori sensu Christo applicari possent quàm Nomen proprium & Secundæ Personæ Trinitatis Characteristicum *Filii Dei*. Utique inter Homines Filius proprius unico sensu *Filius Patris* sui dicitur, nempe ob generationem naturalem, sed vario sensu *ejus Imago* appellari potest: scilicet, in Natura non solùm, sed & in Vultu, Moribus, Munere, Divitiis. Neque etiam omnis Filius naturalis est in omnibus Imago Patris sui. Si instet Adversarius, & dicat, quod inter Homines Filius Naturalis possit fieri *Imago* Patris sui in bonis moribus, & sic quoque Filius ejus Metaphoricus, de quo jam monui in Libri mei §. LXVI. & ex Exemplo Isaaci Filii Abrahami illustravi; iterum nunc repono, id locum non habere posse, nisi ubi communio Naturæ per communionem Virtutis & laudatorum Morum perficitur; & consequenter in Christo *Filio Dei proprio*, qui talis fuit à primo conceptionis humanæ momento, locum habere non posse; nisi quis neget Ipsum Hominem Christum per Unionem hypostaticam verè esse Proprium Dei Filium ac Naturalem, vel Ipsum per naturalem generationem accepisse perfectissimam Filiationem Divinam, & simul cum Natura Divina omnem cum Deo Patre & in omnibus infinitam similitudinem. Unde aberrat à Controversiæ statu, & frustra clamat Adversarius, *l. c. p. 211. Qui autem sustinere vellet actum intrinsecum & naturalem, vi cujus Pater cum Filio suam communicat gloriam . . . dici posse generationem naturalem; actum vero liberum & relativum ad extra, vi cujus Filius Patris gloriam manifestare, & Patrem, ut ipsius Character exprimere potest, vocari non posse Generationem liberam & Oeconomicam vel metaphoricam, ille . . . logomachiarum Amicus mihi dicendus videtur.* Nempe posset Christus dici Filius Dei Metaphoricus, quia Patris gloriam manifestavit, ejusque Virtutes expressit in tempore in Humanitate assumpta, nisi jam esset in ea Humanitate *Filius Proprius*. Posset Collatio adventitiæ similitudinis cum Deo in excellentissimo munere Prophetico Sacerdotali ac Regio

appellari Generatio ejus in Metaphoricum Filium, nisi per Generationem Naturalem jam omnem illam gloriosam similitudinem eminenter haberet, uti dictum est.

IX. Et propter hanc eandem causam etiam minimè sequitur ex eo (etsi verum esset) quòd *omnia Dei nomina Naturam simul & Oeconomiam* jungant, ut ait Adversarius in *Pref. ad Exercit. in Heb. i.* quòd ideo id ipsum obtinere vel debeat vel possit in Nomine *Filii Dei*, quod est Characteristicum Secundæ Personæ. Nam Nomina *Patris* quoque & *Spiritus*, (de quibus jam egimus in Præfatione Libri nostri) Characteristica Primæ, & Tertiæ Personæ Trinitatis, hoc habent naturâ suâ, ut possint esse & *Naturæ & Oeconomie* Nomina: quoniam apta nata sunt ut referantur ad plura. Sed aliter se habet natura Nominis *Filii Dei*, quod est Characteristicum Secundæ Personæ. Hoc enim cum necessariò & unicè referatur ad solum Deum Patrem, non potest ejusdem Dei Patris Filius proprius, naturâ & perfectionibus infinitis similis & æqualis Patri, fieri ejus Filius Metaphoricus, ob accidentalem similitudinem in Humanitate assumptâ, quia jam ipse Homo vi Unionis personalis essentialem similitudinem possidet. Si posset Homo aliquis per naturalem generationem Filio suo conferre, præter naturam Humanam ac corpoream, omnem similitudinem in Virtutibus ac Moribus, omnem suam pietatem, prudentiam, fortitudinem animi; quis quæso illum Filium, ita perfectè à patre genitum, per communicationem Naturæ non solum, sed & Perfectionis ejus omnis, diceret, non solum *Naturalem* esse Filium, sed & propter accedentem postea aliquam aliam minoris momenti, in dicto factoque aliquo aut fato, similitudinem, *Filium Metaphoricum*, atque sic inferioris dignitatis Filiationem ei tribueret, & in ordinem Adoptivorum, cum manifesta imminutione naturalis ac perfectissimæ generationis ejus a Patre suo, referret?

X. Simili modo, id est, ridiculis plane ictibus pugnat ex Titulo *Primogeniti*, & maximè *Primogeniti inter multos Fratres*, ut Præstantissimos quosque Theologos, Veteres & Recen-

Recentiores, secum in hac Controversiâ sentire faciat. *Tota Antiquitas*, inquit *Exercit. III. de Primog. p. 76. tota Reformatorum natio Christum dixit Primogenitum Dei Filium, idque non tantum ratione Naturæ suæ Divinæ, sed etiam ratione Oeconomice, (quocunque modo id se habeat,) & Wesselius audet palam profiteri hoc erroneum, periculosum esse, sapere Nestorianismum, Adoptianismum, Socinismum, & quid non? Et p. 92. Neminem enim offendi Interpp. qui hic non de Oeconomia cogitat, ubi Christus dicitur Primogenitus inter multos Fratres, & qui ad humanam naturam hic non respicit. Et p. 189. Exercit. in Heb 1. Quia Primogeniti titulus Oeconomiam involvit, necessario Oeconomicam inferi Generationem. Iterum in Exercit. de Primog. p. 265. Vidit meus Wesselius, ex titulo Primogeniti Universalem satis consensum Patrum contra suam sententiam in medium productum esse, aut produci adhuc posse, ideo nodum quem solvere non potuit, secare voluit . . . cum Christum negat ullibi in S. S. dici Primogenitum Dei. Miror iterum in his omnibus Adversarii magnam profectò inconsiderantiam. Dicit, *Wesselius audet palam profiteri hoc erroneum esse, periculosum, Nestorianum &c.* Si Titulus Primogeniti ad Oeconomiam referatur; & Ego ipse in Libro meo ostendi ad Oeconomiam pertinere. Criminis instar mihi imputat, quod negem, Christum ullibi in S. S. dici *Primogenitum Dei*, quod utique meritò, non nunc solum nego ad nodum ipsius secandum, sed ante multos annos negavi, sermone & scripto; antequam de Adversario quicquam inaudiveram, & quando ignorabam adhuc ipsum esse in rerum natura; nam nihil magis verum esse potest quam hoc Ipsum, quod nullibi in Sacra Scriptura appelletur *Primogenitus Dei*. Neminem se offendisse dicit qui hic non de Oeconomia cogitat, sed tacet se ullum offendisse, qui diceret esse Filium Dei Primogenitum ob Generationem Divinam Oeconomicam. Rursus p. 92. Exercit. de Primogenito ait, *Quam primum Christus qua Mediator dicitur Primogenitus Dei Filius tota mea adversus Wesselium Disputatio est in vado: sic**

enim Oeconomica & libera generatio simul ponitur. Quis enim hominum Christum diceret Primogenitum, & non genitum? Sed quis, inquam Ego, Orthodoxorum ab ipso allegatorum Christum *QUA MEDIATOREM* dixit esse *Primogenitum DEI Filium*? Qua Mediatorem dici *Primogenitum* concedo & docco, sed non *Primogenitum DEI FILIUM*. Scilicet hæc res est, quia nullibi in Sacris hoc *Primogeniti* titulo ad *Deum Patrem* expresse refertur, sed vel absolutè *Primogenitus*, vel relatè ad Creaturas aut Fideles, *Primogenitus omnis Creaturæ*, inter multos *Fratres*, & ex mortuis, dicitur, ideo Interpretes variè & latè explicuerunt hunc titulum. Alii eum ad *Deum Patrem* retulerunt, ut *Generatio* Ejus æterna ac naturalis denotetur, in qua est fundata primatus dignitatis ejus supra omnes, & potestatis in omnes Creaturas & Fideles. Alii ad *Mariam Matrem*, Humanitatemque Domini, ut significetur *Primogenitus* Ejus esse, & simul Humanitatis assumptæ & Personaliter ei unitæ summa præstantia indicetur. Alii denique ad *Creaturas & Fideles* hunc titulum respicere voluerunt, ut indicetur esse eorum Dominus & Mediator. Alii tandem hæc omnia conjunxerunt aliquando: atque sic ad *Naturam* Divinam & *Oeconomiam* pariter respectum habere dixerunt. Unde ex ignorance Elenchi iterum malè colligit Adversarius; si *Primogeniti* titulus *Oeconomiam* involvit, necessariò infert *Oeconomicam Generationem*, in Exercit. ad Heb. i. p. 189. Quia scilicet per *Oeconomiam* non potuit fieri *Creatura Sancta* & nasci ex Virgine, & constitui in Mediatorem, nisi simul fiat *Filius Dei* improprius; omnes enim *Creaturæ Sanctæ*, omnesque *Prophætæ Sacerdotes* ac *Reges*, propter Munerum istorum excellentiam, sunt *Filii Dei Metaphorici*. Quam consequentiam in Θεωθρώπων non posse procedere jam facis a nobis demonstratum est. Continuo tamen hoc repetit Adversarius, qui ita in Exercit. de Primog. p. 77. *Reformati autem solent Titulum Primogeniti æque ac Unigeniti referre ad Naturalem Generationem, vi cujus utique Christus relationem ha-*
bet

bet ad Patrem, & non ad nos, & Filius Dei est. Cum jam iidem eodem halitu Christum dicunt Primogenitum ratione officii, vel qua Mediatorem, an tunc non simul Oeconomiam cum Natura conjungunt? Imo verò, dico Ego, Oeconomiam, sed non Oeconomicam Generationem cum naturali conjungunt. Hæc plurimum differunt. Sed ait, quis hominum Christum diceret Primogenitum, & non Genitum? Ego ipsum vicissim rogo. Quis diceret Carolum VI. Cæsarem, & non Cæso fateretur Matris ventre natum? (Vide Dissert. nostram de Christo Primogenito ad Heb. i. 6. §. XI.) Quis diceret Jesum Unctum Dei, & non oleo externo a Deo delibutum? Nempe Nomina quædam, ad aliud quid significandum ob similitudinem aliamque ob causam translata, amittunt quandoque primam significationem suam. Sic Cæsar olim nomen Genituræ fuit, nunc est Imperii. Sic Primogeniti Titulus datur Christo per Metaphoram, quia Primogenito Humano est similis, sed non in omnibus necessariò, nam omne simile est dissimile, certè non in *geniturâ ejusdem speciei* cum fratribus, nam tunc omnes Fideles deberent esse Filii Dei naturales; sed ob *Præstantiam* Personæ Muneris ac Domini.

XI. Intolerandum profectò est, quod scripsit Adversarius in *Exerc. de Primog.* p. 74. & 75. de sententiâ Viri plurimùm Venerandi Eruditissimi & de Ecclesiâ tota & nostra Leidensi optimè meriti, D. KNIBBE Patris: (quâ statuit, Christum dici PRIMOGENITUM; QUA DEUM propter æternam Generationem ex Patre; & QUA HOMINEM, quatenus factus est ex muliere; & denique QUA MEDIATOREM respectu gloriosæ præstantiæ ejus supra omnes homines:) quod hæc sit ipsissima sententia quam CONRADUS VORSTIUS propinat & Episcopus adoptavit . . . si mihi scilicet fides sit habenda, quia scripsi de Vorstio: Apertè enim docuit, quod Christus . . . FILIUS DEI nominetur ob plures causas, nim. QUA DEUS, & QUA HOMO, & QUA MEDIATOR EST. Additque: Mirabuntur procul dubio & obstupe-

scent

ſcent omnes, qui hæc legent. Optimum Vatem proculdubio in his poſtremis Verbis ſe exhibuit Adverſarius. Abſque ſtupore hæc legi nequeunt. Verba mea ſonant de *Conrado Vorſio*, quod Chriſtus FILIUS DEI nominetur triplici iſt-hoc reſpectu. Verba Venerandi Domini *Knibbe* ſonant de PRIMOGENITO, abſolutè & ſimpliciter ita dicto, quem Vir ille Eximius judicat ita appellari; *primò* relatè ad Deum Patrem, ob Generationem æternam naturalem propriam, annon etiam ob Metaphoricam, uti D. Cremer & D. Vorſtius volunt? Nihil tale occurrit in Viri Orthodoxi Verbis; *deinde* relatè ad Matrem Mariam Virginem: ſed annon ideo addit debere vocari *Filium Dei* improprium, quia omnis Creatura Sancta, immediate Creatura imprimis, eſt Filius Dei? Nihil minus, ſed contrarium alibi contra Remonſtrantes docuit & ſæpius inculcavit; *denique* relatè ad Homines, quibus omnibus eſt *præſtantior* per Glorioſiſſimum Mediatoris Munus, uti Primogenitus erat inter Fratres: annon addit qua Mediatorem eſſe quoque FILIUM DEI, vel *Primogenitum DEI Filium*? Minime gentium; de *Primogenito DEI FILIO* nihil habet Vir Reverendus. Similis torſionis exemplum occurrit apud Adverſarium p. 97. in Viro plurimum Reverendo Doctiſſimo atque hujus Eccleſiæ etiam Paſtore quondam Digniſſimo, D. M. VAN PEENEN, ubi Adverſarii Verba abſque indignatione legi non poſſunt.

XII. Atqui, ait tandem Adverſarius; *Primogenitus* dicitur inter *multos Fratres*. Si nos, *Filii Dei* Metaphorici, ſumus Ejus *Fratres*, & ille erit *Filius Dei Metaphoricus*. *Qualis enim eſt Fraternitas, talis eſt Filiatio: & Fraternitas in Communi Genitura & Filiatione fundata eſt*, uti loquitur in Exercit. ad Heb. II. 11. p. 115. Porro quia qua *Unigenitus* non poteſt habere *Fratres*, Exercit. in Heb. I. p. 96. ergo tales habet qua *Primogenitus*: & conſequenter hoc titulo *Primogeniti* ad Deum Patrem æque refertur, ac Nos Titulo *Fratrum*; & quidem ut *Filius Dei Metaphoricus* inter alios omnes Filios Dei Metaphoricos *Præſantiſſimus*. Hoc ubique inculcat: & in hoc Argumento omne fere Cauſſæ ſuæ præſidium

fidium collocat. Quo subruto fundamento, necesse est ut corruat totum ædificium ei temere admodum superstructum. Fundamentum verò hoc est, *qua Unigenitus non potest habere Fratres*. Hoc verum est, si *Fratres* tantum dicerentur ii, qui Ejusdem naturalis Generationis ex eodem Patre sunt participes. Sed Usus & loquendi Consuetudo humana, ad quam se accommodat Spiritus Sanctus in Sacris, longè latiori sensu ac significatione *Fratrum* nomen usurpare solet. Ita enim dicuntur aliquando, nudo Consortio *Job. xxx. 29. coll. Job. xvii. 14. Moribus, Prov. xviii. 9. Munere, Animo atque Affectu conjuncti*: magis autem proprie conjuncti Origine ex eodem Patre, vel remoto magis, vel proximo. Hoc posteriori sensu Christus, *qua Homo*, habet *Fratres*; tum omnes Homines, respectu Originis ex Adamo & Noacho; coll. *Heb. ii. 11.* tum omnes Judæos, respectu Originis ex Abrahamo, Isaaco, Jacobo, Juda; tum omnes posteros Davidis, ratione Matris Mariæ, & Josephi Mariti Ejus. *Inter hos Fratres* potest dici *Primogenitus*, quia omnibus illis est *præstantior*, & propter *genituram*, non ratione temporis, nisi ad genituram Divinam ejus respicias, sed Modi, ex Virgine, & propter Dignitatem Personæ, & Dominium in illos Fratres, per Regnum potestatis in omnes, & gratiæ in Electos. Sed ad hoc non adeo respicitur in Loco Pauli ad *Rom. viii. 29.* quia ibi Fideles videntur *Fratres* Ejus dici, non *qua Homo est*, sed *qua Filius Dei est, Proprius* nempe & *Unigenitus*, cujus *Imago* est quilibet fidelis, ut *Filius Dei Adoptivus*, sicuti *Filius Adoptivus est Imago proprii*. An ergo Filius Proprius & Unigenitus potest habere *Fratres*? Imo vero. Hoc negat, sed imperitè admodum Adversarius. Potest habere *Fratres*, quatenus *Fratres* dicuntur ex usu & consuetudine loquendi Humana, ad quam se accommodat Deus in Scriptura loquens. Potest habere *Fratres* respectu Originis etiam ex eodem Patre; coll. *Job. xx. 17.* sed non ob Generationem ejusdem generis aut speciei, quomodocunque appellare velis. Unigenitus est Filius ob Generationem naturalem ex Patre eo-

dem ; Reliqui ob Generationem Metaphoricam ex Patre eodem. Omnes tamen ob *Generationem ex Patre*, sive ob *Communem Genituram*, si *Nomen* respiciamus, uti scitè Clar. Coccejus dixit, ab Adversario malè ideo pro se toties laudatus ob hanc phrasin. Ponamus Patrem Humanum, qui habet *Filium Unigenitum*; an non ille ex secundis Nuptiis potest alios Filios, privignos accipere, vel libera voluntate adoptare, eosque cum Filio Unigenito, ejusque consensu, facere hæredes suos, & Filii naturalis cohæredes? Et annon hi Filii adoptivi ex communi usu & consuetudine loquendi humanâ dicerentur *Fratres Unigeniti*? Erat, inquit Grotius ad *Joh. viii. 36. in Græciæ quibusdam Civitatibus fortè & alibi, usitata ἀδελφοθεσία* Adoptio in Fratres, quò hic videtur alludi, si *Filius vos ex servis faciat liberos, simulque sibi cohæredes*. Quem locum adduximus in Libro Nostro *Cap. XIII. §. CLXIV.* Opponit se huic manifestæ Veritati Adversarius, sed adeo infelicitè & incogitanter, ut id quod negat, in eodem sermone aperte concedat. Ita ille *Exercit. ad Rom. viii. p. 92. Scio Alios esse qui dicunt Christum esse Primogenitum Dei Filium natura, reliquos esse Filios adoptione. Verum id est: sed non omne verum, & qua tales non sunt Fratres. Fraternitas enim absque naturæ communione, sive sensu proprio, sive IMPROPRIO non datur in rerum natura. Sed cum Christus dicitur Primogenitus Dei Filius Natura, præcogniti per adoptionem ipsius Filii non datur communio naturæ sive propria sive IMPROPRIA & mystica, ergo sic non sunt Fratres. Quomodo Fraternitas ex usu loquendi absque naturæ communione esse possit ex supra dictis constat. Sed hoc nunc mittimus; & sumimus quod dat Adversarius, *Fraternitatem ibi esse, ubi est Naturæ communio* SENSU saltem IMPROPRIO. Atqui talis *Naturæ communio, sensu improprio*, uti loquitur Ille, est inter *Filium Dei Unigenitum*, & Fideles *Filios Dei adoptivos*; ergo hi, juxta ipsum Adversarium, meritiò dicuntur *Fratres, qua tales*. Nempe Unigenitus Filius Dei habet Θεότηα eandem numero *Naturam Dei* Patris. Fideles verò habent *Naturam Divinam*, Θεώτητα. Ideo dicuntur à*

Pe-

Petro θείας κοινωνοί φύσεως 2. *Pet.* i. 4. Natura Dei est soli Deo propria: sed Natura Divina tribuitur ei qui Divinis qualitatibus est præditus. Est ergo, *sensu improprio*, inter Unigenitum Dei Filium & Fideles Filios Dei adoptivos, *Naturæ communio*; ergo est *Fraternitas* inter eos *qua Filios Dei*; ita tamen ut Unigenitus non redigatur in ordinem Adoptivorum, nec ideo Adoptivi fiant Filii naturales Dei ejusdem numero Deitatis infinitæ participes. Quod iterum inconsultò & temerè profectò non Uno in Loco ex hac sententiâ Orthodoxorum (quòd Christus Filius Dei Unigenitus habeat Fratres, *qua Filius Dei*) sequi affirmat Adversarius. Qua de re in sequentibus aliquid dicemus. Certè est hæc Sententia Theologorum nostrorum Eximiorum. Audiamus nunc vel unum *Coccejum*, quem toties adhuc Adversarius ut suum laudavit, sed impudenter admodum. Ita ille in Anecdosis, ad *Heb.* i. 6. (ad quæ Anecdota sæpe provocavit Adv.) πρωτότοκος primogenitus comparative dicitur 1. ad κτίσιν creaturam: *Coloss.* i. 15. non quod τὸ κτίσας creati habeat cum illa, vel hæc cum illo commune habeat τὸ γινώσκειν gigni, 2. ad ἀδελφούς fratres: *Rom.* viii. 29. Non quod ἔσθι illi commune habeant cum illo τὸ ἔκτελει gigni. Sed illud habet respectum sive relationem Domini & Proprietatis: hoc habet relationem ordinis in communione Filiationis, QUÆ ILLI est φύσις NATURA, FRATRIBUS PER διορθώσας ADOPTIONEM. NON EST CONVENIENTIA IN GENERE FILIATIONIS, ET DIFFERENTIA IN GRADU, ut *Vult Schliger. p. 53. sed est CONVENIENTIA in NOMINE & FRUCTU, hoc est, amore Dei & unione ac communione Ejus; sed EST DIFFERENTIA IN IPSO GENERE FILIATIONIS UT CLARE EX SCRIPTURA LIQUET.* Unde colligitur, quo sensu alibi ad *Rom.* viii. 29. §. 138. dixerit Vir Celebris, Fratres nos dici ratione COMMUNIS GENITURÆ, (addi posset ratione *Communis Divini Patris*, coll. *Job.* xx. 17.) id est quoad NOMEN commune, non GENUS FILIATIONIS, quare & mox ibi addidit: *licet illa sit Filii διαφορώτερον ut Unigeniti.* Nempe Christus est *genitus Dei Filius*, *Psal.* ii. 7. & nos dicimur *geniti*

Job. i. 12. *Communis* itaque hîc est *genitura* quoad Nomen; non Speciem, vel genus generationis, quæ in Christo est Naturalis, in Nobis Libera & impropria. Quare Ille est *Primogenitus inter Fratres*, quia omni modo est *Præstantissimus*. Est enim Unigenitus & Naturalis Patris Filius, Nos Adoptivi, ejus Imagines facti. Est præterea libera Dei dispensatione, Rex Fratrum, quorum est & Sacerdos, pro iis constitutus, ut gratiam adoptionis pro illis acquireret, illis applicaret & in illis conservaret. Quo pacto tamen non est genitus in Filium Dei adoptivum quoque ac Metaphoricum, *impedit enim prædicatum Unigeniti*, uti optimè Clar. Coccejus in Anecd. ad *Coloss. i. §. 136.* ubi etiam addit; *Nihilominus dicitur primogenitus multorum fratrum Rom. viii. 29.* quo non notatur communio ejusdem Filiationis; quippe ille est *idiotæ* proprius, hi *ſetolæ* adoptivi. Quæ verba Viri Celeberrimi & alia conjuncta non minus efficacia, quâ fronte ausus fuerit citare Adversarius in *Exercit. ii. de Primog. p. 34, 35.* ut probet Coccejum docere, quod Christus etiam propter *Oeconomiam*, id est œconomicam generationem vocetur *Filius Dei*, equidem nescio. Sed ejusmodi citationibus, quibus Doctoribus Ecclesiæ nostris affingit sensus, a verbis illorum, atque a mente alibi declarata, alienissimos, scatent omnes Libri Ejus paginae. Apparet jam satis ex Dictis quoque, quo fundamento nitatur Adversarii vanissima gloriatio de consensu omnium Confessionum secum in hac, de *Triplici Filiatione Christi Divina*, sententiâ. Sciat, inquit Exercit. de Primog. p. 276, meus Wesselius (ita continuè loquitur D. Cremer, modestus homo, quasi me ad pedes suos prostratum haberet) omnes illas Confessiones, quæ Christum & Electos fratres esse dicunt, eamque fraternitatem exponunt, sive relate ad humanam naturam, sive sensu spiritali, pro me militare, & sententiam suam destruere. Quia nulla potest fingi fraternitas, nisi adsit Filiatio, & cum Christus qua Unigenitus Fratres non habet, ut alia adsit Filiatio Christi & Electorum, tam necesse est quam quicquam.

XIII. Sic verò non solum *Disſimulat Statum Controversiæ*.

fiæ, atque ab eo aberrat magnopere; sed etiam pertinaciter PERSISTIT IN ERRORE SUO, imo cum magnopere AUGET, dum facit Dogma hoc suum, de *Tripli Christi Filiatione Divina*, creditu ad salutem prorsus necessarium. Statuit enim, non modò *Me in magno erroris præcipitio versari*; & suâ sententiâ ingens momentum accedere ad puriorem Religionem, meam verò magnum ei minari periculum; atque pro Christi Filiatione Divina naturali nullum posse efficacius argumentum excogitari, quam illud quod ab Oeconomica Generatione desumitur; atque adeo Nos longè efficacius argumentari pro vera Deitate Christi & Generatione ejus Naturali, ex prædestinatione Ejus in Mediatorem, & Miraculosâ Humanitatis productione ex Mariâ Virgine, quod utrumque Socinus non negat, quàm ex Titulis *Unigeniti & Proprii Filii Dei*, aliisque *Locis*, pro Filiatione Christi naturali Divina, a nostris Theologis adductis. Ait porro, *firmiter* tum demum stare talo, ex suâ sententiâ de Generatione Christi Oeconomicâ in decreto factâ, *maximi ponderis veritatem*, nempe esse eum *Unicum omnium Mediatorem inde a jacto Mundi fundamento*, & talem jam à Deo ordinatum esse in decreto salutis, quod nullibi *ἀπολεξεί* legitur in Scriptura, Ubi, vel ludit in referiâ, vel non cogitavit de *Locis*, æternam Christi destinationem in Mediatorem, ejusque Muneris efficaciam se exerentem inde ab initio Mundi, clarè satis probantibus *Jes. XLII. 1. Ephes. I. 4. 1. Pet. I. 19. Apoc. XIII. 8. XVII. 8. Act. IV. 12. Heb. XIII. 8. &c.* neque etiam considerat, minimè sequi ex eo, quòd *Primogenitus omnis creaturæ* fuerit, id est, *genitus seu ordinatus in decreto in Mediatorem*, ipsum actu etiam Munere Mediatorio sanctum fuisse ab initio Mundi. Præterea statuit; *nihil horum* (muneris Mediatorii & Redemptionis nostræ) rectè intelligi posse, si Christus tantum sit *Unigenitus & non Primogenitus* sive Metaphoricus *Dei Filius*; meamque, ut vocat, sententiam *proximam viam esse ad Apollinarismum*, qua *Veritas & Integritas Humanæ Naturæ* Christi tollitur, quia sic nego, Deum Patrem Spirituum esse quoque Patrem Spiritus Humani qui in Christo est, &

Dei Virtute peperisse Virginem, imo evadere meam opinionem in apertam hæresin vel summam impietatem, ac si ex Deo emanarent omnes, & omnia, si illi qua Unigenito Dei Filio, id est, qua Deo, fratres tribuam. Quomodo non cogitat Adversarius, quòd hoc æque sequatur & magis quando Scriptura Deo Patri attribuit *Filios plures metaphoricos*, quam quando *Dei Filio proprio* adscribit *Fratres metaphoricos*, & cum Scriptura Omnes Orthodoxi Theologi, quibus Ille sic imprudenter impingit extremæ hujus impietatis crimen, quæ omnia ex Deo esse ut Causa materiali contendit. Ex his omnibus conclusio Adversarii per se patet, nempe necessarium adeo dogma suum ab omnibus, si salutem suam ament, debere recipi, atque in omnibus Academiis & Ecclesiis doceri & diligenter inculcari. In quo quantopere differat Adversarius a paucioribus quibusdam ex Nostreis; qui, ante tempora *Vorstii* securè magis locuti, quandoque dixerunt, ad unum Locum *Luc. 1. 35.* respicientes, Christum esse etiam Filium Dei secundum Humanam Naturam, (quod tamen & Aliqui eorum cum *Calvino* postea revocasse satis videntur) nemo non videt. Ita enim hoc dogmaticè, ut Caput fidei necessarium, urgere, proxima sanè via est ad periculosum in Ecclesia Schisma excitandum. Videant itaque, quorum interest, & judicent.

XIV. Tandem me CALUMNIATOREM esse clamat, & PUTIDISSIMARUM CALUMNIARUM reum agit. Quænam autem sunt illæ meæ *Calumniæ*? Prima est, quòd scripserim alicubi illum *incredibili vel imprudentia vel impudentia & fallendi libidine*, Adoptianos secutum esse. Ita scribit in *præf. Exercit. de Primogenito*. Nunquam dixi eum secutum esse Nestorium & Adoptianos ex *incredibili imprudentia vel impudentia*. Sed quòd suam sententiam de triplici Filiatione Christi Divina, a Catholicæ & Reformatæ Ecclesiæ consensu commendat, hoc dixi, fieri haud posse a Doctore Ecclesiæ Reformatæ nisi *incredibili imprudentia vel impudentia vel mira oscitantia*. Contrarium enim manifestè verum est, & ver-

verbis *H. Altingii* atque *J. Triglandii*, aliorumque comprobavi, & hoc pueris etiam nostris ex elementari institutione Cathedetica satis notum est. An non ergo vel oscitantiae vel imprudentiae ejusmodi quæ cum aliqua impudentia conjuncta est meritò accusetur ille, quem infamiae suæ non pudet, quam sibi metipsi contrahere debet, per ejusmodi asserta, quorum falsitas ab unoquoque potest detegi. Vellem ab Adversario scire, quo nomine appellare debeam, quod in hisce Exercitationibus suis plus semel repetit, *Exercit. III ad Coloss. 1. 15. p. 76.* & in *Præfat. eis præfixa*, quòd hæc sententia de *Christo Filio Dei tantum secundum Naturam Divinam* sit MIHI PROPRIA, cum ipse fateatur & quidem contumeliolè satis in Doctores nostros Reformatos, in *Exercit. de Primog. p. 279. MULTOS fuisse actu disputationis abreptos*, in hanc sententiam scilicet, *ut fieri moris est.* Et *Exercit. VI. ad Luc. 1. 35. p. 184.* numerum Theologorum nostrorum pro se facientium reducit ad hos quatuor, *Gomarum, Calvinum, Hommii & Z. Ursinum*, quos publicæ auctoritatis vocat, dum reliquos contra se facientes dicit esse *particulares Doctores, qui fidem Ecclesiæ non determinent.* An hæc impudentia vel oscitantia vel pertinacia sit dicenda, Aliis judicandum relinquo. Scio Ego & experior actuari homines, qui susceptam aliquam opinionem, & arrogantius & pertinacius, ne errasse aut aliquid nescivisse videantur, asserere volunt. Illud vero, de *incredibili fallendi libidine*, quod addit, alia occasione & alia de causâ à me dictum est in *Lib. mei §. XIX. p. 45.* nimirum de eo quod scriperat Adversarius, id ipsum, nempe Nomen *Filii Dei* in Christo *indicare duas naturas, Ecclesiam contra Nestorium credidisse & professam fuisse.* Et hujus Dicti me non pœnitet hætenus: quia certus sum a Doctore publico hoc non posse affirmari ex ignorantia Historiæ Ecclesiasticæ hac in parte notissimæ; ergo ex fallendi & incautos lectores decipiendi libidine hoc fieri debuit. Ideoque etiam in vasto & confuso Exercitationum ejus Chao, quod haud indiligenter,

genter, sed simul magno cum tædio perlustravi, ne verbum quidem mihi occurrit quo probare tentavit, *Ephesinos Patres CONTRA NESTORIUM PROFESSOS FUISSE, Nomen FILII DEI in Christo INDICARE DUAS NATURAS.* Si hîc errorem falsus fuisset, majorem à cordatis hominibus laudem retulisset. Errare enim humanum est, & errores clarè ostensos fateri Christiani & generosi pectoris est.

XV. Altera est *Calumnia* quòd scripserim, ipsum *Nestorii vestigia quadantenus pressisse, Adoptianos secutum fuisse, Duces Episcopium & Arminianos habuisse, adoptasse denique sententiam Socinizantem;* (Vide Præfat. prænominatam.) Cum Nestorii, ut ait, *errorem semper detestatus sit;* *Exercit. de Primog. p. 207;* & cum Christum Filium Dei esse *Adoptivum* neget, quia nunquam Patri fuit *alienus;* ibidem, & *Exercit. ad Heb. 1. p. 219.* & *juxta Oeconomiam ac Humanam naturam* dicat Christum *Filium Dei, jure non adoptionis, sed creationis,* (partim *internæ, in decreto Divino* quo constitutus est in Mediatorem ab æterno, partim *externæ, qua producta est Humana natura;* *Exercit. ad Heb. 1. p. 96. & Exercit. 111. ad Coloss. 1. 15. p. 63. 125.*) adeoque verius Filium *Proprium* quàm *Adoptivum;* imo denique cum *nihil Arminiani secum commune habeant,* p. 207; & tandem cum *Sociniani ejus jurati hostes* sint p. 207.

XVI. Hîc varia coacervantur. De singulis breviter. Optandum esset universos priscorum hæreticorum errores ita esse extinctos, ut nullæ vel nominum vel dogmatum restarent reliquiae; si non iidem novâ subinde specie variegati ex orco revocarentur. Quod cum continue fieri experiamur, beneficii Divini loco habendum est, quòd nomina illorum Hæreticorum opinionesque ad nos ulque pervenerint. Voluit enim Divina bonitas perfidorum illorum hominum exemplis nos ab erroribus eorum ad confessionem fidei simplicissimam vocare, adeoque docere aliena pravitate atque stultitiâ bene frui. Hæc Causa est, ob quam *Nestorii & Adoptianorum* fuisse sententiam illam dixi, quam
ex

ex *Vorsii & Episcopi* Systemate Reformatis Ecclesiis propinare aulus fuit ut veram ac Orthodoxam.

XVII. At, inquit, non sum *Nestorianus*, Nestorii sententiam qua statuit *duas* in Christo *Personas* detestor. Neque hoc Ego dico de ipso vel spero hactenus. Neque Nestorius ipse, homo callidus, hoc ita totidem verbis dixit, sed ex *sententiis apertis*, uri loquutus est *Marius Mercator*, hoc ipsum verè sentire, probarunt Patres, qualis fuit etiam, quod *Nomen Filii Dei* in Christo *indiket duas* ejus *Naturas*. Nihil aliud dico, quam quod sententiam teneat cum Nestorio communem, quæ inseparabilem cum formali Nestorianismo nexum habet, etiam ex judicio Ephesinorum ac Francofurtanorum Patrum, quia juxta Humanæ Consuetudinis rationem nullus Filius proprius unius ejusdemque Patris Filius simul Metaphoricus, quacunque de causâ etiam, fieri potest. At, dicit Adversarius, *non licet ab Humanis ad Divina argumentari*, *Exercit. VIII. de Primogenito p. 212, 213. &c.* nam in *Dei Filiis* obtinet quod in *Hominum Filiis* locum non habet. Respondeo: Non semper. Non licet hoc ubi in Humanis apparet aliquid Imperfectionis ac dependentiæ, quod per viam negationis à Deo perfectissimo longissimè removeri debet. Sic malè argumentantur. Homo non punit nisi ad correctionem, ergo omnis quoque poena Divina est correctoria, nulla satisfactoria, nullaque proinde æterna, vel æternæ æquivalens necessaria, Sponsori Divino infligenda pro poenis nostris, per quam ad vindictam sui procedit ira ac Justitia Divina ultrix. Inter reservata Dei est enim ultio: mea est vindicta *Rom. xiii.* Similiter pessimè ratiocinantur ex Generatione Humana, quâ specifica multiplicatur natura, & Filius extra Patrem, ex particula substantiæ ejus producit, eoque tempore posterior est, ad Divinam Filii Dei æterni Generationem destruendam, quæ comparata cum Humanâ, imperfectionibus his obnoxia, est hyperphysica, physica tamen etiam & vera, si Essentiæ ejusdem numero Communicationem veram spectemus. Aliquando tamen omnino li-

cet ab Humanis ad Divina argumentari. Ita nostri faciunt; quando contra Socinianos docent eandem Personam posse esse & Partem læsam & Mediatorem, quod confirmant ex exemplo Menenii Agrippæ Consulis Romani, qui plebem cum Senatu Romano reconciliavit. Vide *Cluverum* in Epit. Hist. p. 71. Certè licet hoc ubi in Humanis est aliquid virtutis perfectionis aut innatæ veritatis, in quo Imaginem Dei perfectissimi Spiritûs gerimus, quando per viam eminentiæ illud perfectissimo modo Deotribuendum erit. Scilicet Virtus est in parente humano liberos amare & curare, ergo multò magis virtus est in Patre Cœlesti. Ita argumentatus est ipse Dominus *Luc. xi. 11, 12, 13.* Innatum rationis lumen dicat, contradictoria simul non posse esse vera, idem de summa Ratione tenendum est, cujus expressio ac Imago hac in parte est in mentis nostræ innato lumine. Imo licet ab Humanis ad Divina argumentari in indecentibus ac absurdis, quæ per Viam Negationis a Deo longissimè arcenda sunt. Laudatur Jobus, quia nihil inconueniens Deo tribuebat *Job. i. 22.* & docet ille Deum nihil facere ἀτακτον *Job. xxiv. 12.* Fallere, mentiri &c. non decent Hominem, multò minus Deum, qui mentiri nescius prædicatur *Tit. i. 1.* Similiter Hominis suâ ratione utentis sapientiæ & prudentiæ repugnat, ut ridiculum profectò, Filium Proprium ac Naturalem facere ac appellare amoris obedientiæ ac hæreditatis intuitu Filium Adoptivum Metaphoricum Improprum. Multò magis sapientiæ summi Dei adversatur, Hominem Christum, qui jam a primo existentiae suæ momento, vi Unionis hypostaticæ, cum ΑΘΩΝ erat Filius Dei Proprius & Unigenitus, appellare, ac velle haberi in omni pagina Testamenti sui, Filium simul suum Adoptivum, seu quod revera idem est, Metaphoricum. An sapientiæ Divinæ convenit, velle, ut summi honoris titulus, ut est Filius Dei in Christo, Titulus Deitatis ejus, quo dignoscitur ut Secunda Trinitatis Persona, detur ipsi quoque sensu minori, aliis multis Creaturis communi? Sic enim Ipse in causa esset,

tet, quod reverenter dictum velim, cur hoc nomen *Μετὰ φύσιν* evilesceret apud mortales, imo ut vel Generatio ejus Naturalis, vel Personæ Unitas negaretur, aut saltem in dubium traheretur. Si instet Adversarius & dicat, quod in *Dei Filiis locum habeat id quod in Hominum Filiis non reperitur*. Adamus v. g. fuit, inquit, primò Filius Dei ante lapsum *Jure Creationis*, & quidem *Proprius*, quia non alienus, deinde post lapsum *Jure Adoptionis & Regenerationis*. Rursus ait, Electi sunt Unius ejusdemque Dei Patris Filii *Jure creationis, regenerationis, adoptionis, & matrimonii in Christo*. Quot non personas debuisset Adamus constituere si unaqueque Filiatio requireret Personam integram? Sed sic imperitè ex variis modis & causis unius Metaphoricæ Filiationis facit totidem Filiationes. Deinde miserè aberrat a statu quæstionis, quæ est, an *Naturalis & Metaphorica Filiatio ex uno eodemque Patre in unam eandemque Personam cadere queat*, & exempla adducta tantùm docent Metaphoricam Filiationem ex vario titulo posse locum habere in eadem persona. Et miror iterum hîc Adversarium adducere pro se Clar. Heideggerum sibi è diametro adversantem, quando ait Vir Celebris: *Qui duo Filiationis modi in Filiatione naturali, in qua nec genitus adoptatur, nec adoptivus gignitur, ἀδύνατοι, in spiritali concurrunt &c.* Si adhuc pergat instare Adversarius, ut probet aliter se rem habere in Humanis ac in Divinis, Exercit. VIII. de Primog. p. 214. & dicere: *Per rerum naturam non potest quis in Humanis esse simul Filius & servus: quod tamen in Christo locum habet absque duplicatione Personæ*. Respondebo; Quamvis in Humanis Filius naturalis Heri alijus nativitate servus esse nequeat, liberâ tamen voluntate Domini Patris sui servus fieri potest, servus nimirum Officii, durius etiam tractandus, coll. Gal. iv. 1, 2, 3. absque ulla duplicatione Personæ. Quemadmodum & Christus sic Filius & servus est, Creator & Creatura, Filius Dei & Filius Hominis est, absque Personæ divisione. Sed Filium Naturalem fieri Deo & Filium ejusdem Patris, ἀδύνατον est, & manebit in æternum, & apud Homines & apud Deum.

XVIII. Manet itaque Vera Sententia, quòd cum Nestorianismo formali nexum habeat Dogma Adversarii. Si illum non videat, id ejus culpa erit. Interim an procul ab Nestorianismo formali absint illa ejus Verba à me citata Lib. Cap. I. § VII. p. 15. MERITO NEGATUR, FILIUM DEI ESSE EX DAVIDE, ut & alia quibus sæpe inculcat, *Naturam Humanam esse Filium Mariæ*, &, *Naturam Humanam & Hominem idem esse in Christo Exerc. VI. ad Luc. i. 35 p. 154. & Exercit. VIII. de Primog. p. 208. 214.* Utique si Natura Humana sit Filius Mariæ & Filius Dei, erit Persona, proprio & incommunicabili modo subsistens. Humana natura est *Homo*, dicebant Nestoriani, juxta 1. *Tim. ii. 5.* ergo est *Persona*. Responderunt Orthodoxi: Humana Natura non dicitur *Homo*, sed Persona Filii Dei æterni in assumpta Humanitate ita appellatur. Ex Unione enim Personali communicantur etiam nomina Personalia toti Personæ, non Naturæ. *Hominis* Nomen est Personæ Nomen. Est igitur vel Personæ ὁ λόγος nomen, quod gerit ratione assumptæ Humanitatis, vel est Personæ Humanæ, quod voluerunt Nestoriani. Certè hoc non docuit Adversarium *Zacharias Ursinus*, quem iterum pro se citat *Exercit. VIII. de Primog. p. 204.* dum contra ipsum pronunciat. *Humana autem natura nec fuit ante assumptionem, nec assumpta per se constituit Personam: IDEOQUE IPSA SEORSIM NON EST FILIUS, SED IN FILIO EST, seu altera Filii natura est.* ὁ λόγος autem ἔσθ' seorsim ἔσθ' unitus carni idem Filius est, secundum se Filius Dei naturalis, secundum NATURAM VERO ASSUMPTAM, NATURALIS FILIUS HOMINIS, ἔσθ' Filius Dei, PERSONALIS UNIONIS GRATIA. Scripsit Celeb. *Witzius* Exerc. XIV. in Symb. §. 16. quod *Generatio proprie non sit naturæ sed Personæ.* Hæc Verba laudatissimi Theologi ex Belgica translatione adducit Adversarius Exerc. VI. ad Luc. i. p. 155. & adnotat, cum grano salis accipi debere. Est enim, inquit, id ipsum quod hæretici nobis objiciunt, ut probent etiam personalitatem competere naturæ Christi Humanæ, quæ ex substantia Virginis vere ἔσθ' proprie fuit genita. Tum ergo contra illos tenemus etiam naturam ἔσθ'

non

non Personam generari, & Humanam Christi naturam propter generationem ex Maria, proprie esse ipsius Filium, eandem propter opus Creationis & Conservationis esse Dei Filium sensu Metaphorico, non minus tenemus. Nescivit ergo Eruditissimus Witzius, nos contra hæreticos tenere Humanam Christi naturam propter Generationem ex Maria proprie esse ipsius Filium, aliàs non scripsisset, Generationem esse proprie Personæ, non Naturæ! Certè contra Hæreticum Nestorium tenuere Orthodoxi, PERSONAM ἡ λόγος bis esse genitam, ex Patre ab æterno quoad Deitatem, ex Matre in tempore, quoad Humanitatem; Sic contra Hæreticos supponentes Generationem Divinam & Humanam in Christo esse Personæ, non Naturæ, proprie.

XIX. Quod ad *Adoptianismum*, dicit *Exercit. IX. de Primog. p. 239. — 241. sibi cum Adoptianis nihil esse commercii, non tantum re sed etiam terminis se ab ipsis discedere*, quia negat Christum qua Hominem esse Filium Dei *Adoptivum*: audacter ergo mendicit *Calumniari*, & *putidissimam esse calumniam*, se illos duces secutum esse; addit tamen, si secutus illos fuerit duces, *palam esse*, id ipsum non nisi forte fortuna & casu fecisse; id est, uti se explicare ibidem videtur, ut qui nec terminos nec mentem illorum nosset. Haud invidéo Adversario hanc ignorantiae gloriam, sed miror magis fortuitum plane consensum. Haud difficulter crediderim tamen de *Adoptianis*, minus vulgo cognitis, ipsum parum cogitasse, nec illorum vestigia ipsum pressisse immediatè, sed mediante ac manucente *Episcopio*; & in quantum vestigia eorum quædam apud *Episcopium* deprehendebat, adeoque ipsi cum *Adoptianis ipsis nihil fuisse commercii*. Interim tamen certum est, quicquid clamet Adv. Ipsum *Rem* tenere cum *Adoptianis*, si duplicem Filiationem Divinam Naturalem & Metaphoricam Christo adscriptam, & si causas Filiationis Metaphoricæ spectemus, quas nominarunt *Adoptiani*, *Creationem* liberam Humanitatis ex Maria, ejusque *Sanctitatem*, uti ostendimus in *Lib. nostro §. LX. p. 110, 111.*

quasque easdem nominat Adv. Sed *Adoptivum* esse nego, inquit Adv. quia nunquam *alienus* fuit, ut adoptivus alienus antea fuit a Patre adoptante, sed jure *creationis* ac *nativitatis* est Christus, quæ *Homo Sanctus*, Dei Filius *Metaphoricus*. Respondeo: Hoc Vocabulum *Adoptivi* Filii damnarunt Patres non solum, sed Rem magis. Nec *Felix* nec *Elipeandus* in omnibus dixerunt esse similitudinem in Christo cum Filio Humano Adoptivo, uti jam dixi Libri mei p. 134. Neque Electi Fideles in omnibus comparari possunt cum Adoptivis apud Romanos. Non enim adoptavit eos Deus in *solatium orbitatis*, cum haberet Filium naturalem, & deinde Deus Pater simul *immutat naturam* & animum Adoptivorum suorum, quod Homines facere nequeunt. An ideo dicendum est Electos non esse Adoptivos Dei Filios, quia in omnibus Adoptivis Humanis non sunt similes? Utique ubi est *Adoptio* ibi est *Adoptio*. Hoc enim Vocabulum Latinum Græcum illud exprimit. Sed Christus quæ Homo & Mediator juxta Adversarium est *θεός υἱός*, liberaque voluntate productus Filius Dei, ergo est Adoptivus. Est *metaphoricus*, inquit Adversarius, non *Adoptivus*, quæ nomina me dicit, p. 211. malè confundere. Sed qui *Metaphoricum* statuit Filium, non in omnibus quidem proprie dictam *Adoptionem* statuit, sed quoad rei substantiam *Adoptivum* asserit. Adamus, ait, fuit Filius *Metaphoricus*, per creationem & per actum liberum productus cum imagine Dei, non tamen *Adoptivus* p. 211. Dico, quod Adamus fuerit Adoptivus & non Adoptivus. Fuit talis ratione modi productionis ex liberâ voluntate Dei. Non fuit ratione *Juris* ad hæreditatem Vitæ cælestis, quæ quidem erat ipsi promissa, sub conditione si perstaret in integritate, sed *ad quam jus non habuit*. Quia metaphoricus Filius fuit *θεός* fuit Filius Dei, & quia *θεός* fuit Filius, competit ipsi *θεοθεσία*, id est, *Adoptio*. Ubi est generatio metaphorica, ibi est naturalis generationis quædam *imitatio*, ut fatentur *Remonstrantes*, immediati Adversarii duces, & ubi est naturalis generationis imitatio ibi est *Adoptio* juxta Juriconsultos. Vide *Lib. mei* p. 134. Unde liquet quam temerè scripserit

rit Adversarius *Exercit. viii. de Primog. p. 211. Nescio an quidem notare debeo confusos & crassos conceptus, quos prodit in hisce meus Wesselius, perpetuò confundens Filium Adoptivum, improprium, Metaphoricum, quæ juxta ipsum passim alternant. . . . Facit ergo fucum imperitis, aut crassissimum committit errorum Wesselius meus (ita me centies vocat) cum voci Adoptionis substituit metaphoricam Filiationem. Hinc totidem Chimæ & larvæ sunt, contra quas dimicat, cum toties eo provocat, ac si ille, qui Generationem impropriam in Christo agnoscit, simul Adoptionem statuere teneatur, ut ita tandem in Castra Adoptianorum volentem nolentem Adversarium suum transire faciat. Sed & periculose admodum verificatur Socinianis ibidem p. 212, 213. quando scribit. Nonne Deus Pater erat protoplastarum jure creationis, vi cujus fiunt proprium Dei peculium & proprietas, atque Filii Dei, non per necessarium sed liberum Actum, attamen non, ut vidimus, Adoptionis jure, & sic Deo non alieni erant, & eo sensu proprii. Inveniant hic igitur apud Adversarium Naturalis ac æternæ Generationis Christi hostes, ex quo Titulum Proprii Filii Dei a Paulo Rom. viii. 32. Christo datum explicare possunt de Filio Dei metaphorico, jure creationis tali. Imo eodem fundamento nunc eum dicere possunt Filium Dei naturalem, quia nunquam, quæ Homo est, alienus fuit, sed ab initio creationis suæ Filius Dei natus. Et dubito valde, an non hoc sensu verba Adversarii intelligi debeant, quæ leguntur *Exercit. viii. in Heb. i. p. 219. Hinc denique nunquam esse potest Filius Dei Adoptivus, quosunque titulo etiam talis sit: quoniam nunquam Patri suo fuit alienus, & per naturam suam est proprius ipsius Filius, id est, jure nativitatis Humanæ; nam vix alium sensum mihi videntur posse habere. Illud vero quod ut firmum & indubitatum heic & ubique supponit Adversarius, nempe quæ Homo est, nunquam Christum fuisse alienum Patri suo, haud usque quaque ita firmum & indubitatum est. Etenim merito à Patre suo alienus is habetur, qui extra Essentiam Patris**

tris & non ex ea, sed libera voluntate producitur. Atque adeo etiam & hoc modo, quia alienus est in se, erit *Adoptivus*. Quomodo *Arminiani* nihil, ut dicit, cum ipso *commune habeant*, non est, ut iterum repetam. Videri possunt quæ scripsi *Lib. mei p. 136. — 140.* Et quia Remonstrantes & Vorstius ex lacunis Socinianorum hanc suam sententiam de Christo Filio Dei etiam metaphorico, quo *Homo est ac Mediator*, hauserunt, nemo ægrè ferre potest, vel pro calumnia venditare, quod dixerim ex lacunis Socini haustam esse eam.

XX. Tertia denique est *Calumnia*, quod scribere ausus sim, *Generationem Naturalem Filii Dei* sic quoque in periculum adduci. Qua propter, inquit Adv. Exc. ad Heb. 1. p. 189. inter calumnias putidissimas *Wesselianas* habeo mea scripta ad *Generationem Naturalem destruendam facere*. Præmiterat: *Me quod attinet, maximopere mihi gratulor; posse me omnium felicissimè naturalem generationem adstruere & vindicare, etiam ex illis locis, quæ sunt controversa sicut ego multa in hoc Capite specimina produxi.* (Quia scilicet *Oeconomica* hæc generatio Christi in Filium Dei supponit naturalem) & hoc pacto nullum argumentum pro generatione naturali militans perdimus; & contra admodum insignia loca (*Psal. 11. 7. Prov. v. 11. 23, 24. Mich. v. 1. &c.*) quæ Christum ab æterno constitutum esse Mediatorem evincunt, lucrati fuimus; ex quâ æterna constitutione Ejus in Mediatorem, ejus Deitas invictissime asseritur, uti loquitur in *Præfat. ad Heb. 1.* Putidissimæ ergo calumniæ Reos se dudum fecerunt, præter alios plures præstantissimos Theologos, magni Viri, POLYANDER, RIVETUS, WALÆUS, THYSIUS, quando in *Censura* monuerunt, per Metaphoricam Christi Filiationem Divinam, Naturalem ac æternam NECESSARIÒ EVERTI. Loca, in quibus GENERATIONIS expressa fit mentio, *Psal. 11. 7. Prov. viii. 24, 25. Mich. v. 1* quæ pauca quidem sunt, sed insignia, atque efficacissima pro Christi Generatione Naturali & æterna suppeditant argumenta; de Prædestinatione ejus in Me-

Mediatorem, hujusque decreti executione interpretatur Adversarius in scriptis suis. Qui tollit solida fundamenta, an non ædificium destruit, saltem magnum Ecclesiæ periculum creat? Negat hoc Adversarius, se tollere fundamenta, quia sic *lucramur illa loca* ad adstruendam Christi *æternam constitutionem* in Mediatorem, *ex quâ ejus Deitas invictissime asseritur*; in *Præfat. ad Heb. 1.* Sed quid lucramur sic adversus Socinianos, quod illi non concedunt? Christum ab æterno Prædestinatum esse in Mediatorem non negant Illi. Neque ex *Prædestinatione æterna* sequitur *Deitas* Christi, uti incogitanter rursus vult Adversarius, sed ex natura Muneris Mediatorii, quod requirit Personam Divinam. Præterea Christum *proprium Dei Filium*, ut Naturalem, dictum esse a Paulo *Rom. viii. 32.* oppositè ad Metaphoricum liberâ voluntate productum, credunt & urgent Orthodoxi, atque ex hoc loco validissimum pro Christo Filio Dei æterno ac naturali petierunt argumentum contra Socinianos. Sed annon hoc Argumentum enervatur, imo ex manibus nostris extorquetur per Adversarium, quando; nunc *proprium* Filium explicat per *privo* quodam *modo* Filium, qualis Metaphoricus esse potest; nunc iterum Adamum Jure Creationis *Filium Dei proprium* fuisse, quia nunquam fuit *alienus*, disertis verbis docet? At dicet fortè, remanere tamen Titulum *Unigeniti*, ex quo Naturalis Filiatio Christi Divina meritò colligitur; nam Unigenitus non habet Fratres. Indicare ergò debet hic Titulus Generationem Christi ex Patre naturalem, quæ ipsi soli competit, & juxta quam Fratres nec habet nec habere potest. Sic est: Titulus *Unigeniti* Naturalem Christi Filiationem Divinam invictè docet. Sed etiam simul omnem Metaphoricam in ipso plane tollit ac destruit. Ita enim appellatur, quia *solus* ille a Patre est genitus Filius naturalis: & proinde quia *unico modo γενέσθης*, juxta Nazianzenum, est genitus à Deo Patre, & quia in genere Filiationis, ex quo Filius appellatur, *Fratrem non habet*; quique porro *Natura est Filius, ex ipso Patre genitus*,

non υιοποιητὸς Filius adscitus, sive adoptatus, uti rectissime *Bullus* contra Episcopium p. 94, a nobis laudatus Lib. nostri §. CIX. scripsit. *Impedire prædicatum Unigeniti*, ut Christum dicamus *genitam* quoque in *Filium Dei Metaphoricum*, supra audivimus asserentem *Clar. Coccejum*. Si ergo verè Adversarius genuinum ac Orthodoxum hujus Tituli sensum teneat, necesse est ut relinquat suam de triplici Filiatione Christi Divina sententiam. Sed quia hanc retinet, & ut creditu necessarium dogma inculcat, nihil aliud superest, quam ut credamus, ipsum Unigenitum Dei Filium intelligere de Filio Dei, qui *singulari modo* à Deo est *Genitus*. Quo sensu si capiatur hic Titulus, non necessario infert Naturalem Christi Generationem Divinam, sed convenientiam in genere Filiationis cum omnibus Filiis Dei Metaphoricis admittit, differentiam in gradu tantùm ponit. Nempe sic qua Mediator & Homo esset verè Unigenitus Dei Filius, quia *singulari modo* esset Metaphoricè genitus, ut nullus Alius Angelorum vel Hominum, quorum nullus ex Virgine natus, aut in Mediatorem Dei & Hominum constitutus est. Unde *Cl. Lampe*, cujus Verba in Præfatione Libri mei adduxi, asserere non dubitavit, quod Christus *Μονογενὴς* dici posset, quatenus *Unus tantùm est Mediator, Unicum salutis omnis fundamentum*. Et certè si *Generatio* ex Patre Christo tributa *Psal. II. 7. Proverb. VIII. 24, 25. Mich. V. 1.* sit Prædestinatio ejus in Mediatorem; quid magis proclive erit cogitare quam hoc, quòd per *Generationem*, quæ Titulo *Unigeniti* Christo tribuitur, eadem Prædestinatio intelligatur? quia hic Titulus, maximè ex emphaticis illis *Psalmi* secundi Verbis, a Spiritu Sancto petitus, & per solum Johannem in N. T. adhibitus, videtur. Qui Johannes etiam, post reliquos Evangelistas scribens, hoc titulo explicare voluit sensum, quo reliqui tres Evangelistæ Christum *Filium Dei* dixerunt, uti observavimus in Lib. nostro §. CCLXXXIV. Unde consequitur, si tres anteriores Evangelistæ vocaverint Dominum *Filium Dei*, qua Mediator & Homo est, uti vult

vult Adversarius, quod eodem sensu Johannes eum *Unigenitum* quoque appellaverit. Qui hæc omnia ritè perpendit, is negare haud poterit, quod ex sententia Adversarii naturali Filii Dei Generationi magnum creetur periculum.

XXI. Hæ sunt *Calumniæ meæ*, quarum in ipso Titulo, omnique pagina me Reum agit. At verò nulla est in iis *falsi criminis accusatio*, omnia enim verissima sunt quæ scripti. Nulla etiam *malitiosa & mendax infamatio*, sed extorta Defensio Orthodoxiæ & famæ meæ, atque Ecclesiarum nostrarum, quorum Doctrina publicè ab Adversario insimulabatur, ac si hac Nestorianismi & Adoptianismi labe infecta esset. Muneris certè Academici & Ecclesiastici Ratio flagitabat, ut monerem fideles, & inprimis Juventutem Academicam de periculo, quod immineret Veritati fundamentali, si hoc *Vorstii*, ex lacunis Socini haustum dogma, introduceretur in Theologiam nostram Systematicam. Omnes odii privatas causas procul habeo. Nunquam vidi Adversarium. Nihil unquam mihi fuit cum illo commercii: & vix quicquam de illo inaudiveram, antequam scriptis suis famam meam tam odiosè traducere incepit.

XXII. Sed dum me tam falsò & malitiosè accusat, semet ipsum demonstrat Calumniatorem pessimum. Videtur Ipsi haud displicuisse flagitiosissimum illud dictum; Calumniare audacter, semper aliquid hæret: ideo ubique Calumnias, & quidem putidissimas mihi affingit. Etiam in fronte Libri sui, si fortè Ipse Liber Lectores non iaveniat, ponit hæc Verba; *ubi Calumniis & injuriis ipsius cordatè respondetur*. Non unius interim Calumniæ semetipsum reum egit. CALUMNIA est enim quod scribit in *Præfat. ad Heb. 1. Me conari mihi propriam sententiam etiam authoritate Synodali munire, & ut Ecclesiæ sententiam omnibus obtrudere, ac dissentientes quosvis etiam ex Orthodoxis, ut hæreticos trahere, & Anathemate percutere*: imo cum innuit, *Me tam Sanctam, tam Deo dignam Doctrinam blasphemare, Calumniari, & illos qui eam profitentur, ut hæreticos exagitare, traducere, Anathemate*

te percutere, quod videtur esse hominum Divino judicio excœcatorum, quorum ille sortem amaris deplorat lacrymis. CALUMNIA est quoque, quod ex mea sententia heterodoxum sit, Christum dicere Primogenitum Dei Filium; Exercit. in Heb. 1. p. 188. §. 25. Hoc nunquam dixi, scripsi, cogitavi. In Scripturâ nullibi vocari Primogenitum Dei, ante multos annos ore & scripto monui, & hoc est verissimum, & dudum a Magno Athanasio observatum. Sensu tamen Orthodoxorum ita vocari posse nunquam negavi, quia verè ante omnes Creaturas extitit & genitus est a Deo Patre Filius ejus naturalis. Dubito interim magnopere, an hic sensus Orthodoxus literæ nominis hujus Primogeniti, & Textui Paulino in Epistola ad Colossenses conveniat, ut supra in Dissertatione de Christo Primogenito monui, & dubitationis meæ rationes dedi. CALUMNIA est porro; me contra ECCLESIAM SCRIBERE, quando Vulgare præjudicium esse dixi, quod Christus in Sacris vocetur Primogenitus Dei: Ita Adversarius in Præfat. ad Heb. 1. Et in altera Præfat. Exercit. de Primogenito Dei Filio præmissa hunc in modum scribit. Obstupui Professore Batavum & Leidensem posse adeo petulanter toti orbi erudito insultare, ut præjudicium vulgare i. e. PROCULDUBIO ECCLESIAE, audeat dicere, si credat Christum esse Primogenitum Dei Filium, & contra tale præjudicium calamum stringere, & nihilominus SUAM SIBI PROPRIAM (hoc iterum repetit) sententiam ut solam Orthodoxam propinare. Nil verius est utique quàm quod scripsi, Christum in Scripturis nullibi appellari Primogenitum Dei Filium. Hoc Docti norunt non solum, sed & omnes qui aliqua cum attentione Scripturas legerunt, aut Concordantias consuluerunt. Sed quia Insignes nonnulli Interpretes, Christum hoc Titulo ad Deum Patrem debere referri existimarunt, etsi nullibi expressè dicatur Primogenitus Dei Patris, hinc orta videtur opinio vulgaris illa, quod in Scripturis ita expressè appellaretur. Cujusmodi Vulgaria Præjudicia plura sunt, quæ tamen pro Ecclesiæ sententia minime haberi possunt. Sic est opinio vulgaris: pœ-

has infernales. describi per *fletum Oculorum* (*Weeninge DER OOGEN*) & *stridorem dentium*, uti centies ego audi-
vi pro Concione recitatos *Textus Matth. viii. 12. xiii. 42. 50. xxii. 13. xxiv. 51. xxv. 30. Luc. xiii. 28.* Sic etiam est *Opinio Vulgaris* Diabolum in N. T. dici *Beelzebub*; *Matth. x. 25. xii. 24.*, quæ orta est potissimum ex *Versione Vulgata*, cum in plurimis & probatissimis Codicibus habeatur *Βεελσεβλ.* Sic porro *Opinio Vulgaris* est legi apud Paulum *Ephes. iii. 20.* Deum *posse summa cum exsuperantia omnia facere supra ea quæ petere, aut cogitare possumus*, quomodo sæpissime *Textus* ille pro concione recitatur. Cum tamen nec *Verba Pauli* ita sonent, nec fortè hæc mens Pauli in iis verbis sit. Sic denique est *Opinio Vulgaris* in *Scripturis* legi illud dictum, quod Hieronymi esse creditur, *surgite mortui, & venite ad iudicium.* An ille qui hæc & similia *Præiudicia Vulgaria* vocat, an ille, inquam, *contra Ecclesiam* scribit? Tædet profectò ineptiarum hujus Viri, quibus indicandis & refutandis diutius immorari nolo. Itaque mittam alias plures ejus Calumnias. Una tamen adhuc est reliqua, quam omittere nequeo. In *Præfatione Mantissæ* dicit, me vocare ipsum *Germanum Nestorii Patronum.* Hoc colligit: tum ex *Titulo Libri* mei, ubi habentur hæc Verba; *Præmissa est PRÆFATIO, in quâ de Causæ hujus MOMENTO, atque de Nupero NESTORII Defensore Germano, breviter agitur*: tum ex *Nomine suo* in initio præfationis lecto. Paucas modò ejus paginas legit. Si perrexisset in legendo, vidisset, me *Celebrem in Germania Theologum JABLONSKI* appellasse in *Titulo Germanum Nestorii Defensorem*, contra quem ibi *Disputo.* Sed eo usque non perlustravit *Præfationem* meam, verùm mox substitit in legendo, ubi *Nomen suum scriptum* reperiebat, sat *causæ se invenisse* ratus, ut me novæ & atrocissimæ *Calumniæ* reum ageret. *Ceterum*, inquit, *quæ addam vix habeo. Tantus enim me invasit stupor, ut ne balbutire aliquid possim. Quis enim non crederet, si libri hujus singularis Titulum legat* & in ista *Præfatione*

nomen meum exprimi videat, quis, inquam, non crederet, aliquod me in lucem edidisse scriptum, in quo Nestorii partes suscepi tanquam Germanus Defensor Quid jam est extravagari si hoc non est? Quid magis inhumanum potest excogitari, quam me vocare Germanum Nestorii Patronum? quid unquam, quam atrocissima injuria & calumnia esse potest, ita de me & de mea fama statuere? Annon hoc est omnem pudorem concoquere? Annon hoc est audacter calumniari? Neque oculis fiderem meis, etiam cum talia lego, posse Aliquem adeo sui oblivisci, adeo bonam prodere Conscientiam, adeo famæ suæ prodigum esse, ut in calumniis & mendaciis apertissimis suæ præsidium causæ quæreret, si non experientia, prob dolor! docuisset, quam verum illud sit, Odium Theologicum, odium Vide Lector, quid non potest festinatio & incogitantia, & mirare cum indignatione & dolore Viri hujus maledicentiam, & cæcum animi ejus affectibus abrepti impetum. Annon hoc est, D. Cremer, Germanè nugari, Germanè calumniari, Germanè contra umbras tuas larvas & chimæras pugnare? Ex ejusmodi Præfatione quid ipsa Mantissa ferat, facile judicari potest. Nihil in ea mihi occurrit novâ vel seriâ refutatione dignum, post ea, quæ antea in Libro meo, & speciatim in Capite de Initio Decreti Divini, & nunc iterum scripsi. Sibi & famæ suæ consulat Adversarius, si impofterum melius digerat quæ editurus est, ac decies cogitet de iis, quæ in publicum dare velit, antequam merces suas protrudat.


DISSERTATIO VIGESIMA

D E

NATURA PECCATI;

Ad 1. Joh. III. 4.

I.



Ggredior Tractationem Argumenti, à me expetiti, quod videri posset Dialecticorum argutiis & Metaphysicorum subtilitatibus magis convenire quàm Theologicæ simplicitati; quod tamen est fori Theologici, ex Ratione non modò sed & ex Revelatione demonstrandum. Rectè quoque & utiliter traditur hæc Doctrina de NATURA PECCATI, imò tradi debet in Academiis præsertim hoc tempore, quo tot scrupuli injiciuntur, atque difficultates temerè & imprudenter moventur adversus receptam & Orthodoxam Doctrinam à nonnullis ex nostris etiam, ut sacra juvenus, iis omnibus superandis haud æque apta, facile iis implicari, atque pèr eas ad avia periculosissima seduci posset, nisi illas haud tanti ponderis esse, moneatur, atque ex Scripturâ pariter & Ratione in Verâ Sententiâ confirmetur. Neque enim hodiè tantum verum & olim fuerunt hac de re sententiæ diversæ, cæque magis vel minus perniciosæ ac periculosæ. Qui enim peccatum dicunt esse *metum Nihil*, illi Atheismo, ut triumphet, viam parant, etsi de Atheismo triumphato glorientur. Qui verò statuunt peccatum esse quid *Reale & Passivum*, sive sit substantia si-
ve

ve accidens, ii facilè amplectentur, non dicam detestandam *Manichæismi* impietatem; sed potius *Pelagianam*, de *Actio- num* nostrarum à Deo *independentiâ*, pessimam *Hæresin*, de qua consuli potest *Vossius* in *Hist. Pelag. Lib. III. Part. II. Thes. IX.* Media hîc tenenda est via ac sententia, quæ statuit *formalem* peccati *conceptum* absolvi *solâ* *privatione rectitudinis ex Lege Dei debitæ* *adesse* *Facultatibus* *Habitibus* atque *Actionibus* nostris, *omissis* vel *commissis*; seu *Naturam* peccati constitui per id, non quod simpliciter *non est*, sive *purum Nihil*, neque per id quod *verè est* & realiter existit, neque per id quod *partim est*, *partim deest*, sed tantum per id quod *deest* cum *adesse* debebat.

II. Si dicatur *purum Nihil*, vox *Peccati* esset inanis sine mente sonus, nulla esset Lex Divina, nullus Legislato- rum summus, nullaque creaturæ rationalis dependentia moralis à Creatore, atque non daretur peccatum nisi in hominum quorundam imperfectiorum vana opinione. Quæ fuit olim detestabilis Doctrina impurissimorum *Gnosticorum*, ac eorum Parentis *Simonis Magi*. De hoc testatur *Irenæus Lib. I. Cap. XXIII.* ex Editione *Massueti*, quod docuerit, *secundum ipsius gratiam* (*γνώσιν*) *salvari homines*, sed non *secundum operas justas*. Non enim esse naturaliter operationes justas, sed ex accidenti, quemadmodum posuerunt qui mundum fecerunt *Angeli*, per huiusmodi præcepta in servitutem deducentes homines. Quapropter & solvi mundum, & liberari eos, qui sunt ejus, ab imperio eorum qui mundum fecerunt, repromisit. Et de *Carpocrate* aliisque *Gnosticis* scripsit Idem *Lib. I. Cap. XXV.* Et in tantam insaniam effrænati sunt, uti & omnia quæcunque sunt irreligiosa & impia, in potestate habere, & operari se dicant. Sola enim humana opinione negotia mala & bona dicunt. Sic pessimè abusi videntur pessimâ illâ Hypothesi de duobus contrariis rerum Principiis æternis, Bono & Malo, seu Deo Boni & Materia omnis mali principio, à Barbaris & Græcis pariter recepta Philosophis; quia scilicet ex *Nibilo Nihil fieri* posse absolute sibi persuasum habebant, & quia *Bonum*
Mali

Mali Causa, quod in se non habebat, esse non poterat quæ Paganicæ impietatis fundamentum fuit: dum ex eâ collegerunt, quod, se tradendo horrendis spurcitiis & omnis generis carnalibus impuritatibus, Malo Principio debitum quasi suum exsolverent: contra exemplum moratiorum Gentilium, qui, quamvis in eadem turpissimâ hæresi versati fuerint, hâc tamen ad similem impurissimam & flagitiosissimam vitam se minime abduci passi sunt. Cum enim, inquit, *Doct. Thomasius in Schediasm. Hist. §. 38.* crederent animam Dei, Corpus materiæ sobolem esse, ita se beatos fore collegerunt, si etiam in hac vitâ corporis animam vinculis, h. e. cupiditatibus pravis exolverent, cumque Deo per cœlestium rerum juges meditationes, tanquam Principio suo ac fonte conjungerent. Hinc illa Philosophiæ definitio: καὶ θαυρεῖς ψυχῆς ἀπὸ σώματος & ζωὴ ἐν οὐρανῷ, & altera illa passim obvia, μελέτη θανάτου, piis etiam patribus sic habita in deliciis, ut suam facerent, sanctæque religioni accommodarent. Adversus hanc exitialem Gnosticorum Doctrinam fideles munire voluisse videtur Apostolus noster Johannes, quando Cap. 1. Vers. 8. 10. hunc in modum scripsit. Si dixerimus nos peccatum non habere, nos ipsos fallimus, & veritas in nobis non est. Si dixerimus nos non peccasse, mendacem facimus eum, & sermo ejus non est in nobis.

III. Contra Alteram illam de Peccati Naturâ erroneam opinionem, quod sit nempe quid *Positivum Reale* ac verè *existens*, fideles instruxit satis Idem infallibilis Apostolus, quando in nostro Loco *Peccatum*, seu id quod propriè Creaturam Rationalem coram Deo damnabilem reddit atque commaculat & deformat, breviter quidem sed nervosè per αἰνομίαν definivit; atque sic ejus Naturam ac Formam in Illegalitate, Dislegalitate, Discrepantiâ à Lege, atque adeo Privatione Rectitudinis secundum Legem debitæ adesse, manifestè constituit: sic scribens: πᾶς ὁ ποιῶν τὴν αἰμασίαν, ἢ τὴν ἀνομίαν ποιεῖ ἢ ἡ αἰμασία ἐστὶν ἡ ἀνομία. Quorum Verborum mentem genuinam ut clariùs perspectam habeamus, con-

siderabimus *Propositionem*, & additam ejus *Confirmationem*.

IV. In *Thesi* occurrunt *Subjectum*, πᾶς ὁ ποιῶν τὴν ἀμαρτίαν, & *Prædicatum*, ἡ τὴν ἀνομίαν ποιεῖ. Quod attinet *Primò* ad propositionis *Subjectum*: Vox ἀμαρτία est propriè vox *abstracta*, abstractum quid significans, nempe *aberrationem* à scopo vel via. Ita *moraliter* in Sacris sumta sæpe occurrit *abstractivè* Job. xvi. 9. Rom. iii. 20. v. 13. vii. 7. xiv. 23. &c. Hinc *Theodorus Abucara* apud *Suicerum*, Ἀμαρτία ἐστὶν ὁποῦτοςία τις, ἡ ἀσυχία τῆς ὁμονίας. Impropiè sumitur quando *concretè* notat *Habitum* vel *Actum* peccaminosum seu *moraliter aberrantem* à via Legis & scopo felicitatis veræ. Ad *Habitum* peccaminosum respicitur quando ἀμαρτία dicitur *dominari* & *habitare* in nobis Rom. vi. 12. 14. vii. 17. 20. &c. Ad *Actum* verò, quando adhibetur phrasis, ἀμαρτίαν ἐργάζεσθαι Jac. ii. 9. Ἐ ποιῶν Jac. v. 15. 1. Pet. ii. 22. &c. quæ etiam hîc occurrit. Quamvis verò hæ phrasæ nos non cogant planè ad sensum *concretivum*; quia etiam omittens rem præceptam dicitur *facere* peccatum, sicut etiam *privationes*, juxta Scholasticorum observationes, dicuntur *ferri*, ut cum solis absentia dicitur *facere* tenebras; præstat tamen hic sensus *concretivus*, ut concinnior & simplicior. Capimus itaque illud ὁ ποιῶν τὴν ἀμαρτίαν ac si dictum esset, *qui facit Actum peccaminosum* seu *moraliter aberrantem*.

V. Loquitur verò Apostolus absque ulla restrictione, atque adeò de peccato omni, etiam minimo, non certo aliquo & graviori, uti sumitur Jac. v. 15. Vulgò Pontificii peccatum quod vocant *mortale* intelligunt. *Thomas Nageorgus* apud *Marloratum* de incredulitate & impietate in Deum, summo illo & maximo peccato accepit, ex quo Johannes in prædicato diceret esse *iniquitatem in homines* omnem. Sed meritò hanc expositionem rejecit *Estius*, ut longè petitam & parum fundatam. Opponit enim Apostolus peccatum *justitiæ*, ad quam non aliquam sed omnem adhortatus fuerat fideles Cap. ii. 29. Præterea *Indefinita* vocis peccati acceptio in.

in *Ratione* addita ostendit eam tam latè in *Propositione* debere sumi, quam patitur *faciendi* verbum, quod vocem generaliore *ἀμαρτία* heic ad *Actum* peccaminosum quidem, sed *quemcunque* simul, restringere videtur, uti supra visum est. *Scopus* denique Apostoli procul dubio est exhortationem suam proximè præmissam *Vers. 3.* validâ ratione novâ urgere in Textu nostro. Exhortatus fuerat ad *sanctitatem*, id est, ad *odium* omnis etiam vel minimi peccati, etiam ejus quod leve videtur, quia ab hominibus non punitur. Decebat sanè hæc sanctitas Christianos militantes & quotidie ex infirmitate peccantes, non modò propter *spem* vitæ æternæ sanctis destinatæ, & *exemplum* Dei & *Christi* sanctissimi, uti hæc commemoraverat *Vers. 3;* sed etiam propter *turpitudinem*, quæ est in *omni* & *minimo* peccato, utpote quod est *ἀνομία* aberratio a Lege Divina damnabilis & deformans coll. *Deut. xxvii. 26. Gal. iii. 10.* Tandem tam latè sumit hîc *Peccatum*, quam *Vers. seq. 5.* *Et scitis illum patefactum esse, ut peccata nostra tolleret, & peccatum in eo non est*, quia in his verbis æque ac in præcedentibus nostris est idem *scopus* Pauli, nempe fideles exstimulare ad *odium omnis etiam minimi peccati*, ex eo quòd Christum sponso rem tot dirissimis passionibus subjecerunt peccata eorum ipsi imputata, ut vel minima idcirco fugienda sint, & quia Christus ideo manifestatus est & manifestari debuit, ut tolleret omnia, etiam *levia* peccata, sanguine suo sacrificiali 1. *Job. i. 7;* id quod olim etiam typo in Lege adumbratum fuit, jubente ut *levia* etiam delicta victimis oblati & ablutionibus expiarentur *Num. xv. 24. — 29. Levit. iv. 22. — 26. Heb. ix. 13, 14.*

VI. Cum verò vel in minimo peccato posset obtinere consuetudo & voluptas & studium continuum, quæritur porro an phrasîs hæc *facere peccatum* heic notet simpliciter *Actum* qualemcunque peccaminosum committere, an verò cum significationis intensiōe, vel per *synecdochen* generis pro specie, peccato cum *voluptate* & *studio* & *assiduitate operam dare*. Posteriori hoc modo capiunt hanc phrasin *ποιῆν τὴν ἀμαρτίαν*,

bene multi Interpretes. Oecumenius: *ὡς γὰρ ὅτι τὸ ἁμαρτία,*
ἔκ οὗ ποιήσας ἢ οὗ ποιήσων, ἐκείνός ἐστιν ὁ ἁνομή ἢ ὁ ἁμαρτωλός,
αἰτ' ὁ ἐχόμενος ἢ κακὸς ἢ ἐνεργός, ἔτι καὶ δίκαιος ἔκ οὗ ἀπεργαζών,
αἰτ' ὁ ἐνεργός. Quemadmodum in peccato non is qui fecit aut
facturus est, ille ἁνομή est aut peccator, sed qui malo ad-
hæret ejusque operator est; ita ἔ justus est non ignavus, sed
strenuus. Similiter Beza accepit hanc phrasin ποιῶν τὸν ἁμαρ-
τίαν & vertit per dare operam peccato, atque in Notis eam ex-
posuit de iis, qui malo planè delectantur, & in quibus pecca-
tum peccans regnat, eamque hoc loco differre ab ἁμαρτάνειν
simpliciter accepto contendit. Ita & Piscator, significatur au-
tem hac phrasi non simplex actio, sed cum studio ἔ voluptate
conjuncta. Synecdoche generis. Ex Pontificiis Claudius Guil-
liaudus Bellijocensis. Hoc loco facere peccatum, usurpat pro
persistencia in peccato ἔ iniquitate, quæ est ex perfidia. . . .
Illa in impuritate vestræ vitæ perseverantia, summa est ini-
quitas, ἔ religionis Christianæ everasio ex perfidia procedens.
Urget hoc inprimis, post Socinum in Comment. in hanc Epist.
Episcopius; quia certissimum est facere peccatum, iniquita-
tem, malum, Hebræis significare familiarissimè ἔ passim re-
ceptâ phrasi, peccatis se dedere, aut potius peccandi consuetudi-
ne teneri, sive cum morfu aliquo conscientiæ sive sine eo, uti ap-
paret ex multis locis V. T. nominatim Ezech. xviii. 26. Prov.
xvi. 12. 2. Sam. xii. 18. 1. Reg. xiv. 22. Psalm. li. 6. Jer.
iii. 5. ἔ similiter ex N. T. Matth. xiii. 41. vii. 23. 2. Cor. v.
10. Inprimis verò quia ποιῶν τὸν ἁμαρτίαν directe opponitur
præcedenti ἁγιασμῷ sive purificationi, quæ in exuenda peccandi
consuetudine posita est, & præmittitur isti sententiæ qua Christus
dicitur patefactus ut peccata nostra tolleret Vers. 5.

VII. Fateor intensâ significatione phrasin hanc quando-
que sumi, quamvis non in omnibus attamen in quibusdam
ab Episcopo laudatis Locis, ut & aliis Job. viii. 34. Jac. v.
15. & quidem in sequenti hujus Capitis contextu. Sic Vers.
8. 9. Qui facit peccatum ex diabolo est: quoniam à principio
diabolus peccat. Quisquis natus est ex Deo, peccatum non
facit,

facit, &c. Interim non minus certum est quòd *peccatum facere* in Sacris sæpe notet simpliciter *peccatum aliquod committere*. Ipse fatetur *Episcopus*, 1. *Pet.* II. 22. ubi de Christo dicitur, ὅς ἀμαρτίαν ἔκ ποίησεν, *de uno peccandi actu usurpari*. Idem dicendum est de loco 1. *Cor.* VI. 18. πᾶν ἀμάρτημα ὃ ἐάν ποιήσῃ ἄνθρωπος, *extra corpus est*. Et eodem modo phrasis ποιῆν ἀνομίαν *Ezech.* XXXIII. 13. 18. sumi debet ex hypothesis illâ quod Deus ibi agat & loquatur cum iustitiaris secundum naturam Fœderis Operum. Neque est insolitum porro ut unum idemque vocabulum, eademque phrasis, apud eundem Auctorem, in eodem Sermone vel Epistola, varia significatione, nunc latius nunc strictius, sumatur. Hujus rei exemplum vulgò ponitur in voce ὑποτάσσειν 1. *Cor.* XV. 27, 28. certe extat in phrasi *portare onus* βασάζειν τὸ βάρος vel φορτίον *Gal.* VI. 2. 5. nec non in verbo ἀγιάζειν *Joh.* XVII. 19. ut & in ἀμαρτάνειν apud nostrum Apostolum, qui hoc verbo utitur *intensa* significatione *Vers.* 6. *Quisquis in eo manet, ἔχ ἀμαρτανή. πῶς ὁ ἀμαρτάνων non vidit eum, neque novit eum: Vers.* 9. *Quisquis natus est ex Deo peccatum non facit.* . . . ἢ ἔ δύνανται ἀμαρτάνειν, *eo quod ex Deo natus est: verum usurpaverat idem hoc vocabulum pro actum quemcunque peccaminosum simpliciter committere* *Cap.* 1. 10 *si dixerimus ὅτι ἔχ ἡμαρτήκαμεν, & Cap.* II. 12. *Filioli mei, hæc scribo vobis ἵνα μὴ ἀμαρτάνετε ἢ ἵάν τις ἀμαρτή, Advocatum apud Patrem habemus, Jesum Christum justum. Et ipse est propitiatio pro peccatis nostris: ubi manifeste dehortatur non à peccandi consuetudine modò, sed & à quibuscunque peccaminosis Actibus, deliberato inprimis consilio commissis, uti etiam hoc observavit Hammondus ad Locum nostrum. Opponitur quidem facere peccatum purificationi Vers.* 3. *commendatæ, verum hæc non tantum in exuenda peccandi consuetudine, uti vult Episcopus, sed & in odio & fugâ vel minimi Actus peccaminosi consistit. Neque Christus manifestatus est ut consuetudinem peccandi modò, sed omnis vel minimi peccati reatum & maculam meritoriè & efficienter tolleret.* Fru-

stra denique supponunt cum *Oecumenio* hi Interpretes, quod vox ἀνομία in *prædicato* ab Apostolo posita, & ab Vulgato per *Iniquitatem* translata, grande nefas & gravissimum crimen significet, quale quidem in continuato peccandi studio, non verò in qualicunque Actu peccaminoso locum habet: Cujus contrarium ex sequenti *Prædicati* istius Expositione patebit.

VIII. Phrasin itaque hanc, *facere peccatum*, absque ullo tropo, quem statuit *Piscator*, capio simpliciter pro *quemcumque Actum peccaminosum quocunque modo committere*. Etenim *indefinitè* loquitur, uti de *peccato*, sic etiam de *modo patrandi* illud, ut & de *persona* peccante, quando dicit, πᾶς *Quisquis* peccatum facit, sive regenitus sive irregenitus, sive semel sive sæpius, sive ex malitia & obstinato animo sive ex infirmitate, sive cum reluctatione sive absque illâ. Optima sic quoque erit *Connexio* hujus dicti cum superiori Exhortatione ad puritatem moralem omnem. Etenim ut caveat Apostolus ne existimarent Filii Dei per mandatam puritatem levia peccata non prohiberi, addit, quòd *omnis* qui vel minimum peccatum quocunque etiam modo committit, *etiam ἀνομίαν faciat*.

IX. *Prædicatum* hoc, καὶ τὸ ἀνομίαν ποιεῖν, æque ac Subjectum variè exponitur. Vox ἀνομία uno vocabulo Latino, saltem usitato, vix exprimi potest: nec ægrè ferre debent Grammatici ac puræ Latinitatis cultores, si Theologi nova in translatione hujus vocis atque inusitata vocabula efforment. Significare potest vox ἀνομία; vel *Exlegitatem*, *Exlegalitatem*, quæ est carentia legis, omnis vel alicujus, sive vera, sive affectata & externè apparens, *coll. Rom. II. 12. 1. Cor. IX. 21*; vel *Contralegalitatem*, *Dislegalitatem*, quæ est carentia convenientiæ cum lege verè existente & obligante, seu disconvenientia cum eâ & discrepantia ab eâ. Priori sensu *Alpha* compositionis est *Alpha privationis*, posteriori est partim *privationis*, partim *contrarietatis*. *Priorem* significationem, & quidem ut voci *propriam*, heic locum habe-

re urgent Socinus inprimis & Episcopus. Uterque Bezæ translationem, etiam legem transgreditur, exagitat. Et Episcopus quidem sensum non modo dilutum, quia nulli non notum esse possit quod peccatum aliud non sit vel esse possit quam Legis transgressio, sed & periculosum ex eâ emergere contendit, si nempe peccatum facere idem heic sit ac operam dare illi cum studio & delectatione, uti Beza ipse interpretatus est. Facile enim quis in hanc cogitationem delabi posset, quod is demum, qui dedita opera & plena voluntate peccat, & peccato delectatur, Legem transgrediatur, non autem is qui luctam aliquam aut remorsum in se sentit; quod profectò periculo maximo non caret. Observat præterea: quod ἡ ἀνομία Legis transgressionem, ἀνομία verò majus quid quam simplicem transgressionem, nempe Exlegitatem, vel ut quidam Inlegitatem significet: quod porro particula copulativa καὶ, καὶ τὴν ἀνομίαν ποιεῖ, hîc emphasin habeat & exaggerandi gratia sit posita, unde sequitur quod ἀνομίαν ποιεῖ sit enormem aliquam & gravissimam turpitudinem committere, ut sensus sit, qui peccandi consuetudine tenetur, non tantum non purificat se ad Dei ipsius similitudinem, sed etiam non aliter se gerit, quam si exlex esset, id est, legem nullam sibi positam haberet, ex cujus observatione præmium sperare, vel ob cujus neglectum pœnam metuere ipsi necesse sit: quo certe quid enormius dici nequit: quod denique ἀνομία pro Exlege & ἀνομία pro Exlegitate sumatur tum 2. Thess. ii. 7, 8. ubi de Antichristo agitur, tum 1. Tim. i. 9. ubi ἀνομοὶ & ἀννόμοτοι junguntur.

X. Hanc expositionem neutiquam sequendam arbitror. Nititur præcipuè hac hypothesis, quod in *subjecto*, τὸ *facere peccatum*, notet studio & consuetudine operam dare peccato, quæ falsa est. Significat enim ibi ἀμαρτίαν ποιεῖν indefinite quocunque modo peccare. Unde sequitur quod ἀνομία heic non possit significare Exlegitatem. Omnis enim peccans offendit quidem Legislatorem summum, sed non negat mox illum, neque etiam ipso facto negare videtur statim, vel ita se gerere ac si negaret, & exlex esse vellet, & sentiret quod omne

omne quod libet sibi liceat. Hoc enim de omni peccante, etiam ex infirmitate & cum lucta sincerâ, dicere & affirmare, nimis profectò durum est, imo ab ipso facto alienum. Neque ullibi Scriptura istum de *quocunque peccante* loquendi modum suadet aut confirmat. De *impio & stulto* tantum affirmatur, quod *dicat*, id est, dicere *videatur* in corde, quia ita se gerit, *Non est Deus, & Recede à nobis Job. xxi. 7. Psalm. xiv. 1. LIII. 2*; quemadmodum etiam de *incredulis & impuris* dicitur, quod *factis Deum abnegent, Tit. i. 16*. Quamvis concedamus concretum ἀνομία, & abstractum ἀνομία, in locis ab *Episcopo* adductis denotare *Exlegem, & Exlegitatem*, manet tamen certum, quod ἀνομία pro transgressore Legis *Act. ii. 23. Marc. xv. 28. Luc. xxii. 37*, & quod abstractum ἀνομία sæpius, si non *perpetuè*, quod contendit *Erasmus Schmidius*, pro ἀνομία & *contralegalitate* seu *discrepantia à lege* sumatur, & quidem qualicunque & omni, leviori & graviori *Rom. iv. 7. 2. Cor. vi. 14. Tit. ii. 14. Heb. i. 9. VIII. 12. x. 17. 2. Pet. ii. 8*. Apud *Exoticos* ἀνομία est ἀδικία; *Socrates* apud *Xenophontem*, *Memorab. Lib. iv. ο μὲν ἀρετὴ νόμιμον δίκαιον ἐστὶν ὁ δὲ ἀνομος ἀδικος*; sic etiam hic ἀνομία pro ἀδικία ponitur, *coll. Cap. v. 17*. Unde *Beza* non malè transtulit, *etiam legem transgreditur*, neque *Belgæ*, *etiam injustitiam facit*, neque *Vulgatus*, & *iniquitatem facit*, quatenus illa vox simpliciter carentiam æquitatis, seu id quod æquitati est contrarium notat, quam *Lex* postulat. Atque sic etiam habet particula Copulativa καὶ suam *Emphasin*, atque ad *exaggerationem* peccati facit. Nempe in voce ἀναγρία, quatenus in *Propositione subjecti* usurpatur illa ab *Johanne*, (quomodo usurpetur ab eo in *Ratione* additâ postea videbitur) potest cogitari respectus ad *significationem* ejus, ita ut denotet ibi *aberrationem à scopo*, scilicet *felicitatis æternæ & temporalis*. Quando hic emergeret sensus non dilutus sed satis gravis & momentosus: *qui facit peccatum aberrat* non modo à *scopo felicitatis æternæ & temporalis*, quia fures adulteri ebriosi famæ quoque honestatem & corporis sanita-

rem

tem perdunt, *verum* etiam à sanctissima Dei voluntate & *Lege*, ideoque non tantum *infelix* est, sed & *perfectissimo* & Sanctissimo Numini *dis similis* & difformis: in qua difformitate etiam haud minima infelicitatis creaturæ rationalis pars est, sicuti pars haud exigua felicitatis ejus, *qui justitiam facit*, est, quod *ex Deo natus sit*, ejusque imaginem gerat, *coll. Cap. II. 29.* Aliàs dici potest, quod Apostolus respexerit ad Gnosticorum *Libertinismum*, de peccato omni in vanâ hominum opinione consistente modò, & lege omni abolitâ priscâ per Christum, & quòd contra illorum impietatem fideles monuerit, revera *legem Dei*, æternam, Regiam illam & Libertatis, de amore Dei & proximi, manere sub N. T., imo per Christum esse confirmatam, atque adeò dari veri nominis peccata, & *Legis divinæ, Naturalis, Mosaicæ & Christianæ* turpes & damnabiles transgressiones. Quando sensus esset: *qui facit peccatum*, nempe id quod vulgò & in Sacris *peccatum* dicitur, *etiam* revera *legem divinam* transgreditur, & non modò opinione vulgi turpe aliquid committit, sed *etiam* ex sententia summi Legislatoris & Judicis, certò punituri legis suæ violationem quamcunque. Cæterum, uti in *sub-jecto ἀναπρία* improprie & concretè sumitur, sic etiam ἀνομία in *Prædicato* capitur: ut sensus sit totius *Propositionis*, *Quisquis facit actum peccaminosum, etiam facit actum illegalem, contra legalem, dis legalem*, à lege discrepantem.

XI. Hanc verò *Propositionem* probat Apostolus ex eo, quod *Esse* peccati *omnis*, ut ita dicam, consistat in *Dcesse*, sive in *Absentia convenientiæ debitæ* facultatum habituum & actionum nostrarum *cum Lege divinâ*, quando hanc ejus *Rationem* subjicit, *καὶ ἡ ἀναπρία ἐστὶν ἡ ἀνομία*. Nam peccatum est *Dis legalitas*, seu *Illegalitas*. Conjunctio copulativa καὶ pro causali posita heic est. Καὶ pro γὰρ ex *Hebræorum idiotismo*. Beza. Et priore loco significat etiam; posteriore, capitur pro quia, more *Hebræo*; sicut Gen. XIV. 18. Et erat sacerdos Dei excelsi, quod Hieronymus vertit; Erat enim sacerdos Dei altissimi. Et Esa. LXIV. 5. Tu iratus es, & peccavi-

mus, *id est*, quia peccavimus. *Eslius*. Posterior Locus rectè, prior malè huc adfertur. Sunt verò alia loca longè plurima, in quibus *Vau* præfixum causaliter sumitur. Ita & apud Johannem in hac Epistolâ & usurpatur *Cap. 1. 2.* καὶ ἡ ζωὴ ἡ φανερώθη. Nam vita illa conspicua facta est. Certè ut in Loco nostro ita capiamus hanc particulam plenitudo sermonis Apostolici suadet, ejusque apta cohærentia. Aliàs enim esset tautologica repetitio, quam perperam statuit *Episcopus*.

XII. Subjunctum porro est ἡ ἀμαρτία. Habet hîc *emphasin Articulus*; sed non eam, quâ demonstraret tantùm illud peccatum *Actuale*, de quo proximè in præcedente Propositione actum erat. Quamvis enim ibi ob junctum *faciendi* verbum ἀμαρτία denotet *Actum* peccaminosum, id tamen locum non habet in addita hac *Ratione*; ubi tale adjectum verbum, significationem vocis determinans, nullum apparet, neque articulus, etsi *emphasin* habere statuatur, ejusmodi determinationem inferat. Itaque non specificè, sed genericè indefinitè absolutè de peccato loquitur Apostolus, atque adeò de omni, uti etiam *Syrus* Interpret rectè animadvertit. Neutiquam tamen de peccato vel *Naturæ* vel *Artis*: neutrum enim peccati nomen in Scriptura sortitur, quantum quidem nobis constat. Proinde de solo & omni peccato in Scripturâ reprehenso & propriè dicto agit Apostolus; sive sit Originale, sive Actuale, sive Omissionis sive Commissionis. &c. Atque hoc respectu in *Articulo* *emphasis* statui potest, sic ut denotet illud solum & omne peccatum, quod Scriptura ita nominat & damnat.

XIII. Quamvis verò quantum attinet peccati *species latissime* heic sumi debeat vox ἀμαρτία, strictius tamen capienda eadem est quoad mala, quæ significationis suæ ambitu comprehendere potest, vel etiam alibi complectitur. Nempe sic capitur vulgò latius pro omni malo, & quod formaliter & inseparabiliter in peccato est, & quod effectivè ex eo fluit, sive pro aberratione, & a Legis normâ, & a felicitatis

tatis veræ & æternæ termino. Nonnunquam tamen strictiori sensu adhibetur vox hæc pro illo *malo morali*, quod primò propriè formaliter & inseparabiliter est in peccato, & quod in *aberratione a Lege* consistit, ex quâ tum mala *moralia* alia Reatûs & Maculæ, ut & *physica* omnia profluunt. Ita sumitur vox *ἀμαρτία* in loco ferè parallelo 1. *Job. v. 17.* πᾶσα ἀδίκημα ἀμαρτία ἐστὶ καὶ ἐστὶν ἀμαρτία ὁ πῶς θάνατος. *Omnis injustitia est peccatum*, seu aberratio a Legis normâ, sed est peccatum, seu aberratio a Lege, quod non est ad mortem, id est, quæ cum aberratione a scopo felicitatis veræ & æternæ non erit conjuncta, nempe per Dei misericordiam in Christo. Eundem sensum heic vox *ἀμαρτία* habet, & denotat illud malum morale quod primò propriè inseparabiliter & formaliter est in omni peccato. Quo respectu iterum *Articulus* potest habere emphasin, ut significet ipsum peccatum, ipsam ejus formam, seu quod propriè peccatum constituit. Unde etiam sequitur quod *peccati* vox in hac subjecta *Ratione*, non concretivè, ut in præcedente *propositione*, sed abstractivè potius sumatur a Johanne, quando de ipso peccato, seu primò & proprio malo *moralis* quod in peccato est, affirmat in *prædicato*, quod sit ἡ ἀνομία.

XIV. *Vulgatus* transtulit hanc vocem per *iniquitatem*, haud malè si *iniquitas* quasi *æquitati adversa* simpliciter consideretur. Optimè transfunditur à *Piscatore*, ipsa discrepantia à Lege. Per *Legem* intelligimus omnem Divinam Legem hominibus præcipuè datam, sive ex natura Dei & hominis in certo statu constituti, sive ex mero Dei arbitrio fluat: sive sit naturalis cordi impressa *Rom. ii. 14, 15.* sive scripta extet in Verbo Mosaico Prophetico & Apostolico: sive denique sit æterna Lex Regia & Libertatis de Amore Dei & proximi, sive temporalis & positiva, quamdiu illius obligatio durat. Rectè *Beda* in locum hunc. *Tom. v.* Omnes enim qui peccant, prævaricationis rei sunt, hoc est non solum illi qui data sibi scriptæ Legis scita contemnunt, sed &

illi qui innocentiam Legis naturalis quam in protoplasto omnes accepimus, sive infirmitate, sive negligentia, sive etiam ignorantia corrumpunt. Vox ipsa porro composita ἀνομία denotat, non privationem Legis ipsius, sed conformitatis cum ea debitæ, seu dislegalitatem & contralegalitatem ipsam. Propria hæc enim vocis significatio abstractiva hîc omnino ab Apostolo intenditur. Aliàs enim hæc Ratio non esset bona sed tautologica. Tautologia enim manifesta foret, si hic esset dicti sensus: Qui Actum peccaminosum facit, etiam Actum dislegalem facit: Nam Actus peccaminosus est Actus dislegalis. Certè qui non concedit, quod, qui facit Actum peccaminosum, etiam faciat Actum dislegalem; ille nunquam de contrario convincetur hoc ratiocinio; Quia Actus peccaminosus est Actus dislegalis, sic enim probaretur idem per idem; uti benè observavit Seb. Schmidius in Collegio Biblico. Itaque, inquit ille, Apostolus rationem sumit à formali, hoc modo, Quisquis facit Actum peccati, is etiam facit Actum dislegalitatis: quia peccatum formaliter consideratum, nihil aliud est, quam dislegalitas. Atque ubi idem formale est rei, ibi eadem res est, adeoque idem Actus qui peccatum est in concreto, erit etiam dislegale quid in concreto. Minus rectè itaque à Beza η ἀνομία transfertur, quod fit contra legem; & malè à Flacio Illyrico, quicquid est alienum à Lege, quia concretivè sic magis vocem sumit; longe peior verò est abusus hujus translationis, quando ex eâ probare conatur ipsam hominis substantiam esse peccatum; perperam exponitur denique à Grotio, actus quivis quem scias & sentias pugnare cum aliqua lege Dei: Cæterùm egregiè quoque vim articuli expressisse mihi videtur idem Piscator, quando η ἀνομία ipsi est ipsa discrepantia à lege. Ita ille in Scholiis. Per pronomen Ipsa puto rectè exprimi vim articuli η, ut cum Græci dicunt, η ηδονή ἐστὶ τὸ ἀγαθόν voluptas est ipsum bonum: hoc est, voluptas nihil aliud est quam bonum. Sic dicitur hoc loco, peccatum nihil aliud est quàm discrepantia à Lege.

XV. Hæc est celebris illa peccati *Definitio*, intimam ejus naturam ac formam explicans, quæ *perfecta* dici potest in suo genere, (conceptus enim abstractivi, privativi &c. propriè definiri nequeunt secundum canones Logicos), & est verè *adequata & reciproca*, ita ut dici æque possit ἡ ἀνομία εἶναι ἢ ἀμαρτία, quàm dictum est ab Apostolo ἡ ἀμαρτία εἶναι ἢ ἀνομία; quod & confirmatur ex *Cap. v. 17. πᾶσα ἀδικία ἀμαρτία ἐστίν*. Ubi ἀδικία, non injuriam & injustitiam specialem, sed generalem notat, atque æque latè patet ac ἀνομία. Conjugata enim vocabula δίκαιος & νόμιμος eandem vim habent apud *Aristotelem* Ethicorum quinto, ubi disputat sub initium, ὁ δίκαιος εἶναι νόμιμος. Sicuti etiam Socratem supra audivimus dicentem, ὁ μὲν ἄγε νόμιμος δίκαιός ἐστιν ὁ δὲ ἀνομος ἀδίκος. Vide *Rainoldum* in *Cens. Lib. Apocryph. Tom. II. Præl. CLXV. p. 591, 592.* & *Flacium* in *Glossa Compend. super 1. Job. III. 4.* & *Aretium* in *Locum*.

XVI. Ex hac porro peccati Definitione sequuntur manifestè hæc *Theses*. I. Datur Deus Legislator, a quo totum genus humanum moraliter dependet, Judæi pariter & Gentiles, qui, cum peccatores dicantur *Gal. II. 15.* Lege etiam Divinâ tenentur, naturali saltem & æternâ cordi inscriptâ, *Rom. II. 14, 15.* Omne peccatum enim est ἀνομία: ὅ γὰρ ἐκ ἐστὶ νόμος, ὁ δὲ ἀνομία Rom. IV. 15. II. Haud plena & recta est peccati illa definitio, ergo peccatum est, *Factum vel Dictum vel Concupitum aliquid contra legem æternam*, quam proposuit *Augustinus* Lib. XXII. Cap. 27. contra *Faustum Manichæum*, quamque ex hoc loco *Johanneo* assumsit juxta *Ugonem Cardinalem*, & quam, juxta *Bellarminum*, *Theologi* magno applausu receperunt, nec immerito. Sic enim certam modò speciem peccati, quod est *commissionis*, defini- vit, non *omne*, quod ex hac definitione Apostolica peccatum est. Certe cum omne peccatum sit ἀνομία, & omnis ἀνομία sit peccatum, sequitur manifestè quòd *Omissio* virtutis præceptæ, ut & *Absentia Rectitudinis* debitæ adesse *Facultatibus* & *Habitibus* nostris, cum utraque sit ἀνομία,

etiam pro peccato haberi debeat. III. Unde etiam & hoc consequitur, quod depravatio naturæ & *Concupiscentia* in renatis reliqua veri nominis peccatum sit, sua natura dignum odio Dei & damnatione. Dicitur enim hæc concupiscentia peccatum à Paulo Rom. vii. 7. 8. 9. 11. 13. 17. 20. 23. ergo est *αἰσχυρία*, nam omne peccatum est *αἰσχυρία*. Et si est *αἰσχυρία*, peccatorem reum facit coram Deo, & æternæ maledictioni subjicit. Quodcunque enim Legi repugnat maledictum reddit & execrabilem Deus. xxvii. 26. Gal. iii. 10. Jac. ii. 10. Quisquis enim totam legem observaverit, impleverit autem in uno, γέγονε πᾶντων ἐνός & factus est omnium (pœnarum) damnas. Hoc tenendum est contra Tridentinorum decretum, anathema vibrantium in eos, qui negant, per Christi gratiam, quæ baptismo confertur, tolli totum id quod veram & propriam rationem peccati habet, id est, suâ naturâ dignum est damnatione & odio Dei. Perplexus & fallax hîc est Bellarmini discursus, de Amiff. grat. & statu peccati Lib. v. Cap. xiv. Modò concedit *Concupiscentiam* esse *αἰσχυρίαν* & peccatum, si largo modo & impropriè sumantur hæc vocabula, quemadmodum omne vitium, omnisque recessus à regula, vel ordine, non solum in moribus, sed etiam in natura, & arte dici potest esse peccatum, quasi esset hæc generalissima peccati etiam naturæ & artis definitio, quæ largo modo *Concupiscentiæ*, ut in qua est naturæ depravatio, non tamen morale ideo peccatum, applicari posset. Modò autem dicit propriè vocem *αἰσχυρίας* accipere Johannem, verum tunc negat, *Concupiscentiam* renatorum esse *αἰσχυρίαν*, seu ipsam repugnantiam ac deviationem à Legge, ac consequenter peccatum formaliter; Non enim, inquit, quod diffidet a legis norma v. g. Diabolus, Homo, Actio ipsa formaliter peccatum est. Verum sic pugnat cum umbra sua; minimè enim nos ex hoc loco inferimus *Concupiscentiam*, quatenus est potentia habitus vel actus, esse ipsam *αἰσχυρίαν* Illegalitatem, sed Illegalem, eique ut peccato in concreto consideratæ, adhærere *αἰσχυρίαν*, quæ ex intrinseca natura sua damnationi subjicit, etiam Renatum; & hoc sequitur

tur ex definitione hac Johannea, quâ omnis peccati Forma ponitur in *ἀνομιᾷ Illegalitate*. IV. Porro si omne peccatum est *ἀνομία*, & omnis *ἀνομία* vel minima *maledictionem* meretur omnem & æternam, nullum datur suâ naturâ peccatum *veniale*, quale tamen statuunt Pontifici & Sociniani. V. Et si peccatum *formaliter* est *ἀνομία*, & hæc locum habet ubi est *absentia conformitatis* cum Lege perfectissima & sanctissima in facultatibus habitibus inclinationibus & primò primis motibus, sequitur manifestè, quòd ubicunque illa absentia rectitudinis requisitæ datur, etiam peccatum detur, etsi voluntatis nostræ decretum personale aut actuale non præcesserit, atque adeo τὸ ἐνέργειαν voluntarium undique & ab omni parte non esse necessarium, ut sit peccatum in nobis. VI. Præterea quamvis minima aberratio à Lege pœnam mereatur omnem ac æternam, atque hoc modo omnia peccata paria dici queant, sunt tamen *subjectivè inæqualia*, quia hæc aberratio & deviatio à Lege seu *ἀνομιᾷ*, quæ peccatum constituit, major vel minor esse potest. Ille enim longius recedit à rectitudine Lege præscriptâ, qui homicidium ipso actu committit, quam qui modò intra se cogitat. VII. Denique Ille demùm vere sanctus est, & decenter & Deo grato modo à peccato abstinet, illudque odio habet & fugit, qui id facit, non tantùm quia in eo est aberratio à termino felicitatis veræ & æternæ, miserisque & infelices reddit, sed etiam & magis quia in eo est aberratio à scopo Legis seu *ἀνομιᾷ*, & disconvenientia cum sanctissima Dei voluntate. VIII. Tandem si τὸ *formale* omnis peccati, seu id quod *proprie* peccatum constituit, in conceptu ejus *formali*, sit *ἀνομία*; & *ἀνομία* sit *privatio* conformitatis cum Lege sancta; sequitur irrefragabiliter, quòd omne peccatum, non tantùm *Omissionis*, sed & *Commissionis*, *proprie* sit *abstractum* quid, nihilque aliud, quàm *privatio* conformitatis cum lege, & consequenter quòd ipsa Facultas, Habitus vel Actus peccaminosus, non sit ipsum peccatum, ut quod nil aliud est quam ipsa *ἀνομία*, etsi *improprie* & *concretivè* sumto peccati vocabulo,

lo, Facultas, vel Habitus, vel Actus, ut *τὸ Materiale peccati*, connotetur vulgò.

XVII. Hæc *Veritas* adeò clarè & liquidò ex hac *Definitione omnis Peccati* Apostolicâ constat, ut nullo alio argumento opus habeamus ad refutandam illorum sententiam, qui statuent, *peccati notionem* verè & proprie esse *concretivum*, illudque esse aliquid *Positivum & Reale*, & *Habitus Actumque*, certo modo contra Legis Dictamen, *Determinatum* seu *Modificatum* esse *ipsissimum peccatum*. Non desunt interim nobis & alia, ex quibus hæc eadem veritas amplius roborari queat. I. Certè peccati *Nomina* varia Hebræa & Græca, *abstracta*, & *privationem* rectitudinis debitæ significantia, omnino docent proprium & formalem peccati conceptum non esse concretivum sed abstractivum, & peccatum constitui per id, non quod est, sed quod *deest*: qualia sunt *חטא* *Aberratio à scopo*, *פגם* *defectio*, *פסע* *perversitas iniquitas*, defectus rectitudinis, *פגם* *injustitia*, ἀναγμία *non apprehensio scopi*, ἀνομία *discrepantia à Lege*, ἀδικία *injustitia*, ἀπειθεα *inobedientia*, ἀσεβεια *impietas*, &c. II. Omnis *Habitus*, & *Actio* est *perfectio*, quæ ponitur in subjectis: *Actio* est *perfectio*, quia perficit potentiam; & *Habitus*, quia faciliat ad agendum. *Peccaminosus* ergò tantùm evadit *Habitus* vel *Actus* propter defectum perfectionis alicujus alterius speciei, quæ adesse debebat ex Lege, qui *defectus* perfectionis *moralis* consequenter *proprie* peccatum est, & tantùm, nil aliud, ut *peccatum proprie* concipi potest & debet. III. *Actus* quà *actus* physicus totus, qui verè existit extra mentem & cogitationem, vel existit, certo modo circumscriptus & determinatus ad idem objectum, nunc peccaminosus est, existente lege, nunc verò non item, non existente lege; imo bonus est existente lege contrariâ: ergò *Actus* quà *Actus* totus, & quatenus verè existit, seu quoad materiale & formale ejus, non est *proprie* peccatum, aliàs semper esset peccatum, sed *sola Disconvenientia* ejus cum *Lege* datâ nec abolitâ hæctenus. *Occidere hominem* est *Actus* certo modo

do circumscriptus; hic bonus & rectus est, si fiat à Ministro publico, jussu Magistratus, quia convenit cum Lege Gen. ix. 6. malus idem & improbus est, si fiat à Latrone in silva, quia est contra Legem Exod. xx. 13. Rursus *Circumcidere puerulum* Actus est determinatus ad certum objectum, & bonus est, existente circumcisionis Lege Gen. xvii. malus verò existente Lege contrariâ Gal. v. IV. Quia omne *Physicum Reale & Positivum* à Deo ut Causa prima est, atque adeò *Actus* etiam *totus*, determinatus ad certum objectum, ab ipso est, juxta illud, *In Ipso Movemur Act. xvii*; sequitur manifestè quod *ipse Actus* non sit *peccatum*. Aliàs sequeretur; quòd Deus perfectissimus suâ omnipotentia produccret & *poneret* in creaturâ rationali aliquid *Reale & Positivum*, quod distortum in se ac perversum, odio abominatione & poena dignum esset, & quod Actio à Deo producta mala esset per id quod esset, atque sic Deus esset *Auctor Peccati* odio & abominatione dignus. Horresco hæc scribens, & nullus sanæ mentis homo absque horrore hæc cogitare potest. V. Quoniam hæc consequentia, absurda & impia, evidens est, sequitur porro quòd, si nolimus admittere sed detestemur illam, uti decet, velimus tamen ipsum Actum esse peccatum, necessariò debeamus statuere, quòd dentur Motus & Actus quidam, v. g. in furto adulterio scortatione &c. qui secundum suum reale esse in Deum referri nequeant, sed ab ipso independentes sint; imo necesse est, ut ponamus quoque Substantias, per motus v. g. & actus adulterii & scortationis productas, quarum Deus non est prima Causa: uno verbo necesse erit, ut vel alterum Principium mali causa & independens à Bono statuatur, quod Manichæis; vel tota Dei providentia circa Actiones nostras ponatur, sive in nuda virium agendi conservatione, sive in generali influxu à creatura determinando, quod Pelagianis placet, & in Deum independentem Causam omnium primam valde injurium est. VI. Accedit tandem Consensus Veterum. Chemnitius in Loc. Comm. de causa pec-

K k k k

cati,

cati, cap. v, observat, *Augustinum contra Manichæos tractantem præcipuos nervos refutationis in eo constituere, MALUM NON ESSE NATURAM SEU REM POSITIVAM.* Idem *Augustinus in Confessionum Libris, Cap. 7. conqueritur, unam è præcipuis seductionis suæ, (per tempus enim annorum novem in Manichæismi tenebris volutatus est,) causam fuisse, quia non noveram, inquit, malum esse privationem boni.* Idem *Lib. i. contra Julianum scripsit, nec aliquid esse malum, nisi à bonitate defectum.* Similiter de *Civit. Dei Lib. xi. Cap. ix. Mali natura nulla est, sed avissio boni mali nomen accepit.* Et in *Enchiridio ad Laurentium. Cap. xi. Quid est aliud, quod malum dicitur, nisi privatio boni?* Et *Cap. xiii. Omnis natura etiamsi vitiosa est, in quantum natura est, bona est, (& consequenter à Deo, juxta Augustinum, qui hoc continuò inculcat, omne bonum, & quod ullo modo est, quod naturam appellat, à Deo esse,) in quantum vitiosa est, mala est.* Eodem modo & alii Patres, etiam Græci locuti sunt. *Basilii Magni Tractatu, quod Deus non est Auctor malorum, inquit, σέθεναι ἀγαθὸν ἐστὶ τὸ κακόν . . . Ἐτὸ κακὸν οὐκ ἐν ἰδίᾳ ὑπάρχει ἐστὶν, Privatio boni est malum . . . etiam malum non est in aliquâ propriâ subsistentia.* Vide *Georgium Calixtum in Appendice Dissert. de Myst. Trin. ex Solo V.T. probando §. xxix.*

XVIII. Dolendum profectò est, quòd pro hac veritate disputare debeamus hoc tempore contra tam multos & varios. Nempe non tantum contra Manichæos Veteres, qui docebant, uti idem Calixtus notavit, *quasdam res extra nihil positas & essentia præditas secundum se & hanc ipsam suam essentiam malas esse, & proinde etiam a Deo non esse, sive in Deum referri non posse . . . Et malo essentiam adeo solidam & realem tribuebant, ut etiam substantiam esse, quatenus substantia contra accidentia distinguitur, fingerent . . . Quamvis autem Manichæi, ut monuimus, ita pergit Vir ille Doctissimus, Malo substantiam, quæ accidenti opponitur, tribuerent, Augustinus tamen, quando de malo disputat, ab eo non mo-*

modo substantiale, sed omne verum & reale esse remouet: atque adeo substantiam pro eo, quod extra nihil positum & aliquo esse præditum est, usurpat. Neque tantum contra Flacium Illyricum, qui ex hoc Loco etiam perperam collegit, VERE PECCATUM esse quicquid in homine alienum est à lege, siue sit SUBSTANTIA hominis, ut pessimum ejus cor ac mens, siue sint qualitates aliquæ ejus, siue ACTIONES siue passionnes &c. Neque tantum contra Remonstrantes, quibus hoc valde placet, (ut liberæ actiones eò facilius credantur à Deo, non quidem Creatore & virium Conservatore, sed præmouente & prædeterminante Causâ, independentes;) quod peccatum sit aliquid positivum, non nuda tantum privatio; quod peccatum sit ipsa actio positiva; quod peccatum non sit ens, siens in primaria suâ significatione accipiatur, pro substantia, sed si actiones etiam sub nomine entis comprehendantur, ut vulgo fit à Philosophis, peccata quæ sunt actiones, licet vitiosæ & à Deo prohibitæ, entia erunt, aut saltem modi entium; sicuti nec displicet ipsis, quod actus lege vetitus sit ipsa inordinatio, sicut actus lege præscriptus est ipsa virtus siue ordinatio voluntatis in actionis ad legem; & denique quod illi, qui operosè hîc laborant, ut ostendant in actu lege vetito duo esse, quæ realiter à se invicem distinguuntur, Actum scilicet & Vitiositatem actus, atque isto fundamento nixi, tuerentur sententiam & thesin suam, quod Deus providentia sua efficace & irresistibili versari possit circa actum lege vetitum, quatenus actus est, non quatenus vitiosus actus est, ingenio suo abutantur & operam ludant; Vide Limburgium, Theol. Christ. Lib. v. Cap. iv. Curcellæum, Instit. Rel. Christ. Lib. iv. Cap. ii. §. i. iii. & Episcopium, Instit. Theol. Lib. vi. Cap. xi. Neque etiam tantum contra quosdam Lutheranos Theologos, de quibus conqueritur Calixtus, in Appendice Dissert. de Mystero Trin. è solo V. T. probando, §. xii. quod ab orthodoxia antecessorum recesserint, dum nihil minus ferre potuerunt, quàm formale peccati in privatione constitui, & non in re positiva. Quæstio autem est, inquit, de ipso formali, nempe de eo, quod facit ut peccatum sit peccatum,

K k k k 2

siue

sive quod constituit peccatum inesse peccati; nam alias & materialiter peccata actualia pleraque esse actus positivos, & in peccato ipso originali deprehendi aliquid habituale & positivum nemo negat: & §. XXVIII. de Hulsemanno hunc in modum scribit: Quantum adsequi licet, adstruit habitus motusque Vitiosos & actiones Vitiosas sub eâ ratione peccata esse, quâ sunt habitus, motus & actiones; sive quatenus sunt habitus, motus & actiones, eatenus quoque esse peccata; sive per idem constitui in esse peccati, per quod constituuntur in esse habituum, motuum & actionum; sive idem formale facere, ut sint habitus, motus aut actiones, & ut sint peccata. Hujusmodi igitur habitus, motus & actiones, secundum suam realem, veram & positivam entitatem esse mala: & proinde in Deum, tamquam primam causam, non referri. Substantias quidem omnes concedit à Deo dependere, sive earum primam causam Deum esse: at de habitibus, motibus & actionibus idem non concedit. Juxta ipsum enim accidentia moralia positiva, determinantia voluntatem hominis ad pravam, quum sunt mala secundum totum suum esse, à Deo tanquam primâ causa non dependent. Hactenus quidem (hoc subjicit ille Vir Doctissimus) ratum fuit & constanter creditum, Quidquid sit & vere existat, id aut creatorem esse, aut creaturam. At intra annos non adeo multos prodiit dogma, quo adseritur, Esse aliquod verum, reale & extra nihil positum ens, quod nec Deus sit, nec à Deo dependeat: habitum videlicet, actum & motum quendam positivum, præditum eâ vi & efficacîâ, per quam voluntatem hominis ad pravam determinet. Cæterum olim, quin nostrâ etiam memoriâ longè aliter docebatur Wittebergæ. Dolendum est, inquam, nos veritatem hanc tueri debere, non solum contra hos omnes, extra Ecclesiæ nostræ communionem positos; Verum etiam contra Celebrem in vicinâ Academiâ ex nostris Theologum, ante aliquot dies in Domino defunctum, antequam hæc nostra Dissertatio, non scripta, sed Typographo tradita esset.

XIX. Scilicet hic Vir Celebr. anno superioris seculi MDCXCVIII. *Theses Theologicas de Natura Peccati* in Academia

in via ventilandas proposuit, postea editas, in quibus hanc communem Orthodoxorum sententiam sibi refutandam sumsit, quâ statuitur, *Peccatum* propriè esse quid *privativum*: cui se opponens affirmat; quod *notio peccati VERE sit notio rei CONCRETÆ*, §. 50; quod *peccatum nobis dicatur & VERE sit*, non ipsa vitiositas sive peccaminositas (*κακία*) in abstracto considerata, sed *IPSE ACTUS* vitiosus, *IPSE*, inquit, *ACTUS*, cui vitium inest, & in *Habitualibus* peccatum sit *IPSE HABITUS* Vitiosus; quod qui peccatum commissionis describere vult, quatenus verè prædicari potest hoc vel illud esse peccatum: non debeat dicere, illud esse privationem, sed esse ipsum Actum, de quo quid privative negari potest, §. 52; quod de omni quidem peccato aliquid privative negari possit, sed quod propterea tamen conceptus omnis peccati *NON ABSOLVATUR SOLO conceptu PRIVATIONIS*, quia peccatum *Actuale* ipsi scilicet obversatur ut *Actus*, qui suam habet Formam, suum Modum, qui Formæ sive *Modo Actus Boni* est oppositus, & à *Lege* damnatus: quæ *Forma sive Modus Actus illius*, cum excludat *Formam sive Modum Actus laudabilem*, convenientem *divinæ Legi*, dicitur *Peccatum*, §. 53; & quidem propriè, §. 54; quod consequenter *Peccatum Commissionis sit quid REALE*, h. e. *MODUS Entis Intelligentis damnabilis*, non conveniens *Modo aut STATUI Entis Intelligentis*, quem *Lex aut Ratio* laudant ut bonum & rectum; qui *Modus* cum tantum *Realitatis* habeat, quantum habet *Bonus*, non potest dici *NIHIL*, sed *VERE est QUID*, est, inquit, *QUID MODALE*, §. 20. Statuit itaque, non *Actum & Habitum*, in genere, qui nullibi verè existit, sed *certo modo determinatum*, & *modificatum*, atque *Sic Legi* contrarium, esse ipsissimum peccatum, qui hominem facit damnabilem coram Deo, eique difformem. Prorsus profectò contra *Rationem & Scripturam*. Nam *Actus Physicus*, totus quantus, certo modo determinatus & modificatus, est quid *Bonum & Perfectio*, & à Deo ut *Causa prima* omnis boni & realis productus. Dein-

de Apostolus docet in Loco nostro, quem vix tetigit *Vir Clar.*, quod *omne peccatum*, non modò *Omissionis*, quod concedit *Vir Celebr.*, sed & *Commissionis*, propriè sit, non quid *Concretum*, sed quid *Abstractum*, non quid *Reale & Modale*, sed quid *Privativum*, cujus *conceptus formalis* absolvi-
tur *Solâ Privatione convenientiæ cum Lege*, quando dicit esse *IPSAM ἀνομίαν*, id est, *nihil aliud*, quàm *ΑΝΟΜΙΑ*, uti supra visum est.

XX. Audiamus *Rationes Viri Celeb.*, quibus huic dicto Johanneo apertè contrariam sententiam, eamque verè periculosa, sibi persuaderi, passus fuit. *Prima* petita est ex communi omnium de *peccato* loquendi usu, & cogitandi modo, ut de quo nemo aliter cogitet, nec cogitare possit aut loqui, quàm ut de Ente aliquo *positivo & reali*. Interea certum est, inquit, *neminem de Peccato Habituali & Actuali, quod Commissionis vocant, (Omissionis enim delicta per negationem privativam exponenda esse, ultro concedimus:)* posse cogitare, *quin ipsi Positivum & Reale aliquid observetur*; *Ipsi, inquam, illi Actus, adversus Leges divinas & humanas commissi*, id ipsum sunt, quod peccatum vocare solemus: *qui omnino sunt aliquid, non nihil, §. 45. 46. 47.* Hujus *Rationis* infirmitas patebit ex sequentibus *Observationibus*. I. *Peccati Vocabulum* variè sumitur, impro-
priè & latius, quando *concretivè* adhibetur, propriè verò & strictius, quando *abstractivè* capitur. II. Utròque modo & cogitamus & loquimur de *peccato*, & ipsa *Sacra Scriptura* loquitur, uti supra ostensum est. III. Latior peccati *conceptus concretivus*, & de eo loquendi *modus vulgarior*, non tollit strictiorem & proprium ejus *conceptum Abstractivum*, talemque de eo loquendi modum, etiam in *Scriptura* fundatum, qui obtinet apud *Metaphysicos*, & *Theologos*, qui indicaturi id quod *proprie peccatum est*, & quod nos *damnabiles & diffformes Deo reddit*, τὴν ἀνομίαν, ut quid *abstractum & privativum*, ab ipso *Habitu & Actu*, feliciter & optimo jure distinguunt: Ut adeò falsa sit assertio, si universalis, quòd

quòd ipsi illi *Actus*, id ipsum sint, quod peccatum vocare sole-
mus, uti ait *Vir Doctissimus*. IV. Si quis verò ita vocet, nec
aliter cogitare de peccato valeat, id sibi imputet, suarum au-
tem cogitationum confusionem, ideasque suas minus claras
& distinctas, modosque loquendi suos, ut veritatis regulas
aliis obtrudere non debet, nec temerè affirmare, *peccatum*
absque actu & habitu substrato *concipi non posse*, uti facit *Vir*
Celeb. §. 48. Sic in memoriam non revocans sibi id quod de
peccato Omissionis modò dixerat; nec cogitans, quòd quam-
vis *Nihil purum* concipi nequeat; *Nihil* tamen *privativum*,
cum sit defectus alicujus *Rectitudinis* debitæ adesse, sic, non
à parte sui, nam est nihil, sed à parte *Entis*, cui aliquid deest,
concipi possit, & pertineat ad *Entia Rationis*, uti dicuntur,
quæ à mente formantur intuitu *Entis* vere existentis. V. Si
Vocabulum *Peccati* *concretivè* sumatur, verissimum est quod
plus dicat quàm *Vitiositas*, *κακία*, non tamen inde sequitur,
quod peccatum *proprie* dictum, quatenus in mente Dei ejus-
que *Judicio* consideratur ut abominabile & damnabile, sit *plus*
quam *ἀνομία* & *κακία* in *abstracto*: Ut adeo *ignorationem E-*
lenchi commiserit *Vir Clar.* quando ex Vocibus *concretis* ca-
rumque significatione pro causa suâ hunc in modum disseruit
§. 51. Ut *Rex* in *conceptu* quid aliud est quam *Regia dignitas*,
aut *Officium*, *abstractè* consideratum; *Pater* quid aliud quam
paternitas; *Homo* quam *humanitas*, *Vir Doctus* quam *Doctri-*
na: *Legislator* quam *Potestas Legislatoria*: sic id quod *Pecca-*
tum vocamus aliud & plus dicit, quam *Vitiositas*, *Peccami-*
nositas, *κακία*, in *Abstracto* & *Metaphysicè* considerata. Ve-
rum hoc est, si peccatum *concretivè* sumas, sed foret quo-
que *Petitio principii*, si supposuerit *Vir Celeb.* in hac
argumentatione suâ, *Peccati* *notionem* esse verè *concretivam*,
quod omnino negamus, vulgo esse *concretivam*, concedimus.

XXI. *Secunda* ejus *Ratio* desumpta est ex *Effectis* præci-
puè peccati *Realibus*; in *Deo*, cujus gloria obscuratur; in
Subjecto peccante, qualia sunt *Reatus*, *Macula*, *Pœna*; in
Proximo, cui damnum infertur. Necesse est itaque ut *Pec-*
catum

catum sit aliquid *Reale*, ne plus statuatur in *Effecto*, quàm est in *Causa*, & ne *Nihil* ponatur *Causa* Realitatis. Hanc *Rationem* latere puto hisce in Verbis Viri *Clar.* §. 48. *Si de Attributis, Effectis, aut Consequentibus Peccati cogito, ut v. gr. Peccatum esse quid Pugnans cum æquo & bono; quid damnable; quo obscuretur Gloria Dei; quo Deo quasi insidiæ struantur; quo damnum inferatur proximo; quod conturbet universum mentis statum; singula hæc in conceptu supponunt aliquod Reale, quod sit vel Ipsum Peccatum, cujus hæc sunt Attribute aut Effecta, vel Peccato eum in modum substratum, ut Peccatum absque eo concipi nequeat.* Vide etiam §. 59. Respondeo: I. Confundit Vir *Doct.* peccatum concretè sumtum, cum Peccato abstractè sumto. *Actus furti* pugnat cum æquo & bono, & damnum infert proximo, & ideo est *Actus vitiosus peccaminosus & illegalis*, sed non ipsum *Vitium*, peccatum propriè dictum, ἀνομία. II. De *Nihilo Negativo & Puro* verum est, quod non possit esse *causâ* Realitatis vel *Efficiens* vel *Materialis*, sed de *Nihilo Privativo* falsum est. *Peccatum* est *Privatio* Rectitudinis quæ inesse debebat ex lege in subiecto habili, consequenter aufert aliquid a subiecto illo, quod Lex in illo requirebat, & proinde maculam & deformitatem in subiecto illo producit, atque illud ipsum Reatui & Pœnæ Meritoriè subjicit ex lege condemnante peccatorem. III. Si Ratio hæc valeret, quidquid pugnat cum lege, damnum infert proximo, damnabilem atque deformem reddit, est aliquid *Reale*; Sequeretur quod Peccatum *Omissionis*, pugnans cum lege Dei, damnum quandoque inferens proximo, damnabilem reddens hominem *Matth.* xxv. esset quoque quid *Reale*; de quo tamen liberaliter, nec aliter potest, Vir *Clar.* concedit, esse exponendum per *Negationem privativam & Nihil privativum* §. 45. 65.

XXII. *Tertia Ratio* hæc sit: Quodcunque verè est & datur in rerum *Natura*, non debet describi per *Privationem*; *Privationes* enim, uti reliqua abstracta *Logica*, seorsim à subiectis

*jectis suis non existunt, nisi in conceptu Mentis. Atqui Peccatum Commissionis verè est & datur in rerum Natura; Ergò non debet dici, illud esse Privationem, sed esse ipsum Actum, de quo quid privative negari potest; §. 52. Ad hanc Rationem observo: I. Peccatum in Concreto consideratum verè est & existit in rerum natura, non tantùm in Mente, sed hoc non dicitur à nobis Privatio, verùm Habitus vel Actus Vitiosus. II. Vitium autem ipsum seu peccatum propriè dictum, quod est avo-
pua, non verè existit nisi in Mente finita vel Infinità, creatà vel Increatà, estque verè non quid sensibile sed Intelligibile. Et hoc sufficit ad Effecta illa Reatus Maculæ & Poenæ producenda, ut & ad consequentia confessionis & poenitentiae Officia humana, & ad Remissionis gratuitæ & Sanctificationis Beneficia divina.*

XXIII. *Quartò argumentari videtur (si mentem ejus bene adsecutus sim, in prolixiori discursu §. 53. — 58. brevitatissimè caussa, quantà tamen fieri potest perspicuitate, contrahendo) ex Analogia, & Peccati Artis, & Corruptionis Physicæ, & denique Mali Tristis. Ut quod Peccatum & Malum omne constat non tantùm privatione Boni, sed & positiva & reali Forma sive Modo, qui cum ejus privationis sit Causa, etiam ea propter in se peccatum est. Peccatum Artis est Linea curva, ad Exemplar Lineæ rectæ, uti deberet, haud exactè ducta; in qua duo sunt, quæ peccatum hoc constituunt. Primum est Privatio rectitudinis, quæ deberet adesse juxta Normam Lineæ rectæ, seu quòd non sit recta. Alterum est, quòd curva, obliqua, inflexa sit, figuræ multilateræ. Quæ Figura verè est quid Reale, nec minus Reale, quàm Figura rectæ. Eodem modo judicandum est de Peccato Morali. Curvatura Lineæ, inquit Vir Clar., quæ mihi Peccatum dicitur, quatenus non habet figuram lineæ rectæ & uniformis, eatenus rectè dicitur, illius Peccati naturam resolvi in Privationem: sed quando eam in se considero, dici debet esse quædam Figura Lineæ, figuram rectæ excludens. Similiter Corruptio Physica Corporis per Cæcitatem v. gr., Febrim, Phtisin,*

Mortem; est quid *Privativum*, si spectetur *Absentia conformationis partium corporis naturalis & hominibus salutaris*: & est *Aliquid Positivum*, si *privationem consideres cum causa sua*, h. e. ipso illo *Modo existendi illius corporis*, quem proprie *putredinem* sive *Corruptionem* vocamus. *Putredo* enim seu *Corruptio*, *aliaque ejusdem generis*, quæ inter *Privativa* recenseri solent, sunt *Modi existendi in subjectis*, de quibus prædicantur, quæ considerantur ut *Causæ absentiae sive privationis aliorum Modorum*, illis oppositorum. Idem de *Peccato*, formandus est *conceptus*, sive *Habituali* sive *Actuali*. Denique *Conceptus Mali Tristis*, quod utique tanquam cognatum quoddam *Mali turpis*, ejus naturæ detegendæ potest inservire, tam involvit *conceptum Absentiæ Voluptatis*, quæ ad *Perfectionem Creaturæ Intelligentis* requirebatur, atque adeo *Privationis*; quàm *Præsentiae doloris*, qui *Voluptatem* excludit, atque adeo *Positivi & Realis*, quia dolor est *affectio animi realis & positiva*. Eadem ratio est *Mali*, de quo agimus, *Moralis*. Ita breviter & fideliter expressimus quæ fusiùs dicta sunt à *Viro Clar.*

XXIV. Ad hæc omnia distinctè Respondebimus. *Primo* ad *Argumentum* petatum ex *Analogia Peccati Artis*, uti nos hoc vocavimus, dicimus hæc sequentia. I. *Forma Actus boni & Forma Actus mali opponuntur non contrariè sed privative*. *Forma enim Actus boni*, quæ boni, est *convenientia ejus cum Lege*; & *Forma Actus Mali*, quæ Mali, est *disconvenientia cum lege*, uti ipse *Vir Doct.* concessit §. 50. Atqui hæc formæ sibi non contrariè sed *privativè* opponuntur tantùm. II. Unde consequitur quod *Forma Actus Mali*, quæ Mali (quod benè hîc tenendum est) non possit dici *Causa Privationis*, cum sit ipsa *Privatio*. III. *Forma autem Actus Physici*, quæ est ejus certa quædam modificatio, non est *Causa in se & per se Privationis Rectitudinis*; sed ex *Accidenti*, *per Legem* cui conformari debuit. Sic etiam *Linea Curva in se* considerata non est Mala, neque est peccatum *Artis*, sed tantum *respectu Lineæ Rectæ*, ad quam formari

muri & duci debebat. Ubi enim non est Lex, non est transgressio. Pone Lineam obliquam in Exemplar propositam, jam linea obliqua ad illam obliquam ducta, erit juxta normam suam recta & conformis. Sic etiam, ut hoc per modum retorisionis dicam, nullus Actus & Habitus quocunque modo determinatus & circumscriptus *in se* peccatum est, sed omne peccatum propriè dictum situm est in ANOMIA in *Disconvenientia cum Lege*. Vellem profectò Virum Doctum ad Locum nostrum Johanneum magis attendisse, quod si fecisset, frivolis fortè ejusmodi ratiociniis se à Veritate hac in parte abduci passus haud fuisset. *Secundò* ad Argumentum deductum ex *Analogiâ Corruptionis Physicæ* breviter dicimus, quòd malè sibi sumserit Vir *Celeb.* *Corruptionem* vel *Putredinem* ipsam esse *proprie Modum existendi* corporis. Si ita loqui liceret, vocarem ego potius *Modum non existendi*. Res quidem putris & corrupta existit, ipsa autem putredo & Corruptio constituitur per inordinationem partium, seu per Absentiam dispositionis quæ adesse debebat. Corruptio est Boni & Existentis, non est ipsum Bonum & Existens, sed ejus privatio. Malum *in se* nullum est in pulvere, in quem resolvitur hominis cadaver, neque in partium Corporis dissolutione, aliàs *Materia* ex qua formatum est corpus primi hominis ante formationem *Malum quid* fuisset: sed *Malum omne*, quod in hac dissolutione residet, est tantum ex defectu conjunctionis partium, quæ debebat adesse in Humano Corpore, ex primæva ejus in Integritatis statu constitutione. Similiter *Malum Physicum*, quod est in *Cæcitate* v. g. non est in dispositione partium *in se* positum, sed in *privatione* Dispositionis istius, quæ in corpore humano *Sane* requiritur. Sicuti itaque Malum Physicum propriè dici debet *Cæcitas*, non quia partium oculorum certa quædam est dispositio; sed quatenus est deviatio à scopo ad quem Natura instituta tendit. Sic etiam & magis de Malo morali judicandum est. Neque enim per omnia convenit Malum Physicum cum Morali, sed magis cum Malo Tristi, in quo po-

test esse aliquid Reale & dolorificum, a Deo inflictum. *Tertio* denique ad Argumentum ex *Analogia Mali Tristis* desumptum observamus, quòd *Malum Triste* malè confundatur cum *Malo Morali*. Hujus enim cum illo non eadem est Ratio. *Mali Tristis* Auctor est Deus *Amos* III. 6. *Moralis* non item. *Malum Physicum* opponitur Bono *Jucundo*, *Morale* autem *Honesto*. *Malum Physicum* rursus opponitur Bono *Jucundo*, partim *privativè*, partim *contrariè*. *Privativè*, quatenus *Malum Physicum* est *Malum damni*, & absentia Perfectionis & Boni debiti adesse. *Contrariè* verò quatenus est *Malum sensus* seu *Dolor*. Theologi itaque, ut *Polanus*, quem laudat *Vir Doct.* qui *Malum Triste* contulerunt cum *Malo Turpi*, ut hujus Naturam explicarent, *Malum Physicum non omne*, sed illud *Damni* considerarunt, ut quod consistit in carentia Boni & Voluptatis. Neque enim aliâ ratione inter utrumque hoc *Malum* collatio institui debet.

XXV. *Quinto* ratiocinatur *Vir Clar.* ex *Materia* & *Formâ* Rei intrinsecam Naturam constituentibus, quæ etiam in *Pecato Commissionis* locum habent; & quidem ita; ut *Materia* ejus sit *Actus* Entis Intelligentis certâ ratione *Modificatus* & circumscriptus; & *Forma*, illius *Actus disconvenientia* cum *Lege*. Cum autem *Materia* & *Forma*, sic pergit ille, *Logicè sic dictæ*, tanquam *Causæ internæ*, sint partes rei, quæ ambæ ad naturam illius rei constituendam concurrunt, ac proin intrinsecam naturam illius rei nobis certò demonstrant; dicendum utique est, *Peccatum commissionis esse quid REALE* §. 69. 70. Ad hoc Ratiocinium repono. I. Si in *Concreto* spectetur *Peccatum Commissionis*, *Actus* certâ ratione modificatus dicitur à Theologis *Materia* ejus, nempe *compositionis*, & *Disconvenientia* ejus cum lege, *Forma*; quia hæc disconvenientia propriè id constituit quod pro peccato haberi debet. II. Si in *Abstracto* consideretur, ut verè est peccatum, juxta Apostolum nostrum, *Vox Materia* nullum commodum sensum habere potest, & vocabulum *Forma* non nisi impropriè & analogicè heic adhibetur, quatenus *abstractum*
ad

ad instar Entis Realis in sermone nostro spectatur; est enim peccatum ut disconvenientia cum lege *Imperfectio*, aut forma propriè dicta perficit rem. III. Sunt tamen Theologi, qui in *Peccato Morali* quàm peccato, *Materiam* quoque & *Formam* constituunt, ita ut *Actum*, non in genere entis consideratum, sed in generis *Moris*, *Actum* putà *vitiosum*, quàm *vitiosum*, faciant *Materiam* proximam ex quàm constat peccatum, & *Formam* ipsum *Vitium*, seu *Privationem* Rectitudinis. Ita Celeb. Marefius, Syst. Theol. Loc. VI. VIII. in Notis. Quod verò solet distingui à nonnullis inter materiale & formale peccati, ut illud Deo tribui possit, istud non, huc non pertinet, quia tunc materiale peccati fumitur pro ipso subjecto cui peccatum inest, sive pro actione peccaminosa in genere entis considerata; hic verò *Materiam* consideramus peccati qua peccatum est & in genere moris, ut ejus quidditas analogicè explicetur per hæc duo principia omnium rerum constitutiva, quæ vulgò *materia* & *forma* appellantur: ut fatear hoc respectu valde tenue discrimen posse concipi inter peccati materiam & formam. Imo potius nullum, nisi in Vocibus, ego dicerem. Cæterum qui ita fortè nimis subtiliter Philosophantur, ut *Peccato*, quàm peccato, tribuant etiam materiam & formam, ut ejus principia constitutiva, plurimùm tamen dissentiunt a Viro Clar., utpote qui per *Materiam*, quam vult esse peccati principium constitutivum, intelligit *Actum* modificatum in genere entis, seu *Physicum*; quem quidem concurrere ad constituendum peccatum improprie dictum, seu in concreto consideratum, concedimus, negamus verò eum concurrere ad intrinsecam constitutionem peccati propriè dicti, seu in abstracto considerati, quod materiâ & formâ propriè dicta caret, cujus verò conceptus formalis est abstractivus tantùm, & absolvitur solâ disconvenientia cum lege Dei juxta Johannis Doctrinam.

XXVI. Instat tamen Vir Celeb. *Materiam* hanc à *Forma* esse reipsa inseparabilem, ut sic etiam probaret nempe, *Actum* *Physicum* modificatum esse intrinsecè constitutivum peccati propriè dicti. Ita Ille; postquam ad illustrationem Argu-

menti sui ex hac Materîâ & Formâ, concurrentibus ad Naturam peccati constituendam, adduxisset Peccatum Primum, ejusque Materiam statuisset Actum, tam determinationis Voluntatis ad edendum, quàm esus ipsius, & Formam disconvenientiam illius cum Lege aut Placito Dei; concludit: Illa jam duo in hoc peccato ita concurrunt ad illius constituendam naturam, ut ab invicem separari non possint nisi in nostro conceptu. Physicè certe, postâ lege, & Actu, non conveniente legi, ponitur Peccatum. Et §. 73. in eundem hunc finem adduxit in Exemplum grande illud peccatum, quod dicitur Odium Dei: de quo hunc in modum ibi differit. Odium Dei, v. gr. est Affectus, sive etiam Actus animi Vitiosus. Affectus quâ affectus, Actus quâ Actus, metaphysicè consideratus, bonus est. Imortalis quoque affectus, qualis odium dicitur, abstractè consideratus, nihil in se habet vitii. Odium enim cujus est causa justa, non est quid damnabile. Odium tamen in tali Subiecto erga tale Obiectum, quod à Subiecto illo secundum legem amari debebat, physice dari non potest, nisi vitiosum & damnabile.

XXVII. Respondeo I. Actus peccaminosus, quâ peccaminosus, à Peccato separari nequit, quia peccatum solum, seu *αὐτοπία* facit Actum peccaminosum; verùm ideo Actus ipse non est ipsam peccatum. Natura corrupta, quâ corrupta, à corruptione & peccato separari non potest, sed ideo Natura ipsa non est peccatum ipsum, non Vitium ipsum, uti contra Elacium dudum observatum est. Similiter Vir Doctus & Justus, quâ Doctus & Justus, ab Justitiâ & Doctrinâ separari nequit, sed idcirco Vir ille non est ipsa doctrina, ipsa justitia. Nihil ergo proficit Vir Doct. quando de Actu peccaminoso contendit, peccatum ab eo esse inseparabile. II. Certissimum est, quod Actus omnes, pugnantes nunc contra Leges Dei Positivas, & ex Liberâ ejus Voluntate fluentes, postâ harum Legum vel Non datione, vel Dispensatione, vel Abrogatione, Physicè dari possint absque ullo Vitio, quia Vitium omne consistit tantum in ANOMIA. III. Illud quod de Odio Dei movet, plus habet difficultatis. Non dicam, Odium seu

feu *Aversationem Dei*, bene cogniti, non posse dari, sed esse modò odium figmenti cerebri humani, quale est Numen crudele ac injustum. Neque etiam urgebo Deum *odisse* esse tantùm Deum *non amare*, atque proinde ad *Peccata omissionis* pertinere, de quorum *Natura* nunc non est Disputatio nostra. Verùm *Odium Dei*, in Scripturâ memoratum, nunc tantùm explicabo per *Aversationem* Præceptorum Legis, *Actu transgressionis* ipso demonstratam. Suppono in lege Decalogica dari Præcepta *nonnulla dispensabilia*, quæ illum immediatum intrinsecum & inseparabilem nexum cum Dei perfectissima Naturâ non habent, qualem nonnulla alia habent, adeò ut Deus homini quandoque jubere possit contrarium ejus quod ibi interdictum habetur, atque adeò ut *Furtum*, v. g. & *Homicidium* &c. absque ullo Vitio patrari queant, & consequenter dari quoque *Actus*, nunc vitiosos & ad *Odium Dei* pertinentes, qui positâ divinâ dispensatione nulli vitio forent obnoxii. Difficultas igitur maximè hærebit in Prima Legis Tabulâ, hujusque tribus præceptis prioribus, atque adeò in *Idololatriâ*, & *Blasphemiâ* seu *Abusu* sanctissimi Nominis Dei, in quibus *Odium Dei* inprimis conspicitur & demonstratur. De his quæritur an possint *physicè* unquam *existere absque vitio*; & an *Invocatio Solis & Astrorum*, & *Blasphemia Dei* unquam possint dari absque peccato? Sine ullâ cunctatione & deliberatione *Affirmative* respondebunt illi, qui haud procul à Scholâ *Archelai & Aristippi*, statuentium, τὸ δίκαιον εἶναι καὶ αἰσχερὸν ἢ φέρον αἰσχὴν καὶ νόμιμον καὶ ἰσθλόν, instituti, tenent ac docent, nihil naturâ Bonum esse, sed omne Bonum ac Justum duntaxat à Liberâ determinatione voluntatis Dei pendere. Quâ ratione quod hodie Vitium est, cras Virtus erit, quòd hodie Blasphemia est, vel Idololatria, cras pergratus Deo cultus erit: quæ est profecto detestabilis sententia. Dicam potius hos Actus Invocationis creaturæ & Blasphemix Dei esse naturâ Malos. Sic tamen non concedo assertum Viri *Clar.*, nempe hos Actus, ad *Odium Dei* pertinentes, non posse *physicè* existere absque *Vitio*. Sed hoc volo, quòd hi *Actus* pugnent cum:

cum *Lege* Dei immutabili & æterna, ex *Natura* ejus sanctissima fluente. Unde porro consequitur, quòd si *Mali* sint immutabiliter, id non oriatur ex *Natura Actionum* harum physice existentium, verum ex *Natura Legis* Divinæ, & ex *Conditione Agentis* Hominis, sub *Lege* illà constituti, & *Ratione* utentis. *Actiones* enim hæ physice possent existere in aliis subjectis absque *Vitio*. Non producam *Damnatos* in Inferno, quos in Deum Judicem horrendas *Blasphemias* conjicere continuè, sed absque peccato, statuunt Nonnulli, quia scilicet in Inferno nulla *Lex*, nullaque libertas esset, quæ duo ad peccatum requiruntur: quos refutatos dedit inter Alios Theologus *Lutheranus* *Job. Fechtius* de *Statu Damnatorum*. Verùm velim modò attendi ad brutum animal & mentis haud compotem hominem. Hic si invocaret solem vel idolum, & *Psittacus* si imitaretur verba blasphemix in Deum, annon *Actus* Idololatriæ & Blasphemix physice existerent absque peccato? Sic dici posse existimo. Quoniam peccatum est *avopia*, & *Lex* proprie data est Liberè *Agenti*, & *Ratione* *Uenti*. Ergò *Actus* *Physicus* non est moraliter peccaminosus ex *Natura Actionis* ipsius, sed ex *Conditione Agentis*, qui *Lege* vel *Positiva* vel *Æternà* tenetur. Unde quoque & hoc manifestum evadit, quòd Deus, qui est *Causa* *Actus* *Physici*, neutiquam sit *Causa* peccati, sed solus Homo, cui *Lex* *Amoris* Dei & Proximi a Deo data est. Qui nullam sibi legem fixit operandi in Homine semper, præter bonitatem *Actus* physici, etiam bonitatem moralem; ex cujus defectu quoque & absentia, liberè & sapienter permessa, occasio Deò nascitur multis modis demonstrandi gloriam suam divinam.

XXVIII. Haud fortè inutile erit nunc quoque audire *Celeb. Christophorum Wutichium*, qui in *Exercit. de Deo Mundi Rectore*, §. cxiv. & cxv. hanc difficultatem hoc modo expedire conatur. In istiusmodi *Actu*, inquit, sive volitione, quâ odio quis habet Deum, cujus *Judicium* ob sua scelera meruit, & quem videt resistere suis cupiditatibus perversis, ne executioni eas mandare posset, ista separatio voluntatis & aversio

à Deo, constituens singularitatem Actus, non videtur ullo modo posse separatim concipi ab ipsa vitiositate. Non enim lege positiva prohibitus est iste Actus, (ita enim sublata lege posset abesse actus deformitas) sed lege naturæ, quæ tolli non potest; cum formaliter pugnet cum Dei natura, ut velit jubere istiusmodi Actum. Verum enimverò etsi Actus non possit non prohiberi, malitiam tamen sive deformitatem non habet, nisi ad legem Dei prohibentem referatur, tanquam fundamentum suum non minus quam actus, quo quis vult comedere de fructu à Deo vetito, atque adeo propterea, quòd cum istà lege Dei non conveniat, malus est censendus. Quamvis enim fieri non possit & contradictionem implicet istum actum non prohiberi à Deo, verum nihilominus est, vitiositatem omnem istius à Dei prohibitionem tanquam fundamento dependere, sive, quod idem est, quòd repugnet Voluntati Dei, quâ probat sui Amorem. Si enim per impossibile supponatur, Deum istum actum posse non prohibere, cessaret istius ipsius Actus Vitiositas formalis.

. Atque ita quivis actus vitiosus, etsi Vitium ab eo separari non queat, vitiosus solum dicitur eo nomine, quod ad legem Dei relatus ab eâ discordet. Odium Dei aliter concipi nequit, quam ut aversatio ejus, qui resistit hominis cupiditatibus perversis, quique ut Judex eas summis pœnis punire paratus est. Ergo hic qui odio fertur concipit quidem eum, ut Deum, sed conceptu valde confuso. . . . Est ergo in animo ejus aversatio Objecti sed confuse cogniti, hic verò ipse actus singularis ut realis & a Deo effectus considerari potest, ut tamen à Peccato sive Malitiâ abstrahatur, quamvis actu nequeat ab eo separari. Singularitas istius actus in eo consistit, quòd tendat in Objectum hoc potius, quam aliud, & sic Odium Dei ab Odio Diaboli distinguitur. Malitia in eo est, quod tendat versus illud Objectum sub eâ ratione formali consideratum, sub quâ si spectetur, fundamentum odii esse nequit, adeoque quòd quamvis istud Objectum sic satis confuse fuerit perceptum, nihilominus de eo Judicetur, idque ita, ut tanquam Malum reprobetur, quod tamen tanquam malum nunquam clarè fuerat

cognitum. . . . In eo hujus actus Malitia consistit, non quod aversetur eum qui sibi resistit, hoc enim licite aliquando fieri potest; sed quod aversetur eum qui sibi resistit, quando non percepit clarè, an illa resistantia reverà sit Bona vel Mala. Deus hîc efficit quidem istam perceptionem confusam, in qua tamen formalis ratio peccati non consistit, adeoque si homo in eo subsisteret, nullum adhuc peccatum foret. Sed peccatum in eo est, quod homo judicet, quando judicium potius erat suspendendum, quod aversetur eum, quem ut Malum non clarè cognovit. Judicium quo judicatur malus is, qui reverà ut Malus non est perceptus, deviat ab Ordine, quem Deus creaturæ rationali præscripsit; Deus tamen illud ipsum judicium efficit, etiam quatenus hoc ipsum Objectum homo judicat esse malum; est enim actus ille in se consideratus aliquid bonum, & posset ille adesse citra peccatum, si Lex non jussisset illum abesse, sicut judicium, quo in bivio constitutus, quando res non patitur moram, judicat viam, quæ reverà ducit Romam, non esse legitimam, non est culpabile, quia præstat illam potius viam sequi, quàm ibi subsistere, ut à nocte deprehendaris.

XXIX. Ex Dictis patet Virum Clar. non habuisse rationes satis graves dilcedendi à communiter receptâ, atque in Scripturâ pariter & Ratione fundatâ, Sententia Orthodoxâ, & cum Remonstrantibus adoptandi sententiam verè periculosam ob Consequentias, atque concedendi, quod ex Nostrâ sententia sequatur, Deum verè esse Peccati Causam. Fatetur enim, se hîc hæerere, & id non posse percipere, quomodo, qui est Causa illius Materię, quæ Physicè est inseparabilis à forma sua, non simul etiam dicenda erat Causa formæ. §. 73. Deum verò Verè Peccati Causam esse, cum omni horrore detestandum atque repudiandum sit, ipso etiam Judice, quid imprudentior & audacior discipulus ex præmissis Doctoris sui aliud concludet, quàm Actiones nostras Liberas à Deo Causa primâ non aliter dependere, quàm ut Virium agendi concessarum Conservatore, & operante modo per generalem quendam, & vix intelligibilem, influxum, à Creaturâ determinandum?

XXX.

XXX. Antequam finiam, monere debeo, quod Theologorum quorundam præstantissimorum, etiam ex Nostreis, cum Pontificiis disputantium, durior in speciem *Phrasis* de *Peccato Originali*, neutiquam confundi debeat cum illa *sententia*, quam propugnavit in *Thesibus* suis Vir *Doctissimus*. Vix ullus magis expressè & significanter loquitur, quàm *Insignis Theologus Frid. Spanhemius Pater* in *Synt. Disp. Theol. de peccato in genere* §. xxiv. Cujus, inquit, nempe peccati, ratio formalis consistit in privatione non pura vel simplici, sed malignante, non otiosa, sed actuosa, non puræ negationis, sed prævæ dispositionis, quippe quæ non tollitur tantum rectitudo debita, sed ponitur etiam irrectitudo non debita, & inordinata partium animæ dispositio in singulis facultatibus seorsim consideratis. . . . Ut itaque morbus physicus, non est tantam sublatio æqualitatis & temperiei humorum, verum etiam dispositio prava humorum peccantium vel in quantitate, vel in qualitate. Sic eadem morbi istius Ethici ratio est, quippe qui non tantum est negatio boni; sed & positio prævæ dispositionis instar putredinis & lepræ, vel gangrænæ, quæ serpit & effectus lethales exerit, adeoque Esse quoddam Positivum habet, non tantum Logicè, quatenus affirmatur de subiecto, verum etiam aliquo modo Ethicè, quatenus est corruptus quidam habitus inficiens, & principia moralia, & actus morales ex iis promanantes. . . . Nec sane omne positivum cum bono vel Ente convertitur, sed propriè & omni modo positivum tantum, substantiale præcipuè, tale saltem quod intrinsecè non implicat in conceptu suo privationem vel defectum. Nec peccatum privative tantum opponitur justitiæ, verum etiam contrariè. Nec à mera privatione tot positivi effectus oriri possent, quales peccatum excipiant & consequantur.

XXXI. Quando ita loquitur cum Aliis Præstantissimus Theologus, ob oculos habet Pontificiorum de *Peccato Originali* sententiam, qui Naturam ejus duntaxat ponunt in privatione justitiæ Originalis, quam supranaturalem vocant, & Naturalia omnia reliqua manere post lapsum contendunt. Huic se opponens meritò affirmat, quod *Peccatum* nempe *Originale* consistat, non solum in *Privatione Rectitudinis*

primævæ, sed etiam in *Positione prave dispositionis*, atque adeo quod sit *Positivum* quoddam *Ethicum*, utpote *habitus corruptus*, *inficiens*, & Principia moralia, & Actus Morales. *Ethici* enim dum *Peccata* considerant, *formale à materiali non abstrahunt*, *Metaphysicorum* more, sed *Concretivè* accipiunt, atque de iis tanquam de *Habitibus* & *Actionibus positivis*, *Virtuti* oppositis loquuntur. Unde quæ *Ethicis* contrariè, *Metaphysicis* privativè opponuntur. Et sic peccatum in sensu *Ethico* acceptum non est *mera privatio*. Atque adeo loquitur sic de peccato *Originali* præcipuè cum aliis *Theologis*, imo cum *Scriptura*, *Clar. Spanhemius*, *Concretivè* sumto, & sic est omnino quid *Positivum*, præter *carentiam Rectitudinis* primævæ, etiam includit *qualitates vitiosas*, quæ tamen qualitates non sunt *Ipsum vitium*, utpote quod iis adhæret propter earum *disconvenientiam* cum *Lege*, *Rectitudinem* *Facultatum* & *Habituum* etiam postulante. Cæterum cum dicit, *Nec sane omne positivum cum Bono & Ente convertitur*, verum dicit, quod attinet *Positivum Logicum*, quantum verò attinet *Ethicum* concedi absolutè nequit. Neque enim aliud in se *Positivum* est *Ethicis*, aliud *Metaphysicis*. Idem utrisque est *Positivum*, quod in *Re Ponitur*, & realiter existit. Verùm peccatum ab *Ethicis* in *Concreto* consideratum, eatenus est quid *Positivum*, ac cum *Ente* & *Bono* convertitur. *Habitus* enim & *Actus*, sic connotati simul voce *peccati*, verè eum *Bono* & *Ente* convertuntur. Hunc esse genuinum sensum *Theologorum* omnium nostrorum, ita cum *Spanhemio* loquentium, existimo. Recte *Heideggerus*, *Loco x. de Peccato Hominis §. viii. Hoc, non alio sensu ad rationem peccati sive Originalis, sive actualis Positivum quid spectare putamus: at sola categoria & denominatione externa tale; quod reapse non aliud est, quam privatio non pura cum positiva qualitate & actione, quibus vitiositas inhaeret conjuncta.* Et *Forbesius Theol. Moral. Lib. x. Cap. iv. §. xv. Et si enim quod positivum est, non est Metaphysicè malum; multæ tamen qualitates & operationes inveniuntur positivæ, quæ moraliter malæ & peccata sunt, non quia metaphysicè sunt, sed quia moraliter prave sunt, & lege Dei vetitæ.*

JOHANNIS WESSELII
O R A T I O

D E

ADMIRANDA GENTIS JU-
DÆORUM UBIQUE DI-
SPERSÆ IN HUNC
USQUE DIEM CON-
SERVATIONE.

H A B I T A

Cum Rectoris Munus solenniter deponeret.


A. D. VIII. Febr. MDCCXXIX.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME LXXV
PART I
1905
LONDON
PUBLISHED BY THE INSTITUTE
11, BEDFORD SQUARE, W.C.1

ORATIO

DE

ADMIRANDA GENTIS JUDÆORUM CON- SERVATIONE.



IX mirari solent Homines quod quotidie vident. Nil adeo magnum ac mirabile quicquam est, quod non paulatim usu & aspectu continuo evilescat. Novitatis quippe ac raritatis amor, præsentium verò saturitas atque fastidium naturâ cunctis mortalibus inest. Quare etiam tam multi non attendunt ad ea Existentiæ atque Providentiæ Dei documenta, quæ ante oculos sunt, sed quærunt alia quæ haberi non possunt; quæ tamen si darentur, non magis admitterent mortalium infelicissimi, quam reliqua omnia.

Crederent scilicet Deum esse, qui hunc mundum ex nihilo produxit, qui cuncta moderatur atque gubernat, & qui Judex erit vivorum ac mortuorum; si Prophetæ nunc existerent, futura

ra prædicentes quæ implentur. Habent interim Prædictiones in Mose & Prophetis extantes, eventu dudum comprobatas, Præscientiæ & Providentiæ æternæ Testes irrefragabiles: ut hodiernum Prophetarum defectum absque causa sanè in prætextum incredulitatis suæ rapiant hi iniquissimi Divinorum Munerum Æstimatores. Imo crederent, si hodie miracula fierent, & si aliquis ex morte resurgeret, qui ipsâ experientiâ edoctus testari posset, esse aliquid manes, & letum non omnia finire, sed dari vitam post hanc vitam, vel summè beatam vel extremè miseram. Animum interim non advertunt ad miracula ipsis quotidie in oculos incurrentia, quibus majora dari nequeunt. Annon totus hic Mundus majus est Miraculum, quàm omne id quod in Mundo fieri potest? Quem ideo intueri modò jubet Vates, ut Potentissimum, Sapientissimum ac Liberrimum ejus Creatorem agnoscamus. „ At tollite, inquit, in sublime oculos vestros, & videte quis creaverit ista. Annon omni miraculo, uti scitè AUGUSTINUS, quod fit per hominem, majus miraculum ipse Homo est? Cujus naturæ præstantia, non modò qua spiritus est, intelligentiæ lumine ac mira cogitandi vi præditus, verùm etiam qua pulvis ex terrâ, tanta est, ut Galenum non solum in admirationem abripuerit, sed etiam ut Regius Vates mirabilem illam partium in corpore humano structuram, atque ossium, nervorum, arteriarum, vertebrarum, spinæque illius quæ à collo ad os sacrum usque

Jes. XL. 26.

*de Civitat.
Dei Lib. X.
C. XII.*

usque stupendo protenditur artificio, texturam considerans in has Dei sanctissimas laudes eruperit. Celebro te, eò quod suspiciendis (modis) *Pf. cxxxix.*
 „ mirabiliter creatus sum: mirabilia sunt opera *14, 15.*
 „ tua: Et anima mea novit hoc valde. Non est
 „ occultatum os meum a Te, quum factus sum
 „ in abdito, quum artificiosè confectus sum in
 „ imis (locis) terræ.

Sed hæc & similia Naturæ Miracula non mirantur indocti Homines, quia videndi assiduitate viluerunt. Quæ tamen, cum sapienter intuemur, inusitatissimis rarissimisque neutiquam minora sunt summi Numinis opera. Certè qui hisce continuis Naturæ miraculis non movetur ad Deum agnoscendum, ille procul dubio effugia quoque quæret, etsi Christum ventis & fluctibus silentium imponentem, Dæmonibus imperantem, cæcos surdosque unico verbo sanantem, cum Lazaro suscitato accumbentem, ex sepulchro resurgentem, hisce suis oculis conspiceret.

Inter Homines verò, quod vulgò minus quàm par est observatur, tot sunt Divinæ Providentiæ MIRACULA, tot Divinatis Scripturarum, tot veritatis Evangelicæ testes certissimi, quot sunt magno numero ubique terrarum superstites JUDÆI. Nolite mirari, A, me ita appellare JUDÆOS. Qui foetentes, sordidi, ærumnosi, vagabundi, nil profectò admirandi præ se ferunt: *Ammian. Marc. Lib. xxii.*
 Qui porro occæcati, obdurati, blasphemi, execrabili odio Christianam Religionem persequun-

Nn nn

tur,

tur, & nomen Nazareni ac Nazarenorum hor-
Hier. in Jes. LII. p. m. 191. rendis convitiis quotidie proscindunt: (1) Qui
 denique cæli solique sui per tot secula extorres,
 à Deo & hominibus deserti, contra Mosén ac
 Prophetas, ut Deceptores, potius testari viden-
Gen. XVII. Jes. XLIX. Jer. XXIII. Mich. v. &c. tur. Utpote ex quorum repetitis tanquam Divi-
 nitùs datis promissis; de Deo Abrahami Semini
 Æterno Foedere jungendo, de Tzijone & Hie-
 rosolymâ nunquam a Domino oblivioni dandis,
 de Jehuda habitaturo securè, & denique de Mes-
 siâ, in Israële dominaturo, ac longè latèque gen-
 tes ei subjugaturo; æternam Rempublicam, sta-
 bilesque in Cananæâ fortunas, ac gloriosissimum
 in subactos gentiles imperium, frustra expecta-
 runt.

Hi tamen JUDÆI, A, mortalium hodie con-
 temptissimi, Deo & Hominibus exosi, Urbe &
 Patriâ ejecti, Evangelii Hostes infensissimi, ve-
 rè MIRABILES sunt, & gravissimum, non ver-
 bis, sed factis & fatis suis, Deo, Divinitati Scrip-
 turæ & Veritati Christianæ, reddunt Testimo-
 nium. Minimè sunt decepti a Mose & Prophe-
 tis, sed dudum occæcati, Promissa illa Divina
 carnaliter accipientes, fallaces de perpetuis in
 Cananæa sedibus spes conceperunt, & se à Deo
 nunquam deferendos, sed severam in gentes pe-
 dibus conculcandas dominationem habituros, sua-
 viter somniarunt. Ita-

(1) Diebus & noctibus blasphemant Salvatorem. Et sub nomine
 Nazarenorum ter in die in Christianos congerunt maledicta. *Hie-
 ranymus in Jes. LII.*

Itaque de hac JUDÆORUM gente agemus, atque ex quibusdam sed Notabilioribus ejus Fatis, à Mose & Prophetis ante multa sæcula prædictis, atque evidenter impletis; non fortunâ, non cæco necessitatis foedere, sed Mente Sapiëntissimâ ac Liberrimâ cuncta regi, Divinamque Scripto- rum Mosis, Prophetarum & Apostolorum Ori- ginem, ad convictionem & confusionem profa- norum, pessimique ingenii hominum, demon- strabimus.

Animis atque auribus attentis favete Mihi, A, de hac gente JUDÆORUM, ubique DISPERSA, & mirabiliter CONSERVATA, si non ornatè, saltem perspicuè, adjuvante & adspirante Benignissimo Numine, hac hora dicturo.

Qui primò HEBRÆI, ab Abrahamo ^{Gen. xiv. 13.} ^{xl. 15.} ^{1. Sam. iv. 9.} ^{Gen xxxiv.} ^{7. Levit.} ^{xxiv. 10.} ^{Tac. Hist.} ^{Lib. v.} ^{Sagar. in} ^{Maccab. p.} ^{528.} ^{Selden de} ^{Jure N. &} ^{Gent. p. 157.} ^{Casaub.} ^{Exerc. i.} ^{p. 16.} ^{Lib. 36.} ^{Esth. ii. 5.} ^{Ezr. v. 1.} ^{Esth. viii.} ^{17. Zach.} ^{viii. 23.} ^{Gal. ii. 13.} ^{14, 15.} ^{He-} bræo; deinde ISRAELITÆ, à Patre Israël dicti fue- re, illi postea JUDÆI, non ab Ida monte, uti im- peritè Tacitus, neque à Juda Maccabæo, quem- admodum personatus Ambrosius; & Petrus A- bælardus, sed à Juda Patriarcha & Tribu Illu- striori & Regia JUDÆI appellati sunt. Hoc No- men neuriquam Patriarchæ Jacobi ævo & jussu omnibus ejus posteris est impositum, uti manife- sto errore JUSTINUS Historicus memoriæ prodi- dit; sed post scissuram Israël demum, tempore Jeroboami, Tribulibus Judæ cum Levitis & Ben- jaminitis datum est. Post Reditum verò Populi ex Babele non tantum illi qui ex omnibus Tribu- bus patrium solum incolebant, sed etiam qui ex- tra Palestinam ex quacunque Tribu degebant,

„ quum occiderit te Dominus Jehova. Servis
 „ verò suis indet NOMEN ALIUD. HOC NOMEN-
 ALIUD, & NOVUM illud, de quo paulò antè ege- Cap. I. XI. 23
 rat, est illud CHRISTIANORUM, uti rectè observa- Dem. E-
 tum est ab EUSEBIO CÆSARIENSI, quod antiqui- vang. p. m.
 tūs ignotum Eusebii tempore in toto terrarum 80.
 orbe laudibus celebrabatur. Et proinde Nomen coll. Pf.
 Desertorum Domini quodnam quæso aliud esse LXXII. 17.
 potest, quàm JUDÆORUM illud? De quo pronun-
 ciat Vates; quod foret *לשבעתי* in *jusjurandum*,
 id est, vel in EXECRATIONEM, quæ juramento
 jungi solet, vel potius in MALUM HORRENDUM,
 quali se sponte subjiciunt jurantes; & quod pro-
 inde fugerent Electi Servi Dei ut Nomen Gentis
 & Sectæ Maledictioni Divinitus devotæ. Quare
 etiam addit Propheta; *Quum Morte*, per gra-
 vissimas afflictiones Corporali, per everfam Rem-
 publicam Civili, & denique per induratum cor
 Spirituali, *affecerit Te Dominus*; O Gens re-
 fractaria, rebellis, pravisque ac propriis consi-
 liis perdita!

Deperditam esse hanc Gentem per Romanos,
 devastato Templo, deleta Civitate, & Incolis
 Ejus, partim fame peste gladio necatis, partim
 in captivitatem abductis & in servitutem divu-
 ditis, partim denique per omnes mundi plagas
 disjectis, omnibus notum est.

Quòd verò hoc ultimum ejus Excidium in An-
 tiquissimis Mosis & Prophetarum scriptis præ-
 dictum, atque in fortuitis quibusdam Casibus de-

terminatum contineatur, haud æque fanè cunctis est obvium.

p. 211.

Illustris SCALIGER ad Chronicon Eusebii observavit, SOLO JEROSOLYMITANO ARATRUM impressum fuisse à Musonio Tyrrheno Munitionum Præfecto, ita ut non solum urbs esse desierit, sed & imposterum nemini illi solo aliquid super-

Rhod. Lib.

26. C. v.

Modestinus

Leg. si U-
sus fructus.

21. §.

struere licuerit. Certè priscorum Latinorum ac Romanorum erat aratro condere ac rursus vertere urbes. Quale hostile aratrum passa est Carthago juxta MODESTINUM, passa est quoque Hierosolyma, etsi Romani fortè Historici taceant.

De Fejunio

Cap. v. §. 11.

Etenim ipsi Judæi hoc tradunt. Narrat quippe MAIMONIDES, quòd tempore Hadriani, quo capta est urbs Bithur, per Turnum, (2) Templi fundamenta ac vicina ei Loca ARATRO versa fuerint. Memoratu dignum est quod addit idem MAIMO-

Cap. III. 12.

NIDES, hoc factum esse ut confirmaretur Oraculum MICHE, TZIJON INSTAR AGRI ARABITUR. Nimis Illustrè hoc est Oraculum, quod & aliud ali-

quod

(2) Hic est fortè: Vel Terentius Rufus, qui a Tito, post urbem vastatam Rector militiæ relictus erat, de quo Josephus de B. J. Lib. VII. c. 20. quando historiam Adriani cum illa Titi confudit Maimonides, qualis Imperatorum Romanorum confusio haud infrequens est, apud Judeos, vide Buxa Lex Talmi vocem; Vel Titius, Titius, Timius Rufus, qui imperante Adriano provinciam Judæam tenuit, uti est apud Eusebium in Chronico ad Olymp. ccxxvii. Verba Maimonidis ita latinè dedit Lud. de Compigny in Fusc. Opusc. Hist. & Philolog. XII. p. 809. Eodem illo die ad calamitatem constituta Tyrannus, Rofus & Templi fundamenta, & vicinitatem ejus aratro vertit, ut compleretur prædictum id Sion quasi ager arabitur, Vide quoque Viringum in Jf. VI. 11. &c. p. 167.

quod excisæ per Romanos urbis fatum similiter impletum luculenter præmonstravit, quàm ut sicco istud pede prætereamus. Ita sonat integrum „ Idcirco propter vos Tzizon (ut) ager arabitur, & Hierosolyma fiet tumuli (vel in acervos redigetur) & mons Domus in Excelsa Sylvæ. Valde celebre hoc fuit Michæ Oraculum, quippe à Senioribus Jehudæ coram Populo, necem Jeremiæ intentanti, laudatum. Aggit de Excidio Jerusalem inchoando per Chaldaeos, sed perficiendo per Romanos. Etenim alioquatur Vates eos, qui sanguinibus ædificabant Tzizonem. Sanguinem Prophetarum veterum non excludimus, interim ad sanguinem summi Prophetæ Messiae potissimum heic esse respectum omnino existimamus, fundendum ab iis, qui cum Cajapha dicerent, „ Si omittamus eum ita, omnes ei credent: venientque Romani, & delebunt tum locum nostrum, tum gentem. Nec cogitatis conducere nobis ut unus Homo moriatur pro populo, & tota gens non pereat. Hoc sane est sanguine ædificare Tzizonem. Et hæc est causa mali, nam idcirco Tzizon ut Ager arabitur, inquit Propheta. Non est itaque nuda Comminatio, sed præclarum Vaticinium de Excidio urbis ultimo, quando pars Ejus in ARVA ARATRO scissa, pars in Ruderæ, pars denique in SYLVAM EXCELSORUM abiret. Notum est idololatriam olim in montibus & SYLVIS maximè fuisse patrata. Prænunciat ergo Propheta Sacram Deo Urbem funditus non modò

Jer. xxv. 18.

v. 10.

Job. ix.

48. - 50.

Hof. iv. 13.

p. 262.

Epist. 13.

modò evertendam, atque in tumulos lapidum-
que acervos redigendam, sed etiam in locum fœ-
dissimæ Idololatriæ Paganæ esse convertendam,
Quod etiam factum esse DIO CASSIUS in Ex-
cerptis Xiphilinis de Adriano, & HIERONYMUS
ad Paulinum, pariter confirmant. „ Ab Ha-
„ drianî temporibus inquit HIERONYMUS, usque
„ ad imperium Constantini, per annos circiter
„ centum octoginta, in loco Resurrectionis fi-
„ mulacrum Jovis, in Crucis Rupe statua ex
„ marmore Veneris à gentibus posita coleba-
„ tur. (3)

Infi-

(3) Refert Scaliger in laudatis modò Animadversionibus ad
Chronicon Eusebii, p. 216, 217. ex Itinerario Burdigalensi, quod
anteceffit imperium Juliani; de loco Templi, quod & ibi duæ sta-
tuæ fuerint Hadriani, & non longè de statuâ lapis pertusus; ad
quem venirent Judæi singulis annis *ungentes* eum & lamentantes se
cum gemitu, & vestimenta sua scindentes, & sic recedentes. Existi-
mat porro Vir Doctus, quod ille *lapidis* cultus Judaicus species *idolo-*
latriæ fuerit; quia constat lapides animatos, *βατελάς* vocatos, Ve-
terum superstitione cultos fuisse, ortâ scilicet ex innocuo Jacobi Pa-
triarchæ factò in Bethel. Quomodo etiam alteri Propheticæ Com-
minationi Mosaicæ sua ex parte constaret veritas, de gente hac im-
morigerâ, post dispersionem in omnes populos violentam, *servitu-*
râ ligno & lapidi. Deut. xxviii. 64. Plenariè tamen hoc Mosaicum
vaticinium de Idololatriâ gentis hujus ubique dispersæ Deut. xxviii.
36. 64. implementum suum habet in decem tribubus, quarum ma-
gna pars gentilibus procul dubio permixta: in nomen & religionem
ipsorum transit. Quamvis etiam de Judæis à gentium idolis & cultu
imaginum, post Captivitatem Babylonicam, alienissimis, certo sen-
su affirmari queat, quod *deos alienos* Majoribus ignotos colant: quia sa-
crificiorum Leviticorum instaurationem sperantes & desiderantes quo-
tidie, atque sic animis saltem quantum in se est sacrificia mactantes
idolo benedicunt Jes. lxxv. 3: quia præterea Deum verum & Triunum,
& Patribus creditum atque cultum, non agnoscunt: quia denique Di-
vi num Messiae Munus tribuunt non deo, nudoque homini, Deum
Redemptorem Tzizonis abnegantes; atque aded quia *sine Deo & Chri-*
sto, quemadmodum olim gentiles, vivunt in mundo, Ephef. ii. 12.
Quare Dominus noster dixit, Job. viii. 19. *Neque me nostis, neque Pa-*
trém meum: si me noissetis, Patrem quoque meum noissetis.

Infinitam miserorum Judæorum Multitudi-
 nem à Romanis militibus vili pretio venundatam,
 EMTORESQUE PAUCOS fuisse, ac septendecim ma-
 jores annis victos Titum misisse in ÆGYPTUM, *Lib. VII.*
 operibus destinatos, diligentissimus Belli Judaici *C. XV. XVI.*
 scriptor JOSEPHUS adnotavit. „ HIERONYMUS in *Cap. XI.*
 „ Zachariam addit, ex Veterum Historiis, &
 „ plangentium judæorum Traditionibus, tem-
 „ pore Adriani, multa Judæorum millia venun-
 „ data fuisse, & quæ vendi non potuerint,
 „ translata esse in ÆGYPTUM (navibus scilicet,
 „ quia sequitur,) & tam NAUFRAGIO & fame,
 „ quam gentium cæde truncata. Ecquis verò
 in hisce non agnosceret Dei Judicis Manum, qui
 videt ejus Consilium, atque ex æterno illo Con-
 silio fortuitos hosce casus, à nulla mente finita,
 sagacissima etiam, præsagiendos unquam, ante
 tot secula tamen à Mose prædictos. „ Et redu-
 „ cet te Jehova in ÆGYPTUM NAVIBUS . . & *Deut.*
 „ venundabimini ibi inimicis tuis in servos & in *XXVIII. 68.*
 „ ancillas; & NON ERIT EMTOR. Non licebat
 Populo in Ægyptum redire, sed Deus judex il-
 luc remittere poterat. Quod etiam se facturum
 esse, & quidem per ROMANOS, haud obscure *v. 49.*
 in antecedentibus indicavit. „ Quando ait, Se-
 „ gentem contra eos excitaturum esse, e lon-
 „ gino ab extremitate terræ, involantem
 „ quemadmodum volare solet Aquila, Gentem *Coll. Jer. v.*
 „ Cujus LINGUAM NON INTELLIGERENT. Quæ *15.*
 utique gens Chaldæorum esse nequit, cujus lin-
 gua, magnam cum Hebræâ affinitatem habens, *Jes. XXXVI.*

à nonnullis saltem Hebræis satis intelligebatur. Sed est gens ROMANORUM, cujus Lingua Latina maximè distat ab Hebraicà, uti rectè à PAULO BURGENSEI observatum est.

Christianorum superstitione, Nomen sine re amantium, factum est; ut urbs quædam, non eodem, sed in proximo veteri Hierosolymæ solo (cujus antiquum solum vix facile cognitu esse dixit Gregorius Nazianzenus) condita, neque eadem formâ aut figurâ, sed longè aliâ, monte Tzijonis excluso, vocetur etiam hodie JERUSA-

LEM. Sed revera non est JERUSALEM, non civitas Dei, neque Metropolis Judæorum, sed ÆLIA, etiam in canonibus Nicænis ita dicta, & Colonia Romanorum, Persarum postea, & Saracenorum, hodieque Turcarum imperio subiecta, urbs miseranda, inaquosa, sordida, ruinisque passim impleta. Vera JERUSALEM non datur alia hodie quam Triumphans in cælis ac in Terris militans Ecclesia Christi, de quâ tot gloriosa in Sacris Voluminibus prænunciata leguntur. TOTA Antiqua HIEROSOLYMA ita funditus TIRI imperio eversa est, ut, qui ad eam accessissent, habitatam aliquando fuisse, vix crederent. Postea ab HADRIANO TOTA quoque JUDÆA ferè desolata est, Teste DIONE CASSIO; cunctisque Judæis interdictum, ne urbem sanctam, imo, ut addit HIERONYMUS in Jeremiam, terram quondam suam ingrederentur, lege postea ab Heraclio sec vii renovatâ, quâ sancitum fuit, ne judæi intra tertium miliare accederent. Quæ Ex-

PULSIO

Orat. XII.
p. 202.

Euseb. Hier.
Lib. IV. c. 6.
Cap. Arab.
10. Tom. II.
Conc. p. 295.

Josepb. de
B. J. Lib.
VII. C.
XVIII.
Hier. in Jer.
Cap. XVIII.
Euseb. Hist.
Lib. IV. C.
VI. Just. M.
cont. Tryph.
p. m. 84.
234 Ter-
tull. Apolog.
c. XXI. Aug.
in Ps. LIX.
12. LXIV.
CIXV. Hier-
onym. in Hab.
III. 17.
Tzeph. I. II.
Hilar. in Ps.
LIX. Const.
Imp. Didy-

PULSIO EX PATRIO SOLO, inter omnes à Romanis
devictas gentes, SOLIS JUDÆIS, observante Dr-
„ DYMO, contigit, ex quibus nullus est, notante
„ HIERONYMO, qui antiquum pristinâ libertate
possideat solum.

*mus de Sp S.
apud Hier.
Tom. ix. p.
m. 417.
Hier. in
Mich. ii 3:
-p. m. 140.*

Hæc vero Tortus Terræ Promissæ vastatio,
atque incolarum ejus VIOLENTA per orbem OM-
NEM DISPERSIO, jam dudum fuerat in Fatis, at-
que in Effatis Prophetarum, ac Domini nostri
Prophetæ Maximi, cujus hæc verba apud Lu-
cam extant. „ Nam hi sunt dies ultionis, ut
„ impleantur omnia quæ Scripta sunt. Hos dies
„ Ultionis MOSES prædixit. Populus, quem
NON NOVISTI (ROMANUS scilicet, nam Chaldæos
noverant Judæi & Majores ipsorum), & Cujus
„ LINGUAM NON INTELLIGES, anget te in OMNI-
„ BUS PORTIS TUIS, donec corruerint mœnia tua
„ alta & munita, quibus tu confisus fueris in
„ TOTA TERRA TUA, anget, inquam, te in OM-
„ NIBUS portis tuis, in TOTA terra tua, quam de-
„ derit Jehova Deus tibi. DISPERGET te Jehova
„ in OMNES populos ab extremitate terræ ad ex-
„ tremum ejus. Hos dies ultionis quoque
DAVID, ob Messiam crucifixum venturos præci-
nuit. „ Sit Palatium eorum desolatum, & in
„ TENTORIIS ipsorum non sit HABITATOR, nimi-
rum ex posteritate eorum. Hos dies ultionis
porro Evangelicus Vates; prævidens gloriam
Messiæ Regis divinam, à Judæis pessimè negan-
dam, sed in toto terrarum orbe, juxta cantum
Seraphicum, demonstrandam; perdiserte præ-

*Cap. xxi.
22.
Deut.
xxviii. 33.
49. 52. 64.
Psal. lxi.
26.
Jes. vi.*

monstravit. Duraret scilicet obstinata Judæorum incredulitas & Divini Redemptoris proterva rejectio, ultra quidem, sed certè etiam; „ uf-
 „ que dum, quum vastatæ fuerint CIVITATES,
 „ adeo ut NULLUS sit HABITATOR, & DOMUS, adeo
 „ ut NULLUS sit HOMO, etiam IPSA REGIO vastetur
 „ desolatione. Et elongabit (procul amovebit)
 „ DOMINUS HOMINEM QUEMQUE, & MAGNA erit
 „ DESERTIO in MEDIO TERRÆ. Et ADHUC in
 „ ea erit DECIMA, quæ rursus DEPASTIONI, depræ-
 „ dationi, combustioni. Id est, si adhuc pau-
 „ cissimi ex dispersis se recolligerent in Terra sua,
 „ atque indulgentiâ Domitiani, Nervæ, Trajani,
 „ quædam non plane destructa loca incolerent, &
 „ hi rursus per Adrianum forent depastioni, qui
 „ Arces quinquaginta celeberrimas diruit, vicos
 „ nongentos & octoginta quinque diripuit, &
 „ mox igne consumpsit, viros in excursionibus &
 „ præliis ad quinquaginta millia trucidavit; adeo
 „ ut ingenti ex reliquis multitudine per famem,
 „ ignem, morbos, absumentâ, sic TOTA fere JU-
 „ DÆA DESOLATA FUERIT; uti DIO CASSIUS totidem
 „ Verbis memoriæ prodidit. De his diebus ultio-
 „ nis denique TZEPHANJAH vaticinatus est. TOTA,
 „ inquit, TERRA hæc igne zeli Jehovæ absumen-
 „ da est: quando scilicet labium Euangelii pu-
 „ rum ad gentes converteret Dominus, atque OM-
 „ NEM ÆSTUM iræ suæ, cujus Effecta ex parte tan-
 „ tum per Babylonios fenserant, per Romanos ef-
 „ funderet. De his diebus ultionis tandem, ut a-
 lia

Tæp̃b.
 III. 8.

Ha plura in hanc rem facile adducenda præter- *Cap. xi. 6.*
 mittam, ZACHARIAS, qui post Reductionem popu-
 li ex Babele prophetavit, de hac eadem inquam
 Torius Terræ per ROMANOS Everfione perfpicuè
 „ locutus est: quando Deum ita dicentem intro-
 „ ducit. Non utar ultra clementiâ super habita-
 „ toribus Terræ, dictum Jehovæ, & Ecce Ego
 „ tradam hominem, virum in Manum Socii Sui,
 „ & in manum REGIS Sui, CONTUNDENT TER-
 „ RAM, & NON ERUAM è MANU EORUM. In-
 testinis cladibus contritos esse Judæos obsidione
 Romanâ, notum est. Hinc dicit Deus, futu-
 rum esse, ut TRADATUR VIR IN MANUS SOCII
 SUI. Et quando additur, tradendos esse quoque in
 MANUM REGIS Sui, quis alius esse potest ille
 REX JUDÆORUM, nisi IMPERATOR ROMANORUM?
 quem spreto Christo elegerunt in Regem suum, *Job. xix.*
 dicentes; „ non habemus Regem nisi Cæsarem. *12. 15.*
 Hujus Regis milites TERRAM, totam scilicet cum
 civitatibus pagis ædificiis, violenta manu CON-
 TUNDERENT, atque in minutissima frustra confrin-
 gerent, nunquam restituendam; quare subjici-
 tur. ET NON ERUAM è MANU EORUM. Audi
 „ Judæe, inquit HIERONYMUS, qui tibi spes vanif-
 „ simas repromittis, & non audis dicentem at-
 „ que firmanthem Dominum, NON ERUAM DE
 „ MANIBUS EORUM, quod ÆTERNA sit apud Ro-
 „ manos tua futura captivitas.

Certè Judæa Tota penitus non modò subver-
 sa est, sed etiam ambitiosum quondam Tem-
 plum, sancta Civitas, & universa Respublica ju-

daica sic simul in ÆTERNOS CINERES collapsa sunt, atque in IRREPARABILES RUINAS. Usque hodie post septendecim ferè secula terræ istius, olim amœnissimæ, facies manet adeo horrida per vastas ubique rupes, incultos montes, terribilia præcipitia; ut teter ejus & fœdus aspectus hominum animos graviter percellat; imo aliquantum dubios teneat, an hæc terra illa esse possit, cujus amœnitas atque fertilitas tantis olim laudibus celebrata est, & quæ tam ingenti incolarum multitudini alendæ suffecerit. Et sicuti Templum Urbs & Terra, sic etiam Regnum, Sacerdotium, & universa RESPUBLICA in ÆTERNUM PERIERUNT.

*Vide Matthæum
in Itin. a d.
25. Mart.
1698.*

*Vide Hist.
Patriarch.
Alex. p.
595.*

*L'Empe-
reur in
Dissert.
præmiss. Iti-
nerario
Benj. Apolo-
get. c. XXI.*

Somnia vendunt Judæi illi, qui de Israelitarum Regno, sive Asiatico in Bagdad, & in montibus Nisbor ad flumen Gozan, ex BENJAMIN TUDELENSI, sive Americano, ex MONTESINI cujusdam futilissima relatione, magnificè nugantur. Jactatio illa nupera admodum, & aliquot impostorum propria fuit, neutiquam communis judæorum opinio. Sapientiores ingenuè fatentur cum KIMCHIO & ABARBANELE, quod in hoc Exilio Romano penes Israelitas nullum sit Regnum, nec Dominium, nec Virga judicis, & quod nec Regem nec Principem ex Israele habeant. Quemadmodum igitur jam TERTULLIANI æVO SINE HOMINE SINE DEO REGE vagabantur per orbem, ita & hodie in eodem statu permanent, ut impleretur vaticinium HOSEÆ de MULTIS DIEBUS, quibus Israelitæ sine Rege sine Principe sine Sacrificio desiderent. Et quo-

quoniam per tot secula inde ab initio hujus Exi- Cap. III. 4.
 lii elapsa, dissolutam Rempubicam restaurare
 haud valuerunt; quicquid semel sub Adriano,
 iterum sub Constantino, & tertio sub Juliano,
 teste CHRYSOSTOMO non solum hoc seculo viven-
 te, sed & AMMIANO MARCELLINO, Aliisque, in Chrysost.
ad v. Jud.
Tom. I.
 contrarium magno ausu moliti fuerint; merito
 omnis restitutionis spes, toties elusa, penitus de- Hom. XXIII.
Ammian.
Marc. Lib.
XXIII. C. I.
 collata videtur; fatente ideo R. JOSE, Auctore
 Seder Olam, laudato in Jevamoth, tertium Is-
 raelitarum in Terram ingressum nunquam futu-
 rum. (4) Determinata olim fuit duratio Ægyp-
 tiacæ ac Babylonicæ Captivitatis, sed nullibi hu-
 jus Romanæ Terminus indicatur in Sacris, nul-
 libi quoque status pristini Judæorum Politici &
 Ecclesiastici Reparatio prædicta occurrit. Dura-
 turum quidem Sceptrum & Legislatorem in Juda
 DONEC VENIAT SCHILO, dixit moribundus JACO-
 BUS; sed & sic simul manifestè præmonuit, post
 adventum illius Schilo, utrumque recessurum Gen. XLIX.
 esse in æternum; eo magis quia Messiae foret ^{10.}
 OBEDIENTIA POPULORUM. Impossibile enim est,
 ut

(4) Phelippæus in Hof. III. 4. p. 652. Liber Jevamoth, Cap. Harel.
 ita scribit. Traditum est in Libro, qui dicitur Seder Olam: scrip-
 tum est, (Deut. 30.) Quam possederunt, vel hereditaverunt Patres
 tui, & possidebis vel hereditabis eam. Possessio prima & secunda
 fuit eis. Tertia verò non erit eis dixit R. Johanan, quis fuit Auc-
 tor Seder Olam: R. Jose. G. Vorstius (vel quisquis fuerit Auctor) in
 Notis ad Cap. XIV. Lib. Abrabanelis de Capite Fidei, adduxit Ipsa Ver-
 ba ex Seder Olam Rabbah ut probaret nonnullos Judæos spem om-
 nem restitutionis abjecisse. Vide Clar. Joh. Meyeri Chronicon He-
 bræorum pag. 90, & Annotationes ejus, p. 1143.

ut post gentes vocatas ad Ecclesiæ communio-
nem paries intergerinus Legis Mosaicæ consistat.
Quomodo fieri potest, ut Indi, Europæi, Hy-
perborei, totoque divisi orbe Britanni, ter sin-
lis annis se Hierosolyma conferrent ad Festa Je-
hovæ celebranda? Unde Casum Regni ac Sacer-
dotii judaici cum salute gentium toties in vatici-
niis suis arctissimè conjunxerunt Prophetæ, quod
ab EUSEBIO CÆSARIENSI in Demonstratione Euan-
gelicâ egregiè comprobatum est.

Ita verò Sanctam olim Terram Urbem ac Rem-
publicam sine fine perdendam esse prænuncia-
runt clarissime Sacri olim Vates. „ Omnino
„ confringetur terra, (ait aperte satis JESAIAS de
tempore quo gentes in Insulis maris Psalmis de-
cantarent gloriam, justo Dei Servo Messiæ da-
tam.) „ Omnino dirumpetur terra, omnino
Cap. xxiv. 14, 15. 19. „ dimovebitur Terra, CADETQUE NEC AMPLIUS
20. SURGET. „ Et paulò post: Redegisti civitatem in
Cap. xxv. 2. „ acervum, urbem munitam in rudera, pala-
„ tium Extraneorum (Lo-Ammi) ut non sit
„ amplius civitas, IN ÆTERNUM NON ÆDIFICABI-
adde Cap. „ TUR. Vas figuli in mille frustula confractum
xxxii. 14. & dispersum nunquam in pristinam formam resti-
tui potest. Atqui hoc est emblemata Propheti-
cum Reipublicæ Judæorum post Messiæ adven-
tum penitus conterendæ apud JEREMIAM, „ Ita
Cap. xix. 10, 11, 12, „ frangam, ait Jehova, populum hunc & Civi-
13. tatem hanc, quemadmodum FRANGIT (ali-
„ quis) VAS FIGULI, QUOD NON POTEST CURA-

„ RE

„ RI AMPLIUS (5) Reddamque hanc civitatem
 „ similem TOPHETO, (id est, SEPULCHRETO CA-
 DAVERUM) qualis locus sepulchretum factus, in
 æternum profanatus erat, nec unquam Religio-
 nis Leviticæ sedes iterum fieri poterat. Signifi- coll.2.Reg.
 canter EZECHIEL comparavit JUDAM, cum SODO- XXIII. 14.
 MA, æterno igne deleta, & cum SAMARIA, ita 16.
 contrita ut nunquam futura sit iterum caput E-
 phrajimi. „ Si SORORES tuæ, SODOMA & filiae Cap. XVI.
 „ ejus REVERTENTUR ad PRISTINUM STATUM SUUM: 55.
 „ sique SAMARIA & filiae ejus REVERTENTUR ad
 „ PRISTINUM STATUM SUUM: Tu quoque & filiae Jef. VII. 8;
 „ tuæ REVERTEMINI AD PRISTINUM STATUM VE- 9.
 STRUM. Perspicuè DANIEL PROPHETA. „ Civi-
 „ tatem autem & sanctuarium perdet populus
 „ ducis venturus, (Romanus scilicet) & finis il- Cap. IX. 26,
 „ lius erit cum inundatione, & usque ad FINEM 27.
 „ (mundi nempe) bellum & DECRETÆ DESOLA-
 „ TIONES. Et in medio septimanæ abolebit sacri- coll.1.Thes.
 „ ficiū & munus. Et usque ad Consummatio- 11. 16.
 „ nem, eamque decisam, IN DESOLATUM EFFUN-
 „ DETUR desolatio.

Elegantissimis DUORUM PASTORALIUM BACU-
 LORUM נֶגַם NOGNAM JUCUNDITATIS, & חֻבְלִים
 HOB-

(5) Perspice, inquit Hieronymus in hunc locum, non de Baby-
 lonica sed de Romanâ hoc dicitur Captivitate. Post Babylonios
 quippe & urbs instaurata & populus reductus est in Judæam, &
 abundantiae pristinae restitutus. Post Captivitatem autem quæ sub
 Vespasiano & Tito & postea accidit sub Hadriano usque ad con-
 summationem seculi ruinæ Hierusalem permansuræ sunt, quan-
 quam sibi Judæi auream atque gemmatam Jerusalem restituendam
 putent.

HOBHELM Funiculorum, Colligantium, **FOEDERATORUM**, atque a Pastore Israëlis vero ex justissima ira contractorum, **TYPIS**, Jehova apud *Cap. xi. 7.* **ZACHARIAM** præfiguravit, **FOEDERIS** Sinaitici, *10. 11. 14.* quo in populum peculiarem assumptus erat solus Israel, & **FRATERNITATIS**, inter Judæ & Israël relíquias, post solutam Captivitatem Babylonicam in unum populum adunatas, **ABOLITIONEM PERPETUAM**: Ita ut Fratrum instar nunquam postea cohabitaturi essent in Terra, nunquam postea unam Gentis suæ Metropolin, nunquam denique eundem publicorum sacrorum locum, cultumque externum Leviticum communem habituri.

coll. Job.
xviii. 16.

Arbor denique, cujus **RADIX** infra **PUTREFACTA** est, vel quæ una cum radice sua **EVULSA** est, abjecta & penitus exsiccata, nunquam revirescet, nunquam reviviscet. Atqui & talis **ARBOR** imago est Prophetica, non solum Philistæorum in perpetuum excindendorum apud Jesaiam; *Cap. xiv. 29.* Ephraïmi ac Regni decem Tribuum, nunquam restituendi, apud Hoseam; ac Amoræorum dudum perditorum apud Amosum, sed etiam

Cap. ii. 9. **REIPUBLICÆ JUDAICÆ** similiter in æternum extirpandæ apud JESAIAM non modò, sed imprimis *Cap. v. 24.* **MALACHIAM**, Signaculum Prophetarum. *Cap. iv.* Hic enim prænunciat **DIEM** venturum, quo piis quidem exoriretur Sol Justitiæ, sed etiam quo post ortum ejus Terra Judæorum **ANATHEMATE** percuteretur: Diem adeo **MAGNUM & TREMENDUM**

ultimi Excidii per Romanos, qui ut **ARDENS CLIBANUS**

BANUS

MANDUS dissolveret ac colliquescere faceret Populum ac Rempublicam Judæorum, adeo ut **NON DERELINQUERET** eis **RADICEM** aut **RAMUM**. Ubi Radix superest, spes est novæ repullulationis. Ubi Ramus superest spes est novæ plantationis. Sed ubi nec Radix nec Ramus relinquuntur, nulla profectò spes restitutionis reliqua manet.

Non dubito quin etiam huc spectent verba Domini nostri in Euangelio. „ **ECCE RELINQUETUR** Matth. xxiii. 38. **Vobis domus vestra deserta.** Et iterum: **JERUSALEM** erit **CALCATA**, occupata, vastata, possessa, Luc. xxi. 24. inhabitata, à **GENTIBUS** Romanis, Persis, Sarcenis, Anti-Christianis, Turcis, aliisque à Republicâ Israël olim alienis populis, **DONEC COMPLETA**, seu finita fuerint **TEMPORA GENTIUM**, ac populorum terræ omnium, id est, ad diem æternitatis; quando tempora finem capient omnia, & Vocationis Gentium, & Resipiscentiæ Salutaris singulorum, & Afflictionis Ecclesiæ, & Inhabitationis hujus orbis terrarum à distinctis populis & ab Oppressoribus Ecclesiæ; „ & proinde Apoc. x. 6. „ de quando videbunt **Filium Hominis** venientem in nube cum potentia & gloria multa. Vers. 25.

Verum non obstante hoc **TOTIUS TERRÆ**, ac **Regiminis Politici & Ecclesiastici Judæorum** **INTERMINABILI** **Excidio**; **MANENT** tamen in Terris **JUDÆI**, & **PERSEVERAT** in hunc usque diem **NATIO JUDÆORUM**, ubique dispersa, **NOMINE** & **RELIGIONE**, imo addidissem pene & **Facie** ac **Vultu**, **DISTINCTA** ab omnibus Aliis Mundi Nationibus.

MANET, inquam, hæc GENS JUDÆORUM, tot malis pressa, tot cladibus attrita, tot persecutionibus ad desperationem sæpe adacta, tot exiliis jactata, Urbibus, Regionibus, Regnis in Oriente pariter & Occidente toties ejecta, omnium odio ac ludibrio exposita, cujus Nomen & Memoriam penitus delere vellent seculo XI. Milites cruce signati ad occupandam terram sanctam.

Gurtler.
Tb. Propb.
C. XXXVIII.
p. 666, 667.

Manet præterea hæc Natio Judæorum NUMEROSA valde. Paucissimi sunt hodie Samaritani in Palæstina & Ægypto superstites. Sed innumerable pene est Judæorum multitudo, quibus, (ut illud SEDULII huc transferam).

Sedul. Lib. I.

- - Nec lucida cæli

Sidera, nec bibulæ numeris æquantur arenæ.
De Judæis, non Christianis, uti HUETIUS opinatur, cecinit RUTILIUS NUMATIANUS.

Demonstr.
Evang.
Prop. III.
§. XXI.
Itiner. Lib.
I.

*Atque utinam nunquam Judæa subacta fuisset
Pompeji bellis, imperioque Titi
Latius excisæ pestis contagia serpunt,
Victoresque suos natio victa premit.*

Plures efficiuntur quoties metuntur. Quantò magis opprimuntur, uti olim in Ægypto, tantò magis augescunt, instar piscium qui per adversos aquarum fluxus ac scopulorum angustias innumeros emittunt foetus. Et usque in præsentem diem instar vermiculorum pullulant filios ac nepotes. Ubique sunt subito excrescunt in ingentem numerum. Multi vivunt in Europa, plures in Asia & Africa, nec desunt in America; qui si omnes uno loco degerent, certè nulla gens cum

iis

iis numero contendere posset. Pauci quidem sunt ratione integrarum gentium inter quas *dispersi* vivunt; ut impleatur illud Dei Oraculum apud MOSEM: „ Remanebitis homines PAUCI in „ gentibus. Omnes verò simul sumti numero carentis arenæ similes erunt.

Deut. IV.
26, 27.

Manet denique hæc Gens Judæorum DISPER-
SA quidem per omnes populos, ut vix in toto Or-^{Luc. XXI. 24.}

be Regio sit, quò non pervenerint Judæi; attamen ab omnibus DISTINCTA simul perseverat. Plures populi ex septuaginta duobus, quos numerant ^{coll. Jes. XI. 11, 12. Aët. II. 9, 10, 11.}

Judæi, & qui e singulis *ἀρχηγέταις* Patriarchis illis in Libro Genesios memoratis, ortum traxerunt, planè interciderunt proculdubio, alique

Cap. X.

in eorum locum procreverunt. Quot antiquarum Gentium nulla memoria extat hodie, nisi in Libris? Amoræorum, Jebusæorum, Moabitarum, Ammonitarum, Amalekitarum, Idumæorum, Philistæorum, aliarumque, V. G. Gothorum, Vandalorum, Marcomannorum, Quadorum, in hoc Universo nullum amplius vestigium reperitur. Et si aliqua earum detur adhuc posteritas reliqua, sub alio *Nomine* nunc latet. „ Populi à Romanis devicti omnes Romani facti „ sunt inquit AUGUSTINUS, & sicuti in jus, sic „ etiam in *Nomen* & *Superstitiones* Romanorum transierunt. SOLI verò JUDÆI retinuerunt *Nomen* suum nec unquam Romano Nominē dignati sunt. (6) „ Ita cesserunt in Jura Romanorum „

{ 6) August. in Ps. LIX. 12. Quis jam agnoscit gentes in Imperio Romano,
PP PP 3

„ manorum, ut tamen non amiserint formam Ju-
 „ dæorum, & ita subditi Romanis sunt, ut etiam
 „ Legis suæ reliquias teneant. Circumcidun-
 tur enim, Sabbata observant, azyma comedunt,
 Legibusque Mosaicis ac Traditionibus Patrum
 pertinaciter adhærent; atque ita JUDÆI Manent;
 Nomen hoc, ut Nomen Generis & Sectæ simul
 gerentes in hunc usque diem.

Profectò hæc Res est omnium attentione &
 admiratione digna. Ea enim est rerum huma-
 narum ac Gentium hujus Mundi conditio, ut ni-
 hil earum heic sit stabile ac perpetuum. Quæ
 caussa ergo A: Rei tam insolitæ, cujus simile
 Exemplum nullibi in toto terrarum orbe existit?
 Non SUPERBIA Nationis, qua longè infra digni-
 tatem suam fore arbitrantur, permisceri cum po-
 pulis terræ. Nam aditum sic sibi aperirent ad
 honores, nec amplius à Militiâ, Magistratibus,
 aliisque publicis Officiis exclusi tenerentur Legi-
 bus. Quare miratu dignum est, cur ambitiosa
 gens non dicat cum impiis Patribus apud Eze-
 chielem, Erimus ut istæ gentes. Neque Vis at-
 que

Baron. Tom.
 1. p. 693.
 Cap. xx. 32.

*mano, quid erant? quando omnes Romani facti sunt, & omnes Romani
 dicuntur. Judæi tamen manent cum signo, nec sic victi sunt, ut à Victo-
 ribus absorberentur. Baronius Ann. Tom. 1. p. m. 693. ad Ann. Chr. 72.
 Enimvero quod ad Romanorum nomen pertinet, Josephus Judæus hæc ait;
 Romanorum clementia cunctis non parvulum donum appellationis suæ con-
 cessit, non solum viris singulis, sed etiam maximis gentibus in communi:
 Hispani denique antiqui, & Tyrrheni, & Sabini, Romani vocantur.]
 Judæi verò ubicumque locorum sint, Judæi semper nominati habentur,
 nec unquam Romano dignati nomine. Vide August. quoque in Ps. xl.
 & Serm. cccxxxiv.*

que AUCTORITAS IMPERANTIUM. Hæc enim Paganismi fuere olim, ac hodie sunt Muhammedanismi sustentacula & fulcra, non Judæismi. Imperatores Romani nunc Genitalia circumcidere, nunc Legem ipsam Dei legere ipsis prohibuerunt, quod utrumque inter afflictiones suas maximas numerarunt Judæi. Et quoties intempestivo zelo ad abnegandam Religionem Mosaicam gladio & flammis non sunt coacti? Neque porro RELIGIONIS FACILITAS; nam onerosa est Religio Judæorum, per rituum immensum Chorgium, & dolorificam inprimis Circumcisionem. Neque etiam VANISSIMA de solis Israelitis æterna salute donandis PERSUASIO. Nam plurimorum, non optimorum, est opinio, Legem sibi ad vitam quoque temporalem, non ad mortem esse datam, ac proinde licere sibi ad temporalis vitæ comoda servanda simulare Christianismum vel Turcismum. Neque tandem SPES IMPERII in totum ORBEM subjugandum per MESSIAM; cujus gloriæ & dominationis soli Judæi participes futuri essent. Nam hæc spes per tot Pseudo-Christos elusa est dudum, ut ferè abrupta & everfa videatur apud Judæos, quorum aliqui Adventum Terreni Regis Messiae ex numero Articulorum Fidei Fundamentalium expungere non dubitaverunt. (7) Deinde si concedamus, omnia modò memorata, &

*Cunæus de
Rep. Heb.
Lib. 1. C.
xviii.*

*Lib. Cosri
p. 69, 70.*

(7) *Abrahamel* in ספר ראש חנה Libro de Capite Fidei, in Latinum Sermonem translato per *Gulielmum Vorstium* scripsit Cap. 11. & 111 quod *Rab. Chajdai* in Libro suo, Or Adonai, & *R. Joseph. Albo* in suo Hikkarim, dubia quædam moverint adversus Maimonidis

& hanc præcipuè vanissimam eorum spem JU-
DAISMI hætenus perseverantis esse qualemcunque
causam ; efficere tamen hæc cuncta haud po-
tuerunt , ut & IPSI JUDÆI per quotidianam na-
scentium in locum morientium successionem tan-
to numero ubique permanerent.

P. 108.

Longè alia ergo heic quærenda causa est. Est
nimirum Deus in Coelis qui Gentem hætenus ab
interitu prohibuit, multorumque contraria mo-
limina irrita fecit. Hoc inter ipsos excoecatos Ju-
dæos doctus Auctor Libri COSRI videre potuit.

„ Qui verò nos , inquit , in hoc nostræ disper-
„ sionis & captivitatis statu conservat est *יְיָ אֱלֹהֵינוּ*
„ DEUS VIVUS. Aliàs enim cogitari non posset, quo-
„ modo Gens aliqua in hujusmodi Captivitatem
„ veniat , & NON MUTETUR IN ALIAM GENTEM ;
„ accedente præsertim TANTA TEMPORIS LONGI-
„ TUDINE. Certè hic Eventus rerum cum Prophe-
„ ticarum Scripturarum sensu conspirans, eviden-
„ ter docet, DEI SOLIUS sapientissimum CONSILIUM
& Potentissimam MANUM CONSERVASSE huc us-
que omnibus invisum populum. Deus omniscius
testatus est , inquit R. LIPMAN , *Non perdam*

Wagenfeil.
Tela ignea.
Satanae p.

113. 240.

241.

plane
dis Doctrinam , qui Articulis Fidei necessariis adnumeravit illum de
Adventu Messiae. Dubium , inquit , v. est in articulo 12. quod nume-
ret Rab. adventum Messiae articulum ; quia , etiamsi vera esset fides , ta-
men non erit hæc fides fundamentum , ut ob ejus everfionem concidat Lex ,
& sane invenimus in cap. Cbeleck fol. 98. dicere Rabbi Hillel. Non ha-
bent Messiam Israëlitaë , quia jam eo potiti sunt temporibus Chizki-
hu : neque convenit dicere , Rabbi Hillel exclusum esse à communione Le-
gis , atque negasse legem ; cum in Gemara appellent eum Rabbi , atque
dicant traditionem ex ore ejus : atque hoc docet , non esse articulum. Vide
quoque Cap. XIV. & Notas ad illud.

plane Judæos, sed nullum addidit Locum. Verissimum tamen est quod dixit malitiosus ille homo. Testatus hoc est Deus in arcano Volumine Mosis & Prophetarum non uno in Loco. Non adducam nunc RUBUM ARDENTEM & NON CONSUMTUM, à Mose Visum in Monte Horebi. Neque etiam proferam VELLUS GIDEONIS, quod siccum manebat toto illo tempore quo terra reliqua rore cælesti erat perfusa atque irrigata: ne hosce Typos Propheticos ex humani ingenii conjecturâ magis quàm ex divina interpretatione à me effectos dicatis. „ Aperta potius veritas clamet, „ luceat, atque in obturatas aures irrumpat, „ omnemque contradicendi conatum confundat.

August. de Unit Eccles. C. v. Tom. ix. p. 233. 234. Edit. Bened.

En Oracula, non ambigua, non flexiloqua, non nuper edita, sed antiquissima, certissima, clarissima, de NON PERDENDIS PLANE JUDÆIS.

Tale est illud, quod occurrit in LEVITICO, quod quoties legunt Judæi in Synagogis, mirè exultare & jubilaré solent. „ Sed insuper & hoc quo-

Cap. xxvi. 44.

„ que erit, quum erunt in Terra Inimicorum „ suorum (sive Chaldæorum sive Romanorum)

à Lapide in Loc.

„ UT NON SPERNAM EOS, NEQUE FASTIDIAM EOS, „ AD CONSUMENDUM EOS, irritum faciendo Fœ- „ dus meum cum eis, quia Ego sum Jehova „ Deus ipsorum. Quo nempe foedere promisit Deus Jacobo, non Esavo, semen instar *pulveris terræ* numerosum, per longissimam nempe posterorum seriem tale futurum, quæ non deficeret, etsi mundus per *mille generationes* dura-

ret, quod tamen minimè probabile est. (8) Quando ergo commate trigésimo octavo ejusdem Capituli Leviticorum vigésimi sexti dicitur, PERIBITIS in ipsis gentibus, & absumet vos terra inimicorum vestrorum: de Singulorum, qui morerentur in terra hostili, multitudine, non de ipsa gente; vel si de gente, non de *Juda* sed *Israële* decem tribuum hoc capiendum est. Hic enim (exceptis paucioribus, qui Judæis permixti fuere,) per Assyriam & Mediam disiectus, paulatim cum infinita profanarum gentium multitudine

(8) *Psalms. cv. 8. Recordatur in seculum fœderis sui, Verbi quod præcepit in mille generationes.* Numerus enim millenarius longè excedit numerum omnium generationum, quæ fuerunt ab initio mundi, aut quæ futuræ sunt ad finem ejus: quia quocunque modo accipiat generatio, etiamsi solum pro quindecim annis, in quâ ætate homo incipit posse generare, quæ est minima duratio; credibile est, Mundum à primâ conditione, usque ad ultimam consummationem non duraturum mille generationibus, id est, quindecim millibus annorum. Siquidem S. Johannes in 1. Epist. Cap. 11. 18. dicit novissimam horam nunc esse: & tamen nondum effluxerunt sex millia annorum. Uti haud malè scripsit *Bellarminus*. Respicit Psalter in *Psalmo cv. 8. — 12.* ad duo potissimum promissa fœderalia Patriarchis data, nempe de possessione terræ Cananææ, *vs. 11,* & de numerosa sobole; quare addit *vs. 12,* quum essent viri pauci numero. De Verbo fœderali, quo Numerosum semen promisit dicit *vs. 8,* quod jussit, seu solenniter pronuncaverit, illud duraturum esse **אלף דור** in mille generationes, (non propagines) id est, longè plures, imo omnes, vel in millesimam generationem, id est, si ad millesimam generationem usque mundus duraret, memor erit Deus pacti sui de Semine numeroso Jacobi futuro. Qualis hyperbole est *Nab. 111. 16.* & in hypotheticis locutionibus frequens est in Sacris. Vide 1. *Cor. 14. 5.* & confer *Exod. 22. 6.* Aliqui Judæi per **אלף דור** intelligunt Principem generationis, Abrahamum, cui promissio facta est.

dine confusus, tanquam rivus cum mari vasto, in nihilum evanuit.

Talia quoque sunt Oracula duo, in DEUTERONOMIO. Primum ita sonat. „ Quum angustia ^{Cap. IV. 30. 31.}

„ fuerit tibi, & apprehenderint te omnes resistæ,

„ IN EXTREMITATE DIERUM converteris ad Jeho-

„ vam Deum tuum. Quandoquidem Deus mi-

„ fericors (est) Jehova Deus tuus, NON DESE-

„ RET TE, NEQUE PERDET TE, nam non obli-
^{Cap. XXXII. 26, 27.}

„ scetur Foederis Majorum tuorum, quod ju-

„ ramento sancivit illis. Alterum hoc est. ^{Cap. XXXII. 26, 27.}

„ DIXISSEM, EXTERMINABO EOS, FACIAM UT CES-

„ SET E MORTALIBUS MEMORIA EORUM: Nisi in-

„ dignationem ab inimico metuisssem, ne igno-

„ rent hosteseorum, ne dicant, Excelsa manus

„ nostra fuit, nec Jehova operatus est omnia

„ hæc. Nec minus luculenta sunt de non per-

„ dendis plane Judæis Prophetarum Testimonia.

Audiamus Deum apud JESAIAM. „ Propter No- ^{Cap. XLVIII. 9.}

„ men meum longanimis ero, & propter lau-

„ dem meam, ^{אחתום לך לבלתי הכריתך} COER-

„ CEBO ME TIBI, UT NON EXSCINDAM TE, vel si-

„ GNUM PONAM IN TE, NE EXSCINDARIS; quando

allusio esset ad CAINUM, Fratricidam, signo no- ^{Gen IV. 15.}

„ tatum à Deo, ne occideret eum qui eum in-

„ venerit: Quem; vagum ac profugum in ter-

„ ra, NON OCCIDENDUM, eumque in finem cum SI-

„ GNO oberrantem continuè; insignem JUDÆORUM,

„ maledictorum, ubique cum SIGNO circumcisio-

„ nis in Carne, cum SIGNO Legis in manibus, cum

„ SIGNO iræ divinæ in extremis quas perpeffi sunt

& patiuntur etiamnum calamitatibus, vagantium;
 NON OCCIDENDORUM, ut in hisce terris quoque
 ferrent poenas gravissimas sanguinis Fratris justi
 Messiae; TYPUM statuere Veteres, inprimis Au-
 GUSTINUS.

Cap. xxxi.
 35, 36, 37.

Audiamus quoque JEREMIAM. „ Sic ait Jeho-
 „ va, qui dat solem ad lucendum interdiu, sta-
 „ tuta lunæ ac stellarum ad lucendum noctu, qui
 „ dirumpit mare, unde fremunt fluctus ejus,
 „ cui nomen (est) Jehova (Deus) Exercituum:
 „ Si RECEDENT STATUTA ISTA à facie mea (di-
 „ ctum Jehovæ) ETIAM SEMEN ISRAELIS CESSABIT
 „ ESSE GENS coram facie mea, OMNIBUS DIEBUS,
 „ ait Jehova. Si mensurabuntur coeli superne,
 „ aut (si) pervestigabuntur fundamenta terræ in-
 „ ferne; Etiam EGO SPERNAM TOTUM SEMEN IS-
 „ RAELIS, propter omnia quæ fecerunt, dictum
 „ Jehovæ. Quemadmodum Astrorum cæle-
 „ stium non mutabitur lordo ante finem Seculi, &
 „ sonantis maris fluctus semper volventur ad litto-
 „ ra, sic erit semen Israelis, carnalis scilicet, de
 „ quo hîc manifestè agitur, perpetuum, nec un-
 „ quam deficiet. Imo quemadmodum impossibile
 „ est ut ab hominibus mensurentur cæli, aut per-
 „ vestigentur Fundamenta terræ; sic impossibile
 „ est, ut non maneant Judæi in terra superstites,
 „ imo ut non sint GENS legibus & vitæ institutis
 „ DISTINCTA ab aliis populis, usque dum in Extre-
 „ mo dierum ad Messiam conversa Regno Ejus
 „ haud minimam gloriam adferat.

Cap. i.

Audiamus denique HOSIAM Vatem, qui post-
 quam

quam Domum Israelis Lo-RUCHAMAM futuram,
 & in perpetuum perdendam; Domûs JUDÆ ve-
 rò Reductionem ex captivitate Chaldæorum præ-
 dixerat, vaticinatur de JUDÆIS ex Babele rever-
 sis, quòd Lo-AMMI post Messiam rejectum fu-
 turi essent, & quòd in illo statu diutissime perse-
 verantes innumerabili arenæ multitudine similes
 forent. „ Et ablactavit Lo-Ruchamam, & con-
 „ cepit, & peperit filium. Et dixit, voca no-
 „ men Ejus Lo-AMMI, quandoquidem Vos non
 „ populus meus; & Ego non ero vester. ERIT
 „ TAMEN NUMERUS FILIORUM ISRAEL SICUT ARE-
 „ NAMARIS, QUÆ NON MENSURABITUR, NEQUE NU-
 „ MERABITUR; ab ullo Homine scilicet. Quod
 frustra Archimedes in Arenario, & Archyta ten-
 tarunt.

*Horat. Lib.
 1. Carm.
 Ode 28.
 Cap. ix. 8, 9.*

Audiamus tandem AMOSUM. „ Ecce Ocu-
 „ li Domini (sunt) contra hoc Regnum pec-
 „ cans, ut perdam ipsum à superficie terræ;
 „ NISI QUOD NON PRORSUS PERDAM DOMUM JACO-
 „ BI, dictum Jehovæ. Nam ecce ego præci-
 „ piens VAGARI FACIAM IN OMNIBUS GENTIBUS do-
 „ mum Israelis, ut AGITATUR (vagatur) Triti-
 cum in VANNO, ita ut NON CADAT LAPILLUS (vel
 GRANUM) IN TERRAM. Prædicit Vates populi di-
 spersionem inter omnes gentes, ejusque agitatio-
 nem quasi in Ventilabro, absque animi & cor-
 poris quiete vagaturi de gente in gentem, ex A-
 sia in Europam, in Hispanias, Gallias, Britan-
 nias, indeque iterum turbandi; MANSURI tamen
 in manu Domini, qui sollicitè adeo CONSERVA-

RET gentem hanc disiectam, ut, proverbialiter loquendo, ne unum granum imo ne lapillus quidem ex Ventilabro illo caderet in Terram. Et hoc futurum erat postquam Dominus discessisset planè ex Templi adyto, atque hoc, imo integra Reipublicæ structura in *Culmine & Limine*, funditus deleta essent.

Vi. 1, 2, 3.

Vultisne adhuc plura, A. de NON PERDENDIS PLANE JUDÆIS Vaticinia? Ex allatis, opinor, factis animadvertitis, quod non alia conservatæ gentis causa sit quam Deus in coelis, Deus Abrahami, Isaaci ac Jacobi. Ille est Conservator Israelis, spiritualis non modò, sed & carnalis in hunc usque diem.

Wagenfeil.
tela ignea
Satanae p.
113.

Non conservat Deus hanc gentem ut in ejus gratiam MIRACULA EDERET IN MEDIO INIMICORUM, uti olim in Ægypto factum est; quod stolidissimum R. LIPMANNI est figmentum: Nam nulla fecit in gratiam abjecti populi Deus Miracula inde à desolato Templo, sed multa contraria iræ suæ documenta dedit, (9) quæ sunt RES illæ MIRIFICÆ & ADMIRABILES, quas cum Populo hoc IN-

(9) Tzeph. II. 8. 9. *Audiui opprobrium Moab & blasphemias filiorum Ammon, quæ exprobraverunt populo meo, & magnificati sunt super terminos eorum. Propterea vivo ego, dicit Dominus Deus Exercituum, Deus Israel: quia Moab ut Sodomā erit, & filii Ammon quasi Gomorra: &c. In hunc locum ita Hieronymus. „ Interrogemus ergo eos, „ quare has potissimum gentes Deus puniat, & non totum orbem „ in quo Judæi longe lateque dispersi sunt. Si enim meretur Moab „ corripī, Judæis insultans, & filii Ammon & reliquæ gentes in „ circuitu: quare Gallia non corripitur? quare Britannias in com- „ mina-*

INDESINENTER acturus erat, juxta Vaticinia Mosis ^{Deut. XXVIII 59.} & JESAIÆ. Sed verius conservat Judæorum gen- ^{Jes. XXIX. 14.} tem Deus, ut IPSA GENS tam diu CONSERVATA ingens & PERFETUUM esset DIVINÆ PROVIDENTIÆ MIRACULUM, prodigiosum iræ divinæ Spectaculum, Divinitatis Scripturæ denique & Veritatis Christianæ Magnum Argumentum.

TESTES sunt Judæi non plane deperditi DIVINÆ PROVIDENTIÆ. ^{coll. Jes. XLIII. 10, 11.} Etenim non casu, non cæco quodam fato hæc ita eveniunt, neque ullus hoc diceret, qui tam notabiles Eventus cum Priscorum Vatum Oraculis comparaverit. Unusquisque JUDÆUS sui aspectu nobis occlamitat, dari Deum futurorum ab æterno præscium, ac Liberrimum omnium Moderatorem ac Dominum, Cunctorum Judicem *Justissimum*, atque peccatorum populi sui Vindicem Severissimum. Idem enim ille Deus, qui ante tot secula Fata scripsit per Mosen & Prophetas, idem quoque eadem potenter exequitur. Et quidem eum in finem antea ^{coll. Jes. XXX 8.} hæc conscribi curavit Deus, ut crederent mortales ipsum esse Jehovah, cum evenirent prædicta. ^{XLVIII 3, 4} Sunt TESTES præterea DIVINÆ AUCTORITATIS MOSIS & PROPHETARUM, quam evidenti argumen-

„ minatione non ponit? cur Hispaniæ ab eâ poena alienæ sunt?
 „ quam ob causam de Italia nihil dicitur? de Aphrica cur tacetur?
 „ Et ut semel dicam, cum totus Orbis Judæos captivos teneat:
 „ quid solæ gentes tantum commisere flagitii, quæ in circuitu ejus
 „ sunt, ut solæ potissimum nominentur? Vide etiam *Wagenfeil's*
 Tela ignea Satanæ, & Carminis Lipmanni Confutationem, pag.
 241.

*De Verit.
Rel. Christ.
p. m. 21,
22, 23.*

*Cunæus de
Rep. Heb.*

gumento cunctis mortalibus **PROBANT**. Retinent Judæi pertinaciter Religionem Mosaicam, haud detrectantes pro eâ mori, imo ejus, ut ut onerosæ, restitutionem calidissimis precibus quotidie à summo Numine implorant. Cujus rei sanè alia caussa fingi vel adferri nequit, quam firmissima animis illorum inhærens persuasio, de Deo legum suarum Auctore. Quod Argumentum egregiè tractavit Illustris GROTIUS. Post Captivitatem Babylonicam abstinerunt ab omni idololatria, & etiamnum execrantur eam omnes Judæi. In quo indicium est, quod Veritatem & Originem Legis & Prophetarum Divinam, ipso Vaticiniorum ante Captivitatem editorum implemento edocti agnoverint Majores eorum. Sunt præterea Judæi Librarii nostri, quorum fidelissimâ curâ, minutiis quoque accommodatâ, Biblica Volumina facta tecta conservata sunt. Portant insuper Divinos Codices, ex quibus malitiosa Gentilium Calumnia, quòd Christiani Mo-
sis ac Prophetarum Volumina post rerum Eventum, æque ac Carmina Sibyllarum, ipsimet conscripserint, validè contundi potest. Ad quam egregiè & frequenter in operibus respondit Magnus Hipponensium Præsul, quando ait; Codicem portat Judæus, Inimicus, Codicem sibi antiquitus à Majoribus commendatum, unde credat Christianus, & confundantur Pagani.

Sunt **TESTES** denique, qui evidenter testantur **VENISSE** dudum **PROMISSUM MESSIAM**, eumque esse **JESUM NAZARENUM nostrum**. Propter **MES-**
SIAM,

SIAM, Venturum ad Templum suum, & ut dignosci posset in Adventu suo Semen Judæ & Filius Davidis, mirabili Dei Providentiâ, & inaudito antea Exemplo, per quindecim secula stetit Respublica Judæorum. Sed & PROPTER eundem MESSIAM, ut demonstraretur *venisse* Desiderium Gentium, evertit Rempublicam Judaicam, nec tamen perdidit Deus hætenus Judæos dispersos, ut Testes manerent aboliti Regni & Sacerdotii Umbratilis. Quotiescunque enim nobis obversantur Illi Patriâ suâ & Urbe Ejecti, sine Templo, & sine Sacrificio oberrantes in Mundo; toties clamoso quasi silentio nos certiores reddunt PROMISSUM VENISSE dudum MESSIAM, eumque esse JESUM nostrum NAZARENUM. Utique deletâ Civitate & funditus diruto Templo victimarum Mactationem Leviticam reipsâ abrogavit Deus, atque in perpetuum cessare fecit Sacrificium & Munus. Nam si hoc non egit Deus, cur Religionis Mosaicæ Exercitium uni loco alligavit, & cur hunc rursus irreparabili clade subvertit? Certè non ob aliam causam, quàm ut in æternum aboleret umbratilem illum & cruentum cultum. Profectò nullâ aliâ re quàm hac ipsâ magis clauit JESUM esse CHRISTUM, *exscindendum* illum *Principem*, & Corpus Leviticarum umbrarum, cui præfigurando & adumbrando Sacerdotium & Templum unicè inservierant. Rem sanè admirabilem non animadverterunt Gentiles, tempore AUGUSTINI quærentes, cur Deus Hebræorum illos non adjuverit, ne à Romanis subjugarentur.

coll. Jesh.
XLVI. 3, 4.
Dan. IX. 17.
Mat. III. 6.

Dan. IX. 27.

De Consensu
Evang.
Lib. I. C.

Nam non est victus ipse Deus in Populo suo victo, quando Regnum & Sacerdotium ipsorum Romanis expugnandum permisit; quia utrumque istud post Adventum Schilo & Sacerdotis secundum Ordinem Melchisedeci amplius consistere nec poterat nec debebat.

Neque hoc tantum TESTANTUR miseri hactenus Judæi, verum etiam Christum esse VERUM ac SUMMUM DEUM, Patrisque ÆTERNUM ac NATURALEM FILIUM. Causa enim tam diuturnæ Calamitatis ac permanentis iræ cœlestis non potest alia esse nisi ingens Flagitium & gravissima quædam & inaudita Iniquitas. Hæc verò iniquitas non est morum illa extrema pravitas, quæ visa fuit in Majoribus eorum ante Excidium urbis, quam JOSEPHUS solam allegat, eamque fortè exaggerat nimis, ut veram causam majori cum specie dissimularet. Præposterus enim pro Religione avitâ zelus tot cædibus atque rapinis, aliisque delictis occasionem quoque dedisse videtur. Et hodie in depravatis moribus, terrenorum studio, voluptatibus venereis, quarum etiam in Talmude fit mentio, multis Christianis non sunt deteriores. Optima pars illorum precibus, jejuniis, sacrisque canticis quotidie Deum placare certat. Tenetur ergo judæorum Universitas alio aliquo gravissimo Crimine, quod non est adeo vitium in moribus, quàm quidam OBSTINATUS ERROR in Religione & in Sacrosanctæ Fidei Mysteriis: Unde *Occæcatio* & *Obtenebratio* mentis illorum ut causa malorum horum

horum omnium ponitur apud JESAIAM non uno ^{Cap. v. xxix.} in loco. Hic verò exitialis ERROR in Religione esse debet vel IDOLOLATRIA vel INCREDULITAS. Non est Idololatria, quam cum Patribus ex Babilone reversis horrent, & cane pejus & angue fugiunt. Est ergo INCREDULITAS, non adeo circa Verbum Legis, quam EUANGELII, ostensa in protervâ Rejectione DIVINI SOTERIS & IMMANUELIS; atque in OCCISIONE ipsius FILII DEI, ut BLASPHEMI, quia Deum habere Filium naturalem & proprium, eandem Essentiam Divinam cum & à Patre possidentem, & se illum esse asseveraverat. Hæc tantarum cælestium irarum causa est, Blasphemia Sancti Israelis, Rejectione Jehovæ Justitiæ nostræ, & Trucidatio Domini gloriæ. Non exaudiuntur quotidie orantes Deum, non quia veram Nominis Jehovæ pronunciationem hodie ignorant, uti Rabbini nugantur. (10) Sed quia manus ipsorum pollutæ sunt sanguine Filii Dei & cælestis Regis sui, quem infano clamore

(10) Theod. Haksplanus in Sylloge Disp. de Nom. Dei Disp. 1. §. 57. ait. In Libro Jalkut ad verba Psalm. xci. 14. *Exaltabo eum quoniam novit Nomen meum*, sic commentantur: מפני פה ישראל מהפלי'ם כעלם דמה sensus est: ut quid Israelitæ orant in hoc seculo, nec tamen exaudiuntur? ea de causa quod ignorant Schem Hamme-phorasch (nomen יהוה) Veruntamen seculo isto felici futuro (nempe Messiae) Sanctus Benedictus ille (Deus T. O. M.) hoc ipsis (de integro quasi) revelabit; uti dictum est. Esai. lxi. vs. 6. Propterea cognoscet populus meus nomen meum. Tunc orabunt atque exaudientur, uti mox sequitur (Scil. Psalm. xci. 14.) *Invocabit me & exaudium cum &c.*

Matth.
xxvii. 25.

more ac furore sibi & liberis suis imprecati sunt, clamantes, SANGUIS EJUS sit SUPER NOS & super *Filios nostros*. Supplicium pro hac cæde luunt, Christique Filii Dei sanguine respersi commissa piacula solvunt, ut verè PRUDENTIUS. Ignorant quidem esse Dominum gloriæ; sed propriâ culpa suâ. Erat enim ignorantia voluntaria prorsus & facile superanda ex Doctrinâ Moïsis & Prophetarum, atque adeo affectata hæc ignorantia culpam augebat potius quam minuebat. Remissum hoc est peccatum quidem Electis illis ovibus perditis Domûs Israel, quando in cruce Filius orabat. „ Pater condona ipsis., nesciunt enim

Luc. xxiii.
31.
Vide Lip-
man apud
Schott-
num p. 92.

„ quid faciunt: neutiquam verò hoc Genti Universalæ pravæ & incredulæ condonatum est. Eadem ergo Sententiâ Cælestis Curia, quâ Judæi ad Occisionem, & Dispersionem, atque ad perpetuum hoc Exilium damnati sunt; Jesus noster crucifixus declaratus ac definitus est, Verus Messias & Filius Dei proprius ac Unigenitus, non se-

Rom. i. 3, 4.

cundum carnem sed secundum Spiritum Deitatis suæ Sanctissimæ æternum, atque adeo à crimine blasphemiae absolutus est. Sunt adeo TESTES

Aug. in Ps.
lix. 12.

Judæi hodie & INIQUITATIS SUÆ & VERITATIS NOSTRÆ, atque ideo NON PERDUNTUR., ne Fides Christiana hisce veritatis suæ indubitatis Testimoniis unquam destituatur in Terris.

Hæ sunt causæ A. Conservationis Miseriorum Judæorum & cur tenacissimis hisce Captivitatis Romanæ Vinculis detineantur in hunc usque diem. Vident Effecta Judæi, sed stupent ad Causas. Ho-
mines,

mines, inquit, præpollentes, eorumque malitia & dominandi libido, calamitatum nostrarum perseverantium Causæ sunt. Sed Ipse Romanorum Imperator apud PHILOSTRATUM fateri coactus fuit, se Deo iram demonstranti suas commodasse manus. „ Quis exponit proculcationi „ Jacobum, & Israelem diripientibus, nonne Jehova? cui peccarunt. Peccata itaque nostra, ajunt porro, huic ingenti iræ Divinæ obnoxios nos reddunt. Sed quænam peccata? Sabbata observant, idola non colunt, Molocho liberos non comburunt, imo modestius nunc vivunt quàm olim, & tamen atrociores luunt poenas. Verùm id quod sequitur A. omnem dementiam ac impietatem superat. Dicunt enorme hoc suæ gentis delictum esse, quod unus ex eâ fuerit, qui SE DEUM ESSE DIXIT. Hoc nefandum Crimen à Deo prævisum Fontem esse volunt omnium malorum posterorum Adami; & hoc Crimen perpetratum à Jesu Nazareno, ex Judæorum gente, hujus miseriæ causam esse clamant. Quasi verò non plures extitissent mortalium stultissimi qui pro Diis haberi voluerunt, quorum tamen vesania tantorum in gentibus malorum causa non fuit. Et quoniam Judæorum Proceres sui officii esse rati sunt, blasphemiam istam extremo crucis supplicio punire, & cum turba ipsa cum indignatione clamaverit, *Tolle, Tolle, Crucifige, Crucifige*: quænam Justitiæ Divinæ ratio permetteret, ut tam duris dirisque poenis involverentur ii, qui nullo modo sceleris ejusdem consortes

In Vita A-
pollon. Lib.
v. C. XIV.

Jes. XLII.

²⁴

Christ.
Schotan. in
Vindictis
Christ. Ver.
Cont. Jud.
p. 83, 84

Job. XIX.
¹⁵

fuere, sed illud animo ore & opere omni detestati sunt? Verum ut dicam quod res est; Non Fecit Se Deum ô Judæe! sed prodigiosis operibus Se Divinum Liberatorem comprobavit. Inaudita Miracula ab ipso patrata, Resurrectio ejus ex morte, Gentium Conversio, Hostium Judæorum Dispersio, Urbis eorum incensio, altâ voce clamant, Jesum iniquissimo judicio ut blasphemum esse condemnatum, verè ipsum esse Deum, Deique Filium naturalem & æternum; clamant hoc, inquam, æque ac frustra tentata Templi postea per Julianum restauratio ac miraculosa operis incepti disjectio; ab ipsis gentilibus observata; quæ Judæos vel invitos tunc temporis coegit fateri JESUM esse DEUM. Miræ profectò cæcitatibus suæ dant documenta Judæi, quando negant Deum decere, in assumpta carne manifestari, atque pedibus suis terram promissionis obambulare, quem toties Patres eorum, variis corporeis formis indutum, conspexerunt ludentem in orbe terrarum, atque colloquentem cum ipsis audiverunt, ac oracula de futura sua incarnatione quandoque fundentem. Nonne Prophetæ uno ore testati sunt, Messiam fore Filium Dei, Deum fortem, ac Jehovam ipsum? Quia scilicet nuda creatura non potest æquivalens pro infinitis peccati poenis cœlesti irato judici pretium persolvere; ideo ipse Magnus & Dominator Jacobi ex Jacobo etiam nasci debebat, ut cum proprio suo æternique valoris sanguine tanquam idoneus sacerdos ad Deum accederet, eum placatu-

Socrates
Hist. III. C.
x. vel xvii.

Jer. xxx. 21.

caturus, quem nulla unquam brutorum, nulla hominum, ipsorumque primogenitorum filiorum eruenda sacrificia placare potuerunt. Sed hoc peccati vel minimi meritum, hanc tremendi Numinis Sanctitatem, hanc denique DEI JUSTITIAM, *Rom. ix. x.* peccatori necessariam, ignorarunt, teste Paulo, & ignorant etiamnum & protervè rejiciunt perditissimi Judæi.

Quando perditissimos appello A. nolo dicere *Rom. ix.* Deum in æternum abjecisse populum quondam suum. Absit! Cecidisse Judæos non excidisse *Cunæus:* certum est. Fulgebit illis quoque iterum Lux sua. Recordabitur aliquando Deus Foederis *Levit. xxv. 44, 45.* priscorum. Mortui illi reviviscunt olim, & exhibunt *Ezech. xxxvii. 1. -- 14.* ex sepulchris suis. Uti nunc magnus est dies ISRAEL dispersi populi per judicium Dei perdurans, ita & magnus erit per eorum Conversionem futuram, stupenda Dei bonitate ac potentiâ efficiendam, quando in loco dispersionis præsentis iterum miserebitur Deus LO-RUCHAMÆ, & *Hof. i.* dicet LO-AMMI, populus meus es tu. „ Sedebunt quidem multis diebus Filii Israel, si „ ne Rege, sine Principe, sine Sacrificio, sed „ ultimis temporibus quærent Jehovam Deum „ suum, & Davidem Regem suum, & pavidè „ accedent ad Jehovam & ad bonitatem ejus. Hoc MYSTERIUM appellavit meritò magnus gentium Apostolus; quia solâ Dei revelatione notum *Rom. xv.* est; multorum fidem & expectationem superabit; Modus & Media Ejus non sunt curiosè rimanda; quia denique Tempus ejus occultum hæc-

hactenus est. Nondum plenitudo gentium introiit. Lento gradu procedit Euangelii Prædicationis. Progressum tamen aliquem fecit ante pauca secula apud Indos & Americanos. Inde plures & majores speramus indies, ut tandem omnes populi, nullo planè excluso, ad fidem Crucifixi Messiae lætis successibus invitentur. **DUE PARTES** reproborum Judæorum, qui post decedentes alios nascerentur continuò, in animà pariter & corpore periturae sunt. **TERTIA** verò **PARS**, postremis temporibus victura, convertetur, ut vivat, & fiat iterum Dei populus juxta Illustre **ZACHARIAE** vaticinium. (11) Unde etiam colligi potest, non tantum temporis à conversione illà
Ju-

Cap. XIII.
8, 9.

(11) Verba Oraculi Zachariae Cap. XIII. 8. ita sonant. *Et erit in omni terra, Dictum Domini, Partes duae* (Hebr. **שני חלקים** *os Duorum* coll. Deut. XXI. 17. 2. Reg. II. 9.) *in ea excidentur, expirabunt: & tertia re-
linquetur in ea.* Ubi hoc certum esse puto, quod *duae* hae partes, in omni terra excidendae ac expiraturae, sint partes Gregis istius dispergendae post occisionem Pastoris Messiae. Sic enim dicitur vs. 7. *Percute pastorem & dispergentur grex.* Similiter certum esse autumo, quod hic grex sit grex Judæorum, cujus Pastor fuit Christus *Zach. XI. 4. Matth. XV. 24.* In illo grege verò dispergendo erant tunc temporis paucissimi Electi per fidem in Crucifixum salvandi, de quibus vs. 7. *Fit convertam manum ad parvulos* coll. *Matth. XXVI. 31. 32. XXVIII. 7.* De reliquis incredulis Judæis, magno numero per omnem terram dispergendis, ait porro Oraculum: *Partes duae in ea (omni terra dispersionis) excidentur, expirabunt.* Notandum hic est, Judæorum incredulorum ac per Romanos disperforum multitudinem in duas distinguere *Partes*, non quia moribus aut fatis foret distincta pars una ab alià coexistente, sed tempore. Non coexisterent itaque hae partes simul in omni terrâ dispersionis suae, verum una post aliam existeret. Unde & duplex fortè adhibetur Verbum, *excidentur, expirabunt.* De Tertia seu Ultima parte dicit Dominus, *relinquetur in ea*, id est, communem cladem evadet, atque à praesentanea nece erepta vitae quasi restituetur, ac in eâ conservabitur. Quod tum in sequentibus
latius

Judæorum effluxurum esse usque ad finem mundi, quantum quidem ab Excidio Gentis per Romanos effluxit, & ad illam expectatam & desideratam eorum Resipiscentiam hætenus restat futurum.

Hæc verò Electorum Judæorum conversio. (12) Causa est quoque quare hætenus non est deleta tantopere & tam diu afflicta Natio. Hoc Cap. VI. 13 JESAIAS in laudato modò oraculo disertè significavit.

latius exponitur vs. 9. ubi promittitur *Lo-Amni*, quòd iterum sit futurus *Dei Populus*, nempe in ultimo dierum. Non opus est ut partes hæ plane cogitentur æquales, attamen aliqua heic statui debet proportio. Prima pars videtur dudum expirasse. Altera nunc quotidie moritur ac perit in æternum. Vivimus enim in altero post Christum millennio. An Tertiæ Partis conversio demum in tertio millennio fiet, affirmare pro certo non ausim.

(12) Non desunt Judæi, qui contendunt semen Abrahami comparari *Arenæ* quæ in *littore* est, *Gen. xxi. 17.* quia causa est cur irâ Dei non perdat mundus impius; sicuti arenosa littora obstant quominus vastum mare terram inundet, dum efficit ut conterantur & retrorsum redeant elati atque feroces fluctus ejus. Vide *Phelippæum* in *Hof. i. p. 242.* Quod ferri posset; si ad *Messiam*, Semen illud Abrahami, in quo benedicuntur omnes gentes, respicerent, de quo ipsi Talmudici in *Massechet Sanhedrin* dicunt, propter Messiam mundum esse conditum; saltem si *Semen Electum*, ultimis temporibus convertendum, intelligerent, quod juxta *Jesaiam*, in Oraculo adducto, gentis hodie dispersæ *Fulcrum* est. Sed quia de Carnali Semine hoc capiunt Vanitatis ac Superbiæ Judaicæ insigne edunt specimen. Ad *Numerositatem* Seminis Abraham referendæ sunt Comparationes Ejus, cum *Stellis cæli* *Gen. xv. 5. xxi. 15. 17.* & cum *pulvere terræ* *Gen. xiii. 16. xxviii. 14. Num. xxiii. 10.* & denique cum *Arenâ maris* *Hof. i. 10.* æque quæ in *Littore* *Gen. xxi. 17.* ac quæ in *fundo* est *Gen. xxxii. 12.* Si verò velint Judæi præter hanc numerositatem aliud quid etiam significari, id erit; quòd *Semen Electum* instar stellarum cæli sit futurum lucidum ac cæleste; sed quòd *Carnale tantum Semen*, copiosum non modò, sed etiam per totum orbem dispergendum, aridum ac intæcundum sit futurum, imo pedibus gentium ubique terrarum conculcandum.

„ cavit. Sicut in Ilice & Quercu, quæ est **בשלכת**
 „ in DEJECTIONE (ita ut vel ipsa dejiciat folia, vel
 ita ut securi percussa ab hominibus violenter de-
 jiciatur, solo trunco in terra residuo) est adhuc
 „ CONSISTENTIA (statumen, fulcrum) ita SEMEN
 SANCTUM, Electum scilicet ultimo tempore con-
 vertendum, FULCRUM ejus, populi dispersi &
 occaecati, ERIT. Conservat ergo Deus gentem
 hanc, ut convertat aliquando Electionis in illa re-
 liquias: quod tam certò fiet, quàm certum est
 hodie perdurare in terris Judæos internecone di-
 gnos.

Deut.
 XXXII.

Ex Dictis itaque meritò concludimus A.
 ADMIRANDAM PLANE ESSĒ HANC GENTIS JUDÆORUM
 CONSERVATIONEM. Luce enim meridiana clarius
 Testimonium perhibet cunctis mortalibus, de
 Dei Existentia & Providentia æterna ac tempo-
 rali, de Divinitate quoque S. Librorum Mosis &
 Prophetarum, & simul de indubitata Veritate
 Religionis Christianæ.

Utinam Judæi animum tandem adverterent ad
 FINEM SUUM, & Excidium per Romanos ulti-
 mum & interminabile, in quo est certissima de-
 claratio Jesum Crucifixum esse MESSIAM, ac IM-
 MANUELEM promissum, ac JEHOVAM JUSTITIAM
 nostram! Utinam verà Fide reciperent tandem
 illum: ut SUMMUM PROPHETAM, qui hæc tristis-
 sima illorum Fata sæpius illis prædixit: & ut U-
 NICUM illum SACERDOTEM secundum Ordinem
 MELCHISEDECI, cujus Sacerdotium cum illo Aaro-
 nico umbratili consistere nequit; quare Tem-
 plum

plum cum Urbe æternis ignibus conflagrandum tradidit: & denique ut REGEM Tzijonis æternum ac cælestem, quem gentes adorant & colunt; ne diutius NUTANTIBUS LUMBIS & DORSO INCURVATO, ut est in Oraculo Psalmi, incedant, terrenumque aliquem Regem Messiam desiderent, & à cælesti illo oculos ac animos avertant! Uti-
Pf. LXXIX.
nam tandem spes illas vanissimas deponerent de reædificandis Hierosolymis, de Templo quodam Tertio Levitico extruendo, & restituendo cultu Levitico, atque de Reversione sua in terram Cananæam, ut Terram suam! Tunc enim revertentur in Terram suam, & tunc vivent & habitabunt in Canaan: quando Christi crucifixi per fidem proprii fient, & Regnum Filii Dei suscipient, Regis gloriæ, cujus est universa terra: Quando fidei pretiosæ istius in Christum Sponsorem & Filium Dei æternum, quæ olim tradita à Prophetis fuit in solâ Cananæâ, consortes erunt: Quando fruentur gratiosâ Dei præsentia, per Spiritum fidei effusum in corda eorum, qui olim intra Cananææ terminos coarctabatur: Quando denique utentur cum gaudio illis salutis Mediis, quæ omni Frumento Musto & Oleo Cananæo longè sunt præstantiora, & sub his vocibus per Metaphoram sæpe promissa: Quando tandem admittentur ubique ad Officia, Honores, & Magistratus Politici & Ecclesiastici Munera, nec amplius pro peregrinis habebuntur. Certè omnia Prophetarum Loca quæ de Reditu Judæorum in Cananæam, Messiaë temporibus futuro,

loquuntur, de non alio Reditu intelligenda sunt; quàm de Spirituali per Conversionem ad Religionem veri Israelis, vel etiam Analogico, qui aditum ad Honores civiles illis aperiet.

Quis nostrum A. ubi tam perspicuè impleta videmus quæ de Gentis Judaicæ Fatis prædicta continentur in Sacris Literis, Deum Futurorum Præscium, Mundique Gubernatorem Sapientissimum ac Potentissimum, Legislatorem æquissimum ac omnium Judicem non agnosceret? Quis Nostrum tremendas Numinis iras in gentem hanc ingratham, superbam, incredulam tantâ copiâ effusas usque in hunc diem, non metueret, & festinato Fidei & Resipiscentiæ studio non averteret? Quis Nostrum denique Scripturam Sacram V. & N. T. non reverenter habeat, cujus divina origo, tot argumentis, & tot testibus, quot sunt Judæi hodie, comprobata est? Quis Nostrum denique ferret Homines inter Christianos Judaizantes, qui Deitatem Veram ac Summam Jesu Nostri Crucifixi negant, vel etiam Filium eum esse Dei Patris æternum ac naturalem inficiantur, aut illud Mysterium cognitu ad salutem necessarium cuniculis oppugnare instituunt; cujus Veritatis tam evidens est demonstratio in Judæis, qui *Deicidii* in Christo commissi, & Paternæ impietatis in Filium Dei debitas poenas per tot secula tulerunt? Credite A. Mysterium hoc Deitatis Christi, sine quo salus nostra tuta esse nequit. Exosculamini Filium, atque adorete Crucifixum nunc in cælis Regnantem. Minus certè pecca-

peccaverunt Crucifigentes in Terra ambulantem
 Judæi, quam peccant hodie, qui contemnunt *Auguſt. in*
 in cælo ſedentem Chriſtiani. Sperate firmiter *Pſ. LXIX.*
 gentis nunc occæcatae converſionem futuram, &
 ex iis quæ prædicta fuere & impleta, ea que re-
 ſtant implenda, per eoſdem Vates infallibiles ſi-
 militer prænunciata, ſine dubitatione ventura
 credite atque expectate. Deplorate, ad imita-
 tionem Domini plorantis olim calamitates hæc
 Hieroſolymæ obventuras, Judæorum hodiernum
 verè ærumnoſum ſtatum, qui non transgreſſione
 Legis ſolùm, ſed & ejus intempeſtiva observa-
 tione Deum quotidie magis exacerbant. Pro-
 movete tandem omnibus viribus, pro vario ſta-
 tu veſtro, converſionem illorum. Non ſunt eji-
 ciendi ſed tolerandi Judæi, nec cogendi ad Sa-
 cra noſtra, ſed Humanitate & inprimis vitæ San-
 ctitate ſuaviter invitandi ac alliciendi, nam ſi
 quæſtus amore vel poenæ terrore moti ad Chri-
 ſtum accederent, repulſam ferrent. Romana
 Curia cogit Judæos ut Romæ ſingulis Sabbatis,
 definito numero, concionibus in templo quo-
 dam habendis à Monacho quodam Dominicano
 interſint: ſed quæ compositæ ſunt ad riſum ex-
 citandum potius, & ad Judæos exagitandos quam *Wagenſeil.*
 ad eos convertendos, quoniam ſi converteren- *Tela Ign.*
 tur omnes, Romanæ Curiae redditibus multum *Sat. in*
 decederet, ut quæ gravioribus Tributis Ju- *Præf. p. 90.*
 dæos onerat quam Chriſtianos. Longe pruden-
 tius proſectò & Chriſtianè magis Noſtri Proceres
 & Civitatum Magnarum Magiſtratus agunt, ab
 Sſ ſſ 3 ejus-

ejusmodi Hypocrisis & Avaritiâ Romana alienissimi.

Quod reliquum est Aud. pia & ardentia Vota concipite mecum pro salute Gentis, quæ tam diu temporales, easque gravissimas, imo & æternas Numinis læsi iras sustinuit. Tu Deus Abrahami, Isaaci & Jacobi recordare tandem Foederis & populi quondam tui. Condona ipsis Crimen Læsæ Majestatis Divinæ Filii tui. Tolle clementer & potenter operculum illud cordibus illorum per tot secula impositum, ut videant Crucifixum Dominum, finem Legis suæ & tuæ? Erige rursus illos, qui tanto tempore nutantibus lumbis & dorso incurvato incesseverunt, ut oculos tandem ad cælum tollere, ac Dominum Nostrum ad dextram tuam sedentem intueri queant, ac pavidam coram eo procumbant, ejusque gratiam implorent. Veniat cito & nascatur in diebus nostris aut Filiorum nostrorum Semen illud Sanctum & Electum, quod nunc est Fulcrum impiæ gentis. Severitate tuâ confractos ramos infinitâ misericordiâ inferre rursus radici suæ. Congrega dispersos tuos ab extremitatibus terræ, ut accumbant cum Abrahamo, Isaaco, Jacobo Patribus eorum in Regno cælorum; quando Fides Sanctorum tuorum crescet, impietati os obstruetur, & gloria Jesu Christi Filii tui, ac Regni ejus in Terris, valde augebitur, in cælis consummanda!

D I X I.

**JOHANNIS WESSELII,
ORATIO FUNEBRIS**

I N

O B I T U M

MAGNI THEOLOGI

JOHANNIS MARCKII,

**PHIL. ET THEOLOGIAE DOCTORIS, HUIUS-
QUE UT ET HIST. ECCLES IN ACADEMIA
LUGDUNO - BATAVA PROFESSORIS
LONGE CELEBERRIMI, NEC NON
ECCLESIAE IBIDEM PASTORIS
VENERANDI.**

Dicta Publicè

**EX RECTORIS MAGNIFICI ET SENATUS
ACADEMICI DECRETO.**

A. D. XV. Februarii, Anni MDCCXXXI.

.....

.....

.....

.....

JOHANNIS WESSELII, ORATIO FUNEBRIS

I N

O B I T U M JOHANNIS MARCKII.



Conspicitis me apud Vos dicentem
moesto vultu, luctuoso amictu, a-
tris & infortunatis his insignibus in-
dutum ad Vestram meamque cala-
mitatem deplorandam. Nihil hîc
fucatum, nihil simulatum, nihil-
que ad imitationem effectum est; sed cuncta animi,
magnitudine jacturæ vehementer cruciati, certissi-
ma sunt indicia. Amisi Ego Cognatum Honoratissi-
mum, Præceptorem quondam sapientissimum, A-
micum postea integerrimum, Socium in Munere
jucundissimum, imo alterum in terris Patrem di-
lectissimum, meique amantissimum. Amisit Aca-
demia fulgentissimum sidus ac ingens decoramen-
tum suum; in Cathedra doctorem dextrimum

Tt tt

ac

ac indefessum ad extremum vitæ suæ senilis habitum; in Senatu Consiliarium, primum, consideratissimum, prudentissimum, longo rerum usu experientissimum. Amisit Ecclesia Fidei suæ pretiosæ Defensorem strenuum, hostium suorum Terrorem, Oraculorum Divinorum Interpretem solidissimum, Pietatis infucatæ & priscae simplicitatis ac probitatis Exemplar Optimum, Pacis Fraternalis Studiosissimum, Schismatum ac Schismaticorum Nominum Osorem Infensissimum, Ordinis Boni observantissimum, in Conventibus denique Ecclesiasticis Cynosuram illam fidissimam, ad quam Juniores pariter ac Seniores Symmystæ, in rebus majoris momenti ac dubiis, suffragia laturo & decreta condituro jugiter respiciebant. Amisimus MARCKIUM Nostrum, Magnum verè Theologum, si vastam ejus Eruditionem, stupendos Labores, Scripta innumera ac elaboratissima, si Discipulorum, ex Belgis, Germanis, Helvetiis, Hungaris, Polonis, Gallis, Britannis, quos formavit ad sapientiam cælestem, ingentem multitudinem, ac Nominis per Orbem totum Celebritatem consideremus.

Tot inexhaustæ Doctrinæ fontes, tot acerrimi ingenii amœnitates, tot benignissimos Naturæ pariter ac Gratiae Divinæ Flores, tot fecundissimi Animi Lumina, tot facundissimi Oris Flumina, tot annorum exploratas & probatas Virtutes, dies una, una hora, unum momentum abstulit!

Hinc omnium Bonorum gemitus illi. Hinc demissi ac lacrymosi Filiorum vultus. Hinc ille animi mei perturbatio. Ob quam sanè major mihi venia

nia debetur, si tanta pressus sollicitudine, in tanta Orationis paupertate, minus adsequi potero, quod opto, Magni Viri laudes recensere. Quibus etiam imparem summum quemlibet Oratorem arbitror, quantumvis Animi Constantiam & Orationis Copiam attulerit. Non eget laudibus nostris Defunctus, qui dum vixit, laudum suarum tam multa & tam egregia Monumenta erexit, in æternum duratura, ut secutura ætas nunquam, etiamsi vellet, Ejus oblivisci queat. Itaque non profusè enarrabo laudes Incomparabilis Viri, satis notas, nec una hora referendas; sed ut Moribus antiquis, & Decreto Senatus Academici, ac Hæredum Voto, meoque Officio satisfaciam, Historiam Vitæ longævæ & præclaræ dabo brevem, ejusque notabiliores Casus modò exponam, ut habeat quod æmuletur, quod miretur fera Posteritas. Sequar autem quoad rerum capita ipsam Defuncti narrationem, quam ad annum ætatis suæ 30. pertextam nobis providè reliquit; cætera Ejus Fata, & Acta per XLV. annos adhuc reliquos, ex Libris Ejus editis, Hæredum suppeditatione, atque ex iis quæ ipsemet, multorum Testis, in memoria habeo, fideliter exponam.

Natione FRISIUS fuit, cui genti ingenia læta, acria, amæna tribuit UBBO EMMIUS: quæ si doctrinæ studio se dedant facile ad summam eruditionem perveniunt, ac in suo genere excellunt. Hoc semper etiam pro laude habuit Defunctus, quod ex Frisia ingenua, candida, liberâ, nulliusque rei magis ac servitutis impatiente, prodierit, nec unquam dulcissimæ & laudatissimæ Patriæ oblivisci penitus potuit.

Nativitatis Locus erat SNECA, urbs in Frisia haudquaquam minima, & antiquitus, hodieque multis, se supra alias vicinas commendans; quæque gloria- tur splendidissimis Nominibus; excelsisque Ingeniis, quæ produxit, aluit, fovit, apud BERTIUM & WINSEMIUM, aliosque memorata, quibus nunc merito addere illa potest MARCKIUM suum, qui plus gloriæ & splendoris urbi patriæ conciliat, quam ab ipsa accepit.

Pater Ejus fuit WILHELMUS à MARCK, Vir literis variis haud leviter imbutus, moribusque gravissimus. Natus is erat Groningæ Anno MDCXXIII. Patre CORNELIO à MARCK, Viro Mercatore, origine Dordraceno, & Matre BARBARA ARNOLDI; Filiâ ARNOLDI ARNOLDI Tribuni Leovardensis, & IDÆ, filiæ WILHELMI BRAS, in initio Reformationis apud Leovardienses & Groninganos reformatæ Veritatis Præconis, Atavi mei quoque: quæ IDA, expleto propemodum octogesimo ætatis anno, superioris seculi anno LIV. grandæva obiit. His parentibus orta BARBARA, & brevi conjuge dilecto privata, Groningæ sedem fixit, ubi & filium WILHELMUM enixa est. Matrona ea, ut erat prudentissima, pietissima & longe supra communem sexus sortem vigilantissima, ita & filium WILHELMUM Unigenitum suum enixè diligebat, Eumque ut Ecclesiæ Dei inserviret, liberaliter in studiis educabat. Nec tantum in Groninganâ Academia maximis eum Præceptoribus commendavit sed & Bremam, Harderovicum, Franekeram transmisit ad ulteriorem studiorum profectum. Quæ res eum habuit successum,
ut

ut non tantum solidam Theologiæ Cognitionem afsecutus fuerit WILHELMUS, sed & in Literis ac Philosophiâ consummatus audiverit. Unde vix se ad Ministerium sacrum, Classicali Examine cum laude defunctus, præparavit, quin mox speciali divinæ Providentiæ Virgulâ, à Snecanis ad scholæ suæ hand incelebris eo tempore Rectoratum vocatur. Quem accipere Ille, iteratis invitationibus, ferme cogebatur, & quem acceptum ita Ille ornare studuit, ut, sepositis studiis Theologicis, Literis totum se daret, præscissis, quæ postea offerebantur, Ecclesiasticis Vocationibus, ratus se in hoc vitæ genere & Rempublicam & Ecclesiam summopere posse juvare.

In hoc Frisiæ oppido constitutus Parens Defuncti nostri, in tori Sociam elegit MARGARITAM, re & nomine talem, Filiam Celebris Theologi JOHANNIS CLOPPENBURGII, (qui biennio ante, post Ministerium in florentissimis Belgii urbibus, inter quas Amstelodamum, cum applausu exercitum, Professione etiam Theologicâ in Harderovicena Academia defunctus, in Franekerana Professione obierat) & ELISABETHÆ BESSELS, Matronæ ex Celebris Amstelodamensium familiâ ortæ.

Ex hisce Parentibus natus est Noster JOHANNES MARCKIUS, juxta stylum Gregorianum x. Januar. MDCLVI. sed ultimo die anni MDCLV. juxta vulgarem Epocham ac Calendarium Julianum, quod tunc sequebantur Frisii, & Calendis Jan. MDCLVI. sacro Baptismate tinctus est ab HERMANNO DE LESPIERE, Ecclesiæ Snecanæ Ministro, & Nomen JOHANNIS

ipsi datum fuit, ex voto superstitis tum AVIÆ ELISABETÆ BESSELS, in memoriam AVI JOHANNIS CLOPPENBURGII. Annus hic uterque & LV. & LVI. superioris seculi ob sævientem in multa hominum millia pestem, Belgis aliisque Europæi orbis incolis lamentabilis admodum fuit, & luctificus quoque ædibus Paternis, quas invasit etiam Pestis, ac uxorem Marito, Matrem tenerrimo infanti 27. Julii MDCLVI. abstulit. Qui casus, ut acerbissimus Parenti erat, ita & infanti molestissimus, quia tum nulla Nutrix sana, beneque valens ad manus erat, cui ille committi posset. Sed tutus erat Infans sub alis Providentiæ, ad amplissimos Ecclesiæ usus destinatus. Hæc causa fuit, quod Vitam a Deo acceperit, nec fulmine pestifero Matrem lactantem feriente, infans vitam amiserit. Pro qua benignissima cælestis Patris curâ perhumiles Deo gratias agentem Defunctum nostrum ex hoc Loco ante 29. annos audivimus.

Ita Matre orbatus infans Maternæ AVIÆ ELISABETÆ BESSELS, ac materteris adhuc Virginibus committitur, à quibus Franekeræ educatus est usque ad AVIÆ mortem. Post quam à Patre revocatus ac ædibus Paternis redditus est, nactus ibi Matris loco optimam Aviam paternam BARBARAM & Patrem summo opere diligentem, qui curam summam habuit ut filius unicus in pietate, modestia, & timore Domini educaretur ad Ejus gloriam & Ecclesiæ ædificationem, quam unice intendebat pius non minus quam eruditus parens. Hinc Filiolum in primâ mox ætate literis vernaculis legendis scribendisque im-

imbuendum tradidit, ut etiam quinto ætatis anno accuratè satis legere, ac literarum formas non inconcinne depingere potuerit. Hinc etiam ad literas primum Latinas, post & Græcas ipsum applicuit, ac in iis optatos progressus pro ratione ætatis semper cum Voluptate observavit. Unde etiam majorem domi quotidie in filio informando diligentiam adhibuit, atque hic ad Patris scholam undecimo ætatis anno promotus fuit, indies ad Academica studia maturescens. Sed ecce tristissimum casum! Dum in elegantiss Græcæ Latinæque Linguae, in Rhetorum flosculis, in Oratoriis declamationibus, in Poëticis lusibus, in Logicorum subtilitatibus plenius a Parente esset instituendus; Hic, jam inde a plurimis annis Vir tenerrimæ valetudinis, præmaturâ morte ipsi præripitur 16. Sept. MDCLXVII. relicta illi sola Avia Paternâ, quæ ad annum MDCLXXVII. superfuit, & cujus prudentiam, vigilantiam, pietatem, ac morum insignem dulcedinem ille semper magnopere laudavit. Haud exiguum equidem inexpectatus hic Casus sufflamen studiis ejus iniecit, sed continuata industria, atque accedente Novi Rectoris manuductione, factum tamen est, ut cum honestissimo testimonio ad Academiam Franekeranam admissus sit, & Studiosorum albo inscriptus, a Clar. Viro D. ABRAHAMO DE GRAUW, tum Academiae Rectore, anno ætatis suæ decimo quarto, circa calendas Februarii MDCLXX. Franekeræ primum annum & sequentem integrum publicè impendit Philosophiæ, atque aliqua ex parte Mathesi, privatim verò tum Poësi, tum literis Græcis,

cis, tum etiam Historiarum studio, sub Manuductione Cl. WUBBENA Phil. Prof. Avunculi Ejus, qui Viduam Cl. Wissenbachii, filiam Cloppenburgii in uxorem duxerat. Atque mox anno secundo perfectuum suorum in philosophicis egregia specimina dedit publicis Disputationibus, de Loco, de Fontibus, Aliisque materiis Physicis, ab ipso conscriptis, & masculè defensis. Tertio Anno Academico ad studia sacra transiit. In quibus duplex ipsi contigit incommodum. Quorum primum fuit Communis Belgii Afflictio ex lævissimo Bello, quod inferebant Angliæ & Galliæ Reges potentissimi cum Præsulibus Coloniensi & Monasteriensi, & tanto cum successu, ut devictis repentè tribus foederati Belgii Provinciis, de rebus nostris conclamatum planè videretur. Hinc arma studiorum loco passim tractabantur, animum omnes despondebant, nec ullus reperiebatur, cujus animus, tum continuâ sollicitudine, tum quotidianis cladibus, tum exhaustis per extremum periculum ærariis, à seriis studiis non avocabatur. Alterum fuit malum, quod annis præcedentibus defuncti jam essent Viri Theologi Celeberrimi D. CHRISTIANUS SCHOTANUS & D. JOHANNES MELCHIOR STEINBERGIUS, a quibus magna sibi promiserat. Supererat tamen insignis Theologus D. NICOLAUS ARNOLDUS, cujus cum eruditione juncta in instituendo facilitas priora damna resarcire poterat. Inchoavit itaque hujus auspicio studia Theologica, eaque anno sequente MDCLXXIII. pressius urfit, habito etiam per aliquot Menses apud Doctorem BECKERUM, Ecclesiæ Franekeranæ tunc Mini-

Ministrum, Collegio Biblico. Eodem tempore non tantum Græcanici sermonis elegantias apud NICOLAUM BLANKARDUM, publicè Harpocrationem, privatim Aristophanem explicantem, audivit, sed & in Hebræa literaturâ se exercuit, manuducante JOHANNE TERENTIO. Atque interea temporis defensionem non tantum sustinuit thesium de Sacramentis, quos scripserat D. ARNOLDUS, sed & ipse Disputationes Theologicas binas conscripsit, unam de Peccato in Spiritum sanctum, alteram de Vita æterna. Posthæc cum Clar. Avunculo consilium iniit de promovendis alibi ulterius studiis. Groningam ipsum vocabat, præter Loci propinquitatem, JACOBI ALTINGII (defuncto jam MÆRESIO, quem verno ejus anni LXXIII. tempore in fatali lecto salutaverat) celebritas in Hebraicis studiis. Lugdunum alliciebat CHRISTOPHORI WITTICHII fama, quem Virum supra reliquos omnes æstimabat, tum ob Philosophica studia, quæ celebritatem ei conciliabant, tum ob insignes laudes, quibus ipsum cumulabat Doctor BALTHASAR BEKKERUS.

Hæ posteriores rationes prævaluerunt. Iter Lugdunense statuitur, atque Testimoniis justis a D. ARNOLDO, BLANCARDO, BECKERO, instructus Lugdunum Batavorum contendit in fine Augusti A. MDCLXXIII, ac Civium Academicorum Albo inscriptus est a Magnifico Rectore FRIDERICO SPANHEMIO. Fuit hîc ipsi Vitâ eò Jucundior, quo contingebant non modò celebriores Præceptores, sed & dulciores Amici, inter quos JACOBUS TRIGLANDIUS, PAULUS HULSIUS, postea Professores celeberrimi,

ANTONIUS KLINGLERUS, Ecclesiæ Tigurinæ postea Antistes, ADRIANUS A WESEL, HERMANNUS DE MOOR, ISAACUS ZEVENHOVEN, ABDIAS VELINGIUS, in florentissimis Ecclesiis postea Verbi Divini Præcones æstumatissimi. Ex quibus solus postremus hodie superstes apud nos est, fere octogenarius, plurimum de aliis, & hac quoque Ecclesia Leideni meritis, viva fide, & firma spe ac desiderio anhelans & expectans laborum suorum & fidelitatis suæ mercedem gratuitam & coronam justitiæ ipsi cum omnibus Christum sincerè diligentibus repositam. Collegia mox ingressus est noster Defunctus, & quidem bina (Clar. WITTICHII ad Cocceji foedus, & dictatas quasdam Theologicas Theses, Lectiones quoque ejus ad Psalmos diligenter frequentavit. Lectiones quoque Venerandi Senis ABRAHAMI HEIDANI, & ALLARDI UCHTMANNI, ut & Disputationes ANTONII HULSHI sæpius audivit. Maximè vero delectabat ipsum SPANHEMII institutio, quem publicè sedulò audiebat, & apud quem Collegia varia privatim habebat, Didactica, Elenctica, Historica. Privatim quoque domi cum TRIOLANDIO se dedit linguis, Hebraicis, Chaldaicis, Syriacis, & per feriarum intervalla in Germanicis & Anglicis se itidem exercuit. In praxi utebatur ope D. PETRI VAN STAVEREN, & præcipuè D. DAVIDIS KNIBBE, utriusque Pastoris Lugdunensis dignissimi. Sæpius quoque publicè defendit, semel Theses SPANHEMII contra Walenburgios, septies verò proprias de PANE *in molu*, & LOCIS CONVENTUM ÆTATE APOSTOLICA. Interfuit quoque Anno LXXIV. Oratio-

ni,

ni, qua Bibliothecam, mense post obsidionem solutam seculari, de novo aperuit SPANHEMIUS, & VIII. Februarii MDCLXXV. Academico Jubilæo. Cui solennitati, post 50. annos, iterum interesse ipsi, per 36. annos jam in hac Academia Professori, cum paucissimis datum fuit ante sexennium.

Ita ad pedes Celebrium Doctorum Leidenfium Confidentem, & magni ingenii rarissimæque eâ ætate Eruditionis specimina publica quotidie edentem per biennium, finem Academicis studiis imponere coegit improvise ipsi, EVERHARDI NAPPII, Amerfurtum vocati, in Ministerio Ecclesiæ MIDLUMANÆ designata SUCCESSIO. Dependebat illa vocatio a D. JOHANNE A GOSLINGA, Territorii Franeckerani Prætor, Viro non tantum Antiqua generis sui Nobilitate sed etiam Virtute & Eruditione Illustri, qui audita fama ejus præclarâ, nec Juvenilem in eo ætatem, nec Ecclesiasticam profectuum, quæ præcedere solet, Explorationem expectans, novendecim annorum Adolescentem, de facie ipsi vix cognitum, Ecclesiæ, in Territorio suo vix ulli secundæ, præesse voluit. Itaque amplissimis studiorum Testimoniis SPANHEMI, WITTICHI, HULSH, UCHTMANNI, WILHELMII, KNIBBE cumulatus Frisiam repetit, Ecclesiastico Examini se sistit, explorantur profectus Ejus ex Classis Voto a Clar. WIT-
sio, Pastore tunc temporis & Professore Franeckerano, admittitur ab Illo ad præconium Verbi publicum xiii. April. LXXV. ritè & legitime vocatur ad Ministerium Ecclesiæ Midlumanæ xxiii. Aprilis, & inauguratur solenniter ix. Maji LXXV. a Clar.

WIRSIO, & Rev. D. RENEMAN Pastore Harlingano, Avunculo meo; & initium Sermonum suorum ipso Festo Adscensionis XIII. Maji MDCLXXV. fecit.

In hac Ecclesiâ, per sesquiannum ferè, omnes fidelissimi ac prudentissimi pastoris partes implevit, & Auditorium semper per Concursum Franekeranorum & Harlinganorum Civium frequentissimum habuit. Quod una cum Gregis benevolentia & amore, Sacri gravissimi Muneris, & multiplicatarum inprimis Concionum, quibus assueta erat illa Ecclesia, molestias delevit.

Verùm intra hujus Ecclesiæ angustias Lumen ingens diu coarctari non potuit. Classicale Examen, & laudes ipsi a Cl. WIRSIO Examinatore tributæ, qui ubique cum admiratione de ipso loquebatur, effecerunt ut amici fermè omnes eum ad gradum Doctoratus in Philosophia & Theologia, ante annum ætatis vigesimum, capeffendum hortarentur. Quorum ut Votis unicè satisfaceret, non immoderata honorum cupiditate ductus, non vana sui persuasionem turgidus, Examen Philosophicum in Senatu Academico Franekerano subiit XXI. & XXII. Junii Ai. LXXV, & Theologicum XXIV. & XXV. sequentibus sustinuit, & post habitas Disputationes Inaugurales, XXVIII. Junii Philosophiæ Doctor a Cl. WUBBENA, avunculo suo, & XXIX. Junii Theologiæ Doctor a Clat. ARNOLDO renunciatus est. Fecit rei hujus novitas, ut Nobilissimi Ordinum Friuliæ Delegati Novemviri ipsi, utroque hoc gradu insignito, ante vigesimum ætatis annum, insolitum diligentia & eruditionis præmium quingentorum floren-

renorum decreverint: & ut mox de ipso ad Academicam Cathedram promovendo consilia agitata fuerint. Post unius tantum anni moram; cum annus ætatis vigesimus primus currebat, volente Celssissima Nassaviæ Principe Albertinâ, atque urgentibus Amplissimis Academiae Curatoribus, ex J. J. & P. P. Ordinum Frisiæ decreto de Tertio Theologo vocando; in Ordinarium Theologiæ Professore, in Academia Franekerana, magnis meritis, LYDII, LUBBERTI, ANTONIDIS, MACCOVII, AMESII, MEIN. SCHOTANI, BOGERMANNI, VEDELII, CLOPPENBURGHII, COCCEJI, CHRIST. SCHOTANI, VALKENIERII, STEINBERGHII, celeberrimâ, electus est xxx. Junii MDCLXXVI. ut cum Clar. Viris D. ARNOLDO, & D. WITSIO Sacram Juventutem vera & solida scientia Theologica imbueret.

Itaque x. Sept. MDCLXXVI. post ferias Caniculares Ecclesiæ publicè valedixit binis concionibus, non absque Ejus serio dolore ex discessu Ejus concepto, & xv. Sept. publicè Franekeræ inauguratus est, præsentibus plurimis ex Nobilissimis Frisiæ Proceribus, habita, summo cum omnium Auditorum Applausu, Oratione de AUGMENTO SCIENTIÆ THEOLOGICÆ, postea typis impressa.

Sic in sublimi Doctoris Cathedra collocatus viginti annorum Adolefcens, videt ad pedes suos confidentes quibuscum paulò ante inferiora discentium subsellia occupaverat, quique, quem modò Condiscipulum admirabantur, nunc cum majore adhuc admiratione venerantur Magistrum & Doctorem, summâ cum dexteritate, assiduitate, facilitate, fa-

cundia, sapientiæ cælestis flumina fundentem, & ad commoda illorum omni modo promovenda paratissimum. Hunc in finem in Lectionibus publicis & domesticis Collegiis, per sexennium, quo Franekeræ docuit, pro variante Variorum desiderio, Didacticam Theologiam ad Maresii Systema sine intermissione tradidit, & per intervalla, nunc tractavit Controversias Pontificias & Arminianas, nunc Amesii Casuisticam explicavit, nunc Epistolas Pauli ad Romanos & Galatas interpretatus est, nunc Historiam Ecclesiasticam ad Isagogen Spanhemii enarravit. Disputationes etiam quam plurimas conscripsit, postea in lucem editas omnes. Nec adversa valetudo, & languidum malum, & intercurrentes Epidemicæ Febres, postea in quartanas molestissimas degeneratæ, quibus per triennium ferè coluctari debuit, docendi & scribendi ardorem in ipso extinguere valuerunt. Ex Disputationibus illis paulò ante discessum suum ab Academia hac Patriâ publici juris fecit illas de SIBYLLINIS CARMINIBUS, in quibus stupendæ eruditionis juvenilis insigne Monumentum reperitur.

Post quadriennium ferè exactum in hac prima statione suâ Franekerana, in initio anni LXXX. superioris seculi, Groningani per Pastorem Urbis suæ Rev. D. MARTINUM ipsum invitarunt ad Professionem apud se capeendam, volebantque ut necdum solenniter vocatus se ipsis addiceret: quod cum tum respuisset, illique, præter Cl. BRAUNII vocassent Doctissimum JURII primùm, dein Celeb. HEMEGGERUM, utrumque frustra, iterum Defunctum nostrum,

strum, anno sequente LXXXI. ineunte, sollicitarunt: sed & frustra, maximè ob Frisiorum in se affectum. Anno autem insecuto LXXXII. Groningani Proceres inopinato Decreto XI. Martii Theologiæ Professore, Ordine apud se Primum, & Concionatorem Academicum ipsum dicunt, addito stipendio 1800. florenorum cum liberis ædibus, ac Tabulas Vocationis VII. Martii per Ministrum publicum transmittunt. Qui Casus tunc plane inexpectatus ipsi fuit. Frisiæ Proceres omnibus modis studebant MARCKIUM detinere; offerebant ipsi titulos majores & stipendium Groninganum, & tandem, in quo rem hæere videbant, Philosophiæ ex voto Ejus Professore a se Vocandum pollicebantur. Post seriam deliberationem, ad hæc respondebat se Patriæ suæ esse obligatum absque novis Honoribus aut Muneribus, quibus ideo generosè spretis promittebat se mansurum esse, si postremum illud de tali Philosopho vocando, quod ipsi non rogati obtulerant, ad commune Academiæ & Ecclesiæ Bonum præstaretur. Verum lenta hac in parte Procerum Frisiæ Consilia, & nimis tarda molimina effecerunt, ut se Groninganis, valde urgentibus Adventum Ejus, etiam per Missum Rev. D. GULIELMUM VELINGIUM Pastorem suum, ipsi amicissimum, addixerit, & Vocationem missam literis datis acceperit. Accebat etiam, quod Vita Franekerana, post discessum Amicissimi WIRSI, candidissimi Pectoris ac pacis studiosissimi, & post mortem Venerandi ARNOLDI, qui nemini gravis, omnibus gratus erat; ipsi ob causam non unam minus quam antea placebat,

bat, Ægre admodum dimiserunt MARCKIUM suum Frisii, doloremque suum serium de Ejus abitu, Magnamque de Meritis ejus Existimationem, Verbis & Munificentissimis factis testati sunt.

Ipsis Calendis Junii Anni MDCLXXXII. habita Oratione DE FICTA CONSTANTINI DONATIONE Academiae Franekeranae valedixit. Hæc erat quarta ejus Oratio intra sexennium recitata, post Primam Inauguralem modò nominatam, & Alteram in Obitum Celeberrimi NICOLAI ARNOLDI, & Tertiam cum Academiae Rectoratum capefferet, de COELITUM STOLLIS ALBIS, ex occasione datarum Professoribus ab Ordinibus Togarum, quando ipse primus ex Cathedra togatus Rector verba faciebat. Franekerâ itaque relicta venit Groningam, in Professoratu successurus Celeberrimo Theologo SAMUELE MARELIO, & in functione Academico-Ecclesiastica locum Clar. JAC. ALTINGII occupaturus.

Initiatus est Muneri Professorio, Oratione habita de SOPIENDIS IN ECCLESIA LITIBUS, XX. Junii Anni MDCLXXXII. Lectionum etiam mox initium fecit præsentibus omnibus Professoribus. Invenit Academiam illam, quam olim RAVENSPERGERI, GOMARI, ALTINGII, PASORES, MARELIO, WIDMARII magno studiosorum numero locupletaverant ac inclytam effecerant, ferè vastam; sed brevi tempore post Adventum Ejus videt eam florentissimam. In Collegiis non modò Privatis sed & in Lectionibus Publicis plus quam octoginta Auditores habuit. In quorum gratiam pro vario eorum desiderio ac in Studiis progressu Collegia instituit Dogmatica, Elenctica, Exe-

Exegetica, Practica, Alia. Anno Primo vix elapso augment Ill. & Potent. Gron. & Oml. Ordines honores Ejus & simul labores, Professionem Historiæ Ecclesiasticæ ipsi decernentes. Quam, Oratione Publicè habita de VETERUM & HODIERNORUM PAPISTICORUM ERRORUM CONVENIENTIA, mox excusa, aggressus est ix. Maji MDCLXXXIII. Tot laboribus obrutus voce operosa non modò docuit Juventutem sacram, sed & Scriptis evulgatis diligentiam exercuit suam, & indefatigabilem industriam comprobavit.

Hic edidit, præter EXERCITATIONES JUVENILES, ANALYSIN in JES. LIII. Exegeticam, COMPENDIUM illud THEOLOGIÆ Consummatissimum, ex triplici Editione Latinè & Belgicè simul ab ipso translatum extans in amplissimos Ecclesiæ totius Usus; nec non COMMENTARIUM in APOCALYPSIN JOHANNIS, ab æquis rerum Divinarum æstimatoribus magnopere laudatum, & avidissime exceptum, iterum quoque excusum.

Turbata fuit interim tranquillitas Ejus, in gratissima hac alias Statione Groninganâ, & haud parum molestiæ ac doloris ipsi creatum fuit ex Litibus secum habitis, quas fugere quidem, juxta seria Vota sua in Oratione Inaugurali expressa, omni conatu voluit, sed effugere haud potuit. Illustres Groningæ & Omlandiæ Ordines Defunctum nostrum Primum ordine Theologum esse jusserant. Hoc vero ægre tulit admodum Clar. JOH. BRAUNIUS, qui novum Collegam ideo plane ab amicitia sua & consuetudine alienavit, parum ut videtur tunc cogitans

Rem hanc Ordinibus imputari debere non Defuncto, qui nihil de hoc ordinis primatu præsciverat, nihil affectaverat. Hæc tamen invidiosa Contentio si non unica saltem prima & præcipua Causa fuit litium inter celebres hos Theologos Collegas ortarum. Quomodo autem se Defunctus in iis gesserit, & veritati ac charitati satisfacere studuerit, testatur Ejus NARRATIO APOLOGETICA una cum APPENDICE publicè quoque edita Groningæ.

Sed ad pacatiorem Sedem & simul altiore Stationem Ipsum transferre decreverat Divina Providentia. Postquam per octennium ferè Cathedram Groninganam exornaverat & extulerat valde, ad Splendidissimam hanc Academiam Leidensem, sapientiæ veræ & charitatis sinceræ Asylum ab Illustrissimis ejus Antistitibus, LOCO Cl. STEPHANI MONACHII vocatus est honestissime, & Muneri Professorio inauguratus, 5. Decembris MDCLXXXIX. habita Oratione de DEBITA SACRARUM SCRIPTURARUM, (quarum secundum Leges hujus Academiæ Exegetin debuit suscipere) VENERATIONE, Quà ipse Eas, si quisquam alius per totam vitam suam, in omnibus Sermonibus & Scriptis suis prosecutus est.

Hic invenit Magnum SPANHEMIUM Præceptorem quondam suum, qui paternum amorem erga seum habebat: Hic ruit in amplexus fraternos amicissimi TRIGLANDII SUI, qui mox alteram Ministerii sui Ecclesiastici partem, per legitimam Vocationem in eum translatam, libentissimè Ei concessit, ut sic partitis operis hanc Vineam Christi Leidensem excolerent. Cui Muneri Ecclesiastico initiatus est 1X. Julii Anni

ni MDCXC. Quemadmodum sic suavissimi olim Commilitonis in utroque Munere Conjunctissimus Collega est factus; sic etiam post obitum SPANHEMII dignissimum cesuerunt Eum Illustres Curatores, qui in incomparabilis illius Viri & Præceptoris quondam sui Locum sufficeretur; ad Professionem historiæ Ecclesiasticæ eum vocantes. Cui novo Muneri initiatus est IX. Jan. MDCCH. habita Oratione de CHRISTIANISMI PROPAGATI ADMIRANDIS.

In hac ergo celebratissima Academia & Ecclesia Leidenſi reliquum Vitæ Publicæ annosæ spatium per unum & XL. annos tranſegit, magno cum utriusque fructu, & ingens utriusque Ornamentum & Fulcrum existens. Cujus ſera Poſteritas non recordabitur unquam niſi cum ſummæ felicitatis Civium Academiae & Urbis Leidæ commemoratione ac celebratione.

Non opus eſt ut multis dicam Ego quomodo ſe hic geſſerit Deſunctus noſter. Vos omnes enim Teſtes eſtis, quanta cum alacritate, induſtriâ, fidelitate utramque hanc ſibi demandatam ſpartam exornaverit, & graviffimis hiſce Muneribus ſuis perfunctus fuerit. Ad ultimam uſque Vitæ ſenilis horam perſeveravit in omnibus Academicis Exerciitiis privatis, nec non in publicis Prælectionibus, quietem poſt tot annorum labores affiduos, ipſi quidem in ſummâ ſenectute convenientiſſimam, nunquam quæſivit, multò minus ſibi propria auctoritate indecenter & audaciter ſumſit. Nullo magis & ſæpius unquam incaluit hæc Cathedra quam MARCKIO Diſputatore, acutiſſimo, promptiſſimo, modera-

tissimo, nunquam non Auditores doctiores dimittente.

Et vix ullus Doctorum Virorum, qui hujus Lycei Lumina & Columina fuerunt, atque editis Scriptis suis gloriam immortalem ei conciliarunt, unquam fuit, qui prelaïmpressoria magis sudare facit, pluraque Scripta in lucem emisit, quam MARCKIUS noster. Recensui quæ in Statione priori utraque edidit. Verùm si enarrare vellem omnia quæ ab initio vitæ suæ Leidenfis, per singulos ferè annos successivè usque ad hunc diem cum Orbe Erudito communicavit, dies me deficeret; si vel Librorum titulos nominare, & multò magis, si Argumenta eorum atque selectas, præclaras, maximique momenti ac summæ utilitatis in iis pertractatas Materias tangere vellem. Pentateuchi Mosis, Cantici Salomonis, XII. Prophetarum Libros, Psalmosque Davidis Propheticos plurimos plenissimis Commentariis illustravit. Integra quoque ex reliquis Prophetis, Hagiographis, Euangelis, Epistolis Paulinīs & Catholicis Capita, & longe plura adhuc Loca notabiliora, quæ Veterum olim & Recentiorum Interpretum ingenia & industriam exercuerunt, exposuit; ita planè, ut nec nimia brevitatis obscuritatem, nec nimia prolixitudo tædium & fastidium pariat; & ita plenè, ut omnis ultra scrutandi aviditas expleatur, & post lectos MARKII Commentarios frustra quæras apud Alios, quod hîc non inveneris. Ipse Indicem Operum suorum usque ad annum hujus seculi XXVII. adjecit calci penultimi Libri sui, EXALTATIONIS JESU CHRISTI HISTORIAM ILLUSTRATAM

con-

continentis. Cui Ultimum tandem Opus Latine conscriptum anno elapso xxx. accessit, EXPECTATIONEM GLORIÆ FUTURÆ JESU CHRISTI, ex Prophetis Oraculis ad Christianam fidem asserendam & impietatem oppositam profligandam, ILLUSTRATAM exhibens. In cujus Gloriæ Capitis omniumque Membrorum ejus meditatione se magnopere oblectavit Pia Defuncti Anima, jam Cœlo propinqua, & fide certiorata, spe vivâ ac firmâ, & ardentissimo desiderio jam præoccupans coelestis istius gloriæ Possessionem, sibi cum omnibus Sanctis per Christum acquisitam ac repositam. Muneris quoque Ecclesiastici partes fideliter implevit. Non dum oblita est Ecclesia nostra Leidensis excultorum & elegantium Sermonum Ejus, quos Magna cum perspicuitate suavitate & vî dicendi flexanimâ e suggestu toties habuit; & precum illarum fervidissimarum & efficacissimarum, quas ex corde Spiritus sancti igne accenso coram throno Divinæ Majestatis toties quoque effudit.

Et quamvis vox Ejus suavissima inde ab anno hujus seculi xii. non amplius e suggestu Ecclesiastico audita fuerit; vitæ tamen verè piæ & Divino cultui devotæ exemplum gregi suo præbuit, atque simul omnes Ministerii sancti reliquas functiones, quæ ad curam & Regimen Ecclesiæ spectant, fideliter præstitit. In Synedriis & Classicalibus Conventibus assiduus, & a multo tempore Primus, sapientissimis consiliis suis Symmystas suos in rebus agendis plurimum adjuvit; Legum etiam & Consuetudinum Classicalium Collectione, Conscriptione atque in

communem usum impressione procuratâ. Quibus absque Eo careret fortè hodie, cum haud levi boni ordinis observandi detrimento, veneranda Classis Leidensis. Prætereo nunc dignitates alias; tum Academicas Rectoris Magnifici, & Actuarii Senatus, quo utroque Munere bis perfunctus fuit; tum Ecclesiasticas quas sustinuit: in quibus summam rerum Academicarum & Ecclesiasticarum peritiam non modò probavit, sed & data occasione Academiae & Ecclesiae utilitatibus plurimum prospexit.

Sic brevem dedimus Historiam longæ ac præclaræ vitæ Defuncti publicæ, nunc breviorẽ vitæ privatæ daturi. Vidimus Eum in Cathedra Academica sacros juvenes formantem feliciter in Viros Dei, & in suggestu Ecclesiastico plebem Christianam fideliter ædificantem in fide & charitate. Nunc videamus Eum in propriis ædibus, thalamisque suis domum quoque sibi constituentem.

Initio Anni LXXVII. superioris seculi dilectissima Defuncti Avia, jam octogenaria ac dierum satura obiit. Qui Casus fecit, ut de Coniuge lateri suo jungenda sermò magis cogitaverit, atque in vitæ & tori sociam petierit honeste & feliciter acceperit Virginem, genere, virtute, & venustate corporis conspicuam, HELENAM BUKHOLT, filiam JOHANNIS BUKHOLT, J. U. D. & apud Embdanos; ut ex familia Præcipua & Consulari orti, Paterni Maternique generis respectu; ita & variis Dignitatibus honorificis Defuncti, ulterius etiam sine dubio, nisi mors prævenisset, promovendi. Venerat Illa in Frisiam per secunda Matris HELENÆ a LONINGA Vota, quibus

bus hæc, dignissimis etiam & honestissimis apud Embdanos Parentibus oriunda, fidem Conjugalem addixerat D. HENRICO SCHOTANO A STERRINGA, Celebris Lugdunensis Juris Consulti Filio, ad varias Dignitates in Frisia promotæ.

Conjugium ex voto fuit consummatum solenniter in Templo Franekerano, copulante Conjuges & benedicente Celeb. Triglandio, ad diem xxiii. Septemb. Anni MDCLXXVII. Fides intemerata, Amor mutuus castus & sincerus, & Concordia summa Conjugii hujus Vincula fuerunt. Quo stante sex Liberorum parens ex Uxore dilectissima factus est Defunctus. Dum septima proles mascula, in Utero Matris exstincta, Matri, etsi foetu liberatae, post corporis angores & cruciatus stupendos, mortem, & Patri, ex acerbissima hac morte fidiissimæ Uxoris, quæ affectu verè conjugali Maritum ad finem usque complexa erat, ingentem tristitiam conciliavit, xxx. Maji Anni MDCLXXXVI. Ex sex illis natis ipsi Liberis sola superest HELENA BARBARA, nata vi. Junii MDCLXXXV, & sacrâ genitali unda manu Patris aspersa, nunc nupta amplissimo Viro ac D. CORNELIO VAN DORP, D. PETRI VAN DORP, plus semel Leidenſi Consulatu, aliisque Reipublicæ Muneribus perfuncti Filio, Juris consulto Senatori & Judici hujus Civitatis Gravissimo. Cum quo per novem annos vixit in Conjugio exoptatissimo, ex voto nostro per longè plures victura Uxor fidiſſima, in Virum & Familiam studiosissima, propter raram animi morumque dulcedinem mariti amore & omnium laude dignissima.

Post

Post iustum tempus iustissimo dolori datum & luctui, ad secundas Nuptias transiit Defunctus, & altera Coniuge ducta pensavit vidui tristitia damna tori.

Nomen hujus est CATHARINA URSINUS, Naturæ, Fortunæ, & Gratiæ inprimis Divinæ dotibus eminentissima Matrona, dulcissima & fidissima conjux, nunc moestissima vidua: cujus modestia & pietas non patiuntur ut pluribus verbis, laudes Ejus, in ipsa senectute florentis & corporis forma & animi excelsi egregiis donis, enarrem.

Pater ejus fuit JOHANNES URSINUS, JOHANNIS Pastoris Enchusani Filius, JOHANNIS Pastoris Medenblicensis Nepos; Ipse verò, dum viveret, inde ab Anno 29. ætatis suæ verbi divini Minister Rotterodamensis dignissimus, quem ob doctrinam, pietatem, facundiam, gravitatem, prudentiam, candorem, non modò æstimavit Auriacus Princeps, Rex postea Magnæ Britanniae, cui anno superioris seculi LXXVI. & LXXVII. in castris fuit a sacris, sed & venerata est ac tenerrimè dilexit Rotterodamensis Ecclesia, ac amarissimis lacrymis deflevit ejus præmaturum obitum, qui contigit in initio anni MDCCLXXXVIII.

Mater Ejus fuit FREDERICA TIMMAN Enchusana quoque, ex consulari familia ibi orta. Sororem habuit PERTONELLAM URSINUM omni nostra laude quoque majorem, per multos annos conjugem viri Amplissimi CORNELII VAN DEN BERG, sæpius Judicum Rotterodamensium Præsidis, qui hodie Octogenarius superstes anhelat Civitatem illam cælestem quæ sola fundamenta habet æterna.

Hæc

Hæc altera Conjux novem liberos Defuncto successive peperit. Ex quibus duo tantum sunt reliqui. Quinque filias in infantili ætate festinata mors rapuit. Duo filii etiam sine prole discesserunt. JOHANNES YSBRANDUS optimæ indolis Juvenis ante ætatis annum 17. fatis cessit. Primogenitus verò JOHANNES FREDERICUS, Juris Consultus, connubio optato sed haud stabili junctus Eximiæ Virgini Mariæ Vis, ex VISSIANA Enchusanorum familia Consulari, postquam varia munia obiisset, ac Civitatis Enchusanæ tribunal conscendisset, in medio ætatis flore, Patriæ, Urbi, Parentibus, Uxori ereptus est, anno ætatis xxxi. vix expleto.

Divina autem gratiâ supersunt adhuc duo, unus modo Filius, & una Filia. Filius est JOHANNES WILHELMUS, natus 3. Decemb. MDCXCI. Paternæ virtutis imago, in quo doctrina solida, modestia laudabilis & prudentia singularis de palmâ certare videntur: qui Ecclesiis binis in Frisia occidentali & Hollandia boreali, Berkhoutianæ & Assendelfensi per breve tempus, doctrina sana & vitâ sancta præluxit; abhinc verò novennio Ecclesiæ GOUDANÆ Minister fuit fidelissimus & æstimatissimus, nuper quoque ex voto parentum matrimonio junctus selectissimæ & præstantissimæ Virgini DIDERICÆ HOOGWERF. Ex quo matrimonio, prole inprimis masculâ foecundo, ut vivat MARCKII nomen in seris nepotibus ex animo optamus.

Filia vero est FREDERICA MARGARITA plurimis quoque & egregiis virtutibus, animique & corporis dotibus ornata, quæ ante paucos annos ivit in conjugales amplexus Spectabilis Viri D. NICOLAI PLEM-

PER, JCTI, cujus majores ab antiquis temporibus inter bene natos Rhenolandiaë nomen habuere suum; cujusque domum illa jam duobus filiis JOHANNÉ & CORNELIO beatam reddidit.

Ex hac vitæ Ejus publicæ & privatæ Historia facile colligitis A. MARCKIUM Eruditis Præcocibus adnumerari debere, sed illis, qui ad frugem venerunt, & non obstantibus continuatis imo auctis laboribus ætatem suam ad extremam metam produxerunt; secus ac in præcocibus fructibus observamus vulgo, quibus ferotini solent esse durabiliores.

In prima Adolescentia Discipulus in Academiis omnibus admirationi fuit, omnesque superavit, imo & semet ipsum annorum suorum respectu; uti uno ore Franekerani pariter & Leidenses Professores de ipso testati sunt. Clar. ANTONIUS HULSIUS fatetur se *in admirationem fuisse abreptum, videre juvenem, qui ad aperturam librorum, textus Hebræos, Græcos, Chaldaicos, Syriacos, in Linguam Latinam, ex tempore & promptissime quidem, novisset transfundere. Imo quod magis est, qui eadem promptitudine in Græcismo formationes Temporum, rationes accentuum, in Hebraismo mutationes Punctorum vocalium, in Chaldaismo & Syriasmo dialectorum discrepantias, earumque deflexiones & anomalias, tum a se invicem tum a matre lingua Hebræa, indicare didicisset, idque tanta cum ἀριτερίᾳ, ac sisti studiorum generi fuisset innutritus. Et tamen, quod magis mirum, αὐτοδίδακτος. Usque adeo, hoc addit HULSIUS, ut ex quo sacras linguas vel ipse discere vel alios docere occæpi, me in huc*
Juve-

Juveni similem non incidisse, ne quidem judæis exceptis, affirmare ausim.

In ipsis Muneris sui auspiciis tam luculenta diffusæ eruditionis dedit indicia, ut longe supra ætatem esse viderentur quæ dicebat, scribebat, faciebat. Audite judiciosissimum TRIGLANDIUM ad Effigiem Ejus, ante quinquaginta annos & ultra, ita canentem, verum vatem

Æmula Timantis veli quam cernis imago

Ora refert MarkI, sed meliora tegit.

Divinum ingenium, studii miracula, Docentis
Suadam vix orbis, nulla tabella capit.

Ista dabant quatuor peragentem lustra, Lycei
Illustres inter nomen habere viros.

Scilicet haud numerat natales Gratia; quod si
Ver hoc, quam messis prodigiosa manet!

Audite quoque Candidissimum WITSIUM, de VITA TIMOTHEI, MARCKIUM iis adnumerantem viris magnis, qui non ab annis, sed a sapientia prudentia & gravitate centendi sunt. *Nisi*, inquit, *Vivorum parcendum esset modestiæ, possem & Ego memorare aliquem, qui eadem non modo qua SADEEL ætate, sed & minori, anno ætatis XIX. Philosophiæ ac Theologiæ Doct̃or multa cum laude renunciatus, mox anno XX. Theologiæ Cathedræ in celebri Academia admotus, dignitatem Professoriam omnibus suis numeris ita tuitus est, ut Juvenes prudentia & gravitate anteiret, Senibus & qui artis nostræ Veteres erant, ingenii promptitudine ac solertia, judicii soliditate atque acrimonia, multarumque tam Linguarum quam rerum diffusa eruditione par*

Yy yy 2 esset,

esset, omnibus denique admirationi. Quæ eo a me referuntur, inquit, ut & Dei in sublimibus ejusmodi ingeniis liberam liberalitatem grati prædicemus, & nostri temporis juventutem excitemus ad æmulationem.

Fuit præterea Theologus Verus, Modestus, Pacificus, Pius, Consummatus. Theologus fuit qui ex Deo ejusque verbo semper locutus fuit. Non fuit servus hominum. Placuit ipsi aurea prophetandi libertas illa, quæ procul habeat & turpem servitutem & profligatam licentiam. Liberè dissensum testatus est suum ab iis Viris Doctissimis qui vulgares Expositiones recipiunt, sed & Recentioris Nominis veneratio nunquam tanta fuit ei, ut non modestè quoque notaverit sæpius, quæ displicebant. Non poterat tacere in Commentariis suis de Maximi Theologi glossis, ne videretur eas vel ignorare vel superbè contemnere. Aliarum sententiarum Collationem ad veri sensus indagationem utilissimam meritò statuit. In rebus dubiis determinandi temeritatem fugiens, affirmandi arrogantiam prudenter quandoque vitavit. Si quisquam alius æstimabat Ille rationis lumen ut ingens Dei Donum, sed ejus conclusiones, & ratiocinationes suas nunquam habuit pro cælestibus oraculis; ita alienus ab omni servitute dictorum humanorum, ut omnibus diffideret hominibus, & sibi quoque, soli Deo & infallibili Ejus Verbo fidem adhibens, omnemque Cogitationem suam captivam ducens in obedientiam Christi; probe sciens, quod nostra corruptio se facile misceat ratiociniis nostris, & inimica contra Christi

ſſi myſteria cogitata omnibus inſpiret. Quare nunquam ferre poterat Philoſophiam vocari Scripturæ Interpretem, per quam Prophetiæ in humanæ imaginationis ludibria convertuntur, Miracula operibus Naturæ ſolitis adſcribuntur, Myſteria fidei negantur, literalis denique Scripturæ ſenſus, ut Deo indignus, ad imitationem Origenis, periculofè ſpernitur. Hoc præterea valde ipſi doluit, verè Pacifico Theologo, Pacis Regnum ita perpetuis, & internis quoque motibus concuti: & ægre ſemper tulit diram dominandi in Conſcientiam hominum libidinem eorum, qui ſcalam ſibi ponere videntur, qua ſoli in cælum adſcendant, & intolerando faſtu ac temeritate damnabili ad ſe trahere, quod ſolius Dei eſt, nempe infallibiliter discernere inter Regnitum & Irregnitum. Quos hoc pacto ſchiſmatum periculorum fundamenta ponere, ſemper autumavit. Nunquam rixarum Auctor fuit, ſed laceſſitus nunquam etiam Cauſſam Dei & ſuam deferuit. Moleſtias & injurias ab iracundis turbulentis & contentioſis ingeniis illatas, ferre maluit quam inferre, aut ulciſci; animoſè ſpernens contumelias in opere bono laborans & cum bona conſcientia.

Credidit ipſe quæ aliis credenda ex Verbo Dei ſuadebat. Uti Eruditus fuit abſque vana oſtentione, ita & Pius fuit abſque hypocrifi. Plus ſuas infirmitates ſenſit & cum dolore ſerio faſſus eſt, coram Deo & hominibus, quam aliorum. Ita doluit deformem Tzizonis ſtatum hodiernum, ut ab altera parte ſtatum Belgicæ Eccleſiæ amœnum, per Dei gratiam in aliquibus ſaltem conſpicuum, ad gloriam

Dei agnoverit & celebraverit. Testem cito Ultimū ejus SCRIPTUM Belgicum de VERA FORMA ECCLESIAE ET JUSTO EJUS REGIMINE, AD INSTITUTIONEM & CORRECTIONEM compositum, nunquam satis laudandum; quod instar TESTAMENTI sui Ecclesiae reliquit; & in quo Fidei Ejus immotae in Christum, Pietatis in Deum, Charitatis in fratres, Prudentiae Christianae, studii Pacis, & Ordinis boni in Ecclesiae servandi, tot indicia comparent quot verba. Quodque omnibus Ministris Evangelii seriò commendamus, ut in Timore Domini secundum illas in isto scripto datas regulas, in Verbo Dei fundatas se componant, si velint ad suam & multorum salutem in Ecclesia Dei fideliter & feliciter versari.

Frustra nunc expectabitis A. me post haec omnia vel verbum amplius esse additurum de ingenio, judicio, memoria Ejus, quae vere prodigiosa fuit, reliquisque animi donis, quae ad finem usque omnium admirationem excitarunt. Loquantur ejus Scripta Senilia, quae Septuagenarius & Vegetus, ac deinceps adhuc edidit elaboratissima & consummatissima profectò, in quibus invenies Juvenilem ardorem, alacritatem, ac vim mentis omnia penetrantis incredibilem. Quae nuper etiam ab exteris Auctoribus in Germaniâ observata & meritis encomiis laudata sunt.

Mores ejus erant ad prisca seculi simplicitatem compositi. Consortium ejus erat jucundissimum, omnibus gratum, & nemo facile illo in communi convivio inveniri potest suavior, procul habito vaniloquio & turpiloquio omni. Candorem spirabant
omnia

omnia ejus dicta & facta, pari cum prudentia civili conjunctum, & verè se juxta symbolum, quod sibi sumserat, multorumque Albis inscripsit, composuit. Quod erat hoc Evangelicum Domini nostri dictum, *Estote prudentes ut Serpentes, & simplices ut Columbæ.*

Statura ipsi corporis erat justa. In Vultu modesta quædam gravitas cum comitate & sermonis affabilitate juncta apparebat. In oculis vigor & mentis acies resplendebant. Cultus corporis nec comtus nec sordidus erat. Structura corporis valida, robusta & adversus aeris injurias obfirmata, etiam in ipso senio, unde spes affulgebat ipsum per multos adhuc annos vitam protracturum. Sed venerat letalis dies & hora, a summo Numine determinata, fixusque vitæ terminus quem nemo transgreditur. Die 18. præcedentis mensis, in lecto decumbens, summo mane, & inter amplexus charissimæ uxoris evigilatæ, multorum eruditorum morbo corripitur; qui mox sensuum hebetudinem induxit, usumque Linguae abstulit, postea non nisi ad brevissima momenta quædam restitutum; & quo adversus omnia remedia ingravescente, nec Deo nobis in precibus repetitis occurrente, die xxx. Januarii, placide in Domino obdormivit, has terras mortalium sedes reliquit, in cælestem patriam & Paradisum introiit, & feliciter expertus est, quid sit mori, dissolvi & esse cum Christo, & in consortio Spirituum Justorum Consummatorum in cælesti Hierosolyma.

Historiam funesti morbi accuratissimè descripsit Inclytus hujus Civitatis Medicus Dr. WILH. MYLIUS
hifce

hisce Verbis. Anno 1727. quo Febres omnis generis continuæ & intermittentes autumnales hîc Leidæ grassabantur, Vir doctrina & meritis Clarissimus JOH. à MARCK, anno ætatis suæ 72. pariter cum omni populo circa finem mensis Octobris tentabatur duplici tertiana continua, ingravescente quotidie cum sensuum hebetudine & memoriæ & virium imbecillitate, quæ magno Viro minabantur interitum. Aliter vero placuit Deo T.O.M. nam intra dies decem vitæ periculum depulsum, morbi vis fracta & continua febris mutata est intermittentem, quam convenientibus medicamentis & exquisita diæta intra mensis spatium superavit, remanente vertigine tenebricosa, quæ primo vere evanuit: dehinc sanus & hilaris vixit ac se suasque animi excellentes dotes consueto literario labori dedit, ac meditando, scribendo, corrigendo horas subsecivas plus debito impendit, quibus mentem fatigavit atque animi vires debilitare non destitit, oblitus monitionum Medici sui: ne nimium cogitationibus subtilioribus mentem labefactare velit. Agebat nihilominus indefessus per subsequendum annorum decursum, in quo plus solito interdum vigilans, interdum cibi inappetens sæpissime de vertigine questus est non continua sed interpolata, adeo ut multas hebdomadas bene valuerit & fanitate satis laudabili usus sit. Tandem initio hujus anni 1731. morbus vertiginosus invaluit, contra quem medicamen quidem rogavit, sed non vel vix assumpsit, senectuti adscribens cerebri infirmitatem. 17°. Januarii quietus animo nec corpore delassatus lectum

lectum petiit, mediam post noctem insomniis turbulentis expergefactus est, ac uxori amantissimæ injucundas menti repræsentatas ideas significavit: nec mora longa, incidit mox in somnum gravem cum respiratione sibilosa ac stertore, ex quo Virum Cl. non nisi difficulter potuit suscitare fidissima Conjux, mariti humeris horsum vorsum motis, Viro Cl. iterum relabente in somnum profundissimum. Rei periculo perculsa Domina me Medicum accersi jussit hora matutina sexta, 8°. Januarii; inveni Cl. Virum profunde dormientem, excitavi motu quatiente; oculos aperuit, mutus ad interrogata non respondit & mox altè dormivit; facies erat pallida, respiratio difficilis cum stertore & sibilo, pulsus parvus ac debilis; deprehendi Cl. Virum laborare Cataphora seu Comate somnolento, habentem nunc annos 75, motus sanguinis & animi vis unà dormire videbantur; quare stimulis arte medica sæpe probatis excitare Cl. Virum adnixus fui, clysteribus nempe acrioribus, vesicantibus & epispasticis, frictionibus, atque spirituosorum & confortantium usu interno & externo. Hisce intra dies quatuor coma somnolentum mutabatur in vigil, & spes restituendæ sanitatis si non integræ saltem particularis affulsit. Mentis sanæ indicia adstantibus monstravit, nutu enim, tactu & visus hilaritate, atque paucis verbis animi vigorem exprimere conatus est. 6°. & 7°. a morbi invasione die, febris accessit, quæ talibus morbidis solet esse proficua, nostro verò ægroto nunc Lethargico hemiplegiam apportavit. Membra quæ huc usque moverat Vir Cl. a dextris delas-

fata & absque motu proprio a me elevata ceciderunt, nec illa tollere aut movere potuit, pulsus per totum morbi decursum parvus, debilis & vigente febre celerior, contractus & inæqualis morbi periculum significavit comite fastidio cibi & potus. 8°. die apparuerunt Aphthæ albæ, fauces, palatum, labia, totum os internum occupantes, quousque, decrefcentibus viribus, motu, voce, appetitu omnis cibi & potus, anxietates & totius machinæ debilitas vitæ periculum auxerunt, & Vir Cl. bene agendo defefam vitam cum morte mutavit 30°. Januarii, irritis adhibitis felectioribus omnibus, quæ ars medica, fida dexteritas, longa experientia aliis & similibus ægrotantibus multoties proficua exporrigere infueverunt. Haftenus Doct. MYLIUS.

Ita Natus est, ita Vixit, ita Mortuus est Magnus Theologus JOHANNES MARCKIUS! Non invidemus tibi, Beatissima Anima, fortunatas cœlestium sedes, jucundissimam & sanctissimam Quietem ab omni opere tuo molesto, Intuitum eorum coram lætissimum quæ nos credimus & speramus. Absolveras opus tuum, certamen certaveras, cursum finiveras, coronam nunc accepisti, Tibi toti etiam in corpore gloriofè refuscitato imponendam in die illo.

Non Te deflemus, Beate MARCKI, millies nobis feliciorem, sed Viduam dulci vitæ solamine orbatam, Liberos parente optimo destitutos, Academiam & Ecclesiam utilissimo & incomparabili Doctore privatam utramque. O Damnum irreparabile! O nos infelices, quibus datum non fuit Ei abituro a nobis ad Cœlestem patriam pro tot acceptis beneficiis,

eius, & operis pro Ecclesia præstitis, adhuc semel debitas gratias agere! vel unum verbum consolationis ac benedictionis paternæ, ex ore moribundi Patris verè aureo audire!

Sed quorsum me abripiunt affectus mei! Diu satis locutus erat; & loquetur in Scriptis relictis, quamdiu veritas & pietas in Belgio remanebunt supersistentes. Agamus potius gratias benignissimo Numini, qui tam diu ingens illud Lumen terris nostris concessit, omnium Professorum totius Belgii jam a multis annis, & Pastorum, excepto fortè uno vel altero nunc emerito, antiquissimum. Temperemus quoque doloribus & gemitibus nostris. Reliquit Viduam moestissimam, sed verè Christianam, fide & spe animam erigentem, & in Connubio suo Spirituali stabili cum Christo sponso omnem spem & unicam consolationem suam collocantem, ac æternas cum Agno nuptias jugiter & fervide meditantem, desiderantem, expectantem. Reliquit Liberos, sed adultos omnes, Politicis & Ecclesiasticis Muneribus spectabiles, venerabiles, opibus florentes, pietate insignes, Civitatis & Ecclesiæ decora-
menta.

Reliquit Academiam & Ecclesiam, sed & simul post se non Unum Elisam, Filios Prophetarum, & quidem in Academia Viros magnos, insignes Theologos FABRITIUM & HONERTIUM, cum quibus socias dextras jungam Ego ad studia juventutis sacrae promovenda, quamdiu spiro & spero.

Ite igitur A. & Miramini MARCKIUM, quem præsens ætas mirata fuit, & secutura stupefcet, Excel-

I N D E X

ALTER VOCUM QUARUNDAM AC RERUM PRÆCIPUARUM.

A.

Adam quo sensu Filius Dei Adoptivus. Pag. [598](#), [599](#)
— malè dicitur proprius Dei Filius. [599](#)

Adoptivi Filii Dei vocabulum de Christo non adhibet Cremerus, sed rem ipsam ei tribuit. [597](#), [598](#), [599](#)

Adorari debet Christus in carne assumpta visibiliter præsens : sed non ubi præsens est tantum vel repræsentative, in imagine, ut in Eucharistia, vel operative, ut in sanctis Viris. [565](#), [566](#)

Adoratio Civilis & Religiosa in quibus differant. [559](#)

— Religiosa Christi Primogeniti mandatur Angelis. [559](#), [560](#)

— ab ipsis quoque est præstita. [561](#), [563](#)

— ex qua sequitur Christi summa Deitas. [563](#), [564](#)

— Religiosa, seu Invocationis honor, non potest dari Creaturæ nudæ ex Dei arbitrio. [563](#), [564](#)

— Ejus externa demonstratio non debet fieri coram Imagine. [564](#)

Afflictiones graviores corporales non indicant semper graviora peccata. [36](#)

אהרן quid notet. [168](#)

אלהים, an Nomen Naturæ, uti Guffetius vult. [549](#), [550](#)

— notat ex origine Venerabilem. [ibid.](#)

— datur Diis fictis Gentilium. [550](#), [553](#)

— & iudicibus. [550](#), [551](#)

— & Angelis bonis. [551](#), [552](#), [555](#)

אלהים quibus Adoratio Domini imperatur, non sunt Elilim: Dii ficti. [553](#)

— sed iudices terræ & inprimis Angeli Boni. [554](#), [555](#)

Altare holocausti quo sensu Dei dicatur. [132](#)

— illud circumire quid sit. [119](#)

— illius Ambitum soli sacerdotes circumibant. [133](#), [135](#)

— quo sensu David hoc sibi tribuat. [135](#)

— an figuratum an proprie dictum Altare sit, quod circumire solebat David. [135](#), [136](#)

ἁγία propriè sumitur abstractivè, sed improprie concretivè in scriptura. [609](#), [610](#), [618](#), [619](#)

Ambitus Altaris, Ambulacrum Sacerdotum. [134](#)

Aménitas Jehovæ seu Amabilitas, quam petit Moses, quid sit. [343](#)

— cur dicat, sit super nos. [343](#), [344](#)

I N D E X

Amœnitates Tabernaculi Levitici,
quænam fuerint. [171, 172](#)
Amor justitiæ, quo sensu Messia
tribuitur. [231, - 233](#)
Amphilochii Iconii Episcopi memo-
rabile dictum & Factum apud
Theodosium. [501](#)
Angeli nomen non datur Patri nec
Spiritui Sancto. [5](#)
— cur detur Filio. [6, 7](#)
— cur dicti sunt Elohim. [556](#)
— non sunt adorandi. *ibid.*
Angelolatria obtinuit apud Judai-
zantes Christianos. [554, 556](#)
Angelus Domini in Rubo apparens,
Filius Dei. [3, 4, 5, 6](#)
Aïoula in Loco [L. Joh. III. 4.](#) non
significat Exlegitatem seu Caren-
tiam Legis, sed Dislegalitatem
seu Disconvenientiam cum Lege
Dei. [614, 615, 616, 619, 620](#)
Apparere quo sensu dicatur Deus. [7](#)
Aras Circumcurrere Gentiles sole-
bant. [141](#)
Aratrum solo Jerosolymitano im-
pressum, juxta Vaticinia. [654,](#)
[655](#)
Arminii & Arminianorum sententia
de Fide Patrum. [142, 146](#)
Atrium Levitarum ingressi quo-
que sunt Privati, & circumvive-
runt illud. [140, 141](#)
Aurum Opbir. [273, 275](#)
— sponsæ Regis Messia tribu-
tum referendum est ad *Diadema*
aureum capiti ejus impositum.
[275, 276](#)

B.

Baptismi Christiani Convenientia
cum miraculoso Israël's Bap-
tismo in Nube & mari. [484,](#)
[486](#)

Baptismorum Doctrina, a Paulo me-
morata. [475, 476](#)
Baptismus Christianus, quare dica-
tur *Lavacrum Regenerationis.* [499](#)
— ex Baptismo Profelytorum
ortum traxisse volunt quidam.
[458, - 460](#)
— Alii ex Baptismo a Saddu-
cæorum, Pharisæorum, Esse-
norum sectis usurpato. [464](#)
— unde ortum traxit. [498, 499](#)
Baptismus multiplex apud Judæos in
usu fuit. [458](#)
— in Nube & Mari. [477, - 486](#)
Baptismus Profelytorum, a Judæis
traditus. [444, 445](#)
— a quibus *Auctoribus* inter
Christianos superiori seculo pri-
mò memoratus fuerit. [447, 450,](#)
[459, 460](#)
— *Causa* cur *Circumcisioni* jun-
ctus fuerit in profelytis. [448, 497](#)
— *Origo* Ejus: an ex *Historia*
Jacobi Patriarchæ. [450, 471](#)
— an ex *Lotione Vestium* apud
montem Sina imperata. [446](#)
— an ex *sanguinis Fœderalis*
aspersione, facta a Mose Exod.
xxiv. [474](#)
— an ex *Circumcisionis* usu apud
Gentes quasdam, ex quibus pro-
felyti fiebant. [497](#)
— an ex *communi populorum*
more, mutationem magnam, *ab-*
lutionis signo indicantium. [498](#)
— an verò ex *Doctrina Rege-*
nerationis. [498](#)
— *Ufus* Ejus *Hodiernus* apud
Judæos. [445](#)
— *Antiquus*; tempore Mai-
monidis. [451](#)
— & in Christianismi primordiis,
[451](#)
— a Juvenalis Scholiaste nota-
tus, & ab Arriano Epicteti Com-
men-

VOCUM ET RERUM.

- mentatore. [451](#), [452](#), [453](#), [454](#),
[455](#), [460](#)
- ante *Johannem Baptistam*. [455](#)-
[460](#)
- quare hoc Grotius & non-
nulli Socini Affectu urserunt.
[462](#) - [464](#)
- quorum consecraria ex Bap-
tismo hoc proselytorum confe-
crato in Sacramentum N. T.
rejiuntur. [465](#)
- Perpetuò inde a monte Si-
nai obtinuisse volunt *Judæi*. [445](#),
[446](#)
- Paullò ante *Johannem Bap-*
tismum incepisse dicunt Alii. [447](#).
[449](#)
- quod negant *Owenus*, *Werns-*
dorffius, *Zeltnerus*. [466](#)
- Horum *Rationes* adducun-
tur, nempe: Tum *Silentium*
Scriptorum Veterum ex *Judæis* &
Gentilibus. [467](#), [468](#)
- & *Scripturæ Sacræ*. [469](#), [470](#)
- ex quâ *Rabbini* Loca quæ-
dam pro Antiquitate hujus Bap-
tismi frustra laudarunt. [471](#), [472](#).
[474](#)
- nec non *Christiani Recen-*
tiores. [474](#) - [486](#)
- Tum *Loca Scripturæ*, quæ
usui Baptismi hujus ante *Johan-*
nem repugnant. [486](#) - [488](#)
- Stante Templo secundo ob-
tinuisse inter *Judæos* negat *Werns-*
dorffius, qui *Judæos* illum a *Chri-*
stianis accepisse conjicit. [488](#),
[489](#)
- cui sententiæ haud contem-
nenda argumenta opposuerunt
Zeltnerus & *Buddeus*. [489](#) - [492](#)
- *Zeltnerus* à Baptismo *Johan-*
nis ortum traxisse hunc prosely-
torum Baptismum autumat. [492](#).
• 494

- Sententia Auctoris de tota
hac Controversia proponitur &
exponitur. [494](#) - [500](#)
- Baptismus Sincriticus*, mandatus E-
xod. xix. [10](#), [14](#). non fuit in *augu-*
ralis. [472](#)
- Baptismus* nunquam pro Palma sumitur.
[12](#), [13](#)
- quid notet ex origine & u-
su. [13](#) - [30](#)
- Benedicere alicui* quid sit. [216](#), [217](#)
- *Messias*, hominibus tribu-
tum. [217](#)
- & Deo Patri adscriptum,
quid dicat. [217](#) - [219](#)
- Bibere de torrente in Via* in *Psalmo*
ex. 7. tribuitur: non volatilium
cuilibet, nec Deo Patri, sed *Mes-*
sias. [353](#) - [356](#)
- de *Messia* dictum, signifi-
cat: non *Frugalem Vitam* ejus, nec
Refoetillationem in mediis *Passio-*
nibus & sensu iræ Dei. [366](#)
- nec *acerbissima* & *gravissima*
mala pati. [367](#) - [371](#)
- non *mortalitatis* humanæ ef-
se consortem. [371](#), [372](#)
- nec *Humiliationis* ac *Pauper-*
tatis esse subjectum. [372](#), [373](#)
- sed summum *Ardorem* & *Ze-*
lum *Messias*, in opere salutis no-
stræ per *Passiones* *Vicarias* con-
summando. [373](#) - [375](#)
- *Via*, non ad *Torrentem*,
sed ad *Messiam*, in hoc *Oracu-*
lo Davidico debet referri. [360](#)
- Bis* inductus dicitur *Christus* in
Mundum. [520](#), [521](#)
- primò ante *Legem* *Mosis*.
[537](#)
- secundò post *Exaltationem*
per *Prædicationem* *Euangelii* in-
ter gentes. [537](#) - [540](#)

I N D E X

C.

Celestia per cultum Leviticum
præfigurata, quænam sunt.

172

Cæsar, olim genituræ nomen, nunc
imperii.

512. 583

Calamo Scribæ velocis cur compa-
retur *Lingua Davidis*.

186. -

Cananae Terræ angustia & tristis
facies ab Hieronymo notata.

196

Præstantia descripta.

391

Canticum Amorum vel *Dilectarum* cur
dicatur *Psalm. XLV*.

410

Capitis Exaltatio, quibus tribuatur.

178

Messie tributa quid notet.

361

Cerimonie Legales fuerunt Typi

376. 377

Christi sponsoris, & sacramenta
Gratiæ Ejus, & spirituales cul-
tum simul adumbrarunt; Piis
Israëlis id bene intelligentibus.

145. 155. 171. 172

Christianorum Nomen Novum præ-
dictum.

308. 310. 653

Christi Deitatem summam probat
Paullus in initio *Ep. ad Hebr.*

504. 563

Christus qua Filius Dei Patri *ισως*
μω.

501. 503

non potest statui Filius Dei
metaphoricus, salva Filiatione e-
jus Divina naturali, ac Personæ
Unitate.

572

etiamsi habeat *eminenter* id
omne quod nudam creaturam
Filius Dei *metaphoricum* efficiat.

ibid.

sicuti habet *eminenter* id om-
ne quod Deum *Nuncupativum* fa-
cit, & tamen non est, nec ap-

pellari debet *Deus Nuncupativus*.

572. - 574

quo sensu iterum *introducitur*
dicatur in orbem terrarum.

504

nusquam dicitur Sacerdos
secundum *Ordinem Abaron*.

517

quomodo est *Desiderium om-*
nium Gentium.

538

Circumire Altare Jehovæ, quid sit.

119. 133

pedibus *circumire Ambula-*
erum Ejus solius fuit *sacerdotis*
Aharonici.

133

quam *Circuitionem* Ejus sa-
cerdotibus propriam sibi non tri-
buit David, nec *immediate*, nec
mediate per Sacerdotes, Canto-
rumque choros, aut *Victimas*,
nec in *Spiritu*.

135 137. - 139

sed aliam quæ fiebat ab *Is-*
raëlitis, non in *ambitu Al-*
taris, sed in *solo Atrii*.

138.

Non modò solenniter in

139

Festo *Tabernaculorum*.

139. 140

sed etiam in quotidianis sa-
cris.

140. 141

quem in finem sic *circump-*
vit Altare David, indicatur.

141.

142

Cognitio Christi omni adulto neces-
saria ad salutem sub utraque Oe-
conomia.

97

notat quandoque multitudi-
nem aliquam.

107

כל אלהים non est *Universitas*
Dei, a Deo creata, sed sunt om-
nes Dii dicti.

548. 549

Concupiscentia in Renatis reliqua ve-
ri nominis peccatum est.

622

Confiteri Christum, quid sit.

314

Consortes Messie, præ quibus Un-
ctus perhibetur; nec omnes *Ho-*
mines; nec omnes *Fideles*; nec

adeo

VOCUM ET RERUM.

adco *Sacerdotes* aut *Prophetae*
Veteris, aut *Ministri* Novi Test.
sed *Reges*. [246, 249](#)
Coronæ vocabulum unde. [141](#)
— aurea Regio sponso & spon-
sæ imposita. [276, 277](#)
— est emblemata Vitæ cælestis.
[277, 278](#)

D.

David, credidit in Messiam
sponsorem moriturum. [131](#).
[155](#)
— scivit mysteria Tabernaculi
Levitei [141, 143, 155](#)
— ter Unctus. [156, 157](#)
— quomodo toto vitæ suæ tem-
pore habitare potuit in Taberna-
culo. [167](#)
Desiderium omnium Gentium Chri-
stus. [538](#)
Deus, dicitur *Messias*, non ob Dei-
tatem metaphoricam, sed ve-
ram & summam. [238, 239](#)
— quomodo ungi possit. [239](#)
— unguis Christum est Pater.
[ibid.](#)
— non Spiritus S. [240](#)
— quare Pater dicatur *Deus*
Christi. [240, 241](#)
Dextera, an semper honoratior ha-
bita sinistrâ apud Hebræos. [264](#),
[265](#)
— est symbolum Potentiæ,
Auxilii, ac Liberalitatis. [267](#)
Dextras jungebant in *Federibus*,
Pacis, Amicitiae ac Matrimonii.
[268, 269](#)
Diadema aureum Reginae sponsæ
impositum emblemata Gloriæ ac
Vitæ cælestis. [277, 278](#)
Diligere justitiam quid sit. [230](#)
Domus Dei vocatur Tabernaculum
Leviticum. [163](#)

Domus Dei in Psalmo xxvii. 4. non
Ecclesiam militantem aut trium-
phantem significat, sed *Taberna-*
culum Leviticum vel Davidicum.
[165, 166](#)
ךיד quid notet. [310, 313](#)
Duratio Oeconomiae N.T. [294, 301](#)

E.

Eלדעו, quomodo sumatur. [529](#).
[531, 537](#)
Eldad & Medad, cur manserint in
Castris. [86, 87](#)
— cur Josua petierit a Mose
ut illis prohiberet, ne propheta-
rent. [87](#)
Elobim, vide אלהים
Epimenides, quo sensu *Propheta* di-
catur. [94](#)
Euangelium æternum, ante Legem
prædicatum. [537, 538](#)
— post Legem solis Judæis.
[538](#)
— Post Christum omnibus an-
nunciabitur, usque ad finem se-
culi. [ibid.](#)
Exaltatio Capitis Messiae. [376, 377](#)

F.

Facere peccatum, duplici sensu
dicitur in Sacris. [611, 613](#)
— quomodo sumatur in Dico
Johannis i. Joh. [iii. 4.](#) [613, 614](#)
Fide solâ Unio illa relativa nostra
cum Christo sponsore ac sponso
efficitur, quæ jus dat in Foro
Dei ad omnia ejus bona. [147](#),
[148.](#) [263, 264](#)
Fidei Actus justificatorius describi-
tur. [271, 272](#)
Fideles, etiam sub N. T. sunt ut
plurimum viles & ignobiles, &
quare. [260, 261, 278, 279](#)
Aaa aa [Fideles](#)

I N D E X

Fideles sunt præstantiores reliquis hominibus. 296
 ——— quo sensu *Principes* & *Domini Terræ* dicantur. 296. - 298
 ——— singuli, nunc *Virgines* dicuntur *Sponsam* comitantes, nunc *Filii Matris Ecclesiæ*, nunc *Patris Christi*. 287. - 289
Fides, *Davidis* in *Christum* moriturum sponforem. 131
 ——— *Patrum* fuit in *Christum*, non modo venturum & regnaturum, sed & instar *Victimæ* moriturum pro peccatis. 142, 144
 ——— necessaria hæc est ad justificationem, quod contra *Rem.* probatur. 145. - 155
 ——— mandata fuit *Veteribus*. 150
 ——— & exercita ab iis. 153, 154
Figurata Nomina, λέγεται, *Sapientia*, *Imago*, dari possunt *Christo*, & propter *Naturam* divinam, & propter *Oeconomiam*, ex quo tamen non sequitur *Oeconomica* ejus generatio. 578, 579
Filiæ Regum, quænam sint, notatæ in *Psalm. xlv. 10.* 257. 260
Filii hominis, quinam sint. 202
Filii ob Iniquitatem Patrum puniendi, sunt in primis secundæ, tertiæ & quartæ generationis, parvuli & adulti, utriusque sexus, non omnes tamen & singuli. 43, 44
 ——— *obligati* Deo in parentibus. 69
 ——— non solum *Reprobi*. 77
 ——— neque *Patrisfantes* tantum ac *Imitantes* peccata *Patrum*. 38, 39
 ——— ut *Judæi* volunt, *Patres* nonnulli, Aliique ex nostris. 61
 ——— quorum novem *Rationes* referuntur. 61, 62, 63

———— ad quas respondetur distinctè. 64, 65
 ——— quinque *Argumentis* hæc sententia de *Filiis Patriſſantibus* modò puniendis, refutatur. 70, 73
Filii Messiæ promissi sunt *Fideles*. 286, 289
 ——— *Futuri pro Patribus* id est eis similes. 290. - 295
 ——— & *Principes* in tota terra, & super eam. 295. - 298
Filium Dei metaphoricum esse, nudæ tantum creaturæ est. 573
Filium Dei esse *Christum* tantum secundum *Naturam Divinam* est *Communis* nostrorum *Theologorum* sententia cum *Piscatore*, *Coccejo*, *Vitringa*. 576. 587, 588
Filius Dei proprius nunquam potest fieri ejus *Filius* metaphoricus vel *Adoptivus*. 594, 595
 ——— sed *servus* officii. 595
Fratres Christi, quinam sint, & quare *Fideles* ita dicantur. 513, 514, 518, 585
Fratrum *Nomen* quibus datur. 585
Frigus & tepor in *Religione* damnantur, & causæ eorum indicantur. 112, 113

G.

Generatio & Generatio, in quibus memorandum *Nomen Messiæ*, quid sint. 310. - 313
 ——— *Tertia* & *quarta*, quibus paternum crimen imputatur, quænam sint juxta *Veteres* & *Recentiores*. 54. - 57
 מַעַץ in *Psalm. xlv. 2.* non est stylus ferreus, sed vel *Calamus arundineus*, vel *penna*. 185, 186
 עליון אל תִּתֵּן propterea, præponitur

VOCUM ET RERUM.

nitur frequentissimè Effecto & Consequenti, rarius Causæ & Antecedenti. 204. 220, 221.

228. 234, 235.

250. 315, 316

Gratia Dei quotuplex. 210

— *חן / חֵן* simpliciter posita quid notent. *ibid.*

— Labiorum, quid sit. *ibid.*

— in Labiis Messiae effusa, quid sit. 209. - 216

H.

ה Vocativis præfigitur aliquando. 236

Habitatio Davidis in Tabernaculo manufacto per omnes vitæ dies. 167

— cur illam petierit a Deo. 169, 170. 173

Habitator Rubi. 4

Hæreditas Mundi Abrahamo promissa. 420. 424, 425, 426

Hæreditas Terræ piis promissa. Vid. Terra.

Hircorum duorum in die Expiationis Mysterium. 260

הוה quid notet. 314

השתחוה quid significet. 588

I.

Iehova יהוה quare Deus dicatur. 91

יקר & יקרה, quid notent. 257, 258

Jerosolymitanum solum, cognitu hodie difficile. 658

— in illo Idololatria Pagana est exercita post Excidium urbis juxta prædictiones. 656

— Aratrum ei est impressum juxta Oraculum Michæ. 654, 655

Jerusalem hodierna non est Jerusalem antiqua. 658

— Ejus Ingressus interdictus olim Judæis. *ibid.*

— in Aeternos cineres redacta est antiqua Jerusalem. 662. 664

Ignis Flamma in Medio Rubi, quid. 8, 9

— non fuit lambens sed urens. 19

— non fuit emblemata Mosis Rectoris populi, nec Legis igneæ, nec Spiritus sancti, nec Christi, aut Deitatis ejus unitæ cum Humanitate. 21, 22, 23

— nec Iræ Divinæ, quam in Humanitate sustinuit Christus. 23, 24

— Sed Christi in Medio Ecclesiæ habitantis, instar ignis Lucis in ea, & simul urentis, eamque admirabilem & terribilem efficientis. 30, 31

Ignorantia Mortis Christi Vicariæ in Discipulis ejus, unde orta. 151

Imago Dei, quo sensu dicatur Christus. 578, 579

Imputatio Criminis Paterni iusta, si fiat a Deo. 80. 82

— injusta, si fiat ab hominibus. 65. - 67

Indifferentia in Religione detestabilis est hodie multorum hæresis. 111, 112

— Ejus Causæ. 112, 113

Inductus est Christus in orbem terrarum iterum secundò. 520

— non per iteratam de Incarnatione Prophetiam. 521

— neque per Institutionem Geographicam. 528, 529

— neque per Incarnationem factam post promissiones & Apparitiones. 529, 530

A a a a a 2

— ne

I N D E X

- neque per *Resuscitationem* ex morte. [531](#)
- neque per *Adventum futurum* ad *Judicium Universale*. [532, - 536](#)
- sed per *Vocationem Gentium*, cum respectu ad *primam* earum *Vocationem ante Mosem*. [536, 537, - 540](#)
- *prædictive* inductus est in *Psalm. xcvi.* [545, 546](#)
- Iniquitas, Patrum* visitanda in *Filiis* non est *Filiorum* illi *Patrum* iniquitati similis, vel a *Patribus* in eos propagata, sed ipsorum *Patrum*. [39 41. 79](#)
- & quidem gravior aliqua, ut est *perjurium, Idololatria &c.* [41](#)
- *Regum Israël*is punita, vel in *filiis*, vel in *nepotibus*, vel in *Abnepotibus*. [52, 53](#)
- Invidia* malum turpe & damnosum. [108, 109](#)
- Invocationis* religiosæ honos creaturæ nudæ non debet dari. [563, 564](#)
- Israel* cur *Populus Dei* dicatur. [92](#)
- ישׂר׳ל* quid notet. [164](#)
- Judææ Terræ* hodierna facies tristis. [662](#)
- Judaica* gentis numerosæ & dispersæ *Conservatio* in hunc usque diem mirabilis est, ejusque *Causæ* recensentur. [667, - 672. 678](#)
- *Prædicta* est hæc ejus *Conservatio*. [673](#)
- Judæi* hodie dispersi & mirabiliter *Conservati* per tot secula, testimonium dant *Providentiæ Dei, Divinitati Scripturæ Propheticae & Apostolicæ, ac Doctrinæ Christianæ*. [649, 650. 667, 668, 669. 679, 680, 681, - 684](#)
- falsam *Causam* hujus suæ diuturnæ *Calamitatis* nominant, quod unus ex iis fuerit, qui se *Deum esse* dixit. [685, 686](#)
- cur comparentur *Arenæ* quæ in *Littore* est. [689](#)
- quomodo revertentur in terram suam. [691, 692](#)
- quomodo sunt *Idololatæ*. [656](#)
- Judæorum Conversio* futura ante finem seculi. [687](#)
- est *Mysterium*. [ibid.](#)
- *Tempus* Ejus occultum, vel obscurius revelatum dum *Tertia* pars dicitur convertenda. [688,](#)
- *Excidium* per Romanos in notabilioribus circumstantiis prædictum. [654. &c.](#)
- *Nomen* unde, & quando incepit. [651](#)
- est hodie *tetrum* ac execrabile, juxta *Oracula prophetica*. [652, 653](#)
- *Regnum* vel *Asiaticum* in Bagdad, vel *Americanum*, nullum est. [662](#)
- *Tertius Ingressus* in *Terram Judæam* nunquam futurus. [663](#)
- Jus Dei Liberum* peccata *Patrum* puniendi in *Filiis*. [37, 38. 51](#)
- asseritur ex *Locis Exod. xx. 5. xxxiv. 7.* [39. &c. 57, 58](#)
- ei renunciare potest *Deus*. [49, 50](#)
- *Criminati* sunt *Judæi, Gentiles, Hæretici Veteres & Recentiores*. [58, 59](#)
- Jus* ad *Omnia* quomodo habeant fideles in *Christo*. [433](#)
- Justificantis Fidei* signa. [281](#)
- Justificationis* gratuitæ, propter *justitiam Christi* vicariam ex *Fide* imputatam, *Doctrina* vix satis dilucide ante *Augustinum* fuit exposita. [148](#)
- Justi-*

VOCUM ET RERUM.

Justificatur Peccator Electus sola Fide, & bona Opera imponuntur justificato. 281

Justitia, quam Messias dilexit. 229, 230. 232

—— *Messiae* Vicaria laudatur in V. & N. T. 251

—— dicitur *Justitia Dei*. 233

K.

Kirjath Sanna, Kirjath Sepher urbs Academica. 10

Knibbe Pater vindicatus. 583, 584

L.

Lalia Messiae. 209

Laudare Messiam quid sit. 314

Lex, omnis quam Christus pro nobis implevit. 232, 233

—— quo sensu jugum *אֲבִירָא*. 252

—— de non occidendis Filiis pro Patribus explicatur. 65, 66

—— hujus *Causae* exponuntur. 66, 67

Lingua Vatis cur *Calamo* Scribe periti, & inprimis celeris, scribentis per *Abbreviationes*, comparatur. 186. 196

Longa Vita Piis promissa, quare non omnibus detur. 437, 438

Lotio ante sacra mandata olim Christianos non obligat. 129

Lotio manuum, *Proprie* dicta, erat vel *Vulgaris* ad Cibus capiendum Communem vel Sacrum, & post Cibus. 120, 121

—— Vel *solemnis* *Judicium*. 121

—— Vel *Sacra* *Sacerdotum*. 122, 123. 129

—— & *Privatorum*. 123, 124. 129

—— a Gentilium moribus non derivanda. 125, 126

—— *Tropice* sumpta quid notet. 126

—— praesertim in dicto Davidis *Psal.* xxvi. 6. 127, 128

—— qui non respexit ibi ad *Lotionem* manuum ante Cibus, nec ad illam *Judicium*, sed ad *sacrum Sacerdotum*. 128. 129

Lotio Vestium imperata apud montem Sinai, non fuit *Lotio Corporis*, ut Rabbini volunt. 472, 473

—— quare mandata tunc fuerit. 473

Lustralis aqua Pontificiorum. 129

M.

Maccabaeorum nomen. 192

Manichaeorum sententia de Mali moralis natura exponitur. 620. Vid. & *Praefat.*

Manifestatio Generationis naturalis Filii Dei perperam dicitur *Nova* ejus *Generatio* in Filium metaphoricum. 575, 576, 577. 579

Manfueti quibus terra promittitur, quinam sint. 383

—— Quare iis terrae *Hereditas* promittatur. 431, 432. 435, 436. 442

Manuum *Lotio*. Vid. *Lotio*.

משכיל Titulus merito *Psalmo* xlv. praefixus. 177

Mediator Christus est in aeternum. 224

Membranae seu *Pelles* cur *Pergamenae* dictae. 185

Memoria Nominis Christi celebranda. 305

Messiae, *Pulchritudo* describitur. 202. 209

A a a a 3 -- gra-

I N D E X

- gratia in *Labiis* ejus effusa. [209. 216](#)
- *Benedictio* a Deo Patre. [216. 219, 220, 221](#)
- *Vestimenta*. [200](#)
- *Sanctitas* & *Justitia* Humana quam habet in cælo non amplius Vicaria. [209](#)
- *Unctio* non causa justitiæ sed hæc Causa *Unctionis*. [228, 229](#)
- *Amor* justitiæ & odium peccati quo sensu ei tribuuntur. [231](#)
- *Labia*. [209](#)
- *Titulus justis* & *sanctis*. [233](#)
- *Adventum* non modo sed & justitiam Vicariam ab ipso adducendam & Gratiam ab ipso promerendam desiderarunt Patres. [320, 321](#)
- Messias* Homo verus ex Hominibus & simul Deus. [203](#)
- *Deus* dicitur in *Vocativo*. [236, 238](#)
- non ob Deitatem metaphoricam sed veram. [238, 239](#)
- *Unctus* proprie ab hominibus, inproprie a Deo Patre. [241](#)
- *Unctus* oleo gaudii. [242, 246](#)
- . . . supra *Confortes*. [246, 249](#)
- *Rex Ecclesiæ* ante & post Incarnationem. [243](#)
- cur *Deus* Israelis dicatur. [342, 343](#)
- quomodo de *Torrente* bibiturus erat. [353, 356](#)
- est principale subjectum Psalmi cx, & versuum *5. ac 6. 7.* [356, 359](#)
- non in *Membris* suis ibi spectatur, sed in *Persona* sua. [359, 360](#)
- quare Rabbini eum vocent *Dominum totius Terræ*. [557, 558](#)
- Ministri* Extraordinarii N. T. quidam *Propheta* dicti, & quare. [93](#)
- Misericordia* Dei in *millibus*. [78](#)
- Moses* Auctor Psalmi xc. [321](#)
- non x. seq. *Psalmorum*. [332](#)
- *Hieroglyphica* *literatura* imbutus. [20](#)
- loquitur in *Psalmo* xc. non in *Persona* populi captivi in *Babele*, nec hodie rejeſti, sed in *deserto* oberrantis. [332](#)
- ut *Minister* *Condemnationis* opponitur Christo, ut *Propheta* comparatur illi, ut *Tellis* subordinatur, & ut *Electus* peccator Fide in Christum Redemptorem justificatus fuit. [341](#)
- *Pastor*. [3](#)
- Ejus *Votum*, dignum singulari attentione ac laudatum in N. T. [84. 88, 89, 90](#)
- Spiritum Adoptionis habuit. [84, 85. 87, 88](#)
- Mosis* *Modestia* & *Manſuetudo* insignis. [108](#)
- zelus pro gloria Dei & salute proximi. [109](#)
- Mubammedis* *Fabula* de Adoratione Adami, Angelis imperata, unde. [552, 553](#)
- Mundus* sæpe pro Gentilibus ponitur. [421](#)
- Mysteria* *Tabernaculi* & *Altaris* *Levitici* sciverunt *Veteres*. [142, 143. 174](#)
- de hisce non recte sentiunt *Judæi* occæcati. [174](#)

VOCUM ET RERUM.

N.

Nabi נביא quid notet ex origine. [92, 93](#)

Naturalis Generationis Christi in Filium proprium Unigenitum *Fundamenta* solida tolluntur a Cremero. [600, 601](#)

נעם & נעם quod notent. [170.](#)

נקיון quid notet. [343](#)

Nomen alicujus quid significet. [132](#)

— *Christi* memorandum in omni generatione. [304, 305. 310.](#)

— Characteristicum secundæ Personæ *Filii Dei* non potest esse, & *Naturæ* & *Oeconomiae* Nomen, etsi Nomina Patris & Spiritus S. talia esse possint. [313](#)

— *Christianorum* Novum prædictum in V. T. [308, - 310. 653](#)

— Nomina Dei triplicis generis sunt juxta Guffetium. [548](#)

Notæ, seu literarum Compendia, olim adhibitæ. [190. 193](#)

— a Legum Codicibus abolendas censuit Justinianus. [194](#)

Notarikon species Cabbalæ theoreticæ. [192](#)

Numinis Habitatio in montibus & sylvis olim credita. [19, 20](#)

Nuptiarum ac Nuptialis Cœnæ tempus est dies N. T. [254, 255](#)

O.

Obedientia Christi vicaria in terris tantum obtinuit. [209](#)

Obligatio omnium hominum in Adamo ad *Obedientiam*, & hac negata ad *Pœnam*, *justa*. [81, 82, 83](#)

Odisse iniquitatem quid sit. [230](#)

— quosensu hoc *Messiae* tribuatur. [231, - 233](#)

Oeconomicam Christi *Generationem* in Filium Dei *metaphoricum* Caput fidei esse necessarium periculose contendit Cremerus. [589, 590](#)

— Per eam Christo tributam evertit ille Naturalem ejus generationem in Filium Dei proprium ac Unigenitum. [600, 601, 602](#)

Oizupim notat: non Cælum. [523-](#)

— Nec Ecclesiam N. T. [525](#)

— Nec Ecclesiam N. T. [526.](#)

— Neque Cananæam Terram. [527](#)

— sed Terram habitatam & habitabilem seu Orbem terrarum. [ibid.](#)

— quo sensu dicatur *μίσσρα*. [527](#)

Oleum pro Unguento. [528](#)

— Symbolum *Deitatis*, & *Donorum* Sp. S. [242](#)

— quæ meritò hoc symbolo figurantur. [244, 245](#)

— *letitiæ*, quo Unctus est Christus. [245, 246](#)

Ophir, Nomen Viri & Regionis. [242, - 246](#)

— an *Ophir* *Tarsibisc* & *Parvaim* sint ejusdem Regionis nomina. [273](#)

— an sit *Ophir* Regio in *America*, an in *Europa*, an in *Africa*, an in *Asia*. [274](#)

Opus gloriosum Jehovæ à Mose expetitur est *Opus* Redemptionis per Messiam peragendum. [274, 275](#)

— *manuum* nostrarum confirmandum a Deo quid *lit.* [333, - 340](#)

— quomodo *Opus* Gratiae in nobis confirmet Deus. [335, - 348](#)

P.

I N D E X

P.

Pædobaptismus cur expresse non legatur mandatus in Euangelio.

460, - 462

— fuit administratus ab Apostolis ex consuetudine Judaica.

461, 462

πάλιν quid notet apud Græcos.

522

Palmarum species.

11

פקדו visitavit de Deo adhibitum, quid significet.

41, 42

Participium pro præsentī, præterito & futuro.

48

Pater æternitatis est Messias.

283

Patres Messie, quinam.

290

— quorum loco Filii ejus essent futuri.

291, - 295

— V. T. desiderarunt Messiam duplici respectu.

320, 321

Peccatum, non est merum nihil, ut impurissimi Gnostici, ex Doctrina de duobus æternis principiis Bono & Malo.

608, 609

— Neque est quid Positivum & Reale, quod variis Rationibus demonstratur.

624, - 626

— Argumenta pro Peccato Positivo & Reali producuntur, & ad ea respondetur.

630, - 632.

640, - 642

— Periculum quod est in hac sententia ostenditur.

642. Vid. &

Præfat.

— Auctores hanc sententiam propugnantes indicantur.

627, -

629

— Sed est privatio Conformitatis cum Lege.

617, 623. &c.

— Proprie, abstractivè sumitur improprie, concretivè.

609, 610

— quomodo sumatur in Disto

Johanneo L. Joh. III. 4. 610, 611.

618, 619

— Ejus definitio apud Joh. explicatur.

609, 610

— quo sensu Veteres esse Quælitatem dixerunt, & Nostri Peccatum Originale pravam qualitatem dicunt.

643, 644. Vid. &

Præfat.

Peregrinari dicuntur Pii in hac terra.

385

Perfectionis Euangelicæ signa.

117.

118

Perficitur Potentia Dei in infirmitate nostra.

1, 2

Pbrasis una eademque in eodem sermone varia significatione quandoque venit.

613

Polygamia & Bigamia Veterum quomodo Figuræ Spiritualis Conubii Ecclesiæ cum Christo esse queant.

259, 260

Populus totus, pro quo Moses petit ut Prophetæ fiant, est vel Universitas Electorum, vel Multitudo ejus aliqua.

107

— Christi, est Populus spontaneus.

197, 198

Pretiosæ Christi sunt Fideles singuli, comparatæ; vel Virginibus, Comitatum Sponsæ constituentibus: vel Uxoribus Regum secundariis.

258, - 260

Primogenitus Dei nunquam & nusquam dicitur Christus in Sacris, nec hoc titulo unquam refertur ad Deum Patrem.

507, 508.

581, 582

— nec commode potest ita dici, vel propter Generationem propriam a Deo Patre.

508, 509

— nec propter Generationem Divinam metaphoricam ac liberam aliquam.

509, - 512

Primo-

VOCUM ET RERUM.

- Primogenitus** absolutè dicitur Christus in Epist. ad Hebr. non respectu matris Virginis. 505
 — neque respectu Dei Patris, ob generationem in Filium proprium, multò minus in metaphoricum. 505, 506, 507. 512
 — sed respectu Creaturarum ac Fidelium, propter eminentiam Personæ, Munerum, Domini ac Regni. 513.-518. 557
 — omnis Creaturæ quo sensu dicatur Christus. 510, 511. 518
 — inter multos fratres. 513. 519. 585
Primogeniti Titulus Christo datus ad Oeconomiam respicit, sed non ad Oeconomicam Generationem. 581.-583
Primogenitus dici potest absque connotatione Genituræ. 512. 582, 583
 — Mundi dicitur Deus. 512. 517
 — Mortis appellatur Diabolus. 512
Primogenitorum Prærogativæ. 507. 512
 — ad quas pertinet quoque Sacerdotium. 516
Principes; quo sensu dicantur Fideles N. T. in tota terra. 295, 296
 — & super eam constituti. 297, 298
Principia duo æterna, Bonum & Malum statuerunt ferè omnes philosophi Gentilium. 608, 609
Propheta Nomina Hebraica & Græca explicantur. 92, 93
 — Vox quid notet strictius & latius sumta. 93, 94
 — Ministri extraordinarii N. T. 93
 — V. T. non tantum vaticinati sunt de Christo sponsore, sed & vaticinia sua illa intellexerunt. 96, 97
 — ut fierent Israëlita, quo sensu petiit Moses. 95. 100
Prophetare quoduplici sensu sumitur. 93, 94. 98
 — ad Musices sonum. 98
Prophetarum defectus hodie sine Causa rapitur in prætextum incredulitatis. 647.-649
Prophetis quomodo Fideles singuli sunt similes. 95.-100
Prophetiæ reales & verbales de Christo morituro pro peccatis. 152
 — Non ita obscuræ sunt, ut vix ulli intelligibiles fuerint. 144.-147. 151, 152
Proprius Dei Filius non est proprio quodam modo Filius. 601
 — pessimè statuitur Adamus Filius Dei proprius à Cremero. ibid.
Profelytorum Baptismus. Vid. Baptismus.
Προγενῆς quid notet. 559
Πρωτότερον non est idem ac **ἄρτιον** prægenitus, vel **ἄριστον** prius genitus. 511
Psalmi XXVI. Auctor & Subiectum est David, non Messias, non Ecclesia N. T. 115
 — ita ut simul in sua Persona Veri Israëlita imaginem depingat. 116
 — XXVII. Auctor, Occasio & Tempus conscriptionis notantur. 156, 157. 406
 — Inscriptio Græca. 156. 158
 — Subiectum, non est Christus, neque Ecclesia N. T. 159, 160
 — sed David ipse. 161
 — Argumentum, Divisio & Analysis. 161, 162

I N D E X

- XXXVII. non est Prophe-
ticus. 422
- XLV. *Titulus ac Prefatio*
exposita. 177, 178, 179
- *Subiectum & Argumentum*
omne breviter indicatum ac ex-
plicatum. 199, 200, 201.
255, 256
- Usus per omnes Generatio-
nes N. T. in Ecclesia futurus.
306, 307, 308
- LXVIII. Auctor David,
non obstante vers. 30. 326
- LXXIV. Auctor Asaph,
non obstante vers. 9. *ibid.*
- XC. Argumentum. 332,
333
- quod Mosaico tempori be-
ne convenit. 331, 332
- XCVII. Inscriptio Græca.
545, 546
- Persona loquens in eo. 547
- Argumentum Analysis &
succincta Exegesis. 530. 544
545
- Non agitur in eo de Ad-
ventu secundo Christi ad judi-
cium. 532, 533
- sed de Regno Messiae exal-
tati per Prædicationem Euange-
lii in Terra tota erigendo. 535
- & de iudicio Dei particula-
ri in Iudæorum Excidio per Ro-
manos. 536
- Ex hoc Psalmo, & non ex
Mose citavit Paulus Oraculum
illud Heb. 1. 6. & adorent eum
omnes Angeli Dei. 540, 541
- Non per accommodatio-
nem, sed juxta sensum literalem,
541, 542
- *Propheticum* de Messiae re-
gno in omnes populos. 542, 543
- Quomodo in hoc Psalmo

- inducatur Primogenitus in orbem
terrarum. 545
- CX. Argumentum. 356
- Psalmi Amiculi & Maccabæi*
Temporis non dantur, ut vult
Radingerus. 327
- Psalterius Ordo*, unde. 329, 330
- *Tituli*. Vid. *Titulus*.
- *Ufus* in Ecclesia N. T. præ-
dictus. 116
- *Propheticus* Criterium a
Gurtlero positum rejicitur. 117
- Pulchritudo Messie* qualis. 102
- Puritas manuum* tropice quid noceat.
116, 127. 130, 131

R.

- R**ecitarunt nonnunquam Prophe-
tæ Opera sua. 180, 181
- Recordari Nominis Christi*, quid sit.
305
- quomodo David fecerat &
jus recordari. 306
- quomodo Spiritus sanctus.
307, 308, 309
- Redemptionis nostre Opus* cur di-
catur *Opus gloriosum*. 339
- Regina ad Dextram Regis* stans,
est Ecclesia Dei militans. 262,
263
- quomodo & quare dicatur
stare ad dextram Regis. 264. 273
- quare *Cornuta*. 278
- Regnum Celorum* obtinuit sub V. T.
423
- magis sub N. T. *ibid.*
- Christi successive tandem
omnia loca terræ occupabit. 311
- *Sanctum* gloriosum in Ter-
ris erigendum describitur. 426, 427
- non est promissum in *Her-
editate* Terræ piis promissa. 427. -
430

Remane

VOCUM ET RERUM.

Remonstrantes Prophetias de Christo morituro pro peccatis obscurissimas, nec ulli ferè intellectas esse volunt. 145, 146, 147

Rubi Genera a Theophrasto & Plinio memorata. 14

Rubus Mosis, symbolum populi Israelis. 12

— --- qualis fuerit. 14, 15

— --- pro Rubeto ponitur. 15. 24

— --- quomodo incensus. 15

— --- igne arsit non consumtus. 15.- 18

— --- Magnum fuit miraculum. 17.- 19

— --- Quid significaverit. 19.- 21

— --- juxta nonnullos fuit symbolum Humanitatis Christi. 22

— --- Emblemata fuit Universæ Ecclesiæ Christi. 25.- 29

— --- & speciatim Populi Israelis. 25.- 28

— --- Dein Ecclesiæ Catholice, etiam sub N. T. 28.- 31

S.

Sacerdos Christus est Divinus, Sanctus, Singularissimus, Efficacissimus, Perpetuus. 516.-

— --- *Aaronicus* non loquitur in Psalmo xxvi. 137

Sacrificia offerre ante Templum ædificatum an cuilibet fuerit permisum. 136, 137

Sacrificiorum Apparatus quare Amantitas Jehovæ dicatur. 171.- 173

Sanctificatio Populi ad montem Sinai imperata quid notet. 473, 474

Scriba velox & expeditus in Psalm.

xliv. 2. non est Christus, nec Sp. S. 181.- 183

— --- sed proprie dictus, Ammanensis. 183, 184

— --- Celer est Notarius, qui utitur abbreviationibus, literarum furtis & notis. 189.- 193

— --- qualis ars tempore Davidis obtinuisse videtur. 193

Scribæ varii recensentur, Politici, Ecclesiastici, Oeconomici, Viri Docti. 183, 184

Scribendi modus apud Veteres varius. 185

Secunda Inductio Christi in mundum exponitur. 520, 521

Seneb נֶחֱד non est Palma nobilis arbor, sed Rubus. 9

— --- notat quid spinosum & aculeatum. 10, 11

Sigla quid sint. 190

Signa Fidei justificantis. 281

— --- Spiritus Adoptionis. 84, 85

Sinai Rubetis inhorruisse affirmatur. 13, 14

Spiritus Sanctus quandoque loquitur in Persona sua in Psalmis. 307

— --- non dicitur Deus Christi, nec cum unxisse. 240

Spiritus a Mose petitus Num. xi. 29. quid notet. 101.- 103

— --- cur super populum dandum petierit Moses. 103

Sponsi & sponsæ coronari solebant & quidem coronis aureis. 276, 277

Stare ad Dextram alicujus, significat: esse in honore & gratia apud eum & cum eo. 266, 267

— --- conferere manum cum aliquo ad oppugnandum eum. 270

— --- Fœdus cum aliquo contrahere. 270, 271

— --- ad Dextram Regis, de Regina

I N D E X

- gina Ecclesia dictum, non est
dextram Regis latus claudere. 264, -
268
- & sic esse: Vel Sociam im-
perii. 265, 266
- Vel in summo bonore, esse
apud Regem, & in gratia cum
eo. 266, 267.
- Vel Objectum Defensionis &
Munificentiae ejus esse. 267
- Vel ad servitium Regis para-
tam esse. 267, 268
- Sed e Regione Regis stare
ad Fedus conjugale cum eo con-
trahendum. 268, - 273

T.

- T**abernaculum Leviticum fuit in
Nob & Gibeon tempore Da-
vidis. 132, 163
- dicitur **היכל** Palatium seu
Templum. 163
- Tabernaculum Davidicum in Tzizon,
in quo Arca erat, & Voluntaria
sacrificia offerebantur. 132, 163
- Mosaicum, ubi fuit tempo-
re Davidis. 132
- Tabernaculum cujus Amœnitates Da-
vid videre cupiebat, an fuerit
Davidicum in Tzizon, an potius
Leviticum in Gibeon. 163, 164
- תחת** quomodo sumatur. 290, 291
- Tarsisch an idem cum Ophir? 274
- תכל** quid notet. 525, - 527
- Theodorus Mopsuestenus negavit Va-
ticinia de Christo sponsore in V. T.
96
- Tempera gentium complenda. 667
- Tempus ante & post Christum cur
dicatur Primum & Ultimum. 294
- Tepor & Frigus in Religione, eo-
rumque Causae. 112, 113

- Terra: pro toto terrarum Orbe. 382
- nunquam pro Cælo ponitur:
ut voluere Patres quidam, quo-
rum Argumenta recensentur &
refutantur. 385, - 408, - 412
- non datur alia Firmamen-
to superior, quam dorsum ejus
vocavit Origenes. 391, 392, 524
- Cananæa an Typus cæli fue-
rit. 408, 409, 410, 412
- Longinqua, quam videbunt
olim Pii. 399, - 404
- Piiis promissa hereditario ju-
re possidenda spectat ad hanc
& futuram Vitam. 380
- non est sola Cananæa. 382
- nec Cælum. 385, - 412
- nec Corpus nostrum gloria
& immortalitate donandum post-
hac. 413, 414
- nec Ecclesia, olim in Terra
Cananæa habitans, & semper O-
ptima pars terram incolentium:
414, - 416
- nec Bona stabilia, desidera-
bilia, gratissima, jucundissima, in-
signia. 417, 418
- nec Terra Gentilium hære-
ditario possidenda à Christianis.
419, - 426
- nec Terra omnis, & Hostium
Ecclesiae inprimis, quatenus in
eâ quoque Regnum Sanctorum
ante finem mundi erigetur. 426, -
431
- Sed est Terra hæc, inferior
pars Mundi, Cælo opposita, cu-
jus promittitur piis hereditas,
id est Possessio legitima, dominica,
jucunda, diuturna, in hac Vita.
431, - 438
- Et est Terra olim renovan-
da, cujus Possessio æterna, mo-
do.

VOCUM ET RERUM

do nobis incognito, piis promittitur. 439-442. 533, 534
 — *Viventium* est: vel Terra hæc quam incolimus oppositè ad *sepulchrum*. 404
 — Vel *Cananæa* oppositè ad Terram Gentilium mortuorum spiritualiter. 407
 — Vel omnis Terra ubi *Populus Dei*, vere vivens, habitat. 158. 166, 167
Tituli Psalmorum Hebraici sunt *Authentici*, quod contra *Mopsuestenum* & *Rudingerum* probatur. 323.-327
Titulis cur careat *Psalterium Arabicum*. 327
Titulus Psalmi xc, Oratio Moſis, quomodo intelligendus. 321, 322
 — est *Authenticus*. 323. 227.-332
Tobu תוֹבָי / quare dicant Judæi fuisse ante Legem Moſis. 537
Torrens emblemata rerum lætificantium. 371
Typicos sensus *Victimarum Leviticarum* sciverunt *Veteres*. 142, 143

V.

V*au* præfixum causaliter. 618
 — disjunctive capitur. 44, 45
Vestes *Messiae* quænam intelligantur in *Psalmo XLV*. 200. 255, 256
Vestium *Lotio*, quare mandata ad montem Sinai. 473
Via *Messiae*, in quâ biberet ex *Torrente*, est *Via Pugnatoris*. 361, 362
 — & *Vita* ejus terreſtris, sancta & calamitosa. 363
 — quare hæc *Via* dicatur illa. 363.-365

Videre *Amoenitates Dei* in *Tabernaculo*, quid sit. 170
Virgines sponsam comitantes sunt singuli fideles. 287
Visitans, *Participium* in *Exodo*, an vertendum sit in præterito, an in præſenti, an in futuro. 48.-54
Visitare peccata patrum in liberis, non necessariò debet *Deus*, est enim *Juris liberi*. 49, 50
 — sed *vult* & *solet*. 51.-54
Visitationem hanc allegorice exposuerunt nonnulli *Patres*. 60
Visitationis hujus *Exempla* ad quartam generationem usque & ultra. 45. 47, 48
 — non est restringenda ad pœnas corporales & temporales. 42, 43. 68. 73, 74.-77. 79
Ultima *Hora* quare *Tempus N. T.* dicatur. 294, 295
Umbrae, quare dicantur *Cerimoniae Legales*. 152
Uncti *Reges* *Israëlis* spiritum acceperunt. 248
Unctio *Messiae*. 228, 229
 — ejus *Causa* meritoria perfecta ejus *justitia Humana Vicaria*. 229. 235. 250
 — *Regum*, antiqua. 248
Unctus *Messias*, a *Deo* *Patre*. 241
 — oleo lætitiæ. 242.-244
 — non semper minor ungente. 239
Unigenitus *Dei* *Filius*, quare dicatur *Christus*. 508. 601, 602
 — non ita dicitur, quia *singulari* modo à *Deo* est *genitus*, aut quia est *Unicus* *Mediator* ut *Cl. Lampe*. 602
 — Potest habere *Frates adoptivos*. 585.-587
Unio *Fidelium* cum *Christo*, ex qua *jus* ad *Bona* *Ejus*, efficitur, non *Amore*.
 Bbb bb 3. re,

Errata sic corrigenda.

Pag. 3.	lin. 9	leg. Num. xxvi 5. 9.
P. 7.	lin. 21	leg. 1. Reg. iii. 5. ix. 2.
P. 11.	lin. 13	leg. Jos. xxiii 13.
P. 19.	lin. 25	leg. per annum unum & alterum
P. 28.	lin. 11	leg. illatas
P. 31.	lin. 9	leg. in admirationem
P. 182.	lin. 24	leg. similitudinis
P. 231.	lin. 7	leg. indicativi
P. 245.	lin. 4	leg. Psalm. cv. 15.
P. 250.	lin. 4	leg. Exaltatio Messiae
P. 275.	lin. 15	ad, lege ac Latinum
P. 548.	lin. 14	leg. Eccles. xii. 13.

